





4-13-a-16



**C V R S V S
PHILOSOPHICI**

Ex doctrina sapientissimi Mag.


**FR. DOMINICI
DE SOTO ORD. PRAED.**

collecti

PER FR. COSMAM DE LERMA
*eiusdem Ordinis Sacrae Theo-
logiae Magistrum.*

TOMVS SECVNDVS.

VNIVERSAM LOGICAM
compræhendens.




R O M A E,
Typis Nicolai Angeli Tinassij
M. DC. LIX.



*Superiorum permissu.
Mo: a. Alia*

Ad Lectorem.


EN iam (studiosè Lector) vt stemus promissis , Logica prodit Sapientissimi Magistri Fratris Dominici de Soto per omnia eius doctrinæ conformis , breuitati tamen , & maiori distinctioni reducta ; plura enim , quæ sapientissimus Magister vnica , et eadem quæstione perstringit , vt distinctione clariora fiant , hic diuersis quæstionibus pertractantur . Nec potui aliqua quandoque non addere , vt diuersis , quæ quotidie oriuntur , sententijs , illarumque fundamentis occurrerem . Ab Auctorum tamen nominibus referendis abstinui , quia passim in recentioribus inueniuntur , et ne opus istud prolixius euaderet . Illud statim sequetur Philosophia , quæ eodem studio elaborata , iam typis mandatur . Interim commentaria in libros de generatione , et libros de anima elaborare contendam , vt statim post Philosophiam in lucem prodeant . Faxit Deus , vt omnia in studentium cedant vtilitatem .



Imprimatur ,

Fr. Raymundus Capisuccus Sacri Palatii
Apostolici Magister Ord. Præd.

INDEX QVÆSTIONVM,
Quæ in hoc tomo continentur.



LIBER I. de Proæmialibus , pagina 1.

Quæstio 1. Vtrum logica sit hominibus ratione eorū proprię formæ necessaria, 1.

Quæstio 2. Vtrum logica sit necessaria ad alias scientias, 11.

Quæst. 3. Vtrum logica sit prius quam omnes aliæ scientiæ acquirenda, 27.

Quæst. 4. Vtrum habitus logicæ docentis, & vtentis realiter distinguantur, 36.

Quæst. 5. Vtrum logica sit scientia, 55.

Quæst. 6. Vtrum logica sit vna scientia specie, 67.

Quæst. 7. Vtrum logica sit simplex qualitas, 75.

Quæst. 8. Vtrum logica sit habitus practicus, an verò speculatiuus, 94.

Quæst. 9. Vtrum obiectum logicæ sit ens rationis, 104.

LIB. II. De ente rationis , pag. 128.

Quæstio 1. Vtrum detur ens rationis, & quid sit, 128.

Quæst. 2. Vtrum ens rationis in denominationibus extrinsecis consistat, 137.

Quæst. 3. Vtrum ens rationis solum existat, dum actualiter consideratur ab intellectu, 149.

Quæst. 4. Vtrum à solo intellectu ens efficiatur rationis, 190.

Quæst. 5. Vtrum solus intellectus humanus conficiat ens rationis, 195.

Quæst.6. Vtrum rectè diuidatur ens ratio-
nis in priuationem , negationem, & re-
lationem, 208.

Quæst.7. Vtrum prima, & secunda inten-
tio sint aliquid rationis , 216.

Quæst.8. Vtrum prima, & secunda inten-
tio rationis habeant fundamentum à
parte rei, 224.

LIB.III. De vniuersalibus , pag.233.

Quæst.1. Quid , & quotuplex sit vniuer-
sale, 234.

Quæst.2. Vtrum in rebus dentur vniuer-
salia , 238.

Quæst.3. Vtrum dari possit natura vniuer-
salis separata ab omnibus singulari-
bus , 250.

Quæst.4. Vtrum à parte rei detur vnitas
formalis minor vnitate numerali , 257.

Quæst.5. Vtrum vnitas formalis identifice-
tur cum vnitate numerica , & ad illius
multiplicationem multiplicetur , 268.

Quæst.6. Vtrum in rebus creatis detur na-
tura aliqua habens à parte rei vnitatem
formalem communem pluribus, 279.

Quæst.7. Vtrum à parte rei , & anteceden-
ter ad operationem intellectus detur
vniuersale formaliter, 293.

Quæst.8. Per quam actionem intellectus
fiat vniuersale formaliter , 304.

LIB.IV. De Prædicabilibus , pag.334.

Quæst.1. Vtrum vniuersale adæquatè diui-
datur in quinque prædicabilia , 334.

Quæstio 2. Vtrum vniuersale sit genus ad
quinque prædicabilia , 347.

Cap.

Cap. De Genere , pag. 356.

Quæst. 3. Quod sit definitum in definitione generis , 356.

Quæst. 4. Vtrum definitio generis sit bona , 373.

Quæst. 5. Vtrum compositio ex genere & differentia sit vera compositio , & an sit realis vel rationis , 388.

Cap. De Specie , pag. 406.

Quæst. 6. Vtrum definitio speciei subijcibilis sit bona , 406.

Quæst. 7. Vtrum definitio speciei prædicabilis sit bona , 416.

Quæst. 8. Qualiter in specie respectus subijcibilis & prædicabilis inter se comparentur , & secundum quem illorum fit vniuersalis , 421.

Quæst. 9. Vtrum genus in vnica specie , & species in vnico possit saluari indiuiduo , 428.

Quæst. 10. Vtrum natura creata , cui plura habere indiuidua repugnat , possit esse species prædicabilis , 437.

Quæst. 11. Vtrum definitiones indiuidi à Porphirio assignatæ sint bonæ , 459.

Cap. De Differentia , pag. 465.

Quæst. 12. Vtrum diuisio differentia in communem , propriam , & propriissimam , & aliæ differentia diuisiones sint bonæ , 465.

Quæst. 13. Vtrum diuisio differentia in communem , propriam , & propriissimam sit analogia , 473.

Quæst. 14. Vtrum definitiones differentia à Porphirio assignatæ sint bonæ , 478.

Quæst. 15. Vtrum definitio differentiæ prædicabilis omnibus competat differentiis , 482.

Cap. de Proprio , pag. 497.

Quæst. 16. Vtrū diuisio proprii, & eius definitio rectè assignetur à Porphirio, 497.

Quæst. 17. Vtrum proprium, & differentia constituentur in ratione vniuersalis per ordinem ad speciem, an verò per ordinem ad indiuidua , 507.

Cap. De Accidente , pag. 522.

Quæst. 18. Vtrum definitionem, & diuisionem accidentis rectè tradat Porphirius, 522.

LIB. V. De Prædicationibus , pag. 538.

Quæst. 1. Vtrum concretum de concreto medijs terminis primæ intentionis verè prædicetur , 538.

Quæst. 2. Vtrum abstracta de concretis, & concreta de abstractis medijs nominibus primæ intentionis verè prædicentur , 543.

Quæst. 3. Vtrum abstracta de abstractis medijs nominibus primæ intentionis verè prædicentur , 554.

Quæst. 4. Vtrum medijs nominibus secundæ intentionis concretum de concreto, & abstractum de abstracto possit prædicari, 574.

Quæst. 5. Vtrum medijs nominibus secundæ intentionis concreta de abstractis verè prædicentur , 575.

Quæst. 6. Vtrum secundæ intentiones vniuersales de primis intentionibus singulari-

laribus ; & secundę intentiones singu-
lares de primis vniuersalibus predicari
possint , 580.

Lib.VI. De Antepredicamentis , pag.587.

Quest.1. Quid sit predicamentum, & an-
tepredicamentum; & quare ad predi-
camenta antepredicamenta premittan-
tur , 588.

Questio 2. Vtrum definitiones vniuoco-
rum , & æquiuocorum à Philosopho as-
signatæ sint bonæ , 593.

Quæst.3. Vtrum definitio denominatio-
rum rectè assignetur à Philosopho, 599.

Quæst.4. Vtrum duæ diuisiones antepre-
dicamentales rectè tractantur ad Ari-
stotele , 607.

Quest.5. Vtrum duæ regulæ antepredi-
camentales à Philosopho assignatæ sint
veræ , 612.

Quæst.6. Quid & quotuplex sit analogum,
& quas habeat proprietates , 621.

Quæst.7. Vtrum præcedentes diuisiones
analogorum sint bonæ , 628.

Quæst.8. Vtrum definitio analogorum
attributionis sit bona , 637.

Quæst.9. Vtrum prima proprietas analo-
gorum attributionis in omnibus analo-
gis attributionis saluetur , 642.

Quæst.10. Vtrum secunda proprietas ana-
logorum attributionis omnibus analo-
gis attributionis competat , 655.

Quest.11. Vtrum tertia proprietas analo-
gorum attributionis omnibus analogis
attributionis competat , 664.

Quæst.

Quæst. 12. Vtrum definitio & proprietas analogorum proportionalitatis omnibus illis competant, 670.

Quæst. 13. Vtrum in analogis detur una ratio communis unusque conceptus omnibus analogatis, 678.

Quæst. 14. Quæ sint causæ analogiæ; & an sola transcendentia illam causare sufficiat, 688.

Quæst. 15. Vtrum ens respectu omnium suorum inferiorum sit purè æquiuocū, 699.

Quæst. 16. Vtrum ens ad Deum & creaturas, ad substantiam & accidens sit uniuocum; an verò analogum, 706.

Quæst. 17. Qualem analogiam habeat ens ad Deum & creaturas, & ad substantiam & accidens, 716.

Quæst. 18. Vtrum detur vnus conceptus entis omnino præcisus, & abstractus ab inferioribus, 720.

Quæst. 19. Vtrum ens reale creatum adæquatè diuidatur in decem prædicamenta, 731.

L. B. VII. De Prædicamentis, pag. 735.
Cap. De Substantia, 735.

Quæst. 1. Quid sit substantia, & quod illius constitutum, 735.

Quæst. 2. Qualis sit diuisio substantiæ in primam & secundam substantiam, 744.

Quæst. 3. Vtrum definitiones primæ & secundæ substantiæ sint bonæ; & alia quæ in prima parte huius capituli asserit Philosophus sint vera, 748.

Quæst. 4. Vtrum non solum substantia
crea-

creata, sed etiam Deus ponatur in hoc
prædicamento, 754.

Quæst. 5. Vtrum quinque priores proprie-
tates substantiæ rectè à Philosopho assi-
gnentur, 769.

Quæst. 6. Vtrum esse susceptivum contra-
riorum sit proprietas quarto modo sub-
stantiæ, 788.

Cap. De Quantitate, pag. 794.

Quæst. 7. Quid sit quantitas, & quæ eius
ratio formalis, 794.

Quæst. 8. Vtrum substantia corporea inde-
pendenter & antecedenter ad quantita-
tem actualem habeat partes substantia-
liter & entitatiuè actualiter distin-
ctas, 805.

Quæst. 9. Vtrum quantitas distinguatur
realiter à re quanta, 827.

Quæst. 10. Vtrum diuisio quantitatis in
continuan et discretam sit generis in
species; & linea superficies & corpus
sint veræ species quantitatis continuæ,
pag. 842.

Quæst. 11. Vtrum locus sit propria species
quantitatis continuæ à superficie con-
distincta, 852.

Quæst. 12. Vtrum tempus & motus sint
veræ species quantitatis, 857.

Quæst. 13. Vtrum vnitas quæ est princi-
pium numeri de prædicamento quanti-
tatis addat aliquid supra quantitatem
continuant, 868.

Quæstio 14. Vtrum numerus prædica-
mentalís sit ens reale, ens per se, &

pro;

- propria species quantitatis , 878.
- Quæst. 15. Vtrum oratio sit vera & distincta species quantitatis discretæ , 891.
- Quæst. 16. Vtrum proprietates quantitatis rectè à Philosopho assignentur , 896.
- Cap. De Relatione , pag. 903.
- Quæst. 17. Quid sit relatio secundum esse; & an sit a relatione secundum dici distincta , 903.
- Quæst. 18. Vtrum dentur aliquæ relationes reales , 911.
- Quæst. 19. Quid requiratur ad relationem prædicamentalem , 928.
- Quæst. 20. Quot sint fundamenta relationis prædicamentalis , 935.
- Quæst. 21. Vtrum relationes prædicamentales possint esse fundamentum aliarum relationum prædicamentaliũ , 949.
- Quæst. 22. Vtrum relatio prædicamentalis distinguatur realiter à suo fundamento , 952.
- Quæst. 23. Vtrum relatio prædicamentalis terminetur formaliter ad relatiũ , an verò ad absolutum , 975.
- Quæst. 24. A quo desumatur vnitas formalis numerica relationis , 1004.
- Quæst. 25. Vtrum quatuor proprietates relatiuorum rectè assignentur , 1013.
- Cap. De Quali & qualitate , pag. 1018.
- Quæst. 26. Quid sit qualitas; & an rectè à Philosopho definiatur , 1018.
- Quæst. 27. Vtrum rectè diuidatur qualitas in quatuor species , 1023.
- Quæstio 28. Vtrum rectè assignentur quatuor

tuor species qualitatis, 1027.

Quæst. 29. Vtrum rectè assignentur proprietates qualitatis, 1032.

Cap. De sex ultimis Prædicamentis pag. 1037

Quæst. 30. Vtrum sex ultima prædicamenta sint formæ absolutæ & intrinsecæ, 1037.

Quæst. 31. Quid sint actio & passio, & quarum species, & proprietates, 1046.

Quæst. 32. Quid sint reliqua quatuor prædicamenta, & quas habeant species, & proprietates, 1051.

Cap. De post prædicamentis, pag. 1057.

Quæst. 33. De oppositis, & cuiusvis oppositionis conditionibus, 1057.

Quæst. 34. De quatuor reliquis post prædicamentis, 1062.

LIB. VIII. De Posterioribus, pag. 1066.

Quæst. 1. Vtrum omnis doctrina & disciplina intellectiua sit ex præexistente cognitione, 1072.

Quæst. 2. Vtrum ad demonstrationem sint tria præcognita, & duæ præcognitiones, 1076.

Quæst. 3. Vtrum assensus præmissarum concurrat efficienter ad assensum conclusionis, 1079.

Quæst. 4. Vtrum assensus præmissarum necessitet intellectum ad assensum conclusionis, ita ut necessario in eodem instanti temporis sit assensus præmissarum & conclusionis, 1089.

Quæst. 5. Quid & quotuplex sit propositio immediata & per se nota, 1098.

Quæst. 6. Quid sit propositio de omni, quot
sint

- sint modi per se, & quid sit prædicamentum vniuersale, 1104.
- Quæst. 7. Vtrum rectè ab Aristotele definiatur demonstratio, 1112.
- Quæst. 8. Vtrum præmissæ sint certiores conclusione, 1116.
- Quæst. 9. Vtrum adequatè diuidatur demonstratio in demonstrationem quia & propter quid, pag. 1122.
- Quæst. 10. Vtrum diuisio demonstrationis in demonstrationem quia & propter quid sit vniuoca, 1127.
- Quæst. 11. Vtrum omnis demonstratio circularis sit vitiosa, 1132.
- Quæst. 12. Quid sit scientia, 1137.
- Quæst. 13. Quid sit scientia subalternans & subalternata, 1143.
- Quæstio 14. Vtrum in non habente scientiam subalternantem possit subalternata verè esse scientia, 1151.
- Quæst. 15. A quo desumatur vnitas & diuersitas scientiarum, 1163.
- Quæst. 16. Vtrum scientia & opinio circa idem in eodem subiecto possint esse simul, 1173.


I

LIBER

PRIMVS

DE PROOEMIALIBVS.

LOGICÆ.



¶ **C**um ad quamlibet scientiam
 quaestiones aliquas oporteat pra-
 mittere prooemiales, illas me-
 rito ad Logicam praeiungit sa-
 pientissimus Magister Soto.
 Quas etiam nos illius sicut & in omnibus
 aliis doctrinam explicantes in hoc primo li-
 bro, maiori qua potuerimus distinctione, &
 claritate disputare conabimur. Et ea qua
 aliquando sapientissimus Magister unica
 quaestione per diuersarum conclusionum distin-
 ctionem perstringit, maioris claritatis causa
 diuersis quaestionibus explicabimus.

QVÆSTIO I.

*Verum Logica sit hominibus ratione
 eorum propria forma necessaria?*

Cum Logica a Graeco nomine *Logos*,
 quod sermonem significat, deriue-
 tur,

A

2. *Lib. 1. de Proæmialibus*

tur, scientia seu ars dicitur sermocinandi: & ut sic Grammaticam etiam, Rhetoricam amplectitur, & poësim. Sed de illa nunc loquimur magis stricte, ut à prædictis artibus condistincta, & ut (teste Isidor. 2. etimologiarum) est scientia definiendi, inquirendi, & differendi, docens verum à falso dijudicare. Potestque Logica sic accepta in naturalem diuidi, & artificialem: naturalis Logica est quædam potestas intellectus ad inquirendum, & aliquammodo differendum, quantum naturale intellectus lumen non excedat. Artificialis autem Logica est habitus quidam acquisitus ad artificiosè inquirendum, & differendum, & omnia quæ ad demonstrationem eiusque proprietates pertinent, cognoscendum. Et de hac artificiali Logica inquiremus, an sit hominibus ratione eorum propriæ formæ necessaria. Ut tamen de qua necessitate loquamur, intelligatur, est aduertendum, aliquid posse esse alicui necessarium, vel ab intrinseco, ratione videlicet suæ propriæ formæ, qualiter homini est necessarium esse discursiuum, vel ratione materiæ, ut homini est necessarium esse mortalem, quia ex materia non satiata forma componitur: aut potest aliquid alicui esse necessarium in ordine ad aliquem finem. De hoc autem secundo modo necessitatis questione agemus sequenti. Nunc vero inquiremus, an Logica artificialis sit hominibus ab intrinseco ratione eorum propriæ formæ neces-

necessaria. Et denique, cum id quod ali-
cui ratione suæ formæ est necessarium,
vel sit vt propria illius passio, vel vt ter-
minus naturalis illius inclinationis; qua-
liter centium licet non sit propria passio
gravis cum abique illo possit consistere,
est illi necessarium vt terminus naturalis
illius inclinationis: de artificiali Logica
inquirimus, an sit hominibus necessaria
vt propria illorum passio; an vero vt ter-
minus naturalis illius inclinationis.

2. Resolutorie est dicendum artificia-
lem Logicam esse hominibus ratione pro-
pria illorum formæ necessariam, non
quidem vt illorum passionem, sed vt ter-
minus naturalis illorum inclinationis.
Conclusio sic explicata intenditur ab Au-
thore quæstion. i. proximali conclusio-
ne i. Et prima eius pars patet: quia cum
non omnibus hominibus Logica compe-
tat artificialis, propria illorum nequit es-
se passio: hæc enim omnibus habentibus
formam, ad quam talis consequitur pas-
sio, debet competere. Secunda autem
pars conclusionis probatur. Tum, quia
cum generaliter omnis homo scire desi-
deret, ad omnem scientiam, vt ad sui per-
fectionem, ac perinde, & ad Logicam,
naturaliter inclinatur. Tum etiam, quia
cum homo naturaliter sit discursiuus, spe-
cialiter ad Logicam, quæ discursus est
directiua, propenditur. Tum denique,
quia cum ad omnem scientiam, vt dixi-
mus, vt ad sui perfectionem homo natu-

4 *Lib. 1. de Proæmialibus*

raliter inclinetur, & ad cuiuslibet scientiæ acquisitionem (ut quæstione sequenti dicemus) artificialis Logica sit necessaria, ut medium omnem aliam scientiam acquiritendi, naturaliter homo ad logicæ scientiam inclinatur; & sic artificialis Logica est hominibus ratione propriæ illorum formæ, tanquam terminus naturalis eorum inclinationis, necessaria.

3 Obijcies primo. Quod si Logica esset hominibus ratione propriæ eorum formæ necessaria, per se competeret illis & per se de illis prædicaretur. Sed non sic illis competit, nec sic de illis prædicatur, nullatenus ergo est illis necessaria. Maior videtur certa, minor probatur: nam hæc prædicatio, homo est logicus, est omnino accidentalis, & quinti prædicabilis: ergo Logica non per se competit hominibus, uec per se de illis prædicatur.

Respondetur, quod id quod est alicui necessarium, non tanquam eius essentia, aut propria passio, sed solum ut terminus naturalis illius inclinationis, non oportet, quod ita per se de illo prædicetur, ut propositio sit omnino necessaria; sicut non est necessaria ista, sed quinti prædicabilis, lapis est in centro: quamuis acquisitio centri sit lapidi necessaria, ut terminus naturalis illius inclinationis. Debet tamen, quod sic est alicui necessarium, aliquo modo perscitis ei competere, & de illo prædicari: & sic esse Logicum præ-

Questio I. 5

prædicatur per se de homine, quia soli, licet non omni & semper, competit homini, & licet quinti prædicabilis, magis per se est ista prædicatio, homo est Logicus, quam ista, homo est albus, utpotè quæ nullum perfectitatis modum habet. Si autem loquamur non de ipso habitu Logicæ, qui (ut diximus) est terminus inclinationis hominum, sed de ipsa inclinatione ad talem Logicæ habitum habendum, talis inclinatio propriissime est passio hominis, (aut, saltem creaturæ intellectualis) & est proprium quarto modo hominis, omni, & soli illi, & semper competens.

4 Obijcies secundo. Quod si Logica esset hominibus prædicto modo necessaria, illam naturaliter omnes appeterent homines. Sed non sic omnes naturaliter illam appetunt. Non igitur est prædicto modo hominibus necessaria. Maior patet: quia unusquisque naturaliter appetit terminum naturalis suæ inclinationis; sicut ea ratione naturaliter lapis suum appetit centrum. Minor autem probatur, quia nec homines; appetunt Logicam appetitu innato, hoc est, quem nulla in appetente præcedit cognitio; nec appetitu elicitu, quem habet quis eius quod præcognoscit: Ergo nullatenus homines naturaliter appetunt Logicam. Prima pars antecedentis probatur: quia plures homines logicam de facto non consequuntur: ergo non est illis appetitus innatus

6 Lib. 1. de Proemiliabus

ad illam. Probat̃ur consequentia : nam cum appetitus innatus sit a natura inditus, & nihil eom̃muni ter natura omnibus alicuius speciei præstet, quod in pluribus talis speciei sit frustrandum; non videtur omnibus hominibus insitum esse a natura appetitum innatum ad logicam; cuius appetitus consecutio in tot hominibus esset frustranda. 5. Secunda pars antecedentis etiam probatur; nam plures homines naturam aliquam, vel confusam habentes logicæ, non solum illam non appetunt, sed eam speciali odio prosequuntur, & ad illius acquisitionem omnino se applicare recusant, non ergo naturaliter homines in logicam appetitu tendunt elicto: ad id enim, quod sic naturaliter quis appetit, postquam illius aliquam habet cognitionem, quoad specificationem saltem ita necessitatur, ut nullatenus illud odio possit habere.

Confirmatur: nam si homo naturaliter inclinatur ad logicam, faciliter & delectabiliter in illius acquisitionem tenderet; Sed experientia constat, non solum eam facilitatem, & delectationem in acquisitione logicæ homines non habere, sed maximam in eo pati difficultatem. Non igitur ad logicæ acquisitionem naturaliter inclinantur. Maior probatur, quia cum quodlibet naturali pondere fertur in terminum suæ naturalis inclinationis, delectabiliter, & faciliter fertur in illum: & non minus facilitatem, & delectationem.

lectationem causat naturalis inclinatio in sui termini acquisitionem; quam habitus in suis operationibus: ergo si homo naturaliter inclinaretur ad logicam; faciliter & delectabiliter illam acquireret.

5 Respondetur ad argumentum negando minorem: ad probationem negatur utraque pars antecedentis. Omnes enim homines naturali appetitu innaro, ante quam videlicet in eis aliquam, vel confusa præcedat scientiarum cognitio, illas, ac perinde & logicam, ut sui perfectionem appetunt. Quod manifeste indicat Divus Thomas 1. Physicorum, lectione 10. dicens: *Verum est bonum intellectus, ad quod naturaliter inclinatur. Unde sicut res cognitione carentes moventur ad suos fines absq[ue] ratione, ita interdum intellectus hominis quadam naturali inclinatione tendit in veritatem, licet rationem veritatis non percipiat.* 6. Ad impugnationem autem respondetur ex Ferrariensi 1. contra gentes cap. 4. Non esse necessarium, quod appetitus naturalis competens aliquibus ratione specificæ formæ, in omnibus individuis suum sortiatur effectum, sed sufficit, quod in aliquibus illum consequatur. Sicut licet omnis mulier naturalem habeat inclinationem ad prolis conceptionem, plures steriles huiusmodi terminum inclinationis non consequuntur. Talis tamen appetitus, ut non sit frustraneus, sufficit, quod in aliquibus suum sortiatur effectum, quod etiam sufficit, ut appeti-

8 *Lib. 1. de Proœmiliabus*

rus innatus ad logicam, & ad alias scientias non frustra à natura hominibus sit inditus, quamuis plures homines ad logicæ acquisitionem non perueniant. § Ad secundam partem eiusdem antecedentis respondetur, nullum esse hominem, qui habita aliquali, vel confussa cognitione perfectionis logicæ, vel alterius cuiusvis scientiæ, ad illius appetitum elicitum, quoad specificationem non necessitetur: quia nullus potest suâ perfectionem odio habere, & si aliquis (vt impugnationi huius occurramus) odio videtur prosequi logicam, illamque acquirere recusat; tale eius odium non ad logicam, sed potius ad difficultates illi annexas re vera terminatur: nec hoc tollit necessitatem, quoad specificationem appetendi perfectionem logicæ; sicut quilibet homo licet secundum probabiliorem sententiam ad appetendum bonum virtutis, quoad specificationem necessitetur, id non tollit, quod acquirere aliquando virtutem recuset: quia id non est, odio habere ipsam perfectionem virtutis, sed laborem, & difficultates acquisitioni illius annexas.

Ad confirmationem respondetur dupliciter ex eodem Ferrariensi loco proxime citato. Primo, quod cum inclinatio naturalis ad aliquem terminum, in subiecto supponit principium illum habendi, ad quod necessario talis terminus sequatur, facit faciliter, & delectabiliter in talis termini acquisitionem tendere: secus vero quan-

quando tale non supponitur principium, sicut non supponitur in hominibus ad acquisitionem logicæ: & sic non mirum, quod non ita faciliter, & delectabiliter in illius acquisitionem tendant; quamvis ad illam naturaliter inclinentur. §. Secundo respondetur, quod licet naturalis inclinatio ad aliquem terminū faciat delectabiliter, & faciliter in illius acquisitionem tendere, non minus, quam habitus facit delectabiliter, & faciliter operationem elicere: tamen sicut aliquando in habentibus habitum, videmus, in elicentia operationum facilitatē, & delectationem non habere propter difficultates extrinsecas ad elicentiam talium operationum occurrentes: ita etiam quamvis in hominibus inclinatio naturalis ad logicā per se faciat delectabiliter, & faciliter ad logicæ acquisitionem tendere, extrinsecæ tamen difficultates, quæ in tali logicæ acquisitione aliquando solent occurrere, faciunt, quod non ita delectabiliter, & faciliter logica, seu alia scientia acquiratur.

6 Obijcies tertio. Quod si homines naturaliter appeterent logicam; vel appeterent illam omnes æqualiter, ac alias scientias; vel omnes illam appeterent magis, quam scientias alias; vel denique magis omnes homines appeterent alias scientias, quam logicam: appetitus enim naturalis ratione formæ specificæ aliquibus competens, eodem modo omnibus

alis speciei competere debet. Sed videmus, aliquos homines plus appetere logicam, quam alias scientias, alios vero e contra plus alias scientias appetere, quam logicam. Non igitur appetitus ad logicam, vel ad alias scientias est hominibus naturalis.

7 Respondetur, quod possumus loqui de appetitu hominum ad scientias, vel qui eis competit ratione formæ specificæ, vel qui eis conuenit ratione specialium conditionum individuantium. Et hic pro diuersitate illarum potest esse: in illis diuersus, & vnus homo magis ad vnam scientiam, alter ad aliam magis inclinari. Appetitus autem, qui hominibus ad scientias ratione formæ specificæ competit, eodem modo in omnibus reperitur, omnesque vt sic magis ad scientias perfectiores, vtpotè quæ maiorem sui intellectus continent perfectionem, quam ad logicam, aliasque scientias minus perfectas simpliciter inclinantur. Cum quo tamen stat, quod secundum quid magis homines appetant logicam, & quia magis expresse, quam alia scientia, est discursiua, ac perinde magis conuenit eum natura speciali intellectus humani, qui discursiuus est; & quia cum logica sit instrumentum generale ad omnium scientiarum acquisitionem, hac ratione homo qui generaliter scire desiderat, specialiter appetit logicam.

QVÆ.

QVÆSTIO II.

*Vtrum logica sit necessaria ad alias
scientias?*

PRO resolutione est aduertendum, quod duplex (vt diximus) distingui logica potest: Altera naturalis, artificialis altera. Logica naturalis nihil aliud est, quam quædam intellectus potestas ad aliquam qualiter cognoscendum bonitatem consequentiam, & aliqua alia principia logica, quæ lumine naturali possunt attingi. Logica autem artificialis est artificiosa cognitio bonitatis consequentiam, & aliorum ad demonstrationem pertinentium, quæ solo lumine naturali non possunt attingi, sed vt cognoscantur, requiritur traditio præceptorum, & etiam demonstratio aliquarum proprietatum ipsius demonstrationis, & bonitatis consequentiam. In præsentia autem non inquirimus, an logica naturalis, sit necessaria ad alias scientias. Cernum enim est, illam saltem esse simpliciter necessariam ad logicam artificialem, cuiusque alterius scientiam acquisitionem. Et quaestio solum est de necessitate logicae artificialis ad alias scientias.

2. Supponendum est secundo, quod necessarium ad aliquem finem duplex esse

12 *Lib. I. de Proœmiliabus*

potest; alterum simpliciter, & alterum secundum quid. Necessarium simpliciter ad aliquid est, sine quo illud, nullatenus consequi potest, qualiter cibus necessarius dicitur ad conseruationem vitæ, quia sine illo nullatenus vita potest conseruari. Necessarium autem secundum quid, & ad melius esse est, sine quo absolute finis consequi potest; melius tamen cum illo, quam absque illo consequetur: vt equus hoc modo dicitur necessarius ad iter agendum. Et hoc genus necessitatis latitudinem habet, vt possit aliquid ad aliquem finem magis vel minus secundum quid esse necessarium.

3 Et quidem certum est, logicam artificialem esse ad minus necessariam secundum quid, & ad melius esse ad acquisitionem omnium scientiarum, dummodo substantiam, & speciem scientiæ fortiantur. Cum enim omnis scientia, si speciem & substantiam obtinet scientiæ, necessario per demonstrationem acquiratur, & demonstrationis natura melius, sine dubio, præuia logica artificiali, quam sine illa cognoscatur, multo ad minus, melius & facilius quælibet alia scientia, præuia artificiali logica, quam sine illa potest acquiri Logica igitur artificialis ad minus secundum quid, & ad melius esse est necessaria ad omnium scientiarum acquisitionem. Et difficultas solum potest esse an ad id sit simpliciter, & omnibus modis necessaria.

4 Ultimo tandem, & maxime pro resolutione quaestionis est notandum, quod aliqui distinguunt scientias in esse perfecto, & esse imperfecto, & dicunt scientias in esse perfecto haberi ab his, qui non solum conclusionibus, ex assensu praemissarum conuicti, assentiunt; sed etiam sciunt easdem conclusiones in sua resolvere principia, & illas ab argumentorum fallacia defendere, ac perinde propriissime, & perfecte sciunt illas se scire: scientias autem (dicunt) reperi in esse imperfecto, cum assensum quis praebet alicui conclusioni, ex praemissarum assensu conuictus, non tamen scit illam in sua principia resolvere, nec a fallacia argumentorum defendere, ut si logica, omnisque scientiae ignaro fiat ab alio aliqua clarissima demonstratio in Philosophia (verbi gratia) cuius praemissis, utpotè naturali lumine notis, asfontiens, & euidentiam etiam consequentiae, utpotè etiam naturali lumine notam cognoscens, ex tali praemissarum assensu ad assensum connincitur conclusionis. Et talem conclusionis assensum, utpotè quem dicunt, certum esse, & euidentem, assentunt, esse quoad substantiam, & speciem scientificum, imperfectum tamen, quia sic praedictae assentiens conclusioni, utpotè logica carens artificiali, non scit illam in sua principia resolvere, nec eam a fallacia argumentorum defendere. Sed certe talis conclusionis assensus re vera, nec est

est certus, & evidens, neque quoad speciem, & substantiam scientificus; quia licet sic assentiens conclusioni, existimet se ad id ex præmissarum assensu conuinei, & certo, & euidenter conclusioni assentiri; re vera illi non assentitur, nisi nutanter, & formidolose, siquidem nec cognoscit, ita certè, & euidenter necessitatem, & perfectiorem præmissarum & bonitatem consequentiæ, quin in eo possit paralogizari, & facillime aliqua argumentorum fallacia ab assensu, quem existimabat certum, dimoueri. Non igitur talis assensus re vera erat certus, & evidens; nec ad substantiam, & speciem scientiæ perueniens, sed incertus, & formidolosus; magisque perinde ad assensum opinatiuum, quam ad scientificum reducendus.

3. Dicendum igitur est logicam artificialem esse simpliciter, & omnibus modis necessariam ad quamlibet acquirendam scientiam, quæ vere ad substantiam, & speciem scientiæ perueniat. Conclusio est expressa nostri Authoris hic qu. 1. concl. 2. & licet oppositum illius plures teneant extra scholam D. Thom. in illa tamen se recipitur, ut communis, ut patet in eodem Angelico Doctore habens fundamentum. Primo enim post lect. 1. ita asserit S. Doctor. *Ars quadam necessaria est qua sit directiua ipsius actus rationis, per quam scilicet homo in ipso actu rationis ordinate, & faciliter, & sine errore procedat:*

dat: *hæc est ars logica; id est, rationalis scientia*. In quibus verbis licet ex una parte videatur D. Thom. solum adituere necessitatem logicæ secundum quid, & ad melius esse ad scientiarum acquisitionem, quatenus videtur, eam requirere, ut homo ordinatè, & facilius in actibus rationis procedat; re verà quatenus asserit, logicam requiri, ut sine errore homo in actibus rationis procedat; manifestè intendit; illam esse simpliciter necessariam ad omnem actum quoad substantiam, & speciem scientificum: nullus enim talis est, nisi qui omnino liber ab errore procedit. Eandem veritatem perspicuis verbis docuit B. Albertus Magnus 3. c. prædicabiliū dicens: *Nesciens logicam, nescit scire aliquid videatur, nescit tamen, cum rationem sui sciri nesciat*. Et ex utroque adducto testimonio, & ex his, quæ in ultimo notabili aduertimus, efficax conclusionis deducitur ratio. Nam ut aliquis assensum aliquem quo ad substantiam, & speciem habeat scientificum, requiritur necessario, quod talis assensus sit certus, & evidens, & omnis formidinis expers, habeatur per demonstrationem, & quod conclusioni assentiens sciāt, se illam scire, & quod ex assensu præmissarum ad illi assentiendum contineatur: omnia enim hæc non solum ad perfectionem, sed ad substantiam, & speciem pertinent scientiæ. Sed nullum istorum ullatenus haberi potest, sine præuia artificiali logica.

gica. Illa ergo est simpliciter necessaria ad omnem assensum scientificum. Minor probatur, nam quantumvis alicui ignaro logicæ clarissima aliqua fiat demonstratio, cuius præmissæ & bonitas consequentiæ sint lumine naturali notæ, si prius per logicam non sciat omnia ad demonstrationem prioristica, & posterioristica principia requisita; quamvis ipse prima facie videatur, ex præmissarum assensu ad assensum conclusionis conuinci, facillimum erit illum aliqua fallaci ratione paralogizare, & ab assensu conclusionis dimouere, vel saltem facere, eum de veritate conclusionis dubitare. Signum igitur est, quod licet existimaret se euidenter conclusioni assentiri, re vera ei non euidenter, & absque omni formidine assentiebatur. Similiter qui sic ex præmissarum assensu ad conclusionis assensum, quasi materialiter perueniret, non cognosceret se conclusioni ex eius causis, vel effectibus assentiri. Ergo talis conclusionis assensus propriè non est per demonstrationem acquisitus; ad id enim requiritur, quod assentiens alicui veritati cognoscat, se ex illius causis, vel effectibus illi assentiri; per hoc enim assensus scientificus ab alijs assensibus etiam certis, & euidentibus distinguitur. Et denique qualiter se scire aliquid, sciet, qui non scit, id se per veras, & proprias illius causas, vel effectus cognoscere: nec id ad tales causas, aut effectus vllatenus scit reducere; nec præ-

cogno-

cognoscio demonstrationem omnem generare scientiam ; ut postea quando in exercitio aliqua demonstratione utitur , sciat , se scire id , quod media tali demonstratione cognoscit ? Absque prævia igitur logica artificiali , quæ docet omnia prioristica & posterioristica , demonstrationis principia , & demonstrat , ipsam demonstrationem generare scientiam ; & si quis videatur scientiam habere , profecto scientiam non habet , sed aliquem assensum , & habitum , ex illo genitum , apparenter solum , & similitudinarie scientificum , re tamen vera , opinativum , utpote formidolosum , & errori subiectum . Amplius autem omnia hæc ex argumentorū , præcipuè quarti , & quinti solutione patrescent .

6 Obijces primo . Logica est habitus : ergo non potest esse necessaria simpliciter ad aliquid sciendum . Probaturs consequentia , quia ea est differentia inter habitum , & naturalem potentiam , quod hæc datur ad simpliciter operandum ; habitus vero non ad simpliciter operandum , sed ad faciliter , & delectabiliter . Ergo si logica est habitus ; non est simpliciter necessaria ad aliquid sciendum , sed solum ad faciliter , & delectabiliter illud sciendum .

Respondetur , negando consequentiam . Et ad probationem dico , quod scire aliquid , non est , illud simpliciter cognoscere , sed illud tali modo , scilicet scientifici-

18. *Lib. 1. de Proœmiliabus*
ticipè attingere . Vndè licet admittamus,
nullum habitum dari ad simpliciter ope-
randum (de quo tamen poterat dubita-
ri , quia plures habitus in hoc modum
possunt habere potentia , cum species in-
telligibiles sint habitus , & tamen sunt
simpliciter necessariae ad intelligendum)
inde solum sequitur , logicam non esse
simpliciter necessariam ad aliquid abso-
lute cognoscendum : non tamen sequitur,
illam non esse simpliciter necessariam ad
aliquid tali modo , scilicet scientifice, co-
gnoscendum .

7 Obijcies secundo . Quod si ad ali-
quid logica esset ad alias scientias simpli-
citer necessaria , maximè , ut modum in-
illis præbeat procedendi . Sed ad id non
est necessaria . Ergo : Minor probatur ,
quia nullus requiritur habitus modum
præbens procedendi omnibus habitibus
practicis , nec talis est assignabilis habi-
tus . Ergo nec aliquis requiritur habitus
modum præbens procedendi omnibus
scientijs , & habitibus speculatiuis . Con-
sequentia patet à paritate rationis .

Respondetur , negando minorem . Et
ad probationem , licet posset negari an-
tecedens , quia etiam ad habitus practicos
prærequiritur prudentia modum illis sal-
tem quoad circumstantias præbens : tamen
quidquid sit de hoc , neganda est conse-
quentia : quia omnes habitus scientifici ,
immo & omnes speculativi in eodem con-
veniunt modo procedendi ; & sic necessa-
rio

no prærequirunt habitum logicæ, qui
 talem eis modum præbeat: Habitus au-
 tem practici non continentur in aliquo
 communi modo procedendi, sed quilibet
 proprium, & diuersum habet proce-
 dendi modum, & sic non habent aliquem
 habitum, qui talem illis modum præbeat.
 Sed quælibet ars, & habitus practicus
 specialem sui modum tradit proceden-
 di.

8 Obijciens tertio. Præcipuum oppo-
 sitæ sententiæ fundamentum, iam aliquo-
 liter insinuauimus, quod potest quis nulli-
 latenus logicam habens artificialem, ac-
 quiscent aliquem habitum proprium, & qui
 ad substantiam scientificam, licet omnem
 perfectionem scientiæ non habeat. Pro-
 cum quolibet, vel unico actu scientifico
 habitus generetur scientificus potest quis
 sine logica artificiali habitum habere, &
 habitum acquirere quo ad substantiam &
 speciem scientificam: ac perinde artifi-
 cialis logica non est simpliciter necessaria
 ad acquisitionem cuiuslibet scientiæ, ita
 ut sine illa scientiæ aliqua quoad substan-
 tiam saltem, & speciem scientiæ nullatenus
 possint haberi. Antecedens probatur,
 quia si non habenti logicam artificialem,
 fiat aliqua clarissima demonstratio in ma-
 teria (verbi gratia) Philosophiæ, as-
 sumptis ad id præmissis immediate lumi-
 ne, naturali notis, illisque dispositis in
 modo, & figura in aliquo ex primis qua-
 tuor modis perfectis syllogismorum, ta-
 lis

lis verè habebit assensum scientificum, conclusionis : quod sic ostenditur , quia assentiet conclusioni certo , & euidenter, & vt ex præmissis deductæ . Ergo talis conclusionis assensus erit vere, & propriè, & quo ad substantiam, & essentiam scientificus , & habitus per illum generatus , vere , & essentialiter rationem , & speciem habebit scientiæ , Consequentia patet . Tum , quia ea est essentia actus , & habitus scientifici . Tum etiam , quia talis actus , & habitus ad aliquam speciem habitus intellectualis debet pertinere , & ad nullam , nisi ad speciem scientiæ pertinere potest ; cum ea ratione , qua certus , & euidentis est à ratione habitus fidei excludatur , & opinionis : & quatenus non ad conclusionem immediate in se ipsam , sed vt ex principijs deductam terminatur , ad habitum seu lumen principiorum pertinere non possit . Antecedens autem , nempe quod in casu posito assensum habeat talis homo certum , & euidentem ad conclusionem , vt ex principijs deductam terminatam , probatur , nam euidenter cognoscit præmissas , & bonitatem consequentiæ . Ergo ex assensu euidenti præmissarum conuincetur ad conclusionis assensum certum , & euidentem , & omnis formidinis expertem . Antecedens probatur , quia tam præmissæ , quam bonitas consequentiæ sunt lumine naturali euidenter cognoscibiles . Ergo ad id euidenter cognoscendum non requiritur artificialis
logi

logica, sed sufficit lumen principiorum : & cognitis euidenter praemissis, & bonitate consequentiae, nihil deficit, ut ex euidenti praemissarum assensu conuincatur quis ad euidentem assensum conclusionis, ut ex talibus praemissis deductae.

9 Respondetur iuxta id, quod ultimo notabili, & in probatione conclusionis diximus, quod licet in casu argumenti, sic assentiens conclusioni existimet, se illi certo, & euidenter assentiri, re vera ei non assentitur, nisi nutanter, & formidolose. Cuius signum, (ut diximus) est, quod, vel leui fallacia a certitudine, quam ipse existimabat habere, facillime dimouebitur, & in oppositum deducetur assensum; vel saltem de illo, quem habebat, formidare incipiet, & dubitare. Ex quo colligitur, quod si prius expressam, circa talem propositionem non habebat formidinem, immo certitudinem de illa sibi videbatur habere, re vera virtualem, & implicitam formidinem, & dubitationem habebat.

Vnde ad argumentum factum negandum est, in praedicto casu assensum haberi certum, & euidentem conclusionis, propter multa, quae solutioni faciunt argumenti, & nostram simul confirmant sententiam: Nam in primis non quilibet assensus etiam euidens praemissarum sufficit generare assensum euidentem, & scientificum conclusionis; sed requiritur, quod cognoscatur, praemissas esse necessarias,

& ad quem modum dicendi per se perti-
 neant; & quod sint causa conclusionis;
 quod totum certe lumine solum principiorum non potest cognosci, nisi accedat
 cognitio plurium præceptorum logica-
 rum circa necessitatem, & perfectitatem
 propositionum. Nec sufficit etiam ad as-
 sensum scientificum quælibet bonitatis
 consequentiæ cognitio, sed requiritur, de
 illa ex logicalibus præceptis cognoscere,
 quibus possit subiacere defectibus, ut co-
 gnoscatur, an ab illis sit libera, vel non,
 & ad omnia hæc ad minus requiritur lo-
 gica artificialis præceptiva. Unde illam
 saltem hac ratione convincitur, esse sim-
 pliciter necessariam ad cuiuslibet scientiæ
 acquisitionem. Sed insuper assero, etiam
 logicam artificialem, ut scientiam, ad id
 esse simpliciter necessariam: quia nullus
 potest veram habere scientiam, nisi in
 exercitio sciat, se scire; quod fieri non
 potest; nisi prius evidenter cognoscat, de-
 monstrationem recte factam generare
 scientiam, ut postea in exercitio cogno-
 scens se per demonstrationem alicui con-
 clusioni assentiri, in exercitio etiam co-
 gnoscat, se illam scire. Demonstratio-
 nem autem generare scientiam, cum sit
 quædam passio, saltem quoad nos de ipsa
 demonstratione demonstrabilis, non po-
 test quis evidenter cognoscere, nec per
 lumen primorum principiorum, nec per
 logicam solum præceptivam, sed ad id
 requiritur logica ut scientia, ut demon-
 strans

strans talem de demonstratione passionem. Vnde qui logicam solum habent præceptiuam, quamuis in ea plura habeant requisita ad scientiarum acquisitionem; non tamen habent omnia necessaria, usque dum scientificè, & demonstratiuè cognoscant, demonstrationem generare scientiam: ut postea quando in qualibet materia aliqua utuntur demonstratione, in exercitio cognoscant, se id quod demonstrant, scire.

10. Obijcies quarto difficile, etiam oppositæ sententiæ fundamentum. Quod cum logica, ut postea dicemus, sit etiam scientia, si ad aliarum scientiarum acquisitionem logica, non solum ut præceptiua, sed ut scientia est simpliciter necessaria, etiam ad ipsam scientiam logicæ alia logica, ut sciencia deberet necessario præsupponi, & ad illam alia, & sic in infinitum: quod cum dici non possit, nec videtur dicendum, quod ad cuiuslibet alterius scientiæ acquisitionem logica, ut scientia prærequiratur omnino necessario. Maior probatur, quia non minus per demonstrationem scientia acquiritur logicæ quam quælibet alia scientia: ergo si earatione prærequiritur necessario ad cuiuslibet scientiæ acquisitionem demonstratiue, & scientificè cognoscere, demonstrationem generare scientiam; id etiam necessario prærequiritur ad acquisitionem logicæ ut scientiæ: & cum talis demonstratiua cognitio haberi non possit, nisi per

per scientiam logicæ, ad vnam logicam, ut scientiam altera logica ut scientia erit necessaria, & ad istam altera, & sic in infinitum.

Respondetur, omissis pluribus, quæ huic argumento assignari solent solutionibus, quod ut quisque logicæ scientiam acquirat, non potest incipere à qualibet logicali demonstratione, sed ab illa dumtaxat, per quam de ipsa demonstratione, illam generare scientiam, demonstratur; & quidquid antecederet ad hoc quis de logica cognoscat, potius ad logicam præceptiuam, quam ad ipsam ut scientiam pertinebit: quando autem quis de demonstratione demonstrat, ipsam generare scientiam, quia cognitio conclusionis antequam per ipsius conclusionis expressum assensum formaliter habeatur, habetur virtualiter incognitione præmissarum: iam ad assensum scientificum formalem talis conclusionis, quod demonstratio generat scientiam, præcedit in assensu præmissarum virtualis eiusdem conclusionis cognitio. Quod sufficit, ut postea expressa, formalis & scientifica eiusdem conclusionis habeatur cognitio: hoc tamen in nulla alterius scientiæ demonstratione contingit, cum per nullam aliam demonstretur de demonstratione, generare scientiam, & huius conclusionis formalis, vel virtualis saltem cognitio ad omnem assensum scientificum est necessario prærequisita. Unde argumentum factum solum pro-

probat, quod ad logicam ut scientiam, prærequiritur actus conclusionis logicalis virtualis in assensu præmissarum assensus, & sic vitatur processus in infinitum, & saluatur, quod ad alias scientias non solum virtualis, sed formalis assensus scientificus logicalis est omnino necessario præ requisitus.

II Ultimo tandem obijcies, quod logica non requiritur ad alias scientias, nisi tanquam ars, & instrumentum illas acquirendi, sed ars non ita necessario requiritur ad effectum artis, quod aliquis artis effectus ad speciem, & substantiam, licet non ad perfectionem artis perueniens, sine arte non possit haberi: ergo & sine logica haberi potest aliquis actus scientificus, qui licet omnimodam perfectionem scientiæ non habeat; scientiæ tamen speciem, & substantiam obtineat. Minor habetur ex Philosopho 9. Metaph. textu 7. dicente: *Quod addiscens artem, operatur actionem artis, sine arte, & ex Dion. Thom. ibi lect. 2. in fine qui id explicans asserit. Quia potest homo aliquo modo exire in scientia, & virtutis actum, antequam habeat habitum scientia, & virtutis, quo adeptus perfecte operatur.*

Respondetur negando consequentiam, effectus enim artis cum non requiratur ad substantiam, & speciem illorum, nisi solum ipsa substantia, & entitas effectus; possunt aliquo modo haberi, sine arte: ad actum tamen quoad substantiam scientificum,

ficum, cum non sufficiat ipsa substantia assensus, sed requiratur, ut diximus, quod assentiens in exercitio sciat se scire, & hoc scire non possit sine prævia logicæ scientiæ, non potest sine prævia illa aliquis habere assensus quo ad substantiam scientificos: & per hoc patet ad testimonium Philosophi. §. Ad authoritatem autem D. Thom. respondetur, solum intendere, quod actus aliquis scientificus Philosophiæ, sine proprio habitu Philosophiæ possit haberi, quod verissimum, imò necessarium est de omni primo actu, quo aliquis habitus scientificus generatur: non tamen intendit D. Thom. aliquem actum scientificum haberi posse, sine logicæ scientiæ.

II Ex dictis per totam hanc quæstionem colligitur, logicam non solum ut utentem, sed etiam ut docentem esse necessariam ad omnes alias scientias, quia cum omnes illæ acquirantur per demonstrationem, in qua logica utens exercetur, ad demonstrationis essentiam, & passionem cognoscendum, non solum ad alias scientias, logica ut utens, sed etiam ut docens est necessaria: & quamvis finis intrinsecus logicæ docentis, sicut & cuiuslibet alterius scientiæ sit, proprii sui obiecti naturam, & passionem indagare, finis illius extrinsecus est per exercitium logicæ utentis, in qualibet materia, omnium aliarum scientiarum acquisitioni deservire.

QVÆSTIO III.

*Vtrum logica sit prius, quam omnes
alia scientiæ acquirenda?*

Non intendimus, vniuersaliter inda-
gare ordinem quo ad acquisitionem
omnium scientiarum inter se; id enim ad
metaphysicam spectat, sed solum inquiri-
mus, an logica omnibus aliis scientijs sit
prius acquirenda? Quæstio quidem ex
dictis in præcedenti facilis, vnde resolu-
torie est dicendum, logicam prius omni-
bus alijs scientijs esse acquirendam. Con-
clusio est expressa nostri authoris sapien-
tissimi Magistri Soto quæst. 1. proœmiali
concl. 4. & est communis, tam inter ad-
struentes necessitatem simpliciter logicæ
ad alias scientias, quam inter eos, qui
solum ad eas logicam asserunt, esse secun-
dum quid necessariam. Non parumque
fundamenti habet conclusio in Philosophi.
2. Metaphysicæ textu 15. dicente absur-
dum esse, simul quærere scientiam; &
modum sciendi. & vt explicant tibi com-
mentator, & D. Thom. nomine modi
sciendi intelligit Philosophus logicam,
intendens, absurdum esse, quod prius
quantumlibet illam acquirat, aliam, con-
etur, acquirere scientiam. Et efficaciter
ex dictis in præcedentibus probatur: si
enim logica, vt diximus, est simpliciter,

28 *Lib. I. de Proœmiatibus*

& omnibus modis necessaria ad omnium aliarum scientiarum acquisitionem, consequens est, quod ut quamlibet illarum quis possit acquirere, priorem omnibus alijs acquirat logicam.

Confirmatur: nam esto logica ad aliarum scientiarum acquisitionem esset solum secundum quid, & ad melius, faciliusque & absque periculo erroris illas acquirendas necessaria, ordo exigit connaturalis, ut prius quæque logicam acquirat, quam alias conetur acquirere scientias: ergo vel ob hanc logicæ ad alias scientias necessitatem prius, saltem connaturaliter, quam omnes aliæ est acquirenda.

2. Obijcies primo, quod cum à faciliorem cognitione via ad difficiliora cognoscendum, iteratur, à facilioribus semper in scientiarum acquisitione videtur incipiendum. Sed certum est, logicam non de facilioribus, sed multo difficilioribus agere, quam alias scientias, cum res, de quibus logica tractat, propter suam minimam entitatem sint cognitu, ut experientia testatur, difficillimæ: ergo non à logica, sed ab aliqua alia faciliore scientia videtur, in acquisitione scientiarum esse incipiendum.

Respondetur cum D. Tho. in opusc. 70. quæst. ult. art. 2, ad 3. dicente: *Quod necessitas requirit, ut in addiscendo irupiamus à logica, licet non sit facilior, abijcien-*
tis, quia alia scientia ab ipsa dependet.
Unde licet admittamus, logicam non
solum

solum non agere de facilioribus; verum de difficillimis, cum illa sit simpliciter, vcl saltem secundum quid necessaria ad alias scientias; à logica in illarum acquisitione est incipiendum. Incipere enim à facilioribus solum oportet, quando alias necessitas, & dependentia vnius scientiae ab alia ad oppositum non compellit.

3. Obijcies secundo, quod *Metaphysica* tribuit omnibus scientijs sua principia, vel saltem, (vt testatur *Philosophus 4. Metaphysicae*, & *D. Thom. 1. par. quaest. 1. artic. 8.*) *Metaphysica* probat, explicat & defendit sua, & omnium aliarum scientiarum principia. Sed quaelibet scientia, ac perinde & logica praerequirat ante sui acquisitionem sua, quibus vtatur principia probata, explicata, & defensata; absque hoc enim non videtur possibilis talium principiorum, ad conclusiones vsus: ergo priusquam omnes aliae scientiae, ac perinde prius etiam, quam, logica videtur acquirenda.

Respondetur cum *Ferrariensi 1. contra gentes cap. 4.* quod principia cuiuslibet scientiae praeter scientias subalternatas (de quibus nunc non loquor) vt scientiarum acquisitioni deferuant, sufficienter habentur per lumen primorum principiorum, licet ad conseruationem earundem scientiarum oporteat, quod earum principia aliquando explicentur, & defendantur: quod cum praestet *Metaphysica*, solum inde deducitur, illam aliquo modo re-

quiri ad sui, & aliarum scientiarum conseruationem; non vero ad acquisitionem illarum: & sic non est prius acquirenda, quam omnes aliæ scientiæ, & multo minus, quam logica, cum ab illa ipsa metaphysica in sui acquisitione simpliciter dependeat.

4. Obijcies tertio, quod obiectum logica est ens rationis, & aliarum plurium scientiarum obiectum est ens reale: ergo non logica prius quam aliæ scientiæ, sed potius aliæ, priusquam logica sunt acquirendæ. Consequentia probatur, quia ens reale prius est cognoscibile, quam ens rationis, cum hoc non nisi per connotationem ad ens prius cognitum reale, & per speciem illius possit cognosci: ergo scientia, quæ agit de ente rationis, non est prius sed posterius acquirenda, quam scientiæ, quæ circa cognitionem versantur entis realis.

Dices, ens quidem reale esse prius cognoscibile cognitione absoluta, quam ens rationis, non tamen cognitione scientifica; quia ut intellectus cognoscat ens rationis, per connotationem ad ens reale, sufficit, quod prius aliquāliter sit cognitum ens reale, nec requiritur, quod sit prius scientificè cognitum.

Contra hoc tamen est, quod ut scientificè cognoscatur ens rationis, non quælibet, sed scientifica entis realis necessario debet præcedere cognitio. Nam ut cognoscatur scientificè ens rationis, debent

bent de illo suæ passioni demonstrari (hæc enim est scientifica alicuius obiecti cognitio .) Sed ut quis passioni de ente rationis demonstrat , requiritur , quod prius suas de ente reali passioni demonstrauerit : ergo ut quis scientifice ens rationis cognoscat , prius scientifice aliquod ens reale cognoscere debet . Minor , in qua est difficultas , probatur : quia non solum quisque ens rationis ad modum entis realis debet cognoscere , sed & passioni , quæ de ente rationis demonstrat , ad modum passionum alicuius entis realis debet cognoscere . Ergo ad hoc necessarium videtur , quod prius aliquas passioni de ente reali cognouerit , & demonstrauerit : ac perinde quod non qualemcumque , sed scientificam prius alicuius entis realis cognitionem habuerit .

5 Confirmatur : quia ut inter respondendum ad argumentum , conceditur , ens rationis non est primum cognoscibile : ergo ens rationis non est primum scibile , ac perinde scientia , quæ circa cognitionem scientificam entis rationis versatur , non debet esse quo ad acquisitionem prima omnium scientiarum . Prima consequentia probatur . Primo , quia hæc est bona consequentia , ens rationis non est cognoscibile , ergo ens rationis non est scibile . Ergo & consequentia facta , scilicet ista , ens rationis non est primum cognoscibile , ergo ens rationis non est primum scibile , etiam est bona : quia

in hac arguitur, sicut in illa cum eodem addito antecedentis & consequentis, & quotiescumque aliqua consequentia est bona; similis, si fiat cum aliquo addito, dummodo additum ponatur idem in antecedenti, & consequenti, etiam est bona. §. Secondo probatur, illam consequentiam, ens rationis non est primum cognoscibile, ergo non est primum scibile, esse bonam, quia in illa argumentatur à superiori ad inferius negative; cognoscibile enim, utpotè abstrahens à scientificè, vel non scientificè cognoscibili, est superius ad scibile; & ita hæc consequentia est optima, aliquid non est cognoscibile, ergo illud non est scibile, per locum proculdubio arguendi à superiori ad inferius negative. Ergo hæc consequentia, de qua loquimur, per eundem arguendi locum est optima.

6. Respondetur ad argumentum, solutionem ibi datam esse optimam. Et ad replicam aduersus illam factam dico, convincere quidem, quod ut quis cognoscat scientificè ens rationis, suasque de illo demonstret passiones, requiritur, quod prius aliququaliter, aliquo sibi tradente, cognoverit, aliquod ens reale suas habere passiones, & connexionem necessariam habere cum illis, ut postea hoc sic non scientificè, sed absolutè, & aliquo id sibi tradente cognito, & quasi fide credito, cognoscat passiones entis rationis, & connexionem eorum cum illo ad modum
pas-

passionum, quas absolute, & non scientificè cognouit entis realis: & hoc sufficit, ut possit tales passionem de ente rationis demonstrare, ipsumque ens rationis scientificè cognoscere prius, quam ad alicuius entis realis scientificam cognitionem perueniat.

7 Ad confirmationem neganda est consequentia. Et ad primam probationem est dicendum, quod quamuis hæc consequentia sit bona, ens rationis non est cognoscibile, ergo ens rationis non est scibile; hæc tamen nullatenus valet, ens rationis non est primum cognoscibile: ergo non est primum scibile, non quidem, (ut aliqui asserunt) quia illud additum *primum* destruit superioritatem cognoscibilis ad scibile. Non enim inuenio, qualiter talem superioritatem destruat: primum enim cognoscibile etiam abstrahit à primo cognoscibili scientificè, & à primo cognoscibili non scientificè. Manet ergo primum cognoscibile semper superius ad primum scibile, non minus, quam cognoscibile superius est ad scibile. Non igitur illud additum vitiat consequentiam, quæ sine illo esset bona, quia tollat superioritatem cognoscibilis ad scibile; sed propter aliud accurate explicandum, quia in eo genuina huius, & sequentis probationis solutio consistit. Dico igitur, quod illa consequentia sine addito est bona propter locum arguendi à superiori ad inferius pure negative; illud tamen

additum *primum*, quod ponitur in antecedenti, & consequenti secundæ consequentiæ, destruit prædictum arguendi locum: non quidem quia facit, quod non arguatur, cum tali addito à superiori ad inferius; sed quia facit, quod non arguatur pure negatiuè. Hoc enim nomen *primum*, sicut & verbum *incipit* (vt diximus 2. lib. summularum, cap. 28.) exponitur partim affirmatiue, & partim negatiuè. Et sicut hæc propositio, v. g. Petrus incipit esse; quamuis videatur pure affirmatiua, re vera virtualiter est partim negatiua, & facit hunc sensum, Petrus nunc est, & antea non erat: ita & hæc. Petrus est primum cognoscibile, est virtualiter partim negatiua, & facit hunc sensum, Petrus est cognoscibilis, & non est aliud cognoscibile prius quam ille: & sicut hæc, v. g. propositio Petrus nunc non incipit esse, licet videatur pure negatiua, re vera est virtualiter partim affirmatiua, & facit hunc sensum, Petrus nunc non est, vel aliquando ante hac erat: ita hæc propositio, Petrus non est primum cognoscibile est virtualiter affirmatiua, & facit hunc sensum: Petrus non est cognoscibilis, vel aliquid aliud est cognoscibile prius, quam ille. His ergo suppositis, dicendum est, quod vt ab inferiori ad superius valeat consequentia, debet fieri pure affirmatiuè: & vt à superiori ad inferius teneat consequentia, debet fieri pure negatiuè: & cum vt dictum est, propositiones

nes

nes de verbo *incipit*, & de hoc nomine
primum, quamuis videantur affirmatiuæ,
 re vera sunt partim virtualiter negatiuæ,
 & quæ videntur negatiuæ sunt partim
 virtualiter affirmatiuæ; in illis nec valet
 consequentia à superiori ad inferius, ne-
 que ab inferiori ad superius. Et hæc est
 mala consequentia, ens reale est primum
 scibile: ergo est primum cognoscibile;
 sicut & ista, Petrus nunc incipit esse al-
 bus: ergo nunc incipit esse coloratus: &
 similiter hæc consequentia (ratione cuius
 hæc omnia diximus) ens rationis non est
 primum cognoscibile, ergo non est pri-
 mum scibile est mala; sicut & ista, Pe-
 trus nunc non incipit esse coloratus: ergo
 nunc non incipit esse albus: quia in nulla
 ex omnibus his consequentijs arguitur pu-
 re affirmatiuè, nec purè negatiuè, & in
 omnibus (vt facile est videre) datur;
 vel potest dari antecedens verum, & con-
 sequens falsum. Tota hæc doctrina desu-
 mitur ex D. Thom. 3. p. quæst. 16. artic. 9.
 ad 2. vbi quia ly *incipit* includit esse, &
 non prius (quod est idem ac dicere quod
 propositiones de ly *incipit*, quamuis vi-
 deantur affirmatiuæ, sunt virtualiter par-
 tim negatiuæ) asserit, quod in illis non
 valet argumentum ab inferiori ad supe-
 rius; & ex eo negat ibi hanc consequen-
 tiam, Christus incipit esse homo: ergo
 Christus incipit esse. Et eadem ratione,
 si argumento, cui tunc intendebat occur-
 rere, foret necessarium, diceret S. Doctor,

36 *Lib. 1. de Proædialibus*
quod in propositionibus de incipit, non
valet argumentum à superiori ad infe-
rius, quia non potest in illis fieri purè ne-
gatiuè.

Q V Æ S T I O I V.

*Vtrum habitus logicæ Docentis, &
utentis realiter distinguantur?*

V Num in hac difficultate supponi-
mus, & aliud inquirimus. Suppo-
nimus quidem, logicam diuidi in docen-
tem, & utentem: & inquirimus qualiter
logica docens, & utens inter se distin-
guantur. Logica docens est, prout tra-
dit, probat, & explicat omnia logicalia
præcepta, & passionēs de suo obiecto de-
monstrat, & alia probabiliter de illo con-
cludit. Logica vero utens est, quatenus
regulis, & definitionibus, & dispositio-
ne syllogistica, & alijs quæ per logicam
docentem traduntur utitur quis in mate-
ria logicæ, vel in cuiusvis alterius scien-
tiæ materia; & talis vsus non solum in
materia logicæ, sed & inqualibet alia, ab
habitu logicæ elicitur: cum enim fit de-
monstratio in philosophia v.g. duplex ibi
habitus elicitiue concurrit, habitus vide-
licet philosophiæ ad eliciendum conclu-
sionis assensum, & habitus logicæ ad eli-
ciendum actum logicæ utentis, disponen-
di

di videlicet in exercitio in modo, & figura præmissas philosophiæ ad inferendam conclusionem; & licet logica docens, quatenus modum tradit procedendi in omnibus scientijs, ad omnes illas ordinetur, per illas tamen non diuagatur, diuagatur tamen per ipsam logicam docentem: & per omnes alias sciētias logica vtens, quia in omnibus illis actus exercentur logicæ vtentis. Diuisio huiusmodi logicæ antiqua est, & ab omnibus recepta. Traditurque pluries à D. Thom. præsertim 4. metaph. lect. 4. & à Scoto q. 1. prædicabilium, & à nostro Authore sapiētissimo Magistro Soto q. 2. procemiali.

2 Diuiditur autem in docentem, & vtentem logica, non solum prout partem topicam, & probabilem continet (vt aliqui existimant) sed in tota sua latitudine accepta prout partem etiam continet demonstratiuam; nam secundum utramque talem partem logica docet, & logica vtimur: non minus enim vtimur præceptis traditis demonstratiuè à logica, cum in illa, & in qualibet alia scientia demonstrationes ad aliquid scientificè cognoscendum, conficimus, quam vtimur præceptis logicæ, cum probabiles, & topicas rationes ad aliquid probabiliter concludendum formamus. Logica ergo in tota sua latitudine accepta in docentem diuiditur, & vtentem.

3 Aduersus hanc veritatē obijcies difficile testimonium D. Thomæ 4. Metaph. lect. 4.

lect. 4. ubi nullatenus logicæ secundum partem demonstratiuam, sed solum secundum partem topicam, & probabilem in docentem, & utentem videtur admittere diuisionem; ita enim asserit. *In parte logica, quæ dicitur demonstratiua, sola doctrina pertinet ad logicam, usus vero ad physicā, & ad alias scientias particulares; pars autem logica tentatiua, & sophistica habent doctrinam & usum.* Hæc D. Thomas, in quibus manifestè aduersus ea, quæ diximus, videtur negare, logicam quoad partem demonstratiuam diuidi in docentem, & utentem, sentitque illam dumtaxat esse docentem, & doctrinam solum, nullatenusque usum, in alijs scientijs continere.

Respondetur, quod duplex in alijs scientijs vsus potest logicæ reperiri. Primus & communior, cum in alijs scientijs utimur demonstrationibus, vel rationibus probabilibus, quantum constructionis formam, & naturam docet logica, prout ad partem demonstratiuam, & probabilem extenditur: & sic ut ab hoc usu logica denominatur vrens, logica in tota sua latitudine accepta, & prout ad partem non solum probabilem, sed demonstratiuam extenditur, in logicam diuiditur docentem, & utentem, & hoc est, quod in præcedenti diximus notabile; nec oppositum huius vlatenus in testimonio adducto intendit D. Thom. Alter specialis vsus logicæ potest esse in alijs scientijs, quatenus non solum utuntur ad suas conclusiones modo discurrendi, & syllogi-

logizandi à logica tradito, sed etiam ab ipsa logica aliquando accipiunt aliqua principia, ex quibus suas deducunt conclusiones: & talia principia, alijs scientijs, quibus illæ vtantur, præbere, solum competit logicæ secundum partem illius topicam, & probabilem, nullatenus autem secundum partem illius demonstratiuam, & ita quatenus ab hoc speciali vsu logicæ denominatur vtens, solum logica quantum ad partem topicam, & probabilem in vtentem diuiditur, & docentem: & hoc solum in adducto testimonio intendit D. Tho. vt semetipsum de hoc solo vsu loqui, explicat S. Doctor opus. 70. q. 6. art. 1. in corpore dicens: *Aliquando vtimur logica, prout est docens in alijs scientijs, quia scilicet præbet alijs principia aliqua ad probandum, sicut ex intentionibus generis, aut speciei, vel oppositi probamus aliquid in alijs scientijs.* Et huius exemplum apponens S. Doctor 1. posteriori lect. 20. asserit: *Sicut probamus, amorem, & odium pertinere ad concupiscibilem, quia contraria sunt circa idem, quæ probatio sumitur ex principio logica, scilicet ex natura contrarietatis.*

4. His ergo suppositis quod inquiremus est, qualiter logica docens, & vtens inter se distinguantur: pro quo supponere oportet, duplicem esse distinctionem, realem videlicet & rationis. Distinctio realis est eorum, quæ ex se, & antecederet ad diuisionem per operationem intellectus factam, sunt inter se diuisa, & distincta. Et

hæc distinctio realis subdividitur in distinctionem realem entitatiuam, & in distinctionem realem formalem. Distinctio realis entitatiua est eorum quorum entitates sunt materialiter realiter diuersæ sicut distinguuntur: Petrus & Paulus, quia vnus habet suā entitatem, materialiter ab entitate alterius diuisam; & quæ sic realiter entitatiuè distinguuntur, possunt simul etiā distinctionem habere formalem, qualiter illam simul cum distinctione entitatiua habent equus & homo. Potest etiam distinctio realis entitatiua absque distinctione aliqua formali reperiri, vt inter Petrum, & Paulum; qui licet entitatiuè distinguantur, cum eiudem arhomæ sint speciei, nullam distinctionem formalem, sed omnimodam vnitatem formalem habent. Distinctio autem realis formalis est, cum in eadē materiali entitate duplex formalis ex natura rei, & ante omnem diuisionem per intellectum factam, ratio reperitur distincta, vt in actione, & passione, quæ quamuis in eadem entitate materiali cōueniant, duplex in eadem entitate ex natura rei distincta reperitur ratio & formalitas, altera videlicet eiudem entitatis, vt ab agente procedit, quæ est formalis ratio actionis. & altera eiudem entitatis, vt recipitur in passio, quæ est formalitas passionis. Distinctio autem rationis est eorum, quæ absque diuisione per intellectum facta, nulatenus actualiter distinguuntur, per operationem tamen intellectus diuiduntur, distinguuntur,

tur, & separantur. Et hac distinctio rationis adhuc est duplex, altera rationis ratiocinatae, cum videlicet intellectus, ut talem efficiat actualem distinctionem, aliquod in ipsa re, quam distinguit inuenit fundamentum, qualiter distinguit intellectus in eadem entitate gradum generi, cum & specificum, & in Deo vnum attributum ab altero. Altera denique est distinctio rationis ratiocinantis, cum videlicet absque aliquo in re, quam distinguit, fundamento idem a se ipso intellectus per diuersa solū nomina, vel conceptus distinguit. Hac ergo solito diffusius explicata distinctionis diuersitate, quia non solum ad hanc quaestionem, sed & ad alias plures, maxime est cognitu necessaria: & omissa, utpotē chimerica omnino, atque ficticia, distinctione rationis ratiocinantis, inquirimus in praesenti, qua istarum trium distinctionum logica vtens, & docens inter se distinguantur.

5. Dico primo. Logica docens, & vtens nō distinguuntur realiter entitatiuē, sed idem est entitatiuē habitus logicæ vtētis, & docentis, qui videlicet regulas tradit, & principia logicalia, & passionēs de de suo obiecto demonstrat, & a quo elicitur vsus, quem praeceptorum logicæ in ipse logica, vel in aliqua scientia habemus. Oppositum conclusionis aliquibus tribuitur: sed conclusio fere est omnium communis. Et probatur: nam quando duo actus ordine quodam, & vnus primario, & alter secundario.

cundario eliciuntur, & nouam difficultatē
 secundarius non addit supra primarium;
 ab eodem entitatiuè habitu procedunt, nec
 ad illos eliciendos oportet materialiter, &
 entitatiuè habitum multiplicari. Sed actus
 logicæ docentis, & vtentis ordine quodā,
 & primario actus logicæ docentis, secun-
 dario vero actus logicæ vtentis procedit.
 Ergo ad illos eliciendos non oportet ma-
 terialiter, & entitatiuè habitus multiplica-
 re, sed ab eodem entitatiuè habitu proce-
 dunt. Maior pluribus exemplis potest cō-
 firmari. Actus namque dilectionis Dei, &
 proximi, quia ordine quodam, & prima-
 rio Dei dilectio, secundario vero dilectio
 proximi procedunt, & hæc nouam non
 addit supra dilectionem Dei difficultatem,
 ab eodem entitatiuè habitu charitatis eli-
 ciuntur: & idē potest dici de actibus spe-
 randi gloriam animæ, & gloriam corporis,
 qui eo quod vnus consideratur, vt prima-
 rius, & alter vt secundarius, & hic supra
 actum primum nouam non addit diffi-
 cultatem; ab eodem entitatiuè spei habitu
 eliciuntur. Maior ergo in hac ratione
 assumpta, vtpotē manifestis exemplis con-
 firmata, verissima est. Minor autem pro-
 batur: nam actus logicæ docentis prima-
 rius est, secundarius autem actus logicæ vt-
 entis: quia quod primo per logicam inten-
 ditur, est eius obiecti naturam tradere, &
 proprietates, & syllogismi, ac demonstra-
 tionis formam docere; postea vero quasi
 secundarius logicæ actus est, demonstratio-
 ne

ne vel syllogismis in ipsa logica, aliisque scientijs in exercitio uti: & sciens per logicam docentem naturam, & formam demonstrationis (verbi gratia) & syllogismi, non habet ad talem usum nouam difficultatem, quia cum talis usus, & demonstrationis, ac syllogismi constructio, non per alias ab intellectu potentias, sed per ipsum intellectum sit faciendæ; facillimè naturam, & formam syllogismi, & demonstrationis sciens, syllogismos & demonstrationes in qualibet materia construere poterit, & formare. Aliquando namque quantumvis quis aliqua calleat arte, quia artis exercitium, non per ipsum intellectum, naturam & regulas artis cognoscentem, sed per exteriores potentias fieri debet, non paruum in tali exercitio inuenit difficultatem, quæ ut vincat, præter cognitionem artis, assuetudine opus est.

6. Dico secundo, idem realiter formaliter est habitus logicæ utentis & docentis. Oppositam conclusionem aliqui tenent etiã intra scholam D. Thomæ. Sed in illa conclusio est magis communis, & eadem ferè ratione, qua præcedens, conclusio probatur. Nam idem formaliter habitus sufficit ad actus ordine quodam eliciendos, maxime cum vnus non addit supra alterum nouam difficultatem, ut adductis comprobatur exemplis. Non enim solum idem entitatiuè, sed & idem realiter formaliter habitus charitatis ad eliciendam sufficit amoris Dei, & proximi, & idem realiter formaliter

44 *Lib. I. de Proœmialibus*

maliter habitus spei ad elicientiam sufficit actus sperandi gloriam animæ, & sperandi gloriam corporis. Ergo, cum (vt diximus) actus logicæ docentis, & vtentis ordine quodam procedant, & actus secundarius scilicet logicę vtentis supra actum logicę docentis nouam non addat difficultatem, idem formaliter habitus sufficit, vt ab illo vterque prædictus eliciatur actus.

7. Dico tertio. Habitus logicę docentis, & vtentis ratione solum distinguuntur ratiocinata. Conclusio est Ss. Magistri Soto hic quæstio: 2. proœmiali, & illam docet Flandria 2. Metaph. quæst. 5. art. 2. & plures ex recentioribus D. Thomę discipulis, & quantum ad exclusiuam, quam continet, logicam videlicet vtentem, & docentem non distingui alia maiore distinctione, quam rationis ratiocinatæ, sufficienter manet probata in duabus conclusionibus præcedentibus. Quò ad id vero quod asserit, inter logicam docentem, & vtentem distinctionem saltem interuenire rationis ratiocinatæ, probatur: quia habitus ad diuersa munia, & officia se extendens, & ad elicientiam diuersorum actuum, licet ordine quodam sint eliciendi, ordinatus; licet quia eo ordine, & absque noua difficultate illos elicit, non oporteat illum entitativam, aut formalem ex natura rei distinctionem habere: habet tamen distinctionem aliquam ab intellectu; quæ eum sit cum fundamento in re, quia in ordine ad tales suos diuersos actus, diuersaque munia desumitur,

sumitur, distinctio dicitur rationis ratiocinatae. Sed idem habitus logicae ut vidimus, ad diuersos actus, licet ordine quodam ordinatur, diuersos inquam, quia actus logicae docentis proprie & in rigore est scientificus, & speculatio, actus vero logicae vtentis est constructio, & non rigorose scientificus. Ergo in ordine ad tales diuersos actus, habitus logicae vtentis, & docentis distinctionem saltem inter se habent rationis ratiocinatae. Discursus est legitimus: Minor sufficienter iam probata est, & plus etiam ex solutionibus argumentorum comprobanda. Maior autem diuersis constat exemplis: satis est aptum, quod Ss. affert Magister Soto de malleo, quem conficit faber ferrarius, & quo utitur faber lignarius, qui in ordine ad haec munia, sola ad multum gaudet distinctione rationis. Et similiter idem realiter intellectus solum ratione distinctus in ordine ad diuersos actus speculationis, & operationis dicitur speculatiuus & practicus, ut cum D. Thom. 1. part. quaest. 79. art. 11. sentiunt communiter Doctores; aliaque plurima ad id exempla possent adduci,

3 Aduersus primam, & secundam conclusionem poterat obijci, logicam docentem esse habitum speculatiuum: logicam vero vtentem habitum practicum: & quod practicum formaliter, & formaliter speculatiuum, non solum realiter formaliter, sed & entitatiue necessario videntur distinguui. Huius tamen assumpti rationes illas-

que dissolvere ad quæstionem octauam huius libri remittimus; vbi ostendemus tam habitum logicæ vtentis, quam docētis esse formaliter speculatiuum. Vnde hac obiectione, (ne eadem inutiliter repetamus) in eum locum remissa, alias seorsum contra primam, & secundam propositam conclusionem oportet obiectiones proponere.

9 Obijcies ergo. Primo aduersus primam conclusionem, quod habitus distinguuntur per actus. Sed actus logicæ docentis, & vtentis distinguuntur realiter entitatiue, cum aliquando vnus sine altero, & alter sine alio possit reperiri. Ergo habitus logicæ docentis, & vtentis realiter etiam entitatiue distinguuntur. §, Confirmatur, quia diuersis realiter entitatiue actibus habitus generatur logicæ docentis, & vtentis. Non ergo eadem entitas habitus vtramque talem rationem continet, sed duplex est entitas realiterq; distincta. Consequentia videtur bona, quia non videtur qualiter eadem numero entitas medijs diuersis casibus possit produci. Antecedens autem probatur. Quia per actus logicæ docentis solum habitus logicæ docentis producit; quantumvis enim quis actus eliciat, & assensus logicæ docentis; non videtur acquirere habitum, & facilitatem ad ipsius logicæ vsum, & syllogismorum constructionem, sed id solum acquirit per actus, immo & per multiplicatos actus logicæ vtentis. Diuersis igitur entitatiue actibus

ctibus habitus acquiritur logicæ docentis, ac habitus logicæ vrentis.

10 Respondetur ad argumentum, negando, quod ex distinctione materiali, & entitatiua, vel aliqua alia in habitibus inferatur distinctio. Cum indistinctissimus quilibet habitus absque vlla prorsus sui distinctione plures realiter entitatiue actus possit elicere. Vnde ex distinctione reali entitatiua actus logicæ docentis, & vrentis, nulla in habitu, à quo procedunt, distinctio colligitur. §. Ad confirmationem negatur antecedens. Per actum enim logicæ docentis produciuntur habitus logicæ docentis, qui simul absque aliqua entitate, immo (vt diximus) & absque aliqua reali formalitate superaddita, est potestas, & facilitas ad ipsius logicæ usum, vtpotè qui nouam non addit difficultatem. Licet negare non possumus multiplicatis actibus logicæ vrentis prædictam ad usum logicæ facilitatem aliquam augeri.

11 Aduersus eandem primam conclusionem obijcies secundo, posse augeri habitum logicæ docentis, quin augeatur habitus logicæ vrentis: & è contra hic potest augeri, quin habitus logicæ docentis augeatur. Non igitur est eadem entitas habitus: aliàs non posset intelligi in illa reale, & entitatum augmentum secundum vnā rationem, & non secundum aliam. Antecedens probatur. Quia multiplicatis actibus logicæ docentis, & non multiplicatis actibus vrentis, augeatur logica docēs,

&

48 *Lib. I. de Proæmialibus*

& non videtur augeri vtens : & è contra, multiplicatis solum actibus logica vtētis, illa solum videtur augeri . Sed certum est multiplicari posse actus logica vtentis, nō multiplicatis actibus logica docentis, & è contra, istos posse multiplicari, quin multiplicentur & illi . Potest igitur augeri logica docens, quin augeatur , & vtens, & è contra .

Respondetur, quod quamuis non sit impossibile in eadem entitate habitus intelligi augmentum secundum vnā illius rationem, vel formalitatem, & non secundū alteram : sicut enim cum sola distinctione formali , vel rationis potest habitus ad actus diuersæ rationis inclinare: poterit etiā ad actus vnius rationis facilius reddi, quin reddatur facilius ad alterius rationis actus: quod est ipsum habitum secundum vnā, formalitatem , vel rationem augeri , quin augeatur secundum alteram. Sed quidquid sit de hoc , non est ad id in præsentī necessarium recurrere : semper enim , quod logica habitus augetur vt docens, augetur & vt vtens; & è contra, quia per multiplicatos actus logica docentis, facilius redditur quis ad actus logica vtentis : & per multiplicationem istorum, magis radicatur in cognitione logica docentis, quatenus maiori experientia discit , quod per logicam docentem agnouerat.

12 Tertio aduersus eandem primam conclusionem obijcies , quod de eadē realitate duo contradictoria non possunt

sunt verificari. At si habitus logicae docentis, & utentis eadem esset realiter entitas, duo de illa contradictoria verificarentur, esse videlicet scientiam, & non esse scientiam; cum enim logica docens sit scientia, & logica utens non sit scientia, de eadem realiter entitate verificarentur esse scientiam & non esse scientiam. Non igitur eadem realiter potest esse entitas habitus logicae docentis, & utentis.

Respondetur negando minorem, quia quantumvis logica utens, non sit scientia, haec negatiua tamen esset falsa, entitas habitus logicae utentis non est scientia, quia non apponitur aliqua reduplicatione rationis formalis logicae utentis, utraque praedicta propositio facit sensum identicum, ac perinde est falsa; & affirmatiua, in eodem sensu identico est vera. Sicut eadem ratione vera est haec propositio, entitas actionis est passio, & falsa ista, entitas actionis non est passio.

13 Quarto aduersus eandem primam conclusionem obijcies, quod in moralibus, teste D. Thoma 2.2. quaest. 51 art. 2. distinctus habitus, & virtus ponitur Eubuliz, ac Prudentiae, quia illa ad consiliandum de opere, Prudentia ad imperandum voluntati circa usum operis ordinatur. Ergo a simili, distinctus realiter debet esse habitus logicae docentis, quo de conclusionibus iudicemus, ab habitu logicae utentis, qui circa elicientiam vsus, & constructionem discursus versatur.

Respondetur, negando consequentiam, quia cum in moralibus nouam, & maiorem difficultatem supra consilium de opere addat ipsum opus voluntati, quandoque resistenti imperare: & sæpè qui de opere faciendo rectè iudicat, & consiliatur, difficilis ad illud voluntati imperandum inueniatur, merito ad hanc vincendam difficultatem distinctus à Synesi, & Eubulii habitus ponitur Prudentiæ: quia tamen (vt sæpius diximus) habens habitum logicæ docentis, nouam in ipsius logicæ vñ non inuenit difficultatem, non requirit ad talem vñum habitum realiter distinctum, sed idem realiter entitatiuè habitus sufficit ad actus logicæ docentis, & vtentis.

14 Ultimo tandem, & specialiter aduersus secundam conclusionem obijcies. Quod habitus distinctionem saltem formalem forniuntur per distinctionem formalem suorum actuum, sed actus logicæ docentis, & vtentis realiter formaliter ex natura rei, & ante omnem operationem intellectus distinguuntur. Ergo eadem distinctio realis formalis, esto ab eodem entitatiuè habitu procedant, in tali eadem entitate habitus debet reperiri. Maior videtur certa. Tum, quia habitus specificantur per actus. Ergo à formali diuersitate, vel unitate actuum, unitatem, vel diuersitatem formalem habitus accipere debet: omne enim specificatum à suo specificatio formalem accipit unitatem, vel diuersitatem. Tum etiam, quia cum actus eliciantur sub
ratio-

ratione formali sui habitus ; impossibile omnino videtur, quod actus diuersi formaliter ab eodem habitu secundum eandem rationem formalem eliciantur : ac perinde vt illos eliciat oportet, quod diuersa in illo saltem formalitas realis inneniatur. Minor autem probatur, nam sicut de habitibus diximus, distinctionem vel unitatem formalem accipere ab actibus, quia ab illis immediate specificantur ; ita & actus unitatem, vel diuersitatem formalem à suis accipiunt obiectis, quia ab illis specificantur. Sed obiectum actus logicæ docentis realiter formaliter est distinctum ab obiecto actus logicæ vtentis. Ergo ipsi actus logicæ docentis, & vtentis realiter formaliter inter se distinguuntur. Minor poterat probari, quia obiectum actus logicæ docentis est speculatio, & obiectum actus logicæ vtentis videtur esse praxis : sed hoc iam remisimus in quæstionem octauam huius libri, vnde minor aliter sic probatur. Obiectum logicæ docentis, vt obiectum illius, habet aliquam realem formalitatem, quam non habet obiectum logicæ vtentis. Ab illo ergo realiter formaliter est distinctum : vnum quodque enim per realem formalitatem, quam habet, realiter formaliter à nō habente eam, distinguitur. Antecedens probatur. Quia obiectum actus logicæ docentis est scibile, vt scibile : siquidem actus logicæ docentis, vt talis formaliter, est scientificus ; obiectum autem logicæ vtentis non est scibile, vt scibile, siquidem

C a actus

actus logicæ vtentis, vt talis, non est scientificus. Sed scibilitas in obiecto, cui competit, est aliqua realis formalitas. Ergo aliquam realem formalitatem habet obiectum actus logicæ docentis, quam non habet obiectum actus logicæ vtentis, vt obiectum illius est.

Confirmatur. Quia si habitus logicæ docentis, & vtentis nullam realem, vel formalem distinctionem haberet, sed solum distinctionem rationis; in sensu formali, inò & cum reduplicatione habitus logicæ docentis verè prædicaretur de habitu logicæ vtentis, & è contra & quod vni competit, verè cum eadem etiam reduplicatione prædicaretur de alio; & istæ prædicationes in sensu, non solum identico, sed & formali essent veræ; logica docens est logica vtens: logica vtens est scientia, & etiā cū reduplicatione: logica docens in quantum docens est vtens: logica vtens in quantum vtens est scientia. Consequens autem manifestè videtur esse falsum. Ergo & antecedens. Maior seu sequella probatur, quia cum ea quæ solum distinguuntur ratione ratiocinata, non distinguuntur ante omnem actionem intellectus, videtur, quod ea quæ ante talem intellectus actionem nō distinguuntur, possint in sensu formali ad inuicem prædicari, & etiam cum reduplicatione propriæ realis formalitatis illis ex natura rei conuenientis.

15 Ad argumentum (quod re vera in hac parte maiorem ingerit difficultatem)
respon-

respondetur dupliciter. Primo distinguendo maiorem: habitus distinctionem formalem, vel unitatem à distinctione, vel unitate formali suorum actuum accipiunt: de actibus quidem ex æquo, & absque ordine aliquo ab habitu procedentibus, concedenda est maior: neganda vero est de actibus non ex æquo, sed ordine quodam, primario scilicet, & secundario, ab habitu procedentibus. Hoc enim modo ab eodem formaliter habitu aliqui actus, quamvis inter se, & secundum proprias eorum rationes formaliter distincti, possunt procedere: sicut ab eodem formaliter habitu charitatis amor, desiderium, procedit, & gaudium. Quamvis enim isti tres actus inter se secundum suas proprias rationes formaliter distinguantur: in ordine tamen ad habitum non distinguuntur, quia omnes illi sub eadem ratione formali, & ut actus secundarii ordinati ad primarium, eliciuntur. Ita igitur quamvis admittamus, actus logicæ docentis, & utentis inter se secundum suas proprias rationes formaliter distingui, tamen quia nō. ex æquo, sed actus logicæ docentis primario, & actus logicæ utentis secundario, & ut ad actum primarium ordinatus, ab habitu eliciuntur; formalis inter prædictos actus distinctio in ipso, à quo procedunt habitu, realem aliquam formalem distinctionem non arguit. Secundo ad argumentum respondetur, negando minorem. Et ad probationem dico, quod non solum actus logicæ docentis, sed & actus logicæ

54 *Lib.1. de Proæmialibus*

utentis terminatur ad scibile, ut scibile: diversimode tamen, quia actus logicæ docentis respicit illud in recto, utpotè quia talis actus est ipsum scire, & speculari; actus vero logicæ utentis in obliquo tendit in scibile, quia non est ipsum scire, est tamen constructio, & usus, medio quo ipsum scibile cognoscitur. Et ita licet ex tali tendentia in obliquo ad scibile actus logicæ utentis non dicatur simpliciter scientificus, potest dici reductivè, & inchoativè scientificus, quatenus vel in obliquo tendit ad scibile, & viam parat ad elicendum scientificum simpliciter assensum.

Ad confirmationem respondetur, non esse inconueniens, in sensu non solum idèntico, sed & formali, illas prædicationes admittere, sicut quia in Deo iustitia (v.g.) nō solum entitatiuè, sed nec realiter formaliter, sed sola ratione ratiocinata distinguitur à misericordia, non solum identicè, sed & in sensu formali verè de illa prædicatur. In his tamen, quæ ratione saltem distinguuntur, non potest vnum de altero cum reduplicatione propriæ rationis prædicari: & ista est falsa, Iustitia in quantum Iustitia, est Misericordia: & istæ sunt falsæ, logica docens in quātum docens est logica utens: logica in quantum utens est simpliciter scientia; quia cum huiusmodi prædicationes fiant per actionem intellectus, quando reduplicatur ratio v.g. docentis, vel utentis, non reduplicatur solum aliqua formalitas à parte rei competens, sed etiam specialis

cialis ratio, quæ competit per actionem, intellectus in ipsa prædicatione, quam, format, simul in exercitio talem specialem rationem ab altera distinguentis, separantis, & diuidentis.

Q V Æ S T I O V.

Vtrum logica sit scientia?

Nomine scientiæ & actum & habitum possumus intelligere scientiæ, Scientia habitualis, quæ propriè, & formaliter dicitur scientia, est habitus certus, & euidens per demonstrationem acquisitus: actus autem scientificus est assensus certus, & euidens qui per demonstrationem habetur. Et licet hic tam de habitu, quam de actu scientiæ possimus loqui: loquamur de scientia quoad habitum: inde enim facile, quid sit de actu, deducitur. Præsupponenda etiam est ex dictis questione præcedenti distinctio logicæ in docentem, & vtem: de logica enim secundum vtramque rationem inquirimus, an sit vere & simpliciter scientia.

2 Dico primo. Logica, vt docens, est vere, & simpliciter scientia. Conclusionem præter vnum vel alterum ex Antiquis illam negantem; omnes communiter tenent. Et probatur, quia logica vt docens, est habitus per demonstrationem ac-

quisitus : plurimæ enim in logica fiunt demonstrationes, quibus, de his quæ logica tractat, suæ demonstrantur passionēs. ut de syllogismo demonstratiuo, quod generet scientiam; de syllogismo topico, seu probabili, quod generet opinionem; de syllogismo sophistico, quod faciat apparentiam. Ergo logica ut docens vere, & propriè est scientia. §. Confirmatur, quia logica per se non agit de hac, vel illa entitate, aut de hoc, vel illo syllogismo, quæ sunt entia contingentia, & corruptibilia, sed agit de intentionibus generis v.g. vel speciei in communi, & de natura illarum omnibus in singulari intentionibus communi, & de ratione communi demonstrationis, & syllogismi, quæ omnia sunt perpetua, necessaria, & incorruptibilia. Ergo est vere scientia, utpotè de perpetuis, & necessarijs agens, ac de illis suas passionēs per demonstrationem deducens.

3. Dico secundo. Logica in quantum utens, non est simpliciter scientia. Conclusio etiam est communis : & tam hæc, quam præcedens expressa nostri sapientissimi Magistri Soto hic quæst. 2. proæmiali. Et probatur. Quia logica ut utens, & ut ad constructionem demonstrationis, vel alterius syllogismi probabilis, vel sophistici inclinatur, non procedit modo resolutorio; sed modo compositiuo. Ergo ut sic non est simpliciter scientia; hæc enim modo resolutorio, & conclusiones deduc-

deducendo ex principiis debet procedere. §. Dixi, logicam ut utentem non esse simpliciter scientiam; reductiue enim, & secundum quid, etiam ut utens potest dici scientia. Quia ut q. precedenti numeri. 15. explicuimus, quamuis non modo resolutorio, sed compositiuo procedat, adhuc ut sic est via ad assensum scientificum; & ut sic etiam saltem in obliquo respicit scibile, ut scibile; & reductiue, inchoatiue, & secundum quid potest dici scientia. Et in eadem quaestione late explicuimus, qualiter cum sola distinctione rationis logica ut docens sit simpliciter scientia, non vero ut utens: unde in hoc non est in hac quaestione immorandum.

4 Aduersus primam conclusionem obijcies. Primo, quod, ut ex philosopho dicebamus sup. quaest. 3. num. 1. absurdum est, simul quaerere scientiam, & modum sciendi, & ut ibi ex mente Commentatoris & D. Thom. explicuimus, nomine modi sciendi intelligit Philosophus logicam. Ergo illa non est scientia; alias addiscens logicam, simul contra praeceptum Philosophi quaereret scientiam & modum sciendi.

Respondetur, quod logica ut docens non est omnino proprie, & in exercitio modus sciendi, & in exercitio instrumentum aliarum scientiarum (hac enim ratione esse modum sciendi, logicæ solum competit ut utenti,) sed logica ut docens est modus
C § scien-

sciendi obiectiuè quatenus naturam illius ostendit. Vnde cum logica ut docens se ipsam quodammodo præcedat ut utentem, acquirens logicam docentem, quæ simpliciter est scientia, & postea illa utens in alijs scientijs; non simul quærit scientiam, & modum sciendi. §. Vel facilius dicitur, Philosophum solum intendere, absurdum esse simul quærere scientiam, & modum sciendi, scientiam videlicet, quæ simul rationem non habet modi sciendi, qualiter illam non habent aliæ præter logicam scientiæ.

5 Obijcies secundo. Nam in logica etiam ut docente plures sunt actus per demonstrationem non acquisiti, sed topicis, & probabilibus rationibus habiti. Ergo vel in logica ducente duos habitus formaliter distinctos, alterum scientificum, & alterum opinatiuum debemus distinguere; vel si vnum dumtaxat specificè concedimus habitum, ille non erit simpliciter scientificus, siquidem ad plures assensus ineuentes, & formidolosos inclinat.

Respondetur, quod licet aliqui satis probabiliter hoc argumento (quod æqualiter dequalibet alia scientia potest fieri, in omni enim etiam reperiuntur aliqui assensus probabiles, & ad euentiam, & certitudinem non peruenientes) existiment concedendum duplicem habitum, alterum, qui sit proprie scientificus, & ad assensus euidentes media demonstratio-

ne

ne eliciendos inclinans, & alterum, qui sit opinatiuus ad alios assensus probabiles eliciendos: verum non est in qualibet scientia, nec in logica huiusmodi duplicis habitus necessaria distinctio; sed idemmet formaliter indiuisibilis scientificus habitus tanquam ad actus primarios, & à quibus specificatur, ad assensus euidenter, & scientificos inclinatur, & ad assensus probabiles, tanquam ad actus secundarios: ad quorum elicentiam, quia nouam difficultatem non addunt supra primarios, & quia aliquando de eadem licet per diuersum medium iudicant conclusione, & semper sub eadem ratione formali eiusdem abstractionis à materia procedunt; non requirunt ad sui elicentiam alium habitum, sed ab eodem habitu scientifico, ut actus illius secundarij, & minus perfecti elici possunt.

6 Obijcies tertio. Quod scientia debet passiones de suo obiecto demonstrare. Sed illas logica de suo non potest demonstrare obiecto. Non igitur est vere & simpliciter scientia. Minor probatur. Nam obiectum logicæ (ut in vltima huius libri quaestione explicabimus) est ens rationis. Sed ens rationis nullas habet passiones, quæ ab illius essentia proueniant, cum ad earum influxum, & causalitatem sufficientem entitatem non habeat. Ergo logica non potest passiones demonstrare de suo obiecto.

Confirmatur, quia passiones & essentia

debent simul habere coexistentiam. Sed hanc non necessario habent cum ente rationis, quæ illius assignantur passionēs. Ergo non sunt passionēs illius. Minor probatur, quia cum ens rationis existat per actualem considerationem intellectus, potest intellectus actu considerare vnam entitatem rationis absque eo, quod actu consideret alteram rationis entitatem, quæ dicitur esse proprietas prioris. Ergo potest vna entitas existere, sine alia.

Respondetur ad argumentum negando minorem. Et ad probationem dico, quod licet ens rationis non habeat passionēs, quas vere, & propriè causet, & quæ de illo per propriam causam possint demonstrari; possunt tamen demonstrari per aliquid, tanquam causam illarum, & per rationem formalem earum, & id sufficit ad demonstrationem simpliciter scientificam. Sicut de Deo simpliciter scientificè vnum attributum cognoscimus per aliud, non tanquam per propriam causam, sed per rationem formalem illius.

Ad confirmationem respondetur, quod licet passionēs dimanantes ab essentia per naturalem resultantiam absque dependentia ab alia alicuius actione, debeant habere mutuam existentiam, non illam necessario debent habere passionēs entis rationis, quæ in sui existentia ab actione intellectus dependent; sed sufficit, vt, suo modo sint proprietates entis rationis, quod
ita

ita cum illo sint connexæ, quod essentia
vnius exigat positionem alterius.

7 Obiicies quarto, quod obiectum,
logica, vtpotè ens rationis, non est sim-
pliciter scibile. Ergo logica non est sim-
pliciter scientia. Antecedens probatur,
quia ens rationis non est simpliciter ens.
Ergo non est simpliciter scibile. Conse-
quentia probatur. Tùm, quia videtur ef-
se à superiori ad inferius negative: ens
enim superius videtur esse ad scibile, si-
cut ad quamlibet positivam rationem;
cum nulla possit rationem subterfugere
entis. Tùm etiam, quia scibilitas vide-
tur esse passio entis. Ergo, quod non
est simpliciter ens, non potest simpliciter
esse scibile; cui enim simpliciter non
competit essentia, nec potest simpliciter
talis essentia competere passio. Tùm
denique, quia quod non est simpliciter
ens, nec est simpliciter cognoscibile. Sed
quod non est simpliciter cognoscibile,
non potest esse simpliciter scibile. Ergo
quod non est simpliciter ens, non est sim-
pliciter scibile. Minor cum consequen-
tia patet, & maior probatur. Quia in-
tantum aliquid est cognoscibile, in quan-
tum est ens, ergo quod non est simplici-
ter ens, non est simpliciter cognoscibi-
le.

8 Respondetur negando antecedens.
Cuius manifestam instantiam in obiecto
mathematicarum habemus; vtpote quod
cum sit accidens, & illud, teste Philoso-
pho,

pho, non sit simpliciter ens, sed entis ens, adhuc tamen est simpliciter scibile: si quidem absque controuersia mathematicæ sunt simpliciter scientiæ. Et ratio est, quia licet scibile rationem supponat entis, nec aliquid possit esse scibile, quod rationem non participet entis; ab alio sumitur ratio scibilis, & entis. Ratio enim scibilis consistit in connexionem illius cum suis proprietatibus, quam connexionem ita simpliciter potest habere, quod tantum secundum quid est ens, ac quod habet entitatem simpliciter: non enim minus necessariam connexionem habet accidens, quantitas v.g. cum suis proprietatibus, ac cum suis habet substantia, quamuis hæc multo perfectior accidente simpliciter sit ens, non vero illud. Ad primam, ergo prædicti antecedentis probationem, respondetur negando, illam consequentiam propriè esse à superiori ad inferius: quia licet scibile supponat ens: addit tamen aliquam rationem non propriè intrinsicè in ente contentam, sed ab extrinseco desumptam, scilicet à necessaria connexionem, quam scibile cum suis habet passionibus: Et vt propriè argumentemur a superiori ad inferius: ratio inferior debet virtualiter intrinsicè in superiori contineri, & non in ordine ad aliquid extrinsecum desumi. Sicut hæc consequentia non est bona, nec propriè à superiori ad inferius, quantitas non est simpliciter ens: ergo quantitas non est simpliciter quadra-

ta . Quia licet esse quadratum rationem ,
entis supponat ; ab aliquo extrinseco eius
ratio desumitur , nempe à positione æqua-
li quatuor angulorum inter se . Similiter
eodem modo procedit hæc consequentia ,
albedo non est simpliciter ens : ergo non
est simpliciter affixa parieti : quia licet ,
ut affigatur parieti , rationem entis albe-
do supponat , esse tamen parieti affixam ,
in aliquo rationi entitatis extrinseco : nem-
pe in minori , vel maiori approximatione
ad parietem consistit .

Ad secundam eiusdem antecedentis
probationem omnis pluribus , quæ pro
solutione illius & sequentis probationis
dici solent , respondetur , negando antece-
dens . Pro quo , & pro solutione sequen-
tis probationis est advertendum , quod in-
quolibet ente duplex veritas potest distin-
gui , altera scilicet simplex , & altera com-
plexa , veritas simplex , quæ inquolibet
ente est idem , quod verum , ut verum est
passio entis ; nihil aliud est quam ipsa sim-
plex entitas , vel ad multum connexio ip-
sius entitatis cum suis prædicatis essentia-
libus , non autem cum suis passionibus ,
aut cum alijs prædicatis ; quæ accidenta-
liter propriè , vel communiter ei possunt
advenire , prout talis simplex entitas , vel
essentialis connexio ordinem dicit ad in-
tellectum ; sicut & bonum , prout est pas-
sio entis , nihil est aliud quam ipsa simplex
entitas , prout dicit rationem appetibilis
in ordine ad voluntatem . Veritas autem
com-

complexa est connexio prædicatorum, quæ cuilibet accidentaliter competunt rei, siue accidentaliter propriè, vel communiter competant. Et talis complexa veritas non est passio entis, ut pote ab intrinseco prædicto ei competente dependens. Iuxta duplicem ergo prædictam veritatem obiectiuam duplex etiam inquolibet ente distingui potest cognoscibilitas: altera, quæ est ens cognoscibile cognitione ad eius simplicem veritatem terminata & hæc passiva cognoscibilitas est passio cuiuslibet entis, & eius entitati proportionata; ita ut solum quod fuerit simpliciter ens, sit simpliciter verum, & simpliciter prædicto modo cognoscibile. Altera est cognoscibilitas complexa entis, quatenus videlicet cognoscibilis est eius veritas complexa. Et hæc cognoscibilitas, sicut & veritas complexa non est passio entis, nec proportionatur cum entitate, sed sicut (ut diximus) ens, quod secundum quid est ens, ut accidens, vel ens rationis, potest habere non minus simpliciter connexionem cum suis v.g. passionibus, quam cum suis ens, quod simpliciter est ens; ita etiam hoc secundo modo cognoscibilitatis potest non minus esse cognoscibile ens, quod solum secundum quid est ens, atque illud, quod est simpliciter ens, scibilitas autem, utpote in cognoscibilitate connexionis passionum cum essentia consistens, non ad primam, sed ad secundam prædictam cognoscibilitatem pertinet: unde

non

non est passio entis. Et sic licet in eo cui competit, entitatem supponat, cum ipsa entitate non proportionatur, sed ens secundum quid potest esse simpliciter scibile. Et per hoc patet ad ultimam probationem, distinguendum enim est illud antecedens: ens rationis non est simpliciter cognoscibile: & de cognoscibilitate simplici, & ad aliquid extrinsecum non ordinata, & quæ propriè est passio entis, concedendum est antecedens: negandum vero est de cognoscibilitate complexa, & ad aliquid extrinsecum ordinata, & neganda est consequentia: ergo ens rationis non est simpliciter scibile: quia scibilitas non ad quamlibet cognoscibilitatem, sed ad cognoscibilitatem complexam, & ad aliquid extrinsecum ordinatam pertinet. Et in idem reddit hæc solutio cum ea, quæ communiter assignatur, quod sunt quædam passionēs entis quæ respiciunt aliquid extrinsecum, & hoc modo est entis scibilitas, respicit enim passionēs, cum quibus ipsum connectitur ens: & tales passionēs non proportionantur entitati intrinsecæ, sed sunt simpliciter tales, si cum illo extrinseco, quod respiciunt, simpliciter habent connexionem, quatenus illam habet cum suis passionibus accidens. & ens rationis, quamvis non sit simpliciter ens, & ideo nihilominus est simpliciter scibile.

¶ Ultimo tandem obiicies, quod logica est ars, utpote quæ modum tradit operis

ris construendi, faciendi videlicet syllogismos, & demonstrationes: ergo non est propriè, & simpliciter scientia. Probatur consequentia: nam scientia procedit modo resolutorio, & de perpetuis agit, & necessarijs: ars vero procedit modo compositiuo, & (vt ait Diu. Thomas 1. par. quæst. 57. art. 4. ad 2.) circa contingentia & corruptibilia versatur: ergo habitus, qui propriè est ars, non potest esse propriè & simpliciter scientia.

Respondetur ex sapientissimo Magistro Soto quæstion. 2. proœmiali in solutione ad 5. concedendo antecedens, & negando consequentiam; mathematicæ enim sunt simpliciter scientiæ; & tamen verè sunt, & numerantur inter septem artes liberales, quia docent meriti & numerare, vt docet Sanctus Thomas opusculo 70. qu. 6. art. 1. & 1. 2. quæst. 57. art. 3. ad 3. quamuis enim ibi asserat, mathematicas, imò & logicam esse similitudinariò artes, non intendit eis simpliciter artis negare rationem (hanc enim habent, quia docent, licet modo resolutiuo, qualiter opus sit faciendum: vt logica constructionem syllogismi,) sed solum vocat illas D. Thomas similitudinariè artes in comparatione ad artes mechanicas. Ad probationem autem consequentiæ in argumento factæ: respondetur, quod licet ars, secundum quod de nominat vsum artis, non procedat modo resolutiuo, & circa corruptibilia, & contingentia versetur (& sic intel-

telligitur testimonium ibi adductum Diu. Thomæ) ars tanten, prout docet modum conficiendi aliquod opus, bene potest procedere modo resolutiuo, sicut procedit logica docens, modum tradens conficiendi demonstrationes, & syllogismos, & circa necessaria, & incorruptibilia versatur; quia non de singularibus operibus agit, sed naturam in communi operis conficiendi docet, tradit, & demonstrat; & sic potest aliquis habitus, artis simul, & scientiæ rationem propriè & simpliciter habere.

QVÆSTIO VI.

Verum logica sit vna scientia specie?

Non inquirimus de vnitato numerica logicæ; hanc etenim, sicut quodlibet aliud accidens, ab vnitato sui accipit subiecti: & in diuersis numero hominibus diuersi numero habitus logicæ reperiuntur. Neque inquirimus de simplicitate logicæ (de hoc enim quæst. sequenti) quamuis enim scientia non esset vna simplicissima qualitas, sed ex pluribus partialibus habitibus composita; adhuc vnitatem posset retinere formalem, & specificam, & hanc solum in præsentī inquirimus, an habitus logicæ habeat, prout ad omnes suas conclusiones extenditur.

2 Supponendum est (vt ex D. Thom. opusc. 70. q. de diuisione scientiæ art. 1. noster aduertit Author q. 3. procemiali) quod vnitas, & distinctio formalis scientiarum, sicut & potentiarum, ab vnitate, vel distinctione sui obiecti desumitur, non quidem à quacunque vnitate, vel distinctione obiecti, sed ab vnitate, vel distinctione illius formaliter in esse obiecti considerati. Eadem enim v. g. potentia visiva ad plures colores in esse entis specie distinctos absque aliqua formali sui diuersitate terminatur, quia omnes prædicti colores in ratione formali obiecti visus nullam prorsus formalem habent diuersitatem. Similiter igitur scientiæ, quia in sua tendunt obiecta sub ratione formaliter abstractionis a materia, ab illis sub hac ratione acceptis, vnitatem & distinctionem accipiunt formalem, & quamuis aliqua scientia ad plures conclusiones, & obiecta in esse entis specificè distincta terminetur, si in omnia illa sub eadem abstractione à materia tendat, absque aliqua formali ipsius scientiæ diuersitate ad omnia illa terminatur.

3 Resolutorie est dicendum, logicam esse vnā scientiam specificè a thomè, & absque aliqua sui formali diuersitate ad omnes illius conclusiones terminari. Conclusio est sapientissimi Magistri Soto in prædicta quæst. 3. procemiali, & communis. Et probatur, quia obiectum logicæ sub vnica formali specifica ratione, nempe sub abstractione ab omni materia (qualiter
in

in solutionibus argumentorum explicabimus) ipsam terminat logicam. Illa ergo quamuis ad plures conclusiones, etsi specificè in esse entis distinctas inclinet; ad omnes tamen illas, quatenus sub eadem formali athoma specifica ratione sui obiecti, abstractionis videlicet ab omni materia conueniunt, sub omnimoda unitate formali, & absque aliqua prorsus formali distinctione terminatur.

4 Obijcies primo. Quod in logica plures sunt conclusiones & assensus scientifici, plures etiam probabiles & opinatiui. Sed ad istos & illos nequit aliquis habitus sub vnica ratione formali terminari. Ergo saltem distinguendus est in logica duplex habitus formaliter distinctus; alter qui ad assensus inclinet scientificos; & alter qui ad assensus inclinet probabiles, & opinatiuos. 5. Confirmatur, nam etiam inter conclusiones & assensus scientificos, ad quos logica inclinat, diuersitas reperitur specifica ergo cum habitus immediatè specificetur ab actibus; ab illis logica etiã prout ad actus solum inclinat scientificos, diuersitatem & distinctionem habet specificam, ac perinde non unitatem athomam habet specificam, sed ad multum vnus erit subalterne speciei in plures species athomas diuisibilis, Antecedens probatur, nam diuersa specificè videtur esse hæc v. g. logicæ conclusio prædicabile est vniuersale: ab ista demonstratio generat scientiam, & eandem distinctionem plures habent logicæ conclusio.

clusiones, & illarum assensus: ergo conclusiones & assensus scientifici non omnimoda specifica unitate, sed potius diuersitate inter se specifica gaudent.

Respondetur ad argumentum, quod satis probabiliter (cum nostro Authore quæst. 3. proœmiali in solutione ad 6.) in logica, sicut in qualibet alia scientia duplex habitus formaliter, imò etiam realiter entitatiuè distinctus potest admitti, alter videlicet scientificus, qui media demonstratione ad omnes assensus talis scientiæ inclinēt scientificos. Et alter opinatiuus, qui ad assensus probabiles medijs rationibus probabilibus inclinēt, quia licet obiectum vtriusque talis habitus conveniat in eadem abstractione a materia: differunt tamen habitus in modo procedendi, vnus videlicet per medium demonstratiuū, alter per probabile medium, & hoc non derogat unitati specificæ, quam adstruere contendimus logicæ, vtpotè quæ in hac sententia solum de unitate logicæ quo ad partem demonstratiuam, non autem de logica prout ad omnia vniuersaliter extenditur, quæ in ea distinguuntur, est intelligenda. §. Probabiliter etiam potest dici, quod licet vt tales assensus probabiles, & opinatiui primario ab aliquo habitu elicerentur, habitus requiratur opinatiuus, nec vt actus primarij ab aliquo habitu scientifico elici possint; tamen vt ad actus secundarios absque aliqua sui formali diuersitate ad illos potest se extendere habitus scientificus. Quia illi (vt quæ-

quaestione precedenti num. 5. explicuimus) nouam supra actus scientificos primarios non addunt difficultatem. Si enim quis media demonstratione per habitum scientificum elicit assensum, quod demonstratio v.g. generat scientiam, cur adiuncto ad eandem conclusionem aliquo medio probabili, non poterit per eundem habitum, tanquam actum illi secundarium, assensum probabilem eiusdem conclusionis elicere? Et idem dico de assensu probabili alterius distinctae conclusionis, quia talis probabilis assensus elicitur ab habitu scientifico, ut actus illius secundarius, & in ordine ad habitum sub eadem ratione formali actus scientifici, quia omnes tales actus eliciuntur ab habitu prout ad obiectum sub eadem ratione formali eiusdem abstractionis à materia terminantur.

Ad confirmationem patet ex dictis in notabili ad conclusionem praesupposito, & in eiusdem conclusionis probatione, quod licet conclusiones logicae materialiter, & in esse entis specificè inter se differant, formaliter in ratione obiecti, utpotè quae sub eadem abstractione à materia attinguntur, nullam habent diuersitatem: & sic nec illa tribuunt habitui, qui ad illas sub ea ratione formali terminatur.

5 Obijcies secundo, nullam posse assignari specialem abstractionem à materia, quae obiecto logicae in ratione obiecti unitatem tribuat formalem. Ergo neque illam à suo obiecto habitus potest accipere logicæ.

cx. Consequentia patet, & antecedens probatur. Quia si aliqua in obiecto logicæ assignari posset talis abstractio, esset abstractio ab omni materia. Sed hæc non potest esse obiecti logicæ formaliter constitutiva ergo. Minor probatur. Nam alias logica nõ distingueretur in formaliter à metaphysica, cuius obiectum per abstractionem ab omni materia formaliter in esse illius obiecti constituitur.

Dices, obiectum metaphisicæ constitui in ratione formaliter talis per abstractionem positivam ab omni materia. Quia quamvis plura, de quibus metaphisicus agit, in materia realiter sint, illa ut à metaphisica attinguntur, positivè ab omni materia abstrahunt: obiectum autem logicæ abstrahit ab omni materia negativè, quia nullam in se materiam includit.

Sed contra est, ex eo sequi obiectum logicæ formaliter in esse obiecti ab obiecto non distingui sacre Theologiæ: ac perinde nec ipsam logicam à Theologia esse formaliter distinctam. Consequens est falsum: ergo & prædicta solutio. Sequella probatur, nam obiectum Theologiæ abstrahit ab omni materia non positivè, sed negativè: obiectum enim primarium Theologiæ, scilicet Deus, nullam in se includit materiã, à qua possit abstrahere positivè: ergo si ratio specialis obiecti logicæ esset abstractio ab omni materia negativè, in eã ratione omnino cum obiecto conveniret Theologiæ.

Respon.

Respondetur ad argumentum, solutionē
ibi datam esse optimam. Ad replicam
autem neganda est sequella: ad cuius pro-
bationem dico. quod licet obiectū Theo-
logiae, & logicae conueniant, quod vtrum-
que abstrahit ab omni materia negatiue:
differunt tamen, quod obiectum Theolo-
giae talem habet abstractionem propter
maximam sui perfectionem, & actualitatē:
obiectum autem logicae propter sui imper-
fectionem, & quia eo, quod minimae entita-
tis est, nullam concernit materiā, a qua po-
sitiue possit abstrahere. Et haec est sufficiens
differentia, vt obiectum logicae, & Theolo-
giae formaliter differant in esse obiecti.

6 Obijcies tertio, quod intra eandem
obiecti logicae abstractionem a materia, da-
tur diuersa abstractio sufficienter distinctas
vt distinctionem formalem specificam cau-
set in habitu: ergo licet habitus logicae sit
vnius speciei subalternae, in distinctas spe-
cies a thomas est formaliter diuisibilis. An-
tecedens probatur: nam pars logicae, quae
agit v.g. de praedicabilibus, distinctam, &
maiores abstractionem habet, quam pars
logicae, quae agit de demonstratione. Tra-
ctatus enim de praedicabilibus abstrahit ab
omnibus, a quibus abstrahit tractatus de
demonstratione, & insuper abstrahit ab ip-
sius demonstrationis compositione, siquidē
illam non concernit: ergo sufficienter di-
stinctam abstractionem habēt obiecta prae-
dictorum tractatum, vt faciant vnum ab
alio formaliter distingui. Consequentia
proba-

probat: nam ob similem solum diuersam abstractionem intra abstractionem à materia sensibili distinguuntur specie Arithmetica, & Geometria, quia nimirum Arithmetica abstrahit à quantitate continua, à qua non abstrahit, sed illam cōcernit Geometria.

Respondetur, negando antecedens: talis enim diuersitas abstractionis, materialis est & insufficientis formaliter distinguere habitum: Ad probationem autem, omittis alijs, quæ ei adhiberi solent, solutionibus, illisq; alibi ex professo in examen vocandis; dico, quod non est similis diuersa abstractio, quæ inter Arithmeticam, & Geometriam reperitur. Cum enim respectu numeri, quantitas continua se habeat vt materia, abstrahens Arithmetica à continuitate, quam concernit Geometria, abstrahit ab illa abstractione formali, ac perinde abstractione sufficienter formaliter distincta ad distinctam formaliter specificandam scientiam. Cum tamen prædicabile, & alius quilibet simplex conceptus ad logicam pertineus, non se habeat vt forma, sed vt pars respectu demonstrationis, aut syllogismi, non abstrahit à compositione syllogismi abstractione formali, sed abstractione totali, quæ non est abstractio formaliter se habens ad specificationem scientiarum; ac perinde ea solum diuersitas abstractionis non sufficit scientiam formaliter distinguere.

QVÆSTIO VII.

Vtrum logica sit simplex qualitatis?

QVæstio ista ad metaphysicam spectans, & æqualiter de logica, ac de qualibet alia scientia procedens, disputatur hic ab autore q. 3. proœmiali in 2. quæstionis art. Et pro tituli explicatione est aduertendum, ad assensum scientificum concurrere præter intellectum, species intelligibiles, & habitum, medio quo assensus elicitur, & de conclusionibus indicatur: & species ex parte obiecti, habitus vero ex parte potentie, concurrunt ad assensum scientificum. Scientia autem aliqui in collectione specierum; aliqui in habitu solo; & alij in habitu, & collectione specierum existimant formaliter consistere: Et quidem qui scientiam in collectione specierum, vel in illa simul, & habitu formaliter constituunt, consequenter asserunt scientiam esse compositam ex speciebus & habitu, vel saltem ex diuersis speciebus, tanquam ex partibus integran-
tibus. Sed certè, & secundum D. Tho. 1. 2. q. 54. art. 4. & alibi pluries, & secundum
veritatem scientia formaliter consistit in
solo habitu, medio quo intellectus de con-
clusionibus indicat, quamuis hoc nomen
scientie quandoque vsurpetur & pro scientia

D i

tia

cia formaliter sumpta, & pro scientia consequenter, vel causaliter accepta: scientia formaliter sumpta (ut diximus) est solus habitus. Scientia consequenter accepta est assensus scientificus, ad quem tanquam ad effectum habitus inclinat. Scientia denique causaliter, & antecedenter sumpta sunt species intelligibiles, & illarum collectio, ut aliquid ad acquisitionem habitus (in quo solum scientia formaliter consistit) requisitum. Et cum D. Thomas collectionem specierum scientiam videtur appellare, loquitur non de scientia formaliter sumpta, sed de scientia inchoatiue, causaliter, vel antecedenter accepta. His ergo suppositis, quod inquirimus, est, an habitus logicæ (in quo ipsa scientia formaliter consistit) prout ad omnes conclusiones ipsius logicæ terminatur, si omnino simplex, & totius compositionis expers, an vero sit compositus ex pluribus partialibus habitibus, quorum singuli ad singulas conclusiones inclinent, licet sub eadem formali specifica ratione omnes ad illas terminentur.

2. Dicendum est, logicam, prout ad omnes eius conclusiones terminatur, esse omnino simplicem qualitatem. Oppositum conclusionis cum Scoto q. 3. prologi, & alibi, tenent eius discipuli, & aliqui recentiores, etiam si scientias non in collectione specierum, sed in habitibus formaliter constituent. Sed conclusionem cum communi Thomistarum sententia noster docet author quæst. 3. proœmiali art. 2. & est expressa

pressa D. Thomae 1. 2. quaest. 54 art. 4. & ibidem Caietani: in solutione enim ad tertium ait ibi S. Doctor. *Ille qui in aliqua scientia acquirit per demonstrationem scientiam conclusionis unius, habet quidem habitum, sed imperfecte; cum vero acquirit per aliquam demonstrationem scientiam conclusionis alterius, non aggeneratur in eo alius habitus, sed habitus, qui prius inerat fit perfectior, utpotè ad plura se extendens, eo quod conclusiones, & demonstrationes unius scientia ordinatae sunt, & una derivatur ab alia.* Hæc D. Thomas, in quibus expressè negans, in habente per unam demonstrationem habitum scientiæ, per alteram aggenerari novum habitum, manifestè in scientia quamlibet ex partialibus habitibus compositionem negat, & cum dicit, per secundam demonstrationem habitum perfici præexistentem, non intendit illum per additionem alicuius entitatis perfici (alias novus partialis aggeneraretur habitus,) sed quod absque aliqua sui additione per extensionem ad novam conclusionem habitus præexistens perficitur. Nec hanc doctrinam limitat Sanctus Doctor ad scientiam prout ad conclusiones duntaxat terminatur ita inter se subordinatas, ut una sit passio alterius, sed de scientia loquitur prout omnes conclusiones sub eadem attingit ratione formali, eatenusque intendit, eas esse subordinatas, quatenus sub eadem ratione formali specifica attinguntur.

3 Probatur autem primo conclusio ra-

D 3 uione

tione prædicti articuli, sic ad formam redu-
 cta. Logica & habitus cuiuslibet scientiæ
 omnes suas conclusiones materialiter in
 esse entis, specificè inter se distinctas, sub
 eadem ratione formali specifica scibilis at-
 tingit: ergo ad omnes illas omnino sim-
 plex, & absque aliqua sui, vel materiali
 compositione terminatur. Antecedens in
 hac quæstione ex præcedenti supponimus
 (alias enim non solum habitus scientiæ nõ
 esset simplex qualitas, sed nec vnus forma-
 liter specificè a thomè, & in logica, & in
 qualibet alia scientia tot formaliter specie
 distinctas scientias deberemus admittere,
 quot sunt conclusiones logicales, ad quas
 logica terminatur) antecedente igitur ut
 certo supposito; consequentia probatur:
 quia idem omnino simplex intellectus abs-
 que aliqua sui, vel materiali compositione,
 omnia sua quantumvis inter se distincta
 attingit obiecta, quia ad omnia illa sub
 eadem ratione formali specifica ipsius po-
 tentiæ terminatur. Ergo & habitus scien-
 tificus ad omnia, quæ sub vnica sui ratio-
 ne attingit formali, omnino simplex, &
 absque aliqua compositione terminatur.
 Consequentia probatur: quia habitus est
 perfectio potentiæ. Ergo ipsi debet pro-
 portionari in eo, quod sicut potentia, quia
 vniuersalior est, & pluribus distinctis habi-
 tibus perfectibilis, omnia prædictorum ha-
 bituum obiecta sub vnica attingit ratione
 formali specificatiua ipsius potentiæ, scili-
 cet sub abstracta, & vniuersali ratione ve-
 ri, &

ri, ad omnia illa absque aliqua sui compositione terminatur : ita & quilibet scientificus habitus, non ad omnia in vniuersum intellectus obiecta ; sed ad omnia, quae sub speciali ipsius habitus ratione attinguntur formali, possit habitus omnino simplex, & absque aliqua sui compositione terminari.

4 Nec valet, huic rationi cum aliquibus dicere, potentiam non generari nostris actibus, & ita per diuersitatem actuum partialem potentiam non acquiri : habitus tamen cum nostris actibus generentur, & quilibet nouus actus, utpotè eodem modo potens aliquid producere, sicut praecedens, aliquem nouum partialem generat habitum, qui cum praecedenti compositionem faciat : licet omnes tales illius partes, seu habitus partiales, quia sub eadem ratione formali specifica scientiae continentur, non plures formaliter scientias, sed unam specie constituent.

Non inquam, id valet : quia non obstante differentia assignata habitus, & potentiae, quod haec nostris non producat actibus, habitus vero nostris actibus generetur, adhuc semper inter illum & potentiam manet proportio, quod si illa absque aliqua sui compositione potens est ad omnia sua obiecta terminari, quia omnia illa sub eadem ratione formali attingit, potens etiam erit habitus, quamuis nostris actibus genitus, ut absque aliqua sui compositione omnia sua attingat obiecta, quia ad omnia

illa sub ratione eadem formali terminatur. Quare autem secundæ, & aliarum demonstrationum actus, nec habitum partialem, neque aliquid reale in habitu præexistenti producant, in solutione secundæ obiectionis aduersus hanc conclusionem explicabimus.

§ Secundo probatur conclusio. Quia habitus infusi v.g. fidei, vel charitatis (ut etiam contrarij Authores admittunt) absque aliqua sui, vel materiali compositione in omnia sua tendunt obiecta, quia ad omnia illa sub eadem ratione terminantur formali, quamvis in terminatione ad quodlibet illorum nova aliqua materialis sit vincenda difficultas, ut in assensu noui articuli fidei, & in dilectione inimicorum. Ergo eadem ratione, & habitus scientifici omnino simplices omnia sua attingunt obiecta, quia ad omnia sub eadem ratione formali terminantur. Quod enim habitus scientifici nostris actibus generentur, non vero habitus infusi, nulla est ad propositum differentia: si enim absque eo, quod Deus multiplicem, vel partialem fidei v. g. infundat habitum, simplex, quem infundit, potest ad omnia obiecta terminari, quia omnia illa sub eadem cadunt ratione formali: quare etiam simplex habitus scientificus, licet nostris actibus genitus, non sufficiet ad attingendum omnia obiecta, quæ sub eadem steterint ratione formali? §. Confirmatur: nam virtutes morales, quauis nostris actibus acquisitæ, possunt absque omni sui compositione-

positione omnia attingere obiecta, quæ sub eadem cadunt ratione formali. Ergo similiter & habitus sciētificus, quamuis nostris actibus generetur. Antecedens licet non omnes, aliqui tamen ex contrarijs concedunt (qui certè nescio qualiter consequentiam possint negare) aduersus illos tamen, qui illud negant. Probatur: si enim temperantia v.g. infusa omnino simplex ad plures actus, pluresque in illis materiales difficultates vincēdas terminatur (maior enim difficultas saltim materialiter est in abstinendo ab vno obiecto delectabili, quam ab alio) cur & eadem omnino simplex temperantia moralis, quamuis nostris actibus acquisita, non sufficiat ad eliciendos quoslibet temperantiæ actus, & vincēdas omnes, quæ in illis, materiales difficultates, inueniantur?

6 Tertio probatur conclusio: quia habitus scientiæ non potest esse compositus ex pluribus partialibus habitibus specificè inter se, nec solo numero differentibus. Nullatenus ergo ex pluribus habitibus potest componi: ac perinde omnino est simplex, & nullatenus potest esse composita, qualitas. Antecedens pro vtraq; parte probatur. Pro prima quidem: quia cum eadem sit ratio formalis habitus v. g. logicæ (aliàs non esset vna scientia speciei), non est, à quo tales partiales habitus diuersitatem possint habere specificam. Pro secunda parte idem probatur antecedens, quia cum accidentia eiusdem speciei in eadem,

D 3

forma-

formaliter, & virtualiter sint parte subiecti: & omnia in vniuersum accidentia subiecti vnitatem indiuiduationem, & unitatem accipiant numericam, implicat quod in eodem subiecto plura simul solo numero distincta accidentia inueniantur. Ergo impossibile est, habitum scientiæ ex partialibus habitibus solo numero inter se distinctis componi siquidem illi simul deberent esse in eodem subiecto. Hanc efficacem rationem, ut magis eius vis innotescat, libet, aliquibus obiectionibus examinare, prius quam alia aduersus conclusionem argumenta proponam.

7. Aduersus præcedentem igitur rationem obieciens primo. Quod, species intelligibiles eadem scientiæ deferrentes, & assensus circa plura eiusdem scientiæ obiecta, solo numero differunt, utpotè quæ sub eadem sunt ratione, formali eiusdem habitus, ac perinde non magis, quam ipse habitus, distinctionem formalem possunt habere. Et tamen plures diuersarum eiusdem scientiæ conclusionum assensus, & saltem plures diuersorum eiusdem scientiæ obiectorum species in eadem simul intellectus potentia reperiuntur. Ergo licet partiales habitus, ex quibus habitus componeretur totalis, solo numero essent distincti, id non obstarèt quominus in eodem simul intellectu reperirentur.

Dices, quod species obiectorum eiusdem scientiæ, & assensus conclusionum eiusdem scientiæ non differunt solo numero, sed li-

cet

cet in ordine ad habitum sub eadem attingantur ratione formali, à distinctione tamen specifica obiectorum in esse entis distinctionem accipiunt specificam; quia licet omnia prædicta obiecta sub eadem ratione formali attingantur, rationes tamen specificæ eorum in esse entis ab speciebus representantur, & per assensus attinguntur.

Contra hoc est, quod eadem etiam distinctio specifica ab specifica distinctione obiectorum in esse entis potest in habitu reperiri, siquidem etiam attingit obiecta in esse entis specificè distincta: ergo etiam si plures parciales eiusdem scientiæ sint habitus, illi non solum numero, sed specificè materialiter, & in esse entis distinguuntur: ac perinde poterunt simul non minus, quàm plures species intelligibiles, & plures assensus diuersorum obiectorum in eodem intellectu reperiri.

Respondetur, solutionem datam esse optimam. Et ad replicam negandam est, distinctionem specificam, quæ materialiter, & in esse entis in speciebus, & actibus circa diuersa obiecta eiusdem scientiæ reperitur, in ipso habitu scientiæ reperiri: quia cum habitus se habeat in ordine ad actus, ut illorum principium, & quæ in effectibus sunt distincta, & diuisa adueniunt in principio, non quolibet obiectorum distinctio, quæ actus sufficit specificè in esse entis diuersificare, sufficit distinguere habitum, sicut licet habitus diuersi

farum scientiarum in eodem intellectu u existentibus à suis obiectis diuersitatem habeant specificam, intellectus tamen, qui ad eadem obiecta ut principium magis vniuersale comparatur, & omnia illa sub eadem sua ratione formali attingit, nullam a prædictis obiectis accipit distinctionem, aut diuersitatem.

§ Contra eandem rationem obijciō secundo. Quod ea quæ simul numero differunt, & specie (ut actus & species eiusdem scientiæ differre diximus) non obstante sua distinctione numerica, in eodem simul sunt intellectu. Ergo etiam, si solo numero differrent, in eodem simul intellectu esse possent; perperamque perinde in vltima conclusionis ratione dicitur impossibile esse, quod partiales habitus solo numero differentes in eodem simul intellectu inueniantur. Consequentia probatur, nam quæ simul numero differunt & specie, ab eodem principio sumunt distinctionem suam numericam, atque illa, quæ solo numero differunt. Ergo si illa possunt simul esse in eodem subiecto, etiam & ista. Pater consequentia, quia ea ratione dicebamus, accidentia solo numero differentia non posse esse simul in eodem subiecto, quia accidentia à subiecto accipiunt individuationem, unitatem, & diuersitatem numericam. Ergo si hoc non obstante, accidentia specie simul & numero distincta in eodem simul possunt esse subiecto, etiam illa, quæ

quæ solo numero differunt.

Respondetur, negando consequentiam. Pro quo est aduertendum ex Caetano 1. 2. quaest. 54. art. 4. quod licet intellectus sit formaliter idem, virtualiter est multiplex. pluresque habet virtuales potentialitates, & tales potentialitates distinguuntur in intellectu in ordine ad formas diuersæ speciei, ut quælibet intellectus potentialitas omnes formas alicuius speciei respiciat, & recipiat, illisque indiuiduationem, & unitatem præbeat numericam. Unde accidentia specie simul & numero distincta bene possunt esse simul in eodem intellectu, quia in illo secundum diuersas potentialitates recipiuntur; & ab illo secundum prædictas potentialitates distinctionem numericam accipiunt. Accidentia autem solo numero distincta nullatenus possunt esse in eodem intellectu, quia deberent esse in eo secundum eandem potentialitatem, & sic non haberent, unde ullatenus distinctionem reciperent numericam.

9 Aduersus conclusionem autem arguitur primo. Quod habitus est dispositio, non quidem dispositione accepta pro specie qualitatis ab habitu condistincta, sed accepta pro qualitate, ut communi habitui, & dispositioni specialiter dictæ. Sed dispositio est quid compositum ex partibus. Ergo & habitus, ac perinde cum omnis scientia sit habitus, omnis scientia ex partibus est composita. Mi-

non probatur ex philosopho 5. metaph. text. 24. asserente quod *dispositio est ordo habentis partes*. Sed habens partes, ex illis componitur: ergo dispositio componitur ex partibus.

Respondetur negando minorem, & ad authoritatem Philosophi, omittis alijs explicationibus, dicendum est cum nostro S. Magistro Soto q. vnica de qualitate circa solutionem ad 3. Philosophum intelligi, non quod ipsa dispositio habeat partes, sed quod sit ordo animæ habentis partes, animæ videlicet habentis potentias: vel quod dispositio sit ordo potentiarum in qua recipitur, potentiarum scilicet habentis partes, diuersas videlicet potentialitates inter se virtualiter distinctas.

ro Obijcies secundo. Quid acquisito per primam demonstrationem habitu scientifico, nouus per secundam demonstrationem partialis produciatur habitus; & eadem est ratio de alijs demonstrationibus circa alias conclusiones: ergo ex habitu præexistenti, & ijs, qui de nouo acquiruntur vnus totalis componitur habitus, sub eadem ratione formali illarum componentibus. Antecedens probatur. Tum, quia vt in testimonio pro conclusione adducto asserit D. Thomas, per demonstrationem secundæ conclusionis habitus præexistens fit perfectior. Maiorem autem perfectionem non videtur habere posse, nisi aliquid reale ei super addatur, nec aliquid ei superaddi posse videtur, nisi

nouus partialis habitus . Ille ergo ei superadditur , & per secundam demonstrationem producit . Tum etiam , quia , secunda demonstratio eiusdem speciei , imò eiusdem actiuitatis & efficacitæ ad producendum habitum videtur esse ac prima : ergo de facto habitum producit partialem . Antecedens probatur : nam si prius talis fieret secunda demonstratio , de facto non minus , quam prima produceret habitum (loquimur enim de demonstrationibus circa conclusiones , quantum ab vna , altera non , vt secunda passio a prima dependet : in his enim demonstratio circa secundam conclusionem forsitan necessario præsupponit demonstrationem circa primam , sed de demonstrationibus loquimur circa conclusiones eiusdem scientiæ , hanc tamen inter se dependentiam , vnus ab altera non habentes .

Confirmatur , quia multiplicatis circa eandem conclusionem actibus , habitus circa illam intenditur , & per additionem alicuius nouæ entitatis , vel modalis perficitur . Ergo cum præexistens habitus , ad nouam conclusionem distincta demonstratione terminatur , noua ei entitas & habitus partialis superadditur . Consequentia probatur , quia non minor , sed maior forsitan est perfectio habitus extensiva , quam intensiva : ergo si hanc per additamentum nouæ entitatis acquiri . habitus , etiam & illam .

¶ Respondetur ad argumentum negando

gando antecedens. Et ad primam illius probationem dico, quod licet habitus præexistens, adueniente secunda circa secundam conclusionem demonstratione, perficiatur, hæc tamen perfectio nullatenus est per aggenerationem noui partialis habitus, qui præexistenti superaddatur (hoc enim expressè in allegato testimonio negat D. Thomas) sed talis noua perfectio aduenit habitui per id dumtaxat, quod ille ad nouam materiam applicetur. Sicut lux perficitur extensue, cum novos colores illustrat, non per id quod luci aliquid intrinsecum addatur, sed per id dumtaxat, quod ad nouam materiam se extendat, nouoque applicetur colori. Et anima rationalis, cum nouam, absque aliquo sui intrinseco additamento informat materiam, perfectionem per id accipit intensiuam. Eodem igitur modo, & habitus scientificus extensue perficitur, per id quod solum ad nouam materiam applicetur, & ad assensum nouæ conclusionis inclinet. Et tale illius extensuum augmentum potest dici fieri per additionem, non quidem intrinsecam ipsius habitus, sed per additionem extrinsecam, nouæ materiæ, ad quam de nouo applicatur. Et hoc modo intelligendus est Diu. Thomas 2.2. quæst. 24. art. 5. ubi insinuat augmentum intensiuum habitus non fieri per additionem, bene tamen augmentum extensiuum illius. §. Ad secundam probationem eiusdem antecedentis negatur

consequentia: quia licet secunda demonstratio ex se non minus, quam prima sit sufficiens, habitum generare scientificum, quia tamen illum inuenit per primam demonstrationem productum, nihil de nouo producit, sed solum habitum perficit præ existentem, faciens ut ad nouam materiam, nouasque conclusiones se extendat. Et hoc facere, est nouus effectus talis demonstrationis, non enim omnis actio etiam ex se productiua alicuius termini, oportet quod illum de facto producat, sed quod aliquem alium nouum habeat effectum. Sicut intellectio, quæ ex se est actio productiua verbi, verbum in *Beatis* de facto non producit, quia obiectum de se est sufficienter proportionatum, sed solum habet effectum vniendi obiectum cum potentia. Similiter licet actio conuersiua ex se sit productiua sui termini, illum de facto non producit, quando terminus supponitur præexistens: sicut quia Christus, terminus conuersionis Sacramentalis, præexistens ad ipsam conuersionem supponitur, nullatenus per illam iuxta probabiliorem sententiam producitur.

Ad confirmationem iuxta sententiam D. Thomæ 2.2. quæst. 34. art. 5. magis videtur negandum esse, augmentum intensiui, quam extensiui habitus fieri per additionem intrinsecam alicuius entitatis ad habitum præexistentem: & ita negari potest antecedens, de quo latè cum de intensiue agemus in libris de generatione.

Sed

Sed quidquid sit de hoc, etiam si augmentum intensuum habitus fiat per additionem intrinsecam alicuius entitatis aut modi, non inde sequitur, per similem additionem intrinsecam habitum augeri extensivè, quia ad id sufficit, quod ad novam applicetur materia, & quod per novum assensum novam actus subiecti potentialitatem: in intensione autem, quia habitus quantumvis multiplicatis actibus: non ad novam, sed ad eandem applicatur materiam, & non distinctam intellectus, sed eandem omnino actuat potentialitatem, nisi ipsi habitui aliquid intrinsecum superaddatur, non habet per quid intensuum recipiat augmentum, & intensivè perficiatur.

12 Obijcies tertio posse contingere aliquem per assensum scientificum circa primam conclusionem, habitum circa illam habere scientificum, & per assensum erroneum circa secundam, habitum circa illam erroris acquirere: tunc adveniente scientifico per demonstrationem circa secundam conclusionem assensu, habitus præexistens erroris excluditur. Novus ergo per talem secundam demonstrationem habitus generatur. Patet consequentia: quia habitus erroneus non potest, nisi per habitum excludi scientificum. Sed non excluditur per habitum præexistentem per primam demonstrationem generatum siquidem cum illo compatiebatur: ergo excluditur per habitum per secundam demonstrationem

monstrationem de nouo productum . Et cum ille in eadem ratione formali scientiæ cum habitu per primam demonstrationem acquisito conueniat , ex utroque ut ex habitibus partialibus scientia resultabit composita .

Confirmatur primo, quia habens habitum scientiæ circa duas vel plures conclusiones , potest per obliuionem secundæ verbi gratia demonstrationis ad assensum secundæ conclusionis non inclinare, quamuis inclinet ad primam . Non igitur circa easdem conclusiones erat vnicus simplicissimus habitus ; alias non posset circa primam manens, deperdi circa secundam, & ad illam non inclinare .

Confirmatur secundo . Quia potest habitus circa primam conclusionem multiplicatis circa illam actibus intendi , & circa secundam, si actus circa illam non multiplicentur , manere remissus . Non igitur circa vtranique conclusionem erat idem realiter habitus : alias eadem entitas esset simul intensa , & remissa , quod videtur esse impossibile .

13 Respondetur ad argumentum, negando consequentiam . Et ad probationem distinguenda est minor , habitus erroris non excluditur per habitum scientificum præexistentem : secundum se sumptum , & ut præcise per primam demonstrationem erat generatus : concedo minorem (ut sic enim ut recte dicitur in argumento , cum habitu erroris compatiebatur)

etur) non includitur per habitum scientificum præexistentem , ut de nouo per secundam demonstrationem ad nouam materiam applicatum , nego minorem .

Ad primam confirmationem negatur consequentia . Idem enim entitatie habitus , qui absque aliquo sui intrinseco additamento , solum per applicationem ad nouam materiam , ad assensum secundæ conclusionis inclinabat , absque eo , quod aliquid intrinsecum deperdat , solum per id quod talem ad prædictam nouam materiam applicationem amittat , potest ad assensum talis secundæ conclusionis , non inclinare , licet maneat ei inclinatio ad assensum aliarum conclusionum , ad quas applicationem non amittit .

Ad secundam confirmationem negatur consequentia . Sicut enim idemmet habitus ad diuersas conclusiones applicatus , inclinat , ita etiam ut applicatus ad vnā potest intendi , quamuis ut applicatus ad alteram maneat remissus . Ad hoc enim , non diuersa requiritur entitas habitus , sed diuersa eiusdem habitus , secundum diuersam illius applicationem sufficit consideratio , diuersusque illius ad plures conclusiones secundum diuersam ad illas applicationem respectus .

14 Obijcies quarto , quod in partialibus eiusdem scientiæ obiectis , & conclusionum assensibus circa illa , quamuis omnia sub eadem ratione formali attingantur , aliqua noua occurrit difficultas . Er-

go cum habitus ad vincendas huiusmodi
dentur difficultates, circa talia partialia
obiecta partialis etiam in eadem scientia
construendi sunt habitus. Antecedens pro-
batur: quia quantumvis, quis assensum
habeat circa aliquod scientiæ obiectum,
aliquamque de illo conclusionem, expe-
rientia constat, nouam inueniri difficulta-
tem in assensu circa alia obiecta, & con-
clusiones eiusdem scientiæ, cum nouum
ad id medium debeat applicare, nouasque
ad id demonstrationes conficere.

Respondetur, quod in scientiis, & vir-
tutibus duplex inuenitur difficultas: alte-
ra formalis, & essentialis, altera materia-
lis & accidentalis. Prima pronenit ex
defectu rationis formalis & inclinationis
ad obiectum formale habitus seu virtutis.
Et hanc difficultatem habent, qui omni-
no habitibus carent. Accidentaliter autem
& materialis difficultas prouenit ex defe-
ctu applicationis ad materiam, aut ex defe-
ctu exercitij. Et hanc secundam diffi-
cultatem, postquam quis habet habitum
scientiæ, aut virtutis, potest inuenire cir-
ca particularia eiusdem scientiæ aut virtu-
tis obiecta, & ad illam difficultatem
vincendam, non requiritur nouus vel par-
tialis habitus, sed solum præexistentis ha-
bitus noua applicatio. Sicut licet ean-
dem difficultatem quis in actibus virtu-
tum infusarum inueniat, vt habens habi-
tum Charitatis illam inuenit in dilectione
inimicorum, & maiorem, quam in dile-
ctione

ctione amicorum ; ad talem difficultatem vincendam non requiritur nouus vel partialis habitus charitatis (vtpote qui in habitibus infusis etiam in opposita non admittitur sententia) sed sufficit eiusdem entitatis indivisibilis habitus charitatis noua ad talem materiam applicatio .

QVÆSTIO VIII.

*Utrum logica sit habitus practicus ,
an vero speculatiuus ?*

Consultò titulum proposuimus questionis de habitu, & non de scientia, ut ab ea abstineamus à difficultate an scientia possit esse practica : aliqui enim existimant id esse impossibile, cum proprius sit scientiæ modus procedendi resolutiuus, & talis procedendi modus sit proprius habitus speculatiui, quidquid ergo sit de hoc, ne in illo implicemur, inquirimus, an logica sit habitus practicus, vel speculatiuus. Habitus speculatiuus dicitur à speculatione, seu contemplatione; habitus autem practicus dicitur ab opere: differuntque inter se ex obiecto, ex modo procedendi, & ex fine. Ex obiecto quidem, quia habitus speculatiuus est de re speculabili & contemplabili: habitus vero practicus est de re operabili. Differunt ex fine, quia finis habitus speculatiui est sui obiecti contemplatio: finis vero habitus pra-

practici est operatio. Differunt denique ex modo procedendi, quia habitus speculatiuus debet procedere modo resolutorio, practicus vero modo operabili. Et finis proprius praedictorum habituum non debet esse extrinsecus finis operantis, sed intrinsecus finis ipsius operis, & habitus: quod cum quis habitum omnino speculatiuum, cuius finis est sui obiecti contemplatio, ex sua intentione ad aliquod etiam exterius ordinet opus: non tollit ab habitu rationem speculatiui, neque illum efficit practicum: quia huiusmodi rationes non à fine operantis, sed à fine operis desumuntur: ut igitur habitus sit practicus, debet esse de re operabili, modo procedere operabili, & ad praxim, & operationem, ut ad proprium finem ordinati.

2 Praxis autem quae actus habitus practici est, definitur ab Scoto in prologo sententiarum q. vltima: *Quod sit actus alterius potentiae, quam intellectus, naturaliter posterior intellectione, natius elici conformiter rationi rectae, ut sit rectus.* In eo tamen imprimis, quod in ea definitione limitatur praxis ad actum conformem rectae rationi, communiter reijcitur, quia etiam actus rectae rationi disformis, practicus potest esse: in eo autem quod praxim asserit esse actum alterius potentiae ab intellectu, si in rigore accipiatur, ita ut omnem actum intellectus omnino à ratione praxis excludat, etiam communiter reijcitur, quia licet actus

Actus intellectus intra ordinem sui proprii obiecti sistens, rationem praxis non possit habere; bene tamen ut ad aliquam operationem ipsi intellectui extrinsecam ordinatur. Vnde praxis potest describi, quod sit *operatio extrinseca intellectus apta regulari per habitum practicum*. Et per id quod dicitur *operatio extrinseca intellectus*, denotatur, quod non sistat in speculatione (quæ sola est operatio intrinseca intellectus) sed quod sit operatio distincta à speculatione, vel ad aliquid distinctum a speculatione ordinata. Vnde & ipsa speculatio quatenus ex fine ipsius proprio, & non solum ex fine operantis ad finem distinctum à speculatione ordinatur, rationem praxis potest habere. Hinc etiam sumitur descriptio speculationis, quod videlicet sit *actus intellectus ex se non ordinatus ad aliquid extra suum genus, & ab ipsa speculatione distinctum*.

3 His ergo suppositis, suppositaque ex dictis supra q. 4. distinctione logicæ in docentem, & utentem, de illa sub utraque consideratione inquirimus, an sit habitus simul practicus & speculativus, ut aliqui volunt; an vero sit habitus solum practicus, ut aliqui de logica tam ut docente, quam ut utente existimant, & alij de logica solum utente opinantur: an denique logica secundum utramque considerationem sit habitus speculativus, ut communiter defendunt discipuli D. Thomæ.

4 Dico igitur primo. Logica neque ut utens est habitus simul practicus, & speculati-

latius. Conclusio probatur : nam vt colligitur ex doctrina D. Thomæ 1. p. q. 1. ar. 2. practicum, & speculatiuum sunt differentiae essentiales scientiarum & habituum interiorum secundum videlicet, quod practicum rationem excludit speculatiui, & speculatiuum rationem excludit practici. Sed logica est vna scientia ex naturalibus, & inferioribus, imò omnium illarum infima : ergo in illa simul non potest ratio reperiri practici & speculatiui, sed necessario per alteram huiusmodi rationem cum exclusione alterius debet essentialiter constitui. Minor cum consequentia patet, Maior autem explicatur simul, & probatur : nam sicut in sensibus particularibus & inferioribus, quia inferiores sunt, reperitur ratio propria vnius specificatiua cum exclusione rationis specificatiuae alterius, licet huiusmodi rationes possint sine tali exclusione vnius ab altera reperiri in aliqua potentia superiori, vt in sensu communi : ita etiam in habitibus, & scientijs, licet in scientia superiori, vt in scientia diuina & in fide & Theologia, quia sunt speciales participationes diuinæ scientiæ, possit simul reperiri ratio practici & speculatiui absque eo, quod vna ratio excludat alteram : ita videlicet vt eadem scientia sit regula contemplationis, non excludens regulam operis : in habitibus tamen naturalibus & inferioribus non possunt huiusmodi rationes simul reperiri, sed ratio speculatiui vt rationem ex-

E

clu-

cludens practici, & ratio practici ut rationem excludens speculativi, sunt differentia essentialia talium naturalium & inferiorum habituum: ac perinde nulli illorum utraque talis ratio potest simul competere. Hinc est quod D. Thom. quotiescunque de huiusmodi habitibus inferioribus loquitur; ex differentia penes practicum & speculativum differentiam essentialem illorum deducit, ut 6. ethicorum lect. 1. & 3. & 1. 2. quaest. 27. articul. 1. ad 1.

5 Dico secundo. Logica tam ut docens quam ut utens, est habitus solum speculativus: licet illa praecipue ut utens, aliquam habeat similitudinem cum habitibus practicis. Conclusionem cum communi Thomistarum docet noster author quaest. 4. proœmiali, illamque pluries innuat D. Thom. praecipue 1. 2. quaest. 57. art. 3. dicens: *Quod etiam in speculabilibus est aliquid per modum cuiusdam operis, puta constructio syllogismi aut orationis congrua aut opus numerandi vel mensurandi, & ideo quicumque ad huiusmodi operationes habitus speculativi ordinantur, dicuntur per quandam similitudinem artes.* Hæc D. Thomas, in quibus habitum logicæ etiam in ordine ad ipsum logicæ usum & ad actum, qui magis accedit ad praxim, nempe ad constructionem syllogismi, à ratione habitus speculativi non excludit.

Probat autem conclusio, nam logica ut docens procedit modo resolutivo, passio-

passiones demonstrando de suo obiecto, & circa contemplationem sui obiecti versatur, nec ad opus aliquod extra genus ipsius contemplationis, & ab ipsa contemplatione distinctum ordinatur. Et si aliquammodo logica, etiam ut docens, ad suum usum ordinatur, quia talis usus non est à contemplatione, & speculatione distinctus, logica ut docens nullatenus ob id, à ratione habitus speculativi excluditur. Logica etiam ut utens rationem habet habitus speculativi, quia quamvis modo procedat compositivo introducendo formam in materia, quia tamen id non facit nisi in materia speculabili, ex tali modo procedendi non excluditur à ratione habitus speculativi: licet propter illum aliquam maiorem similitudinem. (ut in conclusione notanter dixi) habeat cum habitibus practicis, quam alij habitus omnino etiam secundum modum procedendi, speculativi.

Confirmatur primo, & explicatur hoc, quia, ut diximus praxis proprie licet possit in actibus intellectus reperiri, semper tamen est operatio extrinseca intellectui, hoc est, ordinata ad aliquid extra genus speculationis. Sed actus logicae utentis, constructio v. g. syllogismi, quantumvis in modo procedendi similis sit praxi, non ordinatur ad aliud extra genus speculationis, sed potius ad ipsam speculationem, cognitionem, & contemplationem obiecti. Ergo non est proprie praxis, ac per-

inde nec habitus talem regulans actum, est practicus, sed speculatiuus.

Confirmatur secundo, quia logica etiam ut utens nullo utitur principio practico: ad constructionem enim syllogismi, qui ex omnibus actibus logicæ magis assimilatur praxi, utitur illis principiis *dicti de omni, & dicti de nullo; & quod, quæ sunt eadem uni tertio; sunt eadem inter se.* Quæ principia nullatenus sunt practica, sed omnino speculatiua: ergo logica non est habitus practicus; ille enim principijs practicis in suis actibus eliciendis utitur.

6 Obijcies primo, quod D. Thomas artibus omnino practicis, in eo quod practicæ sunt, comparat logicam. Sentire igitur videtur, illam esse artem & habitum practicum. Antecedens probatur: nam in prologo posteriorum ita asserit: *Quemadmodum necessaria fuit ars edificatoria, aut fabrilis circa ea, quæ ratio de operibus manuum ratiocinatur: ita necessaria fuit ars, quæ sit directiua actuum rationis, ut in illis homo facile, & sine errore procedat, qualis est ars logica.*

Respondetur D. Thomam comparare quidem logicam arti fabrili, & edificatoriæ in eo, quod ad aliquod opus etiam logica ordinatur. Et ob id 1.2.q. 57. art. 3. ad 3. (ut quæst. 5. præcedenti explicuimus) vocat logicam similitudinariæ artem, similitudinariæ quidem respectu ad artes mechanicas. Differt tamen ab

ab illis in eo, quod illæ ordinantur ad opus extra genus omnino speculationis: ac perinde sunt propriæ artes practicæ: logica vero quia licet ordinetur ad opus, non ordinatur ad opus extra genus speculationis, sed potius ad ipsam speculationem spectans, non est propriè habitus practicus sed speculatiuus: licet in eo, quod procedit modo operabili, similitudinem aliquam habeat cum artibus & habitibus practicis.

7 Obijcies secundo, quod si logica esset habitus speculatiuus, nobilior esset omnibus habitibus practicis. Consequens videtur falsum: ergo & antecedens. Sequela probatur, quia habitus speculatiuus, utpotè ad perfectiorem & nobiliorem finem, quam practicus, ordinatus, nobilior videtur esse omni habitu practico. Falsitas autem minoris probatur, quia logica, utpotè ad infimum obiectum, ens videlicet rationis, terminata, ignobilior videtur esse omnibus habitibus etiam practicis, utpotè qui ad aliquid reale, tanquam ad proprium obiectum terminantur.

Respondetur negando minorem, & ad probationem dico, quod licet inter habitus, qui circa eundem finem versantur, & in eodem modo conueniunt procedendi, perfectio & nobilitas à perfectione obiecti desumatur; non tamen inter habitus qui diuersum finem vel modum habent procedendi; sicut habitus opinari

nus circa obiectum philosophiæ inferior est habitu scientifico circa obiectum logicæ : quia quamvis ille excedat hunc in obiecto in esse entis iste excedit illum in modo procedendi : eodem ergo modo habitus speculativus logicæ circa ens rationis absolute est nobilior habitu practico circa ens reale, quia excedit illum in fine, & in modo procedendi.

8 Obijcies tertio . Logicam agere de obiecto à nobis operabili imò & modo operabili, siquidem agit de syllogismis & alijs instrumentis logicabilibus à nobis factibilibus, & tradit modum illa construendi : ergo est habitus practicus.

Confirmatur, quia actus logicæ saltem utentis est vere & proprie praxis, quia est introductio formæ in materiam, in qua fit, ut in materia philosophiæ, vel alia : ergo habitus talem regulans actum est vere, & proprie praxis.

Respondetur ad argumentum, cum sua confirmatione iuxta solutionem sæpius in probatione conclusionis insinuatam, quod licet logica tractet de re à nobis operabili & modo operabili ; quia tamen tale opus non est extra genus speculationis, sed potius ad ipsam speculationem spectans, & construere syllogismum est scire, & speculari, vel saltem ad contemplationem, & speculationem obiecti tendere ; ideo nec talis syllogismi constructio est propriè praxis, nec habitus illam regulans, est propriè practicus, sed speculativus.

9 Sed contra hanc solutionem obijciens primo. Quod actus prudentiæ, quo dictat, hic & nunc esse aliquid cognoscendum, vel speculandum, est vere & proprie praxis, utpote ab habitu practico prudentiæ elicitus & regulatus. Et tamen talis actus non circa materiam non speculabilem, sed circa ipsam speculationem, versatur: ergo quod actus logicæ utentis non versetur nisi circa materiam speculabilem, non tollit, quod sit proprie praxis.

Respondetur, quod prudentia versatur circa speculationem materialiter. quia non dictat modum substantiæ ipsius speculationis, sed solum circumstantias loci. & temporis ad speculandum; & tale dictamen in quacunque materia est eiusdem rationis & practicum. Logica vero versatur circa substantiam ipsius speculationis, & ita non est praxis. Quia hæc tanquam ad proprium finem ad aliquid extra speculationem debet ordinari.

10 Secundo contra eandem solutionem obijciens, quod aliquando logica utens introducit suam formam in materia non speculabili, ut cum quis conficit syllogismum ad demonstrandum qualiter sit facienda domus ergo talis saltem syllogismi constructio erit proprie praxis, & habitus à quo regulatur, erit propter hunc & alios actus circa materiam speculabilem simul practicus & speculativus.

Respondetur negando antecedens. Ta-

hīs enim constructio syllogismi, cum ordinetur non ad constructionem domus, sed ad cognitionem & contemplationem modo resolutorio naturæ domus & constructionis illius; versatur circa materiam speculabilem & per accidens erit, quod ex fine operantis talis demonstratiua cognitio ordinetur ad exercitium domus construendæ.

Q V Æ S T I O I X.

Vtrum obiectum logica sit ens rationis.

PRO explicatione supponendū est primo, quod cum in obiecto logicæ & cuiusvis scientiæ, sit ratio obiectiua scientiæ, & ratio sub qua illā terminat, sicut in metaphisica v.g. obiectum *quod* illius est ens reale & ratio *sub qua* abstractio positiua ab omni materia: nunc non inquiremus de obiecto formali *quo* seu ratione *sub qua* à logica est attingibile suum obiectum (de hoc enim iam insinuauimus quæst. 6. esse abstractionem negatiuam ab omni materia) sed inquiremus de obiecto *quod* logicæ, an illud sit reale, vel rationis.

II Supponendum est secundo, obiectum alicuius scientiæ, alterum esse obiectum attributionis, seu obiectum formale *quod*, alterum obiectum principalitatis.

Obie.

Obiectum attributionis scientiæ est, cui omnia, quæ in tali scientia tractantur, attribuantur, & ad illud ordinantur, & ideo dicitur obiectum adæquatum, sicut Deus est obiectum attributionis Theologiæ, quia vel agit de ipso Deo, vel si de alijs, ea ut ad ipsum Deum ordinantur, attingit. Obiectum autem principalitatis est principalius, & principaliter intentum inter obiecta materialia, illa videlicet, quæ non ratione sui, sed vel ad obiectum formale ordinata in tali scientia attinguntur & considerantur. Nam si comparentur ad obiectum attributionis; hoc semper est in quolibet scientia principalius, immo unicum eius specificativum formale. Vnde de obiecto attributionis logicæ præcipue nunc inquirimus: aliquid tamen de illius obiecto principalitatis dicemus.

3 Tercio cum nostro auihore quæst. 5. proœniali supponimus ex Diu Thoma in prologo sententiarum art. 4. quod tres conditiones, seu proprietates obiectum attributionis cuiuscunque scientiæ debet habere. Prima, quod contineat illa omnia, quæ in tali attinguntur scientia: ita ut de omnibus illis in recto vel in obliquo predicetur, quatenus nihil possit attingi a scientia, nisi quod rationem participet sui obiecti, vel quia pars illius est, vel ad illud ordinatur. Secunda conditio est quod principalis, & primarius finis scientiæ sit, tale obiectum attingere, quæ con-

E s ditio

ditio sequitur ex prima, quia si omnia, quæ quælibet scientia attingit, debet ordinare ad suum obiectum attributionis, præcipue ipsiusmet obiecti cognitionem, debet intendere. Tertia denique conditio obiecti formalis attributionis cuiuscumque scientiæ est, quod illud formaliter, & ut stat sub ratione *sub qua* terminandi scientiam, illam formaliter specificet, & à qualibet alia scientia distinguat.

4 Ultimo tandem est supponendum ex D. Thom. 1. post. lect. 1. proprium logicæ finem esse opera, & actus rationis dirigere, in ea autem directione interueniunt tanquam illius materia, actus intellectus, voces & conceptus, & illorum obiecta, secundum quod omnia hæc sunt dirigibilia per intellectus actionem: & ipsa actio dirigens, seu directiua, ut ad prædicta dirigibilia terminatur, & illa extrinsece directæ denominat: ac denique forma, quæ ex tali directione actiua in ipsis dirigibilibus resultat, per quam quasi intrinsece dicuntur passivæ directæ. Dixi quasi intrinsece, quia talis forma, cum non sit aliquid reale, nec perinde realiter in ipsis dirigibilibus in hærens, aut illa informans; sed quædam forma rationis, quæ ad modum formæ realis prædictis dirigibilibus competere concipitur, est in illis ad modum formæ intrinsecæ, & ea intrinsece denominat directæ, ad differentiam denominationis, quam antecedenter

denter ad hanc formam intrinsecam accipiunt à directione actiua, prout ad ipsa dirigibilia terminatur.

5 Hinc ortum habuit sententiarum, in hac parte diuersitas. Dum aliqui obiectum logicæ assignant conceptus tam formales quam obiectiuos, prout ab actione intellectus sunt dirigibiles; alij ad conceptus solum obiectiuos prout sic dirigibiles, obiectum limitant logicæ: Alij ipsum constituunt in ipsa directione actiua intellectus, prout ad talia dirigibilia terminatur, & realiter extrinsece illa directæ denominat. Et cum omnia hæc sint aliquid reale, omnes isti, licet in assignando in particulari obiectum logicæ, diuersi, conueniunt in eo, quod illud in aliquo reali constituunt. Alij denique in nullo istorum obiectum logicæ formaliter constituentes, sed in sola illa formationis à directione actiua intellectus in ipsis dirigibilibus resultante, à qua quasi intrinsece denominentur passiuè directi, ens rationis asserunt esse logicæ obiectum.

6 Dico primo. Ens reale non potest esse obiectum formale logicæ. Conclusio est communis Thomistarum, & probatur. Vt aliquid sit obiectum formale attributionis, & specificatum alicuius scientiæ, debet ab illa sub aliqua ratione formali attingi, sub qua a nulla alia scientia formaliter distincta attingatur (vt ex tertia proposita conditione obiecti deducitur,

citur, & ratio probat manifesta, aliàs scientiæ non haberent, à quo inter se formaliter distinguerentur) sed non potest in ente reali aliqua considerari ratio, sub qua specialiter terminet, & specificet logicam, vt ab omnibus alijs scientijs distinctam: ergo ens reale nullatenus potest esse obiectum formale specificationum & attributionis logicæ. Discursus est legitimus. Maior (vt vidimus) certa. Minor autem probatur: nam (vt quæst. 6. insinuauimus, pleniusque in libris posteriorum explicabimus) ratio sub qua obiecta terminant & specificant scientias est abstractio à materia. Sed sub nulla speciali abstractione à materia potest aliquod ens reale logicæ scientiam terminare, sub qua aliam formaliter distinctam à logica non specificet & terminet scientiam. Sub nulla igitur ratione formali potest ens reale logicam, vt ab alijs scientijs distinctam, terminare. Minor manifeste probatur, quia omnis abstractio à materia, quæ in ente reali potest considerari, vel est abstractio solum à materia singulari, vel à materia sensibili, vel abstractio positine ab omni materia. Sed sub prima abstractione ens reale est obiectum formale physicæ: sub secunda est obiectum formale mathematicarum, & sub tertia formaliter terminat & specificat Metaphisicam: ergo nulla potest considerari abstractio à materia in ente reali, sub qua logicam vt ab alijs scientijs formaliter

maliter distinctam, terminet & specificet. Nec potest dici, quod praeter istas abstractiones datur abstractio ab omni materia negatiue; nam ut explicuimus quaest. 6. n. 5. vel haec abstractio est propter perfectionem obiecti, quia nullam propter maximam sui actualitatem, includit materiam: & haec negatiua abstractio, licet alicui enti competat reali, competit nimirum soli Deo; de quo non potest esse dubium, quod non sit obiectum logicae: vel potest esse abstractio negatiue ab omni materia propter obiecti imperfectionem, quia nimirum ratione suae minimae entitatis, nullam, a qua positiue possit abstrahere, includit materiam. Et haec imperfectio nulli enti reali, nisi soli enti rationis potest competere. Firmum igitur manet huius rationis fundamentum, quod sub nulla speciali abstractione a materia potest aliquod ens reale logicam ut ab aliis scientiis distinctam, terminare & specificare.

Confirmatur, quia si aliquod ens reale esset obiectum logicae, illa esset nobilior omnibus scientiis naturalibus praeter metaphysicam. Consequens est contra communem omnium consensum, constituentium logicam omnium scientiarum infimam: ergo obiectum illius nullatenus est ens reale. Sequela probatur, quia si ens reale esset obiectum logicae, profecto esset obiectum illius sub abstractione ab omni materia. Sed quaelibet naturalis scientia praeter metaphysicam respicit ens reale ut proprium obiectum.

obiectum sub minori taliqua abstractione : ergo cum omnes scientiæ inter se comparentur secundum maiorem, vel minorem perfectionem, quatenus sub maiori vel minori abstractione à materia sua attingunt obiecta, omnes scientiæ præter metaphysicā inferiores essent ad logicam.

7 Secundo probatur conclusio : quia nullius entis realis naturam & proprietates explicat logica : ergo cum quælibet scientia naturam sui obiecti explicet, & proprietates, nullum ens reale est obiectuū logicæ. Antecedens probatur : quia si de aliquibus entibus realibus logica tractat, ut de conceptibus formalibus, & obiectiuis, & etiam de prædicamentis ; non tamen explicando eorum naturam aut proprietates de illis demonstrando (id enim facere ad alias pertinet scientias) sed solum logicæ agit de his rebus, quatenus in illis aliquæ secundæ intentiones rationis fundantur, quæ illas possint denominare.

Confirmatur : nam quæ aliqua scientia attingit, non in illis sistens, sed ea ordinans ad aliud non habent propriam rationem formalem obiecti talis scientiæ, sed solum illam habet id, quod, ad aliud nō ordinando, attingit, & ad quod omnia ordinat alia. Sed quidquid reale logica attingit, non in illius cognitione sistens, sed ad aliud, nempe ad intentiones rationis, quæ in ipso possunt fundari, illud ordinans, de illo pertractat : ergo nullum ens reale est propriū specificatiuum obiectum logicæ.

8 Dico secundo, obiectum formale
specificatiuum logicæ est ens rationis. Cō-
clusionem cum communi Thomistarum,
docet noster author quaestion. 5. proœmia-
li, estque proculdubio iuxta mentem Ari-
stotelis & D. Thomæ. Philosophus enim 4.
Metaphisicæ, cap. 2. comparat Dialecticum
Metaphisico, quod vterque agit de omni
ente, quod vtrique, vt explicat ibi lect. 4.
D. Thomas, verum esse nō potest, nisi Dia-
lecticus attingat omne ens sub aliqua ra-
tione omnibus entibus communi. Sed hæc
ratio non potest esse aliquid reale. Attingit
ergo Dialecticus omne ens sub aliqua
entitate rationis omnibus entibus commu-
ni. Minor probatur, quia omnibus entibus
duplicis generis possunt communia prædi-
cata competere: alia videlicet realiter ex
natura rei, vt verum, bonum; aliaque rea-
les proprietates, quæ realiter ex natura rei
omni competunt enti: alia prædicata pos-
sunt omni enti competere per operationē
intellectus: nullum enim est ens in cuius
natura non inueniat intellectus fundamen-
tum ad conficiendum aliquam intentionē
rationis, eamque illi tribuendum. Sed de
prædicatis communibus, quæ omni com-
petunt enti realiter & ex natura rei, agit
Metaphisicus; & ob id dicitur de omni
agere ente: ergo nulla restat via verifican-
di dictum Philosophi, quod etiam Dia-
lecticus de omnibus entibus tractat, nisi per
id quod agat de illis, vt omnia illa conue-
niunt in aliqua entitate rationis, quæ om-
nibus

nibus illis competens, potest illa denominare. Sed id, sub quo omnia quæ tractat, & attingit aliqua scientia, est eius obiectum formale: ergo secundum mentem Philosophi, ens rationis, sub quo logica de omnibus entibus agit, est illius proprium, adæquatum, & formale specificatum obiectum.

9 D. Thomas etiam perpetuus est in hac sententia, ut ex pluribus eius testimoniis potest videri: sufficiat vnum adducere. Lectione enim 4. super caput 2. libri 4. metaphisicæ ita asserit Sanctus Doctor. *Ens est duplex, ens scilicet rationis, & ens naturæ. Ens autem rationis dicitur propriè de illis intentionibus, quas ratio adiuvet in rebus cõsideratis, sicut intentio generis, speciei & similibus, quæ quidem non inveniuntur in rerum natura, sed considerationem rationis consequuntur. Et huiusmodi scilicet ens rationis, est propriè subiectum logica. Huiusmodi autem intentiones intelligibiles entibus naturæ aquirantur, eo quod omnia entia naturæ sub consideratione rationis cadunt: & idè subiectum logica ad omnia se extendit, de quibus ens naturæ prædicatur.* Hæc D. Thomas, quo nihil clarius potuit pro nostra sententia asseuerari. Vnde perperam huiusmodi testimonium ab aliquibus explicatur, quod nomine entis rationis intelligat D. Thomas actus intellectus, qui cum sint actus rationis, entia rationis possunt dici: vel ipsam denominationem extrinsecam, qua conceptus formales vel obiectivi extrinsecè dicuntur à directione actus intellectus directi.

recti. Hæc enim à parte rei & in rerum natura inveniuntur: & D. Thomas se explicat loqui de entibus rationis, quæ ratio adinuenit in rebus consideratis, & quæ non inveniuntur in rerum natura, sed considerationem rationis consequuntur. Nullatenus igitur nomine entis rationis de aliquo prædictorum, quæ realiter in rerum natura inveniuntur, prædictum D. Thomæ testimonium est intelligendum: sed solum de quadam forma, quæ in rebus ad actionem intellectus consequitur, & in rerum natura non inuenitur, quæ quidem forma rationis est ad modum formæ realis ab intellectu in rebus conficta.

Probat autem primo conclusio indirectè & ex consequenti, quia cum aliquod proprium obiectum logicæ debeamus assignare, & illud, ut conclusionem ostendimus præcedenti, non possit esse aliquod ens reale, relinquitur quod sit ens rationis. §. Confirmatur primo, quia cum natura entis rationis non solum ut in ordine ad ens reale & ut secundarium, & materiale obiectum à Metaphisica attingitur, possit etiam primario ab aliqua scientia considerari: & nulla alia ad hoc munus inueniatur præter logicam, illa videtur ad ens rationis ut ad suum formale obiectum specificatum terminari. §. Confirmatur secundo, quia enti rationis respectu logicæ, omnes quas prænotauimus, obiecti attributionis competunt conditiones. Ens enim rationis continet omnia, quæ in logica per

tractan-

tractantur . Omnia enim illa vel sint entia rationis , vel vt ad ens rationis ordinata , attinguntur (si enim de aliquibus entibus realibus aliququaliter discutit logicus , id facit, vt intentiones rationis, quas possit fundare, in illis agnoscat.) Est etiam perinde ens rationis, cuius cognitio principaliter intenditur in logica, ac denique per ens rationis tanquam per proprium obiectum logica à quacumque alia scientia distinguitur .

Secundo & præcipuè probatur conclusio : nam cum (vt ex D. Thoma ad resolutionem huius quæstionis prænotauimus) logica secundum proprium finem sit directiua rationis, in aliquo ad talem directionem logicæ pertinente, debet ipsius logicæ formaliter consistere obiectum. Sed in nullo reali ex his, quæ ad talem directionem concurrunt, potest obiectum consistere logicæ, sed illud dumtaxat in aliqua forma rationis ad talem directionem in rebus resultante consistit . Ergo obiectum logicæ est ens rationis. Minor quoad singulas, quas virtualiter continet partes, seorsum probatur. Nam in primis quamuis ad talem intellectus directionem concurrant ipsa dirigibilia, conceptus videlicet formales, & obiectiui illi, etiam quatenus ab intellectu dirigibiles, non possunt esse obiectum formale logicæ ; quia sunt materia talis directionis . Eo enim quod lapis v.g. & ligna sunt materia artis edificatoriae, in qua talis ars suam formam introducat, tales

les lapides & ligna, etiam vt disponibilia in formam domus per artem edificatoriā non possunt esse proprium obiectum ipsius artis. Similiter ergo quia conceptus formales & obiectiui se habent, vt materia artis directiue illorum, in quibus talis ars suam introducat formam non possunt, etiā vt sit dirigibiles, esse proprium & formale talis artis obiectum. Dirigibilitas enim passiva talium conceptuum, quia solum dicit in illis capacitatem passiuam, vt media arte & per formam ab illa in eis introductam, formaliter dirigantur, non facit illos esse obiectum formale talis artis, sed solum esse materiam illius. Sicuti (sistendo in eodem simili) capacitas passiva, quā lapides habent & ligna, vt per artem edificatoriā in formam domus disponantur, non facit illa esse obiectum formale talis artis, sed solum quod sint illius materia in qua ars possit suam introducere formam. Directio autem actiua conceptuum, etiam prout ad ipsos conceptus formales vel obiectiuos terminata, non potest esse obiectum talis artis directiue. Actio enim actiua qua quis in materia formam aliquam introducit, etiam vt ad talem materiam terminata, non potest esse obiectum artis, sed illud dumtaxat est forma per talem actionem in materias introducta. Ergo directio actiua conceptuum, etiam vt ad ipsos conceptus terminata, non potest esse proprium & formale obiectum artis taliū conceptuum directiue, qualis est logica; sed

sed obiectum formale illius erit forma, quæ per talem directionem actiuam in ipsa materia seu conceptibus introducitur. Antecedens inductiuè potest probari in omnibus artibus. Non enim proprium, & formale obiectum artis domificatorix est ipsa actio constructiua domus, etiam prout ad materiam terminata, sed obiectum proprium talis artis est forma domus, quæ per ipsam actionem actiuam in materia domus resultat, & a qua formaliter domus denominatur. Relinquitur ergo, quod obiectum artis logicæ directiue operum rationis, sit forma, quæ ex directione actiua intellectus in ipsis conceptibus formalibus, & obiectiuis resultat, & à qua formaliter, & intrinsecè denominantur directi: quia quamuis à directione ipsa actiua intellectus ipsos conceptus dirigens, illi denominentur extrinsecè conceptus directi à forma ad talè directionem actiuam in ipsis resultante; formaliter & intrinsece directi denominantur, Sed talis forma non est aliquid reale in ipsis conceptibus, sed quædam forma rationis, quæ admodum formæ realis in illis concipitur, & illos denominat: ergo obiectum logicæ est ens rationis.

14. Ultimo tandem probatur cōclusio, quia logica circa cognitionem intentionis rationis ex proprio suo fine versatur: ergo obiectum formale illius est aliquod ens rationis omnibus prædictis intentionibus rationis commune, Consequentia patet, & antecedens probatur, quia cum logica sit
modus

modus sciendi, proprius eius finis est cognitio diuersarum intentionum rationis, quibus species modi sciendi, & quæ ad earum constitutionem concurrunt, constituuntur. Qualiter enim naturam quis agnoscet definitionis, diuisionis, & argumentationis, nisi cognoscat in conceptibus formalibus intentionem subiecti & prædicati, & in conceptibus obiectiui diuersas prædicabilium intentiones, secundum quas diuersimodè possunt ad inuicem prædicari? Ad omnia enim hæc tales secundæ intentiones rationis se habent ut formale constitutum. Quamuis enim v. g. natura aliqua generica fundamentum in se habeat, ut de suis speciebus prædicetur; oportet, ut formalis fiat prædicatio, eandem naturam genericam à suis speciebus abstractam ad illas per actionem intellectus comparari, ex qua actione comparatiua (ut lib. sequenti dicemus) resultat in ipsa natura secunda intentio generis, quæ est ratio, ut formaliter de suis inferioribus prædicetur. Et ut intellectus absque errore in suis actibus, & in talibus prædicationibus procedat; logica docet naturas prædictarum intentionum rationis, & quibus sint attribuendæ, ac perinde circa cognitionem illarum ex proprio suo fine versatur.

12 Dico tertio. Ens rationis in tota sua latitudine non est obiectum logicæ, sed secunda intentio rationis in concreto. Ita tenet Ss. Magister Soto cum alijs communiter q. 5. proœmiali. Et pro explicatio-

ne est supponendum, quod, ut lib. sequenti dicemus, ens rationis dividitur in negationem & relationem: & hæc in primam & secundam intentionem rationis. Quo supposito, probatur conclusio: quia in logica non agitur de priuatione, & negatione, imò nec de omni relatione rationis: plures enim sunt primæ intentiones rationis, de quibus logica nullatenus tractat; etsi de aliquibus illarum agit, illas non per se, sed ut fundant secundas intentiones rationis, & ut ad illas ordinantur, attingit. Attingit autem logica per se secundam intentionem rationis, totaque est in illius contemplatione, pluresque de illa passiones demonstrat: ergo obiectum formale specificatiuum logicæ non est ens rationis in tota sua latitudine, sed secunda intentio. Antecedens constat ex omnibus his, de quibus logica tractat. Constat etiam ex testimonio D. Thomæ pro præcedenti conclusione adducto, ubi sanctus Doctor ens rationis, quod assignat obiectum logicæ, manifeste ad secundam limitat intentionem rationis. Constat denique ex Avicena 1. Metaph. dicente, quod logica agit de secundis intentionibus adiunctis primis. Nec per hoc, quod ad secundam intentionem rationis obiectum logicæ coarctetur logicæ ipsius vniuersalitati derogatur; adhuc enim verificatur, quod ex Philosopho in principio præcedentis conclusionis adduximus, quod sicut Metaphisicus agit de omni ente, ita & logicus. Licet enim eius obiectum ad
secun-

secundam intentionem rationis limitetur; quia tamen nullum in vniuersum est ens reale vel rationis, in quo aliqua secunda intentio rationis non possit fundari, de omni ente logicus agit, quatenus in illo suas fundat intentiones rationis. Dixi in conclusione, secundam intentionem rationis in concreto esse obiectum logicæ, quia non agit de illa, nisi vt aliquod denominat subiectum: ideoque dixit Auicena, quod agit de secundis intentionibus adiunctis primis. Quid autem sit secunda intentio in concreto, explicabimus infra, cum de definito generis disputabimus; nunc dico quod est secundum intentionatum rationis, quod licet pro materiali possit esse aliquid reale; formaliter tamen semper est aliquid rationis, vtpotè per formam rationis in esse talis formaliter constitutum.

13 Ultimo tandem dico. Inter obiecta materialia logicæ obiectum principalitatis est argumentatio. Ita noster author in prædicta q. 5. præcæmiali. Et probatur, quia cū logica sit ratiocinativa, seu discursiva (ideoque scientia rationalis vocatur) quod principaliter intendit, est naturam argumentationis tradere: ergo argumentatio est obiectum principalitatis in logica. Et cum argumentatio plures habeat partes, diuersasque argumentationis contineat species, & inter illas demonstrationem; non sufficiabor concedere, quod inter partes assignati obiecti principalitatis principalior sit demonstratio quia tamen

in-

intentum præcipuum logicæ est discursum dirigere; quod per quamlibet argumentationis speciem fit, ideò argumentationem in communi assignamus obiectum principalitatis ipsius logicæ, & respectu tractatus specialis de argumentatione demonstrationem dicimus esse obiectum principalitatis. Non tamen argumentatio est obiectum attributionis logicæ; quia illa circa iudicium simplex veritatis, etiam prout non ordinatur ad argumentationem versatur.

14 Obijcies primo, quod logica, utpote directiva operationum intellectus, circa triplicem operationem intellectus ut circa proprium suum obiectum versatur. Sed tales tres operationes intellectus sunt aliquid reale, actiones videlicet reales ipsius intellectus: ergo obiectum logicæ est aliquid reale. §. Si dicas tales actiones intellectus materialiter sumptas, non esse obiectum logicæ, sed formaliter prout per modum artificij logicalis disponuntur. §. Cōtra est, nam etiam ut sic dispositivæ tales actiones sunt aliquid reale: nam per dispositionem activam intellectus disponuntur, & extrinsecè realiter denominantur dispositæ. §. Si dicas, quod duplicem denominationem tales actiones intellectus possunt habere; alteram extrinsecam, quam à sola activa dispositione intellectus accipiunt: alteram intrinsecam à quadam forma, quæ ad modum formæ realis intellectus in prædictis conceptibus & illorum obiectis concipit, à qua intrinsecè, & for-

maliter denominantur dispositi; & quia logica agit de conceptibus tam formalibus, quam obiectiuis, ut a tali forma rationis denominantur, & ut sic formaliter sunt aliquid rationis, obiectum logicæ formaliter sumptum est aliquid rationis, licet pro materiali sit aliquid reale. §. Contra hoc est nam etiam si talis forma rationis possit in actibus intellectus ad modum formæ intrinsecæ illos denominans considerari, nullatenus tamen requiritur, ut logica circa actus intellectus, tanquam circa suum proprium obiectum versetur; ergo cum absque tali forma intrinsecæ nihil nisi reale in prædictis actibus reperiatur; in illis, ut intra ambitum entis realis continentur, & ad genus entis rationis non transeunt, proprium, formale, & specificatiuum obiectum logicæ reperitur. Antecedens, in quo est præcipua difficultas, probatur: quia logica respicit suum obiectum, formalissimè ut est instrumentum sciendi. Sed rationem instrumenti sufficientissimè habent actus intellectus per id præcisè, quod dispositionem actiuam ipsius intellectus terminet, & ab illa dicantur extrinsecè dispositi: ergo absque eo quod aliqua in illis forma rationis intrinsecè illos dispositos denominans intelligatur, saluatur in illis ratio propria obiecti formalis & specificatiui logicæ. Minor probatur: nam conceptus sic extrinsecè dispositi absque aliqua forma rationis eis superaddita, sufficiunt ad exercitium cuiuscunque numeris logicalis: nā præ-

prædicta forma rationis iuxta probabiliorem sententiam sequenti libro examinandam, actualiter non existit, nisi dum actu consideratur ab intellectu. Sed etiam intellectu talem formam non considerante, prædicti conceptus sua exercent munera logicalia, ergo ratio instrumenti logicalis sufficientissime in illis antecederet ad talem formam rationis inuenitur.

15 Respondetur, solutiones ad argumentum & ad replicas usque ad hanc ultimam assignatas esse optimas. Ad hanc autem ultimam replicam respondetur tripliciter. Primum, quod dato, & non concesso, quod actiones intellectus, ut dispositionem actiuam ipsius intellectus terminant, & ab illa denominantur extrinsece dispositæ, rationem instrumenti logicalis, non solum causaliter, sed formaliter sufficientissime habeant; adhuc tamen forma rationis, quæ illis potest superaddi, & ad modum formæ intrinsecæ eas denominare, ad obiectum formale pertinet logicæ, quia ad logicam, non solum spectat dirigere, & disponere, actiones intellectus, sed præcipue ad illam pertinet, earundem actionum dispositionem cognoscere, & dijudicare, ne intellectus in tali dispositione actiuæ, & in alijs operationibus ex illa dependentibus, cum aliquo errore procedat. Et cum per dispositionem actiuam nihil reale ponatur in ipsis conceptibus sic dispositis, ut intellectus eorum dispositionem cognoscat, debet, illam ad modum formæ intrinsecæ in prædictis
con-

conceptibus considerare; quod est cognoscere in illis formam rationis ad modum formæ realis ipsos conceptus quasi intrinsecè & formaliter denominantem; & talis forma rationis, cuius cognitionem logica intendit, est proprium & formale ipsius logicæ obiectum. §. Secundo respondetur, negando, quod absque tali forma rationis quæ actus intellectus denominet formaliter & intrinsecè dispositos, ipsi conceptus rationem habeant formaliter instrumenti logicalis, sed fundamentaliter duntaxat & causaliter: licet hoc sufficiat ut exercere possint munus instrumenti logicalis. Tale enim exercitium huiusmodi instrumentis sepe competit ratione sui fundamenti. Sicut licet signum ad placitum formaliter in esse signi per relationem rationis ad suum signatum constitutur, quâvis talis relatio, quia actualiter non consideratur formaliter non existat, si tamen existat eius fundamentum, impositio videlicet ad significandum non retractata, id sufficit, ut signum habeat exercitium ducendi in cognitionem sui signati; sic ergo absque illa intentione & forma rationis, instrumentum logicale fundamentaliter solum erit instrumentum, & aliquod exercitium instrumenti habebit; non tamen erit formaliter instrumentum logicale, neque ratione obiecti logici formaliter habebit: quod logica, ut proprium & formale respicit sui obiectum. §. Tertio denique respondetur: quod non solum actus intellectus abs-

que prædicta forma rationis non habebunt formalissimè rationem instrumenti logicalis ; sed plura instrumenti logicalis munera non poterunt exercere. Vt enim quis v.g. prædicet animal de suis inferioribus , oportet, quod prius naturam animalis cōparet ad inferiora; & cum per talem comparisonem intentio vniuersalis in exercitio attingatur, & fiat; non possunt tale munus prædicationis conceptus formales, & obiectiui alicuius naturæ exercere, quin perinde intentio in illis resultet generis, speciei, vel alterius prædicabilis: & sic talis intellectus actiones absque ea forma rationis non solum non sunt formaliter instrumenta logicalia, sed nec munia propria instrumenti logicalis poterunt exercere.

16 Obijcies secundo, quod esto in conceptibus obiectiuis aliqua forma rationis possit admitti, in conceptibus tamen formalibus illa non videtur admittenda: quia quidquid eis competit ratione suæ realis naturalis representationis conuenit illis: ergo cum logica præcipuè circa conceptus formales & eorum directionem versetur, in eo quod vt proprium respicit obiectum, nihil inuenit nisi reale.

Respondetur, quod cum logica etiam circa conceptus obiectiuos, in quibus plures fundat secundas intentiones, versetur, si conceptus obiectiuos, vt substant intentioni rationis, & ab illis denominantur, attingit; iam in illis obiectum logicæ formaliter

liter est aliquid rationis. Sed re vera etiā conceptus formales non secundum illud solum reale, quod habent, attingit logica, sed formaliter secundum quod alicui substant intentioni rationis, à qua denominantur. Assumitur enim conceptus formalis in subiectum vel prædicatum, inuariata eius naturali representatione: ac perinde ratio subiecti vel prædicati nihil reale est in ipsis conceptibus præter denominationem extrinsecam à dispositione actiua intellectus, illos per modū subiecti vel prædicati assumentis, proveniens, cui superadditur aliqua forma rationis ab intellectu ad modum formæ realis concepta, a qua prædicti conceptus formales intrinsecè & formaliter denominationem accipiunt subiecti vel prædicati.

17 Obijcies tertio, quod demonstratio sub obiecto cadit formali logicę, sed demonstratio formaliter sumpta nullam formam rationis importat: ergo obiectum specificatum logicę non est ens rationis. Minor probatur: nam demonstratio formaliter sumpta dicit præmissas, vt dispositas ad causandum scientificum conclusionis assensum. Sed hoc non habent præmissæ per formam rationis: ergo demonstratio formaliter sumpta nullam formam rationis importat.

Respondetur, quod præter quam quod hoc argumentum etiam tenentur soluere, qui obiectum logicę, ac perinde & rationem demonstrationis in aliqua denomina-

tione extrinseca ab actione intellectus proveniente constituunt (nec enim minor de illa ac de forma rationis potest esse difficultas, quo modo possit esse ratio, ut præmissæ ad assensum conclusionis phisicè efficienter concurrant) præter hoc : (inquam) respondetur, quod forma rationis præmissas in ratione demonstrationis formaliter constituens, est conditio ut præmissarum, assensus ad assensum conclusionis phisicè efficienter concurrant. Benè enim potest id quod virtutem non potest tribuere aliquid realiter causandi, ut conditionem ad causalitatis exercitium requiri : ut applicatio ignis ad comburendum & aliarum plures conditiones, quæ licet non possint esse virtutes aut principia aliquid realiter causandi ; possunt esse conditio ad id necessario requisita.

18 Obijcies quarto, ens rationis non posse esse obiectum alicuius scientiæ. Ergo nec logicæ. Antecedens probari posset, quia ens rationis cum non sit simpliciter ens, nec simpliciter videtur esse scibile : & quia nullum ens rationis videtur habere passionem : sed de 1. diximus supra q. 5. n. 8. & de 2. in eadem q. nu. 6. vnde ne eadem inutiliter repetamus, aliter probatur antecedens. Quia logica est qualitas quædam realis : ergo non potest specificari ab aliquo rationis, ac perinde non potest ad illud ut ad suum proprium obiectum terminari : omnes enim habitus à suo specificantur obiecto. Prima consequentia probatur.

tur. Quia cum specificatum à suo specificatio perfectionem recipiat, non videtur qualiter habitus realis ab aliquo rationis possit perfectionem accipere aut specificari.

Respondetur, negando consequentiam. Cum enim habitus ab objecto extrinsecè solum, intrinsecè autem ab ordine ad obiectum specificentur; bene potest habitus realis ab aliquo rationis specificari: quia, ordo ad illud est habitus intrinsecus

& non minus realis quam ipse habitus, quia cum talis ordo

non sit prædicamentalis

sed transcendentis

lis, non obstat

eius crea-

lia-

ti,

quod ad aliquid

non reale ter-


mine-

tur.



LIBER SECUNDVS

DE ENTE RATIONIS.



IN C T V R I libro sequenti in pro-
logum libri predicabilium de
universalibus, quæ in predica-
bilia diuiduntur, quia essentia
universalis in secunda intentione
rationis consistit, non abstrahit, quod licet ex
professo noster author Ss. Magister Soto de ente
rationis non egerit, aliqua prius de illo, ple-
niores illius tractatum ad Metaphisicam re-
mittentes, breuiter in hoc libro explicare co-
nemur.

QVÆSTIO I.

*Vtrum detur ens rationis, &
quid sit?*

VT ad primum, quod inquirimus, re-
spondeamus, necesse est explicare se-
cundum, quid videlicet sit ens rationis. Pro
quo dico primo, ens rationis est quod solū
habet esse obiectuum in intellectu. Con-
clusio, prædictaque definitio entis rationis
colligitur ex D. Thoma 1. part. quæstion. 16.
art. 3.

art. 3. ad 2. dicente. *Ens rationis est, quod, cū non sit in rerum natura, accipitur ut ens in ratione.* Idque etiam deducitur ex Philosopho & ex Auerroe 6. Metaph. commento. 3. dicentibus, quod ens rationis est ens in anima. Pro quo est supponendum, quod res possunt habere triplicem habitudinem ad intellectum, primo tamquam ad subiectum inhæfionis, qualiter species intelligibiles, verbum, & intellectio respiciunt intellectum, quia in illo realiter subiectantur. Secundum ordinem vel habitudinem res possunt dicere ad intellectum tamquam ad causam illarum efficientem, qualiter actio intelligendi respicit intellectum, quia ab illo realiter dimanat, & verbum, quia ab intellectu realiter media actione produci-
tur. Tertio denique modo potest res aliqua respicere intellectum tamquam obiectum illius, & quatenus illius terminat cognitionem: & hoc modo dupliciter, vel ita videlicet, quod res, quæ obijciuntur intellectui, & in illo perinde habet esse obiectivum, simul habeat esse reale, & ab intellectu independens, qualiter lapis v.g. quamvis terminet cognitionem intellectus, & habeat esse obiectivè in intellectu, non solum illud habet esse, sed etiam esse reale à parte rei independens ab omni consideratione intellectus. Aliæ vero res sunt, quæ habent esse obiectivum in intellectu, quod præter tale esse nullum aliud habent, & totum illarum esse, est obijci intellectui, illiusque cognitionem terminare. Hoc ergo suppo-

130 *Lib.2. De ente rationis*

sito dicimus, ens rationis esse, quod solum habet esse obiectivum in intellectu.

2. Probatur autem simul, & explicatur conclusio: nam aliqua sunt quæ cum à parte rei realiter non inveniuntur, concipiuntur ab intellectu ad modum alicuius entitatis realis: illaque perinde solum habent esse obiectivè in intellectu, nullumque præter reale esse obiectivum habent esse: ergo cū ens rationis debeat esse quid distinctum, ab omni ente reali; illud erit ens rationis, quod solum habet esse obiectivè in intellectu. Antecedens probatur: nam quamvis à parte rei v. g. sit homo capax potentiae visuæ & realiter non habeat illam; tamen à parte rei non habet formaliter cæcitatem: hæc enim est quædam entitas ad modum, formæ alicui convenientis, & solum datur talis entitas, cum intellectus negationem visus considerat ad modum formæ alicui convenientis: ergo talis entitas solum habet esse obiectivè in intellectu, & præter illud nullum esse habet formaliter, sed solum fundamentaliter, quia homo realiter non habens visum, solum fundamentaliter dicitur cæcus, & solum formaliter cæcus denominabitur; quando intellectus ipsam negationem visus, quæ nihil reale est in homine, ad modum formæ realis illi convenientis illam concipiet.

3. Dico secundo. Necessarium est concedere, aliqua esse entia rationis. Conclusio est communis, & expressa D. Thomæ pluribus in locis, inter alia illam docet
1. par.

1. par. q. 16. art. 3. ad 2. & q. 28. art. 2. in corpore, ubi specialiter docet esse relationem rationis docens: *Aliquando respectus significatus per ea quae dicuntur ad aliquid, est tantum in ipsa apprehensionis ratione consentientis unam alteri, & tunc est relatio rationis tantum, sicut cum comparat ratio hominem animali, ut speciem ad genus.*

4. Probatur autem conclusio, primo ex dictis in precedenti conclusione, quia ens rationis est, quod solum habet esse obiectivum in intellectu. Sed plura dantur entia, quae solum habent esse obiectivum in intellectu: ergo plura dantur entia rationis. Minor probatur, quia ubi nulla est a parte rei forma, concipit intellectus formam, sicuti in homine non habente visum concipit cecitatem ad modum formae positivae homini convenientis, & ubi nulla est a parte rei distinctio, concipit intellectus distinctionem, ut inter gradum genericum & specificum: & ubi nullus est a parte rei realis respectus, concipit illam intellectus ad modum respectus realis, sicuti concipit respectum animalis ad sua inferiora, ad hominem videlicet, vel equum. Sed talis respectus, talis distinctio, & talis forma, habent esse obiectivum in intellectu, quatenus ipsius intellectus terminant cognitionem: ergo plura sunt entia, quae cum non habeant esse a parte rei, illud solum habent obiectivè in intellectu.

5. Secundo probatur conclusio. Quidquid ab intellectu est cognoscibile, ratione

debet habere entis ; quia cum obiectum intellectus sit ens ; quod rationem entis non habuerit, non potest cognitionem intellectus terminare. Sed aliqua sunt cognoscibilia ab intellectu ; quæ rationem entis realis nullatenus participant : ergo illa habent rationem entis rationis : ac perinde aliqua dantur entia rationis. Minor patet ex dictis, quia intellectus cognoscit privationem formalem, & respectum formalem naturæ genericæ ad suas species. Sed huiusmodi obiecta, ut ostendimus, non habent rationem entis realis, nec aliud esse præter esse obiectivum in intellectu : ergo aliqua sunt cognoscibilia, quæ rationem entis realis non habent. §. Confirmatur, quia ens rationis est scibile & de facto scientiam logicæ terminat : ergo est ens, quia nihil potest esse scibile, sicut nec cognoscibile, nisi in quantum est aliquo modo ens. Et cum alias tale ens, quod est obiectum logicæ, non possit esse ens reale, ut ostendimus lib. præcedenti q. vltima, conclus. restat, quod illud sit ens rationis condistinctum ab ente reali.

6. Probatur denique conclusio, quia in Deo datur relatio dominij, & relatio creatoris. Sed istæ nullatenus possunt esse relationes reales : ergo sunt relationes rationis. Iam igitur necessario debemus aliqua entia rationis concedere. Maior probatur, quia in Deo intelligimus quendam ordinem, & habitudinem, ad creaturam, quatenus illam creat & conservat : ergo
 realis

talis ordo & habitudo concipitur à nobis per modum respectus, & relationis ad creaturam; & a tali relatione formaliter Deus, & intrinsece denominatur creator, quod autem tales relationes non sint relationes reales, docet D: August. lib. 4. de Trinitate cap. ult. dicens: *Sicut nummus constituitur pretium absque aliqua realitate superaddita; ita Deus constituitur Dominus absque aliqua entitate reali superaddita per solam relationem rationis.*

7 Obijcies primo, quod omne ens est cognoscibile, sed ens rationis non est cognoscibile: ego nec aliquam habet rationem entis; Minor prob. quia quidquid est cognoscibile, prius intelligitur esse cognoscibile, quam quod actu sit cognitum: cognoscibile enim ad actualiter cognitum comparatur ut in actu, primo ad actum secundum, & prius debet intelligi aliquid in actu primo, quàm in actu secundo. Sed ens rationis ante quam actu cognoscatur ab intellectu, non potest esse cognoscibile sicut neque ens; cum tota illius entitas sit actu cognosci: ergo ens rationis non est cognoscibile.

Respondetur. quod quamvis essentia actualis entis rationis in actuali terminatione cognitionis intellectus consistat, antedenter tamen ad talem actualem cognitionem datur essentia entis rationis ut possibilis, non quidem per aliquam entitatem extra ipsum intellectum, sed per potentiam actiuam intellectus potentis intelligere

gere ens rationis : sicuti antequam effectus aliquis producat extra causas , talis effectus dicitur possibilis possibilitate desumpta à potentia actiua illum potente producere . Essentia igitur entis rationis prædicto modo ut possibilis intelligitur etiam ut cognoscibilis prius quam actualiter terminet cognitionem , imò cum ens rationis solum sit factibile per cognitionem , eatentis formalissime est possibile & factibile , quatenus est cognoscibile , & sic ad argumentum negandum est ens rationis non esse prius cognoscibile , quam actu cognoscatur .

8 Obijcies secundo, quod quidquid aliqualem habet entitatem præter Deum , debet illam habere ab alio causatam : alias esset Deus , utpote non ab alio , sed à semetipso habens esse : sed id quod dicitur ens rationis , non habet entitatem ab alio causatam : ergo nullam prorsus habet entitatem ; sed est purum nihil : ac perinde nulla dantur entia rationis . Maior prob. quia ens rationis non habet causam efficientem . Sed ablata causa efficiente , omnes auferuntur causæ : ergo nullam prorsus suæ entitatis habet causam . Maior probatur , quia causa efficiens semper causat per influxum realem : sed ad influxum realem semper effectus resultat realis : ergo ens rationis , ut ab ente reali distinctum nullam potest habere causam sui efficientem .

Confirmatur , quia entis rationis non

vi-

videtur assignabilis causa finalis, formalis, vel materialis, ergo neque efficiens, quia nullum efficiens operatur nisi propter finem, & nullus effectus ab efficiente absque sui causa formali, & materiali potest procedere.

Respondetur ad argumentum, quod sicut ens rationis non est proprie ens, sed admodum entis: ita nec proprie habet causam efficientem, qualiter illam habet omne ens reale: habet tamen causam sui quodammodo quasi efficientem, quia cum intellectus efficienter realiter elicit intellectionem, qua aliquid, cum non sit ens, intelligit ad modum entis, resultat quaedam forma rationis, cuius totum suum esse est terminare talem cognitionem. Et hæc ad actionem intellectus resultantia est quaedam quasi efficientia prædictæ entitatis rationis, eaque efficientia sufficit ad entitatem ita diminutam: ut talis entitas dicatur quodammodo creatura ad differentiam creatoris, qui suum esse habet omnino a semetipso absque eo, quod illud ab alio per veram efficientiam, aut per aliquam resultantiam causetur.

Ad confirmationem respondetur, ens rationis etiam habere causam finalem, formalem, & materialem. Finale quidem, quia intellectus non nisi ob aliquem finem, ut ad faciendas aliquas prædicationes, vel ad cognoscendam alicuius rei naturam, vel ob alium finem, ens rationis, illud cognoscendo conficit. Habet etiam
ens

QVÆSTIO II.

Vtrum ens rationis in denominationibus extrinsecis consistat.

VNum supponimus, & alterum inquirimus. Supponimus quidem, aliquas esse denominationes extrinsecas; inquirimus autem an in illis essentia salvetur, & consistat entis rationis. Supponimus inquam, aliquas esse denominationes extrinsecas, illas nimirum, quæ ab aliquo dumtaxat extrinseco desumuntur: sicuti à visione existente in visu & ad parietem terminata absque eo, quod aliquid reale ponat in pariete, & antecedenter ad id quod intellectus aliquid per modum formæ in pariete, eo quod visionem terminat, concipiat: paries extrinsece denominatur visus. Similisque extrinseca denominatio ad terminationem cuiuscunque actionis in eo quod illam terminat, resultat, ut ex actione voluntatis obiectum, illam terminans denominatur volitum, & ex cognitione lapidis v.g. ipse lapis denominatur extrinsece cognitus, imò & ab aliquo extrinseco præter actionem huiusmodi denominationes extrinsecæ possunt desumi, ut denominatio dextri, vel sinistri in columna per hoc solum, quod sit ad dexteram meam, vel sinistram. Nec-

cessarium igitur est, plures denominationes extrinsecas concedere.

2 Sed dubium occurrit, an tales extrinsecæ denominationes sint formales, an vero solum fundamentales? an videlicet v.g. à visione existente in visu & ad parietem terminata antecederet ad omnem aliam formam quasi intrinsecam in pariete ab intellectu conceptam, paries formaliter denominetur visus: an vero solum causaliter & fundamentaliter? Vtraque enim pars suos habet defensores, suisque fulcitur fundamentis. Prima quidem, quia homo per actionem terminatam ad parietem, formaliter dicitur videns: ergo paries per id præcisse, quod eandem terminet actionem, formaliter, licet extrinsece, denominatur visus: istæ enim denominationes videntur omnino mutuae, & quod non potest dari formalis denominatio videntis, quin in obiecto correspondeat formalis denominatio visi. Et confirmatur: nam Deus absque aliqua forma reali ei ex tempore superaddita, & antecederet ad id, quod ab intellectu aliquid per modum formæ intrinsecæ in eo concipiatur, dicitur ex tempore formaliter creator, & formaliter Dominus. Sed huiusmodi denominationes in Deo sunt omnino extrinsecæ, utpote: quæ non ab aliquo intrinseco, sed à relatione in creaturis existente, & ad Deum extrinsecæ terminata, proveniunt: ergo iam aliquæ dantur denominationes extrinsecæ, per
quas

quas non solum causaliter, & fundamentaliter, sed formaliter aliquid denominetur.

3. Ex alia parte videtur, per tales denominationes extrinsecas nihil posse formaliter, sed solum causaliter, & fundamentaliter denominati. Tum, quia denominatio formalis solum potest provenire à forma intrinseca, vel quasi intrinseca existente in denominato, nec ad id sufficit aliquam extrinsecam actionem terminare. Ex eo namque quod lignum v. g. actionem terminet calefactivam, solum causaliter, non autem formaliter dicitur calidum vel calefactum, & formaliter solum dicitur tale à forma caloris in ipso ligno per talem actionem introducta. Tum etiam, quia denominatio extrinseca à parte rei reperitur, & aliquid est reale; & si esset denominatio non solum fundamentalis, sed formalis, esset aliquid reale distinctum ab ipsa actione, à qua talis provenit denominatio, & denominatio v. g. visi si formalis esset, in lapide esset aliquid distinctum à visione, à qua talis provenit denominatio. Sed non potest esse aliquid reale à visione distinctum: ergo non potest esse denominatio formalis, sed causalis tantum & fundamentalis. Minor probatur, quia talis denominatio non potest esse substantia, neque accidens reale: ergo nihil potest esse reale. Antecedens quoad primam partem patet. Certum est enim, lapidi, per hoc quod videatur,

tur, nihil substantiale aduenire; quod autem non sit accidens, etiam probatur: quia talis denominatio nulli subiecto realiter inhæret; alias quotiescumque lapis à diuersis hominibus videretur, realiter mutaretur per aduentum realis accidentis illi realiter inhærentis, quod est absurdum.

4 Nihilominus quamuis quæstionem hanc aliquammodo existimem esse de nomine, & si est de re; non multum necessaria, quia dum supponimus huiusmodi denominationes extrinsecas realiter, & ante omnem operationem intellectus reperiri, parum inter est, an illæ sint denominationes formales, an vero solum fundamentales: quia licet hoc secundum daremus, adhuc per tales denominationes absolute & simpliciter denominaretur subiectum, quia non solum formæ formaliter denominantes, sed earum fundamenta sufficiunt; absolute aliquid denominare. Si tamen velimus, circa propositas sententias ferre iudicium, certe existimo, vtramque esse satis probabilem. Et in) secunda facile potest dici, non esse inconueniens, quod formali denominationi videntis correspondeat ex parte obiecti solum fundamentalis, licet absoluta denominatio visibilis, quia huiusmodi denominationes sunt mutue solum quoad illarum coexistentiam, non autem quoad modum denominationis, quia denominatio, quæ est in vidente, cum proueniat à forma intrinseca,

cā, scilicet à visione, est formalis, imò & intrinseca denominatio. Denominatio autem, quæ est in obiecto, cum desumatur ab aliquo ei intrinseco, scilicet à visione, non solum non est intrinseca (ut omnes concedunt) sed & probabiliter potest dici, quod non est denominatio formalis, sed tantum fundamentalis. §. Similiter non est inconueniens, quod Deus antecederet ad formam, & respectum rationis, qui in illo per modum formæ intrinsecæ ab intellectu concipitur; non denominetur formaliter, sed tantum fundamentaliter Dominus, & Creator; cum ea denominatio sit sufficiens illum absolute Dominum, & creatorem denominare.

¶ Qui autem primam velit defendere sententiam, haud difficiliter etiam poterit fundamentis primæ satisfacere. Ad primum videlicet dicendo denominationem quidem formalem intrinsecam non posse esse, nisi à forma intrinseca vel quasi intrinseca in ipso denominato: denominationem tamen formalem extrinsecam, optime posse ab aliquo extrinseco provenire, & ad exemplum calefactionis potest responderi, vel quod calefactio nullatenus denominat lignum extrinsece calefactum, quia cum causet in ipso formam intrinsecam, videlicet calorem à quo lignum formaliter intrinsece denominatur calidum, non habet locum denominatio extrinseca à calefactione proveniens. Actio-
nes

nes tamen, quæ nihil producant in suo termino, ut visio in obiecto, tribuunt illi denominationem formalem extrinsecam, utpote quæ non impeditur ab alia denominatione formali intrinseca statim in eodem termino ab aliqua forma intrinseca, proveniente. §. Vel potest dici, quod utramque denominationem formalem simul habet lignum, extrinsecam videlicet à calefactione & intrinsecam a calore in ipso recepto. Quia cum una sit denominatio intrinseca, & altera extrinseca, licet utraque sit formalis, sunt simul compatibiles in eodem subiecto.

Ad alterum autem eiusdem secundæ sententiæ fundamentum (quod æqualiter, meo videri, etiam procedit contra admit- tentes denominationes extrinsecas solum, fundamentaliter denominantes, quia etiam illæ sunt reales, & aliquantulum ab actione, à qua proveniunt, distinctæ) est dicen- dum, quod tales denominationes extrinsecæ, siue formaliter siue fundamentaliter denominent, quamvis sint aliquid reale, nec sunt proprie substantia nec accidens; quia illæ sunt differentię entis realis intrinseci, ac perinde nullum petunt subie- ctum in hæssionis, sed solum denominationis, sicut enim realis moralitas & æstima- bilitas, quæ in aliquibus rebus ante om- nem operationem intellectus inuenitur, proprie nec est substantia, nec accidens, nec aliquod petit subiectum in hæssionis, sed solum subiectum denominationis, quia
entis

ens quod diuiditur in substantiam & acci-
dens est ens phisicum, non autem morale.
Eodem proportionabiliter modo, quia
ens quod diuiditur in substantiam & acci-
dens est ens intrinsecum, denominatio ex-
trinseca proprie non continetur sub hac
diuisione: ac perinde non est proprie sub-
stantia, nec accidens, nec petit subiectum
in hætionis, sed solum exigit subiectum
denominationis, respectu cuius ad modum
accidentis se habet.

5 His ergo suppositis inquirimus in
præsenti, an in prædictis denominationi-
bus extrinsecis ens rationis saluetur, illius-
que essentia consistat. Partem enim affir-
matiuam tuentur aliqui existimantes om-
nem denominationem extrinsecam à qua-
libet actione, intellectus videlicet, vel vo-
luntatis, aut alterius potentie interioris,
vel exterioris prouenientem, imò vel à
quolibet alio extrinseco desumptam esse
ens rationis, nec aliud præter has extrin-
secas denominationes, ens rationis conce-
dunt. Hanc tamen sententiam limitat Du-
rand. in 1. dist. 19. quæst. 4. num. 7. ad de-
nominationem extrinsecam à cognitione
intellectus prouenientem: asserens, illam
solum esse ens rationis, & quod si proue-
niat à prima cognitione intellectus, tale
esse cognitum est prima intentio rationis,
si vero proueniat à secunda cognitione in-
tellectus, denominatio extrinseca cogniti
est secunda intentio rationis.

6 Nihilominus dicenda est, deno-
mi-

minationes extrinsecas, siue à cognitione actiua intellectus, siue ab actione alterius potentiae, siue ab aliquo alio extrinseco proueniant, non esse formaliter entia rationis, sed ens rationis præcise saluari, & consistere in eo, quod solum habet esse obiectiuium in intellectu, in eo uidelicet, quod cum nullum esse reale habeat à parte rei, concipitur in aliquo ab intellectu ad modum formæ realis illi conuenientis, ac perinde solum habet illud esse obiectiuium, quatenus talem intellectus cognitionem terminat. Conclusio quoad veramque illius partem est communis, & quoad veramque efficaciter hac ratione probatur, quia omnes denominationes extrinsecæ sunt aliquid reale, aliquid extra animam, & aliquid in dependens à cognitione intellectus: ergo in nulla illarum ens rationis formaliter consistit. Patet consequentia, quia ut ex Philosopho, & illius commentatore, atque ex D. Thom. quæst. ostendimus præcedenti; ens rationis formaliter sumptum est ens in anima, idest nullum, habens esse extra animam, sed solum habens esse obiectiuium in intellectu: ac perinde totum suum esse est terminare cognitionem intellectus, alias non esset ab ente reali distinctum: ergo si denominationes extrinsecæ sunt aliquid extra animam, & etiam si intellectui obijciantur, suum habent esse reale, in illis nullatenus ens rationis consistit, sed solum in illa forma, quæ cum nihil reale sit, ad modum entis

r. a. 18

realis in aliqua re ab intellectu concipitur. Antecedens prob. nam omnino independenter à cognitione intellectus, per id dum taxat quod visio terminetur realiter ad parietem, vel actus voluntatis ad hominem; paries realiter extrinsece denominatur visus, & homo volitus: ergo tales denominationes extrinsecæ sunt aliquid extra animam, nec habent esse obiectivum in intellectu, & si aliquando illas intellectus cognoscat, habebunt quidem tunc esse obiectivum in intellectu, sed non habebunt solum tale esse obiectivum, sed simul suum esse reale: & id non sufficit, ut sint entia rationis: sicuti quamvis lapis v. g. cognoscatur ab intellectu, ac perinde habeat esse obiectivum in intellectu, quia tamen totum suum esse non est tale esse obiectivum, sed præter illud habet suum esse reale lapis non est ens rationis.

7 Si autem dicas cum Durando, quod saltem denominatio extrinseca cogniti, & esse cognitum, quod resultat in aliquo, eo præcise, quod cognitionem terminet intellectus, videtur habere totum suum esse obiectivum in intellectu, & ita dependere à tali intellectus cognitione ut absque illa nullatenus talis detur denominatio: eaque per inde saltem denominatio formaliter erit ens rationis, esto aliæ denominationes extrinsecæ, quæ ab actionibus aliarum potentiarum, vel ab aliquo alio extrinseco proveniunt, non sint entia rationis.

Contra hoc est, quod talis denominatio non minus realis est, quam alia denominationes extrinsecæ, siquidem non minus ab actione reali, quam illæ, procedit: ergo non magis quam illæ rationem habet entis rationis. §. Præterea quia illa extrinsecæ denominatio cogniti in lapide v.g. quamvis à cognitione actiua proveniat, & per cognitionem lapis habeat esse obiectum in intellectu ipsa tamen denominatio cogniti non habet esse obiectum in intellectu, vsque dum eadem denominatio quasi reflexe ab intellectu cognoscatur, & cum nihil reale intrinsecum ponat in lapide, concipiatur ab intellectu ad modum formæ intrinsecæ in ipso lapide: ergo vsque dum talis denominatio sic concipiatur, manebit intra lineam entis realis, licet extrinseci, & solum ens rationis consistit in altera forma, quæ cum non sit realis nec intrinsecæ, ab intellectu per modum formæ realis intrinsecæ in lapide consideratur: illa enim solum habebit esse obiectum in intellectu, & per illam non tam extrinsecæ, sed quasi intrinsecæ & formalissime lapis denominabitur cognitus, & idem dico de alijs denominationibus: lapis enim, qui eo præcise quod visionem terminabat potentiæ visuæ, denominabatur extrinsecæ visus, si ea denominatio per modum formæ intrinsecæ ab intellectu in lapide concipiatur, per talem formam sic conceptam denominabitur lapis formaliter, & intrinsecæ

ce visus. Et istæ denominationes formales & intrinsecæ sunt maxime necessariae, ut intellectus cognoscat naturas rerum & cognoscat, quæ denominatio cuilibet competat rei & ideo præter denominationes reales extrinsecas necessarium est aliquam darientia rationis. Et per hoc patet ad ultimam objectionem quæstionis præcedentis.

8 Aduersus conclusionem tamen obijciens. Quod Deus ex tempore dicitur Creator a denominatione extrinseca creatoris. Et tamen talis denominatio est in illo formaliter aliquid rationis: iam igitur in aliqua denominatione extrinseca eius rationis formaliter reperitur. Maior probatur, quia antecedenter ad omnem considerationem intellectus Deus dicitur creator, absque eo quod aliquid intrinsecum reale Deo adueniat, vel aliquid per modum formæ intrinsecæ in ipso ab intellectu concipiatur: ergo pro tunc solum potest dici creator a denominatione extrinseca creatoris. Minor autem probatur, quia talis denominatio extrinseca est in Deo formaliter aliqua relatio rationis: cum enim antecedenter ad omnem considerationem intellectus sit in creatura vera relatio realis ad creatorem, debet tunc in Deo aliqua correspondere relatio ipsum Deum constituens in ratione formaliter relatiui. Sed talis relatio non potest esse realis, utpote quæ Deo ex tempore aduenire nequit: ergo debet esse relatio ratio-

nis. Maior probatur, quia si in Deo tunc nulla corresponderet relatio, esset tunc Deus omnino absolutus, & relatio tunc creaturæ ad aliquid absolutum terminaretur, contra communem sententiam asserentium, quod relatio non potest terminari ad aliquid absolutum. Necessarium igitur est in Deo, ut relationem terminet creaturæ, aliquam concedere relationem.

Respondetur negando minorem. Ad probationem negatur in Deo tunc reperi relationem rationis. Hæc enim solum reperitur, cum intellectus in Deo concipit aliquem respectum ad creaturas ad modum respectus & relationis realis; antecedenter tamen ad hoc dicitur Deus solum extrinsece in genere relatiui per relationem existentem in creatura, quæ ipsum Deum, ad quem terminatur, denominat

extrinsece relatum. Et hoc sufficit,

ut relatio creaturæ etiam pro

tunc non terminetur ad

omnino absolutum,

sed ad extrinsece

relatiuum,

ut la-

tius Deo dante in capite

de relatione ex-

plicabimus.

Q V A E S T I O I I I .

*Vtrum ens rationis solum existat,
dum actualiter consideratur ab
intellectu.*

S Vpponimus ex his, quæ in quaestione
I. huius libri circa solutionem ad pri-
mum argumentum dicebamus, quod ens
rationis proportionabiliter ad ens reale
potest considerari vt possibile, & vt exi-
stens. Et quod sicut in nullo ente reali
præter Deum existentia est de illius essen-
tia, sed antecederet ad existentiam in-
telligitur essentia, vt actuabilis per exi-
stentiam, & per illam educibilis extra
statum possibilitatis: ita etiam existentia
entis rationis (quælibet illa sit) non est
de illius essentia, sed per illam actuatur
essentia, & suo modo extra statum possi-
bilitatis educitur. De existentia igitur
entis rationis inquirimus, an illa consistat
in sola cognitione passiva, qua ipsum
ens rationis, cum non sit vere ens, ad mo-
dum entis actualiter cognoscitur ab intel-
lectu: ita vt dum actualiter talis cogni-
tio, ad ens rationis non terminatur, il-
lud actualiter non existat? an vero ante
talem actualem considerationem intelle-
ctus, per existentiam sui fundamenti, vel
per aliquid aliud ens rationis existere pos-
sit.

2 Supponendum est autem rem aliquam dupliciter posse existerē; formaliter videlicet, vel solum virtualiter, causaliter, seu fundamentaliter. Tuncque aliqua existit virtualiter seu causaliter, cum eius existit causa seu fundamentum, quod utique propriè non est rem existere, sed potius existere eius causam, seu fundamentum, & quia quælibet res in sua causa, seu fundamento virtualiter continetur, quando existit formaliter eius causa, seu fundamentum, dicitur, & illa virtualiter, causaliter, & fundamentaliter existere. Et quia negari non potest, ens rationis in suo fundamento suo modo virtualiter contineri, eo ipso quod fundamentum entis rationis formaliter existat: existit in illo virtualiter, fundamentaliter, & causaliter ipsum ens rationis. Nec de ista entis rationis virtuali seu fundamentalis existentia præsens procedit dubitatio, sed solum de existentia formali entis rationis procedit.

3 Aliqui existimant, omne ens rationis formaliter existere per id duntaxat, quod illius existat fundamentum. Alij vero ex opposito asserunt, nullum ens rationis existere formaliter per existentiam sui fundamenti, sed omne illud solum formaliter existere per cognitionem, qua ad modum entis actualiter ab intellectu consideratur. Alij autem distinguunt inter entia rationis; & de illis quæ à parte rei etiam proximum habent fundamentum,

tum, ut de priuatione, asserunt per existentiam fundamenti formaliter existere: de entibus vero rationis, quae à parte rei solum remotum, non autem proximum, habent fundamentum, asserunt, formaliter per cognitionem dumtaxat intellectus existere. Alij denique duplicem existentiam formalem asserunt entia rationis habere, alteram videlicet alienam & minus eis connaturalem: & hanc dicunt esse existentiam eorum fundamenti, alteram propriam & omnino eis connaturalem: & hanc existentiam, asserunt, solum entia rationis habere, quando actualiter ab intellectu cognoscuntur.

4. Dicendum nihilominus est, nullum ens rationis existere formaliter, nisi dum actualiter cognitionem terminat intellectus illud ad modum entis realis cognoscentis, & quod passiva terminatio talis actualis cognitionis est in quolibet ente rationis unica & formalis illius existentia. Conclusio est proculdubio iuxta mentem nostri authoris Ss. Magistri Soto quaest. 3. vniuersalium, & est communis. Et manifeste colligitur ex Arist. & Diu. Thoma. Ex Arist. quidem, quia, ut saepius retulimus, ens rationis asserit esse ens in anima. Sed certe si aliquod ens rationis antecederet ad cognitionem intellectus haberet existentiam, non solum fundamentalem sed formalem, illud non esset ens in anima, sed ens extra animam, & à ratione & intellectu independens, ut.

potē quod omnia, quæ potest habere vſque ad vltimam ſui actualitatem, & vſque ad formalem ſui exiſtentiam, habet independentē ab intellectu. Maniſeſte, ergo aduerſantur Philoſopho, qui alicui enti rationis exiſtentiam formalem independentē ab intellectu concedunt. §. Nec minus contrariantur D. Thomæ nullam exiſtentiam formalem in entibus rationis cognoſcenti præter illam, quam habent in intellectu, cum actu ab illo ad modum entis realiſ conſiderantur, & licet ad id plurima eiſdem Angelici Doctoris teſtimonia poſſint adduci, ſufficiat vnum afferre. Opusculo enim 42. cap. 1. aſſerit S. Doctor. *Tunc effici ens rationis, quando intellectus nititur apprehendere id, quod non eſt, per modum entis.* Ergo in ſententia D. Thomæ antecedenter ad talem apprehenſionem & cognitionem intellectus nullam habet exiſtentiam formalem, nec connaturalem, nec alienam, & minus ei connaturalem: quamlibet enim exiſtentiam formalem, quamvis alienam, & minus connaturalem habeat, illa ſufficeret, vt ens rationis efficeretur, & extra ſtatum puræ poſſibilitatis educeretur; ſicut exiſtentia Verbi quamvis aliena, & non connaturalis humanitati, fuit ſufficiens, illam extra cauſas & ſtatum poſſibilitatis educere: ergo cum D. Thomas in prædicto teſtimonio aſſerit, ens rationis tunc effici, quando ab intellectu apprehenditur & cognoſcitur; omnem exiſtentiam,

for-

formalem illi denegat antecederet ad talem intellectus apprehensionem & cognitionem .

5 *Rationibus etiam efficaciter probatur conclusio . Et ut clarius procedamus, prius illam de entibus rationis probemus, quæ non solum remotum, sed & proximum fundamentum habent à parte rei, ut priuatio : & deinde de secundis intentionibus rationis, quæ non habent fundamentum proximum à parte rei eandem conclusionem ostendemus . De entibus igitur rationis primi generis probatur primo conclusio . Quia impossibile est, quod per existentiam realem sui fundamenti ens rationis formaliter existat . Tum, quia ut existeret formaliter ens rationis per existentiam entis realis, deberet illi talis existentia communicari, & in ipso ente rationis recipi : alias non posset illi suum effectum tribuere formalem . Sed ens rationis incapax est recipiendi existentiam realem : ergo illa non potest ei communicari, neque ens rationis potest per illam formaliter existere . Tum etiam, quia nulla existentia creata potest alienam naturam terminare, illamque facere formaliter existentem ; ad id enim infinitatem debet habere existentia . Ergo existentia realis creata fundamenti entis rationis non potest terminare ipsum ens rationis, neque illud facere formaliter existens, siquidem ens rationis distinctissimam naturam habet à natura sui fundamenti . Tum denique,*

que, quia si vel per impossibile existentia realis fundamenti entis rationis, ipsi enti rationis communicaretur, illudque faceret formaliter existere; faceret utique illud existere realiter: existentia enim realis (ut amplius in sequentibus explicabimus) non potest tribuere nisi effectum realiter existendi. Sed implicat, ens rationis realiter formaliter existere: alias non distingueretur ab ente reali. Impossibile igitur est, quoad ens rationis per existentiam realem sui fundamenti formaliter existat.

¶ 6. Secundo probatur conclusio, quia si ens rationis existeret formaliter per existentiam sui fundamenti, tunc produceretur ens rationis, quando illius produceretur fundamentum. Consequens est impossibile: ergo & illud ex quo sequitur. Sequella patet, quia tunc aliqua res producit, quando ei formalis communicatur existentia. Sed si ens rationis formaliter existeret per existentiam sui fundamenti, tunc ens rationis inciperet formaliter existere, quando eius produceretur fundamentum. Ergo tunc ens rationis fieret & produceretur. Falsitas autem minoris probatur, quia quando produceretur fundamentum reale entis rationis; non produceretur ipsum ens rationis per actionem aliquam ad ipsum primario terminatam, cum nulla talis sit assignabilis actio: nec per actionem productivam illius fundamenti primario ad illud & secundario ad
ens

ens rationis terminatam, quia si hoc esset, per naturalem resultantiam prodiret ens rationis ad positionem sui fundamenti absque aliqua dependentia ad aliquam ulteriorem actionem intellectus: hoc autem est impossibile, quia iste modus resultantiæ ad positionem sui fundamenti est proprius relationis realis, ac perinde non potest enti convenire rationis: ergo impossibile est, quod ens rationis producat per actionem productivam sui realis fundamenti.

7 Tertio probatur conclusio, quia si ens rationis antecederet ad omnem cognitionem intellectus existeret formaliter per existentiam sui realis fundamenti, nullatenus esset ens rationis, nec ab ente condistingueretur reali, quod manifeste probatur, quia non esset ens dependens ab intellectu & ratione, sed omnino ab illa independens: siquidem omnino extra animam haberet suum esse, & formaliter existeret: ergo cum ens rationis ut distinguitur ab ente reali, debeat esse ens in anima, & a ratione & intellectu in suo esse dependens, (ob id enim ens rationis denominatur) tale ens nullatenus erit ens rationis.

8 Quarto specialiter probatur conclusio de secundis intentionibus rationis, quæ in primis intentionibus rationis fundantur, & ostenditur, quod nec illæ possint existerè formaliter per existentiam formalem sui fundamenti: sed quod solum for-

maliter existant per cognitionem ad ipsas secundas intentiones terminatam. Nam cum prima intentio rationis, quæ est fundamentum secundæ intentionis, fundetur in aliquo reali, & iuxta sententiam, quam impugnauimus, ipsæ primæ intentiones rationis existant formaliter per existentiam sui realis fundamenti; iam talem existentiam formalem habent antecederet & independentem ad omnem considerationem & cognitionem intellectus: ergo si secundæ intentiones rationis formaliter existunt per existentiam formalem primæ intentionis, in qua fundantur, ipsæ secundæ intentiones formaliter existent antecederet & independentem ad omnem considerationem & cognitionem intellectus: ac perinde tales secundæ intentiones, (vt de alijs entibus rationis præcedenti ratione arguebamus) re vera non erunt entia rationis, sed entia realia.

9 Sed si quis (sicut inter referendum oppositas sententias insinuauimus) diceret, primam quidem intentionem rationis, & quodlibet aliud ens rationis, quod proxime in aliquo reali fundatur, non posse existere formaliter per existentiam sui fundamenti, quia cum talis existentia fundamenti sit realis, non est alicui enti rationis proportionata, nec illi communicabilis: secundas tamen intentiones rationis fundatas proxime in primis intentionibus rationis posse existere formaliter per existentiam formalem talis sui proximi

mi fundamenti : quia cum illius existentia in illo modo dicendi sit ens rationis, & secundis intentionibus proportionata, per illam possunt formaliter existere.

Fateor quidem, aduersus sic Philosophantes praecedens non procedere argumentum; sed praeterquam quod in consequenter (meo videri) concedunt, secundas intentiones rationis existere formaliter per existentiam formalem sui proximi fundamenti : & negant, alia entia rationis, quae in aliquo reali proximè fundantur, existere formaliter per existentiam formalem talis sui realis proximi fundamenti : quia cum non minus proximè, & non minus propriè talia entia rationis in praedictis entibus realibus, quàm secundae intentiones in primis intentionibus fundentur; non est, cur ad istarum formalem existentiam formalis sufficiat existentia sui fundamenti, & non sufficiat existentia fundamenti proximi aliorum entium rationis, ut illa formaliter existant.

Sed quidquid sit de hoc, efficaciter etià de secundis intentionibus probatur, quod non existant formaliter per existentiam formalem primarum intentionum, in quibus proximè fundantur. Quia licet tam primae, quam secundae intentiones rationis sint aliquid rationis, & istae in illis fundentur tamen specificè & formaliter inter se distinguuntur: ergo existentia formalis vnius non potest esse existentia formalis alterius. Patet consequentia, quia existentia semper pertinet reductiue ad speciem formae, cuius est

est existentia : ergo formæ diuersæ speciei nullatenus possunt per eandem omnino existentiam formaliter existere : ac perinde per existentiam formalem primæ intentionis rationis non potest formaliter existere secunda intentio rationis specificè à prima distincta. Et hoc argumentum à fortiori probat, ens rationis in aliquo reali proximè fundatum non posse existere formaliter per existentiam sui fundamenti, vtpotè à quo formaliter maxime distinguitur.

10 Ultimo tandem directè de omni ente rationis probatur, illud non posse formaliter existere, nisi per cognitionem actualem intellectus, qua ad modum entis apprehenditur, & consideratur. Quia existentia formalis cuiuscunque rei est vltima illius actualitas, & existentia formalis cuiuscunque entis rationis est vltima actualitas, quam illud suo modo potest habere. Sed vltima actualitas, quam quodlibet ens rationis potest habere, est obijci actualiter intellectui, & illius actualem cognitionem ad modum entis terminare : ergo in eo duntaxat vnica formalis existentia cuiuscunque entis rationis formaliter consistit. Minor probatur, quia cum esse entis rationis sit esse obiectum in intellectu, esse in anima, & esse ab intellectu & ratione dependens ; maior & vltima actualitas, quam quodlibet ens rationis potest habere, est actualiter ab intellectu ad modum entis cognosci, & tunc solum & non aliter, formaliter ens rationis existet, quando prædicta

cta

Et modo actualiter illud cognouerit intellectus.

II Si autem ad omnia, quae in probatione conclusionis adduximus, quis iuxta aliquorum, quam retulimus sententiam, respondeat, omnia quidem illa probare, quod existentiam propriam, & connaturalem non habeat ens rationis, nisi per id quod actualiter ad modum entis cognoscatur ab intellectu, quia huiusmodi actualis cognitionis passiva terminatio est vltima, propria & connaturalis actualitas, quam quodlibet ens rationis potest habere; non tamen conuincere, quod praeter hanc connaturalem existentiam, non habeat antecederens rationis aliam existentiam formalem: alienam tamen & minus ei connaturalem per existentiam sui proximi fundamenti & ab existentia illius ei communicatam.

Contra hoc est, quod praeter quam quod plures ex rationibus factis manifestè probant, existentiam finitam & limitatam fundamenti non posse enti rationis communicari, ut per illam formaliter existat: ex hac solutione sequeretur, posse aliquod ens rationis duplici simul existentia, licet vna aliena, & altera connaturali, formaliter existere. Consequens est impossibile: ergo & antecedens. Sequela probatur, quia existente formaliter fundamento reali proximo alicuius entis rationis, & per illius existentiam, quamuis alienam & minus ei connaturalem, existente formaliter (iuxta eam, quam impugnauimus, sententiam) ipso ente

ente rationis, potest illud simul actualiter ab intellectu ad modum entis cognosci, & per id formalem, propriam, & connaturalem acquirere existentiam: ergo poterit simul per duplicem existentiam formaliter existere. Quod autem id sit impossibile, probatur, quia cum existentia sit ultima cuiuscunque rei actualitas implicat aliquam rem duplici existentia, licet una sibi connaturali & propria, & altera aliena, simul terminari, simulque per utramque formaliter existere (hac enim ratione docent communiter Theologi, humanitatem Christi terminatam per existentiam increatam Verbi, licet sibi non connaturalem sed alienam, non posse simul per sibi propriam & connaturalem existentiam terminari & existere. Et etiam si admitteretur, naturam aliquam creatam per alienam creatam terminari existentiam; non esset compatibilis simul cum illa existentia propria & connaturalis talis naturae; siquidem omnino implicat illam duplici adequato termino simul terminari: ergo impossibile est idem ens rationis duplici praedicta existentia, quamvis una propria & connaturali & altera aliena simul formaliter existere, & terminari.

Confirmatur: nam vel per illam alienam existentiam sui fundamenti ens rationis suo modo educitur extra suas causas, & extra continentiam virtuales, quam aliquando habet in suo fundamento; vel omnino illud relinquatur in statu pure possibili, nec extrahitur

trahitur à continentia virtuali, quam habet in suo fundamento, nec à continentia virtuali, quam habet in intellectu, vt in causa quodammodo illius efficienti. Si dicatur hoc secundum, talis existentia nullatenus est formalis existentia entis rationis: si vero dicatur primum, iam non restat locus acquirendi aliam formalem existentiam: quia effectus illius est, in genere causæ formalis educere extra causas id, quod per illam existit. Nec potest dici, quod per primam existentiam educitur ens rationis extra causam quasi eius materiale, scilicet extra suum fundamentum; per secundam autem educitur extra intellectum quasi extra causam illius efficientem. Non inquam, hoc potest dici, quia non potest intelligieductio alicuius extra illius causam materiale, nisi suo modo media actione causæ efficientis.

12 Cum his tamen omnibus stat optime, quod cum huiusmodi entia rationis sint minimæ entitatis, licet in suis fundamentis, vtpote, virtualiter tantummodo existentia, non tribuant denominationes formales, nec à priuatione, verbi gratia visus solum fundamentaliter existente, homo denominetur formaliter cæcus; tribuunt tamen denominationes absolutas, & simpliciter: & homo habens realiter capacitatem ad potentiam visiuam, & realiter non habens visum, absolutè & simpliciter denominatur cæcus; licet formaliter non denominetur cæcus, vsque dum negatio visus,

visus, quæ in homine nihil reale est, ad modum formæ realis intrinsecè ab intellectu in homine concipiatur, quia, ut dixi, huiusmodi entia rationis, cum minimæ entitatis sint, non solum formaliter existentia, sed existentia solum virtualiter in suis fundamentis, sufficiunt absolutè & simpliciter denominare.

13 Aduersus conclusionem tamen obijcies primo; priuationem esse ens rationis: & tamen per existentiam sui proximi fundamenti ante operationem intellectus formaliter existit. Conclusio igitur non est vniuersaliter vera. Probatur minor, quia ante omnem cognitionem intellectus, homo v. g. denominatur formaliter cæcus: ergo cæcitas, quæ est priuatio, vniuersè ex entibus rationis, formaliter tunc existit. Sed tunc non potest formaliter existere, nisi per existentiam sui proximi fundamenti: ergo per illam formaliter existit.

Respondetur; negando minorem, ad probationem: respondetur iuxta id, quod ad finem conclusionis diximus, à fundamento proximo priuationis denominari hominem absolutè, & simpliciter cæcum; non tamen formaliter, usque dum in illo ab intellectu ipsa priuatio per modum formæ intrinsecæ actualiter concipiatur, aut cognoscatur: usque tunc enim priuatio non existit formaliter; licet, quia minimæ entitatis est, sufficiat, ut existens virtualiter & & fundamentaliter in suo fundamento, absolutè & simpliciter subiectum denomineet cæcum.

14 Obijcies secundo, quod in Deo antecedenter ad actualem considerationem intellectus relatio creatoris formaliter existens ex tempore aduenit. Et tamen illa est relatio rationis: ergo aliquod ens rationis existit formaliter ante actualem considerationem intellectus. Minor patet, quia nulla relatio realis potest Deo ex tempore aduenire. Maior autem probatur. Tum, quia antecedenter ad cognitionem intellectus Deus formaliter denominatur creator: ergo à relatione creatoris formaliter in ipso existente. Tum etiam quia nulla existente actuali cognitione intellectus reperitur formaliter in creatura relatio realis ad Deum: ergo etiam pro tunc correspondet in Deo relatio creatoris formaliter existens: alias relatio creaturæ terminaretur ad aliquod absolutum. 5. Confirmatur, quia teste D. Thoma 3. par. quæst. 35. art. 5. in corpore, in Christo relatio filiationis in ordine ad suam sanctissimam Matrem est relatio rationis. Sed illa in Christo formaliter existit, etiam si nullatenus ab intellectu actualiter consideretur. Iam igitur aliquod ens rationis formaliter existit absque actuali cognitione intellectus. Minor probatur, quia nulla existente actuali cognitione intellectus, Christus dicitur Beatæ Virginis filius, & formaliter terminat relationem realem maternitatis, qua Beatissima Virgo ad ipsum Christum refertur: ergo formaliter in eo talis filiationis relatio rationis existit.

Respon-

Respondetur ad argumentum negando maiorem: antecedenter enim ad actuale cognitionem intellectus concipientis in Deo respectum ad creaturas ad modum respectus intrinseci & realis, solum talis respectus rationis fundamentaliter existit: licet non sufficiat, ut absolute & simpliciter, quamvis non formaliter Deum denominet creatorem. Et per hoc patet ad primam eiusdem maioris probationem. Ad secundam autem dico, quod antecedenter ad cognitionem actuale intellectus concipientis in Deo respectum ad creaturas admodum relationis realis, Deus terminat relationem creaturæ, quatenus ab ipsa relatione existente in creatura extrinsecè denominatur relatus, vel saltem terminans relationem. Et ita relatio tunc creaturæ non terminatur ad Deum, ut omnino absolute. §. Iuxta hæc etiam dicimus ad confirmationem, quod relatio filiationis in Christo ad Beatam Virginem, dum actualiter non consideratur ab intellectu, solum existit fundamentaliter, licet hoc sufficiat, ut absolute & simpliciter, quamvis non formaliter Christum Beatæ Virginis denominet filium, & tunc terminat relationem suæ sanctissimæ Matris: quatenus à relatione maternitatis in ipsa existente Christus dicitur extrinsecè relatus, seu terminans relationem. De hoc autem in prædicamentō relationis latius agemus.

15 Obijcies tertio, quod si ens rationis solum formaliter existeret, dum actu ab intellectu

intellectu eognosceretur, trāfacta tali actuali cognitione, non maneret formaliter existens. Consequens est falsum: ergo. Sequela patet, & minor probatur: nam in signo ad placitum, quod per relationem rationis in esse signi constituitur, etiam actuali non existente talis relationis cognitione, manet formaliter ipsa relatio: siquidem manet formaliter signum, cum actualiter ducat in cognitionem signati.

Confirmatur primo, quia imago, non existente eius prototipo, constituitur formaliter in esse signi per relationem rationis ad illum: siquidem non potest constitui per relationem realem, utpote quam non potest dicere ad terminum realiter non existentem. Sed talis relatio rationis existit formaliter in imagine, etiam non existente aliqua actuali cognitione intellectus, quia tunc manet imago formaliter in esse signi, si quidem tunc actualiter ducit in cognitionem signati: iam igitur aliquod ens rationis existit formaliter, non existente actuali circa illud cognitione intellectus.

Confirmatur secundo, quia Sacramenta cum sint signa ad placitum, constituuntur in esse signi: ac perinde in esse Sacramenti per relationem rationis. Et tamen illa existunt formaliter, etiam dum actualiter non considerantur ab intellectu: alias tunc non maneret formaliter Sacramentum: nec Eucharistia, cum nullus intellectus actualiter illius considerat relationem, diceretur formaliter Sacramentum. Quod cum non
videa-

166 *Lib.2. De ente rationis*

videatur dicendum; iam aliqua relatio rationis existit formaliter absque actuali circa illam cognitione intellectus.

16 Respondetur ad argumentum, notando pro illius, & confirmationum solutione, quod signum siue ad placitum, siue naturale potest dupliciter denominari signum, à fundamento videlicet, vel ab ipsa significationis relatione, & utroque modo denominatur absolutè & simpliciter, licet solum formaliter à formali relatione significationis. Similiter est supponendum, quod signum duplex habet exercitium. Vnum formalius ratione formalis relationis, referendi scilicet ad suum significatum: alterum signi exercitium, quod ei ratione sui fundamenti competit, est, ducere in cognitionem signari: & dixi, hoc exercitium competere signo ratione sui fundamenti, quia eodem modo ducit in cognitionem sui signati imago, quando eius signatum existit, & quando non existit; licet tunc relatio formalis ad signatum constitutiva signi sit diuersa, utpote ad signatum existens relatio realis, & ad signatum non existens relatio rationis. His ergo suppositis, dico ad argumentum, quod non existente actuali cognitione relationis signi ad placitum, nec ipsa relatio formaliter existit, nec signum manet in ratione formaliter signi, sed solum fundamentaliter, quatenus eius fundamentum, scilicet impositio ad significandum, non retractata, virtualiter manet. Et hoc sufficit ut denominetur absolutè

lute & simpliciter, licet non formaliter signum, sufficitque, ut eodem modo ducat in cognitionem signati, ac si eius formale constitutum, scilicet relatio rationis ad signatum, formaliter existeret. §. Eodem modo dico ad primam confirmationem, quod licet constitutum formale imaginis non existentis prototypi, in esse signi, scilicet relatio rationis ad signatum, non existat formaliter nisi dum actu ab intellectu consideratur; quia tamen existit fundamentum significationis, scilicet proportio naturalis cum signato, id sufficit, ut absolute, & simpliciter licet non formaliter imago dicatur signum & ut eodem modo ducat in cognitionem signati, ac si formaliter existeret relatio significationis ad illud. §. Idemque tandem dico ad secundam confirmationem, quod Eucharistia absolute, & simpliciter, licet non formaliter denominatur Sacramentum, & signum, quando relatio rationis, per quam in esse signi formaliter constituitur, et si eo quod actualiter ab intellectu non cognoscitur, formaliter non existat: quia ad id sufficit quod existat vel virtualiter fundamentum talis significationis, scilicet impositio non retractata, qua Christus tale Sacramentum imposuit, ad significandum.

17 Obijcies quarto, quod ex eo quod ens rationis non existat, nisi dum actualiter ab intellectu cognoscitur, plura videntur sequi inconuenientia: Primum, quod unum relatum formaliter possit existere, altero corre-

Respondetur, concedendo sequelā quoad
vniuersa, quæ in illa continentur. Nega-
mus tamen esse incōueniens, aliquod præ-
dictorum in entibus rationibus admittere;
licet esset impossibile, id in entibus reali-
bus reperiri. Quia cum similia entia rea-
lia habeant inter se connexionem vel re-
sultantiā realis vnius ad alterum, vel idē-
tatis vnius cum altero, impossibile est,
vnum illorum realiter existere, quin exis-
tat & alterum. Tamen sicut ex prædictis
etiam entibus realibus, intellectus quia
præcisius est, potest vnum actualiter co-
gnoscere, quin actualiter cognoscat & al-
terum: potest etiam ex prædictis entibus
rationis vnum actu cognoscere, & non
alterum. Et cum aliās existentia entis ra-
tionis sit, actu ab intellectu cognosci; po-
test quodlibet ens rationis formaliter exis-
tere, quin existat formaliter aliquod
aliud. Et tota connexio, quæ inter hæc
entia rationis potest reperiri, est, quod vnū
quantum est ex se, exigit existentiam alte-
rius: quia tamen hæc dependet ab actuali
consideratione intellectus potentis pro
applicatione libera voluntatis considerare
actu vnum & non aliud, potest alicui enti
rationis deficere formalis existentia, quam
alterum ens rationis, quantum erat ex se,
illud habere exigebat. In ipsa tamen for-
matione entis rationis, quia non potest
eius ratio specifica absq; generica cogno-
sci, non potest existere ratio specifica abs-

H

que

190 *Lib. 2. de ente rationis*
que generica, licet bene è contrà possit
agnosci, & existerè ratio generica absque
specificà.

Q V Æ S T I O I V.

*Vtrum à solo intellectu ens efficiatur
rationis?*

A B hac quæstione & sequenti, quia præcisè ad Metaphisicam, & sequens etiam ad Theologum pertinent, breuiter expediemur. Nec inquirimus in præsentide vera, & propria causa entis rationis. Cum enim, vt diximus in superioribus, illud non sit propriè ens, quod non habet propriè causam sui efficientem, sed quodammodo ad actionem aliquam resultat. De hoc igitur modo resultantia inquirimus, an ens rationis resultet solum ad actionem intellectus (vt communiter docent Thomistæ) an vero etiam ad actionem voluntatis & imaginatiuæ (vt sentit Scotus in 1. dist. 45. quæst. vnica) vel ad actionem saltem imaginatiuæ (vt alij autumant.)

2 Resolutoriè est dicendum, ad solam intellectus actionem cognoscentis aliquid ad modum entis realis ens rationis posse resultare, & confici. Conclusio est communis Thomistarum, præcipuè Domini Caie-

Caietani 1. par quaest. 28. art. 1. & colligitur ex Aristotile, qui (vt sapius retulimus) ait ens rationis esse ens in anima: & vt cōmuniter illum explicant, per ens in anima intelligit ens in intellectu. Colligiturque etiam ex D. Thoma qui quotiescūque de ente rationis loquitur, asserit, illud esse, quod habet, esse in apprehensione; ex quo saltim excluditur, ens rationis fieri à voluntate aut ab alia potentia non apprehensiva. Et quia apprehensio propriè solum reperitur in intellectu; excluditur etiam, quod non fiat, ab alia potentia inferiori, in qua non ita propriè reperitur apprehensio. Et quia sapius dixit D. Thomas, ens rationis fieri per cognitionem, qua cognoscitur ad modum entis; & solum intellectus potest cognoscere aliquid ad modum entis: solus ille videtur secundum mentem D. Thomæ, posse conficere ens rationis.

3 Vt conclusionem autem ostendamus, oportet advertere, quod intellectus inter omnes potentias aliqualiter cognoscitiva cum sit potentia omnino spiritualis, potest supra suam cognitionem reflecti: imò semper in exercitio reflectitur supra illā. Non enim solum intellectus cognoscit se cognoscere, quando alio actu distincto reflectitur supra suos actus, & cognoscit se cognovisse: sed in quolibet actu etiam directo in exercitio aduertit intellectus se cognoscere. Quod nulli aliae potentiae etiam aliqualiter cognoscitivae competi-

§. Supponendum est etiam ex his, quæ in præcedentibus quæstionibus sæpius diximus, ens rationis nihil aliud esse, quàm ipsum obijci & cognosci ad modum entis. Vnde sola illa potentia, quæ aliquid, quod re vera non est verum ens, cognoscit saltem in exercitio se illud cognoscere ad modum entis, propriè & formaliter efficit ens rationis. Sed solus intellectus id cognoscit: ergo solus ille formaliter conficit ens rationis. Minor probatur, quia potentia non cognoscitiua, ut voluntas, nec directè, nec reflexè aliquid cognoscit: aliæ autem potentiæ inferiores intellectu, ut sensus, phantasia, & imaginatiua, licet aliquando aliquid cognoscant, non tamen reflexè nec in exercitio cognoscunt se illud cognoscere: ergo nulla alia potentia præter intellectum potest cognoscere ens rationis eo modo quo requiritur, ut illud formaliter efficiatur. §. Dixi per nullam actionem nisi intellectus posse fieri formaliter ens rationis. Quia fundamentaliter fieri potest per actionem voluntatis, potentiæ visuæ, & aliarum potentiarum. Etsi loquamur de priuatione, fundamentum illius absque aliqua actione reperitur à parte rei.

4 Obiicies fundamentum Scoti, ut etiam voluntas possit efficere ens rationis. Quia potentia comparans vnum alteri, facit, quod ad talem comparisonem ratio & habitudo resultet rationis. Sed voluntas potest comparare, & de facto sæpius compa-

comparat vnum alteri : ergo ad talem eius actionem comparatiuam formaliter resultat respectus, & relatio rationis. Minor probatur, quia voluntas comparat vnum bonum alteri, & vno relicto alterum eligit, & prosequitur.

Confirmatur, quia saepius voluntas fertur in bonum apparens, illudque, cum non sit bonum, prosequitur, ac si esset bonum : ergo in tali actione conficit ens rationis, facitque aliquid, quod non est bonum, & aliquando neque ens, ad modum entis & boni.

Respondetur ad argumentum, negando minorem. Neque enim proprie voluntas comparat vnum alteri : comparatio enim proprie sumpta est opus rationis : ac perinde voluntati proprie competere nequit. Vnde quando voluntas aliquo bono posthabito, alterum eligit, & prosequitur, comparatio vnius ad alterum non proprie fit a voluntate, sed antecedenter fit ab intellectu proponente voluntati talia obiecta sub inaequali bonitate : & voluntati solum attinet, ex talibus obiectis sic ab intellectu propositis & comparatis vnum illorum eligere. §. Esto tamen quod voluntati competere vnum alteri comparare; quia tamen voluntas nullatenus cognosceret eam comparisonem, quam faceret, per illam nullatenus resultaret ens rationis, vtpote cuius totum suum esse est cognosci; sed solum resultat ad actionem intellectus cognoscentis saltē in exercitio comparisonem, a semetipso

vel à voluntate factam, & illam admodum respectus & habitudinis realis apprehendens.

Ad confirmationem respondetur, quod cum voluntas fertur in bonum apparens; illa non conficit eius apparentem bonitatem, sed intellectus apprehendens illud ad modum veri boni: conficit eius fictam, & apparentem bonitatem; & sic confictam, ut illam appetat, volutati proponit: & ita si in eo aliquod resultat ens rationis, illud non voluntatis, sed intellectus actioni correspondet.

5 Obijcies secundo, quod saltem imaginatiua, & phantasia possunt conficere formaliter, entia rationis. Imaginatiua enim teste D. Thoma, 1. part. quæst. 1. art. 9. ad 2. ex speciebus montis & auri format speciem montis aurei: ac perinde cognoscit montem aureum. Sed id est, efficere formaliter chimeram, quæ formaliter est ens rationis. Iam ergo imaginatiua conficit formaliter ens rationis. §. Confirmatur, quia phantasia discurrit circa singularia. Sed in tali discursu videntur aliqua intervenire entia rationis, intentiones videlicet subiecti & prædicati, propositionis, & syllogismi. Illas ergo intentiones per talem discursum conficit phantasia: ac perinde aliqua conficit entia rationis.

Respondetur, breuiter ad argumentum (quamuis circa illius, & confirmationis materiam plura possent dici, quæ ad libros de anima spectant) quod imaginatiua apprehen-

prehendit quidem materialiter montem aureum, non tamen cognoscit, illum non esse vere ens, nec ad modum entis illum attingit, quæ sola cognitio sufficit, facere ens rationis; & hoc modo solum cognoscitur ab intellectu. §. Ad confirmationem respondetur, phantasiâ, cum non sit potentia spiritualis, nec reflexivè etiam in exercitio cognoscere: & quamvis discurrat materialiter circa singularia, non tamen vel in exercitio cognoscit in obiectis talis discursus intensionem aliquam ad modum subiecti & prædicati, & sic nullam prædictarum intentionum rationis formaliter conficit.

Q V Æ S T I O V.

Vtrum solus intellectus humanus conficiat ens rationis.

Solus, inquam, intellectus humanus, idest, non divinus nec Angelicus. Et licet quæstio ista sit magna ex parte Theologica, & ideo hic breviter pertractanda, non est omnino aliena huius loci, utpote cuius resolutio ad pleniorē notitiā naturæ entis rationis non parum conducit, ad dignoscendum videlicet, an per quodlibet actualiter cognosci entis rationis, ipsū ens rationis formetur. Maioris tamen claritatis causa loquemur prius de intellectu divino, & postea de intellectu loquemur

Angelico . De intellectu igitur diuino, nō est conuersus authorum placitum, dum aliqui licet paucissimi, non solum Deum aliquod ens rationis formare, sed & illud vllatenus cognoscere negant . Alij autem concedūt, Deum omne ens rationis cognoscere; negant tamen, aliquod illorum posse formare . Alij denique non solum cognoscere Deum, sed & formare posse, concedunt plura entia rationis, licet formationem aliquorum, quæ specialem iunibit imperfectionem, Deo denegent . Et quamuis vtraque sententia quantum ad formationem, entis rationis sit satis probabilis, & in via D. Thom. vtraque defensibilis, quid tamen probabilius iudicem, breuiter explicare conabor .

2 Dico igitur primo . Certum est, Deum omnia entia rationis, vt ab intellectu humano facta vel factibilia, cognoscere . In hac conclusione etiam qui formationem entis rationis Deo denegant, debēt conuenire, & probatur ex D. Thom. 1. par. q. 14. art. 9. vbi ait, quod Deus cognoscit omnia, quæ quocumque modo sunt in potentia creaturæ, siue in eius potentia opinandi, siue imaginandi, vel quocumque modo significandi: & ita concludit Sāctus Doctor dicens: *Quacumque igitur possunt per creaturam fieri, vel cogitari, vel dici, & etiam quacumque ipse facere potest, omnia cognoscit Deus.* Hæc D. Thom. & cum in potentia creaturæ imaginandi & significandi, contineantur entia rationis, & ipsa sint aliqua

aliqua ex his, quæ potest creatura cogitare & facere; intendit procul dubio Diu. Thom. ea etiam, saltem vt sic facta vel factibilia à creatura, ab intellectu diuino cognosci:

3 Ratione autem efficaciter id probatur primo, quia quidquid habet quomodo libet entitatem] & cognoscibilitatem passiuam, cognoscitur à Deo, vtpote qui cum sit infinitæ cognoscibilitatis actiuæ, nihil cognoscibile eius subterfugit cognitionem: & cum ens rationis habeat aliquam entitatem, ac perinde & cognoscibilitatem passiuam, non potest diuinam subterfugere cognitionem. §. Confirmatur, & explicatur hoc. Nam quamuis aliquid, vt cognoscibile à creatura, imbibat ex parte cognoscentis imperfectionem; id tamen tota ea, imperfectione ex parte obiecti se tenente, potest Deus absque aliqua imperfectione ex parte Dei cognoscentis attingere: ergo licet intellectus humanus cū imperfectione ex parte ipsius intellectus cognoscentis cognoscat, & faciat ens rationis, potest Deus ipsum ens rationis, cum ea imperfectione factum vel factibile, absque aliqua imperfectione ex parte ipsius Dei cognoscentis cognoscere. Antecedens probatur. Nam licet in cognitione coniecturali hominis imbibatur imperfectio ex parte ipsius hominis cognoscentis; potest Deus sic coniecturaliter ab homine cognitum vel cognoscibile, absque imperfectione ex parte ipsius Dei cognoscentis cognoscere, quod

est cognoscere coniecturale, non tamen coniecturaliter.

4 Secundo probatur conclusio, quia Deus comprehendit omnes actus intellectus humani, omnes enim illi, utpote actus reales, sunt à Deo comprehensive cognoscibiles: ergo cognoscit Deus omnium prædictorum actuum objecta, ut ipsorum actuum objecta sunt: implicat enim aliquem comprehendendi actum cognoscitivum, quin eius comprehendatur objectum. Sed inter actus intellectus hominis aliqua sunt cognitiones entium rationis, ad quas ipsa entia rationis resultant: ergo cognoscit Deus talia entia rationis, ut medijs talibus actibus ab intellectu humano cognoscuntur, & efficiuntur.

5 Dico secundo. Nullum prorsus ens rationis Deus potest facere. Probatur, in cuiuscumque entis rationis formatione imperfectio necessario involuitur ex parte intellectus illa conficientis: ergo nullius entis rationis formatio ab intellectu divino possibilis potest concedi. Antecedens probatur, ens rationis non per quamlibet sit cognitionem, sed per eam dumtaxat, qua cum non sit vere ens, ex parte cognoscentis admodum entis cognoscitur. Sed cognoscere non solum ex parte objecti, sed ex modo cognoscendi & ex parte ipsius cognoscentis aliquid ad modum entis, quod re vera non est ens, est imperfectio in ipso cognoscente: ergo conficere ens rationis imbibit imperfectionem in intellectu illud conficiente.

et sic probatur, quia per eam cognitionem, fit

fit ens rationis, per quam totum suum esse illi communicatur, & ad quam totum esse entis rationis resultat: ergo cum ipsum ens rationis ex se non habeat esse, ad modum entis realis solum habet illud, quia ex parte cognoscentis ad modum entis realis cognoscitur: ergo per eam dumtaxat cognitionem fit ens rationis, per quam ex parte ipsius cognoscentis ad modum entis cognoscitur. Minor autem videlicet quod ita cognoscere ex parte ipsius cognoscentis sit imperfectio in ipso cognoscente, probatur. Quia id est cognoscere ex modo cognoscendi rem aliter quam sit, quamvis non iudicetur rem ita esse, sicut ex modo cognoscendi cognoscitur. Sed hoc arguit imperfectionem in cognoscente: ergo. Maior patet, quia est cognoscere id, quod re vera non est ens admodum entis, quamvis intellectus non iudicet, illud esse verè ens, sed potius illud non esse verè ens: ergo id est cognoscere ex modo cognoscendi re aliter quam est. Quod autem hoc sit imperfectio in cognoscente probatur, nam quantumvis homo cognoscens Angelum ad modum corporis iudicet non esse corpus, ipsum cognoscere Angelum ad modum corporis arguit imperfectionem in cognoscente, quia ex modo cognoscendi tenente se ex parte cognoscentis, cognoscit Angelum aliter quam est: ergo quantumvis cōficiens ens rationis iudicet illud non esse verè ens, id cognoscere ex parte ipsius cognoscentis ad modum entis, est cognoscere aliud ex

modo cognoscēdi aliter quam est, & arguit imperfectionem in ipso cognoscente.

6. Obijcies primo, quod ut in prima conclusionē concedimus, Deus cognoscit entia rationis, ut ab intellectu humano facta vel factibilia: ergo potest etiam Deus entia rationis conficere. Probatur consequentia, quia nulla maior in isto, quam in illo videtur inuolui in cognoscente imperfectio: ergo si est possibile primum, etiam secundum. Antecedens probatur, nam si cognoscit Deus ens rationis ab intellectu humano factum, cognoscit utique illud ad modum entis: cum enim tale ens rationis ab intellectu humano factum non habeat aliud esse, nisi esse ad modum entis; implicat quod Deus illud cognoscat, nisi cognoscat illud ad modum entis. Sed ad faciendum ens rationis etiam antecederet ab aliquo intellectu non factum; solum requiritur, quod illud cognoscatur ad modum entis: ergo si Deus potest cognoscere ens rationis ab intellectu humano factum vel factibile, potest ens rationis conficere.

Confirmatur, nam eo ipso quod Deus cognoscat ens rationis ab intellectu humano factum vel factibile, iam Deus ipsa tali sua cognitione ens rationis format, & conficit: implicat ergo quod Deus cognoscat ens rationis ab intellectu humano factum, & quod aliquod ens rationis ea ipsa sui cognitione non efficiat. Probatur antecedens: nam eo ipso præcise quod Deus cognoscat ens rationis ab intellectu humano factum

aut

aut factibile, per id ens rationis, quod in se alias verum esse reale non habet, incipit habere esse obiectuum in intellectu diuino: ergo per id formalissime fit ens rationis. Consequentia probatur. Quia, (vt diximus quaest. 1. & 3. huius libri) tunc ens rationis formaliter efficitur, cum non habens alias esse reale, incipit habere esse obiectuum in intellectu.

7 Respondetur ad argumentum, negando antecedens, & ad probationem, negatur etiam antecedens; & ad illius probationem dico, quod vt cognoscat Deus ens rationis, vt factum vel factibile ab intellectu humano, sufficit, quod Deus ex parte obiecti cogniti cognoscat illud ad modum entis, id est, quod Deus cognoscat quod tale ens rationis cognoscitur, vel est cognoscibile ab intellectu humano ad modum entis, non autem requiritur, quod Deus ex parte sui intellectus cognoscentis cognoscat tale ens admodum entis, sicut Deus cognoscit coniecturabile ex parte obiecti, hoc est cognoscit, quod aliquod obiectum est ab aliquo intellectu creato coniecturabile, & cognoscit illud, quatenus a tali intellectu creato coniecturabile est; non tamen illud cognoscit Deus ex parte sui intellectus cognoscentis coniecturaliter: quia id esset, ipsum Deum aliquid coniecturare, & de illo cognitionem fallibilem habere. Ad conficiendum autem aliquod ens rationis non sufficit, (vt in conclusione explicuimus) cognoscere

scere illud solum ex parte obiecti ad modum entis, sed requiritur ex parte intellectus ipsum ens rationis conficientis, cognoscere illud ad modum entis, quod est cognoscere illud ex modo cognoscendi aliter, quam sit. Et cum in hoc modo cognoscendi inuoluatur imperfectio, non potest Deus entia rationis conficere, licet possit ens rationis, ut ab intellectu humano factum vel factibile, cognoscere.

Ad confirmationem negatur antecedens; ad cuius probationem dico, non quodlibet esse obiectum, quod ens acquirit in aliquo intellectu, sufficere, ut fiat ens rationis, sed solum illud esse obiectum in quo, quia nullum eiusdem entis supponitur aliud esse, totum illius esse consistit. Cum autem ens rationis ab intellectu humano factum vel factibile, cognoscitur ab intellectu diuino, acquirit quidem esse obiectum in diuino intellectu non tamen per quod tale ens fiat, quia iam supponitur habens esse vel actuale, vel possibile per ordinem ad intellectum humanum illud cognoscentem, vel potentem cognoscere ad modum entis, & ita intellectus diuinus, quando tale ens rationis sic cognoscit, non comparatur ad illud ullatenus tanquam ad suæ cognitionis effectum, sed præcise, ut ad talis cognitionis obiectum: sicuti quando intellectus creatus cognoscit aliquod ens factum vel factibile, quamuis illud non ex cognitione habeat esse obiecti.

uum in tali intellectu, quia præter illud esse obiectiuum, aliud habet esse, non comparatur ad talem cognitionem vt effectus, sed præcise vt illius obiectum.

8. Obijcies secundo, quod priuationem, (quæ est vnum ex entibus rationis) cognoscit Deus etiam ex parte ipsius Dei cognoscentis ad modum entis: ergo illam sic cognoscendo format & conficit. Antecedens probatur, nam non solum ex parte obiecti, sed ex parte ipsius Dei cognoscentis cognoscit Deus priuationem per formam oppositam positiuam, qua priuat, vt cæcitatem per visum, & per lucem tenebras: ergo cognoscit priuationem ad modum formæ positivæ, qua priuat.

Respondetur, negando antecedens. Ad probationem negatur consequentia. Longe enim diuersum est, cognoscere priuationem per formam positiuam oppositam, ac cognoscere illam ad modum formæ positivæ subiectum afficientis: primum enim solum est cognoscere, quod subiectum non habet talem formam positiuam: ac perinde quod habet carentiam, seu negationem talis formæ positivæ: & hoc quidem cognoscit Deus. Aliud vero est, cum talis negatio formæ positivæ re vera non sit aliqua forma in subiecto, cognoscere illam ad modum formæ in subiecto: & hoc modo saltem ex parte ipsius Dei cognoscentis non cognoscit Deus priuationem, & sic illam cognoscere requi-

quirebatur (vt diximus) vt Deus illam per modum entis rationis conficeret ; sed solum cognoscit priuationem ad modum formæ ex parte obiecti , cognoscendo videlicet illam vt cognitam , vel cognoscibilem ad modum entis ab intellectu humano ; quod est , Deum cognoscere ens rationis , non tamen illud conficere . Neque illud conficit intellectus humanus per id præcise , quod priuationem cognoscit per formam positiuam , qua priuat ; sed per id quod ex parte ipsius cognoscentis negationem ipsam talis formæ positivæ , cum non sit vere forma , neque aliquod vere ens in subiecto , ad modum entis & ad modum formæ subiectum afficientis agnoscit .

9 Obijcies tertio , quod respectus idæales per quos in Deo diuersæ constituuntur idææ , sunt respectus & relationes rationis : nullus enim respectus aut relatio realis potest in Deo intelligi ad creaturas . Sed tales respectus idæales ab intellectu diuino conficiuntur . Iam igitur intellectus diuinus aliqua conficit entia rationis . Minor probatur ; tum ex D. Thom. 1. par. quæst. 15. art. 2. ad 3. id expresse his verbis asserente : *Ad tertium dicendum, quod huiusmodi respectus, quibus multiplicantur idææ, non causantur a rebus, sed ab intellectu diuino comparante essentiam suam rebus.* Tum etiam , quia in 2. & 3. argumento eiusdem articuli asserit Diu. Thomas , diuersas idæas diuersosque re-
spe-

spectus idæales illas constituentes esse in Deo ab æterno, nec id negat, sed potius virtualiter concedit in solutionibus prædictorum argumentorum. Sed ab æterno non potuerunt tales respectus causari ab intellectu creato, supposito quod nullus intellectus creatus fuerit ab æterno. Restat ergo, quod tales respectus fuerint ab æterno ab intellectu diuino causati, ac perinde quod ab æterno intellectus diuinus aliqua formauerit entia rationis. Nec potest dici, tales respectus idæales esse ab æterno solum fundamentaliter in Deo, & solum fundamentaliter ab intellectu diuino ab æterno causari: quia D. Thomas ait, prædictos idæales respectus ab æterno causari ab intellectu diuino comparante essentiam suam rebus. Sed per talem comparisonem intellectus non solum fundamentaliter sed & formales videntur prædicti fieri respectus: ergo formales sunt ab intellectu diuino.

Respondetur, re vera prædictos respectus idæales solum fundamentaliter proxime ab æterno in intellectu diuino reperiri, quatenus intellectus diuinus suam essentiam cognoscit diuersimode imitabilem à creaturis, illamque vt sic diuersimode imitabilem comparat ad creaturas. Quia tamen intellectus diuinus non cognoscit talem suæ essentiæ comparisonem ad creaturas ad modum relationis & respectus ipsi diuinæ essentiæ superadditi, & in ea existentis, non conficit formaliter

ter respectum rationis, qui in eo præcise formaliter consistit, quod concipiatur in aliquo ad modum respectus & relationis realis in illo existentis. Per cognitionem tamen, quam ab æterno habet intellectus diuinus comparans essentiam suam rebus; tribuit proximum fundamentum consistens in tali esse cognito, ut intellectus humanus cognoscat in essentia diuina diuersos respectus ad creaturas ad modum diuersarum relationum & respectuum realium; quod est formaliter facere tales respectus & secundas intentiones rationis. Nec amplius probat argumentum, aut amplius in testimonijs adductis intendit D. Thomas, ut semetipsum explicare videtur in 1. distinct. 36. quæstion. 1. art. 2. ad 2. dicens: *Quod ista relationes secundum rationem & intellectum in Deo sunt, quia intellectus diuinus ab æterno fuit intelligens essentiam suam diuersimode à creaturis imitabilem.* Vbi cum non dicat S. Doctor, quod intellectus diuinus fuit ab æterno intelligens, ipsam comparationem suæ essentiæ ad creaturas ad modum respectus & relationis ad illas, non intendit, quod formaliter tales tunc fierent idæales respectus, sed quod solum fierent fundamentaliter, quatenus intellectus diuinus ab æterno intelligens suam essentiam diuersimode imitabilem à creaturis, præbuit proximum fundamentum, ut intellectus humanus ipsam comparationem essentiæ diuinæ ad creaturas posset cognoscere

scere ad modum respectus & relationis realis.

10 Quia aliquid pro huius complemento de intellectu Angelico dicere promissimus, breuiter dico, Angelum quidem cognoscere omnia entia rationis, ut ab intellectu humano facta, vel factibilia. Et ob eandem rationem, ob quam diximus illa ab intellectu diuino cognosci. Quantum ad formationem autem entium rationis, Angelus non potest formare, aut conficere illa, quæ imperfectionem discursus formalis inuoluunt. Quia discursus Angelo non competit formalis; neque etiam poterit formare distinctionem rationis inter diuina attributa per cognitionem quidditatiuam Dei: quia ut sic Angelus, immo homo beatus Deum quidditatiue cognoscens, non concipit illum pluribus conceptibus. Poterit tamen Angelus eam distinctionem rationis formare in cognitione, quam habuerit Dei per suos effectus, poteritque alia entia rationis conficere, quæ in sui formatione non supponunt, neque inuoluunt discursum formalem: quia cognoscere illa ad modum entis etiam ex parte ipsius cognoscentis, licet importet imperfectionem infinitæ cognitioni non potentem competere; non tamen, quæ non possit competere cognitioni creatæ etiam Angelicæ.

QVÆSTIO VI.

*Verum recte diuidatur ens rationis
in priuationem, negationem
& relationem?*

Hanc quæstionem ex se non multum
difficilem, aliquantulum obscuram
& difficilem reddiderunt diuersi modi,
quibus Authores explicant diuisum &
membra diuidentia huius diuisionis. Ali-
qui enim existimant diuisum esse ens ra-
tionis in tota sui latitudine. Alij vero
asserunt diuisum esse ens rationis, quod
duntaxat habet fundamentum in re. Ali-
qui etiam nomine negationis intelligunt
solum negationem formæ in subiecto, sub
qua non compræhenditur chimera. Alij
ex opposito sub nomine negationis solum
chimeram, ac alia entia fictitia, quæ nul-
lum habent fundamentum in re, intelli-
gunt compræhendi: & alias negationes
complexas formæ in subiecto non apto
habere illam, vt negationem visus in la-
pide, reducunt ad relationem. Alij de-
nique nomine negationis intelligunt tam
entia fictitia, quam negationes formæ in
subiecto non apto habere illam. Inter
hanc tamen sententiarum diuersitatem,
quid iudicem probabilius breuiter expli-
care conabor.

2 Dico primò. Ens rationis in tota
sua

fua latitudine diuiditur in ens rationis, quod habet fundamentum in re, & in ens rationis, quod nullum in re fundamentum habet. Pro huius explicatione supponendum est, quod ens rationis habere fundamentum in re, nihil est aliud, quam quod conformiter ad naturas rerum, aliquid, quod in ipsis vere non reperitur, possit intellectus ad modum entis in illis concipere. Vnde illud ens rationis non habebit fundamentum in re, quod intellectus mere fictitiæ, & absque conformitate aliqua ad naturas rerum confingit. Et huiusmodi ens rationis ab aliquibus solet appellari negatio, quia negationem dicit omnis illius fundamenti. Et negatio secundum hanc acceptionem, & secundum quod significat negationem formæ in subiecto, est quasi nomen æquiuocum. Ne tamen huiusmodi nominum æquiuocatione halucinemur, nomine negationis solum in sequentibus intelligemus negationem formæ in subiecto. Hoc supposito patet conclusio, quia in vniuersum omne ens rationis conficitur ab intellectu, vel cum aliquo fundamento in re, vel absque illo: ergo ens rationis in tota sua latitudine prædicto modo est diuidendum. Quia tamen ens rationis absque fundamento in re, vtpote omnino fictitium, & ad nullius naturæ cognitionem conducens, non est cognitu necessarium, illo relicto, solum de ente rationis habente fundamentum in re, loquuntur metaphisici, illudque

que solum diuidere intendunt, illiusque & nos diuisionem explicabimus.

3 Dico secundo. Ens rationis habens fundamentum in re (de hoc enim solum iam loquimur) immediate diuiditur in negationem & relationem. In negationem, inquam, non specialiter dictam, vt condistinguitur à priuatione, sed vt comprehendit negationem formæ in subiecto habente aptitudinem ad illam, & negationem formæ in subiecto illius non capaci. Conclusio colligitur ex D.Thoma quæst.21. de veritate art.1. dicente, quod ens rationis tantum est duplex, negatio scilicet & relatio. Et probatur, quia diuisio alicuius diuisibilis in species vel quasi species subalternas, immediatius fit in tales species, quam in species infimas. Sed relatio & negatio sunt species subalternæ, immediate & adæquate diuidentes ens rationis: ergo in hac duo membra immediate & adæquate diuiditur. Probatur minor, quia negatio generaliter dicta est communis ad negationem formæ in subiecto apto nato habere illam; quæ dicitur priuatio, & ad negationem formæ in subiecto incapaci illius, quæ est negatio specialiter dicta: vtræque enim conuenit in eo, quod dicit negationem formæ in subiecto, & differunt, quod priuatio dicit negationem formæ in subiecto capaci illius; negatio vero specialiter dicta dicit negationem formæ in subiecto incapaci illius: ergo immediatius diui-

diuiditur ens rationis in relationem & negationem generaliter dictam, quàm in relationem, priuationem & negationem specialiter dictam.

4 Dico tertio. Nihilominus optima est diuisio entis rationis habentis fundamentum in re, in relationem, priuationem & negationem specialiter dictam. Præter quam quod sic fit ista diuisio ab Arist. & D. Thom. & communiter ab alijs Doctoribus. Probatur conclusio, nam quotiescunque aliquod diuisum, licet immediatius diuisibile per species subalternas, diuiditur per species a thomas, cum illæ totam exhauriant confusionem diuisi, optime & adæquate diuiditur: sicut animal in hominem, equum, & leonem, & alia animalia irrationabilia, si illa omnia facile possent enumerari. Sed relatio, priuatio, & negatio specialiter dicta totam exhauriunt confusionem entis rationis habentis fundamentum in re, cum nullum in his tribus membris non contentum ens inueniatur rationis: ergo licet immediatius posset diuidi ens rationis in relationem & negationem communiter dictam, optime & adæquatè in prædicta tria membra diuiditur.

Confirmatur, & explicatur: quia sicut qualitatis immediatius membrum diuidens posset assignari dispositio communiter dicta, vt compræhendens videlicet habitum & dispositionem specialiter dictam: quia tamen poterat esse æquiuocatio, & dubitari

tari an nomine dispositionis, dispositio communiter dicta, an vero dispositio specialiter dicta intelligatur; conueniens fuit, quod licet non ita immediate, diuideretur qualitas in alias species; & in habitum & dispositionem specialiter dictam: ergo à simili conueniens fuit, quod licet non ita immediate, diuideretur ens rationis in relationem, priuationem, & negationem specialiter dictam, quia per id omnis tollitur æquiuocatio: cum enim vnum ex tribus membris talis diuisionis assignetur negatio contra posita priuationi, nomine negationis non negatio generaliter dicta, sed negatio specialiter dicta absque aliqua æquiuocatione intelligitur.

5 Obijcies primo, priuationem & negationem non esse entia rationis. Perperam igitur assignantur inter membra, ens rationis diuidentia. Antecedens probatur, quia à parte rei antecederet ad omnem operationem intellectus inueniuntur: ergo cum ens rationis solum habeat esse obiectiue in intellectu, priuatio & negatio non sunt entia rationis. Antecedens probatur, quia à parte rei homo habens capacitatem ad visum, potest habere negationem illius, & lapis incapax visus à parte rei habet negationem illius, & antecederet ad omnem operationem intellectus à parte rei homo denominatur cæcus, & lapis non videns: ergo à parte rei, & independenter à consideratione intellectus reperitur priuatio & negatio.

Con-

Confirmatur : nam priuatio est vnum , principium generationis naturalis : ergo cum generatio reperiatur à parte rei independenter a consideratione intellectus, independenter ab illa à parte rei reperitur priuatio .

Respondetur ad argumentum negando antecedens , & ad probationem dico , quod a parte rei solum fundamentaliter reperitur negatio & priuatio ; vt enim , formaliter sint requiritur , quod cum cuiuscumque formæ negatio nihil fit , nec aliquid ponat in subiecto , ipsa negatio consideretur in illo ab intellectu ad modum formæ realis in ipso existentis . Sufficit tamen (vt sæpius diximus) vt absolute & simpliciter , licet non omnino formaliter & quasi intrinsece , homo denominetur cæcus , & lapis non videns , quod non habeant visum , quod est habere priuationem & negationem solum fundamentaliter . Ad confirmationem respondetur quod vt priuatio sit principium generationis naturalis , sufficit , quod fundamentaliter existat : inuero ad generationem nihil conducit , quod negatio formæ in materia concipiatur ad modum formæ in ipsa materia existentis , sed quod realiter materia non habeat formam , cuius proxime est capax .

6 Obijcies secundo , quod plura dantur entia rationis , sub nullo prædictorum trium membrorum huius diuisionis contenta : ergo diuisio ista est insufficiens . Pro-

batur antecedens, quia non solum potest intellectus aliquid concipere in aliquo ad modum formæ positivæ relativæ, sed etiam ad modum substantiæ, qualitatis, & quantitatis. Sed illa erunt entia rationis, utpote quæ solum habebunt esse obiective in intellectu. Et tamen non erunt relationes rationis, quia, ut supponimus, non concipiuntur ad modum respectus realis; neque erunt priuationes aut negationes, quia non conciperentur remotiones aliquius formæ realis: ergo sub nullo ex prædictis tribus membris talia entia rationis continentur.

Respondetur, quod si intellectus, ubi non est vera substantia, vera quantitas, nec vera actio, aliquid per modum substantiæ, quantitatis, vel actionis concipiat, id quidem faciet absque aliquo prorsus fundamento in re: nulla enim res est, quæ huiusmodi possit exigere conceptionem, & ita etiam si aliquod ad talem cognitionem intellectus ens rationis resultet, illud non continebitur sub diuiso huius diuisionis, per quam ens rationis duntaxat, quod habet fundamentum in re, diuiditur: & sic non mirum quod tale ens rationis omnino fictitium, & absque aliquo fundamento in re sub nullo huius diuisionis membro contineatur.

7 Obijcies tertio, nullum esse ens rationis, quod non sit relatio rationis. Perperam igitur diuiditur ens rationis in relationem, & alia suæ diuisionis membra; siqui-

siquidem omnia illa formaliter coincidunt cum relatione rationis. Antecedens probatur, quia omne ens rationis importat respectum ad intellectum illud conficientem, & ad subiectum quod denominat: ergo cum talis respectus non possit esse relatio realis, erit respectus & relatio rationis ac perinde omne ens rationis formaliter erit relatio.

Respondetur, negando antecedens. Et ad probationem dico, omne ens rationis respicere aliququaliter intellectum, & subiectum quod denominat, non tamen respicit illud, ut purum terminum, quod requireretur, ut esset relatum rationis secundum esse, sed intellectum respicit ut sui causam quodammodo efficientem, & subiectum ut sui causam quodammodo materiale: per quod solum colligitur quod ad intellectum, & subiectum dicat omne ens rationis respectum transcendentalem & secundum dici: quod non sufficit ut contineatur formaliter in genere relationis. Sicuti quamvis omne accidens reale dicat respectum transcendentalem ad subiectum, & ad suam causam efficientem, id non sufficit, ut formaliter in genere relationis constituatur. Cum hoc tamen fiat, quod cum prædictus respectus transcendentalis entis rationis ad intellectum, & ad subiectum, quod denominat, possit concipi ad modum relationis realis prædicamentalis, potest intellectus formare relationem rationis prædicamentalem;

lem, ad quam alterum ens rationis, & illius respectus transcendentalis ad sui causam efficientem & materiale habebit se ut subtractum, & ut subiectum denominationis, quod utique non est, coincidere formaliter cum relatione omnia entia rationis, sed quod omnia illa ut illius subtractum possint ab aliqua relatione rationis denominari.

QVÆSTIO VII.

Utrum prima & secunda intentio sint aliquid rationis?

Quia ex omnibus entibus rationis, quod præcipue pertinet ad logicum est secunda intentio, utpote quam (ut quæst. ultima præcedentis libri diximus) logica ut proprium respicit obiectum; specialiter natura eiusdem secundæ intentionis rationis in hac, & sequenti quæstione est explicanda. Et quia, ut in sequenti dicemus, secunda intentio rationis in prima intentione rationis fundatur, oportet prius vniuersaliter scire, quid sit prima & secunda intentio, & an utraque sit aliquid rationis. Quod optime, & omnia quæ ad has intentiones pertinent, explicat noster Author quæst. 3. vniuersalium, supponens in primis, hoc nomen intentio quasi æquiuocum esse ad intentionem voluntatis & intellectus, & in ordine ad voluntatem

tatem dicitur intentio actus ille voluntatis circa finem, ex quo ad electionem mediorum voluntas mouetur. Relictaque hac intentionis acceptione, utpote quæ ad præsens non spectat, de intentione loquimur duntaxat prout pertinet ad intellectum.

2. Intentio autem tam prima quam secunda, prout pertinet ad intellectum, alia est formalis, alia obiectiua. Prima intentio formalis est primus conceptus, quem intellectus de aliqua re habet id est, conceptus, quem intellectus habet de re, secundum id quod rei ex se ipsa competit. Secunda autem intentio formalis est conceptus, quem intellectus habet de aliqua re secundum illud quod rei competit non secundum se, sed secundum statum quem habet in intellectu. Et quia hic conceptus formalis supponit primum, quem intellectus habet de rebus secundum illud, quod eis à parte rei competit, dicitur secundus conceptus, seu secunda intentio formalis. Prima autem & secunda intentio obiectiua nihil aliud sunt, quam obiecta formaliter ut obiecta primæ & secundæ intentionis formalis. Et quidem certum est, omnem primam & secundam intentionem formalem esse aliquid reale, cum sine vel ipsæ reales actiones intellectus, vel terminus intrinsecus talium actionum, verbum videlicet per illas realiter productum, & realiter in intellectu receptum. Vnde præsens difficultas so-

I 3 lum

lum procedit de primis & secundis intentionibus obiectiuis, an illæ sint aliquid reale vel rationis.

3 Pro cuius resolutione est supponendum, quod in primis & secundis intentionibus obiectiuis, id est in obiecto primæ & secundæ intentionis formalis, possumus considerare ipsum obiectum pro materiali, & etiam formaliter in ratione obiecti v.g. concipit intellectus lapidem esse visum, obiectum pro materiali est lapis, & formaliter vt obiectum est lapidem esse visum. De primis ergo & secundis intentionibus obiectiuis tam pro formalis, quam pro materiali, inquiremus an sint aliquid reale vel rationis.

4 Dico primo. Prima & secunda intentio obiectiua pro materiali & pro abstracto abstrahit ab aliquo reali & rationis, à substantia & accidenti: hoc est, quod in omni prædicto genere entium potest reperiri materiale subtractum, quod denominetur à prima & secunda intentione obiectiua. Explicatur, & probatur conclusio, quia nullum est genus entium, quod non possit esse materiale subtractum alicuius secundæ intentionis obiectiue: substantiæ enim reales vt homo, & accidentia realia possunt denominari ab aliqua secunda intentione prædicabilis, & similiter omnia entia rationis. Priuatio enim in ordine ad hanc & illam priuationem, & negatio in ordine ad hanc & illam negationem, & chimera in ordine

ne

ne ad hanc & illam chimeram, possunt denominari à secunda intentione speciei prædicabilis: & secunda intentio generis in ordine ad hanc & illam secundam intentionem generis, etiam est denominabilis à secunda intentione speciei prædicabilis. Nullum igitur est genus entis, per quod non diuagetur materiale subtractum alicuius secundæ intentionis obiectivæ. Et similiter, cum nullum sit ens, quod non possit habere denominationem esse cogniti, nullum est, quod non possit esse materiale subtractum primæ intentionis obiectivæ. Prima igitur & secunda intentio obiectiva pro materiali abstrahunt ab omni genere entis.

§ Dico secundo, aliquæ primæ intentiones obiectivæ formaliter sumptæ sunt aliquid reale: aliæ vero aliquid rationis. Prima pars conclusionis probatur: nam cum intellectus prima sua conceptione concipit hominem vel lapidem, homo & lapis secundum suas naturas reales sunt obiectum formaliter terminans primum conceptum intellectus: ergo formaliter ut obiectum illius, sunt aliquid reale; immo ratio quasi materialis & ratio sub qua illius primæ intentionis obiectivæ omnino coincidunt. Quia homo secundum illud quod in se, & non per ordinem ad aliquid extrinsecum habet, est formaliter obiectum talis primi conceptus. Iam, ergo aliquæ primæ intentiones obiectivæ, etiam formaliter sumptæ sunt aliquid reale.

le. §. Nec huic obstat, quod homo terminans primum conceptum formalem intellectus, dicat perinde ordinem transcendentalem ad intellectum illum cognoscentem. Non, inquam, id obstat, quia esse hominis, etiam prout est obiectum primi conceptus formalis intellectus, non consistit in eo ordine transcendentali, quem dicit ad intellectum, sed in sua natura reali secundum quam obijcitur intellectui & illius terminat primum conceptum.

Secunda autem pars conclusionis probatur: nam in lapide esse visum v.g. est ratio formalis, secundum quam terminat primum conceptum intellectus cognoscentis in lapide esse visum ad modum formæ realis in ipso lapide existentis, cum revera non sit aliqua forma realis in illo: ergo lapis constituitur formaliter in esse obiecti talis conceptus per aliquam formam rationis. Sed illa non potest esse secunda intentio rationis, utpote quia fundatur proxime in aliquo reali, nempe in visione reali ad lapidem terminata: ergo est prima intentio obiectiva rationis: ac perinde iam aliquæ primæ intentiones formaliter sumptæ sunt aliquid rationis.

6 Dico tertio, omnis secunda intentio obiectiva pro formali est aliquid rationis. Probatur, quia totum esse cuiuslibet secundæ intentionis obiectivæ est solum illud esse obiectivum, quod habet in intel-

tellectu, ut constabit per singulas secundas intentiones discurrendo. Et patet, quia secunda intentio formalis est conceptus, quem intellectus format de aliqua re, secundum illud dumtaxat, quod habet per ordinem ad ipsum intellectum: ergo ex parte obiecti, seu rationis formalis obiectivae solum correspondet aliquid, cuius totum suum esse sit esse obiectivae in intellectu: aliàs si corresponderet aliquid habens aliquod esse præter esse obiectivae in intellectu, iam ille secundus conceptus formalis esset de re secundum illud præcise, quod habet ex se: ac perinde ille, qui dicitur secundus conceptus, re vera non esset secundus conceptus, sed primus conceptus, & prima intentio formalis.

7 Dico quarto, omnes primae intentiones obiectivae rationis conveniunt in ordine transcendentali, quem dicunt ad intellectum, illas ad modum formae realis primo suo conceptu formali cognoscentem, atque illas media tali cognitione conficientem: differunt tamen inter se quatenus sunt respectus ad diversos speciales terminos. Explicatur & probatur conclusio. Cognoscit v.g. intellectus esse visum in pariete ad modum respectus realis parietis ad potentiam visivam illum videntem; cum re vera non sit talis respectus realis in pariete; & per eam cognitionem resultat prima intentio rationis obiectiva esse visi in pariete ad modum formae intrinsecae parietem afficientis: co-

gnosca similiter intellectus esse volitum in homine ad modum respectus realis hominis ad voluntatem illum amantem, cum re vera ille non sit respectus realis in obiecto talis amoris, & per eam cognitionem resultat in homine prima intentio obiectiua rationis ad modum formæ intrinsecæ hominem afficientis. Prima igitur intentio rationis in lapide esse visi conuenit cum prima intentione rationis in homine esse voliti in eo, quod vtraque eodem modo dicit respectum transcendentalem ad intellectum illam cognoscentem & illam suæ cognitione conficientem. Differt tamen intentio rationis in lapide esse visi ab intentione rationis in homine esse voliti penes diuersos proprios terminos vtriusque relationis seu intentionis, quia per esse visum refertur lapis ad potentiam illum videntem, & per esse volitum refertur homo ad voluntatem illum amantem.

8 Dico quinto, omnes secundæ intentiones conueniunt in eodem ordine transcendentali ad intellectum, illas suo secundo conceptu formali cognoscentem: differunt tamen inter se, quia sunt speciales respectus ad diuersos speciales terminos. Conclusio patet à simili ex præcedenti: quamuis enim secunda intentio v.g. generis & speciei conueniant in eo, quod vtraque eodem modo dicit ordinem transcendentalem ad intellectum, illam ad modum respectus realis ad suæ inferior-

ra cognoscentem : differunt , quia secunda intentio generis est relatio , per quam genus refertur ad plura differentia specie , & secunda intentio speciei est relatio , per quam species ad plura solum numero differentia refertur : ergo licet prædictæ secundæ intentiones conueniant in eodem ordine transcendentali ad intellectum ; differunt tamen quatenus sunt relationes rationis prædicamentales ad speciales & diuersos suos terminos . Ex quo & ex conclusione præcedenti sequitur , primam & secundam intentionem rationis non constitui formaliter in esse talium per ordinem transcendentalem , quem dicunt ad intellectum , sed quatenus qualibet illarum est relatio secundum esse ad ad suos particulares terminos . Et solum in hoc potest esse aliqua æquiuocatio , quando intellectus in lapide v.g. esse cognitum , cognoscit ad modum respectus realis lapidis ad intellectum cognoscentem : talis enim respectus in lapide ex cognitione esse cogniti resultans , dicit ordinem transcendentalem ad intellectum cognoscentem esse cognitum in lapide , & est ordo prædicamentalis , quo lapis refertur ad intellectum cognoscentem , lapidem , non autem ad intellectum cognoscentem esse cognitum lapidem .

QVÆSTIO VIII.

*Vtrum prima & secunda intentio
rationis habeant fundamen-
tum à parte rei?*

CUm (ut diximus quæstione præce-
denti) quidquid terminat primum
conceptum formalem intellectus, sit pri-
ma intentio & non solum ens reale, sed
quodlibet ens rationis primum conceptu
formalem intellectus possit terminare; &
quodlibet ens rationis hac ratione dici
potest prima intentio obiectiva rationis,
sed non loquimur de prima intentione
rationis ita latè sumpta, sed de primis in-
tentionibus rationis, quæ sunt relationes
secundum esse, & condistinctæ à priuatione
& negatione, & de omnibus secundis
intentionibus, (omnes enim illæ sunt re-
lationes rationis secundum esse.)

2. Cum autem (ut etiam quæst. præ-
cedenti concl. 4. & 5. dicebamus) huius-
modi relationes, & intentiones rationis
tam primæ quam secundæ dicant respec-
tum transcendentalem ad intellectû illas
cognoscentem & conficientem, & quæli-
bet præter hunc communem transcenden-
talem respectum, sit respectus & relatio
prædicamentalis rationis ad suum specia-
lem terminum, non inquirimus secundum
respectum transcendentalem, an habeant
fun-

fundamentum (respectus enim transcen-
dentalis proprie non habet fundamen-
tum) sed solum inquirimus de istis in-
tentionibus rationis, secundum quod sunt
relationes prædicamentales rationis ad
suos speciales terminos, an habeant ali-
quod fundamentum, proportionabiliter
ac aliud habent relationes prædicamen-
tales reales.

3 Pro quo est supponendum, quod in
relationibus reperitur subiectum relationis,
fundamentum remotum & proximum illius,
ac denique ipsa relatio ad positionem fun-
damenti & termini realiter naturaliter re-
sultans. Proportionabiliter ergo inqui-
rimus, an huiusmodi relationes rationis
habeant suo modo subiectum & funda-
mentum proximum & remotum, & qua-
le illud sit? Dixi suo modo, quia certum
est huiusmodi relationes rationis non ha-
bere subiectum inhæſionis, sed solum de-
nominationis. Similiter est certum quod
etiam si habeant fundamentum remotum
& proximum, non tamen ita ut ad illud
naturaliter & independenter ab omni alio
statim ipsa sequatur relatio: semper enim
ad id requiritur actio intellectus quasi
causa efficiens talis relationis. Vnde fun-
damentum in his relationibus rationis erit
illud, quod quantum est ex se, exigat po-
sitionem talis relationis rationis, & quo
posito statim possit illam intellectus
formare, illamque alicui subiecto præ-
bere.

4 Dico

4 Dico igitur primo. Primæ prædictæ intentiones rationis, quatenus sunt relationes ad suos speciales terminos præter subiectum denominationis, quod in aliquibus est aliquid reale, in aliquibus est aliquid rationis, habent fundamentum tam proximum, quam remotum à parte rei. Dixi subiectum denominationis, in his primis intentionibus rationis (& quantum ad hoc idem est etiam de secundis intentionibus) aliquando esse reale, aliquando aliquid rationis, quia nullum est ens, quod ab aliqua secunda intentione & ab aliqua etiam prima intentione rationis, ut ab intentione esse cogniti, non possit denominari.

5 Hoc supposito probatur conclusio. Et quod istæ primæ intentiones habeant fundamentum tam proximum quam remotum, patet. Quia sunt relationes prædicamentales, & proprium est relationis prædicamentalis, utrumque fundamentum habere: ut constat in relationibus realibus prædicamentalis. Quod autem utrumque fundamentum habeant à parte rei huiusmodi primæ intentiones rationis, probatur. Tum, quia in eo distinguuntur à secundis intentionibus, quæ (ut videbimus) licet habeant fundamentum remotum à parte rei, fundamentum proximum illarum sunt primæ intentiones rationis. Tum vel maxime, quia si prima intentio rationis non haberet fundamentum proximum à parte rei, deberet proximè fundari in alia prima intentione rationis (non enim potest aliud pro-

proximum illius excogitari fundamentum) sed id est impossibile : ergo . Probatur minor, nam illius primæ intentionis rationis, quæ esset fundamentum alterius , deberet assignari fundamentum proximum alia prima intentio rationis, & illius alia, & sic in infinitum ; vsque dum deueniremus ad aliquam primam intentionem rationis , quæ à parte rei tam proximum, quam remotum habeat fundamentum : & cum non sit quantum ad hoc maior ratio , de illa , quam de alijs primis intentionibus rationis , dicendum est omnes illas habere tam proximum, quam remotum fundamentum à parte rei.

6. Inductiuè etiam probatur & explicatur conclusio . Prima enim intentio in lapide esse cogniti habet pro fundamento remoto potentiam cognoscitiuam , & pro fundamento proximo cognitionem actiuam ad lapidem terminatam . Primæ intentionis in homine esse voliti fundamentum remotum est voluntas , & proximum actio voluntatis ad hominem terminata . Primæ intentionis in lapide esse visi fundamentum remotum est potentia visiva ; proximum, autem visio ad lapidem terminata . Primæ denique intensionis in columna esse dextræ, fundamentum remotum est dextera animalis, fundamentum vero proximum est vbiatio realis dextræ animalis ad situm , vbi est columna , & sic inductiuè de alijs primis intentionibus rationis .

7. Obijcies , quod confundimus fundamentum proximum & remotum istarum
rela-

228 *Lib. 2. De ente rationis*

relationum cum illarum termino. Sed hoc videtur inconueniens: nō igitur rectē fundamentum illarum proximum & remotum assignatur. Maior probatur, quia prima intentio esse visi, est relatio rationis ad potentiam videntem, quatenus intellectus concipit in lapide esse visum ad modum respectus, & relationis lapidis ad potentiam illum videntem: ergo si huius relationis assignamus fundamentum proximum & remotum potentiam visiuam, & illius visionem, confundimus cum termino talis relationis illius fundamentum. Minor autem, quod hoc sit inconueniens, probatur. Quia in omni relatione videtur distinctum debere esse terminū ab illius fundamento, cum fundamentum se habeat, vt id à quo egreditur relatio, & terminus, vt id in quod tendit, & terminatur.

Respondetur, non esse inconueniens in his relationibus quod materialiter sit idem illarum fundamentum & terminus. Quia cum huiusmodi relationes omnes rationis sint quasi reflexiue, & illas reflexiue formet intellectus, comparando videlicet effectum, vel quasi effectum ad suam causam, & illud concipiendo ad modum respectus ad illam; quatenus huius comparationis causa est fundamentum, præbet fundamentum talis respectus, & est terminus illius, quatenus in ordine ad illam fit comparatio.

8 Dico secundo. Secundæ intentiones rationis habent fundamentum remotum, à parte rei; proximè autem fundantur in

ali-

aliquibus primis intentionibus rationis. Conclusio est communis, & quod tales secundae intentiones debeant habere vtrunque fundamentum, patet ex proportionem ad alias relationes praedicamentales: quod vero vtrunque illarum fundamentum non sit reale, probatur: Quia alias non haberent in quo distinguerentur à primis intentionibus rationis: quod denique fundamentum remotum illarum sit reale, probatur. Quia si secunda intentio fundatur proximè in prima intentione rationis, quod fuerit proximum fundamentum ipsius primae intentionis fundantis secundam, erit fundamentum remotum secundae intentionis in prima fundatae, (licet praeter hoc aliud magis remotum fundamentum; ut videbimus, cuiuslibet secundae intentionis, in ipsa natura subiecti, quod denominat, inueniatur) sed omnis primae intentionis rationis fundamentum proximum est aliquid reale: ergo omnis secunda intentio fundatur remotè in aliquo ente reali.

9 Exemplo etiam probatur conclusio, nam quamvis in natura v. g. animalis, ut comparabili ad plures species sit remotissimum fundamentum; ut animali tribuatur ab intellectu secunda intentio generis, nunquam intellectus inueniet ad id faciendum proximum fundamentum; usque dum abstractam ab inferioribus, & ad illa comparatam talem naturam cognoscat, sed ad eam cognitionem cum resuletur prima intentio rationis, statim potest intellectus ani-

animali tribuere secundam intentionem generis : ergo antecedenter ad talem primam intentionem rationis non erat fundamentum proximum prædictæ secundæ intentionis, & illius fundamentum proximum fuit talis prima intentio rationis, & eodem modo id posset alijs exemplis confirmari .

10 Obijcies primo, quod antecedenter ad omnem primam intentionem rationis, potest intellectus aliquam secundam intentionem formare, illamque alicui tribuere . Non igitur omnis secundæ intentionis fundamentum proximum debet esse aliqua prima intentio rationis . Probatur antecedens , quia postquam quis per intellectum agentem abstrahit naturam humanam v.g. à singularibus , prius quam in illa aliquam primam intentionem rationis ad modum relationis ad aliquem terminum concipiat, potest tali naturæ intentionem tribuere speciei . Et ad minus postquam talem naturam comparavit intellectus ad sua inferiora, prius quam ipsam comparationem agnoscat ad modum respectus ad potentiā comparantem , in quo prima intentio rationis esse comparati consistit; posset intellectus tali naturæ secundam intentionem tribuere speciei : ergo potest secundam intentionem formare, & alicui præbere intellectus antecedenter ad omnem primam intentionem rationis .

Respondetur negando antecedens: & ad probationem patebit ex dicendis in libro sequenti de naturæ universalis, & per quam opera-

operationem intellectus fit. Pro nunc dico non posse intellectum statim post abstractam naturam per intellectum agētem tribuere illi intentionem vniuersalis, vel pradicabilis; vsque dum saltem cognoscat per intellectum possibilem naturam sic abstractam, & cum intellectus in omni sua cognitione sit saltem in exercitio reflexiuus, ea cognitione, qua cognoscit naturam abstractam, cognoscit in illa esse abstractum ad modum respectus ad potentiam abstractentem, per quod resultat ipse respectus & prima intentio rationis. Et idem dico de intentione esse comparati, quod per ipsam actionem comparatiuam intellectus in exercitio saltem cognoscitur, & formaliter ipsa prima intentio rationis resultat. Vnde numquam intellectus alicui secundā aliquam intentionem tribuit, nisi praecesserit, vt illius proximum fundamentum, aliqua prima intentio rationis.


II Obijcies secundo. Quod tam prima quam secunda intentio rationis sunt formaliter relationes: ergo vna non potest fundari supra aliam. Probatur consequentia, ex relationibus realibus pradicamentalibus, in quibus nulla relatio est alterius relationis fundamentum: ergo neque id potest contingere in relationibus rationis pradicamentalibus.

Respondetur negando consequentiam, & ad probationem admissio antecedenti, negatur etiam consequentia. Quia cum fundamentum relationis realis sit id, ad quod

per

per 799

per realem naturalem resultantiam resultat ratio: ac perinde fundamentum se habet ad relationem realem per modum principij actiui, à quo ipsa realiter emanat ratio: & nulla ratio realis; quia in genere entis realis est minimæ entitatis, potest esse reale principium actiuum alicuius; ideo nulla ratio realis potest esse fundamentum proximum alterius relationis realis: Quia tamen fundamentum proximum relationis rationis, vt diximus, non est à quo realiter emanat ratio, sed solum quod quantum est ex se exigit positionem relationis ab intellectu, hoc modo, fundare relationem rationis, optime alteri relationi rationis potest competere.



LIBER TERTIVS

DE VNIVERSALIBVS.



ACTVRVS Porphyrius de quin-
que predicabilibus, in qua (ut
libro sequenti dicemus) tanquam
in species a thomas vniuersale di-
uiditur, in prologo, quem prænisi-
t ad tractatum predicabilium, aliqua discussio
de natura vniuersalis, & an illud sit in rebus,
an vero à rebus realiter separatum, vel deni-
que solum in intellectu obiectiue inueniatur,
breuiter insinuat. De quo tamen latè dispu-
tant logici, Et quamuis materia sit magna
ex parte metaphisica tamen quia eius cognitio
multum conducit ad logicum, ut sciat quali-
ter vniuersalia de singularibus predicentur;
ideo noster etiam auctor in prologo predicabi-
lium aliqua de vniuersalibus disputat, qua in
hoc distincto libro (quem vice prolegi ad præ-
dicabilia pramittimus) breuiter perfringe re-
conabimur.



QVÆSTIO I.

Quid, & quotuplex sit vniuersale?

VNiuerſale, vt nomen ſonat, dicitur ſecundum quod aliquid ad plura comparatur; ad differentiam ſingularis, quod in eo quod ſingulare eſt, nequit ad plura comparari. Secundum diuerſas igitur acceptiones vniuerſalis quaduplex (vt quaſt. 1. vniuerſalium adnotat noſter Author) diſtinguitur vniuerſale. Vniuerſale videlicet in cauſando, in repreſendendo, in eſſendo, & in prædicando. Vniuerſale in cauſando eſt, quod plura poteſt cauſare; & ſic vniuerſaliſſimus eſt Deus, vtpote à quo omnia procedunt, & in cuius potentia vniuerſa factibilia continentur; & cauſæ ex inferioribus erunt magis vel minus vniuerſales in cauſando, quatenus ad plures, vel pauciores effectus poſſunt concurrere. Vniuerſale in ſignificando, ſeu in repræſendendo, eſt vox, ſeu conceptus aliquam naturam communem ſignificans, ſeu repræſentans; vt hæc vox homo, & conceptus illi correfpondens. Vniuerſale in eſſendo, eſt id, quod in pluribus exiſtit, & reperitur. Vniuerſale denique in prædicando eſt, quod de pluribus eſt prædicabile. Et quidem de vniuerſali in cauſando pertinet agere ad Phiſicum, qui de cauſis vniuerſalibus & particularibus cuiuslibet cauſandi generis diſcutit. De vniuerſali autem in
ſigni-

significando seu representando pertinet agere ad Dialecticum. De vniuersali denique in essendo, & in prædicando pertinet agere ad Logicum. Quia cum ad illū proculdubio spectet agere de vniuersali in prædicando, & (vt videbimus) vt aliquid sit vniuersale in prædicando debet esse vniuersale in essendo, ea vtraque vniuersalis acceptio pertinet ad logicum: & sic de vniuersali secundum eam duplicem acceptionem, alijs relictis, in sequentibus disputabimus.

2 Cum nihil possit prædicari de illis, in quibus realiter non est, & vniuersale logicum (vt diximus) sit vniuersale in prædicando, & prædicabile de multis, necessarium est, quod in his, de quibus prædicatur, realiter sit, ac perinde vniuersale logicum communiter describitur, quod sit *unum in multis & de multis*. Quæ definitio desumitur ex Arist. 7. metaph. textu 14. dicente vniuersale esse *quod pluribus in esse natum est*. Et prædicta communis definitio optime explicat naturam vniuersalis logici: quia explicat eius fundamentum, relationem vniuersalitatis & proprietatem illius. Explicat quidem fundamentum per illam particulam. *Vnum*, quia in vnitatem formalem, quam habet natura in pluribus, licet in illis materialiter multiplicabilis, relatio vniuersalitatis fundatur. Ipsam autem vniuersalitatis relationem explicat prædicta definitio per illam particulam, *in multis*, per multa, enim,

236 Lib. 3. de vniuersalibus

enim, in quibus natura est, denotantur eius inferiora, ad quæ tanquam ad proprium terminum relatio vniuersalitatis terminatur. Per illam denique particulam *de multis*, explicatur proprietas vniuersalis, scilicet illius de pluribus prædicabilitas.

3 Aduersus prædictam definitionem primo obijcies, illam competere Deo: Deus enim est vnus in multis & de multis vnus etenim Deus in tribus est diuinis personis, & de illis prædicatur. Et tamen Deus non est vniuersalis, siquidem ad nullam ex speciebus quæ adæquate vniuersale diuidunt, pertinet: videtur igitur, prædictam definitionem vniuersalis non esse bonam.

Respondetur, in prædicta definitione *vnus in multis* debere intelligi, quod ita sit in multis quod in illis multiplicetur, & diuidatur: sicut quælibet natura creata in multis, in quibus est, diuiditur, partitur, & multiplicatur. Natura autem diuina, quæ in tribus est diuinis personis, & de illis prædicatur, nullatenus in illis diuiditur aut multiplicatur: & ideo vniuersalis, nec est, nec prædicta ei conuenit definitio.

4 Obijcies secundo, quod ens est vnus in multis & de multis, siquidem in omnibus rebus est, & de omnibus prædicatur. Et tamen non est vniuersale, cum ad nullam speciem vniuersalis pertineat, vt facile est per omnes illas discurrendo, videre. Ergo prædicta vniuersalis definitio non est bona.

Respon-

Respondetur, quod si in hac definitione describitur vniuersale latè sumptum; talis definitio competit enti; vt recte probat argumentum. Et in ea lata vniuersalis acceptione ens etiam est vniuersale. Si vero accipiatur in ea definitione vniuersale, strictè solum, prout est diuisibile in quinque prædicabilia, debet subintelligi in definitione, quod sit vnum in multis, vnum videlicet illis vniuocum, & quod vniuocè prædicetur de multis. Et per id excluditur ens à ratione vniuersalis, quia respectu nullius sibi inferioris est vniuocum, nec vniuocè de illo prædicatur.

Cum totus huius libri scopus & finis sit, naturam vniuersalis logici indagare, & in quo illud fundamentaliter, & formaliter consistat inquirere, & per quam potentiam & actionem fiat vniuersale formaliter, explicare, ac denique an tale detur vniuersale, perscrutari; totum id hoc ostenditur discursu. Necessarium est concedere in rebus naturas vniuersales. Sed non possunt illæ realiter à singularibus esse separatæ; ergo debent esse realiter cum suis singularibus identificatæ. Tunc ultra; non possunt de talibus singularibus prædicari nisi ab illis per intellectum separatæ in ordine ad illa ab ipso intellectu comparentur. Id autem mere fictitiè & absque fundamento in ipsis rebus intellectus facere nequit. Ad id ergo reperitur fundamentum in ipsis rebus, quod est in illis reperiri vniuersale fundamentaliter. Et cum tali fundamento

intellectus abstrahens & comparans naturam ad sua inferiora, facit illam vniuersalem formaliter. En breuem & compendiosum discursum, in quo omnia, quæ in hoc libro dicturi sumus, insinuatur. Oportet ergo, vt illa patefiant, quod circa eisdem discursus præmissas in sequentibus quæstionibus disputemus, vt illarum veritas innotescat.

Q V Æ S T I O . I I .

Vtrum in rebus dentur vniuersalia?

INdeterminate, & in communi in præfenti inquirimus, an dentur in rebus vniuersalia; non inquirentes determinate, & in particulari, an dentur in rebus vniuersalia cum singularibus realiter identificata, an vero, ab illis realiter separata (de hoc enim quæstione sequenti aduersus Platonem disputabimus.) Nec determinatè inquirimus, an dentur in rebus vniuersalia solum fundamentaliter, an vero antecedenter ad operationem intellectus, formaliter dentur in rebus vniuersalia (de hoc namque etiam agemus in sequentibus) sed solum indeterminate & in communi (vt diximus) in præfenti inquirimus, an dentur vniuersalia in rebus? In rebus, inquam, non vero solum in vocibus, nominibus, & conceptibus

bus formalibus; vt Nominales existimant, nullum ex parte obiecti nominum, & conceptuum formalium communium asserentes correspondere vniuersale. In quo, licet ipsi existiment diuersam tenere sententiam, non multum in re differunt à sententia Heracliti & Cratilli, qui teste Philosopho 4. metaph. tex. 22. asseriebant nullum, esse in rebus vniuersale, existimantes nihil esse in rerum natura præter singularia, quæ sensibus percipiebant. Et cum hæc experirentur, esse in continuo motu contingentia, & corruptibilia: consequenter negabant aliquam esse scientiam. Quæ sententia etiam communiter tribuitur Epicuro, & illius discipulis. Et licet aduersus istos possemus ex suismet principiis illos redarguere, quod eo ipso quod negabant aliquid esse in mûdo nisi corruptibile & singulare, consequenter tenebantur asserere, hanc veritatem saltem esse infallibilem & necessariam, omnia videlicet esse corruptibilia, ac mutationi subiecta: ac perinde de hac saltem veritate poterat esse scientia. Vnde ex eodem principio quo scientiam esse negabant, scientiam dari posse concedere tenebantur. Sed quidquid sit de hoc, ad quaestionem directè oportet vt respondeamus.

2. Dicendum igitur est, necessarium, esse concedere naturas vniuersales esse in rebus. Ita cum communi sententia docet noster Author quaest. 1. vniuersalium conclusionem 2. efficacibusque id confirmat rationibus, & autoritatibus comprobat Ari-

Stoteles enim in 2. de anima text. 68. ait: *Eadem natura diaphaneitatis, est in aere, & aqua.* Sed non potest intelligi de eadem natura numerica diaphaneitatis, cum impossibile sit, idem numero, accidens in diuersis esse subiectis. Loquitur ergo de eadem specificæ natura diaphaneitatis: conceditque perinde eam naturam specificam, & communem in rebus. Et 7. Metaph. text. 51. ait idem Philosophus, quod ratio communis animalis eadem est in omnibus speciebus: quod verificari non potest nisi per id, quod omnes species in ratione animalis conuenientes, nec in ea ratione formaliter distinctæ, eo ipso dicuntur habere rationem animalis omnibus illis communem. Ac denique in eodem lib. 7. Metaph. text. 57. concludit Aristot. aduersus Platonem, quod vniuersalia non sunt à rebus separata, sed sunt in singularibus. Sentit igitur, quod in singularibus, quæ à parte rei reperiuntur, sunt vniuersalia: vniuersalia videlicet saltem fundamentaliter (non enim possumus ab hac veritatis insinuatione totaliter abstinere) quatenus videlicet singularia in eadem ratione formali specifica vel superiori unitatem habentia, fundamentum præbent, vt intellectus possit ab illis vnā rationem vniuersalem, & omnibus illis communem abstrahere: quod est vtique in ipsis singularibus esse vniuersalia fundamentaliter.

3. Ratione autem probatur conclusio. Primo ex communi modo loquendi & cōcipiendi,

cipiendi, dicimus enim communiter viso aliquo animalis hoc animal inuenitur in tali Insula: & visa aliqua herba; hæc herba nascitur in horreo meo. Sed certum est, nos non loqui de illo numerice animali, nec de illa numerice herba; alias propositio tam vocalis, quam mentalis, qua id dicimus, esset falsa: ergo præter illud singulare animal, & singularem herbam aliquid commune concipimus, in quo conueniat illud numero animal cum altero. Nec potest dici cum Nominalibus, quod nihil tunc præter ipsas voces & conceptus formales, commune huic & illi animali concipimus. §. Non, inquam, id potest dici. Tum quia cum nominibus utamur ad significandas res, non solum ipsa nomina & conceptus formales non ultimati ipsorum nominum, sed res per nomina & per conceptus significatæ prædictis locutionibus correspondent. §. Tum etiam, quia si nihil aliud præter nomina & conceptus formales prædictis locutionibus responderet; profecto tales locutiones essent falsæ. Nec enim hoc nomen herba, nec conceptus formalis herba nascitur in horto, sed res significata per tale nomen & conceptum: ergo cum prædictæ locutiones communiter ut veræ admittantur: necessario præter prædictas voces & formales conceptus aliquid vniuersale & commune per modum conceptus obiectiui prædictis locutionibus correspondet.

4 Secundo probatur conclusio, quia a

parte rei datur definitio, v.g. hominis, animal videlicet rationale, explicans naturam hominis communem omnibus naturæ humanæ indiuiduis: non autem explicans naturam huius, vel alterius indiuidui, quatenus tale indiuiduum est: ergo vel talis definitio est inanis & vacua, si nullum ei correspondet a parte rei definitum, vel si re vera aliquod ei definitum respondet, iā datur a parte rei natura humana, in qua omnes homines formaliter conueniant.

5 Tercio probatur. Vniuersalia sunt realiter in singularibus, sed singularia dantur in rebus: ergo & vniuersalia. Maior probatur, vniuersalia prædicantur de singularibus, sed non possent de singularibus prædicari, nisi in ipsis singularibus essent: ergo vniuersalia sunt in singularibus. Maior patet, quia ista v.g. est vera prædicatio, Petrus est homo, sed non prædicatur (ut Nominales intendunt) hoc nomen homo de hoc nomine Petrus, aliās propositio esset falsa: ergo prædicatur significatum huius nominis homo, de significato huius nominis Petrus. Sed significatum huius nominis Petrus est natura singularis cum conditionibus indiuduantibus Petri: ergo in prædicta propositione prædicatur aliquid commune de singulari, & eodem modo potest prædicari de alijs eiusdem naturæ singularibus. Minor autem videlicet, quod non posset prædicari natura communis de singularibus, nisi in illis realiter esset. Probatur, quia nihil potest prædicari,

cari de illo, cum quo realiter non identificatur. Vnde ut album vere prædicetur de homine, debet cum homine realiter identificari, & cū hoc nomen album sit concretum, supponens perinde pro supposito vel subiecto, ut hæc propositio sit vera, homo est albus, debet, idem esse suppositum hominis, ac subiectum albedinis: quod est idē, ac quod communiter dicunt Dialectici, quod ut propositio affirmatiua sit vera, debent extrema supponere pro eodem: & ideo hæc propositio est falsa, homo est albedo, etiamsi homo habeat albedinem, quia cum nomen albedo sit abstractum, ac perinde non supponens pro subiecto, sed pro ipsa forma, & forma albedinis quamuis homini insit, realiter ab illo distinguatur, non potest medio nomine abstracto vere de homine prædicari: ergo ut aliqua natura vniuersalis vere de singularibus prædicetur, debet realiter in singularibus esse, & cum illis realiter identificari. Vnde Philosophus 4. Metaph. tex. 6. aduersus Platonem concludit, vniuersale non esse realiter separatum à singularibus, cum vere de illis prædicetur.

6 Ultimo tandem probatur conclusio, quia certum est, dari scientiam de homine & alijs naturis creatis, cum homo earum naturas, & proprietates naturaliter scire desideret: sed scientiæ sunt de vniuersalibus, tanquam de proprio illarum obiecto. Certum igitur est, dari in rebus vniuersale. Minor probatur. Tum, quia teste Porphyrio

cap. de specie, de singularibus non est sciētia. Tum etiam, quia asserit Philosoph. 1. posteriorum text. 11. & 2. de anima text. 6, dicens, quod scientia non est, nisi de vniuersalibus. Tum denique quia scientia, utpote quæ definitur, quod sit habitus certus & euidens, non potest esse, nisi de necessarijs, perpetuis, & incorruptibilibus: de contingentibus enim, & corruptibilibus nulla potest esse certitudo. Singularia sunt contingentia, & corruptibilia; vniuersalia autem sunt necessaria & perpetua, & incorruptibilia: ergo solum de vniuersalibus potest esse scientia.

Confirmatur primo. Quia nulla est scientia, quæ à singularibus in suo obiecto non abstrahat: quæ sub minori enim obstractione inter omnes scientias in suum tendit obiectum, est Philosophia, & hæc abstrahit à singularibus: ergo obiectum specificatum cuiuslibet scientiæ est vniuersale: ac perinde cum à parte rei inveniuntur scientiæ; vniuersale etiam à parte rei, quod scientias terminet & specificet, necessario debet admitti.

Confirmatur secundo: nam à parte rei dantur sensus, v g. potentia visiva, quæ utpote potentia corporea, licet in exercitio non nisi ad hunc, vel illum singularem colorem terminetur, eius tamen formale specificatum non est hic vel alter singularis color, aliàs non posset extra illum ad aliū colorem terminari: ergo à parte rei datur color, in quo omnes colores conueniant.

Patet

Patet consequentia, quia si à parte rei datur specificatum; necesse est, quod etiam illius specificatum à parte rei inueniatur.

7 Obijcies primo. Quod quidquid reperitur à parte rei est singulare: nullum igitur datur à parte rei vniuersale. Consequentia probatur, quia vniuersale & singulare opponuntur: hoc enim dicit determinationem ad vnum, illud communitatem ad plura: ergo si quidquid est à parte rei est singulare, nullum est à parte rei vniuersale. Antecedens autem probatur; nam quidquid est à parte rei, vel est Deus, vel aliquid à Deo se solo, vel medijs etiã causis secundis productum. Sed Deus singularissimus est, & quidquid est productum est singulare: productio enim non nisi ad singulare terminatur: ergo quidquid est à parte rei est singulare.

Confirmatur, quia vniuersale est vnum in multis. Sed nulla datur à parte rei natura, quæ sit vna in multis præter naturam diuinam; quæ cum non sit partibilis in personis diuinis, quibus conuenit, & in quibus est, non habet (vt diximus.) rationem vniuersalis; ergo nullum datur à parte rei vniuersale. Minor probatur, quia qualibet natura creata multiplicatur ad multiplicationem suorum singularium: ergo nulla datur à parte rei natura, quæ sit vna in multis.

Respondetur ad argumentum. Distinguendo consequens: ergo nullum datur à parte rei vniuersale: distinctum quidem,

realiter, & realiter separatum, à singularibus: concedo consequentiam: cum singularibus realiter identificatum: nego consequentiam, quia quamuis, nulla sit natura realiter à singularibus separata: tamen, quatenus omnia singularia talis naturæ licet quodlibet eorum habeat suam naturam materialiter à natura alterius singularis distinctam, conueniunt in eo, quod natura vnus est eiusdem rationis formalis cum natura alterius (vt late in sequentibus explicabimus) id sufficit, vt detur à parte rei natura vniuersalis fundamentaliter, quia per id datur fundamentum, vt intellectus concipiat naturam, non concipiendo speciales condiciones indiuiduantes, per quas in singulis indiuiduis determinatur, indiuiduatur, & multiplicatur, & eandem naturam in ordine ad omnia singularia, vt illis omnibus communem, compareret & concipiat. Et tale vniuersale fundamentaliter est, quod ostendimus à parte rei reperiri: illud enim sufficit ad omnia, ad quæ in probatione conclusionis intendimus, esse necessarium, vniuersale concedere.

Ad confirmationem respondetur. A parte quidem rei non dari formaliter naturam vnā in multis, quia eam vnitatem habet natura per abstractionem intellectus abstrahentis illam à conditionibus indiuiduantibus: reperitur tamen à parte rei fundamentum talis abstractionis: quatenus à parte rei reperitur natura eiusdem rationis formalis in omnibus suis indiuiduis. Et

id sufficit, ut à parte rei detur natura vniuersalis fundamentaliter.

8 Obijcies secundo. Quod ex necessitate scientiarum non deducitur, concedendum esse à parte rei aliquod vniuersale. Perperam igitur ob id vniuersale aliquod à parte rei dicitur, esse concedendum. Antecedens probatur; quia etiam de singularibus potest esse scientia, & de facto de Deo, qui singularissimus est, datur scientia. Non igitur ex necessitate scientiarum deducitur aliquod concedendum esse vniuersale.

Dices, quod etiam si de Deo, utpote immutabili detur scientia, dari non potest de alijs singularibus corruptibilibus, quæ quatenus corruptibilia sunt, etiam sunt contingentia, ac perinde nulla de talibus singularibus ut singularia sunt, potest esse veritas necessaria: & cum scientia, utpote habitus certus, & euidens, non nisi ad veritates necessarias inclinet, de singularibus corruptibilibus non potest esse scientia.

Sed contra est, quod inde sequeretur, quod non solum de singularibus, sed nec de pluribus naturis, quas dicitur esse vniuersales, de natura hominis v.g. posset dari scientia; quod sic probatur, quia non solum singuli homines, sed homo in communi (si in communi datur) est corruptibilis: ergo si de singularibus, ut de Petro, & Paulo, quia corruptibilia sunt, scientia dari non potest, nec de homine dari poterit. Antecedens probatur: nam

corruptibilitas est passio & proprietas hominis, quatenus essentialiter componitur ex materia & forma, non satiente materiae capacitatem. Sed proprietas alicuius naturae non solum indiuiduis talis naturae, sed primo & per se naturae omnibus indiuiduis communi competit: ideoque per prius homo, quam Petrus; & Paulus dicitur risibilis; immo ideo Petrus est risibilis, quia homo est risibilis: ergo non solum indiuidua singularia hominis; vt Petrus & Paulus sunt corruptibilia, sed & per prius homo est, & dicitur corruptibilis.

Respondetur, solutionem assignatam esse optimam. Et ad replicam communiter dicitur: hominem quidem esse corruptibilem, id est habet potentiam vt corrumpatur: non tamen vt corrumpatur per se, sed vt corrumpatur per aliud, seu per accidens ad corruptionem suorum indiuiduorum: quia licet proprietates, vt dicunt potentiam ad actum, per prius competant naturae, quam indiuiduis, & ideo competant indiuiduis, quia competunt naturae; actus tamen & exercitium talium proprietatum per prius competit indiuiduis, quam naturae: & quia competit indiuiduis, per accidens saltem, id est per aliud competit naturae, sicuti quamuis ideo verbi gratia, Petrus sit risibilis, quia homo est risibilis, ideo tamen e conuerso homo ridet, quia Petrus & Paulus rident.

9 Sed licet hæc solutio communis sit & verum contineat quantum ad id, quod diuersimode quoad perfectitatem asserit conuenire naturæ & indiuiduis proprietates, & earundem proprietatum actus, seu exercitium; adhuc tamen licet totum hoc sit verum, non videtur, per id sufficienter occurri argumento facto. Nam licet natura verbi gratia humana non possit corrumpi per se, sed per aliud, scilicet ad corruptionem indiuiduorum; tamen si de corruptione, quam prædicto modo per accidens accipit natura ad corruptionem indiuiduorum loquamur, certe natura nullatenus est incorruptibilis. Quia sicut possunt omnia naturæ verbi gratia humanæ indiuidua corrupti; potest & ipsa natura humana, ad corruptionem omnium suorum indiuiduorum totaliter corrumpi, & desinere esse. Ob aliud igitur dicitur, naturas esse perpetuas, & incorruptibiles, ac perinde posse terminare scientias, ob incorruptibilitatem videlicet, quæ sub aliqua ratione ita per se conuenit naturis, ut sub ea ratione nec per se, nec per aliud possint ullatenus corrumpi: nempe ratione connexionis suorum essentialium prædicatorum; quæ connexio semper manet, & ita est incorruptibilis, ut nec per se, nec per aliud possit corrumpi, & quantumuis omnia indiuidua, quibus aliqua competit natura, corrumpantur, nec per accidens ad corruptionem illorum corrumpitur, aut desinit esse con-

nexio

nex.

nexio essentialium prædicatorum talis naturæ. Et cum scientia versetur circa naturas communes, non vt in indiuiduis existentes, & ad corruptionem indiuiduorum corruptibiles, sed vt dicant connexionem suorum essentialium prædicatorum, sub ea ratione naturæ etiam creatæ attinguntur à scientia, sub qua sunt illæ omnino perpetuæ & incorruptibiles & nec per accidens, aut per aliud possunt ad corruptionem aliorum corrumpi.

Q V Æ S T I O I I I.

Utrum dari possit natura vniuersalis separata ab omnibus singularibus?

Celebris fuit sententia Platonis (vt refert Philosophus 1. Metaph. text. 15. & alibi sæpe) qui vitare cupiens inconueniens non admittendi scientias, quod supra relati Authores existimantes nihil esse in mundo præter singulare addebant, in aliud incidit extremum, dicens, dari à parte rei naturas vniuersales realiter ab omnibus singularibus separatas, quas ipse vocabat idæas, dicebatque esse vniuersales, quatenus ex illis singularia suas naturas participabant, ad modum quod ex impressione sigilli in cera diuersæ sigillationes ab ipso sigillo realiter distinctæ resultant & quauis huiusmodi sen-

ten-

rentiam sic explicatam aliqui existiment falso impositam fuisse Platoni ab Aristotele, alienamque omnino esse ab ipsius Platonis mente, solumque concessisse, idæas omnium rerum, qualiter illas Theologi in mente diuina concedunt, vt late refert noster Author quæst. 1. vniuersalium; tamen quidquid sit in hac parte de mente & vera intelligentia Platonis, de illius relata sententia vt illam ei Aristoteles & alij Authores attribuunt, in præsentiquæstione tam de facto, quam de possibili est disputandum.

2. Dicendum est, omnino esse impossibile, dari naturam aliquam vniuersalem realiter ab omnibus singularibus separatam. Conclusio vt euidenter ab omnibus admittitur. & est tertia conclusio nostri Authoris in quæstion. 1. vniuersalium: illamque pluribus in locis aduersus Platonem demonstrant Aristot. & D. Thomas. Et probatur primo: nam omnis natura realiter à parte rei existens præter naturam diuinam est realiter producta, alias illud esse reale quod haberet, haberet à se & independentem ab omni alio: ac perinde esset Deus, sed nihil potest esse realiter productum; nisi singulare: ergo impossibile est, aliquam naturam vniuersalem realiter à parte rei reperiri ab omnibus singularibus realiter, separatam. Probatur minor, nam productio est singularium & suppositorum, teste enim D. Thom. 1. par. quæst. 63. art. 4. illius est pro-

produci, cuius proprium est esse. Sed esse est proprium suppositi & singularis, vt testatur idem Angelicus Doctor quæst. 9. de potentia art. 5. ad 13. ergo nihil reale producit nisi singulare. S. Confirmatur nam talis natura realiter separata ab omnibus singularibus, nullatenus posset realiter existere: omnino igitur impossibilia admittit, qui, eam naturam realiter asserit existere, & ab omnibus singularibus realiter esse separatam. Probatur antecedens, nam existentia, (vt proxime dicebamus ex D Tho) est actus proprius naturæ singularis, quia cum sit vltima actualitas cuius cumque rei, supponit necessario omnem ipsius rei determinationem: ac perinde determinationem etiam per singularitatem: omnino igitur est impossibile, aliquid realiter existere nisi singulare.

Secundo probatur conclusio, quia si aliqua daretur natura vniuersalis realiter a singularibus separata, a qua omnia singularia suas participarent naturas, deberet vtique talis natura de omnibus suis singularibus prædicari. Sed eo ipso, quod ab omnibus singularibus esset realiter separata, implicat, quod de illis prædicaretur. Omnino igitur impossibile est, dari aliquam naturam vniuersalem realiter ab omnibus singularibus separatam. Maior patet: Tum, quia ob id præcipue Plato naturam concedebat realiter ab omnibus singularibus separatam, vt de
illis

illis omnibus posset prædicari. Tum etiam, quia cum vniuersale sit vnum in multis & de multis, eo ipso quod admittatur naturam illam esse vniuersalem, consequenter debet dici illam posse de omnibus suis singularibus prædicari. Tum denique, quia de omnibus participantibus aliquam naturam, potest eadem natura formaliter prædicari: ergo cum in sententia, quam impugnamus asseratur omnia singularia suas singulares naturas participare ab illa natura vniuersali, quamuis ab omnibus illis realiter separata, eo ipso tenentur concedere, illam posse de omnibus singularibus prædicari. Minorem autem, videlicet impossibile esse, quod natura realiter à singularibus, separata de illis prædicetur, ostendimus quæstione præcedenti in tertia ratione conclusionis.

3 Obijcies primo, omnia singularia ex participatione alicuius naturæ suas habere naturas singulares: Petrus enim ex participatione naturæ humanæ, & ad exemplar illius est homo, & ex participatione naturæ animalis, & ad illius exemplar est animal: ergo dantur naturæ à parte rei ab omnibus singularibus realiter separata, à quibus omnia singularia suas participant naturas. Natura enim singularis Petri à natura singulari v.g. Pauli non potest participari.

Confirmatur, quia nullus effectus potest

test procedere nisi à causa sibi simili, sed videmus aliquos effectus procedere à causis efficientibus sibi non similibus, vt cum Sol generat animalia imperfecta: ergo præter illam causam efficientem debet dari in qualibet specie aliqua natura vniuersalis ab omnibus singularibus separata, à qua quælibet res vt à causa sibi omnino simili suam participet singularem naturam.

Respondetur ad argumentum, dari quidem causam exemplarem cuiuscunque naturæ singularis, ad cuius exemplar omnia singularia producantur talis tamen causa exemplaris nullatenus potest esse aliquid creatum, sed est Idæa diuina in mente diuina existens, essentia videlicet diuina cognita à diuino intellectu, vt diuersimode imitabilis, & participabilis à creaturis. §. Ad confirmationem respondetur, non omnem effectum procedere à causa omnino sibi simili & eiusdem rationis cum illo: id enim solum est proprium effectus causæ vniuocæ, sed sufficit quod causa sit eminenter & virtualiter similis effectui, vt contingit in omnibus causis æquiuocis: alias nec Deus posset aliquem producere effectum, cum non habeat eam similitudinem vniuocam cum aliqua creatura.

4 Obijcies secundo, necessario esse concedendum scientias etiam de rebus creatis, & propositiones, & veritates de
illis

illis necessarias, ad quas tales scientiae inclinent; ergo debet dari reale obiectum, talium scientiarum, propositionum, & veritatum. Sed illud non potest esse cum aliquo singulari identificatum: ergo debet esse aliqua natura realis realiter ab omnibus singularibus separata. Minor probatur: nam quidquid est singulare est contingens corruptibile, & continuæ mutationi subiectum: ergo non potest esse obiectum alicuius scientiae, aut propositionis necessariae. §. Confirmatur primo; nam etiam, nullis verbi gratia existentibus hominibus, hæc propositio, homo est animal, est necessaria: ergo illi non correspondet pro obiecto natura humana in aliquo singulari existens: ergo correspondet illi pro obiecto natura humana realiter existens absque omni singulari. §. Confirmatur secundo; nam cum dico homo est animal, vel concipio aliquid vniuersale, vel aliquid singulare, non aliquid singulare, vt patet: ergo aliquid commune: illud igitur datur à parte rei alias talis conceptus esset falsa chimerica, & fictitia.

Respondetur ad argumentum, negando secundam illius consequentiam, quia etiam si non detur natura realiter existens ab omnibus singularibus separata; datur tamen realis connexio prædicatorum essentialium cuiuscumque naturæ, cum illa sit omnino necessaria & independens ab existentia: & talis connexio est obiectum propositionis

ne-

necessaria, & ad illud inclinant scientia.
 §. Et per hoc patet ad primam confirma-
 tionem; prædicta enim necessaria conne-
 xio prædicatorum essentialium cum natu-
 ra humana reperitur, etiam si à parte rei
 homines non existant, & ea connexio est
 obiectum illius propositionis necessariae, &
 æternæ veritatis, homo est animal. §. Ad
 secundam confirmationem respondetur,
 quod cum dico, homo est animal; non
 concipio aliquid commune realiter separa-
 tum à singularibus, sed aliquid commune
 cum illis identificatum, quia quauis na-
 tura quam concipio, sit à parte rei iden-
 tificata cum singularitate; concipio natu-
 ram, non concipiendo illius singularita-
 tem. Neque in hoc aliqua falsitas, aut de-
 ceptio in tali conceptione intellectus inue-
 nitur: cuius optimum exemplum adducit
 noster Author ex D. Tho. 1. par. quæst. 85.
 art. 2. ad 2. ubi postquam docuerat S. Do-
 ctor eam; quam hic tradimus doctrinam,
 subiungit, dicens. *Hoc possumus videre
 per simile in sensu, visus enim videt colorem
 pomi sine eius odore. Si ergo queratur ubi sit
 color, qui videtur sine odore, manifestum
 est, quod color, qui videtur, non est nisi in
 pomo; sed quod sit sine odore perceptus, hoc
 accidit ex parte visus, in quantum in visu
 est similitudo coloris, & non odoris. Simi-
 liter humanitas, qua intelligitur, non est
 nisi in hoc, vel in illo homine; sed quod hu-
 manitas apprehendatur sine individualibus
 conditionibus (quod est ipsam abstrahi, ad
 quod*

quod sequitur intentio vniuersalitatis) accidit humanitati secundum quod percipitur ab intellectu, in quo est similitudo natura speciei: & non individualium principiorum. Hac D. Thom. & certe vt testatur idemmet S. Doct̃or 1. metaph. lect. 10. tota deceptio Platonis in eo stetit, quod existimauit, non solum obiectum quod cognoscitur ab intellectu, inueniri à parte rei, sed & quod à parte rei inueniatur cum illo etiam modo separationis à singularibus sub quo ab intellectu concipitur. Quod quidem falsissimum est, sicut enim res materialis quantumuis vt cognoscatur ab intellectu, habeat in intellectu modum rei immaterialis, non reperitur, cum tali modo immaterialitatis, à parte rei; ita nec reperitur natura aliqua à parte rei cum modo abstractionis & separationis à singularibus, quem res habet prout est in intellectu, & ab intellectu concipitur.

QVÆSTIO IV.

Vtrum à parte rei detur vnitas formalis minor vnitate numerali?

Supposito ex præcedentibus dari vniuersale aliquo modo à parte rei, & hoc non consistere in eo, quod detur aliqua natura realiter à singularibus, aliisve suis inferioribus separata: & cum (vt in sequentibus dicemus) vniuersale formaliter

ter fiat per operationem intellectus abstrahentis naturam à singularibus, vel alijs suis inferioribus, & illam ad eadem inferiora comparantis; oportet inquirere, quale ad id natura præbeat fundamentum, quod utique erit à parte rei reperiri vniuersale fundamentaliter. Et ad hoc inquirimus de vnitatem formalem an detur à parte rei.

Pro dicendis autem in hac & sequenti quæstione, est supponendum, quod vnum nihil aliud est, quam ens dicens carentiam diuisionis. Vnde cum carentia per formam positiuam debeat cognosci: qualis, & quotuplex fuerit diuisio; erit & vnitatem. Diuisio autem altera est materialis, & altera formalis. Diuisio materialis (quæ materialis dicitur, quia à materia desumitur, & simul appellatur diuisio numerica) est penes principia materialia. Diuisio autem formalis (quæ formalis dicitur, quia à forma desumitur) est penes principia formalia. Et quia principia formalia alia sunt specifica, alia superiora vsque ad superiorissimas entis differentias; latitudinem habet diuisio formalis, & erit maior, quatenus per principia formalia magis superiora contingat. Ut totum hoc exemplo comprobatur; Petrus namque à Paulo, & alio quolibet indiuiduo naturæ humanæ solum habet diuisionem materiale per principia materialia, scilicet per diuersam vtriusque materiam. Et hæc est minima diuisio, quam
Pe-

Petrus ab aliquo potest habere. Habet autem Petrus diuisionem formalem à quolibet; quod non fuerit individuum naturae humanae, maiorem tamen vel minorem, quatenus ab illo per principia formalia, magis vel minus superiora diuiditur: à leone enim, quia diuiditur Petrus solum per principia formalia aethera specifica; diuisionem quidem habet formalem maiorem diuisione materiali: minimam tamen in linea diuisionis formalis. Et maiorem diuisionem formalem habet Petrus à planta, & maiorem à lapide, maiorem à substantia spiritali, & maiorem denique ab accidente, à quo per principia formalia communissima, essendi videlicet per se, vel essendi in alio, diuiditur.

3 Hinc est, quod cum (ut diximus) vnitas sit carentia diuisionis, & vnitas sit ens dicens carentiam diuisionis; vnitas altera est materialis, altera formalis. Vnitas materialis est carentia diuisionis per principia meterialia, qualiter Petrus & qualibet res in se ipsa est vna, quia caret diuisione per principia materialia: & hæc est maxima omnium unitatum, utpotens dicens carentiam omnis etiam minimæ diuisionis. Vnitas autem formalis est carentia diuisionis per principia formalia: & hæc vnitas sicut & diuisio formalis; habet latitudinem, & erit maior vnitas formalis, quatenus fuerit carentia diuisionis per principia formalia magis inferiora, & determinata.

4 His ergo suppositis, certum est à parte rei reperiri vnitatem numericam, vt dicit videlicet carentiam diuisionis per principia materialia, & quod ex hac vnitatem nullum prorsus sumitur fundamentum vniuersalitatis. Prima pars huius præsuppositi patet, nam à parte rei quodlibet ens siue materiale siue spirituale non habet in se, & à semetipso diuisionem per principia materialia: quia vel nullam, habet materiam, si omnino spirituale est; vel vnicam dumtaxat habet materiam, si fuerit ens materiale: ergo non habet principia materialia; per quæ à semetipso diuidatur: ac perinde à parte rei, & independentem ab omni consideratione intellectus habet vnitatem numericam, seu materiam. Secunda autem pars eiusdem, præsuppositi, videlicet quod ab huiusmodi vnitatem numerica & materiali nullum desumatur fundamentum vniuersalitatis, etiam patet. Quia huiusmodi vnitatem fit per contractionem, & determinationem ad vnum: ergo cum ad vniuersale formaliter requiratur communitas, & indifferencia ad plura, ex prædicta vnitatem numerica, nullum sumitur fundamentum vniuersalitatis.

5 His igitur certo suppositis, difficultas solum est, vtrum à parte rei reperiat vnitatem; aliqua formalis minor vnitatem numerali: & non inquirimus in præsentem, an reperiat à parte rei vnitatem formalis communis pluribus, & ab vnitatem nume-

rica cuiuscumque individui realiter distincta : an vero reperiatur à parte rei unitas formalis cum unitate numerica cuiuscumque individui identificata, & ad multiplicationem unitatis numericae multiplicabilis (de hoc enim quaestione sequenti) sed solum in hac indeterminate inquiremus, an detur à parte rei unitas formalis minor unitate numerali, ex cuius resolutione videbitur, an detur à parte rei fundamentum universalitatis, quod utique erit in rebus dari universale fundamentaliter.

6. Resolutorie est dicendum, à parte rei dari in rebus unitatem formalem minorem unitate numerali. Conclusio debet esse omnibus communis, & si unus vel alter illam neget, forsitan per id solum intendet negare à parte rei unitatem formalem distinctam realiter ab unitate numerica, & quæ à parte rei sit pluribus communis, sed quidquid sit de unius vel alterius in hac parte sententia, conclusio, ut dixi, ab omnibus communiter amplectitur, & inter alios illam docet D. Caietanus cap. 4. de ente & essentia.

7. Probatur autem primo conclusio, & à priori. Quia unitas formalis est indivisio seu carentia divisionis per principia formalia. Sed à parte rei, & in rebus ipsis antecedenter ad omnem operationem intellectus reperiitur indivisio, seu carentia divisionis penes principia formalia; ergo à parte rei reperiatur unitas formalis.

262 *Lib. 3. de vniuersalibus*

minor vnitatem numerali. Maior est definitio unitatis formalis: minor autem probatur. Quia Petrus v.g. in ordine ad Paulum à parte rei & antecedenter ad omnem operationem intellectus caret omni diuisione per principia formalia; hoc est, non habet aliquam diuisionem & distinctionem ab illo per principia aliqua formalia; aliàs Petrus & Paulus à parte rei distinguerentur formaliter; & cum minima distinctionum formalium sit specifica, distinguerentur à parte rei saltem specificè: ac perinde non essent eiusdem atomæ speciei: quo quid absurdius? ergo à parte rei, & in rebus ipsis datur indiuisio per principia formalia: ac perinde & unitas formalis: & idem argumentum, quod facimus ad probandum, dari à parte rei hanc maximam unitatem formalem, scilicet specificam, potest proportionabiliter fieri, ad probandum, dari à parte rei alias minores unitates formales; quia licet à parte rei Petrus differat à Leone v.g. per principia formalia infima specifica; habet tamen à parte rei indiuisiōem ab illo per principia formalia specifica subalterna: ergo etiam à parte rei datur inter Petrum & Leonem ea minor unitas formalis.

Confirmatur, nam à parte rei & ante operationem intellectus datur diuisio formalis inter Petrum v.g. & Leonem, quia à parte rei sunt diuersæ speciei, & habent formas specie distinctas: ergo etiam a parte
te

Questio IV. 269

te rei datur vnitas formalis. Patet consequentia, quia non minus à parte rei conueniunt inter se specificè Petrus & Paulus, & carent adin vicem distinctione, & diuisione per principia formalia; quam distinguantur à parte rei specificè, & habeant ad inuicem diuisionem per principia formalia Petrus & Leo. Ergo si à parte rei datur diuisio formalis, etiam à parte rei datur vnitas formalis.

8 Secundo probatur conclusio, quia à parte rei inter Petrum & Paulum datur relatio similitudinis in natura humana. Sed omnis relatio similitudinis fundatur in aliqua vnitate: ergo à parte rei inter Petrum, & Paulum est aliqua vnitas. Non vnitas numerica: hæc enim inter Petrum, & Paulum non reperitur, sed potius diuisio numerica, & per principia materialia: ergo à parte rei reperitur inter Petrum & Paulum vnitas formalis.

9 Tertio denique probatur conclusio. Nihil est definibile nisi in quantum est vnum vnitate formali (ad definitionem enim nullatenus pertinet vnitas numerica; cum nihil definiatur, quatenus est singulare.) Sed à parte rei datur definibile; cum dentur à parte rei definitiones, ergo à parte rei datur vnum vnitate formali.

10 Obijcies primo. Si daretur à parte rei vnitas formalis, verbi gratia, specifica, per illam indiuidua eiusdem speciei, verbi gratia, Petrus & Paulus à parte rei essent vnum formaliter. Sed hoc est fal-

necessaria, & ad illud inclinant scientiæ.
 §. Et per hoc patet ad primam confirma-
 tionem; prædicta enim necessaria conne-
 xio prædicatorum essentialium cum natu-
 ra humana reperitur, etiam si à parte rei
 homines non existant, & ea connexio est
 obiectum illius propositionis necessaria, &
 æternæ veritatis, homo est animal. §. Ad
 secundam confirmationem respondetur,
 quod cum dico, homo est animal; non
 concipio aliquid commune realiter separa-
 tum à singularibus, sed aliquid commune
 cum illis identificatum, quia quamuis na-
 tura quam concipio, sit à parte rei iden-
 tificata cum singularitate; concipio natu-
 ram, non concipiendo illius singularita-
 tem. Neque in hoc aliqua falsitas, aut de-
 ceptio in tali conceptione intellectus inue-
 nitur: cuius optimum exemplum adducit
 noster Author ex D. Tho. 1. par. quæst. 85.
 art. 2. ad 2. vbi postquam docuerat S. Do-
 ctor eam; quam hic tradimus doctrinam,
 subiungit, dicens. *Hoc possumus videre
 per simile in sensu, visus enim videt colorem
 pomi sine eius odore: Si ergo queratur ubi sit
 color, qui videtur sine odore, manifestum
 est, quod color, qui videtur, non est nisi in
 pomo; sed quod sit sine odore perceptus, hoc
 accidit ex parte visus, in quantum in visu
 est similitudo coloris, & non odoris. Simi-
 liter humanitas, qua intelligitur, non est
 nisi in hoc, vel in illo homine; sed quod hu-
 manitas apprahendatur sine individualibus
 conditionibus (quod est ipsam abstrahi, ad
 quod*

quod sequitur intentio uniuersalitatís) accidit humanitati secundum quod percipitur ab intellectu, in quo est similitudo naturae speciei: & non indiuidualium principiorum. Hæc D. Thom. & certe ut testatur idemmet S. Doctör 1. metaph. lect. 10. tota deceptio Platonis in eo stetit, quod existimauit, non solum obiectum quod cognoscitur ab intellectu, inueniri à parte rei, sed & quod à parte rei inueniatur cum illo etiam modo separationis à singularibus sub quo ab intellectu concipitur. Quod quidem falsissimum est, sicut enim res materialis quantumuis ut cognoscatur ab intellectu, habeat in intellectu modum rei immaterialis, non reperitur, cum tali modo immaterialitatis, à parte rei; ita nec reperitur natura aliqua à parte rei cum modo abstractionis & separationis à singularibus, quem res habet prout est in intellectu, & ab intellectu concipitur.

QVÆSTIO IV.

Vtrum à parte rei detur unitas formalis minor unitate numerali?

SVpposito ex præcedentibus dari uniuersale aliquo modo à parte rei, & hoc non consistere in eo, quod detur aliqua natura realiter à singularibus, aliisve suis inferioribus separata: & cum (ut in sequentibus dicemus) uniuersale formaliter

ter fiat per operationem intellectus abstrahentis naturam à singularibus, vel alijs suis inferioribus, & illam ad eadem inferiora comparantis; oportet inquirere, quale ad id natura præbeat fundamentum, quod utique erit à parte rei reperiri vniuersale fundamentaliter. Et ad hoc inquirimus de vnitatem formalem an detur à parte rei.

Pro ditendis autem in hac & sequenti quaestione, est supponendum, quod vnum nihil aliud est, quam ens dicens carentiam diuisionis. Vnde cum carentia per formam positivam debeat cognosci: qualis, & quoduplex fuerit diuisio; erit & vnitatem. Diuisio autem altera est materialis, & altera formalis. Diuisio materialis (quæ materialis dicitur, quia à materia desumitur, & simul appellatur diuisio numerica) est penes principia materialia. Diuisio autem formalis (quæ formalis dicitur, quia à forma desumitur) est penes principia formalia. Et quia principia formalia alia sunt specifica, alia superiora vsque ad superiorissimas entis differentias; latitudinem habet diuisio formalis, & erit maior, quatenus per principia formalia magis superiora contingat. Ut totum hoc exemplo comprobatur; Petrus namque à Paulo, & alio quolibet individuo naturæ humanæ solum habet diuisionem materiale per principia materialia, scilicet per diuersam vtriusque materiam. Et hæc est minima diuisio, quam
Pe-

Petrus ab aliquo potest habere. Habet autem Petrus diuisionem formalem à quolibet; quod non fuerit indiuiduum naturae humanae; maiorem tamen vel minorem, quatenus ab illo per principia formalia, magis vel minus superiora diuiditur: à leone enim, quia diuiditur Petrus solum per principia formalia aethera specifica; diuisionem quidem habet formalem maiorem diuisione materiali: minimam tamen in linea diuisionis formalis. Et maiorem diuisionem formalem habet Petrus à planta, & maiorem à lapide, maiorem à substantia spiritali, & maiorem denique ab accidente, à quo per principia formalia communissima, essendi videlicet per se, vel essendi in alio, diuiditur.

3 Hinc est, quod cum (ut diximus) vnitas sit carentia diuisionis, & vnum sit ens dicens carentiam diuisionis; vnitas altera est materialis, altera formalis. Vnitas materialis est carentia diuisionis per principia materialia; qualiter Petrus & quaelibet res in se ipsa est vna; quia caret diuisione per principia materialia: & haec est maxima omnium unitatum, utpote, dicens carentiam omnis etiam minimae diuisionis. Vnitas autem formalis est carentia diuisionis per principia formalia: & haec vnitas sicut & diuisio formalis; habet latitudinem, & erit maior vnitas formalis, quatenus fuerit carentia diuisionis per principia formalia magis inferiora, & determinata.

4 His ergo suppositis, certum est à parte rei reperiri vnitatem numericam, vt dicit videlicet carentiam diuisionis per principia materialia, & quod ex hac vnitatem nullum prorsus sumitur fundamentum vniuersalitatis. Prima pars huius præsuppositi patet, nam à parte rei quodlibet ens siue materiale siue spirituale non habet in se, & à semetipso diuisionem per principia materialia: quia vel nullam habet materiam, si omnino spirituale est; vel vnicam dumtaxat habet materiam, si fuerit ens materiale: ergo non habet principia materialia; per quæ à semetipso diuidatur: ac perinde à parte rei, & independentem ab omni consideratione intellectus habet vnitatem numericam, seu materialem. Secunda autem pars eiusdem præsuppositi, videlicet quod ab huiusmodi vnitatem numerica & materiali nullum desumatur fundamentum vniuersalitatis, etiam patet. Quia huiusmodi vnitatem fit per contractionem, & determinationem ad vnum: ergo cum ad vniuersale formaliter requiratur communitas, & indifferentia ad plura, ex prædicta vnitatem numerica, nullum sumitur fundamentum vniuersalitatis.

5 His igitur certo suppositis, difficultas solum est, vtrum à parte rei reperiatur vnitatem; aliqua formalis minor vnitatem numerali: & non inquirimus in præsentem, an reperiatur à parte rei vnitatem formalis communis pluribus, & ab vnitatem numerica

rica cuiuscunque individui realiter distincta : an vero reperiatur à parte rei unitas formalis cum unitate numerica cuiuscunque individui identificata, & ad multiplicationem unitatis numericae multiplicabilis (de hoc enim quaestione sequenti) sed solum in hac indeterminate inquirimus, an detur à parte rei unitas formalis minor unitate numerali, ex cuius resolutione videbitur, an detur à parte rei fundamentum universalitatis, quod utique erit in rebus dari universale fundamentaliter.

6. Resolutorie est dicendum, à parte rei dari in rebus unitatem formalem minorem unitate numerali. Conclusio debet esse omnibus communis, & si unus vel alter illam neget, forsitan per id solum intendet negare à parte rei unitatem formalem distinctam realiter ab unitate numerica, & quæ à parte rei sit pluribus communis, sed quidquid sit de unus vel alterius in hac parte sententia, conclusio, ut dixi, ab omnibus communiter amplectitur, & inter alios illam docet D. Caietanus cap. 4. de ente & essentia.

7. Probatur autem primo conclusio, & à priori. Quia unitas formalis est indivisio seu carentia divisionis per principia formalia. Sed à parte rei, & in rebus ipsis antecedenter ad omnem operationem intellectus reperitur indivisio, seu carentia divisionis penes principia formalia; ergo à parte rei reperitur unitas formalis.

te rei datur vnitas formalis. Patet consequentia, quia non minus à parte rei conueniunt inter se specificè Petrus & Paulus, & carent adin vicem distinctione, & diuisione per principia formalia; quam distinguantur à parte rei specificè, & habeant ad inuicem diuisionem per principia formalia Petrus & Leo. Ergo si à parte rei datur diuisio formalis, etiam à parte rei datur vnitas formalis.

8 Secundo probatur conclusio, quia à parte rei inter Petrum & Paulum datur relatio similitudinis in natura humana. Sed omnis relatio similitudinis fundatur in aliqua vnitate: ergo à parte rei inter Petrum, & Paulum est aliqua vnitas. Non vnitas numerica: hæc enim inter Petrum, & Paulum non reperitur, sed potius diuisio numerica, & per principia materialia: ergo à parte rei reperitur inter Petrum & Paulum vnitas formalis.

9 Tertio denique probatur conclusio. Nihil est definibile nisi in quantum est vnum vnitate formali (ad definitionem enim nullatenus pertinet vnitas numerica; cum nihil definiatur, quatenus est singulare.) Sed à parte rei datur definibile; cum dentur à parte rei definitiones, ergo à parte rei datur vnum vnitate formali.

10 Obijcies primo. Si daretur à parte rei vnitas formalis, verbi gratia, specifica, per illam individua eiusdem speciei, verbi gratia, Petrus & Paulus à parte rei essent vnum formaliter. Sed hoc est falsum.

lem identificatam cum sua unitate numerica, & distinctam materialiter ab unitate formali alterius; non tamen distinctam formaliter à forma & unitate formali alterius. Et ut non dicerentur Petrus & Paulus unum formaliter, sed duo formaliter, deberent habere formas & unitates formales, non solum numerice, sed formaliter inter se distinctas. §. Ad confirmationem respondetur, quod natura humana in Petro, & Paulo multiplicatur materialiter: non vero formaliter, & talis multiplicatio non obstat ut sint unum formaliter.

II Obijcies secundo, quod omnis unitas realis est unitas numerica: ergo à parte rei nulla datur unitas formalis. Patet consequentia, nam unitas rationis non reperitur à parte rei, sed solum per intellectum: ergo si unitas realis solum est numerica, nulla reperitur à parte rei unitas formalis. Antecedens autem probatur: nam quidquid est reale à parte rei, est singulare: ergo omnis unitas realis est singularis, sed omnis unitas singularis est unitas numerica: ergo omnis unitas realis est unitas numerica.

Respondetur, distinguendo antecedens, omnis unitas realis est numerica: identice & materialiter, concedo antecedens: formaliter, nego antecedens. Nam sicut licet eadem realiter forma à parte rei existens non inveniatur nisi in singularibus, in ea tamen eminenter continentur diversi

266 *Lib. 3. de vniuersalibus*

gradus, entis videlicet, substantiæ, corporis, viuentis, sensibilis, & rationalis; ideoque ab eadem identice singulari forma sumitur principium diuersæ unitatis formalis, specificæ videlicet, vel genericæ: eodem modo licet omnis unitas, quæ est à parte rei, sit realiter singularis, est etiam unitas formalis secundum quod à diuerso principio desumitur.

12 Obijcies tertio, quod Aristot. 5. Metaphysicæ text. 7. agens de vno solum enumerauit unitatem numericam, specificam, & genericam: sed unitas specifica, & generica non datur à parte rei, sed solum per operationem intellectus. Sentit igitur Aristoteles præter unitatem numericam nullam aliam unitatem à parte rei reperiri.

Respondetur, quod nomine unitatis specificæ, & genericæ comprehendit Aristoteles unitatem formalem à parte rei existentem, quæ (vt videbimus collorario primo sequenti) est fundamentaliter unitas specifica, & generica, & id (vt corollario secundo explicabimus) sufficiet vt absolute dicatur unitas specifica & generica.

13 Ex dictis in hac quæstione infero primo, à parte rei dari in rebus fundamentum vniuersalitatis, intentionis generis, & speciei, & alterius cuiuslibet prædicabilis, quod vtique est dari à parte rei huiusmodi vniuersale fundamentaliter. Patet hoc quia ex eo verbi gratia, quod Petrus,

trus, & Paulus habent à parte rei prædictam unitatem formalem, inuenit intellectus fundamentum, vt concipiens naturam humanam sine conditionibus indiuiduantibus, & eam comparans ad indiuidua, à quibus eam abstraxit, tribuat ei respectu illorum secundam intentionem, vniuersalis, & speciei prædicabilis. Similiter ex eo, quod à parte rei homo & æquus habeant diuisionem per principia formalia infima specifica, & unitatem formalem in ratione animalis; habet intellectus fundamentum, vt concipiens animal, non conceptis conditionibus indiuiduantibus, immò nec rationibus specificis hominis & equi, vt comparans eandem rationem animalis ad hominem & equum, à quibus eam abstraxit, tribuat illi intentionem vniuersalis & intentionem generis prædicabilis.

14 Secundo infero cum nostro Authore hic quaest. 2. vniuersalium, quod licet (vt diximus) à parte rei solum inueniatur vniuersale, genus, & species fundamentaliter, & vniuersalitas, ac secunda intentio generis, aut speciei solum inueniantur in intellectu: adhuc tamen, absolute & simpliciter dicitur à parte rei esse genera & species. Vt patet ex communi modo loquendi & excipiendi. Et ratio est, quia (vt saepius diximus) huiusmodi entia rationis, cum sint minimæ entitatis, sufficit vt absolute, & simpliciter denominent, quod existant virtualiter,

causaliter, & fundamentaliter in suis fundamentis. Et ita cum à parte rei inueniatur fundamentum vniuersalitatis, generis, & speciei, id sufficit vt à parte rei absolute, & simpliciter dicatur esse vniuersale, genera, & species, licet formaliter non inueniantur nisi in intellectu & per illius operationem.

QVÆSTIO V.

Vtrum vnitas formalis identificetur cum vnitate numerica, & ad illius multiplicationem multiplicetur?

Dico primo. Vnitas formalis in eodem supposito realiter cum illius vnitate numerica identificatur: ita vt, quicquid sit de alia distinctione inter prædictas vnitates, illæ ad minus non distinguantur entitative, sed eadem sit entitas vnitatis numericae & vnitatis formalis. Conclusio est omnium communis. Et probatur, quia si in eodem supposito vnitas formalis & numerica non identificarentur, sequeretur, in eodem supposito v.g. in Petro esse duas formas substantiales realiter entitative inter se distinctas, & realiter nullatenus identificatas. Consequens nullus admittit, & in libris de anima late ostenditur esse impossibile: ergo

go neque antecedens. Sequela probatur, quia vnitas tam formalis, quam numerica, cum sit vnitas transcendentalis, debet cum aliqua entitate identificari: vnum enim transcendentaliter est passio entis nullatenus ab ipso ente realiter distincta: ergo si vnitas formalis & numerica in Petro realiter non identificantur, in Petro datur vna entitas, & vna forma substantialis, cum qua eius vnitas numerica identificetur, & altera entitas, seu forma substantialis realiter entitatiue distincta, cum qua identificetur vnitas formalis. Patet consequentia, quia si vnitas formalis & numerica cum eadem realiter forma identificarentur, identificarentur etiam realiter ipsæ vnitates inter se, quia quæ sunt eadem realiter vni tertio, sunt eadem realiter inter se: ergo ex opposito consequentis ad oppositum antecedentis, si prædictæ vnitates inter se realiter non identificantur, neque identificatur vtraque realiter cum vna eadem realiter forma, sed quælibet vnitas cum sua forma ab altera realiter distincta identificatur.

Confirmatur, nam ex opposito conclusionis sequeretur dari à parte rei vnitatem formalem pluribus positue communem, & in illis realiter non multiplicatam: quod re vera esset incidere in sententiam Platonis ponentis naturam aliquam realiter ab omnibus indiuiduis separatam: si enim datur aliqua vnitas formalis, & forma creata cum illa realiter identificata,

communis positue pluribus v.g. Petro & Paulo, & in illis realiter non multiplicata; necessarium est, quod ab utroque prædicto indiuiduo realiter sit distincta. Sequela probatur, quia si talis vnitas formalis & forma specifica v.g. cum qua identifi-
catur esset distincta realiter ab vnitate numerica non haberet vnitas formalis & forma specifica aliquid per quod multiplicaretur: ergo illa realiter in multiplicata, esset communis positue pluribus, omnibus videlicet singularibus indiuiduis eandem specificam formam participantibus.

2. Dico secundo, ad multiplicationem vnitatis numericæ multiplicari necesse est vnitatem formalem, hoc est, quod sicut in Petro & Paulo multiplicatur vnitas numerica, & alia materialiter est vnitas numerica Petri, & alia Pauli: ita etiam, multiplicatur in illis vnitas formalis, & alia est vnitas formalis Petri, & alia vnitas formalis Pauli: non quidem per id, quod tales duæ vnitates formales essentialiter & formaliter inter se differant, sed quia differunt inter se materialiter. Conclusio, meo videri, ita euidenter & independentem ab omni alia indistinctione inter vnitatem formalem & numericam, sequitur ex conclusione præcedenti; vt existimem inconsequenter procedere, qui admittentes vnitatem numericam & formalem eiusdem suppositi realiter identifi-
fica-

ficari, quantumvis aliquam distinctionem actualem formalem, aut ex natura rei inter illas constituentes, negant, unitatem formalem ad multiplicationem unitatis numericæ, realiter multiplicari. Quod sic ostendo, quando aliqua duo realiter identificantur, quantumvis inter ea formalis actualis aliqua sit distinctio, implicat vnum realiter multiplicari, quin realiter multiplicetur & alterum: ergo si unitas formalis & numerica realiter identificantur, etiam si inter illas formalis aliqua actualis ex natura rei sit distinctio, implicat, quod multiplicetur realiter unitas numerica, quin & realiter unitas multiplicetur formalis: alias iam non esset vtriusque formalitatis eadem entitas. Et patet exemplo actionis & passionis, inter quas maxima præter distinctionem, realem entitativam distinctio formalis reperitur; & tamen quia realiter identificantur, non est intelligibile, quod realiter entitativè multiplicetur passio, quin multiplicetur & actio.

3 Dico tertio. Unitas formalis & numerica à parte rei distinguuntur virtualiter: actualiter autem solum ratione, ratiocinata per intellectum. Oppositum conclusionis tribuitur communiter Scoto pluribus in locis asserenti inter distinctionem realem & rationis dari aliam distinctionem mediam, quam ipse vocat distinctionem formalem ex natura rei, inter ea videlicet, quæ quamvis realiter identi-

centur, haberet distinctas rationes & definitiones, & vnum saltem illorum essentialiter non includit alterum: & sic asserit in diuinis distingui essentiam ab attributis, & attributa inter se: & in creatis g. adum specificum à generico, & formam specificam ab illius singularitate, & vnitatem numericam ab vnitatem formali. Et quamuis aliqui conentur explicare Scotum, quod solum intendit, quod inter prædicta sit à parte rei & antecedenter ad intellectum distinctio virtualis: quidquid tamen sit de illius mente, si ille reuera intendit inter actualem distinctionem, realem & inter actualem distinctionem, rationis aliquam assignare distinctionem mediam actualem, falsum id videtur. Tum, quia distinctio sicut & vnitatis sequitur ad entitatem: ergo sicut implicat, dari aliquod ens, quod non sit ens reale, vel rationis, neque aliquod ens medium inter hæc duo potest assignari, implicat etiam, dari distinctionem aliquam actualem, quæ non sit distinctio realis, vel rationis. Tum vel maxime, quia diuisio distinctionis in realem & rationis datur per opposita contradictorie ergo inter illas non potest esse aliqua realis media distinctio, siquidem inter contradictorie opposita nullum medium potest reperiri. Antecedens probatur, quia ea diuisio datur penes esse distinctum actualiter per intellectum, & esse distinctum actualiter non per intellectum, sed à parte rei: quæ differ-

ferentiae facile ad contradictorias reducuntur.

4. Falsum etiam est (ut conclusionem propositam ostendamus) aliquam actualem distinctionem, nisi solum per intellectum, quae dicitur distinctio rationis ratiocinatae inter veritatem formalem & numeralem concedere. Quia licet à parte rei virtualiter distinguantur, quatenus à parte rei est fundamentum, ut intellectus actualiter praedictas unitates distinguat, in quantum videlicet proveniunt à principiis à parte rei virtualiter distinctis, nempe à forma singulari & specifica; actualiter tamen non nisi per intellectum distinguuntur: sicut non nisi per intellectum distinguuntur actualiter forma specifica à sua singularitate, & gradus genericus à specifico, ut communiter ostenditur in libris de anima & aliquid dicemus libro sequenti, cum de compositione metaphysica generis & differentiae loquamur. Eodem ergo solum modo distinguuntur actualiter unitas numerica, quae identificatur cum singularitate, & unitas formalis, quae cum forma specifica identificatur.

5. Observandum est, quod cum unitas formalis sit penes principia formalia, & in quolibet individuo non solum virtualiter à parte rei, & actualiter per intellectum distinguatur forma à singularitate, sed & in eadem forma gradus specificus à generico, & genericus ab alijs gradibus superioribus, eodem modo in quolibet individuo distingu-

gui

qui possunt plures vnitates formales, vt in Petro vnitas formalis specifica, per quam in esse hominis conueniat cum Paulo: & altera vnitas formalis minor, per quam in esse animalis conuenit cum leone: & altera minor per, quam in esse viuentis conueniat cum planta: & alia minor, per quam in esse corporis conueniat cum lapide: & alia minor, per quam in esse substantiæ conueniat cum Angelo: | & alia, denique vnitas formalis omnium minima, vtpote vnitas analogica, per quam in esse entis conueniat cum accidente.

6 Obijcies aduersus primam conclusionem, quod cum vnitas dicat priuationem diuisionis, eodem modo distinguendas esse, videtur, inter se aliquas vnitates, ac distinguuntur diuisiones, quarum dicunt priuationem: vniuersaliter enim omnes priuationes eodem modo inter se distinguuntur, ac inter se distinguuntur formæ positivæ, quarum sunt priuationes. Sed diuisio numerica & formalis realiter inter se distinguuntur, ita vt vna non identificetur cum alia: ergo eandem inter se realem habent distinctionem vnitas numerica, & formalis. Consequentia est bona. Maior inter proponendum argumentum manet probata. Minor autem probatur. Quia diuisio formalis & numerica ita se habent, vt ad inuicem possint separari, & vna reperiri sine altera: ergo distinguuntur realiter inter se tales diuisiones, nec vna cum altera realiter identificatur; hoc enim non potest

potest esse inter ea, quæ ad inuicem possunt separari. Antecedens probatur, quia in Angelis, in Gabriele v.g. reperitur distinctio formalis à quolibet alio Angelo, & nō reperitur diuisio numerica, cum hæc ut à diuisione formali aliquantulum distincta, desumatur à materia, cuius expertus est quilibet Angelus. Similiter in Petro in ordine ad Paulum reperitur diuisio numerica, non autem diuisio formalis: ergo diuisio numerica & formalis ad inuicem possunt separari, & vna reperiri sine alia, & è conuerso.

7 Respondetur, primo cum D. Caietano cap. 4. de ente & essentia quaest. 6. ad finem quaestionis, quod cum vnum dicat entitatem, & negationem diuisionis, ex eo quod admittamus diuisionem formalem, & numericam distingui realiter, nec vnā cum altera identificari, solum sequitur, quod vnitas numerica & formalis eiusdem suppositi dicant diuersas negationes diuisionis: vnitas videlicet numerica negationem diuisionis per principia materialia, & vnitas formalis negationem diuisionis per principia formalia: non tamen sequitur quod ipsa entitas vnitatis numerica distinguatur realiter ab entitate vnitatis formalis: & cum negatio diuisionis, quam vnum seu vnitas importat, possit sumi & fundamētaliter, & formaliter; & fundamētaliter sit ipsamet entitas, quæ est vna; formaliter autem sit quædam forma rationis ad modum formæ realis considerata ab intellectu.

Quæ

Et tu, negationes diuisionis, quas dicunt vnitas formalis & numerica si fundamentaliter accipiantur, non distinguuntur realiter, sed vna identificatur cum altera, sicut & entitas ipsarum vnitatum: si vero tales negationes accipiantur formaliter, non identificatur vna cum altera, sed distinguuntur eo modo, quo duo entia rationis possunt inter se distinguere.

Secundo respondetur, negando minorem, scilicet quod diuisio formalis & numerica realiter distinguantur, magis quam vnitas formalis & numerica, quia etiam diuisio identificatur cum entitate, imò per eandem entitatem, per quam aliquid in se est vnū numericè, diuiditur ab alio materialiter à se distincto: & per eandem entitatem, qua Petrus v.g. est vnus formaliter cum Paulo diuiditur formaliter à leone. Et ad probationem prædictæ minoris dico, quod præterquam quod in illa non probatur, quod reperiatur aliquando diuisio numerica, sine diuisione formali, quia licet Petrus habens diuisionem numericam à Paulo, non habeat diuisionem formalem ab illo, habet tamen diuisionem formalem ab alio, videlicet à leone: & sic numquam in Petro reperitur diuisio numerica, sine diuisione formali: præter hoc, inquam, (quid quid sit de illo) dico, quod vt fiat argumentum distinctionis realis inter diuisionem numericam, & formalem non sufficit, quod in aliquo reperiatur diuisio numerica sine formali, & in aliquo diuisio forma-

formalis sine numerica, sed requirebatur, quod cum vtraque diuisio in aliquo simul reperiretur, postea possent ad inuicem separari, & separatæ permanere, & hoc nunquam inuenietur.

8 Aduersus vltimam conclusionem, obijcies fundamentum Scoti, quod forma specifica & singularis, imò & forma generica & specifica a parte rei & ante omnem operationem intellectus diuersas habent definitiones, & licet forma inferior essentialiter includat superiorem, forma superior non includit essentialiter inferiorem: ergo a parte rei, & ante omnem operationem intellectus distinguuntur. Et eadem ratione a parte rei, & ante omnem operationem intellectus distinguetur vnitas numerica a formali, imò & vnitas formalis specifica ab vnitatem formali generica.

Respondetur, quod cum in re sit eadem entitas forma singularis specifica, & generica & vnitas numerica & formalis; posse omnia hæc habere diuersas definitiones, & rationem vnius non includere essentialiter rationem alterius, solum arguit hæc a parte rei virtualem inter se habere distinctionem, & ob id præbet fundamentum intellectui, vt concipiens vnam rationem sine altera, hæc omnia actualiter distinguat: & cum definitiones cuiuscunque rei, vel rationis formalis non fiant formaliter, nisi media actione intellectus definientis, & distinguentis in aliquo definito

finito genus, verbi gratia, à differentia, quæ inter se non sunt à parte rei actualiter distincta, quod aliqua petant diuersas definitiones, solum arguit, quod sint virtualiter distincta, & habeant fundamentum, vt ab intellectu actualiter distinguantur.

9 Aduersus primam simul & secundam conclusionem obijcies. quod in vnitatem formalem Petri cum Paulo fundatur relatio similitudinis, seu identitatis in natura humana, in vnitatem autem numericam ipsius Petri fundatur relatio diuersitatis à Paulo. Sed fundamentum diuersarum huiusmodi relationum non potest esse idem entitatiuè, vel saltem non potest esse idem formaliter à parte rei: ergo vnitatis formalis & numerica in eodem supposito distinguuntur realiter entitatiuè, vel saltem realiter formaliter ex natura rei.

Respondetur negando consequentiam. Sufficit enim distinctio virtualis vnitatis formalis & numericæ, vt prædictas diuersas fundet relationes. Sicut eadem, verbi gratia, quantitas bicubita solum cum distinctione virtuali, secundum videlicet, quod ab intellectu potest ad diuersos terminos comparari, & per id actualiter ratione distingui, & sufficiens fundamentum realis relationis æqualitatis ad alteram, quantitatem bicubitam, & realis relationis inæqualitatis ad quantitatem tricubitam.

Q V A E S T I O V.

Utrum in rebus creatis detur natura aliqua habens à parte rei unitatem formalem communem pluribus?

Questio non procedit, nisi de natura creata; certum enim est, naturam diuinam omnino vnā esse positivè communem per identitatem tribus diuinis personis, quantumvis inter se realiter distinctis; licet, quia (vt dicebamus quæst. I. huius libri) in eisdem tribus personis natura diuina nullatenus partitur, aut multiplicatur, ea illius ad tres diuinas personas communitas nō faciat illam vniuersalem. Quæstio igitur præsens non procedit nisi de natura creata.

2 Neque procedit quæstio de vnitāte numerica, an detur pluribus communis: incertum enim est, in natura creata id esse impossibile, cum communitas dicat in differentiam & indeterminationem omnino impossibilem competere in creaturis vnitati numericæ. Id enim, quod est vnū numero, habet omnimodam contractionē & determinationem, ac perinde nullam potest illud habere ad plura communitatē. Quæstio igitur solum procedit de vnitāte formali, an illam à parte rei possit habere communem pluribus aliqua natura creata.

§ Præ-

3 Præter illa quæ duabus præcedentibus quæstionibus resolvimus, & prænotauimus, quæ omnia ad huius resolutionem maximè conducunt, pro illa & sequenti quæstione est aduertendum primo ex Diu. Thom. cap. 4. de ente & essentia, & Caietano ibidem, q. 6. naturam aliquam v.g. humanam in triplici statu posse considerari; videlicet secundum se, in singularibus, & in intellectu: & secundum se solum competenti illi sua prædicata quidditatiua, & proprietates ab essentia dimanantes, & ad prædicata quidditatiua etiam reducuntur prædicata vniuersalia, & transcendentia, quæ sunt de quidditate cuiuscunque rei, & prædicata negatiua, quæ fundantur in ipsius rei essentia, negationes videlicet formæ impossibilis cum illa. Vt respectu hominis hæc prædicata non lapis, non equus & similia: quia licet hæc prædicata negatiua formaliter sumpta sint negationes, & entia rationis, quæ solum formaliter habent esse per intellectum; ac perinde formaliter sumpta solum competunt naturæ, vt est in intellectu: ea tamen prædicata fundamentaliter sumpta sunt idem cum prædicatis quidditatiuis positiuis, in quibus prædictæ negationes fundantur: ac perinde non minus, quam ipsa prædicata quidditatiua positiua conueniunt naturæ secundum se prædicta prædicata negatiua fundamentaliter accepta. Et vniuersaliter quodlibet prædicatum, quod naturæ secundum se competit, competit & illi in quocunque statu

statu cōsideretur; & oppositum talis prædicari in nullo statu nec per se, nec per accidens potest illi competere: Naturæ autem prout in singularibus specialiter competunt prædicata accidentalia realia, ut homini esse album, currere, ridere, aut ratiocinari, & alia similia. Naturæ denique in intellectu specialiter competunt illa prædicata, quæ per operationem intellectus illi attribuuntur, ut homini esse speciem, animali esse genus, & vocibus, & conceptibus esse subiectum & prædicatum, & alia similia prædicata rationis.

4. Secundo est aduertendum, quod aliquid potest esse commune pluribus dupliciter, positiuè videlicet & negatiuè. Dicitur aliquid commune pluribus positiuè, cū manens in se vnum & indiuisum, in pluribus reperitur. Dicitur autem aliquid commune pluribus negatiuè, cum nulli in particulari est appropriatum & ad nullum in particulari & singulari est determinatū. Præter hanc autem acceptionem communis negatiuè, potest & alia licet minus propria acceptio assignari, scilicet quod illud dicatur commune pluribus negatiuè, cui non repugnat, pluribus fieri commune. His igitur suppositis ad quæstionem tribus conclusionibus respondetur.

5. Dico igitur primo. A parte rei unitati formali cuiuslibet naturæ creatæ, imò & ipsi naturæ creatæ secundum se, competit esse communem pluribus negatiuè, secundum quod commune negatiue sumitur

pro

pro eo, quod alicui non repugnans. Huic conclusioni nullus potest dissentiri, & solū illam intendunt Caietanus in prædicta quæst.6. & noster Author quæst.3. vniuersalium, concedentes naturam humanam, secundum se esse communem pluribus negatiuè. Probatur autem, & explicatur conclusio. Quia naturæ v.g. humanæ specificatiuè in nullo statu existenti repugnat, quod abstrahatur per intellectum à singularibus, & per eam abstractionem fiat pluribus communis: ergo in omni statu est communis negatiuè per non repugnantiam, siquidem in nullo statu rei repugnat transire ad statum in intellectu, & per id fieri communem. §. Confirmatur primo, quia naturæ secundum se competit, eo modo esse communem: ergo id etiam in omni statu illi competit. Consequentia patet, quia, vt diximus, quod competit naturæ secundum se, in quocumque etiam statu ei debet conuenire. Antecedens autem probatur, quia naturæ secundum se non repugnat esse communem: alias enim id etiam ei in quolibet statu repugnaret, & non posset fieri communis etiam per intellectum: ergo naturæ secundum se competit esse communem per non repugnantiam, idest competit, quod ei non repugnet esse communem. Confirmatur secundo, quia licet natura in singularibus in sensu composito & prout in singularibus est, non possit esse communis, specificatiuè tamen in sensu diuiso, natura quæ existit in singularibus potest esse communis,

munis, quatenus ei non repugnat, quod à singularibus per intellectum abstrahatur, & fiat communis: ergo in quolibet statu competit naturæ esse negativè communem, secundum quod commune negativè sumitur pro eo, quod non repugnat esse commune.

6 Dico secundo: Nulla natura creata habet à parte rei, & ante operationem intellectus unitatem formalem pluribus communem positivè. Oppositum conclusionis communiter tribuitur Scoto & pluribus eius discipulis. Sed conclusionem cum D. Thoma, & Caietano prædicto cap. 4. de ente & essentia & cum communi Thomistarum sententia docet noster Author q. 2. universali.

Probat autem primo conclusio ratione desumpta ex Div. Thoma in prædicto cap. 4. de ente essentia ad hanc formam reducta: Si naturæ à parte rei conveniret habere unitatem formalem positivè communem pluribus, id ei competere secundum se. Sed secundum se nulli naturæ creatæ id competere potest: ergo nulla natura creata habet à parte rei unitatem formalem positivè communem pluribus. Consequentia patet, & tam maior, quam minor probatur. Maior quidem, nam hoc non potest competere naturæ, prout est in intellectu (loquimur enim de natura à parte rei, & antecedenter ad statum, quem habet in intellectu) nec potest illi competere prout est in singularibus, natura est omnino de-

termi-

terminata & contracta ad ipsa singularia : ergo cum contractio & determinatio opponatur communitati , quæ dicit indeterminationem & indifferentiam ad plura : naturæ prout in singularibus non potest competere esse communem pluribus positivè . Minor autem principalis , videlicet quod id non competat naturæ secundum se . Probaturs , nam si talis communitas conueniret naturæ secundum se , in quocumque statu deberet illi competere , & in nullo statu posset illam amittere : Sed illam non habet in singularibus , in quibus natura contrahitur , & determinatur : ac perinde non habet esse pluribus positivè communis : ergo naturæ secundum se non competit , esse positivè communem pluribus , aut habere unitatem formalem pluribus positivè communem . §. Confirmatur nam quod conuenit alicui secundum se , non solum in omni statu ei debet conuenire , sed sub nulla ratione ei potest repugnare . Sed naturæ reduplicatiuè ; prout est in indiuiduis repugnat esse pluribus communem : ergo id non competit positivè naturæ secundum se .

Quod si aduersus præcedentem rationem obijcias , quantitati secundum se competere esse diuisibilem , quod tamen alicui quantitati , scilicet minimi naturalis , vt talis quantitas est , repugnat . Non igitur vniuersaliter est verum assumptum præcedentis rationis , quod id quod conuenit alicui secundum se , ei in quocumque statu debet

compe-

competere, & sub nulla ratione ei potest repugnare. §. Non inquam id obstat, quia si de diuisibilitate per intellectum signan-tem vnā partem extra aliam loquimur, diuisibile hoc modo est passio quantitati secundum se posituē competens, & omni perinde competit quantitati, nullique sub aliqua ratione potest repugnare; & quanti-tas etiam minimi naturalis est hoc modo diuisibilis. Si autem loquamur de diuisio-ne quantitatis per separationem realem, vnius partis ab altera, diuisibilitas in ea, acceptione non est passio posituē compe-tens quantitati secundum se, sed solum com-petit illi per non repugnantiam: & quod sub ratione communi non repugnat alicui, potest ei sub aliqua ratione particulari re-pugnare: qualiter talis diuisibilitas repu-gnat quantitati minimi naturalis, non qua-tenus quantitas, sed quatenus realis quanti-tas est.

8 Secundo ex his, quæ diximus præce-denti quaest. probatur conclusio. Quia dari à parte rei vnitatem formalem pluribus posituē communem, vt in vltimo notabili huius quaestionis aduertimus, nihil est aliud quam quod vna existens, in pluribus repe-riatur. Sed id omnino est impossibile: ergo. Probatur minor, nam vnitas formalis, (vt ostendimus quaestione præcedenti) identi-ficatur cum vnitatem numerica, & ad illius multiplicationem materialiter etiam mul-tiplicatur. Sed non datur à parte rei ali-qua vnitas numerica posituē existens in,

M

pluri-

pluribus, sed in Petro v.g. est sua vnitas numerica realiter distincta ab vnitate numerica Pauli: ergo nec datur a parte rei aliqua vnitas formalis in pluribus existens; sed in Petro est sua vnitas formalis distincta materialiter ab vnitate formali, quæ est in Paulo.

9 Tercio probatur conclusio, quia non potest intelligi naturam aliquam a parte rei habere vnitatem formalem communem pluribus positivè, quin & ipsa natura sit a parte rei communis eisdem pluribus positivè; imò ob hoc asseritur vnitas formalis communis pluribus, vt eisdem sit natura communis. Sed non potest a parte rei natura aliqua esse communis pluribus positivè: ergo nec dari aliqua vnitas formalis communis pluribus positivè. Minor probatur, quia inde sequeretur, Deum non posse aliquod indiuiduum naturæ, verbi gratia, humanæ annihilare, quin omnia annihilaret indiuidua talis naturæ; nec posset existentibus aliquibus indiuiduis naturæ humanæ, aliquod de nouo creare. Consequens autem non videtur admittendum: ergo nec antecedens. Sequela quoad vtrâque partem probatur. Quia creatio est productio totius esse, nullo videlicet præsupposito illius; quod creatur: & annihilatio est desitio totius esse, nullo relicto illius, quod annihilatur; sed si daretur natura communis, omnibus indiuiduis, v.g. naturæ humanæ, existentibus aliquibus indiuiduis, iam præsupponeretur talis natura com-

com-

communis ad productionem cuiuslibet noui individui ; ac perinde eius productio non posset esse creatio , vtpotè quæ præsupponeret aliquid individui per illā producendi , scilicet naturam humanam communem illi & alijs individuis productis : similiter si aliquibus individuis naturæ humanæ relictis , aliquod à Deo destrueretur , talis destructio non posset esse annihilatio , quia aliquid illius individui destructi ; scilicet natura humana illi & alijs communis relinqueretur . §. Nec valet dicere , quod ea natura supponeretur & relinqueretur , non vt erat huius individui , sed vt erat communis aliorum : & ita id non obstaret creationi noui individui , nec annihilationi alterius . Non inquam id valet , quia vt non sit creatio , sufficit , quod aliquid , quod post creationem realiter competit producto , ante creationem supponeretur , licet alteri competens : sicut generatio vermis non est creatio , quia materia prima , quæ post productionem vermis informatur forma vermis , antecedenter supponitur , licet existens sub altera forma : & corruptio vermis non est annihilatio , quia materia quæ informabatur forma vermis , relinquitur , licet sub altera forma succedente existens : ergo eodem modo , si daretur à parte rei aliqua natura communis Petro & Paulo , & alijs individuis , & illa , Petro destructo maneret communis Paulo , & alijs individuis , re vera destructio Petri non esset annihilatio ; nec posset esse creatio

productio alicuius indiuidui, si antecedenter præsupponeretur natura cõmunis alijs indiuiduis præexistentibus, & per productionem huius inciperet illi esse communis.

10 Dico tertio, à parte rei non datur aliqua natura habens vnitatem formalem, communem pluribus negatiue, si commune negatiue sumitur pro eo, quod non appropriatur alicui. Conclusio proculdubio est iuxta mentem nostri Authoris, quia licet quæst 2. vniuersalium in solutione ad primum concedat, naturam à parte rei esse communem pluribus negatiue; accipit commune negatiue in eo sensu, quo & nos illud accepimus in prima conclusione. Et probari potest primo, quia si naturæ ea vnitatis formalis sic communis à parte rei competere, competere illi vtique secundum se. Sed secundum se non potest illi conuenire: ergo nullatenus à parte rei ei competere potest. Maior patet, quia non potest talis vnitatis communis competere naturæ, prout est in intellectu (loquimur enim de vnitatis conueniente naturæ à parte rei, & antecedenter ad statum, quem habet in intellectu) nec potest, naturæ competere prout est in singularibus, quia esse sic naturam communem negatiue, est esse non appropriatam alicui, & in singularibus est appropriata. Ergo si naturæ competit esse sic communem negatiue, competit vtique illi secundum se. Quod autem sic illi competere nequeat, probatur, quia si natura secundum se esset communis negatiue, idest,

esset

esset non appropriata, & non determinata (hæc enim tria in ea acceptione communis negatiuè idem significant.) in nullo statu, ac perinde neque in singularibus posset esse alicui appropriata & determinata: oppositum enim illius, quod conuenit alicui secundum se, in nullo statu potest illi conuenire. Sed in singularibus quælibet natura est appropriata & determinata: ergo nulli naturæ secundum se potest competere, esse communem negatiuè, esse non appropriatam, vel non determinatam.

11 Secundo probatur conclusio ratione Domini Caietani, quia nulla res exigens necessario ad sui existentiam conditionem aliquam impossibilem, potest à parte rei existerè. Sed ut à parte rei existat vnitas formalis communis pluribus negatiuè, exigitur aliqua conditio omnino impossibilis: ergo impossibile est dari à parte rei aliquam naturam habentem unitatem communem pluribus negatiuè. Maior patet, & minor probatur, quia ad id requiritur, quod à parte rei detur natura nulli appropriata. Sed id est impossibile quia impossibile est (ut quæst. 3. huius libri contra Platonem ostendimus) quod à parte rei detur aliquid quod non sit singulare: & natura singularis eo ipso est alicui appropriata. Conditio ergo omnino impossibilis exigitur, ut detur à parte rei natura habens unitatem formalem communem pluribus negatiuè.

12 Obijcies primo, præcipuum oppositæ sententiæ fundamentum, quod à parte

quod à pte rei

rei & ante omnem operationem intellectus Petrus & Paulus sunt vnum formaliter, siquidem à parte rei nullatenus distinguuntur formaliter : ergo à parte rei natura humana habet vnitatem formalem Petro & Paulo communem. Probatur consequentia. Quia id in quo aliqua sunt vnum, debet esse illis commune : alias in illo non conuenirent : ergo si à parte rei Petrus & Paulus sunt vnum in natura humana, datur à parte rei natura humana illis communis, & habens vnitatem formalem ipsis communem.

Respondetur cum Caietano loco citato, negando consequentiam : non enim à parte rei, Petrus & Paulus sunt, & dicuntur vnum formaliter propter aliquam naturam, aut vnitatem formalem à parte rei illis communem; sed quia vterque habet suam naturam & suam vnitatem formalem distinctam realiter materialiter, non tamen distinctam formaliter & essentialiter à natura, & vnitate formali alterius, sed potius gaudentes mutua indiuisione formali: quia quamuis altera sit realiter materialiter natura & vnitatis formalis Petri à natura & vnitate formali Pauli (& id sufficit, vt non sit à parte rei aliqua natura & vnitatis formalis communis vtrique) in natura tamen & vnitate formali vnius non est aliquod prædicatum essentialiter, per quod formaliter & essentialiter distinguatur à natura alterius, & hoc sufficit, vt à parte rei Petrus & Paulus dicantur vnum formaliter.

Et

Et hæc solutio, quæ utique optima & vera est, potest etiam explicari, dicendo, quod Petrus & Paulus à parte rei sunt vnum formaliter per conformitatem & similitudinem essentialem duarum naturarum, quia nimirum natura vnus est conformis & similis essentialiter naturæ alterius: non autem sunt à parte rei vnum formaliter per aliquam naturam aut vnitatem formalem à parte rei illis communem. Ac denique (quod in idem incidit) potest dici, quod Petrus & Paulus à parte rei sunt idem formaliter per naturam à parte rei fundamentaliter illis communem: quia quatenus habent duas naturas essentialiter inter se similes & conformes, eo ipso est fundamentum; ut intellectus abstrahens à conditionibus indiuiduantibus vtriusque talis naturæ, concipiat vnā naturam vtrique indiuiduo positivè communem: & secundū quod à parte rei huius formalis communis reperitur fundamentum Petrus & Paulus sunt vnum formaliter.

13 Obijcies secundo: Quod inter Petrum v.g. & Paulum est realis relatio similitudinis, seu identitatis specificæ: ergo à parte rei & antecedenter ad operationem intellectus debet talis relationis reperiri fundamentum. Sed fundamentum relationis similitudinis specificæ est vnitas naturæ: ergo à parte rei est vnitas formalis eiusdem naturæ Petro & Paulo communis: in vnitatibus enim formalibus proprijs vtriusque si vna ab altera distinguitur, non

fundatur relatio⁹ similitudinis, sed potius relatio diuersitatis.

Respondetur negando secundam consequentiam. Fundamentum enim realis relationis similitudinis, seu identitatis specificæ inter Petrum & Paulum, non est aliqua vnitas formalis illis communis, sed vnitas formalis per conformitatem duarum naturarum Petri & Pauli, quæ licet inter se materialiter distinguantur, & hac ratione fundent relationem diuersitatis numericæ; quatenus tamen inter se essentialiter non distinguuntur, sed sunt inter se conformes, fundant relationem realem similitudinis, seu identitatis specificæ, imò illam fundare non possent, si per impossibile non daretur diuersa realiter natura in Petro ac in Paulo, sed vna esset à parte rei illis natura communis: quia relatio realis non solum debet esse inter extrema realiter distincta, sed & ratio fundandi (quæ & dicitur fundamentum proximum relationis) debet in extremis relationis realiter multiplicari. Hac enim ratione in diuinis inter Patrem & Filium, teste D. Thom. p. p. q. 43. art. 1. ad 4. non est realis relatio æqualitatis, quia licet extrema, Pater videlicet &

Filius realiter distinguantur, ratio tamen fundandi talem relationem, scilicet natura diuina, non est in eis realiter distincta, nec realiter in eis multiplicatur.

QVÆ

Q V Æ S T I O VII.

Vtrum à parte rei, & antecedenter ad operationem intellectus detur uniuersale formaliter?

H Vius quæstionis resolutio facile ut conclusio ex præcedentibus deducitur, aduertendo prius, ut sæpius iam innuauimus, quod uniuersale potest accipi dupliciter: fundamentaliter videlicet, & formaliter. Et fundamentaliter adhuc dupliciter: fundamentaliter videlicet remotè, & fundamentaliter proxime. Uniuersale fundamentaliter remotè nihil est aliud, quam conformitas & conuenientia plurius in aliqua ratione, præbens perinde fundamentum, ut intellectus concipiens id, in quo conueniunt, & abstrahens ab his, in quibus differunt, concipiat vnâ naturam illis communem, & aptitudinem habentem ad essendum in pluribus, & ut de illis prædicetur. Et sic uniuersale fundamentaliter remotè, sæpe iam diximus reperiri à parte rei: & respectu illius uniuersale fundamentaliter proximè dicitur quodammodo uniuersale formaliter, quia licet sit fundamentum secundæ intentionis uniuersalis, in qua formalissimè ipsi uniuersale consistit, & quod dicitur propriè uniuersale logicum (ut quæstione sequenti videbimus) respectu tamen uniuersalis funda-

mentaliter remote, natura vna & communis pluribus, quæ saltem vt sic est vniuersalis metaphisicè, dicitur vniuersale formaliter. Et de hoc inquirimus, an antecederet & independenter ab operatione intellectus, detur à parte rei: de secunda enim, intentione vniuersalitatis, cum sit formalissimè intentio rationis; solumque perinde habens esse obiectiuum in intellectu, certum est à parte rei & antecederet ad operationem intellectus, formaliter non reperriri.

2. Resolutoriè est dicendum, à parte rei, & antecederet ad operationem intellectus non dari vniuersale formaliter, sed solum illud fieri per operationem intellectus. Oppositum tribuitur Scoto & illius discipulis, ob id ponentibus à parte rei vnitatem formalem communem pluribus, vt concedant, naturas à parte rei & antecederet ad operationem intellectus esse vniuersales formaliter. Sed conclusionem cum D. Thoma cap. 4. de ente & essentia, & cum communi sententia fere omnium præter Scotistas docet noster Author Ss. Magister Soto quæst. 1. vniuersalium. Et deducitur ex Arist. 1. de anima tex. 8. aduersus Platonem dicente. *Vniuersale autem nihil est, aut posterius est.* Pro cuius testimonij intelligentia adducit idem noster Author quæstione 1. vniuersalium distinctionem illam de vniuersali ante rem, in re, & post rem vniuersale ante rem, est vniuersale ante singularia, qualiter esset vniuers-

vniuersalis idæa Platonis ante omnia singularia existens : & hoc modo iam ostendimus vniuersale esse omnino impossibile. Vniuersale in re, est vniuersale fundamentaliter, natura videlicet in singularibus existens, & in illis multiplicata, quatenus natura vnius singularis est conformis naturæ alterius. Vniuersale denique post rem, est natura in intellectu à singularibus abstracta. Hoc ergo supposito voluit in prædicto testimonio dicere Philosophus, quod vniuersale aut nihil est, à singularibus videlicet distinctum; aut posterius est, id est, est post illud, quod conuenit naturæ à parte rei, per illud videlicet, quod naturæ competit per intellectum: ac perinde in sententia Philosophi non datur vniuersale formaliter nisi per operationem intellectus.

3 Probatur autem primo conclusio, quia vniuersale formaliter (vt in prima huius libri quæstione explicuimus) est vñ in multis & de multis. Sed a parte rei nulla natura est vna in multis, nec de multis est prædicabilis, sed id solum habet per operationem intellectus abstrahentis illa à singularibus: ergo à parte rei nulla natura est vniuersalis formaliter, sed solum per operationem intellectus. Minor probatur, quia vt natura sit vna in multis requiritur, quod vna & eadem natura sit communis pluribus. Sed (vt in præcedentibus ostendimus) à parte rei non datur natura, quæ vna & eadem sit commu-

nīs pluribus, sed solum id habet natura per intellectum concipientem naturam specificam, non concipiendo conditiones indiuiduantes, vel concipiendo naturam superiorem, nō conceptis differentijs specificis: natura enim sic concepta est omnino vna, vtpotē, quia non concipitur aliquid, per quod diuersificetur, aut multiplicetur; & est communis pluribus, quia non concipitur, vt alicui appropriata, potestque ad ea, à quibus est per intellectum abstracta, etiam per intellectum comparari, & de illis prædicari: ergo à parte rei non reperitur natura communis pluribus: ac perinde nec vniuersalis formaliter.

4 Secundo probatur conclusio ratione D. Thomæ in prædicto cap. 4. de ente & essentia sic ad formam reducta. Naturæ à parte rei & antecedenter ad statum illius in intellectu, non conuenit esse vniuersalem formaliter secundum se, nec prout in singularibus: ergo nullatenus à parte rei id illi competit. Consequentia patet, quia præter hos status in nullo alio potest considerari natura: Antecedens autem quoad secundam partem patet, quia natura prout est in singularibus, est determinata, contracta & singularis: ergo vt in singularibus non est vniuersalis formaliter, cum vniuersale formaliter dicat indeterminatorem, indifferentiam, et communitatem ad plura. Prima autem pars antecedentis probatur, quia si naturæ secundum se com-
pete-

peteret esse vniuersalem formaliter, id in quocunque statu deberet illi conuenire, et oppositum in nullo statu ei competere posset. Sed vt in singularibus non competit naturæ, esse vniuersalem, imò competit illi oppositum, esse videlicet singularem: ergo naturæ secundum se non conuenit esse vniuersalem,

5 Obijces primo Philosophum i. perihermenias cap. 4. dicentem, rerum alia sunt vniuersales, alia particulares. Sed particulare datur à parte rei: ergo et vniuersale. §. Confirmatur, quia vniuersale, ut vniuersale est correlatiuum particularis: ergo sicut particulare datur à parte rei: ita vniuersale.

Respondetur ad argumentum explicando tripliciter testimonium in illo adductum philosophi primo cum D. Thoma ibi lectione 10. quod cum Philosophus loqueretur tunc de vniuersali et particulari secundum quod significantur per nomina, loquebatur de vniuersali et particulari formaliter sumpto, prout videlicet utrumque habet suam intentionem vniuersalitatis et particularitatis per intellectum. §. Secundo, quod si loquitur de vniuersali et particulari a parte rei, loquitur de illis fundamentaliter sumptis. §. Tertio, quod etiam si loqueretur de particulari, ut est à parte rei, potest adhuc intelligi de vniuersali formaliter, et prout est in intellectu: et erit illa diuisio ad modum illius, qua substantia diuiditur in primam

masm

eius contradictoria, scilicet ista natura secundum se est determinata, est falsa, alias natura nunquam posset, nec per intellectum, esse indifferens: ergo praedictum antecedens est verum. Consequentia autem videtur tenere à negativa ad affirmatiuam, variato praedicato penes finitum & infinitum.

Respondetur, negando minorem, & ad probationem negatur etiam minor: natura enim secundum se neque est determinata, nec non determinata, sed vtrumque ei accidit, primum in singularibus, secundum, ut est in intellectu. Vnde ad probationem praedictae minoris neganda est illa consequentia à negativa ad affirmatiuam sacra: quia licet absq; appellatione esset bona; cum appellatione tamen non tenet, sicut nec tenet ista. Petrus essentialiter non est albus; ergo essentialiter est non albus.

7. Obijcies, quod etiam cum appellatione valet consequentia ab affirmatiua ad negatiuam variato praedicato penes finitum & infinitum, ut haec est bona: Natura secundum se est non determinata; ergo natura secundum se non est determinata; sicut & ista Petrus essentialiter est non lapis: ergo essentialiter non est lapis: ergo cum simili appellatione valebit etiam consequentia à negativa ad affirmatiuam, variato praedicato penes finitum & infinitum.

Respondetur negando consequentiam: appellationis enim aliquando variatio vitiatur

tiat consequentiam ; & aliquando illam
 ædificat : sicuti hæc consequentia, venien-
 tem cognosco : ergo cognosco venientem,
 per variationem appellationis à non ap-
 pellante ad appellantem, est mala: è con-
 uerso autem hæc , cognosco venientem :
 ergo venientem cognosco, propter varia-
 tionem appellationis ab appellante ad nō
 appellantem est bona . Ad propositum,
 ergo dicimus , quod consequentia à nega-
 tiua ad affirmatiuam , variato prædicato
 penes finitum & infinitum , cum appella-
 tione proueniente ab illa particula *secun-*
dum se , est mala , quia ob eam appella-
 tionem arguitur virtualiter à disiunctiua
 ad partem : quia cū illa propositio nega-
 tiua , natura secundum se non est deter-
 minata , possit indeterminate verificari,
 vel per id quod natura secundum se sit nō
 determinata , vel per id quod natura se-
 cundum se nec sit determinata , nec non
 determinata / prædicta propositio nega-
 tiua est virtualiter disiunctiua & est pars
 illius illa propositio affirmatiua , natura
 secundum se est non determinata, & ita
 arguendo ad illam à prædicta negatiua ,
 arguitur virtualiter ratione appellationis
 à disiunctiua ad partem : & sic ea ibi ap-
 pellatio vitiat consequentiam : ædificat
 tamen illam appellatio , quæ est in altera
 consequentia ab affirmatiua ad negatiuā ,
 quia facit , quod virtualiter arguatur à
 parte disiunctiue ad totam .

8 Obijcies tertio, quod vniuersale
 est

est obiectum intellectus: ergo debet praecedere omnem intellectus actionem: obiectum enim potentiae operativae, cum moueat illam ad operandum, praecedit omnem illius operationem: ergo vniuersale non potest fieri per aliquam intellectus actionem: ac perinde à parte rei, & antecedenter ad omnem operationem intellectus debet reperiri.

Confirmatur primo. Nam à parte rei debet dari obiectum specificatum potentiae viuiuae. Sed illud est vniuersale, quia quamuis in exercitio non attingat, nisi determinate hunc, vel illum colorem, non specificatur ipsa potentia ab aliquo colore determinato, sed à colore incommuni: ergo à parte rei datur vniuersale.

Confirmatur secundo. Quia à parte rei dantur scientiae reales: ergo à parte rei debet reperiri illarum specificatum. Sed illud non est aliquid singulare, cum de singularibus non sit scientia: ergo debet esse aliquid vniuersale.

Respondetur ad argumentum, primo cum nostro authore in praedicta quaest. 2. vniuersalium in solutione ad 3. quod vniuersale est obiectum intellectus possibilis, & omnem illius actionem praecedit: non quidem per id quod à parte rei detur vniuersale formaliter, sed per id quod per actionem intellectus agentis abstracta, natura à singularibus sit vniuersalis me-

rathysicè, & obiectum specificatiuum intellectus possibilis.

Secundo respondetur, quod obiectum intellectus est vniuersale fundamentaliter, & existens in rebus, quamuis conditio, vt actualiter ab intellectu attingatur, sit, quod abstrahatur per intellectum agentem à conditionibus indiuiduantibus.

Tertio respondetur, quod etiam si vniuersale logicum formalissime sumptum, esset obiectum intellectus, non tamen esset necessarium, quod præsunderetur existens ante omnem intellectus operationem, sed sufficeret, quod supponeretur possibile ante omnem actualem actionem intellectus: quia potentia, sicut & ars factiua sui obiecti, non illud ad omnem suam actionem supponit existens: sicut ars domificatoria quia est factiua sui obiecti, ipsius videlicet domus, non supponit ad omnem suam actionem domum existentem, sed solum vt possibilem, & per ipsam sui actionem fit domus.

Ad vtramque confirmationem respondetur. Quod vt potentia visiva & scientiæ habeant sua specificatiua à parte rei, sufficit, quod à parte rei detur vniuersale fundamentaliter remote. Nec amplius probant prædictæ confirmationes, immò nec plura alia argumenta, quæ communiter in hac difficultate congeruntur.

9 Obijcies quarto, quia natura secundum se habet aptitudinem ad essendum

in pluribus : ergo secundum se est indifferens & inde terminata : ac perinde vniuersalis formaliter . Iam igitur à parte rei & independenter ab actione intellectus datur vniuersale formaliter . Prima consequentia probatur , quia id , quod est aptum esse in pluribus , vt sic non potest esse alicui appropriatum , vt appropriatum enim alicui , non habet aptitudinem ad essendum in multis : ergo si natura secundum se habet aptitudinem ad essendum in pluribus , secundum se est indifferens & non determinata . Antecedens autem probatur : nam natura secundum se non petit determinate esse in hoc , vel illo individuo : ergo secundum se habet aptitudinem vagè ad omnia illa , hoc est , vt possit esse in hoc vel illo indeterminatè .

Respondetur . Quod ad vniuersale formaliter non sufficit , quod natura non petit determinate esse in hoc vel in illo individuo , sed quod vna existens æqualiter respiciat omnia individua ; ita vt non solum vage possit esse in quolibet illorum , sed in omnibus , & de omnibus prædicari : hoc autem non habet natura secundum se , sed solum per intellectum , per cuius actionem abstracta à conditionibus individuuantibus , vna & eadem natura æqualiter saltē negatiue se habet ad omnia individua , & æqualiter ad omnia illa potest comparari , & de omnibus illis prædicari : & dum natura aliqua ad hunc statum

tum non peruenerit, solum habebit aptitudinem remotam ad essendum in pluribus, quatenus illi non repugnat, quod per intellectum abstrahatur a conditionibus indiuiduantibus & ad talem indifferentiam, & communitalis statum reducatur.

QVÆSTIO VIII.

Per quam actionem intellectus fiat vniuersale formaliter?

SUPPOSITO ex præcedentibus vniuersale formaliter non reperiri a parte rei, sed ad aliquam actionem intellectus resultare; ad quam intellectus actionem resultet, in hac inquirimus quæstione. Pro quo prius oportet actiones intellectus breuiter enumerare. Postquam enim in sensibus interioribus reperiuntur phantasmata singularium: cum obiectum intellectus sit vniuersale, vt ea, quæ per phantasmata repræsentantur, agnoscat, intellectus agens abstrahit a phantasmatibus species, per quas natura, quæ per phantasmata (quæ sunt quædam species sensibiles) cum suis conditionibus indiuiduantibus repræsentabatur, repræsentetur, non repræsentando aliquam illius conditionem indiuiduantem. Et dicitur hæc actio intellectus agentis abstractio, quia a singularibus repræsentatis per phantasmata, vt a termi-

no à quo abstrahens, format species representantes solum naturas rerum absque aliqua illarum singularitate. Postea vero per primam intellectus possibilis actionem, ad primam eiusdem intellectus operationem pertinentem, media specie impressa ab intellectu agente formata, & in intellectu possibili recepta, cognoscitur natura sic abstracta, non cognitio illius conditionibus indiuiduantibus. Et hæc cognitio dicitur abstractio præcisiua intellectus possibilis, ad differentiam alterius cognitionis, quæ subsequi potest, ad secundam operationem intellectus pertinentis, qua cognoscitur natura remouendo illam ab aliquo, quæ dicitur abstractio negatiua. Hæc tamen cognitio seu negatiua abstractio, præterquam quod non semper subsequitur ad abstractionem præcisiuam, illa etiam quando interuenit, nullatenus spectat ad resultantiam vniuersalis. Postquam autem intellectus sic præcisiue abstractam naturam cognoscit, potest supra illam reflectens, eam à quibus est abstracta, vel ad alia inferiora comparare, potestque deinde eam comparisonem sic factam, ad modum respectus & relationis naturæ ad ea, ad quæ fuit comparata, expressisse & in actu signato per reflexionem agnoscere: & tam actio comparatiua quam cognitio in actu signato ipsius comparisonis, pertinet ad primam operationem intellectus, quia licet comparatio sit cognitio vnius in ordine ad aliud

aliud non est compositio, sed dicitur simplex comparatio, ad differentiam alterius actionis intellectus qua natura de suis inferioribus, vel de aliquo altero prædicatur.

2 Ex præfata actionum intellectus diuersitate ortum habuit in hac parte diuersitas sententiarum, nam aliqui vniuersale formaliter, per abstractionem intellectus agentis: alij per abstractionem præcisiuam intellectus possibilis: alij per primam actionem simplicem comparatiuam: & alij per secundam existimant fieri. Et inter eos, qui vniuersale formaliter per comparisonem asserunt fieri, aliqui existimant fieri fundamentaliter proxime per abstractionem intellectus agentis, vel per abstractionem præcisiuam intellectus possibilis: alij vero nec fundamentum proximum vniuersalitatis concedunt, nisi per primam simplicem abstractionem comparatiuam. Ac denique inter istos etiam est dissidium, dum aliqui per eam primam actionem simplicem comparatiuam asserunt poni fundamentum proximum vniuersalitatis, & fieri ipsum vniuersale formaliter: alij vero per primam simplicem actionem comparatiuam asserunt solum, fieri vniuersale fundamentaliter proxime, & formaliter fieri per subsequentem actionem, qua intellectus cognoscit reflexiue, & in actu signato ipsam comparisonem admodum respectus & relationis nature ad se inferiora.

Questio VIII. 307

3 Pro resolutione tamen veritatis est aduertendum primo, vniuersale alterum esse metaphisicum, & alterum vniuersale logicum. Vniuersale metaphisicum est natura, prout repræsentatur absque omnibus suis conditionibus indiuiduantibus; ac perinde vt indifferenter se habens ad omnia singularia, & licet positue illa saltem vt terminum ad quem non respiciens, se habet, vt negative communis ad omnia illa; quatenus nullum in particulari singulare respicit, nec vt alicui determinata, aut appropriata repræsentatur. Et natura sic metaphisicè vniuersalis, quamuis respiceret ea à quibus est abstracta, vt terminum à quo; quia tamen vt saltem sic non respicit illa, vt terminum ad quē; non est aliquid relatiuum, sed potius aliquid absolutum. Vniuersale autem logicum est vniuersale relatiuum ad inferiora, natura videlicet respiciens positue sua inferiora vt terminum, ad quem talis respectus illius terminatur.

4 Secundo est aduertendum, quod vniuersale logicum, cum (vt diximus) sit relatiuum, potest accipi & formaliter, & fundamentaliter. Vniuersale formaliter est, quatenus actualiter, & formaliter dicit ipsam relationem ad inferiora. Vniuersale autem fundamentaliter est, prout dicit fundamentum talis respectus & relationis, & cum relatio habeat fundamentum & proximum, & remotum, vniuersale fundamentaliter, aliud est funda-

da-

damentaliter proxime, aliud fundamentaliter remote. Vniuersale fundamentaliter proxime est, quo posito, statim intellectus potest tribuere intentionem vniuersalitatis. Vniuersale autem fundamentaliter remote est fundamentum quidem vniuersalitatis, non tamen ita completum, quod ad positionem illius statim possit poni vniuersalitatis relatio. Et quanto magis vel minus ad huiusmodi complementum accesserit fundamentum vniuersalitatis: dicetur magis vel minus remote vniuersale fundamentaliter. His ergo suppositis, ad quæstionem aliquibus conclusionibus respondetur.

5 Dico igitur primo. Vniuersale metaphisicum fit per abstractionem intellectus agentis: & perfectius atque expressius per abstractionem præcisiuam intellectus possibilis. In hac conclusione omnes debent conuenire. Et id solum intendit noster Author quæstion. 3. vniuersalium, asserens, vniuersale fieri per abstractionem intellectus agentis. Certum est enim, ipsum non loqui de vniuersali logico formaliter, prout dicit secundam intentionem vniuersalitatis, cum in principio eiusdem quæstionis asseruisset, secundam intentionem rationis, qualis est intentio vniuersalitatis, fieri per cognitionem intellectus. De vniuersali etiam metaphisico loquitur D. Thomas, cum pluribus in locis, vt in solutionibus argumentorum videbimus, expresse asserit, vel insinuat, vniuersale fieri

fieri per abstractionem intellectus. Prima autem pars conclusionis probatur, quia per abstractionem intellectus agentis natura fit vna, & indifferenter se habens ad plura, & communis saltem negative ad illa. Sed per hoc, ut praenotauimus, constituitur vniuersale metaphysicum. Illud igitur fit per abstractionem intellectus agentis. Maior probatur, nam per actionem intellectus agentis fit species impressa representans naturam, & non illius condiciones indiuiduantes: ergo representatur vt vna, si quidem per talem representationem non representatur aliquid, per quod distinguatur aut multiplicetur. Similiter licet natura sic representata non dicat respectum positum ad plura, ac perinde vt sic non sit communis pluribus positive: representatur tamen, vt indifferenter negative se habens, quatenus vt nulli appropriata, sed ab omnibus abstracta representatur: ergo natura, vt in tali specie impressa representata, est vna & communis pluribus negative per intellectum agentem. §. Confirmatur, quia per speciem ab intellectu agente a phantasmatibus abstractam, fit natura intelligibilis in actu primo, ergo cum obiectum intellectus sit vniuersale metaphysicum, per abstractionem intellectus agentis fit vniuersale metaphysicum.

Secunda autem pars conclusionis probatur, quia perfectiori & expressiori modo reperitur obiectum in specie expressa,

ac in impressa, ergo si natura in specie impressa, per intellectum agentem formata repræsentabatur vt communis & vniuersalis; perfectius & expressius fit vniuersalis in specie expressa per abstractionem præcisua intellectus possibilis producta: ac perinde formaliter fit vniuersale metaphisicum per actionem intellectus possibilis, quam per abstractionem intellectus agentis.

6 Dico secundo, Abstrahere per intellectum agentem naturam à conditionibus indiuiduantibus, & illam abstractam cognoscere abstractione præcisua intellectus possibilis, est aliquid simpliciter necessarium ad vniuersale logicum: per id tamen non solum non fit vniuersale logicum formaliter, sed nec proxime fundamentaliter. Conclusio quo ad suas tres partes est satis communis, & quoad primam manifeste probatur: nam vniuersale logicum formaliter (vt dicemus) fit per comparisonem naturæ ad inferiora, ad quod necessario requiritur cognitio eiusdem naturæ. Sed intellectus nihil potest cognoscere, nisi illud per intellectum agentem abstraxerit à singularibus: & hac abstractione in suis operationibus non potest intellectus possibilis vti, nisi prius naturam per intellectum agentem abstractam & in specie impressa ab ipso intellectu agente formata, repræsentatam absque conditionibus indiuiduantibus, intellectus possibilis simplici, & præcisua cognitione

Quaestio VIII. 311

ne cognouerit: ergo huiusmodi actiones intellectus agentis & possibilis sunt omnino praequisitae & necessariae, ut aliquod fiat vniuersale logicum. Et sic per utramque talem actionem fiet ad minus vniuersale logicum fundamentaliter, perficiendo fundamentum remotum, quod vniuersalitatis erat à parte rei, quia quanto magis accedit fundamentum ad formam seu relationem quam fundat, magis perficitur in ratione fundamenti: & ita fundamentum vniuersalitatis logicae perfectius erit per actionem intellectus agentis, quam erat à parte rei; & aliquo modo etiam perfectius erit per abstractionem praecisam intellectus possibilis, quam per abstractionem intellectus agentis.

7 Secunda autem pars conclusionis, per abstractionem videlicet intellectus agentis, aut per abstractionem praecisam intellectus possibilis non fieri vniuersale logicum formaliter, praeter quam quod manifeste deducitur ex his quae conclusione sequenti adducemus, ad probandum directe, quod vniuersale logicum formaliter fit per comparisonem intellectus possibilis, praeter id, inquam, quod non fiat formaliter per abstractionem intellectus agentis est manifestum, quia vniuersale logicum formaliter dicit secundam intentionem rationis, intentionem videlicet vniuersalitatis. Sed intentio rationis non habet esse formaliter, nisi per cognitionem intellectus; ergo cum abstractio

intellectus agentis nullatenus fit cognitio, nullatenus per illam fit vniuersale logicum formaliter.

8 Quod autem per talem abstractionem intellectus agentis simul etiam cum abstractione intellectus possibilis non fiat vniuersale logicum formaliter, probatur primo, quia intellectus possibilis cognoscens naturam, ut abstractam per intellectum agentem, cognoscit præcise illam, ut repræsentatur per speciem impressam ab intellectu agente abstractam, sed per illam repræsentatur natura secundum prædicata sua quidditatiua non repræsentatis singularibus, nec natura, ut dicit ordinem ad illa: ergo per cognitionem abstractiuam intellectus possibilis solum cognoscitur natura secundum sua prædicata quidditatiua, absque aliqua habitudine ad inferiora. Sed vniuersale logicum formaliter (ut statim dicemus) consistit in habitudine & respectu naturæ ad sua inferiora: ergo per talem cognitionem intellectus possibilis non fit vniuersale logicum formaliter.

Confirmatur primo, quia quamuis intellectus agens abstrahat naturam à determinatis singularibus, in quibus à parte rei reperitur, & talia singularia sint termini à quo prædictæ abstractionis, tamen in specie impressa sic abstracta & formata per intellectum agentem præcise repræsentatur natura, non solum non repræsentatis in illa aliquo singularibus, sed

REC

Questio VIII. 313

nec representando aliquam habitudinem, aut ordinem ipsius naturæ ad singularia, nō solum tanquam ad terminum ad quem, sed nec tanquam ad terminum à quo talis abstractionis : ergo cum intellectus possibilis per primam sui cognitionem præcisivam solum cognoscat naturam ut representatam per speciem impressam per intellectum agentem abstractam, præcise cognoscit naturam secundum sua prædicata essentialia, & absolutam ab omni prorsus respectu & habitudine ad aliud : ergo cum uniuersale logicum formaliter constituatur per respectum, & relationem naturæ ad sua inferiora, & ipsum uniuersale logicum formaliter sit natura, ut dicens talem habitudinem & respectum ad inferiora : nec per abstractionem intellectus agentis, per quam illius species abstrahitur, nec per cognitionem præcisivam intellectus possibilis fit uniuersale logicum formaliter. Discursus est legitimus, & antecedens in quo fundatur, manifeste probatur exemplo : nam intellectus abstrahens præcisiue in pomo colorem à sapore, format speciem ita representantem colorem, ut non solum non representet saporem, sed nec representet colorem cum aliquo respectu & habitudine ad saporem, & media tali specie cognoscitur color ut omnino absolutus, & absque aliquo prorsus respectu, aut habitudine ad saporem : ergo à simili cum intellectus agens abstrahit naturam à sin-

gularibus, non solum in specie impræssa, quam format, non repræsentantur ipsa singularia, sed nec repræsentatur natura, ut dicens aliquem ordinem aut habitudinem ad singularia, sed præcise cum prædicatis quidditatinis, quæ natura secundum se habet.

Confirmatur secundo, quia vniuersale logicum formaliter est vnum in multis & de multis cum respectu positiuo ad plura. Sed natura, ut repræsentatur per speciem ab intellectu agente formatam, & ut media tali specie cognita per abstractionem præcisiuam intellectus possibilis, licet sit vna communis negatiue ad plura, quatenus ut nulli appropriata, sic cognoscitur & repræsentatur: tamen non repræsentatur aut cognoscitur, ut vna communis pluribus positue: ergo per neutram talem actionem efficitur natura vniuersale logicum formaliter.

Tertio denique confirmatur: nam dato, & non concesso, quod natura abstracta per intellectum agentem à singularibus, & sic abstracta repræsentata per speciem impræssam, & cognita media ea specie per abstractionem præcisiuam intellectus possibilis, repræsentaretur, & cognosceretur cum aliqua habitudine ad eadem singularia, à quibus est abstracta; talis vtrique habitudo naturæ esset ad prædicta singularia ut ad terminum à quo, nullatenus tamen ut ad terminum ad quē (ad hoc enim requiritur, quod per reflexio-

flexionem cognoscatur, naturam esse abstractam à talibus singularibus, & comparatur ad illa ut sibi inferiora, & de quibus potest prædicari). sed vniuersale logicum formaliter (ut sæpius diximus) est formaliter relatum, & constituitur formaliter per respectum, & relationem naturæ ad sua inferiora, tanquam ad terminum ad quem: ergo nec per abstractionem intellectus agentis, nec per cognitionem præcisiuam intellectus possibilis fit vniuersale logicum formaliter.

9 Probatur secundo conclusio, quia ad abstractionem præcisiuam intellectus possibilis, non potest resultare secunda intentio vniuersalitatis: ergo nec per illam potest fieri vniuersale logicum formaliter. Antecedens probatur, quia secunda intentio vniuersalitatis, sicut & omnis alia secunda intentio, fundatur in aliqua prima intentione esse cogniti. Sed antecederet ad abstractionem præcisiuam intellectus possibilis non potest natura habere aliquod esse cognitum; cum talis actio intellectus possibilis circa aliquod objectum sit prima circa illud cognitio, quia nullam cognitionem potest de aliquo habere intellectus, nisi illud prius per intellectum agentem à singularibus abstraxerit, & sic abstractum per abstractionem præcisiuam cognouerit intellectus possibilis: ergo ad abstractionem præcisiuam intellectus nulla potest resultare secunda intentio rationis: ac

perinde nec per illam fieri vniuersale logicum formaliter.

10 Tertia denique pars conclusionis, per abstractionem videlicet intellectus agentis & abstractionem præcisam intellectus possibilis non fieri vniuersale logicum fundamentaliter proxime, seu (quod idem est) non fieri fundamentum proximum vniuersalitatis, licet plures illam negent, hac ratione, nunc videri, efficaciter probatur, quia per illam actionem fit vniuersale logicum fundamentaliter proxime, per quam habet naturam, quod immediate possit illi intellectus tribuere determinatam intentionem vniuersalitatis. Sed id per neutram prædictarum abstractionum habet natura: ergo per neutram illarum fit vniuersale logicum fundamentaliter proxime. Maior probatur, quia licet intellectus in intentione rationis iam facta possit præcisue cognoscere rationem illius genericam, non cognoscendo illius rationem specificam; tamen in productione seu effectione secundæ alicuius intentionis rationis. v.g. intentionis vniuersalitatis, vt pote quam tribuere debet alicui naturæ determinatæ, debet illam in specie determinata conficere, & ad id proximum determinatum habere fundamentum: sicuti de facto nunquam resultat relatio realis, nisi in specie aliqua determinata relationis, & ad positionem fundamenti proximi determinate aliquam specificam relationem fundamentis:

tis: ergo per illam actionem dumtaxat fit
 vniuersale logicum fundamētāliter proxi-
 me, per quam habet natura quod imme-
 diate ei possit intellectus tribuere aliquā
 specificam determinatam intentionem,
 vniuersalitatis. Minor autem, in qua
 est difficultas, probatur, quia natura ab-
 stracta per intellectum agentem, & sic co-
 gnita præcisue per intellectum possibili-
 lem, adhuc est indifferens, vt intellectus
 hanc vel illam specificè ei tribuat inten-
 tionem vniuersalitatis: ergo per eas dum-
 taxat actiones non habet natura, quod
 vnam magis quam alteram speciem vni-
 uersalitatis intellectus ei possit tribuere.
 Antecedens probatur: nam abstracta na-
 tura albedinis v.g. à Petro & Paulo, & sic
 cognita præcisue per intellectum possibili-
 lem, indifferens est, vt ad Petrum & Pau-
 lum, vel ad hoc & illud album compare-
 tur: etsi comparetur ad Petrum & Pau-
 lum, est denominabilis ab intentione ac-
 cidentis quinti prædicabilis: si autem
 comparetur ad hoc vel illud album, de-
 nobinabilis est ab intentione speciei se-
 cundi prædicabilis: similiter abstracta
 risibilitate in concreto à Petro & Paulo,
 indifferens est, vt ad Petrum & Paulum,
 vel ad hoc & illud risibile comparetur: &
 comparata ad Petrum & Paulum est de-
 nominabilis ab intentione proprii quarti
 prædicabilis; comparata vero ad hoc &
 illud risibile, denominabilis est ab inten-
 tione speciei secundi prædicabilis: ac de-

nique rationalitas in concreto abstracta, a Petro & Paulo, indifferens est, vt ad Petrum & Paulum, vel ad hoc & illud rationale comparatur: & comparata ad Petrum & Paulum, est denominabilis ab intentione differentie tertij prædicabilis: comparata autem ad hoc & illud rationale, denominabilis est ab intentione speciei secundi prædicabilis: ergo natura abstracta per intellectum agentem, & sic præcisue cognita per intellectum possibilem, indifferens est, vt vnā vel alteram specificè distinctam intellectus ei tribuat intentionem vniuersalitatis.

II. Dico tertio, vniuersale logicum tam fundamentaliter proxime quam formaliter fit per aliquam actionem comparatiuam intellectus. In hac conclusione, non determinando per quam ex duobus actionibus comparatiuis simplicibus intellectus fiat vniuersale logicum formaliter, & an per eandem actionem comparatiuam fiat vniuersale logicum fundamentaliter proxime & etiam formaliter, an vero per primam actionem comparatiuam fiat fundamentaliter proxime, & per secundam formaliter, de quibus omnibus conclusione dicemus sequenti. In hac sic indeterminata conuenire debent omnes, qui præcedentem admittunt conclusionem, & hæc manifeste deducitur ex illa: nam si vniuersale logicum fundamentaliter proxime & formaliter debet fieri per aliquam actionem intellectus, cum
his

his modis non reperiatur à parte rei; si per abstractionem intellectus agentis, & cognitionem præcisivam intellectus possibilis non solum non sit uniuersale logicum formaliter, sed nec fundamentaliter proxime; restat, quod utroque modo fiat per aliquam vel aliquas actiones comparatiuas. Et quod fiat per comparationem, manifeste probatur ex Diu. Thoma pluribus in locis: sufficiat vnum vel alterum illius testimonium clarius & expressius adducere. enim part. quæst. 28. art. 1. ita asserit: *Aliquando respectus significatus per ea, quæ dicuntur ad aliquid est tantum in ipsa apprehensione rationis conferentis vnum alteri. Et tunc est relatio rationis tantum; sicut cum comparat ratio hominem animali ut speciem ad genus, & opusc. 48. cap. 1. expresse docet secundam intentionem uniuersalitatis fieri per comparationem, qua natura abstracta ab indiuiduis, & sic abstracte cognita, comparatur ad sua inferiora, Ita enim ibi asserit S. Doctor: *Quia intellectus reflectitur supra seipsum, & supra ea, quæ in eo sunt, siue subiectiue, siue obiectiue: considerat iterum hominem sic à se intellectum sine conditionibus materia, & videt, quod talis natura, cum tali uniuersalitate seu abstractione intellecta, potest attribui huic & illi indiuiduo: & ideo format secundam intentionem de tali natura, & hanc vocat uniuersale, seu predicabile.**

12 Ratione autem sæpe iam insinuata probatur conclusio: nam uniuersale logi-

cum formaliter est relatiuum, & constituitur formaliter per relationem & respectum ad sua inferiora: ergo per illam duntaxat actionem intellectus fit, per quam in ordine ad sua inferiora natura aliqua cognoscitur, & ad illa comparatur. Sed (vt ostendimus) per nullam actionem præter actionem comparatiuam cognoscitur natura in ordine ad inferiora, nec ad illa comparatur: ergo per actionem duntaxat comparatiuam fit vniuersale logicum. Solumque restat difficultas, per quam ex duabus actionibus comparatiuis fiat vniuersale logicum formaliter: de actione enim comparatiua composita, cum illa vt faciens actuales prædicationes, supponat iam vniuersale & prædicabile, non est aliqua difficultas.

13 Dico igitur quarto: Per primam actionem simplicem comparatiuam fit vniuersale logicum fundamentaliter proximè & etiam formaliter per secundam, autem fit formalius, & expressius. Prima pars conclusionis manifestè probatur. Quia, vt ostendimus, antecedenter ad primam comparisonem non habet natura fundamentum proximum determinatæ speciei vniuersalitatis, & illud sufficientissimè habet natura per primam comparisonem, quia per illam in ordine ad determinata inferiora natura comparatur: ergo per talem primam comparisonem intellectus fit vniuersale logicum fundamentaliter proximè.

Quod

Quaestio VIII. 321

Quod autem per eandem comparationem fiat vniuersale logicum formaliter, probatur: quia, cum quaelibet cognitio intellectus sit saltem in exercitio reflexiuo, eadem cognitione, qua comparat intellectus naturam ad sua inferiora, cognoscit in exercitio reflexe ipsam comparationem, ad modum respectus & relationis realis naturae ad sua inferiora, quod est, facere formaliter ipsam secundam intentionem vniuersalitatis. & eam naturae tribuere. §. Et si inquiras, qualiter, cum fundamentum debeat aliquanquam praecedere relationem, possit per eandem numero actionem poni fundamentum proximum intentionis vniuersalitatis, & fieri formaliter ipsam relationem & secundam intentionem vniuersalitatis. §. Respondetur, quod in eadem prima comparatione intellectus possumus distinguere duplicem formalitatem, scilicet quodammodo priorem altera, videlicet comparationem naturae ad sua inferiora, & cognitionem in suo exercitio reflexam talis comparationis & secundum quod natura comparatur ad sua inferiora determinata, ponitur per talem actionem fundamentum proximum vniuersalitatis: secundum autem quod in exercitio cognoscitur per eandem actionem ipsa comparatio naturae ad inferiora; fit formaliter ipsa relatio & intentio vniuersalitatis. §. Vltima tandem pars conclusionis, videlicet quod per secundam comparationem intel.

intellectus, qua reflexe, & in actu signato cognoscit comparationem & habitudinem naturæ ad sua inferiora ad modum relationis & respectus realis ipsius naturæ ad talia inferiora, fiat vniuersale magis formaliter, patet: quia cum intentio vniuersalitatis, sicut quodlibet aliud ens rationis, consistat formaliter in esse obiectiuo, quod habet in intellectu; tanto habebit formalius & perfectius esse, quanto expressius, & magis in actu signato ab intellectu cognoscetur: ergo licet, ut fiat, & existat formaliter relatio & intentio vniuersalitatis sufficiat, quod in exercitio cognoscatur per primam comparationem ab intellectu; formalius tamen & perfectius existeret, cum expressius & in actu signato per secundam comparationem cognoscetur.

14 Obijcies primo varia testimonia D. Thomæ, quæ ad tria possunt reduci. Primum, quod sapius sanctus Doctor, & præcipue 1. part. quæst. 85. art. 1. ad 1. loquens de abstractione præcisiua qua intellectus cognoscit naturam, non cognitis singularibus, asserit, quod eo modo abstrahitur vniuersale à particulari: sentireque perinde videtur, per eam abstractionem fieri vniuersale. S. Secundum testimonium D. Thomæ est 1. par. quæst. 29. art. 5. in 2. argumento, & in illius solutione dicentis: *Quod intellectus agens facit vniuersale, quod est vnum in multis.* Sed vniuersale logicum est vnum in multis. Sentit, ergo expresse D. Tho-

Quæstio VIII. 323

D. Thomas: quod vniuersale fit per actionem intellectus agentis. §. Tertium denique & difficilius testimonium eiusdem Angelici Doctoris habetur 1. p. quæst. 85. art. 2. ita asserentis: *quod humanitas apprehendatur sine indiuidualibus conditionibus (quod est ipsum abstrahi, ad quod sequitur intentio vniuersalitatis) accidit humanitati, secundum quod concipitur ab intellectu, in quo est similitudo naturæ speciei, & non indiuidualium principiorum.* Hæc D. Thomas. In quibus cum ad ipsum abstrahi humanitatis à conditionibus indiuiduantibus asserat sequi intentionem vniuersalitatis; videtur manifestè sentire, quod per ipsam abstractionem fit vniuersale formaliter: per illam enim actionem fit vniuersale formaliter, ad quam sequitur intentio vniuersalitatis.

15 Respondetur generaliter ad hæc & omnia alia, quæ ad idem probandum, possunt adduci D. Thomæ testimonia, quod eum duplex, vt diximus; sit vniuersale, alterum videlicet metaphysicum, & obiectiuum, & alterum vniuersale logicum; quotiescunque D. Thomas videtur asserere, per abstractionem intellectus fieri vniuersale; loquitur de vniuersali metaphysico, non autè de vniuersali logico. Cum enim clarissime in testimonijs pro nostra sententia adductis, & in alijs pluribus asserat, illud fieri per comparisonem intellectus comparantis naturam ad sua inferiora,

riora, quæ testimonia, cum non possint intelligi nisi de vniuersali logico, & alia, quæ in oppositum adducuntur, possint explicari de vniuersali metaphisico; de illo sunt intelligenda: ne dicamus, D.Thomā esse sibi contrarium. Et hoc modo proculdubio est intelligendum primum testimonium adductum. De eodem etiam vniuersali metaphisico explicandum est secundum adductum testimonium: & quod cum dicit in illo D.Thomas, quod intellectus agens facit vniuersale, quod est vnum in multis, debet intelligi, quod per intellectum agentem vniuersale fit vnum negatiuè in multis, quatenus natura per intellectum agentem abstracta, & vt nulli applicata representatur, indifferens est negatiuè ad plura, quod est esse vniuersale metaphisicè. Non tamen intendit D.Thomas, quod per intellectum agentem natura fit vna in multis positiuè, nec positiuè indifferens ad plura: id enim solum habet natura per comparisonem intellectus comparantis illam ad sua inferiora: & eo modo naturam esse vnā positiuè, communē, & indifferentem positiuè ad plura, requiritur ad vniuersale logicum. Ad vltimum denique adductum D.Thomæ testimoniū respondetur, quod cum S.Doctor asserit, ad ipsum abstrahi naturam per intellectum agentem, sequi in illa intentionem vniuersalitatis, non intendit quod sequatur talis intentio ad eam intellectus agentis ab-

abstractionem ; ita vt ad eam formaliter talis intentio resultet : id enim non potuit intendere D. Thomas, cum saepius dixerit, quod vniuersalitatis intentio formaliter est aliquid rationis , & quod ens rationis non resultat nisi ad cognitionem intellectus : ac perinde cum abstractio intellectus agentis non sit cognitio, ad illam formaliter non potest resultare intentio vniuersalitatis : immo nec ad abstractionem intellectus agentis , vt ad sui proximum, fundamentum , potest vniuersalitatis intentio resultare . Quia, vt diximus, neque per talem abstractionem, nec per cognitionem praecisiuam intellectus possibilis habet naturam fundamentum determinatum, determinatae intentionis vniuersalitatis . Solum igitur intendit D. Thomas, quod ad ipsum abstrahi naturam per intellectum agentem, sequitur intentio vniuersalitatis, quatenus ad talem abstractionem & cognitionem naturae vt sic abstractae , sequitur actio comparatiua intellectus, per quam & ponitur fundamentum proximum vniuersalitatis , & ipsa intentio vniuersalitatis , in exercitio per eandem actionem cognita, formaliter resultat.

16 Obijcies secundo praecipuum oppositae sententiae fundamentum , quod per abstractionem intellectus agentis per quam abstrahitur natura a singularibus , vel ab aliis suis, inferioribus fit natura vna in multis, & de multis . Ergo fit vniuersale
logi-

logicum formaliter. Pater consequentia à definitione ad definitum: & antecedens probatur. Nam per eam abstractionem, natura, quæ in singularibus erat multiplex, diuisa, multiplicata, & determinata, fit vna & indifferens ad plura. Ergo fit vna in multis, & de multis. Prima pars antecedentis patet: quia per intellectum agentem natura abstrahitur à conditionibus indiuiduantibus, per quas multiplicabatur, & diuidebatur. Ergo fit vna, siquidem vt sic abstracta repræsentatur absque aliquo illam diuersificantē. Secunda autē pars antecedentis, in qua est difficultas, probatur. Nam eo ipso, quod natura per intellectum agentem est à pluribus abstracta, indifferens manet ad omnia illa, aliquamque specialem habitudinem dicit ad illa, quam non dicit ad alia, à quibus non est abstracta. Ergo vt sic abstracta natura non solum manet vna, sed & indifferens ad plura, ad illa videlicet, à quibus est abstracta.

17 Respondetur, quod per abstractionem intellectus agentis natura quidem fit vna (vt rectè quantum ad hoc probat argumentum) non tamen est indifferens ad plura positivè, sed solum indifferens negativè ad illa, quatenus, vt repræsentatur nulli appropriata, æqualiter negativè se habet ad omnia. Hæc autem negatiua indifferētia, licet sufficiat ad vniuersale metaphysicum, ac perinde vt natura per intellectum agentem abstracta fiat vniuersalis

Quaestio VIII. 327

lis metaphisice, non tamen sufficit ad vniuersale logicum; sed ad illud requiritur positiua indifferentia naturæ ad plura: quam vtique non habet natura per intellectum agentem abstracta, siquidem representatur per speciem, non representatis in actu signato, nec in exercitio conditionibus indiniduantibus, nec aliqua habitudine naturæ ad inferiora.

18 Contra hanc tamen solutionem, quæ legitima est, obijcies: quod eo ipso, quod natura sit abstracta à talibus indiuiduis, debet representari cum aliqua habitudine ad illa, à quibus est abstracta, saltē vt ad terminum à quo talis abstractionis. Sed eo ipso, quod vt sic representetur, intellectus possibilis cognoscens naturam, media tali specie, cognitione præcisiua cognoscit illam saltem in exercitio, vt dicit habitudinem vt ad terminum ad quem ad illa à quibus est abstracta, nam eo ipso, quod cognoscit intellectus naturam esse abstractam ab aliquibus inferioribus, cognoscit in exercitio, eam dicere habitudinem ad ea, vt ad illa, de quibus potest prædicari: ergo per abstractionem intellectus agentis fit vniuersale logicum formaliter, saltim inchoatiuè: & per primam cognitionem præcisiuam intellectus possibilis fit formaliter cōplere. Maior, in qua est difficultas, probatur: nam si abstracta natura per intellectum agentem non representaretur saltem in exercitio cum aliqua

aliqua habitudine ad ea, à quibus est abstracta: non habebit intellectus possibilis aliquod principium ad cognoscendum & comparandum talem naturam ad ea magis, à quibus est abstracta, quam ad quælibet alia à quibus abstracta non est. Sed etiam in sententia opposita intellectus postea comparat naturam ad ea, à quibus est abstracta: ergo in specie naturæ per intellectum agentem abstracta repræsentatur natura saltem in exercitio, cum aliqua habitudine ad illa, à quibus est abstracta.

19 Aliqui conuicti argumento præcedenti, & replica aduersus solutionem facta, concedunt, per speciem impressam ab intellectu agente abstractam repræsentari naturam cum aliqua habitudine ad ea, à quibus est abstracta, tanquam ad terminum à quo, & ut sic solum cognosci per primam cognitionem præcisivam intellectus possibilis; non tamen repræsentari naturam per speciem, aut media illa, cognosci per talem primam cognitionem præcisivam cum aliqua habitudine ad inferiora, tanquam ad terminum ad quem; sed solum cum ea habitudine cognosci per actionem comparatiuam intellectus, & sic per illam fieri vniuersale logicum formaliter, utpote quod formaliter constituitur per relationem ad inferiora tanquam ad terminum ad quem.

Sed certe si cum ea habitudine ad inferiora-

Quaestio VIII. 329

feriora tanquam ad terminum à quo repræsentaretur natura per speciem, & cognosceretur per primam cognitionem intellectus possibilis, eo ipso in exercitio absque necessitate alterius reflexivæ comparationis cognosceretur natura, ut dicens ordinem etiam tanquam ad terminum ad quem, ad eadem inferiora, quia non potest cognosci naturam aliquam abstractam esse ab individuis, quin eo ipso saltem in exercitio cognoscatur, illam esse realiter in individuis: etsi semel admittitur, quod in exercitio cognoscitur, naturam esse realiter in individuis, etiam in exercitio cognoscitur habitudo illius ad individua, ut in quibus est, & de quibus potest prædicari. Etsi quis dicat, quod id iam est facere comparationem naturæ ad individua: hoc ipsum intendunt contrarii, quod in prima cognitione intellectus sit necessario imbibita in exercitio comparatio naturæ ad individua: ac perinde quod per eam primam actionem intellectus possibilis, absque eo quod sit necessarium recurrere ad alteram actionem reflexivæ, & in actu signato comparativam, fiat uniuersale logicum formaliter. Ne igitur hoc compellamur admittere, respondetur iuxta solutionem datam, nullatenus per speciem per intellectum agentem abstractam repræsentari naturam aut per primam cognitionem intellectus possibilis cognosci cum aliqua prorsus habi-

tudine ad ea, à quibus est abstracta, nec tanquam ad terminum à quo, sed præcisè representari & cognosci naturam non representatis nec cognitis singularibus, nec aliqua habitudine naturæ ad illa; sicuti visus in pomo percipit colorem, non solum non percipiendo saporem, sed nec percipiendo colorem cum aliqua habitudine ad saporem, quia per speciem media qua colorem percipit visus, non solum non representatur sapor, sed nec representatur color cum aliqua habitudine ad saporem. Et eodem modo quantum ad hoc (vt colligitur ex D. Thom. 1. p. q. 85, art. 2.) se habet species abstracta naturæ per intellectum agentem, & simplex ac præcisua cognitio illius media tali specie; quod videlicet solum representantur, & cognoscitur natura, non representatis aut cognitis indiuiduis, aut aliqua prorsus habitudine naturæ ad illa. §. Ad argumentum autem aduersus hoc in replica factum respondetur, quod licet hæc ita sint, postea tamen intellectus possibilis conuertendo se ad phantasmata, à quibus intellectus agens naturam abstraxit, & cōtemplando per reflexionem eadem phantasmata, comparat naturam ad singularia, in quibus realiter est, aut potest esse, & de quibus deinde potest prædicari, & sic conficit vniuersale logicum.

30 Obijcies tertio, quod per contractionem, quam natura à parte rei habet
ad

Quaestio VIII. 3 31

ad singularia, fit singularis formaliter. Ergo per abstractionem per intellectum, agentem naturæ à singularibus, fit natura vniuersalis formaliter. Probatur consequentia: nam non minus efficax videtur abstractio à singularibus ad faciendum, vniuersale, quam contractio ad singularia ad faciendum singulare. Ergo eodem modo per abstractionem fit vniuersale, ac per contractionem fit singulare.

Respondetur, quod eodem vtique modo fit vniuersale per abstractionem à singularibus, ac singulare per contractionem: sed per contractionem solum fit singulare metaphisicum & reale: non vero singulare logicum, sed illud formaliter fit per comparisonem dumtaxat intellectus comparantis illud vt inferius ad naturam specificam, & respectu illius est tribuentis intentionem indiuidui subijcibilis, per quā in ratione singularis logici formaliter constituitur. Et ita proportionabiliter per abstractionem à singularibus solum fit natura vniuersalis metaphisicè, & per comparisonem illius ad inferiora fit vniuersale logicum.

21 Obijcies quarto, quod natura abstracta per intellectum agentem habet in eo statu quidquid haberet natura à parte rei, si realiter separata à singularibus existeret. Sed tunc esset natura à parte rei vniuersalis; siquidem esset vna indifferenter se habens ad plura. Ergo licet id sit
im-

impossibile a parte rei, de facto tamen id habens natura in intellectu per actionem intellectus agentis, per illam fit vniuersalis.

Respondetur, concessa maiori, distinguendo minorem, & de vniuersali metaphisico conceditur; negatur tamen de vniuersali logico. Natura enim realiter separata a singularibus a parte rei existens, esset quidem vna, & indifferenter negatiue se haberet ad omnia singularia non tamen esset indifferens positiue ad illa, nec illa positiue respiceret, & sic non esset vniuersale logicum, sed vniuersale metaphisicum. Et ita natura similem statum habens per intellectum agentem, solum per id fit vniuersalis metaphisice. Vel potest dici, quod natura realiter separata a singularibus, & illa essent illius effectus in genere causæ realis exemplaris, diceret aliquam habitudinem realem positiuam ad illa: & sic esset a parte rei vniuersalis, eo modo quo nos per comparisonem intellectus, per quam natura accipit positiuum ordinem ad inferiora, dicimus illam fieri vniuersalem. Quia tamen natura, ut potè re vera realiter indistincta a singularibus, non dicit positiuum respectum ad illa, nisi quatenus per intellectum eam ad illam comparantis, concipitur aliquid, ad modum respectus, & relationis ad sua inferiora, antecederet ad hoc non fit vniuersale logicum formaliter.

Questio VIII. 333

22 Ultimo tandem specialiter obij-
cies aduersus ultimam conclusionem, ,
quod vt fiat vniuersale logicum forma-
liter, non sufficit, comparare naturam
ad inferiora, sed requiritur, comparare
etiam ipsa inferiora ad naturam vt supe-
riorem: & requiritur insuper cognoscere
ipsam comparationem ad modum respec-
tus & relationis comparari ad ea, ad quæ
comparatur. Sed totum hoc videtur posse
fieri per primam comparationem intelle-
ctus, & ad id necessario videtur requiri
alteram actionem reflexiuè & in actu si-
gnato comparatiuam. Ergo per primam
comparationem non fit vniuersale logicum
formaliter.

Respondetur, quod cum, vt sæpius dixi-
mus, intellectus in suis cognitionibus sit
saltem in exercitio reflexiuus, eadem pri-
ma comparatione, qua cognoscit, & com-
parat naturam in ordine ad sua inferiora,
cognoscit, & comparat inferiora ad natu-
ram, & ipsam vtramque comparationem
cognoscit in exercitio: quod sufficit, vt
non solum per illam actionem ponatur
fundamentum, proximum vniuersalitatis,
& subijcibilitatis, sed & quod ipsa vtra-
que intentio formaliter ad talem actionem
resultet. Licet, vt vltima conclusione fa-
temur, formalius & expressius tales inten-
tiones fiant, cum per secundam actionem
comparatiuam magis reflexe, expresse, & in
actu signato cognoscuntur.

LIBER

QUARTVS

DE PRAEDICABILIBVS.



In hoc libro post duas priores quaestiones quasi ad praedicabilia proœmiales, super singula capita Porphyrij, quaestiones, quae se offerent, exagitabimus. Et cum in qualibet quaestione opus sit, praemittere, quae in textu asserit Porphyrius, & in examen vocantur; ne eadem inutiliter repetamus, in eisdem quaestionibus, in qualibet videlicet, quod ad illam attinet, totam doctrinam Porphyrij perstringere conabimur. Omnes tamen quaestiones huius libri eundem inter se ordinem observabunt.

QVÆSTIO I.

Vtrum vniuersale adequatè diuidatur in quinque praedicabilia?

Quamuis in quinque solum praedicabilia, genus, speciem, differentiam, proprium, & accidens Porphyrius diuiserit vniuersale; non desunt, qui ob diuersa fundamenta postea proponenda & diluenda,

da, eam diuisionem iudicauerint in sufficientem, dum alij plura, alij pauciora quàm quinque, asserunt, esse prædicabilia.

2 Pro explicatione veritatis aduertendum est primo, quod cum hic non quodlibet, quod potest de aliquo prædicari, diuidatur, sed vniuersale, illud scilicet, quod vt superius de aliquibus vt sibi inferioribus potest prædicari, solum penes diuersum modum prædicandi aliquid vt superius de suis inferioribus, possunt diuersa assignari prædicabilia.

3 Secundo pro eiusdem difficultatis resolutione, & solutione plurimum, quæ aduersus sufficientiam huius diuisionis poterunt obijci, est aduertendum, vniuersale hic accipi, non pro quocumque etiam vt superiori de aliquibus prædicabili (si enim sic acciperetur, non esset difficile plura, quam præfacta quinque assignare prædicabilia) sed accipitur vniuersale pro eo, quod est vnum in multis, ex quo plures deducuntur ad vniuersale requisitæ conditiones: defectu quarum plura excluduntur ab huius diuisionis diuiso. Prima, quod vt aliquid sit vniuersale, non sit æquiuocum, nec analogum respectu inferiorum. Quia æquiuocum non est vnū, sed simpliciter plura: Analogum autem non habet vnitatem simpliciter, sed solum secundum quid. Et hac ratione ens, & quodlibet prædicatum analogum, licet vt aliquo modo superius prædicetur de pluribus, non continetur sub diuiso, nec sub

aliquo membro huius diuisionis. Secundo requiritur, quod non sit transcendens: vel quia omnis transcendentia inducit analogiam; vel quia saltem prædicatum transcendens non potest totaliter abstrahi, nec præscindi ab inferioribus. Tertio etiam requiritur, quod non sit prædicatum negatiuum, vt non lapis, non homo. Tum, quia prædicatum negatiuum dicit quodammodo transcendentiam. Tum etiam, quia cum non dicat naturam determinatam; nec de his de quibus prædicatur, quid sint, sed potius quid non sint; non dicit propriè aliquid vnum. Quarto requiritur, quod sit incomplexum: vnum enim non potest esse, nisi excludendo omnem complexionem: complexa enim, cum ex pluribus non solum vocibus, sed conceptibus resultent, non habent vnitatem simpliciter. Et hac ratione excluditur à ratione prædicabilis definitio, & quodlibet aliud prædicatum complexum.

4. His suppositis, dicendum est cum nostro Authore quæst. 5. vniuersalium & cum communi sententia optime & adæquatè diuidi vniuersale, tanquam in species athomas in quinque prædicabilia: & quod non sunt plura, nec pauciora quam quinque. Conclusio præter auctoritatem Porphyrii, quæ in hac parte non est paruipendenda, confirmatur auctoritate D. Thomæ opusc. 48. cap. 1. hanc approbantis diuisionem. Et eius sufficientia duplici ratione à nostro Authore probatur.

tur. Primo proportionē sumptā à composito naturali: & his, quæ ipsi competūt. Quinque enim sunt in composito naturali, scilicet, compositum, materia, forma, proprium, quod competit ratione formæ, & accidentia, quæ accidunt ratione materiæ individui. Ad hunc modum in compositione metaphisica est compositū, puta, species, materia, scilicet genus, & forma, quæ est differentia; & proprium, & accidens: ergo tantum sunt quinque prædicabilia.

Secundo eadem sufficientia, & magis à priori probatur. Nam quidquid ut univocum, determinatum, positivum, & in complexum de aliquibus prædicatur, vel prædicatur de illis, ut dicens totam essentiam illorum, & sic est species, vel prædicatur, ut dicens partem essentiæ illorū: & tunc vel dicens partem genericam determinabilem, & sic constituit genus: vel ut dicens partem differentialem & determinantem, & sic constituit differentiam: vel prædicatur ut dicens aliquod accidēs respectu illorum, de quibus prædicatur, & sic vel dicens accidens aliquod propriū illis ab eorumque profuens essentia, & tunc est proprium quartum prædicabile: vel dicens accidens commune, & tunc ad accidens quintum prædicabile pertinet: ergo cum nullus alius modus prædicandi excogitari queat, qui vel ad aliquem ex quinque assignatis directè, vel reductivè non pertineat, divisionem istam adæqua-

tam : & non plura nec pauciora, quam quinque esse prædicabilia, est asserendum.

§ Obiicies primo ad probandum, prædicabilia pauciora esse quam quinque. Nam solum dantur quatuor prædicata : ergo quatuor solum prædicabilia. Idem enim posset prædicabile, ac prædicatum. Antecedens colligitur ex Aristotele 1. Top.c.4. ubi numerans prædicata, quatuor solum genus videlicet, definitionem, proprium, & accidens assignauit.

Confirmatur, nam Philosophus etiam lib.3. de partibus animalium cap. 1. ait, quæ communitatem habent, aut esse analoga, aut genera, aut species : ergo cum analoga (vt diximus) non sint vniuersalia, vt hic accipimus vniuersale, secundum mentem Aristotelis, non videtur esse nisi duo prædicabilia, scilicet genera, & species.

Respondetur ad argumentum, negando consequentiam. Diuersa namque ratio prædicati & prædicabilis est : prædicatum enim respectu speciei dicitur, & in ordine ad illam eius ratio desumitur. Vnde cum ipsa species respectu sui ipsius, prædicatum esse nequeat, tantum dantur quatuor prædicta : differentia enim in definitione includitur. Prædicabilis autem ratio, quia non in ordine ad speciem, sed in ordine ad inferiora est desumenda, & hic ordo non quaduplex tantum, sed quintuplex, vt ostendimus, est; quinque perinde enumerantur prædicabilia.

Ad

Ad confirmationem dicitur, Aristotelē in illo loco non numerare prædicata omnia communia, sed ea tantum, quæ ad quæstionem, quid est? pertinent, & ita nō mirum si analogæ solum & genera, & species assignauerit.

6 Obijcies secundo, quod sunt plura, quam quinque prædicabilia. Nam prædicabilia distinguuntur ex diuersis modis, quibus aliquid de inferioribus prædicatur. Sed multo plures, quam quinque modi prædicandi de inferioribus sunt: ergo multo plura quā quinque sunt prædicabilia. Maior est certa, & minor probatur. Diuersus modus prædicandi sumitur ex diuerso modo essendi, quia enim species diuersimode est in indiuiduis, ac proprium diuersum modum habet prædicandi de illis. Sed sunt plures quam quinque modi essendi, decem videlicet decem diuersa constituentes prædicamenta, quæ ex diuersis modis essendi distinguuntur: ergo totidem erunt modi prædicandi, & consequenter prædicabilia.

Respondetur negando minorem. Et ad probationem negatur, plures quam quinque esse modos, quibus vniuersale in inferioribus sit: nam licet decem sint modi essendi entis, decem constituentis prædicamenta, omnes illi materialiter se habent ad rationem vniuersalis & prædicabilis, quæ solum formaliter respicit modum essendi in inferioribus essentialem, vel accidentalem. Vnde cum omnia; nouem

prædicamenta accidentis conueniant in hoc, quod est dicere aliquid extra essentiã subiecti, omnis alia differentia inter ipsa reperta, materialiter omnino, & per accidens se habet ad rationem prædicabilis.

7 Tertio obijcies, quod anima & punctum sunt vere prædicabilia, siquidem anima de hac & illa anima & punctum de hoc & illo puncto prædicatur. Sed non ad aliquod ex quinque prædicabilibus pertinent: ergo sunt plura quam quinque. §. Nec valet dicere. esse entia in completa: ac perinde non posse propriè habere rationem prædicabilis. §. Non, inquam, hoc satisfacit, quia etiam differentia, v.g. rationale, est aliquid incompletum positum non directè, sed ad latus prædicamenti. Et tamen veram habet rationem prædicabilis: ergo hoc non tollit esse aliquid incompletum.

Respondetur ad argumentum, solutionem ibi assignatam esse optimam. Nam si anima & punctum aliquo modo deberèt de hac & illa anima, & de hoc & illo puncto prædicari, maximè, vt dicunt totam essentiã illorum. Non enim possunt prædicari, vt dicunt aliquam partem essentiæ, nec per modum accidentis: cum, ergo, quia entia incompleta sunt, non propriè dicant aliquam essentiã, non habent propriè rationem prædicabilis, sed solum reductiuè: reducuntur enim tales prædicationes ad speciem, Et per hoc patet ad replicam, diuersa enim est ratio differen-

differentiæ, quia cum dicat partem essentiæ, bene potest esse quid incompletum: præfata autem prædicata, quia non prædicantur ut aliquid, quod dicit partem essentiæ, sed ut dicit totam essentiam, & hanc quia aliquid incompletum sunt, propriè non importent, non pertinent propriè ad rationem prædicabilis.

8. Quarto obijcies, quod indiuiduum vagum v.g. aliquis homo, est vere prædicabile, siquidem prædicatur de pluribus: istæ enim sunt veræ prædicationes, Petrus est aliquis homo, Paulus est aliquis homo, &c. & tamen ad nullum ex quinque assignatis prædicabilibus pertinent: ergo Minor probatur, si enim ad aliquod pertineret, maxime ad speciem. Sed ad illam non pertinet. Tum, quia non dicit essentiam hominis, sed modum particularem, existendi. Tum etiam, quia diuersæ rationis est hæc prædicatio, Petrus est homo, ab ista, Petrus est aliquis homo: ergo cum illa sit prædicatio speciei, hæc debet esse alterius prædicabilis.

Confirmatur: nam persona, & suppositum de pluribus etiam prædicantur. Et tamen ad nullum assignatum ex quinque prædicabilibus pertinent: ergo.

Ad argumentum (& consequenter eodem modo ad confirmationem) aliqui, teste Caiet. cap. de specie respondent, excludendo indiuiduum vagum à ratione prædicabilis, eo quod sit æquiuocum, & non importet aliquid vnum, sed plures

342 *Lib. 4. de Prædicabilibus*

modos particulares existendi inter se primo diuersos : & aliqui eo, quod saltem, sit analogum : & aliqui denique, eo quod sit prædicatum transcendens. Sed nullum istorum potest stare cum doctrina D. Thomæ, qui q. 9. de potentia art. 2. ad 1. docet, quod persona & indiuiduum vagum dicit aliquem modum particularem existendi communem omnibus indiuiduis. Et idem habet 1. p. q. 30. art. 4. in corpore. Et ratio est, quia sicut natura est communis vniuoce omnibus indiuiduis, ita & modus particularis existendi abstrahibilis cum omnimoda vnitatem à modo existendi huius vel alterius indiuidui : ergo indiuiduum vagum, persona, suppositum, & hypostasis, quæ dicunt modum existendi naturæ, aliquid commune vniuoce omnibus indiuiduis important : ac perinde non sunt prædicata propriè transcendentia. Tum, quia alias non essent vniuocea. Tum etiam, quia non prædicantur de natura humana in quolibet statu : si enim daretur realiter separata, ut existamabat Platon, illa non esset aliquis homo, ut asserit D. Thomas loco citato in q. de potentias nec natura humana, prout est in intellectu abstracta à singularibus, dicitur aliquis homo. Non igitur ob aliquod illorum indiuiduum vagum, persona, suppositum, vel hypostasis excluditur à ratione prædicabilis, sed quia non dicit in recto aliquam naturam, vel partem naturæ, nec aliquod accidens illius, sed modum in complexum naturæ,

naturæ, vel alterius prædicari essentialis, vel accidentalis. Vnde propriè indiuiduum vagum (& idem dico de supposito, hypostasi, vel persona) non pertinet ad aliquod prædicabile, sed reducitur ad illud prædicabile, cuius naturæ modum existendi importat: vt ad speciem, indiuiduum, vagum, specificum, vt aliquis homo; ad genus, indiuiduum, vagum genericum, vt aliquod animal; ad differentiâ, indiuiduum vagum differentiale, vt aliquod rationale: & ad proprium, & accidens sua etiam indiuidua vaga, vt aliquod risibile, aliquod album. Et per hæc patet ad omnes probationes argumenti & ad illius confirmationem.

9 Obijcies quinto, quod omnia prædicabilia ad duo tantum possunt reduci, scilicet, ad prædicabile in quid, & prædicabile in quale. Perperam igitur assignantur quinque prædicabilia. §. Si dicas, quod licet possit vniuersale diuidi in duo prædicabilia, prædicabile, videlicet in quid, & prædicabile in quale, tanquam in species subalternas diuisibiles in alias species; hæc tamen diuisio datur vniuersalis in suas species infimas, & sic rectè diuiditur in quinque prædicabilia.

Contra host est. Nam species infimæ prædicabiles, plures sunt quam quinque; datur enim duplex prædicabile differentie: ergo cum Porphyrius vnum tantum differentie prædicabile enumerans, quinque solum prædicabilia assignauerit; plu-

ra quam quinque concedi debent. Antecedens probatur, differentia subalterna & differentia athoma, sensibile v.g. & rationale, pertinent ad diuersa prædicabilia: ergo datur duplex prædicabile differentiarum. Antecedens probatur; differentia subalterna prædicatur de pluribus differentibus specie, & athoma de pluribus differentibus numero: ergo pertinent ad diuersa prædicabilia: hac enim sola ratione genus & species constituunt duo prædicabilia, quia genus de pluribus differentibus specie; species autem de pluribus numero differentibus prædicatur: ergo cum hæc eadem diuersitas inter differentiam athomam & subalternam reperiatur; diuersa itidem constituunt prædicabilia. §. Idem prorsus argumentum potest fieri de proprio: quia proprium speciei subalternæ prædicatur de pluribus differentibus specie, & proprium speciei athomæ de pluribus differentibus numero.

• Respondetur ad argumentum, solutionem ibi assignatam esse optimam. Ad replicam autem respondetur negando, duplex esse prædicabile differentiarum, seu differentiam athomam & subalternam in ratione prædicabilis distingui essentialiter. Sicut enim genus, siue supremum, siue intermedium, siue vltimum sit, in ratione prædicabilis essentialiter eiusdem rationis est, quia eundem modum habet prædicandi, scilicet vt dicens partem deter-

mi-

minabilem speciei, quamvis genus supremum dicat naturam magis determinabilem, quam genus ultimum, vel intermedium; eodem modo licet differentia subalterna dicat gradum differentialem non ultimo determinantem, & differentia atomica importet gradum determinantem, cum utraque dicat partem essentialem differentialem speciei, non distinguuntur in ratione prædicabilis nisi accidentaliter: ac perinde non constituunt diuersa prædicabilia. Vnde ad argumentum respondetur, quod prædicari de pluribus differentibus specie, vel de pluribus differentibus numero, non est differentia, sufficiens, ad distinguendum essentialiter prædicabilia, nisi interueniat alius diuersus modus prædicandi, sicut in genere & specie interuenit, quæ ex eo essentialiter in ratione prædicabilium distinguuntur, (vt docet noster Author cap. de specie, quæst. vnica circa solutionem ad secundum) quia genus prædicatur, vt dicens in actu solam partem essentialis eorum, de quibus prædicatur, licet in potentia dicat totam eorum essentialiam. Species autem prædicatur de indiuiduis, vt dicens in actu totam illorum essentialiam, & in potentia rationes indiuiduales illorum, quæ extra essentialiam illorum sunt. Et sic quando in definitione speciei, & generis plura diuersa numero vel plura diuersa specie, vt terminus relationis generis & speciei, ponuntur, debent sumi, secundum

duobus

346 Lib. 4. de prædicabilibus

dum quod in ipsis terminis hic diuersus modus prædicandi refunditur. Differentia autem atomica & subalterna, quia habent eundem modum prædicandi (vtraque enim prædicatur, ut dicens in actu solam partem essentiae eorum, de quibus prædicatur) quamuis vna de pluribus differentibus specie, & altera de pluribus differentibus numero prædicetur; non differunt essentialiter in ratione prædicabilis. Et idem dicendum est de proprio: cum enim proprium infimum & subalternum eundem habeant modum prædicandi, quia vtrumque prædicatur, ut dicens accidens profluens ab essentia; non differunt essentialiter in ratione prædicabilis.

10. Ultimo potest aduersus hanc diuisionem obijci, quod omnia membra illius cum vno, videlicet cum specie, coincidunt, omnia enim illa sunt species subijcibiles respectu vniuersalis, imò & species prædicabiles respectu aliquorum inferiorum, ut genus respectu huius & illius intentionis generis, & differentia respectu huius & illius intentionis differentiae, & sic de alijs. Ergo cum in bona diuisione membra debeant esse inter se formaliter opposita, & vnum non coincidere cum altero, hæc diuisio non videtur bona.

Respondetur, quod in huiusmodi intentionibus rationis, quamuis inter se sint essentialiter distinctæ, quod sufficit, ut diui-

diuisio sit bona; vna intentio potest sub altera denominatiue contineri, & ab illa denominari. Et sic quatuor prædicabilia continentur denominatiue sub intentione speciei, & ab illa denominantur: & id non obstat bonæ diuisioni, solumque illi obflaret, si vnum membrum essentialiter sub alio contineretur.

Q V Æ S T I O I I.

Vtrum vniuersale sit genus ad quinque prædicabilia.

D Icendum est, vniuersale esse genus ad quinque prædicabilia, non quidem supremum, nec infimum, sed genus inter medium ad illa. Oppositum aliqui tenent existimantes, vniuersale esse analogum ad quinque prædicabilia: & alij, quia existimant, illud includi in differentijs prædicabilium, nec ab alijs posse præscindi. Sed conclusionem cum communi sententia docet noster Author quæst. 4. vniuersalium conclus. 3. & cap. de genere, quæst. vnica in solutione ad 4. Et prima pars conclusionis probatur. Quia vniuersale est quid essentialiter superius, & vniuocum, & quidditatiuū omnibus prædicabilibus, & in illorum non inclusum differentijs. Ergo est genus ad illa, consequentia patet: Quia non aliud requiritur ad rationem generis. Antecedens proba-

348 *Lib. 4. de prædicabilibus*

batur. Quia omnia prædicabilia essentialiter sunt vniuersalia, & simpliciter ratio vniuersalis cuilibet illorum competit, neque in ratione communi vniuersalis vnum ab altero dependet; & ad quæstionem, quid sit quodlibet prædicabile? optime, quod sit vniuersale, respondetur. Ergo vniuersale est essentialiter superius, vniuocum, & quidditatum omnibus prædicabilibus: & cum in conclusione loquamur de vniuersali completo, illud non includitur indifferentijs prædicabilium, vtpotè quæ sunt aliquid in completum: sicut in prædicamento substantiæ, substantiam completam dicimus esse genus, quia illa non includitur indifferentijs, quæ sunt quid incompletum in genere substantiæ. Ergo cum vniuersali omnia prædicta competant ad rationem generis respectu prædicabilium, verè est genus ad illa.

2. Secunda autem pars conclusionis explicatur, simul & probatur. Quia alia genera vniuersali superiora, vt ens rationis, & secunda intentio rationis possunt prædicabilibus assignari. Nec vniuersale in communi est genus infimum ad omnia prædicabilia, quia inter illud & prædicabilia mediat aliud genus, scilicet, prædicabile *inquit*, quod est genus ad duo priora prædicabilia, & prædicabile *inquale*, quod est immediatum genus ad differentiam, & mediatum ad propriam & accidens, quia immediatum genus illorum est

est prædicabile in quale accidentaliter, diuisibile per prædicabile in quale accidentaliter proprie, & accidentaliter communiter. Restat ergo, quod vniuersale sit genus intermedium ad quinque prædicabilia. Nec interest, quod inter vniuersale & quinque prædicabilia non mediet aliquod genus proximum, in quo conueniant omnia prædicabilia. Hoc enim non requiritur, sed sufficit, quod aliqua illorum habeant aliquod genus proximum, quam vniuersale. Sicut si daretur aliquod genus proximum, in quo omnia volatilia conueniant, & aliud in quo conueniant omnia reptilia; quamuis non daretur aliquod genus proximum omnibus animantibus, non diceretur animal genus immediatum ad illa: ergo eodem modo vniuersale non est genus immediatum ad quinque prædicabilia.

3 Aduersus primam partem conclusionis obijcies primo. Vniuersale esse analogum ad quinque prædicabilia: ergo non potest esse genus ad illa: quia analogia obstat rationi genericæ, ideòque ens rationem generis ad substantiam, & accidens non habet, quia analogum est ad illa. Antecedens posset probari, quia differentia, & proprium, utpote quæ non in ordine ad immediate inferiora in ratione prædicabilis constituuntur, non videntur, simpliciter habere rationem vniuersalis: sed de hoc in propria eorum prædicabiliū materia. Vnde eo ibi remisso,

ali-

ali--115

aliter probatur antecedens : quia nulla ratio uniuoca potest dari ad prædicari essentialiter , & ad prædicari accidentaliter. Sed aliqua ex prædicabilibus , tria videlicet priora , prædicantur essentialiter , alia vero accidentaliter : ergo nulla ratio potest esse illis superior uniuoce , & consequenter nec ratio uniuersalis. Maior probatur : nam substantiæ & accidenti nihil potest esse commune uniuocum : ergo nec ad prædicari essentialiter (quod est idem ac prædicari substantialiter) & prædicari accidentaliter , potest dari aliquid commune uniuocum .

Respondetur , negando antecedens . Et ad probationem dico , quod cum ut superiora simpliciter prædicentur omnia prædicabilia , omnia illa simpliciter & uniuoce participant rationem uniuersalis . Neque est idem prædicari accidentaliter , seu esse accidens prædicabile , ac esse accidens prædicamentale : immo nec est idem prædicari essentialiter , ac esse substantiam , cum non solum substantiæ , sed & accidentia immo entia rationis prædicentur de aliquibus sibi inferioribus essentialiter . Et ita quamuis non detur aliquid commune uniuocum ad substantiam , & accidens ; bene tamen ad prædicari essentialiter & accidentaliter .

4 Obijcies secundo . Si uniuersale esset genus ad quinque prædicabilia , contereretur sub genere , primo prædicabili . Hoc autem non est admittendum : nullum enim

enim superius sub suo inferiori contineri potest : ergo vniuersale non est genus ad quinque prædicabilia . Maior probatur , nam si vniuersale in communi esset genus ad quinque prædicabilia , esset prædicabile *in quid* de pluribus differentibus specie , scilicet de quinque prædicabilibus : ergo contineretur sub genere , primo prædicabili , sub quo omnia prædicabilia *in quid* de pluribus differentibus specie , continentur .

Respondetur , quod ex eo quod vniuersale sit genus ad quinque prædicabilia , solum sequitur , quod contineatur accidentaliter , & denominatiue sub primo prædicabili , tanquam subtractum videlicet denominatum ab intentione illius : sicut animal v.g. continetur denominatiue , non essentialiter sub genere : non autem sequitur , quod vniuersale contineatur essentialiter sub genere , primo prædicabili . Hoc autem non est in conueniens ; bene enim potest aliquod essentialiter superius contineri sub inferiori denominatiue : immò hoc multoties contingit in istis intentionatis rationis , vt videre est in termino superiori essentialiter ad vniuocum & æqui-uocum , qui in sententia probabili , quod vniuoco in terminum vniuocum & æqui-uocum diuidatur , sub vniuoco denominatiue continetur .

§ Aduersus hanc tamen solutionem , quæ optime hanc æquiuationem dissoluit , obijcies , quod sequitur ex illa , vni-

uer-

-121

uersale sub se ipso denominatiue contineri,
 & de se ipso denominatiue prædicari.
 Hoc autem impossibile videtur : ergo.
 Sequela probatur : nam vniuersale est su-
 perius essentialiter ad genus , primum
 prædicabile : ergo de quocumque prædi-
 catur denominatiue genus , prædicatur
 etiam denominatiue vniuersale . Et con-
 sequenter , si de ipso vniuersali prædica-
 tur denominatiue genus , de eodem vniuer-
 sali prædicabitur denominatiue ipsum
 vniuersale . Prima consequentia tenet per
 regulam ante prædicamentalem , cum
 quidpiam de quopiam prædicatur vt de
 subiecto , de quocumque prædicatur sub-
 iectum , prædicatur & prædicatum : fi-
 cuti si album denominatiue prædicatur
 de homine , etiam coloratum , quia est su-
 perius essentialiter ad album , prædicatur
 denominatiue de ipso homine .

Respondetur , vniuersale posse accipi
 dupliciter , *vt quo* , videlicet , & *vt quod* ,
 vniuersale , *vt quod* , est ipsa intentio vni-
 uersalitatis , vt est subtractum intentionis
 generis , & vt prædicatur *in quid* , de
 quinque prædicabilibus , Et ita solum
 sequitur , quod quia de vniuersali , vt est
 subtractum intentionis generis , genus
 prædicatur denominatiue ipsa intentio
 vniuersalis secundum se sumpta , & vt est
 ratio denominandi omnes naturas vniuer-
 sales , prædicetur de se ipsa , vt est specia-
 le & particulare subtractum cuiusdam
 singularis & determinatæ intentionis ge-
 neris ,

neris, quod in idem incidit, ac quod communiter dicitur, quod intentio vniuersalitatis *ut quo*, & ut denominans naturam in ratione vniuersalis, prædicatur de se ipsa *ut quod*, idest, ut est substractum particularis intentionis generis: istæ enim mutux denominationes necessario sunt concedendæ in his intentionibus rationis, quæ adinuicem possunt denominari. Sicuti terminus in communi diuisus in terminum vniuocum, & æquiucum, ut est substractum particularis intentionis termini vniuoci, sub termino vniuoco denominatiue continetur, & de illo terminus vniuocus denominatiue prædicatur: immò & idem terminus in communi secundum se de se ipso, ut est particulare substractum termini vniuoci, etiam denominatiue prædicatur.

6 Obijcies tertio, quod si vniuersale esset genus ad quinque prædicabilia, omnia prædicabilia essent species. Sed hoc est impossibile: ergo. Maior est certa: nam illa, quæ sub aliquo genere continentur, vere habent rationem speciei. Minor vero probatur, si prædicabilia essent species, omnia illa containerentur sub specie, secundo prædicabili, sub qua omnes species continentur. Hoc autem est impossibile, siquidem membra alicuius diuisionis, vnum sub altero contineri nequeunt: ergo.

Respondetur distinguendo consequens. Si vniuersale esset genus ad prædicabilia,

354 *Lib.4. de prædicabilibus*

omnia prædicabilia essent species : essentialiter, nego sequelam ; essent species accidentaliter, & denominatiuè, concedo illam. Et hoc non est inconueniens: bene enim potest vna species sub altera accidentaliter & denominatiuè contineri, vt patet in termino æquiuoco, qui accidentaliter continetur sub termino vniuoco.

7. Contra hanc tamen solutionem sunt aliquæ obiectiones. Prima: nam genus & differentia essentialiter continentur sub vniuersali; alias vniuersale non esset genus ad illa: ergo essentialiter, & non solum denominatiuè sunt species.

Secunda: nam vna species condistincta essentialiter ab altera, non potest etiam denominatiuè prædicari de illa: ergo si species prædicatur denominatiuè de omnibus prædicabilibus, prædicabilia non sunt essentialiter condistincta. Et consequenter nec vniuersale potest esse genus ad illa.

Tertia: nam sequitur hanc esse prædicationem accidentalem, differentia est vniuersale; & consequenter vniuersale nõ est genus ad prædicabilia: alias non accidentaliter, sed essentialiter prædicaretur de illis. Sequela patet: nam vniuersale est superius essentialiter ad speciem: ergo si species prædicatur denominatiuo de differentia, etiam vniuersale prædicabitur denominatiuè de illa.

Sed respondetur ad primam, negando consequentiam: nam quamuis aliqua essen-

essentialiter sub aliquo genere contineantur, accidentaliter tamen denominantur species: sicuti, quamuis homo & equus essentialiter sub animali contineantur, accidentaliter denominantur species, ita ut istæ sint accidentales, homo est species, equus est species: ergo eodem modo dicendum est de prædicabilibus.

Ad secundam respondetur, verum esse antecedens de speciebus substantialibus. Et ita homo, verbi gratia, nec denominative potest prædicari de equo: secus tamen est de speciebus accidentalibus in concreto, ut patet in hac propositione, album est dulce, in qua, dulce, species qualitatis essentialiter distincta ab albo, denominative prædicatur de illo. Et sic est in præsentia; immò potiori iure, cum istæ intentiones alijs intentionibus facillimè subternantur, & una ab alia denominetur.

Ad tertiam denique respondetur, quod si differentia sumatur, ut quod, & ut est subtractum intentionis speciei, verum est, uniuersale prædicari accidentaliter de illa; quia ut sic est inferior denominatione ad speciem. Si vero differentia sumatur ut quo, & secundum se, non prædicatur uniuersale denominatione de illa, sed essentialiter: & idem est dicendum de reliquis prædicabilibus. Et hoc sufficit ad hoc, quod uniuersale sit superius essentialiter ad omnia illa.

C A P V T de Genere .

QVÆSTIO III.

*Quod sit definitum in definitione
Generis ?*

Genus definit Porphyrius , quod sit illud quod de pluribus differentibus specie in eo quod quid predicatur . Quam definitionem quæstione sequenti examinabimus , & explicabimus . In hac autem quæstione , quod sit huius definitionis definitum , inquirimus . Quod utique æqualiter de definitione cuiuslibet concreti accidentalis realis vel rationis potest inquiri : ac perinde quod de definito huius definitionis dixerimus , proportionabiliter de definito , definitionis cuiuslibet concreti accidentalis est dicendum . Cum autem in quolibet concreto accidentali sit natura , ipsa subtracta , & forma realis , vel rationis , quæ naturam , ut materiale afficit , seu denominat ; ut in albo est materiale , corpus videlicet substantans albedini , & albedo ipsa afficiens , & denominans corpus , & in hoc concreto generis est natura subtractum , seu materiale denomina-
bile

bile à secunda intentione generis, & ipsa secunda intentio generis illud denominans. Inde ortum habuit sententiarum, in hac parte diuersitas, quæ hanc quæstionem, plusquam par erat, difficilem reddidit, & obscuram; cum aliqui asserunt, definitum huius definitionis esse solum, naturam vt denominatam à secunda intentione generis: alij, solam ipsam intentionem generis: & alij, aggregatum ex natura & secunda intentione.

2 Pro resolutione tamen veritatis aduertendum est, quod in his definitionibus concreti accidentalis possumus condistinguere definitum *quo*, & definitum *quod*: definitum *quo* (quod in his definitionibus est definitum formale, & principale) est id ratione cuius aliquid definitur, & ei conuenit definitio. Definitum autem *quod* (seu definitum materiale) est illud, pro quo supponit definitio, & de quo definitio verificatur. Vnde in hac quæstione non solum est difficultas in comuni, quod sit huius definitionis definitum, sed specialior in assignando illius definitum *quo* & definitum *quod*: in hoc enim variant Authores, dum aliqui (vt Caietanus) existimant, secundam intentionem generis esse non solum definitum *quo*, sed definitum *quod* huius definitionis. Alij vero solum concedunt, secundam intentionem generis esse definitum *quo*. Et licet existimem, forsan inter plures quæstionem esse de nomine, &

358 *Lib.4. de prædicabilibus*

in re conuenire , quidquid tamen sit de illorum sententia , rem istam breuiter aliquibus conclusionibus explicare conabor .

3 Dico igitur primo . Substratum , seu materiale generis secundum se non est definitum huius definitionis . Dixi , substratum & materiale intentionis generis secundum se sumptum non esse definitum , scilicet non formaliter vt substat secundæ intentioni generis , & ab illa denominatur : de substrato enim vt sic formaliter sumpto , conclusione vltima dicemus . In hac conclusione sic explicata omnes debent conuenire , & probatur manifeste conclusio . Tum , quia subtracta & materialia intentionis generis non pertinent ad logicum secundum se sumpta . sed præcise vt formaliter accipiuntur , & vt à secunda intentione generis nominantur : ergo cum huiusmodi definitio generis sit logicalis , & per proprietatem logicalem , scilicet prædicari de pluribus , detur , illius definitum non potest esse aliquod substratum generis secundum se sumptum . Tum etiam , quia per hanc definitionem nullius subtracti generis , nec alicuius communis ad omnia subtracta generis secundum se natura explicatur : ergo cum omnis definitio explicet naturam sui definiti , huius definitionis definitum non est aliquod substratum generis secundum se sumptum , nec aliquid commune omnibus subtractis secundum

cundum se sumptis . Tum denique , quia
 vt optime probat noster Author quaest.
 vnica de genere art.1. definitiones sicuti
 scientiæ non dantur de particularibus, sed
 in communi : ac perinde in definitione
 generis , non hoc aut illud genus , sed ge-
 nus in communi definitur . Sed non datur
 aliquid commune omnibus substractis se-
 cundæ intentionis , generis , quod possit
 definiri ; ergo definitum huius definitio-
 nis non potest esse substractum seu mate-
 riale generis secundum se sumptum . Mi-
 nor patet , nam substracta intentionis ge-
 neris secundum se sumpta , alia sunt sub-
 stantiæ , alia accidentia, alia entia realia,
 alia entia rationis . Sed his omnibus se-
 cundum proprias naturas , & secundum
 se sumptis nihil potest dari commune suf-
 ficientem vnitatem habens , vt definiatur :
 ergo neque in particulari , neque in com-
 muni substractum intentionis generis se-
 cundum se sumptum potest esse huius defi-
 nitionis definitum .

4 Dico secundo . Aggregatum ex
 substracto , & secunda intentione generis
 non potest esse huius definitionis definitum .
 Explicatur conclusio , nam aggregatum
 vt aggregatum , importat ex æquo duas
 diuersi generis naturas : ex æquo, inquam,
 ita vt vtramque æque principaliter im-
 portat: & hoc modo dicimus aggregatum
 ex substrato & secunda intentione gene-
 ris non posse esse definitum , quia vt eo
 modo esset definitum ; definitio debebat

æque principaliter explicare naturam vtriusque partis, tale aggregatum componentis: nam si aggregatum utramque partem importat ex æquo, definitio aggregati, ut aggregati vtriusque partis naturam debet æquè principaliter explicare. Sed hoc est omnino impossibile: ergo impossibile est, quod aggregatum, ut aggregatum ex substracto & secunda intentione generis sit huius definitionis definitum. Maior probatur: quia impossibile est, eandem definitionem explicare naturas diuersas. Sed aggregatum, ut aggregatum, importat diuersas naturas; cum natura intentionis generis sit aliquid rationis, & natura substracti in particulari aliqua sit realis, aliqua rationis, & in communi sit aliquid abstrahens à reali, & rationis: ergo impossibile est, quod aliqua definitio explicet simul & æquè principaliter naturas partium alicuius aggregati.

§ Dices, quod in his concretis accidentalibus, licet sint aggregata ex naturis diuersi generis, non tamen quæ se habent omnino disparate & absque aliquo ordine, sed vnum ut materia, alterum ut forma: & sub hoc ordine concurrentibus bene potest aggregatum, seu compositum ex illis resultans, definiri.

§. Contra hoc est: nam quamuis partes huiusmodi concretorum accidentalium, eo ordine ad illud componendum concurrant; vel intenditur definiti vtriusque partis

na-

natura; vt ab altera parte distincta, vel solum intenditur definiri pars materialis, non vt talis est, & vt specialem condistinctam naturam habet à forma, sed præcisè secundum eam formalitatem, quam accipit à forma: si dicatur hoc secundum, illud vtique non negamus, sed potius id in vltima conclusione asseremus; & ideo non est definire aggregatum vt aggregatum, sed definire materiale sub ea præcisè ratione quatenus constituitur per formam, quod est definiri ipsam formam in concreto. Si autem dicatur primum, id vtique esset definiri aggregatum vt aggregatum, & id dicimus, esse impossibile; quia impossibile est, eandem definitionem explicare naturas diuersi generis, vt inter se condistinctas, etiamsi vna ad aliquid componendum se habeat vt materia, & altera vt forma, quia si cum hoc ordine tales partes adhuc retinent speciales, & diuersi generis naturas; est impossibile, quod eadem definitione vtriusque partis natura explicetur.

6 Dico tertio. Definitum *quo* formale, & principale huius definitionis est secunda intentio generis. Ita expressè noster Author in prædicta quæstion. vnica, de genere art. i. conclus. 13. Et patet manifeste, nam illud, vt diximus est definitum formale *quo*, cuius ratio principaliter intenditur in definitione explicari, & ratione cuius definitum materiale definitur, & ei conuenit definitio. Sed in.

362 *Lib.4. de Prædicabilibus*

hac definitione generis , quod intenditur explicari , est natura ipsius secundæ intentionis generis , & ratione illius definitur substractum & materiale talis intentionis , & ratione denique illius prædicto materiali & substracto conuenit definitio: ergo definitum *quo* formale , & principale illius est secunda intentio generis . Minor quo ad omnes partes probatur : nam per hanc definitionem non intenditur explicari natura secundum se sumpta alicuius materialis seu substracti generis , sed solum quod illis competit formalissime à secunda intentione generis : ergo quod in omnibus materialibus & substractis generis intenditur explicari , est ipsa secunda intentio generis : ac perinde si per hanc definitionem definitur materiale & substractum generis , ratione secundæ intentionis generis illud denominantis definitur : ac denique ratione eiusdem intentionis generis materiali & substracto hæc competit definitio , & de illo verificatur .

7 Dico quarto . Secunda intentio generis , etiam vt denominans materiale & substractum generis , non est definitum *quod* huius definitionis . Oppositum tenet Caietanus in cap. de genere . Sed conclusionem proculdubio cum alijs pluribus tenet noster Author loco citato conclus.2. Et probatur , quia , vt diximus , illud est definitum *quod* alicuius definitionis , pro quo supponit definitio , & de
quo

quo definitio verificatur. Sed de secunda intentione generis, etiam ut denominat subtractum, & illud in obliquo importat, non verificatur definitio generis: ac perinde nec pro illa supponit; solum enim, supponit definitio pro illo, de quo verificatur: ergo secunda intentio generis, etiam ut denominat subtractum, non est definitum *quod* huius definitionis. Minor probatur; nam licet secunda intentio generis sit id, quo mediante subtracta, praedicantur in eo *quodquid* de pluribus differentibus specie, sitque perinde (ut diximus conclusione praecedenti) definitum *quo* formale & principale huius definitionis; non tamen est id, quod praedicatur in eo *quodquid* de pluribus differentibus specie: ergo de illa non verificatur definitio. Antecedens probatur, quia, secunda intentio generis non praedicatur huiusmodi praedicatione de subtractis generum, nec de secundis intentionibus generum: ergo cum de nullo alio possit praedicari, nullatenus praedicatur *in quid* de pluribus differentibus specie. Antecedens quoad primam partem probatur: nam esto quod secunda intentio generis in concreto praedicetur de subtractis generis, ut de animali, colore, & sapore; & haec specie differant inter se; tamen, secunda intentio generis etiam in concreto non praedicatur de illis *in quid*, sed accidentaliter denominatiue: istae enim sunt praedicationes accidentales, animal est

364 *Lib. 4. de prædicabilibus*

genus, color est genus, &c. & quamvis secunda intentio generis in communi prædicetur in *quid* de hac & illa secunda intentione generis; tamen prædictæ secundæ intentiones non specie, sed solum numero differunt inter se: aliàs si specie inter se differrent, iam genus non esset species atomica, sed subalterna; habens sub se plures intentiones; essentialiter & specificè inter se differentes: & aliàs etiam animal v.g. diuersa essentialiter prædicatione prædicaretur de suis inferioribus, ac de suis prædicaretur color: siquidem non solum numericè, sed specificè esset diuersa intentio generis, media qua animal prædicatur, ab illa media qua prædicaretur color: ergo nulla dantur differentia specie, de quibus secunda intentio generis prædicetur in *quid*: ac perinde de secunda intentione generis nullatenus definitio generis verificatur, aut pro illa supponit; ac per consequens illa non potest esse definitum *quod* prædictæ definitionis.

8 Dices cum Caietano, quod prædicari de pluribus, tripliciter potest accipi. Primo pro eo, quod est conuenire pluribus; quod utique est prædicari fundamentaliter de illis. Secundo pro prædicari, id est, affirmari de pluribus, quod est, exercitium extrinsecum relationis prædicabilitatis. Tertio pro eo, quod est referr ad plura. Et hoc est prædicari formaliter, & est exercitium intrinsecum prædicabilitatis.

lium, quæ, cum sint essentialiter relatiua, eorum essentia in hoc, quod est referri ad aliud, consistere debet. Hoc ergo supposito, asserit Caietanus, quod prædicari de pluribus in definitione generis, sumitur, non pro affirmari de pluribus, sed pro prædicari formaliter, id est referri ad plura, quia cum in hac definitione definiatur genus formaliter, ut relatiuum, debet dari per exercitium intrinsecum relationis, referendi scilicet ad aliud: & hoc modo intellecta definitio verificatur de secunda intentione generis: ac perinde illa est non solum definitum *quo*, sed definitum *quod* huius definitionis.

9 Aduersus hanc tamen doctrinam, in qua tota sententia Caietani fundatur, plura se offerunt, quæ omnino illam labefactare videntur. Primo, quod licet in genere farear, prædicari pro affirmari esse exercitium extrinsecum relationis generis, & exercitium intrinsecum illius esse ad aliud referri; tamen in hac generis definitione prædicari de pluribus, non sumitur formaliter, pro referri ad plura, sed pro affirmari de pluribus: ergo cum, ut ipse Caietanus concedit, sumpto in definitione prædicari de pluribus, pro affirmari de illis, definitio de secunda intentione non verificetur, definitio ista, ut reuera debet intelligi, de secunda intentione generis non verificatur: ac perinde illa non est definitum *quod* huius definitionis. Antecedens, in quo est difficultas,

probatum primo, quia generaliter huiusmodi concreta accidentalia rationis, quamvis sint formaliter relatiua, non definiuntur per eorum intrinsecum exercitium referendi ad aliud, sed per aliud eorum licet minus intrinsecum, magis tamen notum exercitium, ut patet in signo, quod non per relationem ad signatum, sed per id quod est ducere potentiam in cognitionem signati, definitur: & propositio non per relationem ad signatum totale, sed per significare verum, vel falsum etiam definitur: & sic inductiue constabit in definitione cuiuslibet alterius concreti rationis: ergo & definitio generis, licet possit dari per exercitium formale relationis, per referri videlicet ad aliud de facto tamen, non datur, nisi per exercitium, quamvis minus intrinsecum, magis notum, per affirmari videlicet genus de suis inferioribus: ac perinde prædicari de pluribus in ea definitione, non pro referri ad plura, sed pro affirmari de pluribus, debet intelligi. §. Secundo probatur idem antecedens, nam illa parsicula *in quid*, determinans *prædicari de pluribus*, in definitione generis, non congruè adaptatur prædicari de pluribus pro referri, sed pro affirmari de pluribus: non enim dicitur aliquid referri ad aliud *in quid*, vel *in quale*, quia istæ non sunt differentie relationis: dicitur autem aliquid prædicari, idest affirmari, vel enuntiari de aliquo *in quid*, vel *in quale*: ergo cum in definitione ge-

ne-

neris non ponatur illa particula *prædicari de pluribus*, absolute, sed vt determinata per alteram particulam *in quid*, non potest sine illa intelligi prædicari, pro referri, sed pro affirmari. §. Scio huic responderi, quod ponitur illa particula *in quid*, non vt denotetur, secundam intentionem generis referri *in quid*, ad secundas intentiones speciei, sed vt denotetur fundamentum talis relationis debere esse conuenientiam quidditativam inter substracta secundarum intentionum speciei, ad quas refertur secunda intentio generis. §. Sed certe nimis improprie explicatur illa particula *in quid*, cum expresse in hac definitione ponatur, vt determinatio alterius particulae *prædicari de pluribus*, non autem vt denotans fundamentum relationis: id enim esset definire secundam intentionem generis simul per exercitium referendi, & per fundamentum relationis, & confundere definitiones: cum re vera relatiua debeant definiri, vel per sua fundamenta; vel per exercitium formale relationis, vel per exercitium extrinsecum, licet magis notum ipsius relationis. Tercio denique probatur idem antecedens, quia secunda intentio generis non refertur ad plura differentia speciei: ergo in prædicta definitione generis prædicari de pluribus differentibus speciei, non potest intelligi pro referri. Antecedens probatur: nam secunda intentio generis solum potest referri ad secundas intentiones spe-

368 *Lib. 4. de prædicabilibus*

ciei, quibus correlatiua generis denominantur species. Sed tales secundæ intentiones speciei non differunt inter se specie, sed solum numero: neque enim, distincta specificè est secunda intentio speciei, qua homo denominatur species, ab illa, qua denominatur leo: alias secundum prædicabile speciei non esset species athomæ vniuersalis, sed species subalterna, habens sub se intentiones speciei non solum numerice, sed specificè inter se differentes: ergo secunda intentio generis non refertur ad plura differentia specie. §. Nec valet dicere, quod termini relationis generis differunt specie pro substractis, idest sunt intentiones dominantes substracta specie distincta. §. Non, inquam, id valet, quia id nimis improprie est, terminos ipsos relationis generis differre specie: ergo cum definitiones non sint cum ea improprietate explicandæ, cum dicitur in definitione generis, quod genus prædicatur *de pluribus differentibus specie*, debet intelligi de pluribus inter se, & in seipsis differentibus specie.

10 Secundo & præcipue prædicta solutio, & doctrina impugnatur: nam esto quod non obstantibus difficultatibus propositis, in prædicta definitione prædicari *de pluribus*, intelligatur pro referri ad plura, & sic intellecta illa particula, adaptetur illi altera particula *in quid*, & de terminis talis relationis verificetur, quod sint plura differentia specie (quæ omnia, vt vidimus,

mus, verificari est satis difficile) adhuc tamen sic intellecta definitio non verificatur de secunda intentione generis, nec pro illa potest definitio supponere: ergo adhuc secundum eam definitionis explicationem & intelligentiam, secunda intentio generis, non est definitum *quod*. Antecedens probatur: nam secunda intentio generis, est quidem id, quo subtractum generis ad suum correlativum refertur, & ita in ea definitionis intelligentia secunda intentio generis erit definitum *quo*: non tamen ipsa secunda intentio generis est, quæ refertur: nulla enim relatio refertur, sed est forma & ratio, ut relatum referatur ad aliud: ergo secunda intentio generis etiam secundum eam definitionis intelligentiam, non est id, de quo definitio verificatur, ac perinde neque est definitum *quod*: imò eadem prorsus, quantum ad hoc est difficultas, siue in definitione generis *pradicari de pluribus*, intelligatur pro referri ad plura, siue intelligatur pro affirmari de pluribus. Cum non magis unum, quam alterum de secunda intentione generis verificetur.

II Ultimo tandem dico. Definitum *quod* huius definitionis est subtractum intentionis generis, non quidem secundum se, & secundum suam naturam, sed formaliter, ut substat intentioni generis, & ab illa denominatur. Conclusio expressa est nostri Authoris, ad finem enim conclusionis secundæ articuli primi quaestionis,

nis vnicæ de genere , postquam hanc statuit , & ostendit conclusionem , his verbis ita concludit : *Itaque ut in summa dicam definiri secundam intentionem, est definiri res, in quantum substant secundam intentioni.* Sentit ergo Ss. Magister, quod intentum huius definitionis est definire, & explicare naturam secundæ intentionis generis. Quia tamen illa definitur in concreto, definitum *quod*, pro quo definitio supponit , & de quo definitio verificatur , sunt res ipsæ & subtractum intentionis generis , non secundum se sumptum , & secundum propriam illius naturam , sed sumptum formaliter , prout substant secundæ intentioni generis, & ab illa denominatur, ac per illam in ratione generis, ac correlatiui speciei formaliter constituitur . Sic igitur explicata cōclusio manifestè sequitur ex præcedentibus . Nam in hac definitione, sicut & in qualibet alia definitione concreti accidentalis, debet assignari non solum definitum *quo* , sed & definitum *quod* , illud videlicet, pro quo supponat definitio , & de quo ipsa definitio verificetur. Sed, ut ostendimus , definitum *quod* huius definitionis non potest esse subtractum intentionis generis secundum se sumptum, nec aggregatum ex æquo ex subtracto & secundam intentionem generis : nec denique ipsa secunda intentio generis in abstracto, nec in concreto , & ut dicens ordinem ad subtractum . Restat ergo , quod sit definitum *quod* huius definitionis subtractum generis.

generis, non secundum se, sed formaliter ut substat secundæ generis intentioni, & ab illa formaliter denominatur.

Directè autem id probatur. Tum, quia cum logica, teste Auicena, tractet de secundis intentionibus adiunctis primis, id non melius verificatur, quam definiendo substracta, & materialia secundarum intentionum, quæ sunt primæ intentiones, ut substant formaliter secundis intentionibus, & ab illis formaliter denominantur. Tum etiam, quia cum hic non definiatur hoc vel illud genus, sed genus in communi: & licet omnia substracta intentionum generis secundum se sint diuersa; ut denominantur tamen ab intentione generis, omnia illa formaliter conueniunt: ut sic omnia illa habent formaliter vnā naturam communem vnica definitione definibilem: ergo substractum in communi generis non dicens ordinem ad speciales naturas cuiuslibet substracti, sed ut omnia illa formaliter conueniunt in eo, quod secundæ intentioni generis eiusdem rationis substant, est definitum quod huius definitionis.

Confirmatur: nam definitum quod in definitione alicuius concreti est formaliter constitutum ex definito formali quo, & definito materiali: si enim definitum quo est ratio definiendi, definitum quod erit constitutum, ut formaliter constitutum ex definito quo, & materiali à tali relatione denominato. Sed constitutum formaliter per

per definitum *quo* huius definitionis est subtractum, ut substat secundæ intentioni generis, ad quod constituendum ipsa secunda intentio ingreditur ut *quo*, & ut formale constitutum: ergo subtractum generis formaliter, ut substat intentioni generis, est definitum *quod* huius definitionis.

12 Aduersus propositas conclusiones, quæ poterant obijci, iam in ipsis conclusionibus sunt insinuata & diluta, & solum aduersus hanc ultimam conclusionem, obijcies. Quod illud est definitum *quod* alicuius definitionis, cui essentialiter competit definitio, sed subtracto intentionis generis, etiam ab ipsa intentione denominato, non conuenit essentialiter, sed accidentaliter hæc definitio, sicut illi non essentialiter, sed accidentaliter competit, quod ab intentione generis denominetur: ergo definitum *quod* huius definitionis non est subtractum generis, etiam ut secundæ intentioni generis substat, & ab illa denominatum.

Respondetur primo, quod in his concretis accidentalibus, cum forma, sub qua subtracta definiuntur, solum competat illis accidentaliter; non inconuenit, quod etiam definitio accidentaliter illis conueniat: nec oportet, quod sit aliquod definitum *quod*, cui essentialiter competat definitio. §. Vel secundo dicitur, quod licet subtracto denominato ab intentione generis, specificatiuè sumpto, accidentaliter

com;

competat generis definitio, ipsi tamen formaliter & reduplicatiue, vt substat intentioni generis, essentialiter conuenit generis definitio: & hæc est essentialis prædicatio, subtractum generis, vt substat intentioni generis, prædicatur in quid de pluribus differentibus specie, immo cum propositio, in qua prædicatur definitio de definito, quodammodo prædicatum, appellet supra significatum formale subiecti, & faciat sensum formalem, etiamsi non ponatur reduplicatio ex parte subiecti in actu signato, hæc propositio, genus prædicatur in quid de pluribus differentibus specie, est essentialis, & æquiualeat huic, subtractum generis, formaliter, vt substat intentioni generis, prædicatur in quid de pluribus differentibus specie.

QVÆSTIO IV.

Vtrum definitio generis sit bona?

GENUS definit Porphirius, quod sit illud, quod prædicatur de pluribus differentibus specie in eo, quod quid, & hanc definitionem cum communi sententia bonam esse dicimus, quia in illa ponitur id, in quo genus cum omnibus prædicabilibus conuenit, scilicet prædicari de pluribus, in hoc enim natura yniuersalis, vel saltem passio communis in omnibus prædicabilibus denominatur. Et ponitur in eadem definitio-

na id, per quod genus ab omni alio differat prædicabili, nulli enim alij competit prædicari *in quid de pluribus differentibus specie*, ut ex solutionibus argumentorum, videbimus. Vnde ne eadem inutiliter repetamus, hanc generis definitionem aliquibus objectionibus examinemus, ut ex illarum solutione & bonitas definitionis, & eius explicatio patefiat.

2. Obijcies ergo primo. Quod aliqua præter genus prædicantur *in quid*, non igitur ea est propria generis differentia. Antecedens probatur. Primo, quia ens non est genus, cum includatur in cuiuslibet entis differentiis: etsi esset genus non decem essent genera suprema, sed unum omnibus superius, videlicet ens. Et tamen ens de quolibet ente prædicatur *in quid*, quia est prædicatum essentiale cuiuslibet entis, & inquirenti, quid sit aliquid, rectè respondetur, quod est ens: ergo aliud à genere prædicatur *in quid*.

§. Secundo probatur idem antecedens, quia definitio de omnibus, quibus competit, prædicatur *in quid*. Et tamen non est genus, cum potius ex genere & differentia componatur: ergo alia præter genus prædicantur *in quid*. §. Tertio probatur idem antecedens, quia differentia prædicatur *in quid*; ita enim asserit Arist. 7. topicorum, cap. 3. Et probatur, quia est prædicatum essentiale speciei: ergo de illa & illius individuis prædicatur *in quid*: ac perinde iam alia præter genus prædicantur.

cantur *in quid* 9. Quarto denique idem, antecedens probatur, quia species de individuus prædicatur *in quid*, non ergo prædicari *in quid*, ita est proprium generis, quod alijs à genere competere nequeat.

3 Respondetur, negando antecedens. Et ut explicemus, qualiter specialiter genus præ omnibus alijs prædicetur *in quid*, seorsim ad singulas antecedentis probationes respondeamus. Ad primam igitur, etiamsi concederetur ens, de omnibus rebus prædicari *in quid*, cum illud sit transcendens, analogum, & non simpliciter quid vnum, posset dici, quod ei non competit definitio generis, nec prædicari *in quid*, qualiter in definitione generis subintelligitur nempe per modum vniuersalis: ac perinde ut quid omnino vnum, vniuocum & non transcendens. Sed melius dicitur, quod ens non prædicatur propriè quidditatiuè, quia licet sit prædicatum essentialiale respectu cuiuslibet rei, quia tamen est prædicatum transcendens & imbitum in omni re, siue pertinente ad quidditatem, siue non, cum sit commune quidditati & non quidditati, non potest conceptum quidditatum constituere, sed potius præsupponitur conceptus entis ad cōceptum quidditatis; nec minus ad interrogationem *quid* pertinet, quam ad quale. Sicut enim interroganti, quid est homo, rectè dicitur quod sit ens, ita & inquireti, qualis sit homo, rectè respondetur, quod est ens.

4 Ad

4 Ad secundam probationem respondetur, quod licet verum sit, quod definitio de his, quibus competit prædicetur *in quid* (imò & proprii sime prædicatur *in quid*, quia ad quæstionem quid sit aliquid, adæquatè per illius definitionem respondetur) tamen definitio non prædicatur, ut aliquid unum & incomplexum, nec ut dicens in actu solam partem essentia, sed totam essentiam eorum, de quibus prædicatur. Unde definitio non prædicatur *in quid*, eo modo quo prædicari *in quid* in definitione generis intelligitur, nèpe ut aliquid universale: ac perinde ut aliquid unum & incomplexum, & ut dicens in actu solam partem essentia eorum, de quibus prædicatur.

5 Ad tertiam probationem respondetur, quod licet differentia secundum rem prædicetur *in quid* de specie & illius individuis, quia re vera pertinet ad essentiam illorum; secundum modum tamen non prædicatur *in quid*, sed potius *in quale*, quia ex modo prædicandi prædicatur ad modum qualitatibus: sicut enim per accidentia qualificatur, & determinatur actualiter subiectum, ita suo modo qualificatur, & determinatur essentialiter genus per differentias: genus enim cum sit determinabile per differentias, habet se ut materia respectu differentia, quæ cum determinet genus, habet se respectu illius ut forma. Et in hoc sensu explicat noster Author in hoc cap. de genere q. unica in solutione ad 2. illud

illud dictum Porphyrij, [quod genus sumitur à materia, & differentia a forma, idest, quod genus comparatur materiae determinabili per formam, & differentia formae determinanti materiam. Imò & Arist. 5. metaph. cap. 28. ait, differentias esse qualitates generis, quod cum de qualitatibus secundum rem, vel de qualitatibus, quae propriè dicuntur tales, non possit verificari, dicendum est, quod habent se ad modum qualitatis: ac perinde, quod secundum modum prædicandi non prædicantur *in quid*, sed *in quale*. Et sic intelligitur, quod Philosoph. in loco in argumento allegato 7. Topicorum, cap. 3. asserit, quod differentia prædicatur *in quid*: loquitur enim de prædicari *in quid* secundum rem, non secundum modum prædicandi: Cum autem 4. Topicorum, cap. 6. & 5. metaph. tex. 19. asserit, quod differentia significat qualitatem, & prædicatur in eo *quod quale*, loquitur de differentia secundum modum illius prædicandi: alias esset sibi contrarius. Genus autem non solum secundum rem, sed secundum modum prædicatur *in quid*, quia significat aliquid per modum determinabilis, & vt fundamentum totius quidditatis rei. Vnde inquirenti, quid sit homo, propriè respondemus per genus, vel per definitionem, quod est animal, vel quod est animal rationale. Inquirenti vero, quale animal sit homo, respondemus, quod est rationale. In definitione igitur generis (vt ad solutionem denique

nique argumenti deueniamus) prædicari *in quid*, intelligitur & secundum rationem & secundum modum; & sic competit differentia, quæ solum secundum rem & non secundum modum prædicatur *in quid*.

6 Ad ultimam tandem probationem eiusdem antecedentis, respondetur iuxta ea, quæ proximè dicebamus, quod per prædicari *in quid*, in definitione generis, intelligitur, prædicari *in quid*, non dicendo in actu totam essentiam illorum, de quibus prædicatur. Et quia species prædicatur *in quid*, dicens in actu totam essentiam illorum, de quibus prædicatur, non conuenit illi prædicari *in quid* eo modo, quo in definitione generis ponitur, intelligitur, & explicatur.

7 Obijcies secundo, quod genus non prædicatur *in quid*, sed *in quale*. Perperam igitur dicitur in eius definitione. quod prædicatur *in quid*. Antecedens probatur primo. Quia in prædicamento substantiæ genera & species vocantur secundæ substantiæ, has autem dicit Philosophus in cap. de substantia, tex. 7. significare *quale quid*, & addit, quod genus & species circa substantiam qualitatem determinant. Ergo genus prædicatur *in quale*. Secundo probatur idem antecedens. Quia genus importat formam speciei: ratio enim generica & specifica componunt formam totalem, quæ materiam compositi substantiæ informat. Ergo vtraque pars talis formæ totalis se habet vt forma secundum modum

modum prædicandi, & eadem ratione genus saltem secundum modum prædicatur *in quale*. Tertio denique idem antecedens probatur, quia hæc prædicatio, albū est coloratum, est prædicatio generis. Et tamen prædicatum prædicatur *in quale* de subiecto. Iam igitur genus prædicatur *in quale*. Minor probatur. Quia subiectum prædictæ propositionis supponit materialiter pro corpore. Sed respectu corporis coloratum dicit qualitatem. Ergo prædicatum prædictæ propositionis prædicatur *in quale* de subiecto.

8 Respondetur, negando antecedens, ad cuius primam probationem dico, quod cum Aristoteles dixit, secundas substantias, genera videlicet, & species significare *quale*, aut esse qualitates, forsan accepit secundas substantias secundo intentionaliter pro ipsis secundis intentionibus generis & speciei: & sic qualitatem significant, & *in quale* de substractis ipsarum intentionum prædicantur. Si autem loquatur Philosophus de secundis substantijs, de generibus videlicet & speciebus, pro subtratis, seu pro formis genericis, & specificis, cum asserit, illa significare *quale*, intelligitur non respectu naturæ, quam cōstituunt, sed respectu primæ substantiæ, vt importat suppositum, quia respectu suppositi omnis forma, quantumvis essentialis, se habet ad modum qualitatis: genus autem, quia in ratione generis non in ordine ad suppositum constituitur, sed

380 *Lib. 4. de prædicabilibus*

in ordine ad naturam, & in ordine ad illā non importat *quale*, sed *quid*, optimè per prædicari *in quid* definitur. §. Ad secundam probationem dico, quod licet genus dicat formam; quia tamen dicit formam determinabilem, dicit illam ad modum materiæ & per modum primi fundamenti quidditatiuè: ac perinde & quoad rem & quoad modum prædicatur *in quid*, & non sicut differentia, quæ quia importat formam, per modum determinantis, saltem quoad modum prædicatur *in quale*. Ad tertiam denique probationem dico, quod licet coloratum respectu materialis, quod connotat album, secundum se sumpti, dicat formam accidentalem, respectu tamen albi, formaliter ut album est (qualiter sumitur cum in actu signato ex parte subiecti ponitur album) dicit formam quidditatuam & essentialem: & sic ista prædicatio, corpus est coloratum, etiam si corpus habeat albedinem, vel alium colorem, est accidentalis & quinti prædicabilis: hæc autem, album est coloratum, est prædicatio generis, & prædicatio *in quid*. Vnde cum genus, ut genus prædicatur, semper prædicatur *in quid*.

9 Obijcies tertio, quod pluribus alijs. quam generi competit prædicati de pluribus differentibus specie. Perperam igitur id, ut differentia generis, in illius ponitur definitione. Antecedens probatur. Quia differentia subalterna, ut sensibile, prædicatur de pluribus differentibus specie,

cie, vt de homine & de equo : & de eisdem prædicabitur proprium subalternū, quodlibet illud sit ab specie subalterna profluens : ac denique de eisdem prædicatur accidens; vt si dicas, homo est albus, equus est albus. Sed omnia hæc nec sunt genera, nec prædicatione generis prædicantur. Alijs igitur à genere conuenit, prædicari de pluribus differentibus specie.

10 Respondetur primo, quod cum in definitione generis ponitur, *prædicari de pluribus differentibus specie*, non debet illa particula intelligi vt separata ab altera, sed vt determinata per alteram, scilicet, per prædicari in quid (differentiæ enim istæ, quamuis sint quid simplex, non possunt nisi per plura nomina significari) prædicari autem *in quid* de pluribus differentibus specie, nulli prædictorum competit, cum omnia illa prædicentur *in quale*, differentia videlicet *in quale* essentialiter & proprium, & accidens *in quale* accidentaliter. Vnde non conuenit illis prædicari de pluribus differentibus specie, vt conuenit generi, & vt in illius definitione debet intelligi. Secundo respondetur, quod prædicari de pluribus differentibus specie, competere quidem potest alijs à genere prædicabilibus, materialiter tamen & non secundum propriam rationem illorum, quia nec differentia, neque proprium, neque accidens petunt ex sua ratione formali prædicari de pluribus differentibus specie: alias id omni differentiæ, proprio & accidenti com-

Q

pete-

peteret, & absque eo ratio differentiarum, proprij, & accidentis saluari nullatenus posset, quod utique non ita est. Genus autem in eo quod genus, cum ut sic dicat naturam determinabilem per differentias, formalissimè petit prædicari de pluribus differentibus specie, ita ut absque eo aliqua ratio generis nequeat reperiri. Unde cum in definitione generis ponitur *prædicari de pluribus differentibus specie*, debet intelligi illa particula formaliter, ut aliquid ex propria ratione formali generis petitum, & exactum: & hoc modo prædicari de pluribus differentibus specie nulli alij à genere competit.

II Obijcies quarto, quod non omni generi competit prædicari de pluribus differentibus specie. Perperam igitur per id definitur genus. Antecedens probatur primo. Nam genus supremum, substantia, v.g. licet mediatè prædicetur de pluribus differentibus specie, de homine videlicet, & equo; immediatè tamen prædicatur de substantia corporea & incorporea, v. g. de corpore & de Angelo, quæ non specie, sed genere differunt. Ergo cum ratio prædicabilis (ut videbimus) non in ordine ad ea, de quibus mediatè, sed in ordine ad illa de quibus immediatè prædicatur, sit propriè desumenda, genus supremum non habet pro termino, in ordine ad quem in ratione generis & prædicabilis constituitur, plura differentia specie, sed potius plura genere differentia. Secundo probatur

tur idem antecedens. Quia animal v.g. prædicatione generis videtur prædicari nõ solum de speciebus, sed etiam de illarum differentijs, vt de rationali & irrationali. Sed differentiæ nõ differunt specie, sed sunt primò diuersæ. Iam igitur in aliqua prædicatione generis genus non prædicatur de pluribus differentiibus specie.

12 Respondetur, negando antecedens. Ad primam probationem dico cum nostro Authore hic in solut. ad 3. quod quamuis genera intermedia respectu specierum inferiorum, quas constituunt, habeant rationem generis, ipsa vero vt constituuntur per sua propria genera & differentias, habent rationem speciei subalternæ, & specificè differunt ab altera specie subalterna: & ita cum genus illis superius, de illis prædicatur; verè prædicatur de illis, vt differentiibus specie, imò improprie dicitur aliqua differre genere, quia vel sunt eiusdem prædicamenti, & sic differunt inter se specie a thoma, vel subalterna: vel si sint diuersi prædicamenti, non dicuntur differre genere; sed analogicè tantum conuenire. Ad secundam probationem dico, quod genus proprie prædicationis generis de speciebus tantum, non autem de differentijs prædicatur. Quia propria prædicatio generis est directa, & de his, quorum dicit in actu solam partem essentialis. Et cum differentia sit quid simplex nihil potest dicere in actu partem essentialis illius: immo cum differentia se habeat

ut forma determinans genus : prædicatio qua genus de differentiis prædicatur non est formalis & directa , sed potius ad modum prædicationis indirectæ : prædicatio autem propria generis debet esse formalis & directa , & ita genus prædicatione sibi propria non prædicatur , nisi de pluribus propriè differentibus specie . Cum hoc tamen stat, quod prædicatio generis , de differentiis, per quas est contrahibilis , reducatur ad prædicationem generis, quatenus de illis , ut quid essentialiter superius, & essentialiter per illas determinabile, prædicatur, & ad hunc modum reductivæ prædicationis generis sufficit , quod licet differentiæ, de quibus prædicatur, propriè inter se non differant specie, per illas tamen naturæ, de quibus genus propriè prædicatur, differant specie , quod est idē, ac ipsas differentias differre specie ut quod, seu esse principium differendi specie .

13 Obijcies quinto , quod nullum genus potest prædicari de specie, quam constituit . Non igitur potest prædicari de pluribus differentibus specie . Antecedens probatur , quia nulla pars potest prædicari de toto : ergo genus de specie , quam ut pars metaphisica componit , prædicari non potest .

Dices, quod licet pars phisica non possit prædicari de toto, quod componit, bene tamen pars metaphisica, quæ est totum potentiale , & in potentia includit, quid quid includit totum .

Con-

Contra tamen est; nam genus non prædicatur de specie; secundum quod est totum potentiale; ergo solutio nulla. Antecedens probatur, prædicatur de specie, secundum quod componit illam. Sed non componit illam, secundum quod totum potentiale est: ergo nec prædicatur de illa, secundum quod totum potentiale est. Maior est certa, & minor probatur, nam genus componit speciem, secundum quod distinguitur à differentia: aliàs compositio ex genere & differentia non solum non esset realis; sed neque verè compositio. Sed genus secundum quod totum potentiale non distinguitur à differentia, sed potius ut sic includit illam: ergo ut totum potentiale nec componit speciem, nec prædicatur de illa.

14 Respondetur solutionem datam esse optimam: pars enim physica, cum nullo modo sit totum, & consequenter non includat aliquo modo omnia, quæ in toto reperiuntur, non potest de illo verè prædicari. Pars autem metaphisica, quia simul est totum potentiale, immo esse totum potentiale, est conditio; ut sit pars metaphisica; licet in actu & explicitè non includat quidquid est in toto; includit tamen illud in potentia & implicitè: & consequenter potest optime de toto, quod componit, prædicari: sufficit enim, ut prædicatio sit vera, quod prædicatum includat implicitè, & in potentia, quidquid est in

subiecto . Ex quo patet, quid sit dicendum ad replicam : negatur enim, quod pars metaphisica, secundum quod totum potentiale est, non componat speciem . Et ad probationem negatur similiter, quod secundum quod totum potentiale, non distinguatur ab altera comparte saltem ratione, quod sufficit ad compositionem metaphisicam, nam licet differentia includitur in potentia in genere, non tamen includatur in actu, & consequenter ab illo saltem ratione distinguitur .

15 Ultimo tandem obijcies, quod genus prædicatione formaliter generis prædicatur de pluribus differentibus numero, ut animal de Petro & Paulo . Non igitur est proprium generis prædicari de pluribus differentibus specie . Antecedens probatur . Tum, quia de Petro & Paulo prædicatur animal *in quid*, & ut dicens in actu non totam illorum essentiam, sed partem solum essentiae illorum . Tum etiam, quia cum de Petro & Paulo animal, eo quod prædicatur de homine, prædicetur, eodem genere prædicationis de illis, atque de homine prædicatur : ac perinde de illis prædicatur etiam prædicatione generis .

Dices quod de Petro quidem & Paulo animal prædicatione generis prædicatur, non tamen immediate, sed mediate: & cum prædicabilia non in ordine ad terminum mediatum ; sed in ordine ad terminum immediatum constituentur, optimè genus

in ordine ad plura differentia specie, de quibus solum immediate predicatur,] describitur, & definitur.

Contra hoc tamen est, quod etiam immediate genus predicatur de pluribus differentibus numero, ut animal de hoc & de illo animali. Non igitur determinate debuit definiri in ordine ad plura differentia specie, sed indeterminate in ordine ad plura siue specie, siue numero differentia.

Respondetur, solutionem datam esse optimam, & ad replicam late dicemus sequenti quaest. 6. ubi varias illi solutiones assignabimus: pro nunc secundum probabiliorem dico, animal, & quodlibet aliud genus de individuis (si illa dantur) non predicari predicatione generis, sed potius predicatione speciei, quia predicatur ut dicens in actu totam essentiam illorum. Neque hoc, ut ibi explicabimus, est peculiare generi, sed commune omnibus predicabilibus, quae in ordine ad sua propria individua, quodlibet habet rationem speciei, & predicatione speciei de illis predicatur. Unde non admittimus genus predicatione generis de pluribus solum numero differentibus immediate predicari:



Q 4

QVA.

Q V Æ S T I O V.

Vtrum compositio ex genere & differentia sit vera compositio : & an sit realis vel rationis .

AD inuestigandum , qualis sit compositio ex genere & differentia, oportet præmittere, qualiter partes talis compositionis, genus videlicet & differentia, inter se distinguantur . Loquimur autem de genere & differentia vnius individui : certum est enim genus vnius individui , realiter à differentia alterius individui, imò & à genere alterius individui distingui, & similiter differentia vnius individui à differentia alterius . Vnde solum est difficultas de genere & differentia eiusdem individui, vt de animalitate & rationalitate Petri, qualiter hæc inter se distinguantur ex quo videbitur, qualem hæc compositionem faciant . Aliqui enim existimant, realiter actualiter, saltem formaliter genus & differentiam à parte rei, & antecedenter ad operationem intellectus distingui, & consequenter asserunt compositionem ex genere, & differentia esse realem, ita communiter tribuitur Scoto . Alij vero existimant, genus & differentiam solum distingui à parte rei fundamentaliter, & virtualiter ; actualiter autem solum per operationem intellectus, cum fundamento in

re genus à differentia distinguuntur; consequenterque asserunt, compositionem ex genere & differentia esse compositionem rationis, veram tamen compositionem, quam sententiam, vt communem & veritati conformem sequemur.

2 Dico igitur primo. Genus & differentia non distinguuntur actualiter à parte rei, sed solum distinctione rationis ratiocinata per intellectum. Conclusio est expressa D-Thomæ pluribus in locis, præcipue 1. part. quæst. 46. art. 3. ad 4. vbi ait, quod genus & differentia solum differunt secundum diuersas considerationes. Et prima conclusionis pars probatur primo, quia genus & differentia eiusdem indiuidui proueniunt ab eadem forma realiter & formaliter eadem: ergo ipsum genus & differentia non distinguuntur actualiter realiter. Consequentia patet, & antecedens probatur: nam animalitas v.g. & rationalitas Petri prouenit ab anima Petri, quæ secundum quod dat esse intellectiui, sensitui, & vegetatiui, eadem formaliter est, vt ostenditur 1. part. quæst. 76. ar. 3. & in libros de anima latius ostendendum remittimus.

Secundo probatur. Si genus à parte rei actualiter distingueretur, realiter formaliter à differentia, non posset formaliter prædicari de illa, nec de specie. Hoc autem est falsum: ergo & antecedens. Maior seu sequela patet: nam si genus distinguatur actualiter formaliter à differentia, non

includit formaliter, quidquid includit differentia & species : ergo non potest formaliter prædicari de illis : in prædicatione enim formali prædicatum debet includere formaliter, licet non explicitè, quidquid est in subiecto.

Secunda autem pars conclusionis manifestè probatur. Tum, quia aliquàlter distinguuntur genus & differentia, cum diuersis conceptibus formalibus concipiantur : ergo cum (vt ostendimus) non distinguantur actualiter à parte rei ; oportet, quod actualiter per intellectum distinguantur. Tum etiam, quia intellectus videns ex diuersis effectibus reperiri in bruto v.g. viuere & sentire, non autem intelligere ; & videns in homine viuere, sentire, & intelligere ; inuenit fundamentum, vt in eadem forma indiuisibili hominis distinguat gradum viuendi, & sentiendi, in quo conuenit cum bruto, & à quo natura generica animalis desumitur, & gradum intelligendi, seu ratiocinandi, in quo homo differt à brutis, & à quo differentia rationalitatis desumitur : ergo licet hæc à parte rei solum fundamentaliter, & virtualiter distinguantur ; quatenus tamen à parte rei inuenitur fundamentum, vt intellectus hæc distinguat, actualiter ab intellectu distinguuntur.

4 Dico secundo. Compositio ex genere & differentia non est compositio realis, immo nec actualis à parte rei, sed solum fit compositio actualis per intellectum.

Etum. Conclusio est expressa D. Thomæ pluribus in locis. Et inter alia quæst. 27. de veritate art. 1. ad 8. expresse vocat hanc compositionem, compositionem rationis, asserens, quod, ut aliquid ponatur in prædicamento accidentis, sufficit habere compositionem rationis ex genere & differentia, & in 3. cap. de ente & essentia §. Ex hoc patet, ait, quod hac compositio non est sicut ex duabus rebus tertia res, sed sicut ex duobus intellectibus tertius intellectus. Vbi in eo, quod asserit, non esse istam compositionem, sicut ex duabus rebus tertia res, negat illam esse realem, & in eo quod dicit, quod est sicut ex duobus intellectibus tertius intellectus, innuit illam esse compositionem rationis. Et quidem conclusio quoad omnes suas partes manifestè probatur ex præcedenti. Quia implicat esse compositionem realem, nisi inter extrema realiter distincta; nec potest esse compositio actualis, nisi inter extrema actualiter distincta. Sed ut ostendimus, genus & differentia non solum non distinguuntur realiter, sed nec aliquam distinctionem actualem habent à parte rei, sed solum à parte rei distinguuntur virtualiter, & fundamentaliter: ergo compositio ex genere & differentia, non solum non est realis, sed nec aliquo modo actualis à parte rei, & solum per intellectum fit compositio actualis, quatenus intellectus actualiter distinguens genus à differentia, & concipiens genus ut determinabile per differentiam,

& differentiam ut determinantem genus , facit compositionem actualem rationis ex genere & differentia . Totus discursus est legitimus , & minor manet iam probata . Major autem etiam est manifesta : nam ad realem compositionem requiritur , quod unum realiter se habeat ut actus , & alterum realiter ut potentia ; & unum realiter actuetur per alterum . Sed hoc implicat nisi inter extrema realiter distincta : ergo non potest esse compositio realis , nisi inter extrema realiter distincta .

§ Dico tertio . Nihilominus licet compositio ex genere & differentia sit compositio rationis : ac perinde minor omni compositione reali : est tamen vera compositio . Probatur conclusio à priori , & à posteriori . A priori quidem ex dictis : quia non solum per intellectum genus & differentia cum fundamento in ipsis rebus actualiter distinguuntur , sed & cum eodem fundamento concipitur genus , ut determinabile per differentiam , & differentia ut determinans genus ; & genus non includitur in conceptu essentiali differentiarum , nec differentia in conceptu generis : ergo licet compositio ex genere & differentia sit solum compositio rationis , est tamen vera compositio . A posteriori etiam idem probatur , nam talis compositio rationis etiam ex genere & differentia repugnat Deo , & ob id ille nec potest denominari ab intentione speciei , nec in prædicamento collocari : ergo est vera compositio .

positio, & non solum secundum modum significandi: alias non esset, cur omnimoda Dei simplicitati repugnaret.

6. Obijcies primo aduersus nostram primam, & secundam conclusionem, quod de ijs, quæ realiter identificantur, contradictoria simul verificari non possunt. Sed de genere & differentia eiusdem indiuidui contradictoria simul verificantur: genus ergo & differentia eiusdem indiuidui non realiter identificantur, sed realiter potius inter se distinguuntur: perperamque perinde ex defectu distinctionis realis compositionem ex illis realem esse, denegatur. Maior videtur certa, & minor probatur, nam de genere alicuius indiuidui verificatur, quod sit principium conueniendi cum alijs, & quod non sit principium ab alijs differendi: de differentia autem eiusdem indiuidui omnino contradictoria verificantur, nimirum quod non sit principium conueniendi cum alijs, & quod sit principium ab alijs differendi.

Respondetur, quod prædicata aliqua contradictoria, quæ faciunt sensum formalem, qualiter illud faciunt ea, quæ in argumento adducuntur, licet non possint de eodem realiter secundum eandem rationem verificari: bene tamen secundum diuersas rationes. Exemplum est clarum in diuinis: propter distinctionem enim solam virtuale, & eminentem essentiae diuinæ & Paternitatis v.g. dicimus de essentia, quod est communicabilis tribus per-

personis ; quod tamen negamus de Paternitate .

7 Obijcies secundo , quod genus & differentia sunt primo diuersa, realiter saltem formaliter , antecedenter ad omnem operationem intellectus actualiter distinguuntur : ergo sic distinguitur genus & differentia : ac perinde compositio realis ex illis resultat . Minor cum consequentia patet . Et maior probatur , differentia differt à genere per se ipsam : ergo est primo diuersa ab illo : ea enim , quæ se ipsis differunt , primo diuersa sunt : hac enim ratione dicitur , duas differentias esse primo diuersas . Antecedens probatur : nam differentia nō potest differre à genere per aliam differentiam : de illa enim erit eadem quæstio , per quid differat à genere ; si per se ipsam , iam aliqua differentia, erit primo diuersa à genere ; si per aliam differentiam , dabitur processus in infinitum in differentiis , qui non debet admitti . Dicendum ergo est , quamlibet differentiam se ipsa differre à genere .

Responderur , negando maiorem , & similiter negatur , quod differentia differat à genere per se ipsam , vel per aliam differentiam , quia si accipiantur à parte rei genus & differentia, non differunt proprie , & actualiter , sed solum fundamentaliter : & ita non est indagare per quid differant ; Distinctionem autem actuale, siue differre actualiter , solum habent per considerationem intellectus .

8 Obij-

8 Obijcies tertio, nam differentiae non sunt de essentia generis: ergo distinguuntur saltem formaliter ab illo. Antecedens probatur. Tum autoritate Philosophi, qui 3. metaph. tex. 1. ait differentiam esse extra rationem generis. Tum etiam, quia differentiae diuidentes genus, sunt inter se oppositae: ergo ambae non possunt esse de essentia generis, unde nec altera illarum. Tum, quia non est maior ratio unius quam alterius. Tum etiam, quia si una esset de essentia generis, nunquam posset genus per aliam contrahi.

Respondetur, quod de genere possumus loqui dupliciter. Vno modo, ut est à parte rei, & sic plura dantur genera realiter, tot videlicet animalitates, quot sunt individua, & quaelibet animalitas cum sua differentia, absque aliqua distinctione actuali inter illa, identificatur. Et hoc modo sumpto genere à parte rei, animalitate v.g. quae est in Petro, illa realiter distinguitur à differentia Leonis, imò à rationalitate Pauli: inter animalitatem autem Petri. & rationalitatem ipsius Petri à parte rei propriè non est comparatio, an unum sit, vel non sit de essentia alterius: quia non est à parte rei actualiter unum, & alterum. Alio modo possumus loqui de natura generica (& hic est magis vsitatus modus accipiendi genus) prout est per intellectum abstracta ab omnibus differentiis. Et sic admittimus totum, quod intendit argumentum, quod
nulla

nulla differentia sit de conceptu & essentia generis, sic abstracti. Hoc enim voluit dicere Aristoteles, & ratio ibi adducta conuincit. Cæteram, cum hæc exclusio differentiarum ab essentia generis sit solum per considerationem intellectus, non arguit, genus & differentiam distinguere à parte rei, nisi solum fundamentaliter, & virtualiter; & solum id arguit, quod quia eo modo, quo per intellectum genus & differentia actualiter distinguuntur, vnum non est de essentia alterius, nec vnum includit alterum, & è contra, compositio rationis, quæ sit ex illis, sit vera compositio, sicut & nos in vltima conclusione fatemur.

9 Obijcies quarto, quod genus & differentia eiusdem indiuidui, verbi grãtia, Petri, à rebus realiter distinctis desumuntur: ergo ipsum genus & differentia eiusdem indiuidui inter se realiter distinguuntur. Consequentia probatur ex opposito fundamento, quo conclusione prima ostendebamus, genus & differentiam realiter non distinguere: id enim probauimus, quia desumuntur ab eadem realiter forma: ergo si reuera genus & differentia desumuntur à rebus realiter distinctis, illæ etiam inter se realiter distinguuntur. Antecedens autem probatur, quia secundum Porphyrii, & commune philosophorum axioma, in substantijs saltem materialibus genus desumitur à materia, & differentia à forma. Sed forma & materia eius,

eiusdem indiuidui realiter inter se distinguuntur : ergo genus & differentia desumuntur à rebus realiter distinctis. S. Confirmatur : nam in vniuersum omnis compositio ex genere & differentia supponit tanquam radicem , à qua desumatur , aliquam compositionem realē : defectu enim solum talis compositionis realis non concedimus in Deo compositionem ex genere & differentia , quia non est in quo talis compositio fundetur : ergo genus & differentia semper desumuntur à partibus alicuius compositionis realis , ac perinde à rebus inter se realiter distinctis . Vnde & ipsum genus & differentia realiter etiam inter se distinguuntur , & compositio ex illis resultans erit compositio realis.

10 Respondetur ad argumentum , genus & differentiam in omnium sententia , proxime saltem non desumi vnum à materia & alterum a forma , sed tam genus quam differentiam desumi proxime à forma secundum diuersos illius gradus : & cum forma etiam secundum omnes suos gradus sit eadem realiter : inde sequitur genus & differentiam esse etiam idem realiter . quia in sua entitate debent proportionari cum identitate principij , à quo proxime , & immediate desumuntur . In explicando vero , qualiter vel remote genus dicatur desumi à materia , & differentia a forma , aliqui plura asserunt , contententes cum omni rigore verificare , quod in rebus materialibus genus radicaliter du-

desumatur à materia , & differentia à forma : id suo videri ex aliquibus D. Thomæ testimonijs deducentes . Sed in genere fateor me non intelligere , quare id ita rigorose verificetur , nec aliter id commune axioma intelligo , quam vt illud explicat noster Author in hoc capite de genere quæst. vnica in solutione ad 2. quod cum materia sit primum in genere potentialitatis , & determinabilitatis ; ad illam vt ad exemplar , omnis potentialitas , & determinabilitas reducitur : & quia genus vt genus dicit potentialitatem & determinabilitatem per differentias , se habet ad illas , vt materia ad formas , & differentia ad genus , vt formæ ad materiam : & ob id genus à materia , & differentia dicitur desumi à forma . §. Ad confirmationem respondetur , in eo quidem , in quo compositio realis esse & essentia non reperitur , non posse nec per intellectum reperiri compositionem metaphysicam , & ob id illam non reperiri in Deo : id tamen non est eo quod proprie compositio metaphysica fundetur , & radicetur in ea compositione reali , nec quod à partibus eius , partes compositionis metaphysicæ , scilicet genus & differentia , proprie radicaliter desumantur ; sed quia arguitiue colligitur , quod id in quo non est realis compositio esse , & essentia , sed est suum esse , ac perinde est actus purus , non potest conceptus vnius prædicati totaliter præscindi ab alio : & quia ad compositionem metaphysicam ,

ge-

generis, & differentiae requiritur non solum distinctio, sed praecisio vnius praedicati ab alio (quia enim conceptus entis hanc praecisionem habere non potest, respectu nullius potest esse genus) ideo optime colligitur, quod in eo, in quo non est compositio realis esse & essentiae, non potest fieri per intellectum compositio rationis metaphysica ex genere & differentia.

II. Aduersus tertiam autem conclusionem, obijcies primo, quod in omni vera compositione debet se habere aliquid ut determinabile, & aliud ut illud determinans. Sed id in hac compositione reperiri nequit; cum genus & differentia sint idem realiter, & idem non possit determinare se ipsum. Compositio igitur ex genere & differentia non est vere compositio.

Dices, quod licet idem secundum eandem rationem non possit determinare se ipsum, bene tamen secundum diuersam rationem; & quia genus & differentia, licet sint realiter & formaliter idem, distinguuntur tamen per intellectum, bene possunt secundum vnā rationem concipi per modum determinabilis, & secundum alteram per modum determinabilis.

Contra id tamen est, quod determinatio generis per differentiam, si aliqua est, a parte rei & antecedenter ad omnem operationem intellectus reperitur: ergo si a parte rei non datur determinatio gene-
ne

neris per differentiam ad veram compositionem sufficiens, nullatenus illa debet admitti: ac perinde nec vera ex genere & differentia compositio. Antecedens probatur, quia ante omnem operationem intellectus, immò si nulla esset possibilis operatio intellectus, à parte rei homo vere esset animal: ergo à parte rei habet animal omnem determinationem, quam à rationalitate potest habere. §. Confirmatur, quia tam genus quam differentia se habent, ut forma speciei: ergo compositio in illis non est vera compositio; in omni enim vera compositione unum se debet habere ut forma, alterum ut materia compositi. Antecedens probatur. Tam animal, verbi gratia, quam rationale prædicatur directe de homine: ergo utrumque se habet ut forma respectu illius, in prædicatione enim directa prædicatum semper se habet ut forma subiecti.

12 Respondetur ad argumentum, solutionem ibi assignatam esse optimam. Determinatio enim generis per differentiam non est realis; ac perinde à parte rei solum fundamentaliter talis determinatio reperitur; solumque fundamentaliter datur à parte rei compositio; & compositum metaphisicum, species fundamentaliter, definitio fundamentaliter, & prædicatio generi de differentia, & generis & differentia de specie solum fundamentaliter: & hæc omnia fiunt actualiter & for-

formaliter solum per operationem intellectus. Vnde ad replicam distinguendum est illud antecedens. Determinatio generis per differentiam à parte rei reperitur: fundamentaliter quidem, concedendum est antecedens: formaliter & actualiter, negatur antecedens: hoc enim modo solum per intellectum fit determinatio generis per differentiam, & id sufficit, ut vera licet non realis ex genere & differentia compositio resultet. §. Ad confirmationem respondetur, negando antecedens: genus enim quamvis vere sit forma compositi, habet modum materiæ & differentia modum formæ, quia sicut materia actuatur per formam, sic potentialitas generis actuatur per differentiam. Hoc autem non obstat, quo minus tam genus, quam differentia prædicentur directe de specie; quia licet id, quod se habet ut materia physica, non possit prædicari directe de illo, cuius est materia; bene tamen id quod se habet ut materia metaphysica: quia absolute est forma, licet habeat aliquem modum materiæ.

13. Obijcies secundo. Quod genus & differentia non se habent per modum partium respectu speciei: ergo non solum illam realiter, sed nullatenus vere component; in omni enim vera compositione componentia se debent habere ut partes respectu compositi. Antecedens probatur: quia genus & differentia prædicantur de specie. Sed partes non possunt prædicari

cari de toto, cuius sunt partes: ergo genus & differentia non sunt partes speciei.

Confirmatur, nam vel genus & differentia sumuntur cum præcisione vnius ab altero, vel absque præcisione; si absque præcisione, non possunt habere rationem partium, partes enim componunt ut vna distincta & præcisa ab altera: si autem sumantur cum præcisione, sic non possunt prædicari de specie, genus enim cum præcisione à differentia, nullatenus includit, quidquid includit differentia, ac perinde nec includit, quidquid includit species. Ex quo optimè sequitur, quod nec ut sic potest prædicari de illa.

14 Respondetur ad argumentum iuxta ea, quæ quæstion. præcedenti in solutione ad 5. dicebamus, quod licet partes phisicæ non possint prædicari de toto: bene tamen partes metaphisicæ, quia licet vna non includat alteram in actu, includit tamen illam in potentia, quatenus est totum potentiale; quod est ei conditio, ut vna prædicetur de altera, & vtraque de specie, ad quod sufficit, quod quælibet talium partium includat in potentia quidquid includit altera in actu: ac perinde & quidquid in actu includit species.

Ad confirmationem respondetur, genus & differentiam componere speciem non cum præcisione vnius ab altero, sed solum non dicendo genus in actu, sed in potentia, quod in actu dicit differentia & similiter differentia non dicente in actu, sed

solum implicite: & in potentia, quod explicite, & in actu dicit genus, hoc enim sufficit, ut intellectus genus à differentia distinguat: & cum hoc fiat, quod ad inuicem genus & differentia prædicentur, & utrumque prædicetur de specie, de qua non possent prædicari, si unum extremum compositionis specificæ cum omnimoda præcisione ab altero acciperetur. Maxime si ea præcisio ponatur in actu signato; ut si dicas homo est animal cum præcisione à rationali, quia esset idem ac dicere, quod homo sit solum animal, & non rationalis.

15 Obijcies tertio, quod non sufficit distinctio rationis inter aliqua, ut ex illis vera resultet compositio. Perperam igitur cum sola distinctione rationis inter genus & differentiam, veram ex illis saluare, contendimus, compositionem. Antecedens probatur primo, quia ens ratione ratiocinata distinguitur ab omnibus particularibus entibus. Et tamen cum nullius entis differentia veram facit compositionem: alias rationem generis respectu illorum haberet: ergo non sufficit distinctio rationis inter aliqua, ut ex illis per intellectum possit fieri vera compositio. §. Secundo probatur idem antecedens, quia in Deo plura prædicata ratione ratiocinata distinguuntur: & tamen ex illis non potest fieri etiam per intellectum vera compositio, alias Deum esse speciem compositam ex genere & differentia, & in prædicamento posse
col.

collocari concederemus . Non igitur sufficit , aliqua distingui ratione ratiocinata , vt ex illis per intellectum vera possit fieri compositio .

Confirmatur , quia si ad veram per intellectum compositionem distinctio rationis sufficeret , in homine , verbi gratia , non vna tantum , sed plures possent fieri compositiones , immo & plures quam in lapide , vel alio composito substantiali minus perfecto , quam homine . Consequens autem admittere , videtur inconueniens : ergo . Sequela probatur : nam in homine sunt plura genera & plures differentiae ratione distinctae , sunt etenim plura praedicata superiora , substantia , verbi gratia , viuens , sensibile , &c. in quibus singulis propria inueniuntur genera , propriaeque differentiae ; immò sunt plura praedicata in homine quam in lapide , qui longe imperfectior homine est : ergo non vna tantum , sed plures erunt compositiones in homine & plures quam in lapide : quod autem hoc admittere videatur inconueniens , probatur : nam sequeretur , quod homo non esset vnum compositum metaphisicum , sed plura , nec esset vna species , sed plures : & quod quanto magis aliquid esset perfectum , tanto esset minus simplex , tantoque magis compositum .

16 Respondetur ad argumentum , quod non quaelibet distinctio rationis etiam ratiocinata sufficit ad veram per intellectum compositionem , sed ea dum taxat , in qua
vnus

vnus conceptus non includitur in altero .
neque est de essentia alterius, aut è contra.
Et per hoc patet ad primam probationem
conceptus enim entis, quantumuis à con-
ceptu alicuius rei distinctus, in cuiuslibet
rei conceptu includitur: quia de essentia
cuiuslibet rei est: ac perinde cum nullius
rei conceptu compositionem facere potest:
Genus autem, quia quamuis sola ratione
distingatur à differentia, extra concep-
tum illius formaliter est, (genus enim nō
est de essentia differentiarum, nec differen-
tiæ de essentia generis sunt) idē potest
per intellectum veram compositionem fa-
cere cum differentiis. §. Ad secundam
probationem respondetur, quod etiam si
in diuinis propter nostrum imperfectum
modum cognoscendi, ratione distinga-
mus vnum prædicatum ab alio; quia ta-
men propter omnimodam simplicitatem
omnium quę sunt in Deo, & quia omnia in
Deo habent rationē actus puri, non possu-
mus ita præscindere vnum ab alio, quin
in illo essentialiter, & actualiter non ex-
plicitate includatur; idē non possumos in-
ter prædicata diuina veram composi-
tionem etiam per intellectum facere.

Ad confirmationem admittimus, in ho-
mine esse multas huiusmodi compositiones
& plures quam in alijs compositis imper-
fectionibus. Nec hoc est inconueniens; imō
arguit in illo maiorem perfectionem: cum
nim huiusmodi compositiones non repe-
riantur à parte rei formaliter, sed solum

fundamentaliter, & eminenter: habere plures compositiones, arguit maiorem eminentiam, licet absolute quælibet compositio comparata ad simplicitatem Dei sit imperfectio. Propter hoc tamen non est absolute admittendum, hominem non esse unum compositum metaphisicum, nec unam speciem, quia ut absolute denominetur unum, sufficit unitas identica & formalis eius formæ.

C A P V T

De Specie.

QVÆSTIO VI.

Utrum definitio speciei subijcibilis sit bona?

Duplicem respectum dicit species, alterum ad genus, prout alii superius de illa prædicatur, & secundum istum respectum dicitur species generi subijcibilis. Alterum respectum dicit ad individua, quatenus ut superior respicit illa: & ut sic dicitur species prædicabilis. Secundum igitur istum duplicem respectum diuersimode definitur à Porphyrio: quatenus species enim subijcibilis definitur sic, species est qua subijcitur generi, & de qua ge-
nus

Quæstio VI. 407

nus in eo quod quid prædicatur, (solum enim hoc ad eandem speciei subijcibilis definitionem pertinere, asserit noster Author in explicatione textus 3. huius capituli de specie.) Iuxta secundum autem respectum, ut prædicabilis videlicet, definitur species à Porphyrio sic, species est id, quod prædicatur de pluribus differens numero in eo quod quid. Vtramque autem prædictam definitionem, maioris claritatis gratia, diuersis quæstionibus examinabimus, & de prima in hac, de secunda vero in quæstione disputabimus sequenti.

2 Ad id ergo, quod ad quæstionem pertinet: præsentem, dicimus, præfatam speciei subijcibilis definitionem à Porphyrio assignatam esse optimam. Quia, species in ratione subijcibilis, cum sit generis correlativum, non melius, quam per subiectionem ad genus, ut de ipsa inquit prædicabile, potest talis eius ratio subijcibilis explicari: ergo cum sic prædictam definitionem explicetur, optima est talis definitio: quæ non aliter melius, quam ex solutione obiectionum, quæ aduersus illam possunt offerri, defendi poterit, & explicari.

3 Obijcies ergo primo prædictam definitionem conuenire indiuiduis naturæ specificæ, Petro v.g. & Paulo, quæ nullatenus habent rationem speciei. Prædicta ergo definitio speciei subijcibilis, ut pote alijs ab specie competens, non est bona, Antecedens probatur: nam Petrus, verbi

gratia, animali subijcitur, animalque de eo *in eo quodquid*, prædicatur ea ergo definitio, quoad omnes suas particulas Petro & cuilibet alio individuo naturæ specificæ competit. 5. Quod si dicas, Petrum mediatè tantum generi subijci, mediatèque genus de illo prædicari; in definitione autem præfata speciei, de subiectione immediata ad genus, & de generis immediata prædicatione sermonem fieri.

Contra, nam individua generica, verbi gratia, hoc animal, hoc corpus, &c. subijciuntur immediate generi, & immediate genus de illis prædicatur *in quid*. Cum ergo talia individua non sint species, restat, prædictam definitionem speciei non rectè esse assignatam. Antecedens probatur: nam certum est, talia individua subijci generi, & genus de illis *in quid* prædicari, sed nec subijciuntur generi mediatè, nec genus mediatè de illis prædicatur. Subijciuntur ergo generi immediate, & genus immediate de illis prædicatur. Minor probatur: nam hoc animal y g. non subijcitur generi mediante aliqua specie: non enim subijcitur animali, medijs omnibus speciebus animalis; quia unum individuum omnium specierum: ac per consequens non potest medijs omnibus illis, subijci generi nec subijciuntur medijs aliqua specie determinata, quia non est maior ratio unius, quam alterius; cum enim hoc animal non sit ma-
gis

gis individuum speciei humanae, quam equinae, non est, cur magis media specie humana, quam equina generi subijciatur.

4 Respondetur, solutionem datam esse optimam: & ad replicam, quae est difficilis, multi multa dicunt, & in primis, ut aliqui difficultatem effugiant argumenti, negant, dari individua generica, eo quod individua non reperiuntur, nisi determinata per ultimas specificas & individuales differentias; & consequenter implicatio exit, quod detur hoc animal, nisi per hanc rationalitatem, vel irrationalitatem determinatum. S. Gratis tamen haec individua generica negantur, & ut existimo, ex æquiuocatione procedunt illa negantes: existimant enim à parte rei non dari huiusmodi individua generica, nisi determinata, per talem vel talem differentiam specificam, hoc enim eorum convincit ratio, & oppositum nec nos asserimus, nec speciale est in individuis; à parte enim rei non solum individuum genericum sine specifico, sed nec genus sine specie, animal, verbi gratia, sine eo, quod sit contractum per rationale, vel irrationale, reperiri est possibile. Sed quod intendimus, est, quod sicut quamvis à parte rei substantia, corpus vivens, animal, & homo, sint idem realiter & formaliter; possumus tamen per intellectum abstrahere rationem substantiae, vel animalis ab homine, & hominem à Petro

& Paulo, non concipiendo, nec nominibus explicando aliquid præter naturam, sic abstractam, quamvis illa a parte rei cum alijs rationibus identificetur; & huius abstractionis in re ipsa reperitur fundamentum. Sic similiter licet a parte rei sint idem realiter, & formaliter hoc animal, & hoc rationale; possumus per intellectum, hoc animal abstrahere ab hoc rationali, & animal de hoc animali prædicare; absque eo quod illud de hoc rationali prædicemus: immò cum à longe videmus aliquod animal, quod mouetur, concipimus quidem, illud esse aliquod indiuiduum animalis, non concipiendo, an illud sit indiuiduum naturæ rationalis, vel irrationalis: & ita si à duobus indiuiduis animalis sic in confuso conceptis, vellet aliquis abstrahere naturam communem, solum posset, abstrahere illam ut communem prædictis indiuiduis generis, non autem ut communem prædictis indiuiduis specificis: quia non habuit speciem alicuius indiuidui specifici. Vnde non est, cur hæc indiuidua generica denegentur, nec hac via possit effugi difficultas argumenti.

§ Ad argumentum ergo. Respondent Louanienses, quod in prædicta definitione speciei debet subintelligi vniuersale, ita ut sensus definitionis sit iste, species est vniuersale, quod subiicitur generi, &c. Et quia indiuiduum genericum non est vniuersale, sed potius singulare;

ei præfata non conuenit definitio .

Et si huic solutioni obiciatur, speciem, vt respicit genus, seu vt subiicibilem generi, quod idem est (secundum quam rationem hic definitur) non esse vniuersalem, vt quæstion. 8. ostendimus. Non ergo debet in hac definitione subintelligi vniuersale: poterunt negare consequentiam, quia: quamuis species secundum hanc rationem non sit vniuersalis, eadem tamen secundum alteram rationem vniuersalis est: Et hoc sufficit, vt vniuersale tanquam materiale ponatur, vel subintelligatur in definitione ista speciei.

Nihilominus hæc solutio, quamuis aliquibus aliis placeat, insufficiens est. Nam quamuis aliquid materialiter conueniens definito possit collocari in aliqua definitione; non possunt tamen ea, quæ formaliter separantur à definito, per illud solum ab eius definitione excludi, quod materialiter in illa collocatur, vel subintelligitur: vt: quamuis in definitione albi, materialiter ingrediatur corpus; id quod formaliter ab albo distinguitur, non potest per solam rationem corporis ab eius definitione secludi. Si enim per possibile, vel impossibile, aliquid esset disgregatum visus, etiam si non esset corpus, non diceretur illud formaliter à definitione, & essentia albi excludi. Cum ergo individua generica formaliter à ratione speciei distinguantur, non poterunt per aliquod solum materialiter in definitione

412 *Lib. 4. de prædicabilibus*

speciei sub intellectum à prædicta definitione formaliter separari.

6 Aliter autem hoc soluit argumentum Caietanus in hoc capit. §. *Circa hanc definitionem dubitatur* - asserens, quod duplex est subiectio ad genus. Prima, ita, quod ipsa subiectio ex ipso genere oriatur, quia ea, per quæ aliqua generi subiecta constituuntur, scilicet differentia specificæ, ab ipso genere oriuntur: & hæc appellari potest subiectio formalis & per se. Vel potest esse subiectio ad genus; non ex ipso genere, sed ab aliquo extrinseco proveniens: quia id quod subiecta, generi addunt supra genus, & à quo determinantur, non ab ipso genere, sed aliunde, ab aliquo scilicet principio individuali, proveniunt: quæ proprie nuncupabitur subiectio materialis & per accidens. De prima autem subiectione intelligenda est definitio speciei, non de secunda. Et licet talis subiectio formalis ad genus conveniat speciei, quia subiicitur illi per differentiam specificam, quæ ab ipso genere, tanquam ab aliquo potenciali oritur; non tamen convenit individuo generico, quod ut sic nullam explicat differentiam ortam à genere, media, qua illi subiiciatur, sed differentiam solum explicat individualement ab extrinseco provenientem, & consequenter prædictis individuis genericis sic explicata ista definitio speciei nullatenus competit. Et hæc solutio, quam (ut ipse fatetur Caietanus)

ex

Questio VI. 413

ex B. Alberto Magno tractatu 3. in Por-
phirium, cap. 1. desumpsit probabilis sa-
tis atque subtilis est.

7 Aliter tamen ad idem respondetur
ad argumentum, quod individua ista ge-
nerica subiiciuntur generi, non quatenus
genus est, (quod requirebatur ad subie-
ctionem in hac definitione speciei requi-
sitam,) sed quatenus species quaedam
est. §. Pro quo est advertendum, quod
quælibet natura generica, animal v.g. si
comparatur ad species & ad individua
specificæ comparatur ut genus: quia com-
paratur ut contrahibilis per differentias,
& ut dicens in actu solam partem essentiae
speciei, & individuorum eius: si tamen
comparatur ad individua propria & im-
mediata, animal v.g. ad hoc & illud ani-
mal; comparatur ut species, quia ut sic
formaliter non accipitur ut contrahibile
per differentias, & dicit in actu totam
essentiam talium individuorum, animal
enim actu dicit, vivens, sensibile, quæ est
tota essentia explicata huius animalis, in
quantum hoc animal est. Nec hoc est pe-
culiare in genere: omnia enim prædica-
bilia, etiam si secundum aliquam ratio-
nem & respectum ad aliquem terminum
habeant rationem peculiaris prædicabi-
lis; secundum quod tamen ad propria &
immediata individua comparantur, ha-
bent rationem speciei, & ab intentione
speciei denominantur. Differentia enim,
licet in ordine ad speciem, quam consti-

R 5 cult,

tuit, vel in ordine ad individua specifica, rationale v.g. in ordine ad hominem, vel ad Petrum & Paulum, denominetur ab intentione differentia; in ordine tamen, ad hoc & illud rationale habet rationem speciei; sicut risibile in ordine ad hoc & illud risibile & album in ordine ad hoc & illud album: idem ergo non mirum, quod reperiatur in genere in ordine ad sua propria individua. Vnde quando dicitur genus prædicari de individuis genericis, nec genus formaliter in quantum genus intelligendum est prædicari, nec talia individua dici generica, eo quod generi, in quantum genus est, subiiciantur; sed quia id quod de talibus individuis prædicatur, & cui talia subiiciuntur individua, materialiter, & secundum alium respectum est genus.

8. Ex quo colligo, genus etiam ultimum duas dicere relationes, seu respectus essentialiter distinctos. Alterum quidem ad species, & individua specifica, quæ sub speciebus continentur, immediate & primario ad speciem terminatum, immediate autem & secundo ad individua specifica: utrumque enim in adæquatum terminum adæquatè unica & eadem relatione respicit, quia sub eadem ratione, scilicet ut dicens actus solum partem essentia, tam speciei, quam individuorum, quæ specifica nuncupantur, illa respicit, & per hunc respectum genus in esse generis formaliter constituitur. Alterum vero respectum, dicit

dicit ad propria individua (quæ generi-
ca diximus nuncupari) distinctum essen-
tialiter à primo; quia illa, ut dicens in
actu totam illorum essentiam, respicit, &
per hunc respectum talis natura generica
in esse speciei constituitur.

9. Obiicies secundo, quod species non
potest definiti per genus. Præfata
ergo definitio non est bona. Antecedens
probat, genus est quid ignotius specie:
alias genus non definiretur per speciem,
ut de facto definitur à Porphyrio: ergo
species non potest definiti per genus, nihil
enim notius per aliquid ignotius definiti
potest.

Confirmatur, si species posset definiti
per genus, species ipsa posset ingredi sui
definitionem, quod est contra præcepta
definiendi. Sequela probatur, nam teste
Aristotele 2. Topicorum, cap. 5. in defi-
nitione loco cuiusvis partis licet ponere
definitionem illius, ut in definitione ho-
minis, loco animalis, vivens sensibilis
licet collocare. Licebit ergo hoc in defi-
nitione speciei, et si id fiat: definitur sic
species est, quæ subiicitur ei, sub quo col-
locatur species, & sic species in sui ipsius
definitionem ingreditur.

Ad argumentum, omnis alijs, quæ
proprius ad materiam de relatione spe-
ctant, responderetur cum Caietano hic,
quod non est necessarium, quod omnes
partes definitionis sint notiores definito, si
sint partes extrinsecæ qualiter unum rela-

416 *Lib. 4. de predicabilibus*

tium est pars definitionis alterius correlatiui; sed sufficit, quod sint æquæ & simul notæ cum definito . maxime cum vnum relatiuum (vt notauit B. Albertus tractatu de relatione , cap. 9.) non definiatur per aliud relatiuum tanquam per causam , sed vt ad aliud extrinsecum , ad quod dicit habitudinem .

Ad confirmationem ex eodem Caietano respondetur, negando quod in definitione relatiui loco alterius correlatiui liceat ponere definitionem eius . Præceptum enim Aristotelis de partibus tantum, intrinsecis definitionis est accipiendum, non de extrinsecis , quale est relatiuum in definitione sui correlatiui .

QVÆSTIO VII.

Vtrum definitio speciei predicabilis sit bona ?

Diximus quæstione præcedenti, speciẽ secundum respectum predicabilitatis definiri à Porphyrio, quod sit, *qua predicatur de pluribus differentibus numero in eo quod quid* Hanc autem definitionem esse optimam vniuersimode omnes admittunt. Et merito quidem : quia cum hic (vt quæst. sequenti dicemus) definiatur species , vt vniuersalis, optime in ordine ad inferiora, in quo cum omnibus vniuersalibus conuenit, definitur . Per illam autem particulam *quid* o huiusmodi in *quid* distinguitur species à tribus sub.

subsequentibus prædicabilibus, quæ non prædicantur in *quid*, & per eandem particulam & alteram videlicet *de pluribus differentibus numero*, si rectè intelligantur, distinguitur species à genere, quod immediate non prædicatur de pluribus solo numero differentibus, qualiter ea particula debet intelligi in definitione speciei. Et quia genus non prædicatur, ut dicens in actu totam, sed solam partem essentia eorum, de quibus prædicatur; species vero prædicatur de pluribus differentibus numero, ut dicens in actu totam illorum essentiam. Ut autem hæc clariora fiant, aliqua aduersus hanc definitionem speciei possunt obijci.

2. Obijcies ergo primo. Hanc definitionem speciei prædicabilis competere generi. Tum, quia genus immediate, & in *quid* prædicatur de speciebus, quæ non solum specie, sed numero differunt. Tum etiam, quia in *quid* prædicatur de indiuiduis specificis, ut animal de Petro & Paulo. Tum denique, quia immediate & in *quid* prædicatur de indiuiduis genericis, ut animal de hoc & illo animali.

Respondetur, negando antecedens. Et ad primam & secundam probationem dicitur primo, quod de speciebus & indiuiduis specificis non prædicatur genus in *quid*, ut dicens in actu totam illorum essentiam, qualiter debet intelligi prædicari in *quid*, in definitione speciei. Et ad primam probationem dicunt secundo, quod species de quibus

quibus prædicatur genus, licet etiam numero differant, non differunt solo numero, sed etiam specificè, & in definitione speciei debet intelligi, quod de solo numero differentibus prædicatur. §. Ad secundam probationem dicitur secundo, quod genus de indiuiduis specificis prædicatur *in quid* mediatè, & in definitione speciei debet intelligi prædicari immediatè de pluribus differentibus numero. §. Ad tertiam denique probationem respondetur, genus quidem, vt diximus quæst. præcedenti, prædicari de indiuiduis genericis prædicatione speciei, & vt formaliter respectu illorū est species; & sic non mirum, quod respectu illorum definitio ei competat speciei prædicabilis, quod est, illud competere generi materialiter, non autem formaliter vt genus, sed vt species est; & eodem modo potest eadem definitio competere omnibus alijs prædicabilibus, quatenus in ordine ad sua propria indiuidua rationem habent formaliter speciei prædicabilis.

3 Obijcies secundo, differentiam immediatè prædicari de pluribus differentibus numero *in quid*, vt rationale de Petro & Paulo. Nihil ergo est in prædicta definitione speciei, quod differentiae non competat, etiam quatenus differentia est: ac perinde talis definitio, vtpotè alijs ab specie competens, non est bona.

Respondetur primo, differentiam prædicari de indiuiduis, vt quid incompletum, & vt solum dicens in actu partem essentiae illo.

illorum, non quidem partem determinabilem ut genus, sed partem determinantem, actuantem, & constituentem; & per id sufficienter differentia distinguitur ab specie, quæ prædicatur de indiuiduis ut quid completum, & ut dicens in actu totam essentiam illorum: sic enim, ut sæpius diximus, debet intelligi in definitione speciei prædicari in quid de pluribus differentibus numero. Secundo respondetur, quod, ut supra quæst. 4. in solutione ad 1. ostendimus, licet differentia de specie, quam constituit, & illius indiuiduis quoad rem prædicetur in quid: quo ad modum tamen prædicatur de iis in quale, & ita respectu illorum, non competit differentie definitio speciei, in qua debet intelligi, prædicari quoad rem, & quo ad modum in quid.

4. Obijcies tertio, quod Deus prædicatur in quid, de pluribus differentibus numero, scilicet de Patre, Filio, & Spiritu sancto, & tamen non est species, cum non sit compositus ex genere & differentia, ac perinde nec in aliquo prædicamento collocetur. Iam igitur alijs ab specie competit speciei definitio: ac perinde non est bona.

Respondetur, quod præter quam quod, ut ex D. Tom. 1. p. q. 30. adnotat noster author in hoc cap. q. unica in solutione ad primam confirmationem secundi argumenti, personæ diuinæ non propriè differunt numero præter hoc, inquam, respondet ibi idem Ss. Magister Soto, quod in hac definitione

nitio

atione non

420 *Lib. 4. de prædicabilibus*

nitione speciei, cum definiatur species formaliter, vt est vniuersalis, debet subintelligi genus scilicet vniuersale, & quod species vt quid vniuersale formaliter prædicetur de pluribus differentibus numero; quod vtique naturæ diuinæ non competit, quia licet prædicetur de pluribus diuinis Personis; non tamen prædicatur de illis vt vniuersalibus, quia non prædicatur, vt realiter in illis partibilis, diuisibilis, & multiplicabilis, sed vt omnino realiter eadem in omnibus illis existentis.

5 Obijcies quarto, quod punctum, anima, & indiuiduum vagum, vt aliquis homo, prædicantur *in quid*, de pluribus differentibus numero. Et tamen nullum istorum est species: quia dicunt aliquid incompletum. Iam igitur hæc definitio alijs à specie competit: ac perinde non est bona.

Respondetur, iuxta ea quæ quæst. 1. in solut. ad 3. & 4. diximus, quod omnia hæc non sunt propriè species: quia non dicunt aliquid completum: reductiuè tamen sunt species, & sic reductiuè eis solum competit hæc definitio; vtpotè in qua prædicari *in quid* per modum alicuius essentia completæ cum proprietate debet intelligi.

6 Vltimo tandem obijcies, aliquam dari speciem, quæ de pluribus non possit prædicari, species videlicet angelica, cui plura habere indiuidua, de quibus prædicetur, repugnat. Non igitur omni speciei competit prædicari de pluribus. Sed

de

de hac obiectione, quia specialem exigit difficultatem, in speciali infra quaestione disputabimus.

QVÆSTIO VIII.

Qualiter in specie respectus subijcibilis & predicabilis inter se comparentur, & secundum quem illorum sit uniuersalis?

Cum species duplicem respiciat terminum, genus videlicet vt sibi superius, & cui subijcitur, & individua, in quibus determinatur; & multiplicatur, & de quibus prædicatur; duplicem ipsa species habet respectum, ad genus videlicet vt subijcibilis, & ad individua, vt prædicabilis. Et difficultas est, an secundum vtrūque illum respectum sit uniuersalis & qualiter isti duo respectus ad inuicem comparentur. Ad quod, omittens diuersitatem referre sententiarum, breuiter aliquibus conclusionibus respondetur.

1. Dico igitur primo. Species formaliter, vt subijcibilis, non est uniuersalis uniuersalitate logica; neque ab illa ratio subijcibilitatis dimanat: supponit tamen in speciebus saltē in diuersis indiuiduis multiplicabilibus uniuersalitatem metaphisicam, vt fundamentum remotum ipsius subijcibilitatis. Prima pars conclusionis est communis. Et probatur, nam uniuersale

422 *Lib. 4. de Prædicabilibus*

sale logicum constituitur formaliter per respectum formalem naturæ ad inferiora, in quibus est. Sed species, ut subijcibilis, non dicit respectum ad inferiora, in quibus sit. Ergo species formaliter ut subijcibilis non est vniuersale logicum. Minor probatur. Species formaliter ut subijcibilis solum respicit genus seu genera, quibus subijcitur. Sed hæc non respicit, ut inferiora in quibus sit; sed potius ut superiora, quæ in ipsa sunt; quia inferiora non sunt in superioribus, sed potius superiora in inferioribus sunt: ergo species formaliter, ut subijcibilis, non respicit aliqua ut sibi inferiora, & in quibus illa sit.

3 Secunda autem pars conclusionis, nempe rationem subijcibilis in specie non dimanare à ratione vniuersalitatis, probatur. Nam, ut diximus, ratio subijcibilis est respectus speciei ad superiora, & speciei ut inferiori competens: ratio autem prædicabilis est respectus speciei ad inferiora, & ipsi speciei ut superiori conueniens. Sed isti respectus sunt diuersi, imò quodammodo oppositi: ergo vnus non dimanat ab altero.

4 Tertia autem pars conclusionis, nimirum quod in specie saltem multiplicabili per indiuidua ad rationem subijcibilis supponatur ut fundamentum remotum, illam esse vniuersalem metaphysicè, probatur: quia non competit naturæ saltem multiplicabili per plura indiuidua ratio speciei subijcibilis, nisi ut per intellectum abstracta-

Questio VIII. 423

abstractæ ab indiuiduis. Sed vt sic abstracta natura est vniuersalis metaphysicè, vt ostendimus libro præcedenti quæst. 8. conclus. 1. Ergo, vt naturæ saltem multiplicabili per plura indiuidua competat ratio speciei subijcibilis, requiritur saltem, vt fundamentum remotum, quod illa sit vniuersalis metaphysicè. Maior probatur, quia non potest competere ratio speciei subijcibilis naturæ vt limitatur in diuersis singularibus: ergo solum potest competere illi vt à singularibus abstractæ. Antecedens probatur, quia ratio speciei subijcibilis consistit in immediatæ subiectione ad genus, & fundatur proximè intentio subijcibilitatis in comparatione naturæ ad genus, vt immediatè sibi superius. Sed natura vt in singularibus limitata, non potest comparari ad genus, vt immediatè illi superius, aut immediatè de illa prædicabile: ergo naturæ vt limitata in singularibus, non potest competere ratio speciei subijcibilis.

¶ *§* Dico secundo, species formaliter vt prædicabilis, est vniuersale logicum: & sub hac ratione constituit secundum prædicabile. Prima pars conclusionis probatur. Quia vniuersale logicum constituitur formaliter per respectum ad inferiora, in quibus est; & ita quælibet species vniuersalis per specificum distinctum respectum ad inferiora debet constitui. Sed species vt prædicabilis dicitur specialem respectum ad

ad inferiora : ergo formaliter vt sic sub ea ratione est vniuersalis .

Inde etiam patet secunda pars conclusionis : nam cum prædicabilia sint membra, in quæ vt in proprias species diuiditur vniuersale, sub ea ratione , qua specialem dicunt rationem vniuersalitatis , in specie prædicabile , & speciale membrum prædictæ diuisionis constituentur : & ita sub speciali respectu, quem vt superius, & vt prædicabile dicit ad sua inferiora, constituitur in ratione secundi prædicabilis .

6 Dico tertio . Licet intentio speciei subijcibilis , & prædicabilis materialiter in eadem specie inueniatur , vna non oritur ex altera, neque è conuerso : prius tamen connaturaliter intelligitur intentio subijcibilis, quam prædicabilis . Prima pars conclusionis iam manet insinuata in secunda parte primæ conclusionis : & probatur . Quia isti duo respectus in specie , non solum sunt diuersi , sed quodammodo oppositi ; vtpotè alter respectus naturæ ad sibi superius , & alter habitudo naturæ ad sibi inferiora : ergo vnus istorum respectuum propriè non oritur ex altero, neque è conuerso .

Confirmatur exemplo : nam quando in eodem materiali , vt in eodem homine, reperitur relatio filiationis ad suum patrem tanquam ad sui causam , & relatio filiationis ad suum filium vt ad sui effectum ; quia istæ duæ relationes habent terminos

non

non solum diuersos , sed quasi oppositos ; istae relationes non solum sunt diuersae , sed proprie vna non oritur ex alia , neque è conuerso : ergo similiter respectus subijcibilitatis & prædicabilitatis , qui in eadem specie reperiuntur .

7 Secunda autem pars conclusionis explicatur , & simul probatur . Nam , species respicit superius vt aliquid sibi intrinsecum , & intrinsecam partem suae essentialis constitutionis ; inferiora autem , scilicet indiuidua , respicit species vt aliquid sibi extrinsecum ; & à quibus extrinsece denominatur , & limitatur . Sed conaturaliter prius est , vt compararetur species ad sibi intrinsecum , quam ad extrinsecum , sicut prius intelligitur , illam in se esse essentialiter constitutam , quam ab extrinseco determinari , & limitari : ergo naturaliter prius reperitur in specie ratio subijcibilitatis , quam prædicabilitatis , siquidem ipsa species prius intelligitur , vt comparabilis ad sibi superius , quam vt comparabilis ad sibi inferiora .

8 Ultimo tandem dico . Hoc nomen species est æquiuocum ad speciem subijcibilem & prædicabilem . Hoc patet ex dictis : nam cum ratio subijcibilis , & prædicabilis nihil habeat commune præter nomen , vtrumque talem respectum significans , æquiuocum est ad vtramque rationem . Et si inquiratur , quid sit species ? non absolute , sed sub distinctione est à quocumque respondendum , & aliter de spe-

426 *Lib.4.de prædicabilibus*

specie subiicibili, aliterque de specie prædicabili est loquendum.

9 Aduersus ea, quæ in his conclusionibus diximus, nulla alicuius momenti offertur obiectio, quæ in ipsis conclusionibus insinuata, & diluta non maneat. Et solum circa id, quod in tota hac quaestione videtur supponi, semper videlicet in eodem materiali coincidere intentionem speciei subiicibilis, & prædicabilis, dubitari potest, an id vniuersaliter sit verum. Pars enim negatiua videtur vera, quia immediate subiicitur generi. Et tamen, secundum probabilem sententiam non est species prædicabilis, quia ei repugnant plura indiuidua, quæ vt inferiora respiciat: iam ergo datur in aliquo ratio speciei subiicibilis absq; ratione speciei prædicabilis. Simi iter substantia in ordine ad sua propria indiuidua generica, vt ad hanc & illam substantiam, est species prædicabilis, quia de illis prædicatur, vt dicens in actu totam illarum essentiam, quæ ipsa indiuidua explicant, & tamen substantia nullatenus est species subiicibilis. Quia nec mediate nec immediate alicui generi subiicitur: solum enim subiicitur vt sibi superiori enti, quod respectu illius rationem generis habere nequit. Iam igitur intentio speciei prædicabilis datur in aliquo, in quo intentio speciei subiicibilis nullatenus reperitur.

10 Ad hoc tamen respondetur primo, quod huc vsque non diximus, rationem spe.

speciei subiicibilis & prædicabilis esse ita vel naturaliter connexas, quod nunquam vna sine altera possit reperi: sed solum explicuimus qualem ordinem, & respectum inter se huiusmodi rationes, & intentiones obseruare debeant, cum vtraque (vt communiter contingit) in eodem materiali reperitur.

Secundo respondetur, quod nulla reperitur species subiicibilis, quæ simul non sit species prædicabilis: quæstione enim 10. huius libri ostendemus, speciem angelicam etiam habere rationem & intentionem speciei prædicabilis. Substantia autem licet non possit esse proprie species subiicibilis, quia cum sit genus supremum, nullum habet genus, cui subiiciatur; & ita cum dicitur omnem speciem de aliquibus prædicabilem debere esse respectu aliquius subiicibilem; si de subiicibilitate propria & in ordine ad genus id intelligitur, solum est verum, in speciebus arthomis vel subalternis, non autem in genere supremo, quod licet in ordine ad sua propria indiuidua possit habere rationem speciei prædicabilis, respectu nullius generis potest habere intentionem speciei proprie subiicibilis. Potest tamen esse minus proprie species subiicibilis respectu entis, quia illi licet non vt generi, (ens enim non potest esse genus, quia non est vniuocum) vt sibi tamen essentia- lieer superiori subiicitur.

QVÆSTIO IV.

*Vtrum genus in unica specie , & species in unico possit saluari
individo?*

V Trumque, membrum huius difficultatis in hunc locum pertractandum distulimus, ut cognita generis & speciei natura unum ad alterum possemus comparare, & inquirere, an æquiparentur genus & species, in hoc, quod genus in unica specie, & species in unico individo possit conservari; an vero in hac parte discriminentur. Et ut in hac difficultate, in qua aliqui diversas generis, & speciei acceptiones confundentes, subobscurare loquuntur, clarius procedamus, aliqua prius notanda, & certa ab incertis separanda, duximus,

1. Est ergo supponendum, genus & species sumi posse dupliciter, vel pro natura substracta, vel propria generis & speciei intentione: & natura substractam generis quam speciei, adhuc dupliciter potest accipi; vel ut totum actuale, vel ut totum potentiale. Ut totum actuale, secundum videlicet illud, quod dicit actualiter & essentialiter, verbi gratia, homo secundum quod dicit animal rationale; & animal secundum quod dicit vivens sensibile. Ut totum vero potentiale, secundum

cundum illa, quæ in potentia includit: verbi gratia, homo, secundum indiuidua, quæ aliquo modo in potentia (vt postea explicabimus) includit; & animal secundum omnes species, quas potentia claudit, rationale videlicet, & irrationale.

3. Quo supposito, certum in primis apud omnes debet esse, quod si genus & species logice, seu secundo intentionaliter accipiantur, plures, genus, vt suæ relationis terminum, exigit species; pluraque species, vt suæ relationis terminum, exigit indiuidua: siue plures tales species, & indiuidua debeant esse saltem possibiliæ; vt aliqui autumant: siue sufficiat, quod sint plura conditionaliter ab intellectu concepta, vt in sequenti questione explicabimus (de hoc enim modo non discurremus,) sed solum asserimus, genus & speciem logice, & secundo intentionaliter accepta, conuenire in hoc, quod vtrumque requirit plura, genus videlicet, plures species, & species plura indiuidua; quod ex ipsis generis & speciei definitionibus plane colligitur.

4. Vt certum etiam ab omnibus admittitur, si genus & species pro substrato, vt tota quædam actualia accipiantur genus vnica specie, immò in vnico indiuiduo; & speciem in vnico saluari indiuiduo: si enim de illo solum loquamur, quod actualiter animal, v.g. includit, quis dubitet, totum illud in hominis, immò & in Petro saluari, in quo vera ratio viventis sensibi-

lis reperitur? Sicut in eodem indiuiduo totum, quod actualiter species v. g. homo includit, ratio videlicet animalis rationalis, saluatur. In vnico ergo indiuiduo, ne dicam in vnica, specie, genus vt totum actuale poterit reperiri: & de facto post resurrectionem vniuersalem, natura animalis, vt totum actuale in vnica reperietur specie: & in vnico dumtaxat indiuiduo species fuit humana, in parua illa temporis mora post formatum Adamum ante formationem Euz.

5 Tota ergo præsens difficultas debet esse circa genus & speciem, si vt totum, potentiale accipiantur; an videlicet vt sic genus in vnica specie, & species in vnico possit conseruari indiuiduo. Aliqui enim vtrumque concedunt. Alij vtrumque negant, & alij denique concedentes, speciem in vnico posse conseruari indiuiduo, negant, genus in vnica specie posse conseruari.

6 Et quidem statim se offert ratio dubitandi. Quia sicut species respicit indiuidua, sic genus respicit species: ergo æqualiter de vtroque, vt totum potentiale est, videtur in hac parte dicendū, & quod si species vt totum potentiale in vnico, potest saluari indiuiduo, etiam genus vt totum potentiale in vnica possit saluari specie, vel si genus vt totum potentiale in vnica specie non possit conseruari, nec species vt totum potentiale in vnico possit conseruari indiuiduo. §. Confirmatur, quia

quia genus, etiam vt totum potentiale, nō distinguitur realiter ab specie. Ergo si vnico indiuiduo conseruetur vt totum potentiale species; in illo etiam dumtaxat (ne dicam in tota vna specie) genus vt totum potentiale cōseruabitur. Antecedens probatur, quia potentialitas generis non distinguitur realiter ab ipso genere. Sed genus secundum totum actuale, quod dicit, non distinguitur ab specie: ergo nec secundum quod est totum potentiale. Vniiformiter igitur & absque aliquo discrimine videtur, in hac parte de genere & specie esse loquendum.

7 Pro resolutione igitur veritatis dico primo. Potentialitas generis ad diuersas species est illi intrinseca, & secundum suā essentiam conueniens, potentialitas autem, seu (vt melius dicam) multiplicabilitas speciei ad indiuidua est illi extrinseca, & ab extrinseco proueniens. Hanc conclusionem, quæ expressa est nostri Authoris in hoc cap. quæst. vnica, circa primam confirmationem secundi argumenti, & absque dubio est sententia Aristotelis & D. Thomæ, non melius, quam illam explicando, probabimus. Pro quo est aduertendum, quod generis potentialitas ad diuersas species, nihil aliud est, quam quod per diuersos gradus eius essentia contrahatur, & in multis speciebus essentialiter per diuersum gradum determinata diuidatur. Quia ergo isti gradus, per quos generica natura essentialiter contrahitur, & diui-

432 *Lib. 4. de prædicabilibus*

ditur intrinsecè , sunt in ipsa potentialitate generis , hinc est, quod hæc potentialitas, seu diuisibilitas generis ab intrinseco ipsi generi competat . Species vero , quia est vltimo essentialiter contracta, & determinata, non est essentialiter vltius contrahibilis & determinabilis, sed solū multiplicabilis ab extrinseco ratione diuersæ materiæ : ratio enim hominis nihil essentialiale habet in Petro, verbi gratia, quod non habeat in Paulo, sed solum per diuersam materiam ipsi extrinsecam, humanitas in illis multiplicatur . Vnde vt bene notauit Sapiētissimus Magister Soto ex Auicena , species non tam proprie dicitur diuidi, quam multiplicari in indiuiduis . Ex quo manifestè colligitur secunda pars nostræ conclusionis , potentialitatem videlicet speciei, qualis illa sit , (propriè enim non debet dici potentialitas , sed multiplicabilitas) non esse intrinsecam speciei, nec illi ab intrinseco prouenire, sed extrinsecā illi esse , vtpotè ab aliquo ipsi speciei extrinseco prouenientem .

8 . Dico secundo . Genus, secundum quod totum potentiale, non potest saluari in vnica specie, idest genus suaptè natura, & secundum sibi intrinseca petit plures species , omnes videlicet illas , quas potest habere, & nisi in illis omnibus sit, nō erit intrinsecè adæquatè perfectum . Hæc conclusio sic intellecta, est expressa nostri Authoris loco citato . Et probatur, genus secundum sibi intrinseca dicit potentialitatem

Questio IX. 433

tem ad omnes species, quas potest habere: sed potentialitas non perficitur adæquatè nisi per sibi adæquatum actum: ergo nisi genus ad omnes, quas potest habere species, si contractum, non erit intrinsecè adæquatè perfectum. Minor probatur, quia enim potentialitas materiæ primæ est ad omnes formas, tanquam ad suum actum adæquatum, & illi intrinseca; dum omnes tales formas non habet, manet semper materia intrinsecè imperfecta: ergo potentialitas aliqua intrinseca non perficitur intrinsecè adæquate, nisi per sibi adæquatū actum.

9 Dico tertio. Licet multiplicabilitas speciei nō exhauriatur nisi in omnibus individuis, per quæ ab extrinseco potest species multiplicari; species tamen secundum omnia sibi intrinseca in vnico tantum individuo saluari potest. Prima pars conclusionis, meo videri, est certa; & forsan illam tantum Authores oppositi intendūt. Et probatur manifestè, nam quantumvis species aliqua humana, verbi gratia: in Petro & Paulo multiplicetur, si aliàs est multiplicabilis, per aliàs materias & conditiones individuantes, eius multiplicabilitas non exhaurietur, sed poterit amplius, & amplius in alijs individuis similiter ab extrinseco multiplicari: multiplicabilitas ergo illius non nisi in omnibus possibilibus individuis est exhauribilis; quæ cum infinita synchategorematicè sint, nunquam de facto exhaurietur.

434 *Lib.4. de Prædicabilibus*

Secunda autem pars conclusionis ex prima conclusione manifestè colligitur. Nam species in vnico indiuiduo, secundū omnia quæ actualiter includit, saluatur; & alias nullam potentialitatem, seu diuisibilitatem ab intrinseco dicit (vt ostendi in prima conclusione:) ergo species secundum omnia sibi intrinseca in vnico saluatur indiuiduo.

10 Ex dictis colligitur primo, discrimen inter genus & speciem versari in hoc, quod genus secundum sibi intrinseca dicit potentialitatem ad species: & quia hæc potentialitas non nisi in omnibus speciebus potest exhaustiri; genus secundum sibi intrinseca non nisi in omnibus speciebus conseruari potest. Species autem secundum sibi intrinseca nullam dicit potentialitatem: & consequenter quando dicitur, quod species, vt totum potentiale potest reperiri in vnico indiuiduo; debet accipi in vi huius negatiuæ, quod species secundum potentialitatem ab intrinseco ipsi conuenientem, nō exigat plura indiuidua, quia talis potentialitas ab intrinseco ei nullatenus competit: & ita negatiua erit vera, quia quoad id quod subiectum dicit potentialitatis intrinsecè, est de subiecto non supponente.

11 Secundo colligitur, hanc resolutionem absque dubio esse de mente Aristotelis & D. Thom. vt expresse asserit Ss Magister Soto loco citato. Aristoteles enim, in 4. Topicorum cap. 3. expresse ad rationem

nem generis plures exigit species: & similiter D. Thom. in 4. dist. 9. q. 4. art. 2. quorū auctoritates, si ad praefatum explicentur sensu, optimam habent intelligentiam.

12 Colligitur tandem facilis solutio ad rationem à principio positam, dubitandi: dicimus enim, quod licet genus & species si secundo intentionaliter accipiātur, omnino æquiparentur, quod sicut genus respicit species, ita species respicit individua; si tamen primo intentionaliter accipiantur; genus vt totum potentiale, tanquam intrinsece in eius potentialitate contentas, respicit species: ac perinde, quoad totum intrinsecum potentiale, quod dicit, non nisi in omnibus illis saluari potest: species autem non respicit individua, vt in aliqua sua intrinseca potentialitate contenta, sed vt extrinseca ipsius naturæ additamenta, per quæ ab extrinseco ipsa natura specifica potest determinari, limitari, & multiplicari: & ita totum intrinsecum, quod dicit species, in vnico potest saluari individuo, quia præter actuale, quod dicit, nihil dicit intrinsecum potentiale.

Ad confirmationem autem respōdetur, quod potēcialitas generis formaliter sumpta non conuenit illi, nisi prout in intellectu abstracta ab omnibus speciebus, inuenitur, & vt sic indifferenter se habet ad omnes differentias, & per omnes illas est contrahibilis: & ita vt à parte rei natura generica per aliquam differentiam con-

436 *Lib.4.de predicabilibus*

tracta & determinata , non habet potentialitatem ad plures differentias , sed potius determinationem ad vnam : & solum per plures differentias diuersas realiter materialiter natura generica à parte rei contracta , habet potentialitatem fundamentaliter , quatenus in diuersis speciebus eiusdem rationis in natura generica , & distinctis essentialiter secundum proprias earum differentias , & fundamentum à parte rei , vt intellectus abstrahens talem naturam genericam à differentijs specificis , faciat illam formaliter potentialem , in differentem , & contrahibilem per plures differentias . Vnde si de potentialitate , formali naturæ genericæ loquamur , talis potentialitas non identificatur cum specie , sed est aliquid naturæ genericæ , per intellectum ab speciebus abstractæ , conueniens . Et ita quamuis omne intrinsecum , quod dicit species , saluetur in vnico individuo ; non tamen intrinsecum , quod dicit genus : quia dicit intrinsecè illam potentialitatem fundamentaliter quidem secundum se
illi conuenientem , & formaliter vt per intellectum abstractur .

QVÆ-

Q V Æ S T I O X.

Utrum natura creata cui plura habere individua repugnat, possit esse species predicabilis.

IN triplici differentia naturas inuenimus creatas plura non habentes individua. In specie auis, quæ Phœnix vocatur (si naturalibus credimus) plura nunquam simul inueniuntur individua, sed successinè ex cineribus demortuæ Phœnicis alia numero diuersa Phœnix renascitur: de hac autem Phœnicis natura non est dubium, quod intentionem possit habere speciei predicabilis, siquidem non solum ad plura possibilis, sed ad plura futura, licet nō simul existentia individua potest comparari. Aliæ sunt naturæ incorruptibiles, ut Sol, Luna, & alia astra cœlestia, in quorum qualibet specie non solum plura simul nec successinè dantur individua, sed nec dari naturaliter possunt; absolutè tamē sunt possibilis. Et de his etiā naturis licet aliqui dubitent, commune est; illas posse denominari ab intentione speciei predicabilis: quia ad plura individua realia, illis absolutè possibilis, possunt comparari. Aliæ denique sunt naturæ materialia omnino expertes, ut naturæ angelicæ, quæ quia non à materia indiuiduantur, non solum plura in qualibet specie non possunt

S 5

438 *Lib. 4. de prædicabilibus*

possunt naturaliter inueniri indiuidua, sed iuxta communio-rem & probabiliorem Thomistarum sententiam super art. 4. quæstionis 50. primæ partis, plura eisdem speciebus habere repugnat. In hac ergo hypothesis de prædictis naturis Angelicis procedit difficultas, an illæ rationem & intentionem possint habere species prædicabilis.

2 De intentione quidem speciei prædicabilis in prædictis naturis est solum difficultas: certum est enim, quamlibet illarum intentionem posse habere speciei subijcibilis, cum qualibet talis natura, utpote compositionem realem habens ex esse & essentia composita sit ex genere & differentia, & immediatè sub genere omnibus naturis Angelicis communi & de omnibus illis *in quid* prædicabili collocetur, & directè in prædicamento substantiæ quælibet illatum ponatur. Dubium igitur solum de intentione speciei prædicabilis in talibus naturis procedit: immo quia certum est, illas posse habere intentionem speciei subijcibilis, & sub lite est, an etiam habere possint intentionem speciei prædicabilis, præsens difficultas sub alijs terminis solet proponi, an videlicet omnis species subijcibilis possit etiam esse species prædicabilis.

3 Pro resolutione tamen quæstionis, & sententiarum diuersitatis intelligentia supponendum est, adhuc inter eos qui in qualibet specie angelica plura indiuidua omnino repugnare conueniunt, circa indiui-

diuiduationem angelorum esse disidium : dum aliqui existimant, angelos non solum per eandem formam realiter in sua specie constitui, & indiuiduari, sed quod in illa, ut est principium constitutionis specificæ, & indiuiduationis, nulla sit prorsus à parte rei aliqua actualis modalis, vel formalis distinctio, ac perinde, quod in Angelo, si quidditative, & ut est in se cognoscatur, non potest cognosci natura specifica, quin cognoscatur, & ut singularis. Alij vero singularitatem Angeli extra illius existimant esse essentiam, & quod licet idem realiter sit principium, constituendi angelum in esse specifico & indiuiduali; formaliter tamen est distinctum saltem ratione, quatenus eademmet specifica differentia angeli secundum diuersos conceptus adequatos est conceptibilis. Et secundum vnum constituit speciem, & secundum alterum indiuiduum.

4 Hinc ortum habuit non solum inter Thomistas, & extra scholam D. Thomæ, sed ipsorum Thomistarum sententiarum diuersitas. Aliqui enim, ut communiter recentiores extra scholam D. Thomæ, asserunt, angelum quomodolibet, quidditative videlicet vel ad modum rerum materialium cognoscatur, non posse esse speciem prædicabilem, nec ab intentione speciei prædicabilis denominari. Aliqui vero Thomistæ extremè oppositè defendunt, naturas angelicas non solum ut ad modum rerum corporalium pro hoc statu

à nobis cognoscuntur, sed etiam ut quidditative cognitas posse esse species prædicabiles, & ab intentione speciei prædicabilis denominari. Alii denique Thomistæ media via procedentes, & existimantes, quemlibet Angelum essentialiter esse singularem: ac perinde quod si quidditative cognoscatur, non possit absque singularitate cognosci, asserunt, naturam angelicam, ut quidditative cognitam, non posse denominari ab intentione speciei prædicabilis, bene tamen quatenus connotative ad modum rerum materialium a nobis pro hoc statu cognoscitur.

5 Dico igitur primo, natura cuiuslibet Angeli, natura verbi gratia Gabrielis (de hac enim claritatis causa in tota hac questione loquemur) secundum quod à nobis pro hoc statu ad modum rerum materialium cognoscitur, vere potest esse species prædicabilis, & ab intentione speciei prædicabilis denominari. Conclusio, ut dixi, est communis Thomistarum: & merito quidem, cum illam satis perspicue pluribus in locis insinuet Divus Thomas, præcipue 1. part. question. 13. art. 9. in corpore: ubi hanc conclusionem non solum aperte videtur docere sanctus Doctor, sed & præcipua illius insinuat fundamenta. Ita enim asserit: *Ad sciendum autem, quæ nomina proprie sunt communibilia, considerandum est, quod omnis forma in supposito singulari existens, per quod individuat, communis est multis, vel secundum*

Quaestio X. 441

dum rem, vel secundum rationem saltem, sicut natura humana communis est multis secundum rem, & rationem, natura autem Solis non est communis multis secundum rem, sed secundum rationem tantum: potest enim natura Solis intelligi ut in pluribus suppositis existens. Et hoc ideo, quia intellectus intelligit naturam cuiuslibet speciei per abstractionem à singulari, unde esse in uno supposito singulari, vel in pluribus, est prater intellectum natura speciei. Unde servato intellectu natura speciei potest intelligi ut in pluribus existens, & post pauca subdit S. Doctor. Forma vero, quae non individuantur per aliud suppositum, sed per se ipsas; quia scilicet sunt forma subsistentes, si intelligerentur, secundum quod sunt in se ipsis, non possent communicari nec re, nec ratione: sed forte per similitudinem, sicut dictum est de individuis. Sed quia formas simplices per se subsistentes non possumus intelligere, secundum quod sunt, sed intelligimus eas ad modum rerum compositarum, habentium formas in materia; ideo, ut dictum est, imponimus eis nomina concreta significantia naturam in aliquo supposito. Unde quantum pertinet ad rationem nominum, eadem ratio est denominibus, quae à nobis imponuntur ad significandum naturas rerum compositarum, & denominibus, quae à nobis imponuntur ad significandum naturas simplices subsistentes. Hæc Diuus Thomas in quibus in eo quod in communi docet, quod quia intellectus noster concipit naturam cuiuslibet

442 Lib. 4. de predicabilibus

libet speciei per abstractionem à singulari esse naturam in vno singulari, vel in pluribus, est præter rationem ipsius naturæ sic à singularibus abstractæ, & conceptæ, & conseruata natura specie, sic intellecta potest intelligi, vt in pluribus existens: manifeste insinuat S. Doctor præcipuum nostræ conclusionis fundamentum, nempe quod natura quælibet specifica, vt à nobis per abstractionem à singulari cognita, potest comparari ad plura singularia; etiam si illa non habeat, nec illa possit habere, quia ex vitalis abstractionis, cum nulli singulari concipiatur appropriata; indifferenter se habet ad omnia singularia, quomodolibet concipiantur. Et descendens Sanctus Doctor in particulari ad naturas simplices (quales sunt Angelicæ) & immateriales, docensque illas cognosci à nobis ad modum rerum materialium & compositarum; sentit perinde illas à nobis cognosci per abstractionem à singulari: & consequenter ad ea, quæ antecederet dixerat, sentit etiam quod tales naturæ sic per abstractionem à singulari cognitæ in differenter, se habent ad omnia singularia, quæ ab intellectu possunt concipi: ac perinde ad omnia talia singularia possunt prædictæ naturæ sic cognitæ ab intellectu comparari; potestque in ordine ad illa intellectus naturis sic cognitis, & comparatis intentionem tribuere speciei prædicabilis.

6 Unica, meo videri, efficaci ratione

Quaestio X. 443

ne ex prædicta doctrina D. Thomæ dedu-
cta, conclusio probatur, quia naturam
angelicam Gabrielis, saltem ut illam pro
hoc statu ad modum rerum compositarum
materialium cognoscimus, ita concipi-
mus, ut concipiamus naturam, non con-
cepta eius singularitate: ergo natura pro-
ut sic concepta, se habet ut nulli appro-
propriata: ac perinde ex vi talis conce-
ptionis ut indifferens negative ad plura.
Et quamvis id solum constituat talem na-
turam vniuersalem metaphisice, postea
tamen intellectus naturam sic conceptam
potest comparare ad plura individua, &
sic comparata illi tribuere rationem vni-
uersalis logici, & speciei prædicabilis.
Quod sic ostendo, nam natura sic abstra-
cta à singularibus, concepta ab intellectu,
ita se habet ut non magis singulare, in
quo realiter est, quam aliquod aliud re-
spiciat, & eodem modo ac de illo de qui-
buslibet alijs, si illa esset posset prædica-
ri: ergo intellectus naturam sic abstracte
conceptam potest comparare ad indiuiduū,
quod realiter habet & ad alia sub cōditio-
ne, si illa eiusdē rationis cū altero essent,
& respectu illorum tali naturæ potest tri-
buere intentionem speciei prædicabilis.

Confirmatur primo, nam si per possi-
bile, vel impossibile, plura individua na-
turæ Gabrielis realiter ponerentur: eo-
dem modo natura ab omnibus illis ab-
stracta, ad omnia illase haberet, & ad om-
nia illa posset comparari: ergo quam-
uis

444 Lib. 4. de prædicabilibus

uis re vera talia plura indiuidua sint impossibilia; intellectus tamen potest naturam sic abstractè conceptam, ad plura indiuidua, sub conditione, si illa essent, comparare, & ei respectu illorum intentionem speciei prædicabilis tribuere.

Confirmatur secundo: quia indiuiduo naturæ Angelicæ v.g. huic Angelo non repugnat habere plura indiuidua ratione suæ naturæ specificæ, sed ratione suæ indiuiduationis, & quia hic Angelus est: sed vt à nobis concipitur natura Gabrielis, non concipitur sub conceptu indiuidui, sed præcise sub conceptu naturæ, quia, vt ostendimus, concipitur per abstractionem à singulari: ergo natura Gabrielis, vt sic à nobis concepta, non dicit repugnantiam ad plura indiuidua: ac perinde vt sic cognita potest comparari ad plura indiuidua sub conditione concepta, & cognosci, quod si illa darentur, de illis esset talis natura prædicabilis. Consequentia videtur bona, minor iam (vt diximus) manet probata. Maior autem est expressa D. Thomæ q. de spiritualibus creaturis art. 3. ad 4. ita dicentis: *sicut hac albedo non prohibetur habere sub se multa indiuidua ex hoc quod est albedo, sed ex hoc quod est in hoc, pertinet ad rationem indiuidui, ita natura huius Angeli non prohibetur esse in multis ex hoc quod est natura in tali ordine rerum, quod pertinet ad rationem speciei; sed ex hoc quod non est nata recipi in aliquo subiecto, quod pertinet ad rationem*

Quæstio X. 445

indivisi. Hæc D. Thom. cuius doctrina maxime pro solutione argumentorum est annotanda.

Confirmatur tertio: quia individuum cuiuslibet speciei Angelicæ ponitur directe in prædicamento substantiæ. Et non immediatè sub specie: ergo species de illo formaliter prædicatur: ergo ut quid superius ad illud, quia non prædicatur ut quid æquale: aliàs non esset prædicatio formalis, sed quasi identica. Tunc ultra, sed non prædicatur talis species de individuo Angelico, ut genus, quia non prædicatur ut determinabile per differentias, nec ut differentia, ut patet: restat ergo quod prædicetur *in quid*, & ut dicens in actu totam eius essentiam: ac perinde quod prædicetur prædicatione speciei prædicabilis, & quod habeat intentionem speciei prædicabilis.

7 Dico secundo si natura angelica sit essentialiter singularis, non poterit quidditative absq; singularitate cognosci: ac perinde ut sic quidditative cognitæ nõ poterit ei intentio tribui speciei prædicabilis, si vero natura angelica, quamvis à materia nõ individuetur, nõ sit essentialiter singularis, sed ab aliquo distincto formaliter à principio specifico individuationem accipiat, poterit etiam quidditative absque singularitate cognosci, poteritque perinde illi sic quidditative cognitæ intentio tribui speciei prædicabilis. Conclusio sic conditionaliter posita, quoad utramque
par

446 *Lib.4. de prædicabilibus*

partem videtur certa, quia quælibet res potest quidditative cognosci, absque eo quod non est de sua essentia, non vero absque eo quod est sibi essentiale: ergo si singularitas sit de essentia naturæ angelicæ, absque ea non poterit quidditative cognosci. Sed naturæ ut cognitæ cum singularitate non potest tribui intentio vniuersalis vel prædicabilis; & cognitæ absque singularitate potest talis intentio illi tribui: ergo vtraque conditionalis pars nostræ conclusionis est vera: si autem inquiras, quid absolute & sine conditione in hac parte sit dicendum; id certe non est huius loci examinare. Angelicus tamen Doctor manifeste in testimonio primæ partis pro nostra conclusione adducto insinuat, naturas simplices immateriales & subsistentes, quales sunt naturæ angelicæ, non posse secundum se & quidditative absque singularitate cognosci: ac perinde ut quidditative cognitæ non posse illis intentionem communitatis, vniuersalitatis, aut prædicabilitatis attribui. Et quia hæc sententia maiorem huic quæstioni addit difficultatem, illam ut probabiliorem supponimus, & in illa argumentis contrariorum occurrere conabimur.

8 Obijcies primo contra primam conclusionem: quod natura angelica, verbi gratia, Gabrielis, etiam ut concipitur à nobis admodum rerum materialium, concipitur cum positua repugnantia ad plura individua: non igitur concipitur ut indif-

differentia ad plura non solum positivè, sed nec negativè. Antecedens probatur à tota ratione, qua re vera & à parte rei naturæ Gabrielis repugnant plura individua, est illam esse formam irreceptibilem in materia. Sed etiam prout à nobis concipitur, concipitur ut receptibilis in materia: ergo concipitur cum positiva repugnantia ad plura individua: minor probatur, quia esse formam irreceptibilem in materia, est prædicatum essentialè naturæ Gabrielis & secundum se illi competens: ergo etiam si concipiatur natura Gabrielis ad modum rerum materialium, debet concipi, ut irreceptibilis in materia, quia non potest concipi, etiam inadæquate, absque prædicato essentiali: aliàs non esset concipi naturam Gabrielis.

Confirmatur: nam esse formam irreceptibilem in materia, est prædicatum genericum commune omnibus Angelis: Sed non potest concipi, etiam ad modum rei materialis natura Gabrielis absq; sui prædicato generico; aliàs non conciperetur natura Gabrielis: ergo debet necessario concipi, ut forma irreceptibilis in materia.

Respondetur ad argumentum, quod licet re vera esse formam irreceptibilem in materia sit prædicatum essentialè naturæ angelicæ, quia ut ultima conclusione diximus, probabilius est, singularitatem esse de essentia cuiuscumq; Angeli, & ideo natura quælibet angelica est essentialiter

448 *Lib.4. de Prædicabilibus*

singularis, quia est forma irreceptibilis
 in materia; tamen sicut ipsa singularitas
 non est prædicatum naturæ, sed indiuidui,
 ita & naturam angelicam esse formam ir-
 receptibilem in materia, non est prædica-
 tum pertinens ad naturam, sed ad singula-
 ritatem: ita enim expresse docet D.Thom.
 in allegato loco quæstionis de spirituali-
 bus creaturis, dicens, quod naturam an-
 gelicam non esse natam recipi in aliquo
 subiecto (quod est idem, ac illam esse ir-
 receptibilem in materia) non pertinet ad
 rationem naturæ, sed ad rationem indiui-
 dui: unde cum à nobis natura angelica
 concipitur inadæquatè, vt natura videlicet,
 & non vt singularis & indiuidua, non cõ-
 cipitur vt forma irreceptibilis in materia:
 quia solum concipimus tunc prædicata
 essentialia, quæ naturæ angelicæ per mo-
 dum naturæ, & non per modum singulari-
 tatis conueniunt, & vt ait D.Thomas, in
 eodem loco, naturæ angelicæ non repu-
 gnant plura indiuidua, quia natura est; sed
 quia talis natura singularis est. Ideo con-
 cepta à nobis inadæquatè natura angelica
 per modum naturæ, & non per modum
 singularis; non solum, vt sic concepta non
 dicit repugnantiam ad plura, sed ex modo
 sic illam concipiendi, concipitur vt in dif-
 ferens ad plura. Vnde ad argumentum
 in forma (quia est vnum ex præcipuis op-
 positæ sententiæ) respondetur, negando
 antecedens: & ad probationem negando
 minorem, & ad illius probationem distin-
 guen

guendum est illud antecedens, esse formam irreceptibilem in materia, est prædicatum essentiale naturæ Gabrielis, est quidem illi prædicatum essentiale, per modum naturæ; negatur antecedens: per modum singularitatis, aut principij singularitatis, & indiuiduationis; conceditur antecedens. Et quia concipitur à nobis inadæquate natura angelica per modum naturæ, & nō per modum singularis, in tali inadæquato conceptu non concipitur vt forma irreceptibilis in materia.

Ad confirmationem respondetur, esse formam irreceptibilem vt materia non esse prædicatum genericum proprie, constituens naturam angelicam in esse naturæ, sed quoddam principium commune omnibus Angelis ratione cuius omnibus illis competit essentialiter esse singulares, & ita quamuis ea ratione qua est quid commune, competens omnibus Angelis habeat se ad modum rationis genericæ; quia tamen re vera magis pertinet ad indiuiduationem & singularitatem, quam ad naturam, non est proprie prædicatum genericum: ac perinde cum concipitur à nobis inadæquate natura angelicæ per modum naturæ, & vt non singularis, non requiritur, quod vt sic concipiatur explicitè, vt forma irreceptibilis in materia. Sicuti in substantijs corporeis etiam diuersarum specierum, esse indiuiduales per quantitatem est quidem aliquid commune omnibus illis; & tamen, quia id non pertinet

tinet ad constitutionem naturæ, aut speciei alicuius illarum, sed ad earum indiuiduationem; id proprie non est respectu illarum prædicatum genericum, sed prædicatum quodam commune; ad earum pertinet indiuiduationem.

10 Obijcies secundo, quod, ut probabilius admittimus, natura quælibet angelica est essentialiter singularis: ergo in nullo statu, etiam prout est in intellectu, potest concipi absque singularitate, & multo minus, ut vniuersalis & prædicabilis: ac perinde impossibile est, illi etiam ut à nobis cōceptę intentionem tribui vniuersalitatis & speciei prædicabilis. Consequentia probatur, quia teste D. Thom. 4. cap. de ente & essentia, id quod essentialiter & secundum se alicui conuenit, semper & in quocumque statu debet ei conuenire, & oppositum in nullo statu potest illi competere (& hac ratione probat ibi Sanctus Doctor, naturam humanam non esse secundum se essentialiter singularem, quia alias etiam in statu, quem habet in intellectu esset singularis, & neque in illo statu oppositum singularitatis, videlicet esse vniuersalem posset ei conuenire) Ergo si natura angelica essentialiter & secundum se est singularis, in quocumque statu etiam prout est in intellectu, est singularis; & etiam prout in intellectu non potest esse vniuersalis.

Confirmatur primo, quia nulli naturæ potest tribui ab intellectu intentio speciei;
ab-

absque fundamento in re : siquidem intentio speciei est relatio rationis in ipsis naturis rerum habens fundamentum . Sed nullum est fundamentum in natura Gabrielis , ut illi intellectus intensionem tribuat speciei prædicabilis . Non potest igitur intellectus eam illi tribuere . Minor probatur quia natura Gabrielis , cum essentialiter sit singularis , non potest aliquod tribuere fundamentum intensionis vniuersalitatis , qualis est intentio speciei prædicabilis .

Confirmatur secundo , in Petro , quia singularis est , non est fundamentum ad hoc , quod Petro ut Petro tribuatur intentio vniuersalis : ergo cum Angelus sit essentialiter singularis ; in illo non est fundamentum vniuersalitatis .

II Respondetur ad argumentum , solum probare , quod si natura angelica concipiatur quidditative , non possit concipi ut vniuersalis . Illa enim propositio D. Thomæ , quod id quod conuenit naturæ secundum se , in quocumque statu , etiam prout in intellectu debet illi conuenire , verificatur , sit talis res adæquate & quidditative concipiatur , non autem si concipiatur inadæquate , qualiter pro hoc statu concipitur a nobis natura angelica , concipiendo videlicet illam ut naturam & non ut singularem , etiam si singularitas essentialiter & secundum se illi competat .

Ad primam confirmationem respondetur ,

452 *Lib. 4. de prædicabilibus*

tur, quod licet in natura angelica secundum se non sit fundamentum vniuersalitatis, aut intentionis speciei prædicabilis; in illa tamen secundum quod propter sui perfectionem, & imperfectionem nostri intellectus est a nobis pro hoc statu cognoscibilis ad modum rerum compositarum & materialium, est fundamentum, vt concipiatur, vt natura, non concipiendo eius singularitatem; quod est fundamentum attribuendi illi intentionem vniuersalitatis, & speciei prædicabilis.

Ad secundam confirmationem respondetur, quod Petrus, vt significatur per hoc nomen Petrus, quia est proprium nomen indiuidui, non potest concipi vt vniuersalis: nec posset vt vniuersalis concipi Angelus vt significaretur per aliquod nomen proprium indiuidui, aut per hoc nomen hic Angelus; bene tamen, vt significatur per nomen naturæ, quia licet naturæ significatæ essentialiter comperat singularitas, potest intellectus vt sic significatam concipere illam vt naturam, & non vt indiuiduum, & singularem.

12. Obijcies tertio. Natura Gabrielis non potest habere relationem speciei prædicabilis: ergo non potest denominari species prædicabilis. Consequentia patet, nam species prædicabilis à relatione prædicabilitatis denominatur. Antecedens vero probatur, relatio speciei prædicabilis est relatio ad plura indiuidua. Sed natura Gabrielis non potest habere plu-

plura indiuidua, ad quæ referatur: ergo non potest habere relationem speciei prædicabilis. Probatur minor, non potest referri, naturæ Gabrielis ad plura indiuidua realia existentia, nec possibilia, (quia supponimus, illa neque existere, i neque esse posse) neque ad plura indiuidua rationis, seu conficta per intellectum: ergo non potest referri ad plura indiuidua & consequenter nullatenus habet relationem speciei prædicabilis. Prima consequentia probatur, nam nulla alia imaginari possunt indiuidua, nisi realia existentia, vel possibilia, vel conficta per intellectum. Antecedens autem quoad secundam partem, naturam videlicet Gabrielis non, posse referri ad plura indiuidua rationis, probatur manifeste. Primo, quia de illis indiuiduis rationis, non potest natura Gabrielis formaliter & essentialiter prædicari: ergo ad illa relatione speciei referri non potest: species enim formaliter, & essentialiter prædicatur de illis, ad quæ eius relatio terminatur, vt homo formaliter prædicatur de Petro & Paulo, ad quos relatione speciei refertur. Antecedens vero probatur, natura realis, qualis est natura Gabrielis, non potest formaliter prædicari de aliquo rationis, non ergo potest formaliter prædicari de illis indiuiduis confictis ab intellectu, quæ aliquid rationis sunt. Secundo probatur idem antecedens. Species debet de omnibus indiuiduis, ad quæ eius relatio termina-

454 *Lib.4.de prædicabilibus*

tur, aliquam dicere rationem communem vniuocam, vniuoce quæ de omnibus illis prædicari. Sed natura Gabrielis indiuiduo reali, quod habet, & illis indiuiduis nullam potest dicere rationem communem vniuocam, vniuoce quæ de illis prædicari: ergo nullatenus ad illa relatione refertur speciei. Minor patet, nam enti reali & rationis nihil potest dari commune, vniuocum, nihilque potest de illis vniuoce prædicari.

Respondetur, negando antecedens. Et ad probationem distinguendo maiorem. Relatio speciei est ad plura indiuidua existentia & possibilis solum: nego maiorem. Existentia, possibilis, vel sub conditione concepta. Concedo maiorem, etsi loquamur de indiuidui existentibus, vel possibilibus, admissio, quod illa non habeat natura Gabrielis: negatur, quod non habeat indiuidua sub conditione concepta: Intellectus enim concipiens naturam Gabrielis absque singularitate, concipit sub conditione, si esse possint aliqua indiuidua eiusdem rationis cum illo, quod actualiter existit, & naturam sic conceptam ad illa indiuidua comparat, & tribuit illi intentionem speciei, media qua ad illa indiuidua sub conditione concepta refertur. §. Ad probationem respondetur: quod licet natura angelica non possit referri ad plura indiuidua realia, existentia, vel possibilis: potest tamen referri ad plura indiuidua sub conditione concepta,

pta, quæ licet non sint aliquid reale absolute sunt tamen aliquid reale sub conditione conceptum: sicuti quamuis in communiori sententia, finis debeat esse aliquid reale, stat quod aliquis ex errore appetat, quod nullam existentem, vel possibilem habeat bonitatem, tunc licet non finalizet illum actum aliqua bonitas realis existens, vel possibilis; finalizat tamen illum bonitas realis: ab intellectu concepta, & subiecto, quod appetitur, falso applicata. Sic similiter licet illa individua ad quæ natura angelica refertur, non sint realia existentia, vel possibilia: sunt tamen individua realia sub conditione concepta. Probationes autem ibi factæ, cum procedant ad probandum, quod species non possit referri ad plura individua, quæ sint aliquid rationis, quod nos libenter fatemur; non est necessarium illas solvere.

13. Obijcies quarto: quod si naturæ angelicæ, ut à nobis pro hoc statu concipitur, intentionem possumus tribuere speciei prædicabilis, etiam illam possemus tribuere naturæ diuinæ ut à nobis etiam pro hoc statu ad modum rerum materialium concipitur; consequens autem ut falsum communiter ab omnibus negatur: ergo nec antecedens debet admitti. Sequela probatur, quia eadem ratione, si naturam angelicam, quantumvis essentialiter singularem, quia illam concipimus ad modum rerum materialium, concipimus

456 *Lib.4. de prædicabilibus*

eam vt naturam & non vt indiuiduā; possemus naturam diuinā vt naturā, & non vt indiuiduam & singularem concipere: ergo cum talis modus cōcipiendi naturā angelicam, assignetur vnum fundamētum indifferentiæ illius ex tali modo concipiendi ad plura indiuidua, & comparandi illam ad plura indiuidua sub conditione concepta, si darentur, tribuendique perinde illi intentionem vniuersalitatis, & speciei prædicabilis; eodem fundamento hæc omnia posset facere intellectus circa naturam diuinam per modum naturæ, & non per modum indiuiduæ & singularis conceptam. §. Nec valet dicere, quod naturam diuinam, cum sit purus æctus, nec ex nostro modo concipiendi, possumus concipere, vt aliquammodo potentialem & determinabilem per plura indiuidua; bene tamen naturam angelicam, vtpote quæ cum creata sit, non ita repugnat illam concipi ad modum potentialis & determinabilis. §. Non, inquam, id valet. Tum, quia sicut non obstat, naturam diuinam & angelicam, quamuis vtraque incorporea sit, ad modum naturæ corporeæ cognoscere, dummodo ipsis naturis angelicæ, & diuinæ rationem corporis non tribuamus; ita nec repugnabit concipere naturam diuinam ad modum determinabilis per plura indiuidua, dummodo vera potentialitas & determinabilitas illi non tribuatur.

Tum vel maxime, quia licet naturæ

angelicæ non repugnet omnis potentialitas, repugnat tamen illi potentialitas per plura individua: ergo quantum ad repugnantiam huiusmodi potentialitatis, & determinabilitatis ad plura individua, conuenit angelica natura cum diuina: ergo si ea repugnantia in natura angelicæ non obstat, quo minus concipiatur per modum naturæ vniuersalis, & illi sic conceptæ intentio vniuersalitatis & speciei prædicabilis tribuatur; nec obstat repugnantia naturæ diuinæ ad plura individua, vt concipiatur per modum naturæ vniuersalis, & sic conceptæ intentio vniuersalitatis, & speciei prædicabilis illi tribuatur.

Ad argumentum, omiſſa ſolutione ibi assignata (quia vt in genue fatear, non video facile in eo discrimen inter naturam diuinam & angelicam) respondetur, quod etiam natura diuina, vt à nobis concipitur pro hoc ſtatu: concipitur vt natura, & non vt individua, & ſingularis: ac perinde vt ſic concipitur vt indifferens & communis ad plura individua naturæ diuinæ, ſi eſſent: & ita naturæ diuinæ ſic conceptæ poteſt intellectus tribuere intentionem communis, imò & aliqualis vniuersalitatis. Hoc enim toto ſuo diſcurſu concludit D. Thomas in art. 9. q. 13. ex 1. part. à nobis pro prima noſtra conſuſione adducto, & hoc idem concedit Cai. c. 5. de ente & eſſentia, quæſt. 9. ad 2. vbi poſtquam dixit, quod natura angeli-

458 *Lib. 4. de Prædicabilibus*

ca est prædicabilis de pluribus, ut obiecta
intellectui, subdit, *quinimmò ipsa quiddi-
tas diuina, hoc modo communis & vniuer-
salis est.* Cum hoc tamen assero cum com-
muni sententia, naturæ diuinæ ut sic etiam
à nobis conceptæ non posse tribui, nec ac-
comodari intentionem propriissimam, &
vniuersalitatis: propriissimam, inquam,
& quæ diuiditur in quinque prædicabi-
lia, quia nulla intentio prædicabilita-
tis ex illis quinque potest illi attribui:
non enim aliqua ex quatuor præter spe-
ciem, quia ad id intellectus, nullum in
natura diuina, etiam ut sic concepta, in-
uenit fundamentum: nec intentionem illi
potest tribuere speciei prædicabilis, quia
ad huiusmodi intentionem requiritur, ut
fundamentum in natura ab illa deno-
minabili, compositio ex genere & diffe-
rentia, & hæc, ut ostendimus, nec per
intellectum fieri potest in natura diuina;
bene tamen in omni natura creata etiam
angelica: ideoque naturæ diuinæ ut sic à
nobis conceptæ intentio non potest tribus
speciei prædicabilis, sed solum, ut
dixi, intentio communitatis, &
vniuersalitatis late sum-
pta, non autem illius
vniuersalitatis,
quæ in quin-
que
prædicabilia di-
uiditur.

QVÆ-

QVÆSTIO XI.

*Vtrum definitiones individui à Por-
phirio assignatæ sint bona ?*

CUm individuum sit correlativum
speciei, merito in capite de specie
hæc inferitur quæstio. In qua breuiter de-
finitiones individui à Porphirio assigna-
tas, explicabimus. Definit enim Porphi-
rius individuum. Primo, quod sit illud,
quod de uno tantum prædicatur. Secundo,
cuius collectio proprietatum in uno reperta,
in alio reperiri non potest, & de bonitate
utriusque definitionis dubitamus.

2 Pro explicatione autem veritatis
dico primo. Individuum logicum dicit
relationem subijcibilis ad speciem: & re-
lationem prædicabilis ad se ipsum: & hoc
nomen *individuum* æquivocum est respec-
tu individui subijcibilis & prædicabilis.
Conclusio, quoad omnes suas tres partes
facile intelligitur proportionabiliter ad
ea, quæ de specie subijcibili, & prædica-
bili quæst. 8. huius libri diximus. Et pri-
ma quidem pars conclusionis patet: quia
species dicit relationem prædicabilis ad
individuum: ergo individuum debet di-
cere relationem etiam ad speciem non re-
lationem prædicabilis, quia. Non præ-
dicatur de illa: ergo relationem subijci-
bilis respectu illius.

460 *Lib.4. de prædicabilibus*

Confirmatur, quia indiuiduum immediate subiicitur speciei, sicut species immediate subiicitur generi: ergo sicut ex immediata subiectione speciei ad genus colligitur relatio subijectibilis in specie, sic similiter ex immediata subiectione indiuidui ad speciem infertur relatio subijectibilis indiuidui respectu speciei. Et secundum hanc rationem licet non definierit indiuiduum Porphyrius, potest proportionabiliter ad definitionem, quam tradit speciei subijectibilis, indiuiduum ut subijectibile sic definiri: indiuiduum est, quod immediate subiicitur speciei, & de illo species in eo quod quid prædicatur.

Secunda pars conclusionis etiam est certa. Nam indiuiduum, ut postea explicabimus, prædicatur de se ipso: ergo dicit relationem prædicabilis ad se ipsum, non quidem relationem prædicabilis, quæ est passio vniuersalitatis & quam in quinque diuisit prædicabilia Porphyrius (hæc enim est prædicabilis de pluribus) sed relationem prædicabilis de vno tantum, & secundum hanc rationem definiuit illud Porphyrius in prima definitione assignata.

Tertia denique pars conclusionis videlicet, quod hoc nomen *indiuiduum* sit æqui-uocum ad indiuiduum subijectibile & prædicabile, patet, eadem ratione, qua in prædicta questione ostendimus hoc nomen *species* esse æqui-uocum ad speciem subijectibilem, & prædicabilem.

3 Dico secundo. In prima definitione

tione Porphirij definitur indiuiduum secundo intentionaliter sumptum: in secunda autem definitione primo intentionaliter acceptum: & vtraque definitio est bona. Conclusionem docet noster Author in cap. de specie, quæstion. vnica in solutione ad 5. & 6. argumentum. Et prima pars conclusionis probatur. Quia in prima definitione definitur indiuiduum per prædicabilitatem, quæ illi, vt stat sub secunda intentione, competit. Secunda autem pars conclusionis etiam est certa. Cum enim omnes illæ proprietates, de quarum collectione loquitur Porphirius, sint proprietates reales, vt patet per illas discurrendo, consequens est, vt per illam definitionem indiuiduum realiter, & primo intentionaliter definiatur. Tertia denique pars conclusionis præter auctoritatem Porphirij eas definitiones tradentis, & communem eius interpretatum consensum, non aliter melius probabitur & explicabitur, quam easdem definitiones aliquibus argumentis examinando.

4 Aduersus vtramque simul definitionem obijcies primo, quod indiuiduum non potest defini. Vtraque ergo assignata definitio, imò & quælibet alia indiuidui assignetur, non potest esse bona. Antecedens probatur. Quia indiuiduum est singulare. Sed de singularibus teste Philolopho 7. metaph. cap. 15. nec datur scientia, nec definitio: ergo indiuiduum non potest defini.

Respondetur, quod licet quodlibet singulare in particulari non sit scibile, nec definibile (hoc enim solum intendit Philosophus in adducto testimonio.) ratio tamen communis individui omnibus individuis competens, ab omnibus illis abstrahibilis, bene potest definiri: & sic definitur rationem communem individui in utraque prædicta definitione Porphyrius: immo & D. Thomas rationem communem individui primo intentionaliter sumptam; seu individuum in communi, ut ab hoc & illo particulari, individuo abstrahit, definit 1. par. quæst. 29. art. 4. per id, quod individuum sit indivisum in se, & divisum à quolibet alio.

5 Secundo specialiter contra primam assignatam individui definitionem obijcies. Quod illa non competit individuo vago, ut aliquis homo, nec individuo ex suppositione: hæc enim individua nec sunt simpliciter individua, nec de vno tantum, sed de pluribus prædicantur, nec conveniunt individuo determinato: ergo prædicta definitio, utpote nulli competens, non est bona. Antecedens quoad ultimam partem, de qua est difficultas, probatur. Quia individuum determinatum v.g. Petrus, non prædicatur de alio à se distincto, ut patet; nec de se ipso, quia solum de se ipso potest prædicari prædicatione identica, ut si dicas, Petrus est Petrus: quæ non est propriè prædicatio: ergo de individuo determinato propriè non verificatur,

tur, quod de vno tantum prædicetur.

Respondetur, negando antecedens pro-
vitima illius parte: ea enim definitio com-
petit indiuiduo determinato, siue illud
significetur per nomen proprium singula-
re, siue per nomen commune cum pro-
nomine demonstratiuo; siue sit indiuiduum
substantiæ, siue accidentis, vt hæc indiui-
dua, Petrus, hic homo, hoc album: omni-
bus enim illis competit, prædicari de vno
tantum, siue prædicatione identica & non
artificiali, vt cum per nomen proprium,
indiuiduum prædicatur de se ipso, vt si di-
cas, Petrus est Petrus: siue prædicatione mi-
nus idetica, & magis artificiosa, vt cum de
singulari substantiæ per nomen proprium
prædicatur singulare demonstratiuum, vt
si dicas, Petrus est hic homo: siue prædica-
tione formali, vt cum de indiuiduo sub-
stantiæ prædicatur indiuiduum accidentis,
vt si dicas, Petrus est hoc album, vel hic
homo est hoc album: quia licet prima præ-
dicatio, videlicet identica omnino non sit
artificiosa, hæc definitio indiuidui omnem
prædicationem indiuidui de vno tantum
comprehendit, vt excludat ab indiuiduo
omnem prædicationem de pluribus: quod
est intentum præcipuum huius definitio-
nis.

6. Tertio specialiter obijcies aduersus
secundam assignatam definitionem indiui-
dui: nam cum in illa dicitur, quod indi-
uiduum est, cuius collectio proprietatum in
vno reperta in altero non reperitur, vel est

464 *Lib. 4. de prædicabilibus*

sermo de proprietatibus secundum speciem, vel proprietatibus secundum numerum: non primum, nam omnes proprietates secundum speciem in vno individuo reperiuntur, possunt & in altero reperiri: non enim inconuenit, quod habeat Petrus omnia accidentia eiusdem speciei, quæ habet Paulus; nec potest intelligi definitio de proprietatibus eisdem secundum numerum: nam si de illis loquamur, non solum omnes, sed nec aliqua in vno individuo reperiuntur, in altero inueniri possunt: idem enim numero accidens in duplici esse subiecto repugnat.

Respondetur in primis, collectionem proprietatum in prædicta definitione individui non esse intelligendam de proprietatibus propriè sumptis, prout sunt idem, quod propriæ passionēs, quia vnum individuum non habet alias proprietates, præter illas quas habet omnia individua eiusdem speciei, sed intelligendam esse de quibusdam accidentibus individualibus, quorum quamuis aliqua in vno individuo reperiuntur, possint esse in altero, non solum eadem specie, sed etiam eadem numero; quia aliqua eorum sunt accidentia extrinseca, seu denominationes extrinsecæ, vt puta, esse talis patriæ, habere talem patrem, &c. quæ cum non subiectentur in subiecto, non inconuenit, quod tale idem numero accidens, seu eadem numero denominatio duplici individuo conueniat, omnia tamen accidentia, seu collectio omnium acciden-
tium

tium in vno indiuiduo reperta, licet secundum speciem possint in altero reperiri, nõ tamen omnia eadem numericè: Et hoc sufficit ad verificandam secundam indiuidui definitionem.

C A P V T

De Differentia.

QVÆSTIO XII.

*Vtrum diuisio differentia in communem, propriam, & propriissimam:
& alia differentia diuisiones sint bonæ?*

IN hoc capite de differentia duo facit Porphyrius. Primo quasdam differentia diuisiones assignat: deinde diuersas differentia tradit definitiones. In hac igitur quæstione diuisiones, quas Porphyrius assignat differentia, proponemus, & explicabimus, vt circa illas in hac & sequenti quæstione disputemus. Et in quæstione 14. definitiones, quas Porphyrius tradit differentia, proponemus, vt illas in eadem quæst. 14. & quæst. 15. disputationibus examinemus.

2 Ad primum igitur deuenientes, primo

ntes.
n

mo diuidit Porphyrius differentiam in tota sua latitudine in differentiam communem, propriam, & propriissimam. Differentia communis est accidens separabile, per quod aliquid à se ipso, vel ab alio differt: verbi gratia sedere est differentia communis Petri, quia est aliquid separabile ab ipso, & per quod Petrus sedens à Paulo non sedente, immo à semetipso, quando non sedet, accidentaliter differt. Differentia propria est accidens in separabile, per quod aliquis differt ab alio, vt nasi curuitas, vel cæruleus oculorum color. Et denique differentia propriissima est, per quam vnum essentialiter differt ab alio: vt rationalitas, per quam homo essentialiter differt ab equo.

3 Secundo diuidit Porphyrius differentiam etiam in tota sua latitudine acceptam in differentiam, quæ facit differre per accidens, & in differentiam, quæ facit differre per se. Et sub primo huius diuisionis, membro continentur differentia communis & propria; sub secundo autem differentia propriissima, quæ solâ facit differre per se, & facit aliud: omnis enim differentia (ait Porphyrius) facit diuersum, differentia autem propriissima facit aliud quia facit aliud in essentia; & differentia, quæ faciunt aliud (ait etiam Porphyrius) diuidunt genus & constituunt speciem: ac perinde id solum differentiis propriissimis competit.

4 Tercio differentiam etiam in tota sua

Quæstio XII. 467

Sua latitudine diuit Porphirius inseparabilem, & inseparabilem, & sub secundo membro continetur differentia propria, & propriissima. Differentiam autem inseparabilem subdiuidit Porphirius in differentiam, quæ inest per se, & in differentiam, quæ inest per accidens, idest, in differentiam propriissimam, quæ conuenit per se, & in differentiam propriam, vel communem, quæ conuenit per accidens. Subditque Porphirius, quod differentia quæ in est per accidens suscipit magis ac minus, vnusque homo est magis albus, & magis nasi curuus quam alter; differentia autem, quæ inest per se, non suscipit magis ac minus, nec vnus homo est magis rationalis quam alter.

5 Subdiuidit denique Porphirius differentiam, quæ inest per se, scilicet differentiam propriissimam, in differentiam, quæ diuidit genus & in differentiam, quæ constituit speciem, & vt adnotat noster Author textu 3. huius capituli, hæc diuisio potest esse aut diuisio rerum, aut rationum tantum: quod est dicere, possunt membra huius diuisionis significare diuersas differentias, aut solum rationes diuersas eiusdem differentia, quæ sub diuersis rationibus est diuisiua, & constitutiua. Et vtriusque sensus subiungit Porphirius exempla. Eiusdem enim generis subalterni alia sunt differentia constitutiua, alia vero diuisiua, verbi gratia, corporis differentia constitutiua, est *corporeum*; differentia vero diuisiua eius sunt

sunt *animatum*, & *inanimatum*: & viuē-
tis differentiæ constitutiua est *animatum*,
diuisiua vero sunt *sensibile*, & *insensibile*,
atque adeo animalis differentiæ constituti-
ua est *sensibile*, diuisiua vero *rationale*, &
irrationale; ita ut quodcumque istorum ge-
nerum in quantum est species, habet vnā
differentiam constitutiua, quæ est secum
conuertibilis, quatenus vero est genus,
habet duas differentiās diuisiuas inferiores
se. At vero si eandem concipias differen-
tiam, tunc in ordine ad superius genus erit
diuisiua, & in ordine ad inferiorem spe-
ciem, erit constitutiua, ut rationale est
differentia diuisiua animalis, & constituti-
ua speciei humanæ; & secundum vnā,
rationem & respectum conuenit illi diui-
dere genus, & secundum alteram rationē,
& respectum ei conuenit constituere spe-
ciem.

6 Explicatis igitur huiusmodi diffe-
rentiæ diuisionibus à Porphyrio assigna-
tis, difficultas est de sufficientia illarum,
& præcipuè de prima & principali diui-
sione in differentiam communem, propriā,
& propriissimam. Et quidem prædictarum
diuisionum sufficientia præter authorita-
tem Porphyrij & omnium eius interpretū,
non aliter melius, quam easdem diuisiones
aliquibus obiectionibus examinando, po-
test probari.

7 Aduersus primam igitur diuisionem
obijcies primo. Genera suprema diffe-
runt inter se: & non per aliquam ex affi-
gnatis

gnatis differentijs : ergo diuifio est insufficiens. Maior videtur certa : nam genera fuprema formaliter diftinguuntur. Et minior probatur, & in primis, quod non differant per differentiam propriam, vel communem, certum est : nam illæ folum, faciunt differre accidentaliter, genera autem effentialiter diftinguuntur; nec poffent differre per differentiam propriiffimam; nam illa, teſte Porphirio, componit & cõſtituit ſpeciem : differentia autem generis fupremi non cõſtituit aliquam ſpeciem, quia ipſum genus nec eſt ſpecies athoma; nec ſubalterna.

Reſpondetur, genera fuprema proprie non differre, ſed eſſe primo diuerſa, quia ſe totis diftinguuntur; & in nullo, niſi in gradu communiffimo entis conueniunt, & ſic non mirum, quod per nullam ex affignatis differentijs differant.

8. Obijcies ſecundo. Propria paſſio eſt verè differentia, ſiquidem per illam vnum differt ab alio, homo, verbi gratia, per riſibilitatem ab equo, & tamen neque eſt differentia communis, quia non eſt ſeparabilis; nec differentia propriiffimam, quia nullam cõſtituit ſpeciem; nec eſt differentia propria, quia licet differentia propria ſit accidens inſeparabile, eſt tamen proueniens à principijs indiuidualibus : propria autem paſſio prouenit à principijs effentialibus, & ſpecificis, & non ſuſcipit magis ac minus, qualiter ſuſcipere magis & minus

470 *Lib.4. de prædicabilibus* -
minus differentiam propriam, asserit Por-
phirius .

Respondetur: quod licet propria pas-
sio non pertineat directè ad aliquam ex
his differentiis; reducitur tamen, vel ad
differentiam propriam, vt aliqui volunt,
vel, quod verius est ad propriissimam, quia
quauis non faciat differre essentialiter,
nec constituat speciem; dimanat tamen
ab essentia & à differentia propriissima, &
consequenter sicut illa non nisi inter indi-
uidua diuersæ speciei distinctionem facit,
sic etiam, & propria passio non nisi inter
indiuia diuersæ speciei facit diuersitatē;
quod non habet differentia propria, quæ
vnum indiuiduum ab altero eiusdem spe-
ciei facit differre.

9 Obijcies tertio. In hac diuisione
membra non distinguuntur. Insufficiens
ergo est. Antecedens probatur, nam eadē-
met differentia est communis, propria &
propriissima, disgregatiuum enim visus est
differentia communis hominis, ab illoque
separabilis, sicut ipsa albedo & est diffe-
rentia propria cygni, & propriissima albi:
ergo membra prædictæ diuisionis non di-
stinguuntur.

Respondetur: quod licet aliquando
membra huius diuisionis in eodem mate-
riali coincidunt, vt contingit in exemplo
in argumento allato, formaliter tamen di-
stinguuntur, quatenus in ordine ad diuersa
comparantur, idem enim disgregatiuum
visus,

visus, secundum quod respicit hominem, cygnum, & album, diuersam habet formalitatem; & sic non inconuenit, quod secundum singulas formalitates, seu respectus, diuersas differentiarum rationes obtineat, & hoc sufficit, ut diuisio sit bona: ad hoc enim fat est, quod membra diuisiuentia suis, rationibus formalibus distinguantur & opponantur.

10. Obijcies quarto, quod differentiarum priuatiuarum, ut *inanimatum*, *irrationale*, & similes, sunt diuisiuarum generis. Et tamen non sunt constitutiuarum inferioris speciei: ergo male in vltima diuisione insinuat Porphyrius, omnem differentiam superius aliquod genus diuidentem, constituere inferiorem speciem. Probatur miuor, differentia constituit speciem, addendo nouum gradum perfectionis generi. Sed priuatio non dicit perfectionem aliquam: ergo differentiarum priuatiuarum non sunt constitutionæ speciei.

Respondetur cum nostro authore hic q. unica in solutione ad 4. quod licet differentiarum priuatiuarum, ut priuatiuarum nullam addant perfectionem supra genus, ac perinde nullam speciem constituent; ponuntur tamen loco vnius, vel plurium differentiarum positiuarum, quæ nobis sunt ignotæ: vel non facile numerari possunt, quæ tamen re vera genus diuidunt, & speciem vel species constituunt. Dixi, quod ponuntur loco vnius, vel plurium differentiarum, quia aliquando differen-

tia

472 *Lib.4.de predicabilibus*

tia priuatiua loco vnius tantum differentia-
 tiæ ponitur, vt cum diuitur substantia
 incorpoream, & incorpoream, sub illa
 differentia priuatiua incorporei vnica tã-
 tum differentia positiua scilicet substan-
 tia intellectualis intelligitur. Aliquando
 vero sub differentia priuatiua plures diffe-
 rentiæ positiuæ intelliguntur, vt cum di-
 uiditur animal irrationale & irrationale,
 non vna tantum differentia positiua omni-
 bus animatibus irrationabilibus commu-
 nis, sed plures differentia positiuæ imme-
 diate genus diuidētes sub irrationali intel-
 liguntur, licet aliqua illarum constituent
 species athomas animalium, aliæ vero spe-
 cies sub alternas aliquibus animatibus cõ-
 munes; vt erit forsam differentiã consti-
 tuens speciem sub alternam ceruorum in
 plures species athomas diuisibilem.

II Ultimo tandem obijcies contra se-
 cundam diuisionem; non esse proprium
 differentia propriissimæ facere aliud: er-
 go male dicit Porphyrius; quod sola dif-
 ferentia propriissima facit aliud. Probatur
 antecedens, vnum indiuiduum est aliud
 ab indiuiduo eiusdem speciei, vt Petrus
 est aliud indiuiduũ à Paulo, & tamen non
 differunt propriissima differentia nam ta-
 lis non est nisi specifica ergo non sola dif-
 ferentia specifica facit aliud.

Respondetur: quod sola differentia pro-
 priissima (vt inquit Porphyrius) est illa
 quæ facit aliud saltem inter illa, quæ sunt
 in eodem prædicamento. Et ratio est;
 quia

Quæstio XIII. 473

quia differentia propriissima est, quæ constituit essentiam, risibile vero aut nasi curuum, & à fortiori alia accidentia adueniunt essentia constitutæ: & ideo negatur, quod Petrus sit aliud à Paulo: quia aliud substantiue dicit aliud in essentia, alius autem dicit aliud in persona; unde in diuinis conceditur, quod filius est alius à patre, negamus tamen, quod sit aliud à patre, nisi ly *aliud* sumatur adiectiue, ut si dicas, filius est aliud suppositum à supposito patris.

QVÆSTIO XIII.

Vtrum diuisio differentia in communem, propriam, & propriissimam sit analoga?

Diuisio hæc quoad diuisum & membra diuidentia potest accipi primo intentionaliter, pro subtractis videlicet secundæ intentionis differentia; & secundo intentiobaliter, pro ipsa secunda intentione differentia. Et non est, cur immoremur in qua harum acceptione differentiam diuiserit Prothirius; probabile enim est illum in vtraque acceptione de differentia fuisse locutum. Sed quid quid sit de hoc, de diuisione ista differentia secundum vtramque acceptionem inquirimus, an sit vniuoca, vel analoga.

2. Et certum est, differentiam primo in-

intentionaliter acceptam pro substractis in esse entis materialiter sumptis, analogam esse ad omnes differentias utpote, quæ possunt in esse entis aliæ esse substantiæ; aliæ accidentiæ; aliæ entia realia; aliæ entia rationis; & omnibus his in esse entis nihil potest dari uniuocum. Nec hoc est peculiare in differentia: propter eandem enim rationem genus primo intentionaliter non potest esse uniuocum ad omnia genera in esse entis pro substractis, & materialiter sumpta: sed difficultas solum est de differentia primo intentionaliter, formaliter tamen in esse differentiæ accepta, prout differentia facit differre, an uniuoce, vel analogice indifferentiam communem propriam & propriissimam diuidatur.

3 Dico primo. differentia primo intentionaliter sumpta, formaliter in ratione differentiæ accepta, analogice diuiditur indifferentiam communem, propriam & propriissimam. Conclusio est communis: & probatur, quia facere, differre, in quo ratio differentiæ primæ intentionaliter, formaliter consistit, simpliciter conuenit differentiæ propriissimæ, & solum secundum quid differentiæ propriæ, & communis liquidem quæ differunt per differentiam propriissimam, simpliciter differunt; & solum secundum quid, quæ differunt per differentiam propriam, vel communem: ergo differentia primo intentionaliter, formaliter sumpta, analogice

in

in prædicta tria membra diuiditur .

4 Dico secundo , differentia secundo intentionaliter accepta , etiam analogice diuiditur in communem , propriam , & propriissimam . Oppositum aliqui existimant : sed conclusio est magis communis . Et probatur primo : quia cum secundæ intentiones rationis sint relationes ; eodem modo conueniunt inter se , qualiter conueniunt inter se earum fundamenta , quatenus formaliter fundamenta illarum sunt . Sed fundamenta intentionum differentia communis , propria , & propriissimæ non solum in esse entis , sed formaliter in ratione fundamenti , scilicet prout faciunt differre , analogice , vt ostendimus , conueniunt inter se : ergo ipsæ secundæ intentiones differentia communis , propria , & propriissimæ analogam solam conuenientiam habent inter se . §. Confirmatur , quia secunda intentio differentia est , qua aliquid prædicatur de pluribus secundum quod per illud , quod prædicatur , ab alijs differunt , vt quæstion. 4. explicabimus : ergo secunda intentio , qua aliquid prædicatur de pluribus , faciens illa simpliciter ab alijs differre , participat simpliciter rationem secundæ intentionis differentia : quod cum solum competat intentioni differentia propriissimæ , illa cum secundis intentionibus differentia communis , & propria analogicè cõuenit .

5 Secundo probatur conclusio . Quia sola secunda intentio , quæ denominat differ-

fe-

476 *Ltb. 4. de prædicabilibus*

ferentiam propriissimam, participat simpliciter rationem tertij prædicabilis; sola enim illa est ratio prædicandi *in quolibet* quid, in quo tertium prædicabile ab omnibus aliis differt: ergo sola secunda intentio denominans differentiam propriissimam, est simpliciter intentio vniuersalis: ergo cum hic diuidatur secunda intentio, quatenus vniversalis, est, analogice diuiditur in intentionem differentie propriissimæ & intentiones differentie communis, & propriæ. §. Confirmatur, & explicatur hoc: nam licet differentia communis & propria, quatenus dicunt aliquid accidentaliter conueniens pluribus; subinduant intentionem accidentis quinti prædicabilis, & sub hac ratione sint simpliciter vniuersalia, & prædicabilia; formaliter tamen, vt faciunt differre propriè, vel communiter, denominantur à quadam intentione differentie, quæ solum secundum quid, & reductiue participat rationem tertij prædicabilis: ergo differentia secundo intentionaliter, accepta analogicè diuiditur in differentiam communem, & propriam, & propriissimam.

6. Obijcies aduersus hanc secundam conclusionem: quod licet genus primo intentionaliter præ abstracto acceptum, sit analogum ad omnia abstracta generis, quia aliqua illorum sunt substantiæ, & aliqua accidentia, & aliqua entia realia, alia vero entia rationis; tamen secundo intentionaliter sumptum, vniuoce in omnia gene-

genera diuiditur : ergo licet differentia primo intentionaliter sumpta , analogicè diuidatur in cōmunem, propriam, & propriissimam; non inde sequitur, quod differentia secundo intentionaliter accepta, sit analoga ad communem, propriam, & propriissimam .

Respondetur, negando consequentiam, quia genus etiam primo intentionaliter & pro substracto acceptum, solum materialiter & in esse entis dicitur analogicè de omnibus substractis generis; non autem formaliter, vt formaliter est substractum, & fundamentum intentionis generis; quia vt sic omnia genera, quantumvis in esse entis analogicè distincta, vniuocè conueniunt in eo, videlicet, quod omnia illa aequaliter dicunt rationem essentia iter cōtrahibilem, siue illa sit accidens, siue substantia, siue aliquid reale, siue aliquid rationis : & ita non mirum, quod intentio generis in hac ratione fundata vniuocè omnibus intentionibus generis competat. Quia tamen differentia in ratione formali differentiae, & vt fundat intentionem differentiae analogicè dicitur de differentia communi, propria, & propriissima; ideo talis analogia illius primo intentionaliter acceptae infert analogiam differentiae, etiā secundo intentionaliter sumptae, immo stat optime, aliquas differentias in ratione entis vniuocè conuenire, vt si omnes illae sint eiusdem prädicamenti; & in ratione formaliter differentiae analogari, vt cum

478 *Lib. 4. de Prædicabilibus*

vna illarum est differentia propriissima, & altera differentia communis & propria : & è conuerso , duæ differentia propriissimæ, quarum vna illarum est substantia, & altera accidens , in ratione entis analogantur , & in ratione formaliter differentia vniuoce conueniunt .

Q V Æ S T I O XIV.

¶ *trum definitiones differentia à Porphyrio assignata sint bonæ?*

P Lures in secunda parte huius capituli assignat Porphyrius differentia definitiones, quas in hac, & sequenti quaestione examinare contendimus , ad quod operepretium est aduertere , differentiam triplicem actum habere, scilicet , diuidere genus , constituere speciem , & diuidere, seu distinguere vnā speciem ab alia : & secundum illos diuersos actus diuersimode Porphyrius definiuit differentiam . Prima ergo definitio explicans , quo modo species differant à genere, est, quod differentia fit, *qua species genus excedit* . §. Secunda definitio differentia in ordine ad inferiora, & vt prædicabilis, est, differentia est , *qua predicatur de pluribus differentibus specie in eo quod quale* . §. Tertia definitio differentia est, quod sit, *quod suapte natura separat ea, qua sunt sub eodem genere, vt rationale separat hominem ab equo, vel leone, non autem*

autem ab albo, quia equus homo, & leo sunt sub eodem genere: non autem homo & album. §. Quarta definitio differentiae, quod sit, *qua differunt inter se singula*, ut rationale est differentia, qua differt homo ab equo. §. Ultima tandem &, ut asserit Porphyrius, exacta definitio differentiae, utpotè in qua non est necesse, sicut in alijs aliquid subintelligere, ea est, *quod sit constitutiva essentia*.

Omnes istae definitiones si rectè intelligantur, optimae sunt, & prater authoritatem Porphyrii, & communiter eius interpretum, non aliter melius quam illas aliquibus objectionibus examinando, possumus defendere, & explicare.

Aduersus primam igitur assignatam definitionem differentiae obijcies primo. Quod differentia, quam habet species, etiam continetur in genere. Male igitur in prima assignata definitione differentiae dicitur, quod per illam species excedat genus. Antecedens probatur primo: quia genus est totum potentiale respectu speciei: ergo continet quidquid continet species: ac perinde continet & illius differentiam; alias non posset genus formaliter de specie praedicari.

§. Secundo probatur idem antecedens, quia si differentia, quam habet species, non contineretur in genere; illam haberet species ex nihilo: quia si homo rationalitatem ab animali non habeat, non est unde illam habeat: ergo differentia, quam har-

bet species, continetur in genere: ac perinde per illam species non excedit genus.

Confirmatur: quia in prædicta definitione, sicut in omnibus alijs, quas assignat Porphyrius, cum per illas definiat differentiam secundum tres actus, diuidendi genus, constituendi speciem, & distinguendi vnam speciem ab alia, qui solum competunt differentiae propriissimæ, videtur solum definire differentiam propriissimam, alijs differentijs omisis. Sed prædicta prima definitio conuenit alijs à differentia propriissima. Illa igitur non est bona. Minor probatur: quia non solum per differentiam propriissimam, sed per multa, alia species excedit genus, vt homo excedit genus per risibilitatem, & per actualiter ridere, & per esse bipedem, & alia, quæ non sunt differentiae propriissimæ hominis.

Ad argumentum, quod sibi met obijcit Porphyrius, late ex ipso met Porphyrio: respondet noster Author in explicatione tex. 6. huius cap. & quæstione vnica super hoc cap. in solutione ad 3. quod differentia quæ constituit speciem, & actu continetur in specie, continetur quidem in genere; non tamen actu, sed solum in potentia, quia cum genus se habeat vt materia & differentia vt forma; sicut in materia, licet non contineantur in actu, continentur tamen in potentia omnes formæ: ita etiâ suo modo omnes differentiae continentur in potentialitate generis. Et per hoc patet ad primam probationem. Et sicut cum

gene-

Quaestio XIV. 481

generatur aliquid materiale, forma non fit ex nihilo, sed ex potentia materiae; ita suo modo species non habet differentiam ex nihilo, sed ex potentialitate generis, non quidem quod genus cum omni proprietate sit causa materialis differentiarum, ex cuius potentialitate illae ita propriè educantur, sicut formae educuntur ex potentialitate materiae: nam genus cum ut abstractum per intellectum habet illam continentiam, illa non est potentialitas realis, & ita differentiae solum educuntur ex genere ad modum causae materialis.

Ad confirmationem respondetur, quod sicut advertimus ex Porphyrio in ultima definitione differentiae, in omnibus alijs debet aliquid subintelligi: & in prima, quod per differentiam species excedat genus, id est, quod excedat illam essentialiter, aliquam essentialem perfectionem habens supra id, quod actu includit genus; & hoc nulli alijs praeter differentiam propriissimam competit.

4. Obijcies secundo contra secundam definitionem differentiae, quod praedicari in quale de pluribus differentibus specie, etiam competit proprio, & accidenti, quae cum sint qualitates, praedicantur in quale. Non igitur ea definitio, utpotè alijs a differentia competens, potest esse bona. S. Respondetur, quod cum in hac definitione, dicitur, quod differentia praedicatur in quale, debet intelligi, in quale

482 Lib. 4. de prædicabilibus
essentialiter : ut per id differat differentia
à proprio & accidenti .

Q V Æ S T I O XV.

Vtrum definitio differentie prædicabilis omnibus competat differentijs?

Differentia ut prædicabilis definitur ,
quod sit illud, quod prædicatur in qua-
le quid de pluribus differentiibus specie. Et de
hac definitione inquirimus, an omnibus
competat differentijs: difficultasque solum
procedit supponendo, omnes terminos
præfatae definitionis ad ipsam definitionem
pertinere: non enim est aliqua difficultas,
si ad definitionem solum pertineat, quod
prædicetur in quale essentialiter de pluribus,
& illa particula *differentibus specie*, non ut
pars definitionis, sed ut exemplum defini-
tionis ponatur; ut haud obscure insinuat
Porphyrius dicens, *differentia est, qua præ-
dicatur in quale de pluribus, & differentiibus
specie*: ubi per illam conjunctionem, &
insinuare videtur, illam particulam, *diffe-
rentibus specie*, non ut partem definitionis,
sed ut exemplum definitionis apponi. Dif-
ficultas ergo solum procedit, supponendo
omnes terminos in prædicta definitione
positos ad ipsam pertinere.

2 In hac autem difficultate unum sup-
poni-

Quaestio XV. 483

ponimus, & alterum inquirimus. Supponimus quidem, non solum dari differentias subalternas, sed athomas speciei infimæ & specialissimæ constitutivas; illasque verè & propriè esse differentias, & cum differentijs subalternis vniuocè conuenire. Hoc ergo supponimus, & inquirimus, an prædicta definitio omnibus differentijs etiam athomjs competat.

3 Statim autem se offert ratio dubitandi, cum differentia athomæ, vt rationale, non habeant aliqua sibi inferiora, quæ differant specie: ac perinde non possint de pluribus differentibus specie prædicari. Non igitur videtur, qualiter illis competat prædicta differentia definitio.

4 Duplex autem in hoc inuoluitur quaestio: altera, an omnem differentiam per prædictam definitionem Porphyrius intenderit definire: altera, an prædicta definitio omnibus differentijs re vera competat, siue illam solum pro differentijs subalternis, siue pro omnibus tradiderit Porphyrius. Et quidem circa primum (cuius resolutio non multum affert utilitatis) facile crediderim; Porphyrium solū differentiam subalternam definisse: non quia existimauerit, non esse differentias athomas, aut illas non esse proprie differentias; sed quia definita solum, vt magis nota differentia subalterna, facile definitio differentia athomæ, & definitio differentia in communi poterat assignari. Sed vt dixi non multum interest, mentem in hac

484 *Lib. 4. de prædicabilibus*

parte Porphyrij indagare ; & ita quidquid ille intenderet, ad alteram quæstionem, an videlicet prædicta definitio possit explicari, ut omnibus competat differentiis, accedamus.

¶ Partem negativam plures tuentur. Aliqui tamen defendunt partem affirmativam, qui in duos modos explicandi eam definitionem differentiarum, ut omnibus differentiis competat, diuiduntur; Caietanus namque, cui plures subscribunt, in hoc capit. de differentia, §. *Occurrit autem* 10. asserit, quod prædicari de pluribus differentibus specie in prædicta definitione, debet intelligi, non positiue, sed negatiue, & per non repugnantiam, ut sit definitionis sensus, quod differentiarum, in quantum differentiarum, non repugnat prædicari de pluribus differentibus specie. Sic enim intellecta definitio omni differentiarum competit. Nam licet differentiarum atomæ, in quantum atomæ est, repugnet prædicari de pluribus differentibus specie; id illi non repugnat, in quantum differentia est: alias id omni repugnaret differentiarum. Hoc igitur modo per non repugnantiam intellecta definitio omni competit differentiarum. Et hoc modo aliquid optimè posse defini, probat Caietanus exemplo: cum enim quantum definitur à Philosopho, quod sit diuisibile in partes eiusdem rationis: ibi *diuisibile*, non sumitur positiue, sed negatiue, seu per non repugnantiam; alias prædicta definitio non competereet omni quanto,

quanto, siquidem non, competeret cœlo, aut minimo naturali: quia licet vtrumque sit quantum, neutrum potest diuidi. Sumitur ergo in ea definitione *diuisibile*, vt omni competat quanto, non positive, seu negatiuè, seu per non repugnantia: id est, quod quanto in eo, quod quantum est, non repugnet esse diuisibile in partes eiusdem rationis: hoc enim modo definitio competit omni quanto, quia licet quatenus talē habent quantitatem, diuisibilitas eis repugnet, non tamen, vt quanta sunt: alias omni quanto id repugnaret.

6 Secundus modus explicandi eam definitionem differentia, vt omnibus competat differentiis, est, quod in ea definitione particula *de pluribus differentibus specie*, non intelligatur de pluribus differentibus specie inter se, sed ab alijs. Et hoc modo etiam differentiis athomis competit, quæ licet de pluribus solo numero inter se differentibus prædicentur; prædicantur tamen de pluribus differentibus specie ab alijs: ipsa enim indiuidua, de quibus differentia athoma prædicatur, differunt per ipsam differentiam ab alijs specificè, ab indiuiduis videlicet alterius speciei. Aliquos pro hac sententia supresso nomine refert Anicena, illamque plures recentiores defendunt.

7 Pro veritatis explicatione dico primo. Non potest in definitione differentia intelligi, prædicari de pluribus differentibus specie, per non repugnantiam.

486 *Lib. 4. de Prædicabilibus*

Probatur primo, definitiones dantur ad explicandas essentias rerum: ergo non possunt dari per aliquid, quod definitis competat solum per non repugnantiam: ergo differentia non potest definiti per prædicari de pluribus differentibus specie, solum per non repugnantiam illi conueniens. Antecedens est certum, & prima consequentia probatur; nam illud, quod alicui conuenit tantum per non repugnantiam, siue per id tantummodo, quod illi non repugnat, non explicat, quid illud sit: sed solum dicit, quid ei non repugnet: sicuti per hoc quod homini non repugnet, esse album, v.g. non innotescit nobis, quid sit homo, immò nec an sit albus: ergo cum definitiones dentur ad explicandam naturam definiti, non possunt dari per id, quod definito non repugnat, sed per illa quæ ei positivè conueniunt.

8 Secundo probatur. Si vt aliquid rectè definiatur, sufficeret, quod definito solum per non repugnantiam illi competere; sequeretur, definitionem hominis, scilicet *animal rationale*, conuenire equo, & per illam optime equum posse definiri. Consequens est absurdum, & quod nec Authores contrarij concedunt: ergo. Sequela probatur: nam licèt esse rationale repugnet equo, in quantum tale animal non tamen in quantum animal est: ergo sicuti, quamvis differentia athomæ in quantum tali repugnet, prædicari de pluribus differentibus specie, quia id
non

Quaestio XV. 487

non repugnat illi in quantum differentia est, potest dici, quod illi conuenit praefata definitio differentiae; dici potest similiter, quod definitio hominis competat equo.

Confirmatur, nam eadem ratione sequeretur, praefatam definitionem differentiae omni praedicabili conuenire, siquidem quamuis illis generi v.g. vel speciei in quantum talia praedicabilia sunt, repugnet praedicari *in quale quid* de pluribus differentibus specie; id non repugnat illis, in quantum vniuersalia, & praedicabilia sunt: alias in omni praedicabili repugnaret: ergo.

9 Tertio probatur. Differentia vt sic abstrahit a praedicabilitate de pluribus differentibus specie, & a praedicabilitate de pluribus differentibus numero. Ergo non potest definiri per praedicabilitatem determinare de pluribus differentibus specie. Consequentia patet, nam nihil potest definiri, nisi per id, quod determinate sibi conuenit. Antecedens autem probatur. Differentia vt sic abstrahit a differentia athoma, & differentia subalterna. Sed differentia subalterna dicit determinate praedicabilitatem de pluribus differentibus specie; differentia autem athoma praedicabilitatem de pluribus differentibus numero: ergo differentia vt sic abstrahit a praedicabilitate de pluribus differentibus specie, & a praedicabilitate de pluribus differentibus numero.

488 *Lib. 4. de prædicabilibus*

10 Dices ad omnia hæc cum aliquibus defendentibus, & explicantibus Caiet. sententiam, quod differentiaæ positiuaæ cõpetit prædicta definitio quoad essentialia quæ includit, scilicet quoad actum primum prædicandi de pluribus differentibus specie, licet illa quoad accidentale, scilicet quoad actum secundum prædicandi de pluribus differentibus specie, solum per non repugnantiam conueniat differentiaæ: quia in quantum differentia est nulli differentiaæ talis actus secundus repugnat, licet alicui differentiaæ, vt talis est differentia, repugnet: & quod vt definitio aliqua sit bona, sufficit, quod quoad essentialia competat positiue definito, licet ei quoad aliquid accidentale, quod dicit, solum competat per non repugnantiam.

11 Sed contra hoc est, quod nec actus primus prædicandi de pluribus differentibus specie, competit positiue differentiaæ vt sic: nam si ille differentiaæ in communi essentialiter positiue competeret, nulli differentiaæ sub aliqua ratione repugnaret. Sed talis actus primus repugnat differentiaæ athomæ, vt athoma est: ergo non conuenit positiue differentiaæ in communi. Consequentia patet. Maior probatur, nam quod conuenit positiue, & essentialiter alicui superiori, licet non, sub omni ratione inferiori ei conueniente, debeat ipsi inferiori competere; sub nulla tamen ratione potest inferiori repugnare

Questio XV. 489

gnare ; sicuti quia animali essentialiter & positive competit esse sensibile ; licet id non oporteat , quod sub omni ratione alicui animali competat , animali enim albo non competit , sub ratione albi esse sensibile : alias id omni competeret albo , sub nulla tamen ratione , quantumvis alicui animali accidentaliter conveniente , potest illi repugnare esse sensibile : ergo si differentia in communi , ut est essentialiter omni differentia superior , essentialiter & positive competeret actus primus predicandi de pluribus differentibus specie ; talis primus , seu predicabilitas nulli differentia sub aliqua ratione quantumvis ei accidentali posset repugnare . Minor autem , quod differentia athomae sub ratione athomae , quae est specialis illius ratio , per quam accidentaliter ab alijs distinguitur differentijs , repugnet actus primus predicandi de pluribus differentibus specie , probatur , quia cui sub aliqua ratione aliquis actus secundus repugnat , sub eadem ratione illi repugnat etiam actus primus ad talem actum secundum per se ordinatus : sicuti cui sub aliqua ratione repugnaret actus secundus ridendi , sub eadem ratione & actus primus , idest risibilitas ad actum secundum ridendi per se ordinata repugnaret . Sed differentia athomae , ut athoma est , repugnat actus secundus predicandi de pluribus differentibus specie : ergo etiam illi , ut athoma est , repugnat predicabilitas , potentia ,
seu

490 *Lib.4. de Prædicabilibus*

seu actus primus prædicandi de pluribus differentibus specie .

14 Ad exemplum autem , quod pro sua sententia de definitione quanti adducit Caietanus , respondetur , quod diuisibilitas, quæ ponitur in definitione quanti (vt docet noster Author 1. Phisicorum quæstion. 1. art. 2. ad 1. argumentum Scoti contra primam conclusionem , immò vt docet ipse Caietanus 1. part quæstion. 7. articul. 3. §. *Ad rationem ergo Scoti*,) non est diuisibilitas per separationem realem vnius partis quantitatis ab alia (ea enim diuisibilitas , nec est de essentia quantitatis , nec de illa definitio quanti potest intelligi : & sic non est inconueniens , quod alicui quanto quatenus tali quanto repugnet) sed diuisibilitas , quæ est quantitati essentialis , & quæ in definitione quanti intelligitur , est diuisibilitas mathematica , qua per intellectum potest vna pars quantitatis ab alia distingui & designari : & hæc diuisibilitas omni quantitati , & omni quanto positue competit , & nulli quanto etiam coelo , aut minimo naturali etiam sub aliqua ratione , quantumuis quantitati accidentali , repugnat .

13 Dico secundo . Probabiliter potest hæc definitio differentiarum , vt omnibus competat differentiis , explicari quod illa particula *de pluribus differentibus specie* , non de differentibus speciei inter se , sed differentibus specie ab alijs , intelligatur . Conclusio est satis communis , Et pro illius

Ius probatione & explicatione suppono; quod licet differentia tres habeat actus, diuidere genus, constituere speciem, & facere differre vnâ speciem ab alia, & isti actus inter se habeant connexionem; tamen intentio differentia vt prædicabilis fundatur in illa, secundum quod facit differre; & non secundum quod facit differre propriè, vel communiter, sed secundum quod facit differre propriissime, & essentialiter: & quamuis fundamentum relationis alicuius secundæ intentionis nõ debeat poni expresse in ipsius secundæ intentionis definitione; optimus tamen est illam definiendi modus per ordinem ad suum fundamentum: ex qua doctrina sic formatur ratio pro ista conclusione.

14 Si in prædicta definitione differentia; illa particula, *de pluribus differentiis specie*, intelligatur non inter se, sed ab alijs, hæc definitio omni competit differentia: & aliàs si ita intelligatur illa particula, non inepte per illam, sed potius magis iuxta suam naturam differentia definitur. Probabile ergo est, ita accipi posse prædictam definitionem. Consequentia est bona: Maior certa, siue enim differentia subalterna sit, siue athoma, prædicatur de illis, quæ ab alijs specificè per talem differentiam differunt. Minor autem probatur ex præfato fundamento: nam sic intellecta definitione, explicatur essentia differentia in ordine ad suum fundamentum: ergo cum ista secundæ inten-

tionis
tionis

492 *Lib.4. de prædicabilibus*

tionis non aliter à nobis innotescant, quam per sua fundamenta, optime definitur differentia per hanc definitionem sic intellectam, in qua ordo ad suum fundamentum explicatur.

15 Aduersus hanc tamen conclusionem, ut magis explicetur, obijcies. Primum, quod de differentia atomà nunquam verificatur, quod prædicetur de pluribus differentibus specie; rationale enim v.g. prædicatur de Petro & Paulo, de quibus non verificatur, quod differant specie, ut patet per exponentes huius verbi *differt*, quæ istæ sunt, Petrus est alicuius speciei, & Paulus est alicuius speciei, & Petrus non est eiusdem speciei, cuius est Paulus, quarum exponentium tertia exponens manifeste est falsa.

Respondetur, hoc argumento solum probari, quod si verba definitionis, ut iacent, & sine aliqua explicatione accipiantur, illa particula, *de pluribus differentibus specie*, intelligitur de pluribus differentibus specie inter se, & sic illi prædictæ correspondent exponentes: non tamen probatur, quod si dicta particula intelligatur de pluribus differentibus specie ab alijs, prædicta definitio non competat omni differentiæ & sic intellecta illa particula, non debent propositiones de verbo, *differt* exponi per prædictas exponentes, sed solum per id, quod illa, de quibus prædicatur differentia, differant per eandem differentiam ab alijs, de qui-

quibus talis differentia non prædicatur.

16. Obiicies secundo. Differentia hic definitur, ut unum ex quinque prædicabilibus: ergo illa particula, *de pluribus differentibus specie*, eodem modo accipienda est, ac in definitione aliorum prædicabilium, in qua ponitur. Sed in definitione aliorum prædicabilium intelligitur de differentibus specie inter se: ergo eodem modo intelligenda est in hac definitione.

Respondetur, quod licet differentia sit unum ex quinque prædicabilibus; qui tamen habet specialem rationem prædicabilis fundatam specialiter in ipsa differentia, secundum quod facit differre specificè ea, quorum est differentia ab alijs; potest definiri in ordine ad sua inferiora, secundum quod ab alijs specificè per ipsam differunt. Et alia prædicabilia non faciunt sua inferiora specie ab alijs differre, nec perinde aliquid ad rationem illorum conducit, quod sua inferiora differant, vel non differant specie ab alijs, & ideo sola differentia potest definiri per ordinem ad sua inferiora, prout specie ab alijs differunt.

17. Obiicies tertio, nam si ita hæc posset explicari definitio differentia, sequitur quod possit etiam differentia definiri per prædicari de pluribus differentiibus genere. Consequens nullius admittit: ergo. Sequela probatur, nam ea de quibus prædicatur differentia, non solum dif-

494 *Lib.4. de prædicabilibus*

differunt specie ab aliis, sed etiam genere: Petrus enim v.g. & Paulus non solum differunt specie ab aliis, sed differunt etiã genere ab aliis, vtpote ab albedine, relatione, quantitate, &c. quia ab illis differunt prædicamento, & quæ differunt prædicamento, differunt genere: ergo sicut, quia inferiora differentia differunt specie ab aliis potest definiri differentia, per prædicari de pluribus differentibus specie; quia eademmet inferiora differunt genere ab aliis, poterit similiter differentia definiri per prædicari de pluribus differentiibus genere.

Respondetur, negando sequelam: quia nulla differentia facit, aliquid ab alio differre genere, sed specie. Nam quæ differunt specie a thoma, certum est, quod non differunt genere: & quæ pertinent ad diuersa genera intra idem prædicamentum non differunt inter se genere, sed specie subalterna, quia genus intermedium licet in ordine ad sua inferiora dicatur genus, in ordine tamen ad aliud genus, a quo distinguitur; non genus, sed species subalterna debet appellari; & ita quæ sunt sub vno genere, ab his quæ sub alio genere sunt, non generice, sed specificè subalternè differunt: Quæ autem ad diuersa prædicamenta pertinent, non proprie dicuntur differre, sed esse primo diuersa; & etiam si minus proprie & vulgariter dicerentur differre genere, non differunt per suas differentias, sed per diuersos modos

dos entis. Vnde nunquam differentia prædicatur de aliquibus, quæ per ipsam differentiam differant genere ab aliis. Et sic non potest definiri differentia per prædicari de pluribus differentibus genere, bene tamen per prædicari de pluribus differentibus specie: quia ea de quibus differentia prædicatur, per ipsam differentiam differunt specie ab illis.

18 Obiicies quarto, nam hæc definitio etiam si isto modo intelligatur, est propria differentia subalternæ, ut subalternæ est; imò videtur propria differentia athomæ, ut athoma est: nulla enim specialior definitio in hoc modo dicendi potest assignari differentia athomæ, & subalternæ, quam ista: ergo talis definitio sic intellecta non est propria differentia in communi patet consequentia, nam differentia inferiores addunt aliquid saltem accidentale supra differentiam in communi: ergo ratione illius, quod addunt, debent habere distinctas proprias definitiones: ergo si hæc definitio sic intellecta est propria alienius differentia inferioris, ut talis differentia est, non potest esse propria differentia in communi.

Respondetur, negando antecedens, imò hæc definitio sic explicata propria est differentia, ut sic: quando enim diximus, intelligendam esse, quod differentia sit, quæ prædicatur in quale essentialiter de pluribus differentibus specie ab alijs, non est acci-

pluribus
on est acci-
ci- is

496 *Lib. 4. de Prædicabilibus*
 capiendum determinate de pluribus dif-
 ferentibus ab aliis specie athoma, nec de-
 terminate specie subalterna, sed abstrahē-
 do ab utroque modo differendi inferiorum.
 Et sic accepta definitio, non est propria
 differentie athomæ, nec subalternæ; sed
 propria differentie in communi, ut ab
 utraque abstrahit. Et si velimus definire dif-
 ferentiam subalternam possumus sic diffe-
 rentia subalterna est, *qua prædicatur in qua-
 le essentialiter de pluribus differentiibus ab alijs
 specie subalterna, & differentia athomæ,
 qua prædicatur de pluribus differentiibus ab
 alijs specie athomæ.* Vel possumus illas ali-
 ter sic definire: differentia subalterna est,
*qua prædicatur in quale essentialiter de pluri-
 bus ab alijs, & inter se specie differentiibus,
 ubi prædicari de pluribus ab alijs specie diffe-
 rentibus, erit essentialiter differentie ut sic:*
 quod autem illa plura inter se specie diffe-
 rant, erit accidentale differentie ut sic,
 & proprium subalternæ, ut subalterna
 est. Et differentia athomæ erit, *qua præ-
 dicatur in quale essentialiter de pluribus ab
 alijs specie, & inter se solo numero differen-
 tiibus.* Vbi quod illa, de quibus prædi-
 catur, inter se solo numero differant,
 erit accidentale differentie in
 communi, & proprium
 differentie athomæ,
 ut athomæ est.

32

C A-

C A P V T .

De Proprio.

QVÆSTIO XVI.

Vtrum diuisio proprii, & illius definitio recte assignentur à Porphirio?

QUatuor acceptiones proprii Porphirii enumerat, scilicet, quod conuenit soli, & non omni; vt esse Geometram respectu hominis. Quod conuenit omni, & non soli; vt esse bipedem respectu hominis: Quod conuenit omni & soli, non tamen semper; vt respectu hominis canescere, quod licet omni, & soli homini competat; non tamen semper, sed determinato solum tempore senectutis. Ac denique quod conuenit omni soli, & semper; vt respectu hominis esse risibile. Ex de proprio hoc quarto modo accepto asserit, quod conuertitur cum specie, à qua dimanat. Illud etiam sic definiuit Aristoteles i. Topicorum cap. 4. *Proprium est, quod non indicat quid est esse rei, soli autem inest, & conuersim pradicatur.* De hac autem Porphirii definitione, & illius di-

498 *Lib. 4. de predicabilibus*
diuisionibus breuiter in presenti est disputandum.

2 Dico igitur primo. Adequata analogia tamen est predicta diuisio proprii. Prima pars conclusionis præter authoritatem Porphyrij facile probatur. Quia cum proprium condistinguitur ab accidenti communi, & præter accidentia communia, omne accidens, quod alicui competit, aliquo ex his quatuor modis competere debeat: nec aliud sit assignabile: adequata est predicta proprii diuisio.

3 Secunda autem pars conclusionis, videlicet, quod illa sit analogia, etiam est manifesta. Quia solum proprium quarto modo est simpliciter proprium, non itidem alia, sed quodlibet illorum à ratione simpliciter proprii deficit: ergo predicta diuisio est analogia, & sic proprio in triplici priori acceptione prætermisso, solum proprii quarto modo accepti definitionem explicabimus, quia solum illud rationem quarti predicabilis obtinet; alia autem propria, quia simpliciter, licet non formaliter sub ratione proprii, sunt accidentia; ad rationem accidentis quinti predicabilis simpliciter pertinent: licet, ut aliqualiter propria sunt, possit dici, quod etiam, aliqualiter, ut propria sunt, pertinent ad quartum predicabile, quamuis eius rationem simpliciter non participant.

4 Dico secundo, per definitionem proprii assignatam ab Aristotele, definitur proprium,

primum, ut quartum prædicatum, non autem ut quartum prædicabile; per definitionem autem assignatam à Porphyrio definitur proprium, ut quartum prædicabile: clarius tamen ut sic communiter definitur, *quod prædicatur de pluribus accidentaliter inseparabiliter*. Prima pars conclusionis probatur, nam proprium, ut quartum prædicabile (sicut omne aliud uniuersale) constituitur per aliquem specialem ordinem ad sua inferiora, ideoque (ut quaestione sequenti ostendemus) proprium in ratione prædicabilis non per ordinem ad speciem, à qua dimanat, & cum qua conuertitur, sed per ordinem ad sibi inferiora, constituitur. Sed in definitione assignata ab Aristotele nullus ordo proprii ad sua inferiora, sed solum ad speciem cum qua conuertitur, explicatur: ergo per eam definitionem non definitur proprium, ut quartum prædicabile est, sed ut quartum est prædicatum, cuius ratio non in ordine ad inferiora, sed in ordine ad speciem desumitur.

§ Secunda autem pars conclusionis probatur, explicando definitionem Porphyrii: cum enim in illa dicitur, quod proprium *conuenit omni*; non intelligitur quod conueniat omni speciei: alias ea definitio non competeret proprio speciei infimæ, cum sola sit unica species, cui tale competat proprium; sed intelligitur, quod conueniat omni individuo speciei, à quo proprium dimanat; & cum dicitur, quod pro-

proprium *conueniat soli*, etiam intelligitur conuenire indiuiduis, non quidem determinatè vni vel alteri, sed omnibus & solis indiuiduis speciei, à qua proprium dimanat, itaut sensus definitionis sit, proprium est, quod conuenit omnibus inferioribus speciei; a qua dimanat, & solis illis, ac semper illis. Sic autem explicata definitione, per eum optimè definitur proprium, vt quartum prædicabile, quia per illam explicabitur illius ordo ad sua inferiora, & quod inseparabiliter illis cōpetit, clarius tamen (vt dixi in 3. part. cōclusionis) essentia proprii; vt quarti prædicabilis per eam communem definitionē explicatur: quia non solum explicatur ordo proprii ad sua inferiora, sed & specialis modus, quo præ alijs prædicabilibus de illis prædicatur: in eo enim quod dicitur, quod prædicatur de illis accidentaliter; distinguitur proprium à tribus prioribus prædicabilibus, quæ de suis inferioribus non accidentaliter, sed essentialiter prædicantur. In eo autem quod dicitur proprium, non quomodolibet accidentaliter, sed accidentaliter inseparabiliter de pluribus prædicatur; distinguitur proprium à quinto prædicabili, quod (vt capite sequenti explicabimus) accidentaliter separabiliter prædicatur. Clarior igitur, & melior ea est definitio proprii, vt quarti prædicabilis, vtpote clarius, & expressius illius naturam explicans. Vt tamen quæ in his conclusionibus diximus, magis

magis innotescant, ea aliquibus obiectionibus breviter examinemus.

6 Aduersus diuisionem igitur proprii obijcies. Primo, quod Aristoteles tres tantum enumerat acceptiones proprii. Perperam igitur Porphirius quatuor enumerauit. Antecedens probatur: nam Aristoteles 1. Topicorum cap. 4. solum assignauit proprium per se, proprium semper, & proprium aliquando.

Respondetur negando antecedens. Nam Aristoteles per proprium aliquando, intellexit proprium, quod in aliqua parte tantum temporis competit, & quod aliquibus & non omnibus alicuius speciei conuenit, in quo iam duas proprii acceptiones ex assignatis à Porphyrio comprehendit; nempe quod conuenit omni, non soli; & quod conuenit omni, & soli, non tamen semper: & cum præter has acceptiones alias duas enumeret, totidem in re assignauit, ac Porphyrius.

7 Obijcies secundo contra primam acceptionem proprii. Quia si aliquod diceretur proprium primo modo, maxime respectu hominis esse Medicum, vel Geometram, (hæc enim exempla huius primæ acceptionis adhibet Porphyrius) sed id non est proprium eo primo modo: nulum igitur tale datur. Minor probatur. Nam esse Medicum, siue Geometram, vel accipitur pro capacitate hominis ad eas scientias, vel pro ipsis habitibus talium scientiarum; si primum, est proprium

quarto modo, vtpote competens omni soli, & semper homini: capacitas enim & inclinatio ad omnes scientias, est propria passio hominis; si autem accipiatui pro ipsis habitibus talium scientiarum, illi sunt accidentia omnino communia hominis: ergo in nulla acceptione habet respectu illius eam rationem propriam.

Respondetur, negando minorem. Et ad probationem dico, quod non accipitur esse Medicum, vel Geometram, cum adhibetur, vt exemplum proprii primo modo, pro inclinatione, & capacitate ad eas scientias, quæ omni homini ratione suæ naturæ specificæ competit, (ea enim capacitas, & inclinatio, vt recte probat argumentum, est proprium quarto modo respectu hominis) sed accipitur, vel pro speciali inclinatione indiuiduali, quæ solis hominibus, non tamen omnibus competit, ad eas magis quam ad alias scientias; vel pro ipsis habitibus earum scientiarum, vtrumque enim est proprium, primo modo respectu hominis, & non accidens omnino commune, vtpote non competens alijs præter hominem, & aliquo modo per se hominibus, vt specialis illorum inclinatio, vel vt terminus naturalis eorum inclinationis competens.

Eodem modo respondetur ad aliud argumentum, quod obijcit noster author aduersus exemplum proprii tertio modo, quod specialis qualitas, quæ est causa hominibus canescendi, & ipsa actualis canities,

ties, sunt proprium tertio modo hominis, quia omnibus & solis illis competunt (alia enim animalia licet aliquando habeant pilos albos, proprie non dicuntur canescere) & id non semper, sed determinato tempore senectutis hominibus cōpetit.

8 Obijcies tertio, quod visus & auditus habent rationem proprii respectu hominis, cum ex illius essentia dimanent. Et tamen ad nullam ex quatuor prædictis acceptionibus proprii pertinent: ergo in sufficienter illæ assignantur. Minor probatur, quia non pertinent ad aliquam ex tribus prioribus, cum sub nulla formalitate sint accidentia communia, nec accidentaliter separabiliter de hominibus prædicentur: & (vt diximus) proprium in triplici priori acceptione, licet in ratione proprii non pertineat ad accidens commune & quantum prædicabile, semper tamen sub aliqua formalitate ad illud pertinet. Nec possunt prædicti sensus habere rationem proprii quarto modo respectu hominum, utpote qui licet conveniant omnibus hominibus, non tamen solis.

Confirmatur, nam esse bipedem, ponitur à Porphyrio pro exemplo proprii secundo modo. Et tamen nullo modo videtur esse proprium, cum respectu nullius speciei athomæ, aut subalternæ proprium sit, & omne proprium respectu alicuius speciei in esse proprii debeat con-

stitui. Perperam igitur id ut exemplum proprii assignavit Porphyrius.

Respondetur ad argumentum, quod cum proprium quarto modo dimanet à natura specifica, & non solum sint naturæ specificæ athomæ, sed subalternæ; ab illis etiam sua propria dimanant, & sic visus & auditus est proprietas, non ab specie humana, sed ab specie subalterna animalis dimanans, & omnibus semper, & solis animalibus competens. Ad confirmationem respondetur, quod solum proprio quarto modo competit, dimanare ab aliqua determinata specie athoma, vel subalterna, non autem proprio in alijs acceptionibus, præcipue in secunda, cum illud sit accidens commune pluribus ad diuersas species pertinentibus.

9 Obijcies quarto aduersus definitionem proprii quarto modo accepti, à Porphyrio assignatam, quod illa competit differentię, ut rationali respectu hominis, siquidem illa competit omnibus, & solis hominibus, & semper illis. §. Confirmatur primo, nam altera definitio proprii quarti prædicabilis, ipsi proprio non competit, quia illud, cum profluat ab essentia, videtur essentialiter prædicari. §. Confirmatur secundo, quia utraque ea definitio competit colorato respectu corporis: omne enim & solum corpus, & semper est coloratum, & coloratum accidentaliter inseparabiliter prædicatur de corpore. Et tamen coloratum respectu cor-

Questio XVI. 505

corporis, nec est proprium, nec prædicatur per se de illo: ergo ea vtraque definitio est mala. Minor probatur, quia nulla species colorati prædicatur per se de corpore, ut patet: ergo nec coloratum: quia cum aliqua ratio communis convenit alicui per se, media aliqua ratione specifica sui debet illi per se competere.

10. Respondetur ad argumentum, negando antecedens. In ea enim, immò in vtraque prædicta definitione proprii debet intelligi, quod illud profluat à principiis essentialibus speciei: Differentia autem cum non profluat à principiis speciei, sed potius speciem essentialiter constituat, non convenit illi definitio proprii. §. Ad primam confirmationem respondetur, negando antecedens, immò eo quod proprium profluit ab essentia alicuius speciei, non prædicatur de illa; nec de suis individuis essentialiter, quia solum prædicatur de aliquo essentialiter, quod illud essentialiter constituit; non autem, quod ab ipso sic constituto, vel ab eius constitutino profluit; id enim solum facit, quod illud prædicetur inseparabiliter. §. Ad secundam confirmationem, quæ aliqualem habet difficultatem, respondetur. Quod coloratum non est proprium respectu corporis, ut recte probat argumentum; quia nulla species colorati est propria corpori, nec de corpore in communi, aut de omnibus corporibus per se prædicatur, licet alicui corpori in particulari

culari aliqua species coloris, scilicet albedo, sit propria passio: quod non sufficit, ut respectu corporis coloratum sit propria passio: quia ad id requirebatur, quod respectu cuiuslibet speciei corporis aliqua species coloris esset propria passio. Unde dicendum est, quod quia coloratum non profuit à principiis essentialibus, sed à principiis individualibus corporis; quamvis conueniat omnibus & suis corporibus, & semper illis, & prædicetur accidentaliter inseparabiliter de corpore: quia tamen; ut diximus, in utraque prædicta definitione debet intelligi, quod proprium procedat ab essentia illius, cuius est proprium; neutra talis definitio sic intellecta conuenit colorato respectu corporis, immò nec conuenit illi respectu corporis prædicari inseparabiliter eo modo, quo debet intelligi in definitione proprii, ut capite sequenti explicabi-

mus: quia salua essentia corporis, potest intelligi, illud non esse coloratum,

seu quod etiam si

non esset co-

lora-

tum, adhuc saluaretur

essentia corpo-

ris.



QVÆ.

QVÆSTIO XVII.

*Utrum proprium & differentia con-
stituantur in ratione vniuersalis
per ordinem ad speciem,
an vero per ordinem
ad individua.*

HUicque utrumque membrum huius
difficultatis distulimus: nam licet id
specialiter in capite præcedenti dubitari
posset de differentia, quia tamen eadem
est fere difficultas de illa, ac de proprio;
nec eadem inutiliter repetamus, utrumque
simul in hoc loco disputare volumus, ut
cognita iam natura proprii & differentiae,
de utroque videamus, an in ratione vni-
uersalis, & in ratione talis vniuersalis,
differentia videlicet in ratione tertij præ-
dicabilis & proprium in ratione quarti
prædicabilis, in ordine ad speciem, quam
differentia constituit, & à qua proprium
emanat, an vero in ordine ad individua
talis speciei constituentur.

Nec inquirimus, an differentia &
proprium in ratione tertij & quarti præ-
dicabilis constituentur per ordinem ad sua
propria individua per nomen ipsius diffe-
rentiae, & proprii significata, ut rationa-
le in ordine ad hoc & illud rationale; &
risibile per ordinem ad hoc & illud risibi-
le:

508 *Lib. 4. de prædicabilibus*

le : iam enim sæpius diximus , in ordine ad hæc indiuidua non constitui in ratione specialis prædicabilis condistincti ab specie , sed respectu suorum hoc modo indiuiduorum quodlibet prædicabile habere formaliter rationem speciei : quia rationale v.g. non prædicatur *in quale* de hoc & illo rationali , sed *in quid* , & vt dicens in actu totam essentiam , quam explicat hoc & illud risibile . Ergo nec rationale constituitur in ratione tertii prædicabilis in ordine ad hoc & illud rationale ; nec risibile constituitur in ratione quarti prædicabilis in ordine ad hoc & illud risibile : sed vtrumque prædicatur de prædictis indiuiduis prædicatione speciei . Vnde in ordine ad prædicta indiuidua non procedit difficultas , sed in ordine ad indiuidua propria speciei , quam differentia constituit , & à qua proprium dimanat ; an videlicet in ordine ad illa ; an vero in ordine ad speciem constituentur differentia & proprium in ratione vniuersalis , & in ratione tertii aut quarti prædicabilis .

3 Supponendum est autem , quod differentia & proprium possunt esse , vel differentia athoma constituens athomam speciem , vt rationale ; & proprium athomum ab specie infima & athoma dimanans , vt risibile ; vel differentia subalterna speciem subalternam constituens , vt sensibile , & proprium subalternum ; ab specie subalterna dimanans , vt auditium , & quidem de differentia & proprio subalterno est dif-

Questio XVII. 509

difficultas, an constituentur in ratione vniuersalis in ordine ad speciem subalternam, quam constituit differentia, & à qua proprium dimanat; an vero in ordine ad species inferiores talis speciei subalternæ: & de differentia & proprio athomo, an constituentur in ratione vniuersalis in ordine ad speciem athomam, quam differentia constituit, & à qua proprium dimanat; an vero in ordine ad individua talis speciei: vt rationale & risibile, an constituentur in ratione vniuersalis & tertij, ac quarti prædicabilis in ordine ad hominem, quem rationale constituit, & à quo risibile dimanat, an vero in ordine ad propria individua specifica hominis, & quod dixerimus de differentia & proprio athomo, proportionabiliter dicendum est de differentia & proprio subalterno. Vnde maioris claritatis causa solum de differentia athoma & de proprio athomo loquemur.

4 Dicendum igitur est, differentiam & proprium non constitui in ratione vniuersalis, & tertij ac quarti prædicabilis in ordine ad speciem, quam differentia constituit, & à qua proprium dimanat; sed in ordine ad individua. Oppositum cum Caietano cap. de differentia plures defendunt, & vt probabile illud admittit noster author in hoc cap. quæst. 1. in 2. solutione ad 5. sed conclusionem cum eodem nostro authore ibi in 2. solutione ad id argumentum communiter plures defendunt.

Et probatur. Quia vniuersale constituitur formaliter in ratione vniuersalis per ordinem ad plura, quæ vt sibi inferiora respicit. Sed speciem, quam constituit & à qua proprium dimanat; non respiciunt differentia & proprium, vt sibi inferiorem, sed vt omnino æqualem, & illa est vna tantum & non plures, individua autem sunt plura, & illa respicit differentia, & proprium vt sibi inferiora: ergo differentia & proprium non in ordine ad speciem, sed in ordine ad individua in ratione vniuersalis constituuntur. Maior præterquam, quod ex ipsa definitione vniuersalis, quod est *unum in multis*, & *de multis*, colligitur, manifeste etiam probatur: quia vniuersale dicitur respectu particularis: ergo respectu sibi inferiorum, & ad quæ comparantur vt superioribus: & a quolibet illorum abstrahit, & cum nullo illorum in particulari dicitur ad conuertentiam. Minor autem est manifesta: nam species, quam differentia constituit, & à qua proprium dimanat, est vna & non inferior, sed æqualis cum differentia, & proprio, & cum illis dicitur ad conuertentiam: bene enim valet, est homo: ergo rationalis, & risibilis; & è contra, est rationale & risibile: ergo est homo: & individua sunt vere inferiora proprio & differentia, & ab illis proprium, & differentia abstrahunt, & cum nullo in particulari eorum proprium, & differentia dicuntur ad conuertentiam: licet enim bene

Questio XVII. 511

bene valeat, est Petrus: ergo rationalis, & risibilis; non tamen è contra. Minor ergo quo ad vtramque illius partem est vera.

Confirmatur, nam vniuersale, formaliter est vniuersale, & superius respectu eorum duntaxat, à quibus abstrahitur abstractione totali; cum respectu solum eorum sit totum potentiale. Sed differentia & proprium non abstrahuntur ab specie abstractione totali; bene tamen ab indiuiduis: ergo habent rationem vniuersalis respectu indiuiduorum, non vero in ordine ad speciem.

5 Dices, quod cum differentia, & proprium prædicantur de specie; quia prædicantur de illa, vt totum potentiale est, & vt in potentia continet indiuidua, virtualiter prædicantur de ipsis indiuiduis, & virtualiter perinde prædicantur de pluribus. Et licet in ordine ad speciem secundum se proprium & differentia non se habeant, vt superius; in ordine tamen ad speciem, vt totum potentiale est, & vt continet indiuidua, proprium & differentia habent eandem superioritatem, quam habent in ordine ad indiuidua; & alias de specie immediate prædicantur, mediate autem de indiuiduis in se ipsis: ergo in ordine ad speciem & non in ordine ad indiuidua constituuntur in ratione vniuersalis.

6 Contra hoc tamen est primo, quia dicitur species; quam differentia constituit,

512 *Lib.4.de prædicabilibus*

& à qua proprium emanat, sit totum potentiale, & virtualiter contineat individua; differentia tamen & proprium non prædicantur de illa, ut totum potentiale est. Falsum igitur est præcedentis solutionis fundamentum. Antecedens probatur; quia differentia prædicatur de specie, ut illam constituit, & componit. Sed constituit, & componit illam in ratione totius actualis: ergo solum prædicatur de illa formaliter, ut totum actuale est. Et proprium dicitur de specie, ut ab illa dimanat. Sed dimanat ab illa formaliter, ut totum actuale est in sua essentia constitutum, ad quæ materialiter se habet, quæ respectu individuorum sit totum potentiale. Ergo tam proprium, quam differentia prædicantur de specie, ut illa totum actuale est, non vero, ut est totum potentiale.

Confirmatur, nam sicut de ratione prædicati alicuius propositionis est, quod contineat in potentia, quidquid est in subiecto; ita de ratione subiecti solum est: quod includat quidquid in actu, vel in potentia dicit prædicatum, & omnis virtualis continentia aliorum materialiter se habet ad rationem subiecti. Ergo cum proprium & differentia de specie prædicantur, continentia virtualis individuorum in specie materialiter ad id se habet, & solum formaliter proprium & differentia prædicantur de specie, ut illa est totum actuale.

7 Se-

Quaestio XVII. 513

7 Secundo eadem solutio impugnatur: nam dato, & non concesso, quod differentia & proprium prædicarentur de specie, vt totum potentiale est, adhuc id non sufficeret, vt in ordine ad illam constituentur in ratione vniuersalis. Ergo etiam si id prædictæ solutioni admittatur, adhuc illa est insufficiens. Antecedens probatur. Nam species, etiam vt totum potentiale, & vt virtualiter continens indiuidua, est formaliter vna, & non formaliter plura. Sed terminus, in ordine ad quem aliquid constituitur vniuersale, debet esse formaliter plura, sicut ipsum vniuersale est formaliter vnum. Ergo differentia & proprium non constituuntur in ratione vniuersalis per ordinem ad speciem, etiam si illam vt totum potentiale respicerent.

Confirmatur: nam species, etiam vt respectu indiuiduorum est totum potentiale, non est inferior, sed æqualis cum proprio & differentia: quia etiam vt sic conuertitur cum illis. Sed vt diximus, differentia & proprium, sicut & quodlibet aliud vniuersale, debet formaliter constitui in ratione vniuersalis per ordinem ad sibi inferiora. Ergo non potest constitui differentia, & proprium in ratione vniuersalis per ordinem ad speciem, etiam si in ordine ad illam vt ad totum potentiale comparentur.

8 Obijcies primo, quod proprium & differentia immediate prædicantur de
spe-

514 *Lib. 4. de prædicabilibus*

specie, mediate autem de indiuiduis. Sed vniuersale constituitur in ratione prædicabilis in ordine ad terminum, de quo immediate prædicatur. Ergo proprium & differentia constituuntur in ratione vniuersalis & prædicabilis per ordinem ad speciem, & non per ordinem ad indiuidua. Minor probatur, ea enim ratione diximus, quod licet genus prædicatione generis prædicetur de indiuiduis specificis: tamen quia de illis solum prædicatur mediatè; non per ordinem ad illam, sed per ordinem ad species, de quibus immediatè prædicatur in ratione vniuersalis & primi prædicabilis formaliter constituitur. Maior autem probatur. Quia rationale v.g. & risibile immediate prædicantur de specie, scilicet de homine, & mediate de illius indiuiduis, Petro videlicet & Paulo: ideo enim Petrus est rationalis & est risibilis, quia homo est rationalis, & homo est risibilis: ergo immediate prædicantur proprium & differentia de specie, & mediate tantum de eius indiuiduis.

Respondetur: quod indiuidua sunt, de quibus immediate, vt superius proprium & differentia prædicantur; quia non habent alium immediatorem terminum, de quo vt superiora prædicentur; si enim immediatius, quam de illis prædicantur de specie, non prædicantur vt superiora, sed vt æqualia de illa; nec in ratione prædicabilis, sed, vt dicemus, in ratione præ-

di-

Quaestio XVII. 515

dicari : & vniuersale in ratione talis constituitur per ordinem ad terminum , de quo immediate , vt superius praedicatur . Et ita quia genus , etiam vt superius non praedicatur immediate de indiuiduis , quia etiam vt superius praedicatur immediatius de speciebus , non constituitur in ratione vniuersalis , & primi praedicabilis per ordinem ad indiuidua , sed per ordinem ad species . Proprium autem & accidens per ordinem ad indiuidua constituuntur , quia vt superiora immediate de illis , & superiora de nullo alio immediatius praedicantur .

9 Obijcies secundo differentia & proprium vere praedicantur praedicatione vniuersalis de specie ; & alias immediatius praedicantur de illa , quam de indiuiduis : ergo per ordinem ad illam , & non per ordinem ad indiuidua in ratione vniuersalis constituuntur . Consequentia probatur : quia vt in solutione praecedentis objectionis admittebamus , vniuersale ex illis terminis , de quibus , vt vniuersale praedicatur in ordine ad illum debet constitui de quo immediatius in ratione vniuersalis praedicatur : ergo si differentia & proprium non solum de indiuiduis , sed de specie , vt vniuersalia praedicentur , cum alias certum sit immediatius de illa , quam de indiuiduis praedicari ; in ordine ad illa & non in ordine ad indiuidua formaliter in ratione vniuersalis constituentur . Antecedens autem , in quo est difficultas , probatur

batur primo. Quia proprium & differentia directè, & formaliter, & tanquam quid vnum, & vniuocum prædicantur de specie: ergo prædicatione formaliter vniuersalis, & alicuius prædicabis: omnis enim prædicatio formalis & directæ ad aliquod prædicabile videtur pertinere.

§. Secundo probatur idem antecedens. Quia eadem relatione refertur proprium & differentia ad speciem, & ad indiuidua: sed ad indiuidua refertur relatione vniuersalis: ergo similiter ad speciem: ac perinde vt vniuersalia de illa prædicantur. Maior probatur, quia quotiescumque aliquid ad aliquid immediate, & ad aliud mediate refertur, eadem relatione refertur ad vtrumque: sicuti genus, quia immediate species, & mediate indiuidua respicit, non diuersis relationibus, sed vnica & eadem relatione ad species & indiuidua refertur. Sed proprium & differentia immediate speciem, & mediate indiuidua respiciunt. Non igitur diuersis relationibus, sed vnica, & eadem relatione ad speciem & indiuidua referuntur. §. Tercio denique probatur idem antecedens, quia differentia & proprium prædicantur de specie, & species de indiuiduis: ergo eodem genere prædicationis, quo proprium & differentia prædicantur de specie, prædicantur de indiuiduis. Sed de indiuiduis prædicantur prædicatione vniuersalis: ergo etiam de specie. Prima consequentia patet per regulam ante præ-

di-

Questio XVII. 517

dicamentalem, cum quidpiam de quo piam
prædicatur, &c. quæ iuxta communio-
rem intelligitiam debet intelligi, quod cum
aliquid prædicatur de aliquo, eodem ge-
nere prædicationis, quo de illo prædica-
tur, debet prædicari de his de quibus præ-
dicatur subiectum: ergo si proprium &
differentia prædicantur de specie, eodem
genere prædicationis, quo de illa prædi-
cantur, debent etiam prædicari de indi-
viduis de quibus prædicatur species.

10 Respondetur, negando antecedens
quia, ut ostendimus, differentia & pro-
prium non prædicantur ut superiora, sed
ut æqualia de specie: ac perinde non præ-
dicantur formaliter de illa prædicatione
vniuersalis. Et ad primam probationem
antecedentis dico: quod licet prædicatio
proprij & differentie de specie, sit forma-
lis & directa; non tamen est prædicatio
vniuersalis, nec sub intentione prædica-
bilis prædicatur proprium aut differentia
de specie, sed sub intentione tertij aut
quartij prædicati. 5. Ad secundam pro-
bationem eiusdem antecedentis responde-
tur, negando maiorem, quia non quoties-
cunque aliquid respicit vnum mediate,
& alterum immediate, refertur ad illa
eadem relatione, sed solum, cum sub ea-
dem ratione respicit vtrumque, proprium
autem, & differentia ut æqualia respiciunt
speciem, & ut superiora respiciunt indi-
vidua, & ita quamuis immediate respi-
ciant speciem, & mediate individua,
non

518 *Lib.4. de prædicabilibus*

non eadem relatione ad speciem, & indiuidua referuntur, sed ad speciem relatione prædicati, ad indiuidua autem relatione vniuersalis, & prædicabilis, imò vt ad præcedentem obiectionem diximus, licet absolute dicantur proprium & differentiam respicere mediate indiuidua, vt superiora tamen sunt non mediate, sed immediate indiuidua respiciunt, quia non habent alium immediatiorem terminum, quem vt superiora respiciant. §. Ad tertiam denique probationem eiusdem antecedentis respondetur, quod ex eo, quod proprium & differentia prædicantur de specie, & species de indiuiduis; solum sequitur, quod eodem genere prædicationis essentialis, vel accidentalis, quo proprium & differentia prædicantur de specie, prædicantur etiam de indiuiduis: nec aliud ad summum conuincit prædicta regula ante prædicamentalis; non tamen sequitur, quod si de specie prædicantur proprium, & differentia, vt æqualia: ac perinde non sub intentione prædicabilis, sed sub intentione prædicatis sub eadem intentione prædicentur diuise de indiuiduis: quia cum quodlibet illorum sit inferius ad speciem, etiam est inferius ad differentiam & proprium; & ita non prædicantur differentia & proprium de illis, vt æqualia, sed vt superiora: ac perinde non sub intentione prædicati, sed sub intentione prædicabilis & vniuersalis.

II Obijcies tertio, quod differentia
&

Quaestio XVII. 519

& proprium, cum non habeant rationem vniuersalis in communi, sed determinatam rationem vniuersalis ad determinatas species prædicabilis pertinentem; in ordine ad illum terminum constituuntur in ratione vniuersalis, in ordine ad quem constituuntur in ratione specialis prædicabilis, differentia videlicet in ratione tertij prædicabilis, & proprium in ratione quarti prædicabilis. Sed in his rationibus constituuntur in ordine ad speciem: ergo in ratione vniuersalis. Minor probatur; quia differentia, in quantum differentia propriissima, & proprium in quantum quarto modo proprium, constituuntur in ratione tertij ac quarti prædicabilis, cum nec ad tertium prædicabile pertineat formaliter differentia communis & propria, nec ad quartum prædicabile proprium, in tribus prioribus acceptionibus. Sed differentia est differentia propriissima in ordine ad speciem, quam constituit, & proprium est proprium quarto modo in ordine ad speciem à qua dimanat: ergo differentia & proprium constituuntur in ratione tertij, & quarti prædicabilis in ordine ad speciem.

Confirmatur, quia proprium constituitur in ratione quarti prædicabilis in ordine ad illum terminum, cum quo dicitur ad conuertentiam. Sed cum indiuiduis diuise sumptis non dicitur ad conuertentiam: non enim valet, aliquid est risibile: ergo est Petrus: & dicitur ad conuert-

uertentiam cum specie : ergo in ordine ad speciem & non in ordine ad indiuidua constituitur in ratione quarti prædicabilis . Maior probatur , quia Aristoteles definiuit proprium per id , quod conuersim prædicetur , in quo insinuat propriū debere conuerti cum illo , de quo vt proprium prædicatur .

12 Respondetur ad argumentum , negando minorem . Et ad probationem dico , quod licet differentia & proprium in ratione tertij & quarti prædicabilis constituantur per ordinem ad indiuidua , quia solum in ordine ad illa habent rationem superioris ; fundamentum tamen prædicabilitatis in ordine ad indiuidua , sumitur ex ordine , quem habent ad speciem , quia differentia , quatenus constituens speciem , refertur ad talis speciei indiuidua : & proprium quatenus dimanat ab specie , refertur ad talis speciei indiuidua , & ita ratio differentię propriissimæ , quæ sumitur in ordine ad speciem , est fundamentum illius vniuersalitatis in ordine ad indiuidua . Et in proprio ratio proprii quarto modo , quæ sumitur in ordine ad speciem , est fundamentum illius vniuersalitatis in ordine ad indiuidua . Vnde cum in argumento dicitur , quod differentia in quantum differentia propriissima constituitur in ratione tertij prædicabilis , & proprium in quantum proprium quarto modo constituitur in ratione quarti prædicabilis , verum id quidem est , si ly in

quan-

Quaestio XVII. 521

quantum dicat rationem fundandi eas relationes prædicabilium, non autem si dicat rationem formalem relationis: hæc enim sumitur in ordine ad inferiora, quamvis cum præsuppositione talis fundamenti, quod in ipsa relatione refunditur, ut diuersimode hæc prædicabilia indiuidua respiciant, & illa respiciant alia prædicabilia.

Ad confirmationem eodem modo respondetur: quod in proprio, ut est quartum prædicabile, ex parte fundamenti requiritur, quod ab specie dimanet, & cum illa conuertatur; non tamen requiritur, quod conuertatur cum termino in ordine ad quem in ratione prædicabilis formaliter constituitur, immò cum debeat constitui in ordine ad terminum sibi inferiorem, non debet cum illo conuerti. Et Aristoteles, ut diximus quaestione præcedenti, non definiuit proprium, ut

quartum prædicabile, sed ut
 quartum prædicatum, quæ
 intentionem proprium
 non in ordine ad
 indiuidua,
 sed
 in ordine habet ad
 speciem.

C A P V T De Accidenti.

QVÆSTIO XVIII.

*Vtrum definitionem & diuisionem
accidentis recte tradat
Porphyrius?*

S Vpponendum ex D. Thoma 1. part.
quæst. 77. art. 1. ad 1. quod hoc nomen
accidens potest significare & accidens præ-
dicamentale, & accidens prædicabile.
Accidens prædicamentale est, quod condi-
stinguitur à substantia, & dicit esse in alio;
& sic quidquid est ens reale, & non est sub-
stantia, neccssario debet esse accidens: non
enim inter substantiam & accidens prædi-
camentale aliquod datur mediū: accidens
vero prædicabile est, quod est extra essen-
tiam rei, & ab essentia non dimanat; &
hoc accidens non dicit esse substantiam;
nec accidens prædicamentale, immò nec
ens reale, nec ens rationis determinate:
de accidenti igitur prædicabili Porphyrius
loquitur in præsentī: accidens igitur præ-
dicabile definit sic Porphyrius: accidens
est, quod adest, & abest sine subiecti cor-

Quæstio XVIII. 523

ruptione, & diuidit illud in accidens separabile, & inseparabile. Accidens separabile, vt dormire respectu hominis: inseparabile, vt nigrum respectu corui. De præfata igitur definitione accidentis dubitamus, an illa sit bona.

2 Dico primo, accidens est vere prædicabile distinctum ab omnibus alijs. Conclusio est communis, quia accidens est vnum in multis & de multis, realiter enim accidens, vt album reperitur in multis, & abstractum per intellectum prædicatur de illis; & istæ sunt veræ prædicationes, Petrus est albus, Paulus est albus: ergo vere tale accidens habet rationem vniuersalis, & prædicabilis: & cum distinctum modum habeat prædicandi ab alijs prædicabilibus; non enim prædicatur essentialiter; & sic distinguitur à tribus prioribus prædicabilibus: nec prædicatur accidentaliter inseparabiliter, & intransmutabiliter, per quod distinguitur à proprio, & constituit quintum & vltimum prædicabile ab omnibus alijs distinctum.

Confirmatur: nam accidens, verbi gratia, album in ratione quarti prædicabilis non constituitur per ordinem ad sua individua propria, scilicet per ordinem ad hoc & illud album, vel ad Petrum & Paulum album, posita albedine in illis in actu signato; sic enim quidditative prædicatur de illis, & vt dicens in actu totam essentiam, quam illa explicant, ac per-

perinde prædicantur de illis prædicatione speciei, & rationem speciei prædicabilis habet in ordine ad illa; sed constituitur accidens in ratione quarti prædicabilis in ordine ad sibi inferiora, de quibus accidentaliter communiter prædicatur, ut album in ordine ad habentia albebinem, non quidem albedine posita in illis in actu signato (sic enim, ut diximus, sicut individua propria albi, & de quibus album quidditative, & ut species prædicatur,) sed albedine in illis exercita, ut conditione & ratione eis conueniendi prædicatum: ergo accidens non solum est prædicabile, sed speciale & condistinctum ab omnibus alijs.

3 Dico secundo, per definitionem, à Porphyrio accidentis assignatam, definitur accidens secundo intentionaliter: clarius tamen ut prædicabile definitur, quod sit illud, *quod prædicatur de pluribus accidentaliter separabiliter*. Prima pars conclusionis probatur, explicando definitionem Porphyrij. Nam in illa, *adesse & abesse*, non sumitur pro reali inhærentia, & non inhærentia, sed pro conuenientia, & prædicabilitate; ita ut sensus definitionis sit, quod accidens est, quod potest conuenire, & non conuenire; prædicari, & non prædicari de aliquo absque illius corruptione: & sic definitur accidens secundo intentionaliter & ut prædicabile. Clarius tamen, ut dixi, definitur ut prædicabile per alteram communem
defi-

definitionem, quia clarius & expressius per illam ratio prædicabilis explicatur. Ut tamen definitio Porphyrij, & illa communis, quæ cum illa coincidit, clarius patefiat, & explicetur, illam aliquibus obiectionibus examinemus.

4 Obijcies ergo primo aduersus primam conclusionem, ad probandum, accidens non constituere speciale prædicabile. Et loquamur claritatis gratia de hoc accidenti album: quia illud non habet specialia inferiora, in ordine ad quæ in ratione specialis prædicabilis constituatur: non enim hoc & illud album, seu Petrus & Paulus albus, posita in illis albedine in actu signato; de illis enim ut sapius diximus, & hic in eadem prima conclusione ostendimus, album quidditative prædicatur, & rationem habet respectu illorum speciei prædicabilis. Nee constituitur in ratione specialis prædicabilis in ordine ad Petrum & Paulum habentes albedinẽ, quod probatur. Primo, quia album non abstrahitur à Petro & Paulo: ergo respectu illorum non constituitur in ratione vniuersalis & prædicabilis specialis. Consequentia patet, quia nullum constituitur vniuersale, nisi respectu illorum, à quibus abstrahitur. Antecedens autem probatur, quia vel abstrahitur album à Petro & Paulo secundum se, vel ut sunt albi, non secundum se; quia ut sic neque includunt albedinem, neque aliquod accidens. Si autẽ abstrahatur ab illis, ut sunt

§ 26 *Lib. 4. de Prædicabilibus*

albi, est idem ac abstrahere album ab hoc & illo albo, per quam abstractionem, ut diximus in ratione speciei prædicabilis, non autem in ratione quinti & specialis prædicabilis constituitur. §. Secundo probatur idem principale antecedens: quia album à Petro & Paulo non potest abstrahi abstractione totali, sed abstractione formali: ergo respectu illorum non potest constitui in ratione vniuersalis & prædicabilis: solum enim aliquid in ratione vniuersalis constituitur in ordine ad ea, à quibus abstrahitur abstractione totali. Antecedens probatur, quia album, sicut quolibet aliud accidens, dicit formam respectu subiecti: ergo solum est abstrahibile à subiectis, à Petro v.g. & Paulo habentibus albedinem abstractione formali, abstractione videlicet formæ à subiecto, non autem abstractione totali. §. Tertio probatur idem principale antecedens: quia vniuersale debet esse à parte rei formaliter in inferioribus, in ordine ad quæ in ratione vniuersalis constituitur; & ab illis esse realiter indistinctum: alias non prædicaretur formaliter de inferioribus, & posset ab omnibus illis realiter separatum existere. Sed album non est formaliter in Petro & Paulo, sed solū inhæret, sicut quolibet aliud accidens in substantia, & ab illis est realiter distinctum: ergo non constituitur in ordine ad Petrum & Paulum in ratione vniuersalis & prædicabilis. §. Quarto denique idem antecedens probatur, quia quod-

quodlibet prædicabile, vt sapius diximus, constituitur in ordine ad ea, de quibus immediatè prædicatur. Sed album non prædicatur immediatè de Petro & Paulo, etiam si habeant albedinem: ergo non constituitur in ratione vniuersalis in ordine ad Petrum & Paulum. Minor probatur: quia immediatius prædicatur de hoc & illo albo, & idè Petrus est albus, quia hoc album est album, & Petrus est hoc album: ergo album non prædicatur immediate de Petro & Paulo.

5 Resp. ad argum. negando antec. quo ad secundā illius partem, & ad primā illius probationem respondetur: quod album abstrahitur à Petro & Paulo habentibus albedinem, non quidem posita in illis albedine in actu signato (sic enim, vt probat argumentum, abstraheretur, si esset respectu illorum species prædicabilis) sed exercita tantum ex parte illorum albedine, & tanquam conditione se habente, vt ab illis abstrahatur album, & de illis album accidentaliter prædicetur. Nec id est speciale in hoc prædicabili, sed cōmune aliis. Cum enim proprium, ver.g. risibile abstrahitur à Petro & Paulo, non abstrahitur ab illis secundum se, nec ab illis vt risibilibus, posita risibilitate ex parte illorum in actu signato, sed ab illis habentibus risibilitatem, & risibilitate ex parte illorum exercita, & tanquam conditione se habente, vt ab illis abstrahatur risibile, & accidentaliter intransmutabi-

tabiliter prædicetur. §. Ad secundam probationem negandum est antecedens, nam licet albedo in abstracto, quia est forma subiecti, in quo est; non possit abstrahi, nisi abstractione formali ab illo: sicut humanitas, quia est forma constitutiva Petri; sumpta in abstracto, non potest abstrahi, nisi abstractione formali ab illo; tamen album in concreto bene potest abstrahi abstractione totali a Petro & Paulo habentibus albedinem: quia sic non abstrahitur forma à subiecto, sed concretum, scilicet forma, ut in subiecto à partibus subiectivis illius, scilicet ab hoc concreto & illo concreto.

Ad tertiam probationem respondetur, quod ut aliquid sit uniuersale, sufficit, quod ratione materialis sit idem cum inferioribus: cum ergo album ratione materialis sit idem realiter cum Petro & Paulo: licet id, quod de formali significat, scilicet albedo, sit realiter distinctum ab illis, non tollit, quin album sit uniuersale respectu illorum. Nec istud est peculiare in accidenti, sed etiam contingit in proprio, si teneamus, illud distinguere realiter à suo subiecto. §. Ad quartam denique probationem negatur minor, quia album in ratione accidentis prædicabilis immediate prædicatur de Petro & Paulo, immò immediatius quam de homine. Et si concedamus argumento, quod immediatius prædicatur de hoc & illo albo, quam de Petro & Paulo; quia tamen de hoc & illo albo

albo non prædicatur *in quale*, sed *in quid*, id non tollit, quod constituatur in ratione prædicabilis accidentaliter separabiliter in ordine ad Petrum & Paulum; quia in illo modo prædicandi, de nullo alio, ac de illis immediatius prædicatur, & quodlibet prædicabile in ratione specialis prædicabilis constituitur in ordine ad illum terminum, de quo secundum specialem illum modum prædicandi immediatius prædicatur.

6 Obijcies secundo aduersus definitionem accidentis, quod nulla definitio explicet naturam & quidditatem rei, & cuius rei natura & quidditas sit determinata; non potest indeterminate per diffinitionem vnius, vel alterius explicari: ergo definitio accidentis, quæ datur per abesse vel ad esse subiecto, non potest esse bona.

Confirmatur: quia definitio non potest dari per opposita. Sed adesse & non adesse, conuenire & non conuenire subiecto, sunt opposita: ergo per id non potest recte accidens definiri.

Respondetur ad argumentum, quod licet detur definitio disiunctiue, vna tamen & determinata essentia accidentis prædicabilis per illam explicatur: quia in eo explicatur, naturam accidentis indifferentem esse, vt subiecto conueniat absque illius corruptione. Vnde essentia accidentis non consistit in aliqua parte illius coniuncti, sed in indifferentia ad

utramque disiunctiue; quæ indifferentia, ut diximus, aliquid est determinatum, & ita prædicta definitio aliquid determinatum explicat: ac perinde illa est bona.

5. Ad confirmationem respōdetur, quod licet definitio non possit dari per opposita copulatiue, bene tamen per opposita disiunctiue, qualiter hæc definitio datur; licet enim aliqui definiant accidens, quod possit adesse & abesse subiecto, ly & non sumitur ibi copulatiue, ut denotetur accidens posse simul adesse & abesse subiecto, sed sumitur ly & diuisiue; ut denotetur, quod idemmet accidens habet potentiam, ut successiue, & diuersis temporibus possit adesse, & abesse à subiecto.

7 Obijcies tertio contra præfatam definitionem accidentis. Accidens inseparabile, ut nigrum respectu corui, continetur sub definito huius definitionis: idem enim accidens, quod hic definit Porphyrius, diuisit in accidens separabile. Et tamen non conuenit illi prætata definitio, illud enim non potest abesse à subiecto absque illius corruptione (suppono enim, quod naturaliter coruus non potest non esse niger) ergo.

Nec valet dicere. Quod licet nigredo non possit realiter separari à coruo, potest tamen separari ab illo per intellectum.

5. Non, inquam, hoc valet: nam vel hæc separatio per intellectum est negatiua, ita quod concipiatur, coruum non esse nigrum; vel est solum separatio præcisiva, quod

Quaestio XVIII. 531

quod videlicet intelligatur coruus, non intellecta eius nigredine. Primum esse non potest: secundum autem non sufficit ad saluandam definitionem accidentis: ergo. Minor quoad primam partem pareret, nam si coruus a parte rei non potest, non esse niger: ergo nec intellectus potest concipere, illum non esse nigrum: alias intellectus esset falsus. Quoad secundam verò partem probatur: nam etiam huiusmodi separatione, seu abstractione praecisua potest separari risibilitas ver. g. ab homine: potest enim intelligi homo, non intellecta eius risibilitate, quia non est de eius essentia. Et tamen hoc non sufficit, ut risibile habeat sufficientem separabilitatem requisitam ad rationem accidentis quinti praedicabilis: ergo.

8 Respondetur, solutionem datam, esse optimam, immò est solutio expressa Porphyrij asserentis, *quod mente, cogitatione ut coruus albus, & atraps non niger sine subiecti corruptione concipi potest*. Vnde ad replicam respondetur, huiusmodi separationem per intellectum non esse solam praecisua; licet enim hoc modo possit separari accidens a subiecto nigredo v.g. a coruo; hæc tamen separatio, ut recte probat argumentum, non est sufficiens ad rationem accidentis quinti praedicabilis. Est ergo etiã separabile abstractione negatiua, non quidem absolute: id enim (ut recte conuincit argumentum) fieri non potest, sed quasi conditionaliter, idest, quod possit

concipi, quod etiam si coruus non esset niger, saluaretur naturaliter & perfecte essentia illius, quia cum nigredo, nec ad illius pertineat essentiam, nec ex eius oriatur principijs essentialibus, etiam si illam non haberet, saluaretur perfecte eius essentia. Hoc autem modo non potest separari passio à subiecto, quia cum ex principijs eius essentialibus oriatur, non potest concipi, quod si subiectum illam non haberet, saluaretur naturaliter, & perfecte eius essentia. Tota hæc doctrina desumitur ex D. Thoma quæstin. 2. de anima art. 12. ad 7. & quæst. de spiritualibus creaturis art. ultimo ad 7. ubi inquit: *Quod duplex est operatio intellectus, alia qua intelligit, quod quid est: & tali operatione potest intelligi essentia rei, & sine proprio & sine accidente: cum neutrum eorum ingrediatur rei essentia. Alia est operatio intellectus diidentis & componentis, & sic potest intelligi substantia sine accidentali predicato, etiam si secundum rem sit inseparabilis: sicut potest intelligi coruus albus; nõ enim est ibi repugnantia intellectui, cum oppositum predicati non dependeat ex principio speciei. qua significatur nomine in subiecto posito. Hac vero operatione intellectus non potest intelligi substantia sine proprio: non enim potest intelligi, quod homo non sit risibilis: aut triangulus non habeat tres angulos aequales duobus rectis: hæc enim est repugnantia intellectui, quia oppositum predicati dependet ex natura subiecti.*

9 Obijcies quarto, mortuum respectu
ho-

hominis, & combustum respectu domus sunt accidentia: & tamen non possunt adesse subiecto præter illius corruptionem: ergo. Maior patet: quia nec mortuum ex principiis essentialibus hominis oritur, nec combustum ex principiis essentialibus domus. Minor vero probatur: nam homo sine sui corruptione non moritur; nec domus absque sui corruptione comburitur: ergo nec mortuum homini, nec combustum domui absque sui corruptione potest adesse.

Confirmatur, calor respectu aquæ est accidens, accidentaliter enim prædicatur de illa, & tamen non potest illi adesse absque corruptione illius: calor enim receptus in aqua, vel totaliter corrumpit illam, vel disponit eam ad corruptionem: ergo.

10 Respondetur ad argumentum, omisso pluribus, quæ circa illud dici solent, quod mortuum, & combustum possunt accipi, vel ut significant mortuum & combustum in fieri, vel ut significant mortuum & combustum in facto esse; & si primo modo accipiantur, sunt accidentia respectu hominis & domus, & accidentaliter prædicantur de illis: quia quando moritur homo & domus comburitur; adhuc est verum, dicere, quod est homo, & quod est domus. Si vero mortuum & combustum accipiantur pro mortuo & combusto in facto esse, sic sunt prædicata repugnantia homini & domui: quia implicat,

esse hominem & esse mortuū in facto esse
& esse domum, & esse combustum in facto
esse. §. Ad confirmationem responde-
tur: quod si loquamur de calore ut octo
respectu aquæ negandum est, esse accidēs
respectu illius, sed potius est prædicatum
illi repugnans, cum non possit compati
cum illa: si autem sit sermo de alio calo-
re citra calorem ut octo, negatur, quod
non possit conuenire, & non conuenire
aquæ absque illius corruptione: quia li-
cet illam ad corruptionem disponat, non
totaliter corrumpit.

¶ Obijcies quinto: existentia est ac-
cidens prædicabile cuiuscunque rei crea-
tæ: & tamen non potest abesse illi absque
illius corruptione: ergo. Maior patet:
quia existentia non potest esse genus, spe-
cies; vel differentia respectu rei creatæ,
ut ex se patet: nec potest esse propria pas-
sio respectu illius. Tum, quia non dima-
nat à principijs intrinsecis entis creati, sed
à principijs individualibus illius. Tum
etiam, quia existentia de nullo ente crea-
to prædicatur per se: hæc enim est acci-
dentalis, & nullo modo per se homo exi-
stet: ergo respectu nullius entis creati exi-
stentia est propria passio: illa enim teste
Philosopho 1. posteriorum in 2. modo di-
cendi per se prædicatur de subiecto: cum
igitur sit prædicatum conueniens cuicum-
que enti creato, restat solum, quod sit ac-
cidens quantum prædicabile respectu il-
lius. Minor autem principalis probatur:
nam

Quaestio XVIII. 535

nam existentia nō potest separari à Petro
v.g. illo manente : ergo non potest abesse
illi absque illius corruptione.

Respondetur, quod quamvis existentia
cum rigore respectu nullius rei creatæ sit
dicenda propria passio, & consequentes
nullam perfectitatem logicam dicat cum
illa; habet tamen quandam perfectitatem
physicam, quatenus à nullo ente reali po-
test separari, nisi illud desinat esse. Vnde
erit accidens inseparabile respectu entis
creati & conueniet illi definitio acciden-
tis prædicabilis, quatenus licet non possit
separari realiter ab ente creato, potest ta-
men separari ab illo per intellectum, ad
eum modum, quo in solutione ad 3. expli-
cuimus, posse separari nigredinem à cor-
uo, quia cū existentia ex nullius rei crea-
tæ essentia dimanet, potest intelligi, quod
etiamsi per possibile, vel impossibile illam
non haberet, saluaretur tamen eius essen-
tia.


12 Obijcies sexto, quod anima & quæ
libet alia forma substantialis potest adesse
& abesse materiæ primæ absque illius cor-
ruptione, immò de facto eademmet inua-
riata manens materia modo est sub hac for-
ma, modo sub altera est. Et tamen non
est accidens respectu illius, siquidem non
prædicatur de illa : ergo. S. Confirma-
tur : humanitas potest adesse & abesse
Verbo diuino absque illius corruptione,
modo enim adest illi, & si relinqueret hu-
manitatem assumptam (quod est possibi-

le) abesset illi. Et tamen non est accidens respectu illius: non enim prædicatur accidentaliter de illo, hæc enim propositio, Verbum diuinum seu Deus est homo, teste D. Thom. 3. par. quæst. 16. ar. 1. ad 1. nō est in materia remota, nec contingenti, sed in materia naturali: ergo.

13 Ad argumentum, quod in terminis est D. Thomæ respondet Sanctus Doctor 2. contra gentes c. 81. in solutione quartæ rationis, quod subiectum, cui adesse & abesse potest accidens, debet esse compositum ex materia & forma. Et licet forma substantialis possit adesse & abesse materiæ primæ, non inde sequitur, quod illi conueniat definitio accidentis, & potest reddi ratio huius: quod cum accidens prædicabile non debeat, dare esse simpliciter subiecto, cuius est accidens, debet supponere illud constitutum in suo esse simpliciter, & consequenter compositum ex materia & forma. §. Ad confirmationem respondetur: quod humanitas quidem non est accidens prædicabile respectu Verbi diuini, nec in concreto prædicatur accidentaliter, sed essentialiter de illo, vt late ostenditur in loco citato in argumento. Vnde ad illud dicendum est, quod cum in definitione accidentis dicitur, quod sit illud, quod possit adesse & abesse subiecto absque illius corruptione, debet intelligi, quod taliter accidens competat subiecto, quod non trahatur ad esse subiecti; nec cum ipso subiecto constituar
vnum

Questio XVIII, 537

vnum ens per se. Quia, vt docet D. Tho-
ma, in tertio distinctio. 7. q. 1. art. 1. ad 5. id,
quod accidentaliter de aliquo prædicatur,
debet se habere respectu illius, vt quid ex-
trinsecum, sicut albedo respectu corporis:
& ideo nec albedo trahitur ad esse corpo-
ris, nec ex corpore & albedine constitui-
tur vnum per se, sed vnum tantum per
accidens: humanitas autem trahitur ad
ipsum esse Verbi diuini, & constituit illud
in esse substantiali hominis, & facit cum
ipso diuino Verbo vnum compositum
per se. Vnde licet possit adesse & abesse
Verbo diuino absque ipsius Verbi diuini
corruptione, non tamen est respectu
illius accidens prædicabile, nec
ei respectu illius competit
assignata accidentis
prædicabilis de-
finitio, eo
modo
quo illam esse intelligen-
dam diximus, &
ostendi-
mus.



LIBER

QVINTVS

DE PRAEDICATIONIBVS.



*V*amuis in predicabilium proe-
mio, quest. 3. noster Author de
diuersis egerit prädicationibus,
in quibus concreta de concretis,
abstracta de abstractis, concre-
ta de abstractis. medijs terminis tam prima,
quam secunda intentionis prädicantur, quin
tamen prädicationes sunt predicabilium actus,
& melius de illis, natura predicabilium
cognita, agere possumus; ideo hunc de präd-
icationibus librum in hunc locum distulimus,
in quo per aliquas quaestiones, qua de präd-
icationibus in praedicta quest. 3, uniuersalium
noster tradit Author, explicare conabimur.

QVÆSTIO I.

*V*trum concretum de concreto medijs
terminis primæ intentionis
vere prædicetur?

Possumus loqui de prædicationibus?
medijs terminis primæ & secundæ
in-

Questio I. 539

intentionis. Et prius de prædicationibus, medijs terminis primæ intentionis disputabimus. Pro hac autem & sequentibus difficultatibus præmittenda est primo multiplex diuisio prædicationis ex nostro Authore Ss. Magistro Soto questione vltimu vniuersalium desumpta. Prædicatio igitur est triplex, identica scilicet, & disparata, & medio modo se habens; idest, quæ nec est identica, nec disparata. Prædicatio identica est illa, in qua prædicatur idem de se ipso, vel medio eodem nomine, vel medijs nominibus synonymis: vt istæ prædicationes, homo est homo, gladius est ensis, Prædicatio disparata, est, in qua formæ repugnantes adinuicem in abstracto, vel in concreto prædicantur: vt si dicas, homo est lapis, rationale est irrationale, vel rationalitas est irrationalitas. Prædicatio denique medio modo se habens, idest nec identica, nec disparata, est, in qua non prædicatur idem de se ipso, nec formæ repugnantes, sed formæ, quæ eidem simul possunt conuenire. Hæc autem prædicatio alia est directa, alia indirecta. Prædicatio directa est illa, in qua prædicatum significat aliquid se habens vt forma respectu significati subiecti, & è contra. Prædicatio indirecta est illa in qua prædicatum significat aliquid, quod se habet vt materia respectu significati subiecti: cum enim in qualibet prædicatione prædicatum se habeat vt forma respectu subiecti; tunc est prædicata.

dicatio directa, cum id, quod re vera est forma alterius, habet in prædicatione locum sibi debitum, scilicet rationem prædicati: & e contra erit prædicatio indirecta. Et quia omne prædicatum superius quatenus in inferiori quasi recipitur, & determinatur, se habet ut forma respectu inferioris, prædicatur directè de illo, & inferius indirectè de superiori. Unde omnis prædicatio directa est superioris de inferiori, vel æqualis de æquali. Et ob hoc, & quia existimavit Porphyrius (ut in re ita verum est) quod sola prædicatio directa est simpliciter prædicatio, dixit in capite de specie, *quod paria de paribus, aut maiora de minoribus prædicentur, oportet; minora vero de maioribus, non oportet.*

2 Secundo supponendum est cum Caetano 3. part. quæst. 16. art. 5. §. *adverta hic*, quod licet, nomina concreta & abstracta in significatione formali conveniant, quod eandem significant formam, ut hæc nomina; homo & humanitas eandem humanitatem, & hæc album & albedo eandem albedinem; differunt tamen, secundum diversum modum significandi, quia nomen concretum significat formam ut in subiecto, vel supposito; nomen vero abstractum significat formam absolute, & ex modo significandi quasi per se subsistentem. Ex quo oritur, quod nomina abstracta pro eadem forma, quam significant, supponant, quia ex modo abstracte signi-

significandi non significant, nec connotant aliud, pro quo supponere possint: nomina vero concreta, licet significant formam, supponunt pro supposito, vel subiecto, cui ipsa competit forma, ut ly homo pro habente humanitatem, scilicet pro supposito naturæ humane ly album, pro habente albedinem, scilicet pro subiecto albedinis.

3 Terrio est supponendum, quod ut aliqua prædicatio affirmatiua sit vera, debent extrema supponere pro eodem; hoc est, quod idem realiter sit id pro quo supponit vnum, ac id pro quo supponit & alterum: quia ut prædicatio affirmatiua sit vera, debet esse identitas inter extrema: identitas, inquam, in eo, quod significatur, explicatur, vel connotatur per nomina, medijs quibus, sit prædicatio: nam quamuis aliquæ duæ formæ, verbi gratia, albedo & dulcedo, in eodem subiecto conueniant: ac perindè hæc sit vera prædicatio, album est dulce, quia, extrema supponunt pro subiecto quod est idem vtriusque formæ, & per ipsa extrema eorum connotatur; tamen hæc prædicatio falsa, albedo est dulcedo, quia per hæc nomina abstracta solum significantur formæ realiter distinctæ, & non importatur, nec explicatur aliquid, in quo vtraque forma conueniat.

4 Ultimo tandem est supponendum ex D. Thoma 3. part. quæst. 16. art. 7. ad 4. quod terminus positus ex parte subiecti, si

fit concretum, supponit materialiter pro subiecto, vel supposito quod connotat, & terminus positus in prædicato tenetur formaliter pro forma significata. Et hinc est, quod istæ prædicationes album est dulce, dulce est album, si in eodem subiecto reperiatur dulcedo, & albedo, non solum sunt veræ, sed vtraque est directa, quia cum subiectum vtriusque prædicationis supponat materialiter pro subiecto, quod in re est subiectum vtriusque formæ, siue prædicetur album de dulci, siue dulce de albo; semper prædicatur forma de suo subiecto: ac perinde est prædicatio directa.

His ergo suppositis pro hac & sequentibus difficultatibus, ad præsentem, in qua inquirimus, vtrum mediis nominibus primæ intentionis vere prædicetur concretum de concreto, facile ex dictis respondetur, quod vere prædicatur quoties significat formas in eodem supposito, vel subiecto existentes: & prædicatur directe, quando prædicatum significat formam, vel aliquid superius respectu subiecti, vt istæ prædicationes sunt veræ, homo est animal, homo est rationalis, album est dulce, & è conuerso; & prima est directa: quia prædicatur superius de inferiori; & aliæ quia prædicatur forma de subiecto, & similiter si prædicatur dulce de albo. Si, vero prædicatur homo de animali, vel de rationali, erit prædicatio vera, licet indirecta. Conclusio est

Questio II. 543

est communis, & quoad veritatem omnium prædictarum prædicationum patet, quia extrema in illis supponunt pro eodem, pro eodem scilicet supposito, vel subiecto formatum, quas extrema significant, & cum nomen concretum non abstrahat abstractione formali à subiecto, sed solum abstractione totali ab hoc & illo concreto; prædicatum omnium prædictarum propositionum, licet explicite & in actu non includat, quidquid includit subiectum, includit tamen illud implicite, & in potentia, quod sufficit, ut propositiones sint veræ. Nec in hoc, cum non habeat specialem aliquam difficultatem, est amplius immorandum, sed ad alia difficiliora in sequentibus quæstionibus procedendum.

QVÆSTIO II.

Vtrum abstracta de concretis, & concreta de abstractis, medijs nominibus primæ intentionis vere prædicentur?

Non loquimur de abstractis & concretis significantibus formas in eodem supposito, vel subiecto non existentes; ut si dicas, lapis est humanitas, nigrum est albedo: certum est enim, eas prædicationes esse falsas, siquidem & essent falsæ, si tales formæ significarentur in concreto.

544 *Lib.4.de Prædicationibus*

creto ; vt si dicas , lapis est homo, nigrum est album : sed loquimur de abstractis & concretis significantibus eandem formam ; vt homo & humanitas ; album & albedo .

2 Aduertendum est autem , quod nomina concreta & abstracta possunt significare , vel formas increatas omnino simplices vt hæc nomina ; Deus & Deitas ; Pater , & Paternitas ; Filius , & filiatio in diuinis . Vel formas , & naturas creatas : & has in duplici differentia , videlicet , vel formas transcendentis , vt hæc nomina, ens, & entitas, verum , & veritas ; bonum , & bonitas : vel formas particulares ; & non transcendentis , & has etiam in duplici differentia , formas videlicet substantiales , vel formas accidentales , & de omnibus his , quid sit dicendum , aliquibus conclusionibus explicabimus .

3 Dico igitur primo , medijs nominibus significantibus formas particulares creatas substantiales , vel accidentales ; nec abstracta de concretis , nec concreta de abstractis possunt prædicari : vt istæ prædicationes sunt falsæ , homo est humanitas , album est albedo , & è conuerso, si concreta de abstractis prædicentur . Oppositum conclusionis quoad prædicationem abstracti de concreto in formis substantialibus tenet Durandus , in 1. dist. 34. q. 1. num. 18. Sed conclusio , quoad omnia quæ includit , est communis , & manifeste habetur ex D. Thoma opusc. 69. super secundum textum Boetij , ita dicente .

te. Circa quodcumque abstracte considera-
tum hoc habet veritatem, quod non habet in
se aliquid extrinsecum, quod scilicet sit pra-
ter essentiam suam, sicut humanitas & albe-
do, & quacumque hoc modo dicuntur. Cuius
ratio est, quia humanitas significatur ut quo
aliquid est homo, & albedo, quo aliquid est
album: non est autem aliquid homo formali-
ter loquendo, nisi per id quod ad rationem
hominis pertinet. Et similiter non est aliquid
album formaliter, nisi per id, quod pertinet
ad rationem albi, & ideo huiusmodi abstra-
cta nihil in se alienum habere possunt. Ali-
ter autem se habent in his, que significantur
in concreto, nam homo significatur, ut qui
habet humanitatem, & album, ut quod ha-
bet albedinem. Ex hoc autem, quod homo
habet humanitatem, vel albedinem, non
prohibetur habere aliquid aliud, quod non
pertinet ad rationem harum, nisi solum, quod
est oppositum his. Et ideo homo & album pos-
sunt aliquid aliud habere, quam humanitatem,
vel albedinem. Et hac est ratio, quare albedo,
& humanitas significantur per modum partis,
& non prædicantur de concretis, sicut nec pars
de suo toto. Hæc D. Thomas, in quibus non
solum nostram conclusionem expresse do-
cet, sed genuinam illius rationem tradit.

4 Probatur igitur primo conclusio ex
prædicta doctrina D. Thomæ quantum ad
prædicationem abstracti de concreto, quia
prædicatum non includit in actu, nec in
potentia, quidquid includit subiectum: er-
go non vere prædicatur de illo. Patet con-
se-

546 *Lib. 5. de prædicationibus*

sequētia, quia ad veram prædicationem requiritur, quod saltem implicite, & in potentia prædicatū includat, quidquid includit subiectū. Antecedens autem probatur, quia prædicatū, v.g. humanitas, solum includit id, quod homo est homo, et per quod in esse hominis essentialiter constituitur, et albedo solum includit id, quo album est album, et per quod in esse albi album constituitur: subiectum autem, homo v.g. includit suppositum, quod non includit humanitas, et album includit corpus, et suppositum, quorum neutrum dicit albedo: ergo aliquid includitur in prædictis cōcretis, quod in abstractis nec implicite, nec in potentia clauditur: ac perinde talia abstracta de concretis prædicari vere non possunt.

Confirmatur primo, quia cum forma in abstracto prædicatur de concreto, prædicatum abstrahit abstractione formali à subiecto, cum dicat solam formā subiecti: ergo nullo modo, nec in potentia includit subiectum: ac perinde non potest vere de illo prædicari. Patet consequentia, nam hæc est differentia inter ea quæ abstrahunt ab aliquo abstractione formali, et ea quæ abstrahunt abstractione totali, quod hæc includunt implicite, et in potentia ea, à quibus abstrahunt abstractione totali, illa vero nullatenus includunt ea, à quibus abstrahunt abstractione formali.

Confirmatur secundo, nam cum forma in abstracto prædicatur de concreto prædicatur de illo omnino vt pars, et nullate.

latenus ut totum aliquo modo includens quidquid est in cōcreto . Sed pars ut pars, & quæ nullo modo est totum , non potest vere prædicari de toto (hæc enim ratione pars physica nō potest prædicari de toto , quod componit) ergo formæ in abstracto non possunt prædicari de concretis .

5 Secundo probatur conclusio quo ad utramque illius partem , scilicet quod in prædictis formis nec abstracta de concretis, nec concreta de abstractis possunt prædicari . Nam quæ realiter distinguuntur, non possunt adinuicem vere prædicari , ut enim quæstione præcedenti prænotauimus, ut prædicatio affirmatiua sit vera, debet esse identitas inter extrema obiectiuæ prædicationis . Sed significatum abstracti et concreti in prædictis formis realiter distinguuntur : ergo non possunt adinuicem prædicari : ac perinde nec abstractum de concreto , nec concretum de abstracto . Minor probatur , quia licet tam abstractum, quam concretum significet eandem formam; concretum tamen significat, vel connotat aliquid realiter formæ superadditum, scilicet suppositum , quod in rebus creatis realiter à natura distinguitur , ut nunc suppono : ergo talia significata abstracti, et concreti differunt realiter penes realiter inclusum , et non inclusum .

6 Dico secundo , in nominibus significantibus formas generales, et transcendentes, ut ens et entitas ; bonum et bonitas, etc. possunt adinuicem abstracta de
con-

548 *Lib. 5. de predicationibus*

concretis prædicari: immò ut statim ex D. Thoma, videbimus possunt huiusmodi concreta de formis particularibus in abstracto prædicari. Conclusio est D. Thomæ 1. 2. quæstion. 55. art. 4. ad 1. et quæst. 21. de veritate art. 4. ad 4. ubi ita asserit Sanctus Doctor. *Ad quartum dicendum: quod aliter se habet in formis generalibus, & aliter in formis specialibus: in formis enim specialibus non recipitur predicatio concreti de abstracto, ut dicatur, albedo est alba, vel calor est calidus, ut patet per Dionysium 2. cap. de nominibus, sed in formis generalibus huiusmodi predicatio recipitur: dicitur enim quod essentia est ens, & bonitas est bona, & unitas una, & sic de alijs. Cuius ratio est quia illud, quod primo cadit in apprehensione intellectus, est ens. Unde oportet, quod cuiuscumque apprehenso per intellectum intellectus attribuat hoc, quod est ens: & idè cum apprehendit essentiam alicuius entis, dicit illam essentiam esse ens, & similiter unam, quamquam formam generalem, vel specialem, ut bonitas est ens, albedo est ens, & de alijs. Et quia quadam sunt, qua communicant rationem entis inseparabiliter, ut unum, bonum, & huiusmodi, oportet, quod hoc de quolibet apprehenso prædicetur, eadem ratione, quæ ens. Unde dicimus, essentia est una & bona, similiter unitas est una & bona; ita de bonitate, & albedine, & qualibet forma generali, vel speciali. Sed album, quia est speciale, non communicat inseparabiliter rationem entis. Unde potest apprehendi forma, albe-*

albedinis sine eo, quod attribuitur ei esse album. Unde non cogimur dicere, albedo est alba, album enim uno modo dicitur: ens & unum, & bonum, & alia huiusmodi, quae de quolibet apprehenso necesse est dici, multipliciter dicuntur.

Hæc D. Thomas, in quibus conclusionem nostram extendit, ut verificetur, etiam quando concretum formæ generalis prædicatur de abstracto formæ particularis, ut si ens prædicetur de albedine, vel de humanitate. Et conclusionis sic extensionem optimam in prædictis verbis assignat rationem D. Thomas, & discrimen à concretis, & abstractis significantibus formas speciales.

7 Probatur autem conclusio, quia de qualibet re primo concipitur, quod sit ens; quia nihil prosteras rationem entis subterfugere potest: ergo de quacumque re quomodocumque, vel in concreto, vel in abstracto consideretur, vere prædicatur, quod sit ens. Et cum passionem entis, verum, bonum, & unum ita late pateant, & ita sint generales & transcendentes, sicut ipsum ens, de omnibus, de quibus illud prædicatur, prædicantur & illæ: ac perinde omnes prædictæ formæ generales, & transcendentes, etiam in concreto significantæ, prædicantur de qualibet re siue in abstracto, siue in concreto significetur.

8 Dico tertio. In nominibus significantibus naturam divinam, abstracta de concretis, & concreta de abstractis in sen-

su identico vere prædicantur ; non tamen in sensu propriissimo & formali . Prima pars conclusionis deducitur ex diuersis locis D. Thomæ, præcipuè 1. par. quæst. 31. art. 3. vbi ad minus videtur Sanctus Doctor istas propositiones , Deus est Deitas , & Deitas est Deus , in sensu identico admittere , & in hoc ponimus differentiam inter hac nomina , & nomina significantia formas particulares creatas ; quia in illis abstracta de concretis , & concreta de abstractis , non solum in sensu formali , sed neque in sensu identico prædicantur . Ratio autem primæ partis conclusionis est , quia in diuinis non distinguitur realiter suppositum à natura, nec id, quod est, ab illo quo est : ergo quamuis ex modo significandi , etiam in diuinis abstracta significant id, quod est & concreta id, quod est, & abstracta significant solum formas , & concreta significant formas connotando suppositum : adhuc tamen in sensu saltem identico verè prædicantur abstracta de concretis, & concreta de abstractis , & in sensu saltem identico istæ sunt veræ, Deitas est Deus , Deus est Deitas , Pater est Paternitas, Paternitas est Pater.

9 Secunda autem pars conclusionis videtur mihi certa in sententia D. Thomæ 1. par. quæst. 3. art. 5. in corpore, ita dictis ; *Licet secundum rem sit idem Deus, quod Deitas, non tamen est idem modus significandi utrobique : nam hoc nomen Deus, quia significat diuinam essentiam, ut in habente ;*

ex

Questio II. 551

ex modo sue significationis naturaliter habet, quod possit supponere pro persona. Et sic ea, quae sunt propria personarum, possunt predicari de hoc nomine Deus, ut dicatur, quod Deus est genitus, vel generans, ut dictum est. Sed hoc nomen essentia non habet ex modo sue significationis, quod supponat pro persona, quia significat essentiam ut formam abstractam, et ideo ea, quae sunt propria personarum, quibus adinuicem distinguuntur, non possunt essentia attribui. Hæc D. Thomas, in quibus manifeste nostram tradit, & probat secundam partem conclusionis. Et ex illius doctrina id confirmatur, quia hæc cōsequentia est mala: Deus generat, Deus est Deitas: ergo Deitas generat. Et non nisi quia in illa arguitur à sensu identico ad formalem, quod utique non esset, si minor non solum in sensu identico, sed in sensu formali esset vera: ergo.

10 Aduersus primam conclusionem poterat obijci, quod, ut in secunda, & tertia conclusione fatemur, in nominibus significantibus formas transcendentis & in nominibus significantibus formas increatas, abstracta de concretis, & concreta de abstractis vere saltem in sensu identico possunt prædicari: ergo etiam in nominibus significantibus formas particulares creatas: cum nomina abstracta & concreta siue hanc, siue illam formam significant, omnia eundem modum habeant significandi, & secundum illud abstracta à concretis distinguantur.

Z a

Sed

552 *Lib. 5. de predicationibus*

Sed ad hoc sufficiens disparitas in conclusionibus est explicata : quia cum suppositum in rebus creatis, quod connotat nomen concretum, distinguatur realiter à forma, quam significat nomen abstractum, nec in sensu identico possunt abstracta de concretis ad invicem prædicari; bene tamen in nominibus significantibus formas increatas, quæ à supposito reali rei non distinguuntur. Et quia nomina significantia formas particulares significant formam, quæ sub aliqua ratione determinata & non secundum omnem rationem competit, non possunt nomina abstracta de concretis ad invicem prædicari, bene tamen nomina significantia formas generales, & transcendentes, quæ cum omnibus rebus & sub omni illarum ratione competant, possunt in abstracto, & in concreto de qualibet re prædicari. Et ita de qualibet re, siue in abstracto, siue in concreto significetur, erit verum dicere, quod est ens & est entitas, est bona, & est bonitas.

II. Secundo obijcies, quod etiam medijs nominibus significantibus formas particulares creatas concretum prædicatur de abstracto, & abstractum de concreto : ergo iam prima conclusio non est uniuersaliter vera : imò si in aliqua particulari falsificatur, cum eadem sit ratio de omnibus, uniuersaliter videtur falsa. Antecedens probatur, nam hoc nomen abstractum quantitas significat formam particularem creatam; & tamen vere prædicatur concre-

cretum de abstracto, hæc enim est vera, quantitas est quanta, & est vera, linea & superficies est quanta: ergo iam concretum de abstracto prædictis nominibus vere prædicatur. Et eadem est ratio, ut prædicentur in illis abstracta de concretis.

II Respondetur in primis, nullatenus esse admittendum, in quantitate vere prædicari abstractum de concreto, ut si dicas, quantum est quantitas, quia subiectum talis propositionis connotat materiale & substractum quantitatis, scilicet corpus realiter ab ipsa forma quantitatis distinctum, & prædicatum significat solam formam quantitatis, nullum illius subiectum connotans, vel importans: ac perinde extrema obiectiva prædictæ propositionis realiter non identificantur, sed distinguuntur realiter penes realiter inclusum & non inclusum. Et ita prædicta propositio nec in sensu formali, nec in sensu identico est vera. Maior autem difficultas est, quæ attingitur in argumento, cum videlicet prædicatur concretum de abstracto, ut cum dicitur, quantitas est quanta, linea est quanta. Ad quod respondetur, quod in prædicato prædictæ propositionis, quantitas est quanta, non sumitur quantum in omni rigore in ratione concreti, & ut connotat subiectum, seu substractum quantitatis (hoc enim modo significatum subiecti & prædicati distinguerentur realiter, ac perinde, ea propositio esset falsa) sed illud prædicatum

554 *Lib. 5. de prædicationibus*

quanta solum denotat, quod quantitas habet in se effectum quantitatis, id est in se unam partem extra aliam & extensionem partium: ad differentiam aliarum formarum, quæ licet suum effectum tribuant substantiæ, quam afficiunt; ipsum tamen illæ non participant; ut quamvis albedo non est alba: quantitas autem tribuit suum effectum formalem substantiæ, cui inhæret, scilicet distinguere accidentaliter partes illius, & facere illam extensam, & ipsamet quantitas participat suum effectum formalem & habet partes, ac est extensa in ordine ad se, ac perinde ipsa quantitas est quanta.

QVÆSTIO III.

Vtrum abstracta de abstractis, modis nominibus primæ intentionis, vere prædicentur.

EX nominibus abstractis primæ intentionis possunt aliqua significare formas realiter entitative diuersas; ut hæc nomina, humanitas, & albedo: vel formas realiter formaliter distinctas; ut hæc nomina, actio & passio, vel formas solum per intellectum ratione ratiocinata distinctas, ut hæc omnia nomina, humanitas, animalitas, rationalitas sensibilitas eandem omnino realem formam, & solum
ra-

ratione ratiocinata distinctam significant: supponimus enim nunc ex superioribus contra Scotum, gradum specifi- cum, genericum, & differentialem in qualibet natura substantiali, vel accidentali actualiter à parte rei non distingui, sed solum ratione ratiocinata per intellectum.

2. Et quidem certum est, quod medijs nominibus abstractis significantibus formas realiter entitativè distinctas, quamvis in eodem supposito, vel subiecto realiter simul inveniuntur, abstracta de abstractis, nec in sensu identico, nec in sensu formali vere prædicari; & istas in utroque sensu esse falsas, humanitas est risibilitas, humanitas est albedo, quantitas est qualitas, & similes: & ratio est manifesta, quia licet tales formæ, si in eodem supposito, vel subiecto realiter existerent, & una de altera prædicaretur, prædicatio esset vera, quia extrema supponerent pro eodem, scilicet pro supposito, vel subiecto, quod nomina concreta, medijs quibus fieret prædicatio, connotarent: cum tamen prædicantur in abstracto, extrema nullatenus supponunt pro eodem, quia non supponerent pro supposito, vel subiecto, cum illud nomina abstracta nec connotent, nec significant, sed supponunt pro ipsis formis realiter entitativè distinctis: ac perinde tales prædicationes, nec in sensu identico, nec in sensu formali essent veræ.

556 *Lib. 5. de prædicationibus*

3 Certum est etiam, formam non entitative, sed realiter formaliter ab altera forma distinctam, & in abstracto significatam, in sensu identico vere prædicari de altera forma in abstracto significata, non vern in sensu formali; vt hæc in sensu identico est vera: actio est passio, albedo est similitudo (si supponamus relationem non distingui realiter entitative à suo fundamento) quia est idem ac dicere, res, quæ est actio, est passio, res, quæ est albedo, est similitudo; quod utique verum est: in sensu autem formali prædictæ prædicationes sunt falsæ, quia extrema à parte rei actualiter formaliter distinguuntur.

4 Certum denique debet esse, quod formæ, quæ à parte rei actualiter non distinguuntur, sed solum ratione ratiocinata per intellectum, in abstracto significatæ, in sensu identico vere adinuicem prædicari, & has omnes prædicationes, humanitas est animalitas, rationalitas est humanitas, & similes, in sensu saltem identico esse veras propter rationem præcedentis præsuppositi, quæ à fortiori de his formis, quam de illis procedit.

5 Difficultas ergo solum est, an prædictæ formæ non solum in sensu identico, sed in sensu formali vere vna de altera prædicetur. Et in multiplici differentia tales prædicationes possunt esse. Potest enim prædicari forma generica de specifica, & de forma differentiali; & forma diffe-

differentialis de generica & specifica : & omnia hæc, vel in formis substantialibus, vel accidentalibus, & de omnibus illis procedit disputatio.

6 Scotus propter distinctionem realem formalem, quam ipse vocat ex natura rei, & inter prædictas formas existimat reperiri, asserit, nullam prædictarum formarum posse de altera in abstracto prædicari : & ratio Scoti æqualiter currit de formis accidentalibus, ac substantialibus.

Alij in formis accidentalibus, saltem cum prædicatur natura generica de specifica, concedunt, formaliter prædicari ; negant tamen id in omnibus formis substantialibus. Alij cum nostro Sr. Magistro Soto quæst. 3. vniuersalium artic. 2. concedunt omnes prædictas prædicationes in sensu formali. Alij denique illas concedunt, in quibus prædicatur forma generica de specifica ; negant tamen ea, in quibus forma generica, vel specifica de forma differentiali, vel forma differentialis de generica, aut specifica prædicatur.

7 Pro veritatis tamen explicatione dico primo. Forma generica de specifica accidentali, vel substantiali in abstracto vere, & formaliter prædicatur. Conclusio quoad primam partem est omnium communis : istæ enim in sensu formali sunt veræ prædicationes, albedo est color, gratia est qualitas, scientia est habitus, & ex hoc manifeste deducitur idem esse dicendum de formis substantialibus, quia ean-

dem prorsus distinctionem habet forma generica accidentalis cum specifica, ac forma substantialis generica cum specifica, & modus significandi in abstracto idem est in formis accidentalibus: ergo si talis modus significandi in abstracto in formis accidentalibus non facit, quod forma generica dicat præcisionem à forma specifica, vel differentiali, sed solum à subiecto, nec tollit quod forma generica contineat implicite & in potentia, quod continet in actu forma specifica (hæc enim requiruntur, ut formaliter prædicetur de illa) etiam modus significandi in abstracto formam genericam substantialem, non facit, quod dicat præcisionem à forma specifica: sed solum à supposito: nec tollit, quod contineat implicite, & in potentia, quidquid in actu includit forma specifica: ergo si forma generica accidentalis in abstracto prædicatur formaliter de forma specifica, idem erit in formis substantialibus, nec in hac parte (quamvis aliqui illud assignare contendunt) aliquid, quod ad rem faciat, videtur mihi esse discrimen. Unde hac omissa paritate, conclusionem indifferenter de formis substantialibus, & accidentalibus probare conemur, & claritatis gratia loquamur de formis substantialibus, & in particulari de hac humanitas est animalitas

8. Probatur ergo primo: quia forma generica & specifica, humanitas & anima;

malitas nullatenus actualiter à parte rei, sed solum per intellectum ratione ratiocinata distinguuntur. Sed distinctio rationis, nisi cum reduplicatione, vel in actu signato ponatur non sufficit falsificare formaliter propositiones: ergo forma generica de specifica, etiam si in abstracto prædicetur. Maior manet probata. Minor autem probatur, & explicatur: nam licet ea, quæ sola ratione distinguuntur cum reduplicatione propriæ rationis, aut posita ipsa distinctione rationis in actu signato non possint formaliter prædicari; absque reduplicatione tamen sola distinctio rationis non posita in actu signato, non sufficit falsificare propositiones: quamvis enim licet attributum Iustitiæ, & Misericordiæ in Deo sola ratione distinguantur, & cum reduplicatione vnum non possit formaliter prædicari de altero; & hæc sit falsa, Iustitia inquantum Iustitia est Misericordia, & similiter sit falsa, si fiat prædicatio medijs terminis significantibus in actu signato distinctionem inter Iustitiam & Misericordiam, ut si dicas ratio Iustitiæ est ratio Misericordiæ, tamen absque ea reduplicatione & positione distinctionis in actu signato, formaliter prædicatur Iustitia de Misericordia: ergo sola distinctio rationis non obstat prædicationi formali. §. Dices, quod cum formæ licet sola ratione distinctæ, signi-

560 *Lib. 5. de prædicationibus*

ficantur in abstracto, ex ipso modo abstracto illas significandi ponitur in actu signato distinctio rationis, quæ inter ipsas reperitur, ita ut idem sit dicere, humanitas est animalitas, ac dicere, ratio hominis est ratio animalis: ac perinde etiam si sola ratione prædictæ formæ distinguantur, non possunt in abstracto significatæ una de altera prædicari.

§. Contra hoc tamen est, quod etiam si formæ in abstracto significantur, non ponitur ex modo significandi distinctio illarum in actu signato, nec illa propositio, humanitas est animalitas, facit sensum, quem intendebat solutio. Tum, quia similem non facit sensum hæc propositio, Iustitia est Misericordia; etiamsi extrema in abstracto significantur: siquidem communiter à Theologis prædicta propositio in sensu formali conceditur.

Tum etiam, quia alias sequeretur, hanc propositionem, humanitas est entitas, facere hunc sensum, ratio humanitatis est ratio entitatis, sed id quo homo est homo, est id quo homo est ens; quia extrema talis propositionis etiam in abstracto significantur. Sed re vera illa propositio talem sensum non facit; alias ea in sensu formali non concederetur, cum tamen illam nullus in sensu formali neget: ergo nec altera propositio, humanitas est animalitas, facit sensum, quem intendebat solutio.

9 Secundo probatur conclusio. Quia forma generica, quamvis in abstracto significata, includit implicite & in potentia, quidquid includit forma specifica. Ergo vere & formaliter praedicatur de illa. Patet consequentia, quia id sufficit; ut aliqua praedicatio sit vera, & ideo haec est vera, homo est animal, quia praedicatum implicite & in potentia continet, quidquid in actu includit subiectum. Ergo eadem ratione haec erit vera, & formalis, humanitas est animalitas. Antecedens autem probatur: quia animalitas dicit formam contrahibilem per rationalitatem, & humanitas, contrariam, per rationalitatem, & in actu utramque partem metaphysicam, scilicet, animalitatem & rationalitatem, tanquam ea ex quibus actu componitur. Sed forma contrahibilis dicit implicite & in potentia differentiam, per quam contrahitur. Ergo animalitas continet implicite & in potentia, quidquid in actu includit humanitas. Minor probatur: quia ideo animal continet implicite & in potentia rationale, ac perinde quidquid in actu includit homo, quia dicit formam contrahibilem per rationale. Ergo eadem ratione animalitas continet implicite & in potentia rationalitatem. Quod enim forma generica significetur in abstracto, id solum facit, ut videbimus, quod non connotet, nec importet suppositum; non

autem quod præscindat à forma inferiori,
aut quod illam implicite & in potentia
non includat.

Confirmatur & explicatur. Quia
concretum & abstractum solum differunt
in eo, quod concretum significat formam,
connotando suppositum aut subiectum,
sed potius ab illo præscindendo; non au-
tem significat formam cum præcisione à
forma sibi inferiori. Ergo quantumvis
animalitas significetur in abstracto, non
significatur cum præcisione à forma in-
feriori, scilicet à forma differentiali: ac
perinde bene potest prædicari de differen-
tia specifica, etiam in abstracto significa-
ta. Antecedens, præterquam quod suffi-
ciens distinctio abstracti & concreti in
modo significandi per id assignatur, pro-
batur. Quia alias, cum etiam formæ ac-
cidentales in abstracto significantur, for-
ma generica accidentalis, ver. g. color ut
sic, in abstracto significata non solum si-
gnificaretur cum præcisione à forma in-
feriori; & hæc esset falsa; albedo est co-
lor: quod cum non admittatur, nec
debet dici, quod nomen abstractum
ex speciali suo modo abstracte signifi-
candi significat formam cum alia præci-
sione, quam cum præcisione à supposito
vel subiecto.

10 Tertio probatur conclusio: quia
animalitas, etiam ut per nomen abstractum
significata, significatur ut totum potentia-
le

Questio III. 563.

le respectu humanitatis. Ergo vere & formaliter prædicatur de illa. Patet consequentia: quia totum potentiale formaliter prædicatur de his, respectu quorum est totum; & ideo, quia animal in concreto significatur ut totum potentiale respectu hominis, & equi, formaliter de illis prædicatur. Antecedens autem probatur, quia animalitas non potest abstrahere ab humanitate abstractione formali, sed solum abstractione totali. Ergo etiam in abstracto significata, significatur ut totum potentiale respectu humanitatis. Patet consequentia: quia abstractum ab aliquo abstractione totali comparatur ad illud ut totum potentiale, & non præcise ut pars illius, qualiter abstractum ab aliquo abstractione formali ad illud comparatur. Antecedens autem probatur: quia ut docet D. Thomas opusculo 7. super Boetium, q. de diuisione scientiarum, dub. 3. nihil potest abstrahi abstractione formali ab aliquo, de cuius essentia est. Sed animalitas est de essentia humanitatis, utpote ingrediens tanquam pars metaphisica determinabilis per essentiam eius essentiali constitutionem. Ergo non potest abstrahi abstractione formali ab humanitate: licet quia non est de essentia suppositi, possit ab illo abstrahi abstractione formali.

II Dico secundo. Forma differentialis in abstracto vere & formaliter prædi-

dicatur de forma specifica, etiam in abstracto significata, ut rationalitas de humanitate. Hanc conclusionem tenet notet Author in prædicta quæst. 3. vniuersalium, art. 2. licet aliqui illam negent, etiam ex his qui præcedentem admittunt: in consequenter tamen, meo videri, cum fere eisdem rationibus, ac præcedens conclusio probetur. Rationalitas enim solum distinguitur ratione ratioecinata ab humanitate, & sic in abstracto de illa nec prædicatur cum reduplicatione, nec ponitur ea distinctio in actu signato; & cum sit pars metaphisica humanitatis, continet implicite & in potentia, quidquid in actu includit humanitas: & sic in abstracto significata non significatur cum præcisione ab humanitate, sed solum cum præcisione à supposito, ac denique cum sit de essentia humanitatis, non potest abstrahi ab illa abstractione formali, sed solum abstractione totali. Eisdem ergo rationibus, quibus ostendimus, formam genericam in abstracto prædicari formaliter de forma specifica, probatur etiam, quod de illa forma differentialis in abstracto significata formaliter prædicetur.

12 Dico tertio. Forma generica in abstracto prædicatur formaliter de forma differentiali etiam in abstracto significata, ut animalitas de rationalitate. Conclusionem hanc negant aliqui, non solum qui
pri-

primam, sed & qui secundam præcedentem admittunt, sed illam consequenter docet noster Author loco citato. Et merito quidem, quia ex prima & secunda præcedenti conclusione videntur, manifeste deduci. Nam etiam forma differentialis & generica non distinguuntur nisi sola ratione, & per hoc quod in abstracto prædicantur, non prædicantur cum reduplicatione, nec ea distinctio ponitur in actu signato (ut utrumque iam ostendimus) similiter forma generica non præscindit à differentiali: non enim præscindit ab illa, quia forma generica est; alias in concreto significata ab illa præscinderet, & non posset de illa formaliter prædicari. Nec præscindit eo, quod significetur in abstracto; iam enim ostendimus, quod ex speciali modo aliquam formam abstracto significandi, solum significatur cum præcisione à supposito vel subiecto, & non ab aliqua alia forma: ac denique forma generica, etiam in abstracto significata, continet implicite & in potentia formam differentialem: quia, ut ostendimus, continet implicite & in potentia, quidquid in actu dicit formam specificam, & certum est, formam specificam includere in actu formam differentialem, ut illius constitutum. Ergo propter easdem fere rationes, quibus concedimus, formam genericam & formam differentialem in abstracto prædicari formaliter de forma specifica etiā in abstracto significata, debet etiam concedi, quod forma

ma generica in abstracto prædicetur formaliter de forma differentiali. §. Confirmatur : nam hic syllogismus est expostorius & optimus, hæc humanitas est animalitas, & hæc humanitas est rationalitas, ergo rationalitas est animalitas : siquidem non potest dici, quod arguitur in illo ex parte alicuius præmissarum ab identica ad formalem, cum ostenderimus, vtramque illius præmissam in sensu formali esse veram. Ergo in eodem sensu formali etiam conclusio debet concedi.

13 Aduersus tres istas conclusiones plura aliqui obijciunt, quæ æqualiter contra omnes illa militant, & aliqua, quæ specialiter militant contra tertiam conclusionem. Obijciunt quidem generaliter, quod nulla forma in abstracto, nec generica de specifica, aut differentiali; nec differentialis de specifica potest formaliter prædicari. Quia licet solum distinguantur ratione, vt abstracte tamen significantur, propositio, in qua adinuicem prædicantur, facit sensum formalem, & est idem dicere, humanitas est animalitas, ac dicere, ratio hominis est ratio animalis. Sed iam in 1. probatione l. concl. oppositum ostendimus.

Obijciunt etiam, quod forma in abstracto significatur, vt cum præcisione à quolibet alia forma, & vt abstrahens ab abstractione formali ab illa : ac perinde vt non includens, nec implicite, nec in potentia, quidquid altera forma includit in actu.

Sed

Quæstio III. 567

Sed omnia hæc ostendimus in probationibus eiusdem primæ conclusionis, esse falsa, & quod forma in abstracto significata solum differt à forma in concreto significata, quod ut in abstracto significatur, non connotat suppositum, sed potius dicit præcisionem ab illo, non vero ab alia forma: & in hoc sensu verificatur dictum Auicennæ 5. metaph. quod equinitas est tantum equinitas, id est, non est suppositum; non tamen quod non sit animalitas. Unde his & alijs obiectionibus omissis, quia ex probatione conclusionum manent insinuatæ & dilutæ, aliqua alia breuiter obijciamus.

14 Primo ergo obijcies aduersus primam conclusionem, quod si forma generica in abstracto vere prædicaretur de specifica, etiam ipsa forma generica & specifica in abstracto prædicarentur de forma individuali etiam in abstracto significata: & istæ essent veræ. Petreiras est humanitas, Petreitas est animalitas. Consequens autem non videtur concedendum. Ergo neque antecedens.

Respondetur, quod si forma individualis in abstracto solum significet formam singularem, aut ipsam singularitatem, non autem suppositalitatem, vere, & formaliter prædicantur de illa forma generica & specifica in abstracto, & istæ sunt vere, hæc humanitas est humanitas, & hæc humanitas est animalitas: & similiter ista, Petreitas est humanitas, vel animalitas, si

si hoc nomen *Petritas* solum significet singularitatem Petri, non autem Petri supposititalitatem, si autem hoc nomen *Petritas* (ut forsitan est verius) etiam significet supposititalitatem, quia non solum suppositum, sed etiam hypostasis seu supposititalitas in rebus creatis distinguitur realiter à natura generica & specifica; humanitas & animalitas non prædicabuntur de Petritate.

15 Obijcies secundo specialiter aduersus secundam conclusionem, quod differentia ex proprio modo significandi differentia prædicatur *in quale*, & per modum alteri adjacentis. Sed in abstracto significata non potest de natura specifica, etiam in abstracto significata prædicari *in quale*, & per modum illi adjacentis. Ergo in abstracto non prædicatur de illa. Minor probatur, quia quod prædicatur *in quale*, & per modum alteri adjacentis, & id, de quo aliquid sic prædicatur, est habens formam, quod est proprium concreti. Ergo neque abstractum potest prædicari *in quale*, neque per modum alteri adjacentis, nec de aliquo abstracto potest aliquid sic prædicari.

Licet hoc argumentum sit aliquorum speciale fundamentum, ad negandam prædicationem in abstracto formæ differentialis de specifica; meo videri, parum habet difficultatis: quia differentia non est proprius modus prædicandi per modum alteri adjacentis, sed solum differentia

Quaestio III.

tiae in concreto : sed solum proprius modus differentiae est praedicandi *in quale*. Et hoc modo etiam praedicatur differentia in abstracto de natura specifica, quia natura specifica, etiam ut in abstracto significata, licet non significetur ut in supposito, sicut significatur per nomen concretum; significatur tamen ut natura composita ex forma generica & differentiali, ex forma videlicet generica habente se in tali compositione ut materia, & ex forma differentiali habente se ut forma; ac perinde forma differentialis quantumvis in abstracto significetur praedicatur *in quale* de natura specifica, etiam in abstracto significata.

16 Ultimo tandem specialiter contra tertiam conclusionem obijcies, quod differentiae sunt omnino extra conceptum generis; ergo in natura generica in abstracto significata non includuntur ullatenus differentiae: ac perinde non potest natura generica in abstracto de differentia praedicari. § Confirmatur, nam natura generica in abstracto, animalitas v.g. si praedicaretur de differentia, de rationalitate videlicet, deberet in ipsa rationalitate includi, nihil enim de aliquo praedicatur, nisi quod in illo includitur. Animalitas autem nullatenus includitur in rationalitate: alias rationalitas & quaelibet alia differentia non esset conceptus simplex, sed resolvable in conceptum ipsius differentiae, & conceptum formae genericae inclu-


la

ta in illa : ergo forma generica in abstracto non predicatur de differentia.

§. Confirmatur secundo, quia nulla forma in abstracto predicatur de illo, de cuius essentia non est. Sed forma generica non est de essentia formæ differentialis, si quidem illam non constituit : ergo non predicatur in abstracto de illa.

17 Respondetur ad argumentum, illud cum sua confirmatione æqualiter probare (si aliquid probat) quod nec forma generica in concreto predicatur de differentia, quia eodem modo differentia sunt extra conceptum generis, & differentia etiam in concreto, licet connotet suppositum, significat formam simplicem. Vnde ad argumentum respondetur, quod licet differentia sint extra conceptum generis, quia formaliter in illo non includuntur; tamen quia quodammodo educuntur ex potentialitate generis, in ipsa forma generica quantumvis in abstracto considerata continentur implicite & in potentia differentia: quod sufficit, ut de qualibet illarum forma generica etiam in abstracto, ut superius de inferiori predicetur; licet quia differentia se habet ut formam determinans potentialitatem generis, nec in abstracto, nec in concreto predicetur de illo predicatione directa. §. Ad primam confirmationem respondetur; quod differentia non includunt quidem formaliter formam genericam, quia aliquid simplex

plex sunt, cum tamen quælibet differentia contineat implicitè, & in potentia, quidquid actu continet species, alias non prædicaretur formaliter de illa, & species actu includat genus, consequens est, quod ipsa forma generica implicitè, & in potentia in ipsa differentia includatur, hanc etenim implicitam adinuicem huiusmodi inclusionem habent huiusmodi formæ eo, quod realiter, & formaliter sunt idem, & solum per intellectum ratione distinguuntur: & hæc implicite adinuicem inclusio sufficit, ut adinuicem huiusmodi formæ etiam in abstracto possint prædicari. §. Ad secundam confirmationem respondetur, quod licet forma generica non sit de essentia differentie immediatè; est tamen de essentia speciei, de cuius essentia est differentia, & id sufficit, ut etiam in abstracto de differentia possit prædicari, quia si forma generica est de essentia speciei, & differentia est etiam de essentia speciei; non potest forma generica abstrahere abstractione formali a natura specifica, & ita forma generica in abstracto de natura specifica, & de forma differentiali potest prædicari.



Questio IV. 573

sunt formæ significatæ per nomina secundæ intentionis; nomina concreta secundæ intentionis significantia formas eidem subiecto conuenientes, possunt adinuicem prædicari sicut eadem ratione diximus, nomina concreta primæ intentionis, quæ significant formas eidem subiecto conuenientes, posse adinuicem prædicari. Et solum pro hac prima parte conclusionis est aduertendum, quod prædicatio, medijs his nominibus concretis secundæ intentionis erit *in quid*; vel *in quale*, iuxta habitudinem, quam forma prædicati habuerit ad formam subiecti. Vnde hæc erit prædicatio speciei & in quid, hoc genus est genus, & hæc erit prædicatio generis genus est vniuersale, & hæc prædicatio proprii, genus est prædicabile: ac denique hæc erit accidentalis, terminus est subiectum.

Secunda autem pars conclusionis etiam est manifesta, nam formæ rationis, quæ in eodem subiecto reperiri nequeunt etiam si nominibus concretis adinuicem prædicentur, non possunt extrema talis prædicationis supponere pro eodem: ergo non possunt tales formæ in concreto adinuicem prædicari: sicut hæc erit falsa, subiectum est prædicatum, quia extrema significant formas, quæ eidem subiecto conuenire non possunt.

3 Dico secundo, medijs nominibus secundæ intentionis abstracta genericale specificis, & differentialibus, & differentialia de specificis vere adinuicem præ-

dicantur ; non tamen alia abstracta, etiam si significant formas eidem subiecto conuenientes. Prima pars conclusionis probatur, quia etiam in his formis rationis significatis per terminos secundæ intentionis dantur formæ genericæ & specificæ, ut vniuersalitas est forma generica ad genereitatem & specieitatem, aliasque formas specificas prædicabilium ; imò & sunt formæ differentiales, licet nomina ad illas significandas non habeamus : ergo eisdem rationibus, quibus quæstione præcedenti ostendimus, in formis realibus formam genericam in abstracto de specifica, & differentiali, & formam differentialem de specifica prædicari, convincitur, idem esse dicendum de his formis rationis. Vnde hæc erit formalis & vera, genereitas est vniuersalitas, in qua forma generica in abstracto de forma specifica, etiam in abstracto significata prædicatur : imò (ut quæst. præcedenti aduertimus) licet antiqui negent, in formis substantialibus formam genericam in abstracto de specifica prædicari ; cum nullus tamen id neget in formis accidentalibus realibus, nec id negari potest in formis accidentalibus rationis.

4 Secunda autem pars conclusionis probatur quia in prædicatione per nomina abstracta secundæ intentionis significantia formas diuersas, quamuis eidem subiecto simul conuenientes, non possunt extrema supponere pro eodem : non pro

Quæstio IV. 575

pro subiecto, siquidem talia nomina, nec subiectum significant, nec illud connotant; non pro eadem forma: supponimus enim, diuersas formas significare: ergo tales prædicationes non sunt veræ. §. Confirmatur, nam eadem ratione prædicationes, in quibus per nomina abstracta diuersæ formæ licet eidem subiecto simul conuenientes, adinuicem prædicantur, sunt falsæ: vt falsæ sunt istæ, humanitas est risibilitas, humanitas est albedo, albedo est dulcedo: ergo idem erit in formis rationis, si in abstracto adinuicem prædicentur, & falsæ erunt istæ prædicationes, vniuersalitas est prædicabilitas, specieitas est genereitas.

Aduersus istas conclusiones nihil particulare occurrit præter ea, quæ aduersus similes prædicationes in terminis, primæ intentionis obiecimur, & dissoluimus, quæ eodem modo solui possunt, si proportionabiliter aduersus has conclusiones obijciantur.

QVÆSTIO V.

Vtrum medijs nominibus secunda intentionis concreta de abstractis verè prædicentur.

Dico primo: de secunda intentione rationis, quæ ab alia secunda intentione potest denominari, & esse sub-

576 *Lib. 5. de Prædicationibus*

stractum respectu illius, etiam in abstracto considerata, potest prædicari in concreto secunda intentio illa denominans. Explicatur, & probatur conclusio, nam cum intellectus quamlibet secundam intentionem prædicabilis possit in communi concipere, & abstrahere ab hac & illa ver. g. intentione speciei intentionem speciei in communi, & ab hac & illa intentione generis intentionem generis in communi, & intentiones sic abstractas comparare ad ea, à quibus abstraxit; potest talibus intentionibus tribuere intentionem speciei prædicabilis: ac perinde quælibet secunda intentio rationis potest esse substractum speciei prædicabilis, & ab illa denominari: sicut enim homo ab hoc, & illo homine per intellectum abstractus & comparatus ad ea, à quibus abstrahitur, quia illa solo numero differunt, & hoc modo dicit in actu totam essentiam illorum, est prædicabilis de illis *in quid*, & per modum speciei, & denominabilis ab intentione speciei prædicabilis; ita genereitas v. g. etiam in abstracto significata est abstrahibilis per intellectum ab hac & illa genereitate, ut à genereitate, qua denominatur animal genus, & à genereitate, qua color genus denominatur: & sic abstracta genereitas potest ab intellectu comparari ad tales genereitates in particulari, quæ cum solo numero differant, & genereitas dicat in actu totam essentiam illarum, est prædicabilis de illis præ-

rant
sentiam

prædicatione speciei, & est denominabilis ab intentione speciei. Hoc ergo supposito dicimus in conclusione, quod de secundis intentionibus denominabilibus ab altera secunda intentione, intentio illas denominans potest in concreto de illis in abstracto prædicari; ita ut istæ, & similes propositiones sint veræ, genereitas est species, specieitas est species. Et ratio est manifesta: quia eodem modo genereitas, & specieitas est abstractum denominabile à secunda intentione speciei, sicut homo; verbi gratia: ergo sicut species in concreto de homine prædicatur, ita etiam species in concreto de genereitate, & specieitate in abstracto significatis, prædicatur. §. Confirmatur primo, nam prædicatum in prædictis propositionibus vere convenit subiecto: ergo prædictæ propositiones sunt veræ. Antecedens probatur, nam definitio prædicati convenit subiecto: ergo & ipsum prædicatum. Antecedens probatur, nam species est, quæ prædicatur de pluribus differentibus numero in eo, quod quid. Sed hoc convenit genereitati, & specieitati; genereitas enim prædicatur in quid, de hac & illa genereitate, quæ solo numero differunt: ergo definitio prædicati, ac perinde & ipsum prædicatum, convenit subiectis prædictarum propositionum. §. Confirmatur secundo, quia extrema prædictarum propositionum supponunt pro eodem: ergo illæ sunt veræ, cum

578 *Lib. 5. de prædicationibus*

sint affirmatiuæ. Antecedens probatur, quia licet genereitas, cum sit nomen abstractum, supponat pro ipsa forma, quam significat, & hoc nomen species, cum sit concretum, supponat pro materiali, & subtracto intentionis speciei, cum tamen ipsa genereitas, seu forma generis sit materiale intentionis speciei, ut ostendimus, inde est, quod hoc nomen *genereitas*, & hoc nomen *species*, pro eodem supponant.

2. Dico secundo, de secundis intentionibus in abstracto significatis, alia secunda intentio illas non denominans, non potest in concreto prædicari. Conclusio manifeste probatur, quia in talibus prædicationibus extrema non supponunt pro eodem: ergo prædicationes non poterunt esse veræ. Antecedens probatur, quia subiectum, cum sit nomen abstractum, supponit pro forma, quam significat; ergo si illa non sit subtractum denominatum ab altera intentione, quæ significatur per prædicatum, cum prædicatum, utpote nomen concretum, supponat pro subtracto formæ seu intentionis, quam significat; prædicatum & subiectum prædictarum propositionum non supponent pro eodem.

3. Dico tertio, secunda intentio in abstracto, non potest prædicari de altera secunda intentione in concreto; etiam si intentio significata per concretum sit denominabilis à secunda intentione significata

cata per prædicatum. Probatur & explicatur conclusio : istæ enim prædicationes sunt falsæ, genus est genereitas, genus est specieitas, quia in nulla earum extrema supponunt pro eodem, in illis enim subiectum supponit pro substracto generis, quod utique non est idem cum secunda intentione genereitatis, & specieitatis, pro quibus supponit prædicatum primæ & secundæ prædictæ propositionis : ergo prædictæ prædicationes non sunt veræ. Et solum ab hac generali conclusione excipitur hæc prædicatio, species est specieitas, quia quamvis verum sit, quod prædicatum, utpote nomen abstractum supponat pro ipsa forma specieitatis, quam significat : & subiectum utpote nomen cōcretum supponat pro materiali & substracto intentionis speciei : quia tamen, ut diximus, aliquod materiale intentionis speciei potest esse ipsa specieitas, illa propositio indefinita est vera, qui est idem, ac dicere, aliquod materiale speciei est specieitas. Nec de his propositionibus oportet, aliquid amplius dicere, quia denominationem huiusmodi intentionum ab alijs, si amplius hæc velimus explicare, magis eam confundemus, quam explicabimus.

QVÆSTIO VI.

Vtrum secundæ intentiones uniuersalium de primis intentionibus singularibus, & secundæ intentiones singulares de primis uniuersalibus prædicari possint?

§. Postquam egimus de prædicationibus, in quibus primæ intentiones de primis intentionibus, & secundæ intentiones de secundis intentionibus prædicantur; restat solum, ut de prædicationibus, in quibus secundæ intentiones de primis prædicantur, breuiter agamus. Et quidem certum est, secundas intentiones in abstracto de primis intentionibus etiam in abstracto nullatenus vere prædicari: ut si dicas, humanitas est specieitas, animalitas est genereitas: quia hæc nomina abstracta, ut sæpius diximus, cum non connotent, nec significet subiectum, supponunt pro ipsis formis, quas significant. Sed secunda intentio est distincta à prima intentione: ergo in propositione, in qua secunda intentio in abstracto de prima intentione etiam in abstracto prædicatur, extrema supponunt pro eodem: ac perinde non est vera.

2 Certum est etiam, quod secundæ
ia-

intentio in abstracto de prima intentione in concreto non potest vere praedicari, ut si dicas, homo est specieitas, animal est genereitas; quia cum subiectum talium propositionum, utpote concretum, supponat pro materiali, & abstracto, quod est distinctum ab ipsa secunda intentione, pro qua praedicatum, utpote nomen abstractum supponit extrema praedictarum propositionum non supponunt pro eodem, ac perinde illae non sunt verae.

3 Certum denique est, quod nomen secundae intentionis in concreto praedicatur de naturis primae intentionis, quas secunda intentio per praedicatum significata denominat: ut nomen secundae intentionis significans intentionem generis, de naturis genericis, & significans intentionem speciei, de naturis specificis, & significans intentionem singularis, de natura singulari. Vnde istae sunt verae, licet accidentales, praedicationes, animal est genus, homo est species, Petrus est individuum. Tum, quia quodlibet accidens reale, seu rationis denominans aliquod subiectum, praedicatur accidentaliter de illo: ut ea ratione haec est vera, homo est albus; ergo cum animal ab intentione generis denominetur, homo ab intentione speciei, & Petrus ab intentione individui; genus de animali, species de homine, & individuum de Petro vere praedicatur. Tum etiam, quia in talibus praedicationibus definitio praedicati convenit,

licet accidentaliter, subiecto : ergo & ipsum prædicatum vere, licet accidentaliter, prædicatur de subiecto . Antecedens probatur, quia si genus est, quod prædicatur de pluribus differentibus specie *in quid*, hoc conuenit animali, si species est, quæ prædicatur de pluribus differentibus numero *in quid*, hoc utique conuenit homini, ac denique si indiuiduum est, quod prædicatur de vno tantum, hoc utique conuenit Petro : ergo definitio prædicati harum propositionum vere conuenit eorum subiectis .

4 His ergo suppositis, solum cum nostro Authore Ss. Magistro Soto hic dubitamus, an termini secundæ intentionis significantes intentiones vniuersales, de primis intentionibus singularibus, aut minus vniuersalibus, & termini secundæ intentionis significantes intentiones singulares, de primis intentionibus vniuersalibus vere prædicentur: v.g. an istæ sint veræ, homo est genus, Petrus est genus, Petrus est species, & istæ, homo est indiuiduum, animal est indiuiduum, quod utique late disputat, & optime resoluit noster Author loco citato, & ex illius doctrina breuiter questionem resoluemus .

5 Dicendum igitur est, omnes prædictas propositiones esse falsas . Conclusio duplici ratione probatur : primo, nam quia vt ex dialectica habetur, prædicatū secundæ intentionis conueniens rebus, & non vocibus, appellat supra proprium
con-

conceptum, & facit illud supponere simpliciter pro eo, quod primo per se, & formaliter significat, sensus prædictarum propositionum est, huius videlicet homo est genus, quod homo sub conceptu proprio hominis sit genus, & istarum Petrus est genus, Petrus est species, quod Petrus sub conceptu singulari Petri sit genus, vel species & sensus istius, homo est indiuiduum, quod homo sub conceptu formali hominis sit indiuiduum. Sed omnes isti sensus falsissimi sunt: ergo omnes prædictæ propositiones in sensu formali, quem ex vi prædicati secundæ intentionis, & appellationis ab illo prouenientis faciunt, sunt falsæ.

6 Secundo probatur conclusio, quia in nulla prædictarum propositionum prædicatum aut illius definitio conuenit subiecto. Omnes igitur tales propositiones sunt falsæ: antecedens facile probatur, discurrendo per omnes illas propositiones; hoc enim prædicatum, *genus*, cum dicat id, quod prædicatur de pluribus differentibus specie in quid, nullatenus conuenit homini aut Petro: neque enim homo, aut Petrus prædicatur de pluribus differentibus specie: ergo cum *genus* prædicatur de homine aut Petro, prædicatum non conuenit subiecto. Nec hoc prædicatum *species* conuenit Petro, quia species dicit id, quod prædicatur de pluribus differentibus numero, quod utique Petro non conuenit. Nec denique hoc prædicatum *indiuiduum* conuenit homini, aut animali, quia *indiuiduum*

§ 84 *Lib. 5. de prædicationibus*

dicit id, quod prædicatur de vno tantum, & homo, & animal non de vno tantum, sed de pluribus prædicantur.

7 Aduersus conclusionem tamen aliqua breuiter obijciuntur. Primo, quod hæc est vera, homo est genus: nam hæc est bona consequentia, omne animal est genus, homo est animal: ergo homo est genus. Sed maior & minor est vera: ergo & consequens. §. Secundo, quod hæc est vera, Petrus est species: nam bene valet, omnis homo est species, Petrus est homo: ergo Petrus est species, sed maior & minor est vera: ergo & consequens. §. Tertio, quia hæc est vera, hic homo est species, quia bene valet, homo est species: ergo hic homo est species, vel hic homo est species, per descensum disiunctiuum. Sed antecedens est verum: ergo & consequens pro aliqua saltem illius parte, cum sit propositio disiunctiua. §. Quarto, quia hæc est vera, homo est indiuiduum, quia bene valet a subalternante ad subalternatum; omnis homo est indiuiduum: ergo homo est indiuiduum. Sed antecedens est verum: ergo & consequens. Et similiter, quia bene valet per ascensum disiunctiuum, hic homo est indiuiduum, vel hic homo est indiuiduum ergo homo est indiuiduum. Sed antecedens est verum, cum sit vna disiunctiua, cuius non solum vna, sed omnes partes sunt veræ: ergo consequens est verum.

8 Ad omnia hæc breuiter, & facile ex principijs dialecticis respondetur: ad primum

mun quidem negando illam propositionem, homo est genus, & negando consequentiam, qua illa probatur: habet enim duplicem defectum, primum variationis appellationis, quia in maiori prædicatum *genus* appellat supra significatam formale animalis, & in consequenti supra significatum formale hominis: & habet defectum variationis suppositionis ex parte illius termini homo, qui in consequenti supponit simpliciter, & in minori personaliter. Et præter hæc secundum probabiliorem sententiam, illa propositio, omne animal est genus, quæ est maior illius syllogismi, est falsa.

Ad secundam objectionem negatur illa propositio, Petrus est species: & negatur consequentia, qua ibi probatur, propter similem duplicem defectum ac præcedentis consequentiæ: & maior eiusdem consequentiæ, si distributio tollit suppositionem simplicem, est falsa. Ad tertiam negatur illa propositio, hic homo est species, & consequentia, qua ibi probatur: sub termino enim supponente simpliciter, nec licet ascendere, nec descendere: quia supponit quasi immobiliter, & quasi singulariter. Ad quartam negatur illa propositio, homo est indiuiduum, & ad primam illius probationem negatur, illam consequentiam, omnis homo est indiuiduum, ergo homo est indiuiduum esse bonam, aut esse à subalternante ad subalternantem; non enim est bona, quia variatur suppositio de personali in simplicem:

586 *Lib. 5. de predicationibus*

eem ; cum enim secundum probabiliorem
sententiam distributio tollat suppositionem
simplicem, antecedens illius consequentiae
supponit personaliter : nec est à subalter-
nante ad subalternatam ; quia subalterna-
ta debet esse propositio particularis, &
cuius subiectum sit terminus communis
supponens indefinite vel particulariter, &
possit propositio verificari diuisione pro
pluribus ; consequens autem praedictae cō-
sequentiae, cum supponat simpliciter,

supponit immobiliter, & quasi
singulariter. Ad secundam

probationem negatur,

illum ascendere,

esse bonum,

quia,

ut

miximus, sub termino sup-

ponente simpliciter,

nec licet ascende-

re, nec de-

scende-

re,



LIBER

LIBER

SEXTVS

DE ANTEPRÆDICAMENTIS



Acturi in sequenti libro de prædicamentis, ad qua ut præambulum premisit Aristoteles antepredicamenta, de illis in hoc speciali libro, quem ut præcedenti-

ad prædicamenta præmittimus, agere volumus. Et cum in antepredicamentis de uniuocis egerit Aristoteles, & equiuocis, inter qua media sunt analogia; de analogis ob id in hoc etiam libro agemus. Et quia ens in decem prædicamenta diuiditur, quamuis illius diuisionem inter antepredicamenta non enumerauerit Philosophus; quia tamen diuisio entis est quoddam præambulum ad prædicamenta, & quia ea qua de analogia dixerimus, in ente tanquam in præcipuo analogia exemplo patescunt; de entis analogia & illius in decem prædicamenta diuisione in hoc etiam libro tractabimus; quia quamuis hoc ad metaphysicam pertineat, noster Author, quem plures postea sunt imitati, in hoc loco de his disputauit.

QVÆSTIO I.

Quid sit prædicamentum, & antepredicamentum: & quare ad prædicamenta antepredicamenta præmittantur?

Questionem hanc, quæ non solum ad prædicamenta, sed & ad ante prædicamenta est præambula, breuiter duabus conclusionibus resoluemus. Dico igitur primo Prædicamentum est prædicatorum, seu prædicabilium ordinatio. Unde de prædicamentis agere pertinet ad logicum, ut sciat, quam cuiuslibet intentionem prædicabilis tribuere debeat. Pro explicatione huius conclusionis aduertendum est ex nostro Authore dubio primo præambulo ad antepredicamenta, quod in prædicatione tam res ipsæ, quam voces, & conceptus formales prædicantur; diuersimode tamen. Nam res, seu conceptus obiectiui prædicantur principaliter, & *ut quod*: voces autem & conceptus formales prædicantur *ut quo*, id est, ut substituta rerum, & quibus medijs res ipsæ *ut quod*, prædicantur. Cum enim prædicationis intentum sit explicare convenientiam vnius rei cum altera; quia res nobiscum adducere non possumus, ut ait Philosophus, utimur vocibus, & terminis

his significatiuis loco rerum: & ita dum
aliquid enunciamus, voces sunt, quæ
proxime prædicantur, non tamen ratione
sui, sed loco rerum, quæ principaliter
prædicantur: vt cum dicimus, homo est
animal, licet prædicatio fiat medijs his
vocibus, *homo & animal*; voces tamen
ipsæ non sunt quæ prædicantur, sed res,
nec per eam prædicationem intendimus
explicare conuenientiam vocum inter se;
alias propositio esset falsa, cum hæc vox
homo non sit hæc vox *animal*, sed intendi-
mus explicare conuenientiam rerum, quæ
per ipsas voces significantur. Et idem
proportionabiliter dico in propositione
mentali: in illa enim conceptus obiectiui,
id est, res repræsentatæ per conceptus for-
males, prædicantur principaliter & *ut*
quod; conceptus autem formales prædi-
cantur proxime *ut quo* & loco rerum, quas
repræsentant. Hoc ergo supposito, vera
que pars conclusionis probatur, & expli-
catur, & prima quidem, quia hoc nomen
prædicamentum, non supponit pro genere
supremo cuiuslibet prædicamenti, sed pro
tota collectione omnium, quæ in aliquo
prædicamento reperiuntur, quatenus vnū
subijcitur alteri, & illud de hoc est præ-
dicabile; & quatenus alia in ea serie, &
coordinatione ponuntur directe, alia ve-
ro ad latus, vt differentiæ collocantur: vt
videre est in quacumque arbore prædica-
mentali, & specialiter in ea quam in
prædicamento substantiæ fecit Porphirius.

• Hinc

590 *Lib.6. de antepredicam.*

2 Hinc deducitur secunda conclusio-
nis pars. Nam quamvis agere de prædi-
camentis secundum se ad Metaphysicum
spectet, ideoque sub ea ratione in Meta-
phica egerit Aristoteles de illis, quia ta-
men ad Logicum pertinet omnibus rebus
intentiones, quæ illis competunt, tribue-
re prædicatorum & prædicabilium, & ad
hoc requiritur cognoscere, quæ natura sit
contrahibilis, & quæ contrahens, ut vni
tribuat intentionem generis & alteri in-
tentionem speciei, oportet ad id omniū
prædicamentorum seriem cognoscere, &
ita verificatur commune illud dictum Phi-
losophi, quod Logicus, & Metaphisicus
agunt de omni ente, Metaphisicus vide-
licet, ut eius naturam absolute cognoscat:
Logicus autem non ut in ipsarum rerum
cognitione absolute sistat, sed ut sciat,
quam cuilibet rei intentionem prædicati,
aut prædicabilis tribuat. Ingenuè tamen
fateor, quod cum ad istum finem tribuen-
di cuique rei intentionem, quæ illi debe-
tur prædicabilis, cognitionem in logica
contendamus habere prædicamentorum
eorum in logica natura cognita, non cu-
ramus illam ex Metaphisica accipere, quia
ad absolutam cognitionem illorum suffi-
cienter existimamus esse instructos per id
quod de prædicamentis ad prædictum
finem in Logica edocemur, & instruimur;
& ita oportet in Logica accurate, quæ
ad prædicamenta pertinent, tradere.

3 Dico secundo. Antepredicamen-
tum

tum est quid praeambulum, & cognitum necessarium ad cognitionem praedicamentorum: ac perinde ad ipsa praedicamenta necessario antepredicamenta sunt praemittenda. Haec conclusio non aliter probatur, quam explicando & insinuando in particulari necessitatem cuiuslibet antepredicamenti ad praedicamentorum tractatum. Tria igitur in genere, & septem in specie Aristoteles assignat antepredicamenta, tria quidem in genere, scilicet definitiones, diuisiones, & regulas, septem vero in specie, videlicet, tres definitiones, duas diuisiones; & duas regulas. Quod autem horum praecognitio sit ad praedicamenta necessaria, probatur, per singula illorum discurrendo.

4 Imprimis enim requiritur cognitio vniuocorum, æquiuocorum, & denominatiuorum, quæ pertinent ad primum antepredicamentum. Quia ad praedicamentum aliquod constituendum, triplicem oportet considerare respectum: primus est ad id, quod est supra omnia praedicamenta; & cum omnibus praedicamentis solum detur aliquid commune æquiuocum, vel analogum; ad id oportet praecognoscere, quæ sunt æquiuoca, & analogia. Secundus respectus est adinuicem eorum, quæ sunt in eodem praedicamento: & cum ea debeant conuenire in aliqua ratione vniuoca; ad id oportuit praecognoscere, quæ sunt vniuoca. Tertius denique respectus est eorum, quæ sunt in

592 Lib.6. de antepredicam.

**vno predicamento, ad ea quę sunt in alio:
& quia quę sunt in vno predicamento, so-
lum accidentaliter, & denominatiue pos-
sunt predicari de his, quę sunt in alio;
ad illud oportet præcognoscere, quę sunt
denominatiua.**

**5 Cognitio autem complexorum, &
incomplexorum, quę ad secundum ante-
predicamentum pertinent, ad prædica-
menta prærequiritur: quia in prædica-
mento solum collocantur res simplices, &
vnā duntaxat essentiam, & definitionem
habentes, ad id ergo oportet præcogno-
scere, quę sunt complexa, & quę in-
complexa: vt hæc ad coordinationem præ-
dicamentalem admittantur; illa vero ex-
cludantur.**

**6 Cognitio etiam eorum, quę de ali-
quo dicuntur, & eorum quę de nullo di-
cuntur, quę ad secundum etiam antepre-
dicamentum pertinent, etiam ad prædi-
camenta prærequiritur: quia series cuius-
libet prædicamenti dicitur penes subiecti,
& predicari, id est, penes prædicata su-
periora & inferiora, inter quę aliqua sunt
superiora, & nulli inferiora, vt genus su-
preum; alia, vt genera intermedia, ,
sunt inferiora alijs generibus, & superio-
ra speciebus; & denique indiuiduum est
omnibus inferius, & nulli superius: ergo
ad hæc prærequiritur cognitio eorum, ,
quę de aliquo dicuntur, & eorum, quę
de nullo dicuntur.**

7 Tertiij antepredicamenti cognitio præ-

Questio II. 593

prærequiritur: quia in illo scilicet in duabus regulis antepredicamentalis insinuantur, quæ in quolibet predicamento directe, & quæ ad latus predicamenti collocentur.

QVÆSTIO II.

Vtrum definitiones uniuocorum, & equiuocorum à Philosopho assignate, sint bonæ?

IN primo antepredicamentorum capite definit Philosophus uniuoca, æquiuoca, & denominatiua; maioris tamen claritatis gratia in hac quæstione definitiones uniuocorum, & æquiuocorum, in sequenti vero definitionem denominatiuorum explicabimus. Loquitur autem hic Philosophus non de uniuocis uniuocantibus, aut æquiuocis æquiuocantibus, hoc est de vocibus, aut terminis significantibus aliqua uniuocè, vel æquiuocè, de his enim in Dialectica agitur, sed de uniuocis uniuocatis, & æquiuocis æquiuocatis, idest de ipsis rebus ut significantur per terminos uniuocos, vel æquiuocos. Hoc ergo modo sumpta uniuoca, ait Philosophus, dicuntur, quorum nomen commune est, & ratio substantia nomini accommodata est eadem, æquiuoca vero dicuntur,

594 *Lib. 6. de antepredicam.*

tur; quorum nomen commune est, ratio vero substantia nomini accommodata, diuersa. Ut autem vtriusque definitionis veritas innotescat, vtramque oportet breuiter explicare.

2. Definit igitur Philosophus vniuoca, & æquiuoca in plurali, quia vniuoca, & æquiuoca non nisi inter duas ad minus res possunt inueniri, & definit illa in ordine ad nomen; quia ut in explicatione vltimæ particulæ earum definitionum videbimus, non vniuocantur, neque æquiuocantur res, nisi quatenus tali, vel tali nomine significantur. §. Cum autem in vtraque prædicta definitione dicitur, *quorum nomen est commune*, non debet intelligi nomen strictè, pro nomine distincto à verbo, & ab aliquibus alijs terminis, sed pro termino seu voce significatiua. §. Cum vero in vtraque etiam definitione dicitur *ratio substantia*, non debet intelligi substantia, prout condistincta ab accidenti, quia in substantijs, & accidentibus reperiuntur vniuoca, & æquiuoca; sed quia hoc nomen *substantia*, etiam significat quidditatem cuiuscunque rei; nomine substantiæ in his definitionibus debet intelligi quidditas rei, seu conceptus obiectiuus formaliter, ut correspondet conceptui formali. Per id denique, quod in vtraque prædicta definitione dicitur, quod *ratio substantiæ est eadem, vel diuersa, ut nomini accommodata; debet intelligi, quod ratio vniuocorum, vel æquiuocorum at-*
ten-

tenditur non penes conuenientiam, vel diuerſitatem, quam res absolute in ſe habet, ſed quam habent, vt ſignificantur per nomen: canis enim verbi gratia, terreſtris, & marinus, & habent in ſe conuenientiam, & diuerſitatem, conuenientiam, in ratione animalis, diuerſitatem, in ratione canis terreſtris, & marini, & vt ſignificata per hoc nomen *animal* ſunt vniuoca vniuocata, ſignificata vero per hoc nomen *canis*, ſunt æquiuoca æquiuocata.

3 His ergo communiter explicatis pro definitionibus vniuocorum, & æquiuocorum, in particulari cum in definitione vniuocorum dicitur, quod ratio nomini accomodata ſit eadem, debet intelligi, quod ſit omnino eadem: vt ab ea definitione excludantur analogæ; & cum in definitione æquiuocorum dicitur, quod ratio nomini accomodata ſit diuerſa, debet intelligi, quod non ſit omnino eadem ſive ſit omnino diuerſa, vt in puris æquiuocis, ſeu partim eadem & partim diuerſa, vt in analogis, quæ licet ſint media inter vniuoca & pura æquiuoca, illa ſub definitione æquiuocorum comprehendit ariftoteles, vt patet ex exemplo, quod prædictæ definitionis adducit de homine iuo, & picto, quorum ratio, vt ſignificatur per hoc nomen *homo*, nec eſt omnino diuerſa, nec omnino eadem, ſed partim eadem & partim diuerſa & confeſſenter analogæ. Si autem velis defini-

re

re pure æquiuoca, sunt quorum nomen est commune, ratio vero nomini accommodata, est omnino diuersa: si pure vniuoca, sunt quorum nomen est commune ratio vero nomini accommodata est omnino eadem: si denique analogæ, sunt, quorum nomen est commune, ratio vero nomini accommodata est partim eadem & partim diuersa.

4 Plures ex obiectionibus, quæ aduersus prædictas definitiones possent fieri, ex ipsarum definitionum explicatione manet dilutæ, & ita illis omisissis, vnum vel alterum breuiter obijciamus. Obijcies ergo primo, quod æquiuoca non possunt definiri. Perperam igitur illa definiuit Philosophus. Antecedeus probatur, quia æquiuoca non habent aliquam vnâ rationem. Sed nihil potest definiri, nisi in quantum est vnum, vnicamque habet rationem: ergo æquiuoca non possunt definiri. §. Confirmatur, nam vt aliquid definiatur, vniuocum debet esse, debet enim dicere vnâ rationem omnino communem omnibus, quibus competit definitio. Sed æquiuoca non possunt esse vniuoca, cum ab vniuocis condistinguantur: ergo æquiuoca non possunt definiri.

Respondetur ad argumentum, quod licet æquiuoca in particulari, vt canis terrestris, & marinus, secundum quod hoc nomine canis significantur, & quælibet alia æquiuoca in particulari, non possint definiri; bene tamen æquiuoca in communi, vt ab his & illis æquiuocis ab-

abstrahunt, quia omnia illa conueniunt in eo, quod est, non habere aliquam rationem communem: & hac conuenientia est omnibus illis communis, & sub hac ratione potest abstrahi ab omnibus æquiuocis vera ratio communis æquiuocorum, secundum quam æquiuoca hic definiuit Philosophus: non enim minus omnia æquiuoca in particulari conueniunt in eo, quod est habere rationem diuersam, quam omnia uniuoca in particulari conueniunt in eo, quod est habere rationem omnino vnā. §. Ad confirmationem, respondetur, quod ut æquiuoca definiantur, debent esse denominatiue uniuoca, quod utrique ita est; nec inconuenit, vnā speciem essentialiter ab altera distinctam, sub altera denominatiue contineri, & ab illa denominari: sicut in simili exemplo, quamuis terminus in uniuocum, & æquiuocum essentialiter diuidatur; terminus æquiuocus, quia sub vna ratione significat omnes terminos æquiuocos, denominatiue est terminus uniuocus, & denominatiue sub termino uniuoco continetur.

Secundo aduersus eandem æquiuocorum definitionem obijcies, quod species, quæ sunt sub genere, sunt æquiuocæ, homo v.g. & equus. Et tamen secundum quod nomine generico animalis significantur ratio substantiæ nomini accommodata non est diuersa, sed omnino eadem: ergo definitio æquiuocorum non est bona.

598 *Lib. 6. de antepredicam.*

Maiores probatur, nam teste Philosopho 7. metaph. text. 31. sub genere multæ latent æquiuocationes. Sed non possunt aliæ æquiuocationes latere, nisi quæ conueniant eius speciebus: ergo species, quæ sub aliquo genere continentur, æquiuocæ sunt.

Respondetur, quod hic Aristoteles definiuit vniuoca & æquiuoca logica, & quia animal non est æquiuocum æquiuocatione logica, sed æquiuocatione physica, ideo non mirum, quod hæc definitio illi non conueniat: Pro quo sciendum est, quod vt colligitur ex doctrina Aristotelis loco in argumento citato, tres sunt gradus æquiuocationis. Prima æquiuocatio est illa, quam habet species a thoma respectu suorum indiuiduorum, nam licet dicat vnam rationem illis communem, & eodem modo essentialiter perfectam, dicit tamen rationem, quæ in indiuiduis magis, vel minus accidentaliter reperitur perfecta, & hæc est minima æquiuocatio. Secundus gradus æquiuocationis est naturæ genericæ, quæ licet sit eadem generice in omnibus suis speciebus, est tamen magis, & minus essentialiter perfecta in vna specie, quam in altera. Tertius denique gradus æquiuocationis est, quando aliqua habent nomen commune, in ratione autem per illud importata nec perfecte, nec imperfecte omnino illa conueniunt. Ex his tribus æquiuocationibus hæc vltima solum est æquiuocatio logica, & quam

quam definiuit Aristoteles in præsentī :
aliæ vero sunt phisicæ æquiuationes , &
compatibiles cum vniuocatione logica .
De secunda autem æquiuatione phisica
intelligitur Aristoteles , cum loco in
argumento adducto ait , latere sub genere
æquiuationes .

QVÆSTIO III.

*Vtrum definitio denominatorum
recte assignetur à Philo-
sopho .*

DENOMINATIUA (ait Philosophus) di-
cuntur : quæ ab aliquo nominis appella-
tionem habent sola differentia casu . In hac
autem definitione non nomina denomina-
tiua , sed res ipsas , prout significantur per
nomen , definit Aristoteles . Per nomen
inquam , non stricte sumptum , vt distin-
guitur à verbo , sed per nomen , idest , per
terminum . Pro explicatione autem huius
definitionis est aduertendum , quod in
denominatione tria possumus confide-
rare , formam videlicet denominantem ,
subiectum denominatum , & ipsum deno-
minatiuum ; verbi gratia in denomina-
tione hominis albi , forma denominans est
albedo , non solum secundum rem , sed
secundum nomen : siquidem hoc nomen
album conuenit in litteris initialibus cum

600. *Lib. 6. de antepredicam.*

hoc nomine albedo, & differt ab illo in cadentia & terminatione (sic enim debet intelligi in definitione illa particula *differentia casu*: non autem quod si nomen, à quo sumitur denominatio, sit in genitiuo, vel nominatiuo, non possit in eodem casu esse nomen denominatiuum). sensus igitur definitionis est. Denominatiua sunt res, quæ ab aliquo denominationem accipiunt, à quo secundum nomen solo casu, id est cadentia terminationis differunt. Definitio igitur sic explicata optima est, & præter auctoritatem Aristotelis & omnium eius interpretum, eam recipientium, non aliter melius, quam illam aliquibus obiectionibus examinando, probabitur.

2. Obijcies ergo primo, denominatiua esse vniuoca. Perperam igitur Aristoteles illa ab vniuocis & æquiuocis condistinguit. Antecedens probatur: nam album v.g. quod vtique secundum rem & rationem, & nomen est denominatiuum, est etiam vere vniuocum, siquidem rationem eandem dicit omnibus his, de quibus prædicatur: aliàs nec prædicaretur prædicatione quinti prædicabilis, ad quod, sicut ad omnia alia prædicabilia, requiritur, quod id, quod prædicatur, sit vniuocum ijs, de quibus prædicatur.

Respondetur communiter ad argumentum, quod denominatiua sunt quidem vniuoca materialiter, non tamen formaliter, vt denominatiua: hoc est, quod

li-

Questio III. 601

licet in eodem materiali coincidat ratio uniuoci, & ratio denominatiui, aliunde tamen ratio uniuoci, & ratio denominatiui desumitur. Ratio enim uniuoci sumitur ab eo, quod sit eadem omnibus, de quibus dicitur; ad quod omnino per accidens se habet, quod ea ratio ab aliquo denominationem accipiat, in quo ratio formaliter denominatiui consistit. Et ita potest dici, quod Philosophus cum distinguit hic æquiuoca, uniuoca, & denominatiua, solum vult, illa formaliter distinguere, non autem intendit, quod denominatiua, non sint vlatenus uniuoca.

3 Tamen licet hoc ita probabiliter possit dici, cum Philosophus uniuoca hic definierit, ut quæ uniuoca sunt, in eodem predicamento collocentur, & ad res eiusdem solum predicamenti comparentur: & denominatiua definierit, ut solum res unius predicamenti ad res alterius predicamenti comparentur, ut in prima huius libri questione explicuimus, in aliqua proculdubio speciali acceptione hic uniuoca definiuit Philosophus, secundum quam nullo modo denominatiua dicuntur uniuoca.

Pro explicatione igitur huius est aduertendum, quod duplex est uniuocatio etiam logica, seu dupliciter aliqua dicuntur logicè uniuoca. Primo modo, secundum quod dicunt aliquam rationem pluribus non solum eandem, sed essentialem ipsis: & in hoc sensu dixit Philosophus, quod

602 *Lib. 6. de antepredicam.*

proprium secundæ substantiæ est, prædicari nomine, & ratione de prima, quod est prædicari de illa uniuoce, dicendo non solum vnā rationem, sed essentialē, ipsi primæ substantiæ; immod & in eodem sensu noster Author infra in c. de substantia quæst. 2. solut. ad 2. negat, accidentia prædicari re & ratione, & uniuoce de prima substantia, idest dicendo aliquam rationem non solum eandem, sed essentialē primæ substantiæ. Secundo modo, & licet non ita strictē, proprie tamen dicuntur aliqua logice uniuoca per id, quod dicant eandem omnino rationem, siue illa sit essentialis, siue accidentalis illius. Dicendum igitur est, quod Philosophus hic definiuit uniuoca, 6. modo, quia definiuit illa, vt comparantur vt superiora ad inferiora eiusdem prædicamenti, ad quod requiritur, quod non solum eandem rationem, sed & illis essentialē importent. Er hoc modo denominatiua respectu eorum, de quibus denominatiue dicuntur, non sunt uniuoca: sunt tamen uniuoca secundo modo & uniuocatione, sufficienti ad rationem prædicabilis, & ita de illis prædicatione quinti prædicabilis prædicantur.

4 Obijcies secundo, quod hæc denominatiuorum definitio aliquibus non denominatiuis competit, & aliquibus denominatiuis non conuenit. Ex duplici ergo capite vitiatur. Antecedens pro prima parte probatur, quia humanum respectu

Questio III. 603

Et hominis, corporeum respectu corporis, & alia huiusmodi prædicata substantiabilia re vera non sunt denominatiua. Et tamen hæc denominatiuorum definitio illis competit. Competit igitur aliquibus non denominatiuis. Minor videtur certa, quia humanum dicitur ab humanitate, & corporeum à corpore, à quibus solo casu differunt, sicut album dicitur ab albedine, & solo casu differt ab illa. Maior autem probatur. Tum, quia nec humanum ab homine, nec corporeum distinguitur à corpore: ergo non sunt denominatiua, quia denominatiuum non debet esse idem cum subiecto, quod ab illo denominatur. Tum etiam, quia humanum de homine, & corporeum de corpore prædicatur *in quid*, ergo respectu istorum non sunt denominatiua. Patet consequentia, quia denominatiuum accidentaliter, non autem *in quid* potest de eo, quod denominat prædicari. Ideoque D. Thomas 3. part. q. 2. art. 6. in argumento *sed contra*, probat humanitatem non prædicari accidentaliter, aut denominatiue de Christo quia prædicatur de illo quidditatiue.

Secunda autem pars antecedentis principalis probatur, nam *studiosus* est vere denominatiuum, siquidem denominatiue prædicatur de his, quibus competit. Et tamen ei non competit hæc definitio: ergo illa aliquibus denominatiuis non competit. Minor probatur, quia studiosus non accipit denominationem à studio, cum

604 Lib. 6. de antepredicam.

non significet eandem rem, atque hoc nomen *studium*, nec accipit denominationem à virtute: quia licet significet eandem rem ac hoc nomen *virtus*, non solum differentia casus, & terminatione nominis, sed toto nomine differt à virtute: ergo hoc denominatiuum *studiosus*, non accepit denominationem ab aliquo, à quo secundum nomen solo casu differat: ac perinde non competit illi prædicta denominatiuorum definitio.

¶ Pro solutione huius argumenti, quoad duplicem eius partem est aduertendum ex nostro Authore hic quæst. vnica in solutione ad 6. & 7. argumentum, & ex Flandria 4. Metaph. quæst. 2. art. 3. quod tripliciter contingunt denominatiua. Primo, quæ conueniunt in litteris primordialibus, & differunt terminatione, non tamen significant eandem rem, vel si significant eandem rem, non tamen significant formam distinctam à subiecto, & extra illius essentiam, exemplum primi, studiosus à studio: exemplum secundi, humanatus respectu hominis: Et hæc dicuntur denominatiua secundum nomen, & non secundum rem. Secundo modo accipiuntur denominatiua, quæ significant formam extra essentiam subiecti, de quo dicuntur, & distinctam ab illo: non tamen conueniunt cum aliquo nomine in litteris primordialibus, à quo terminatione differant: vt studiosus dicitur hoc modo denominatiuum à virtute; & hæc
sunt

sunt denominatiua secundum rem tantum. Tertio denique modo accipiuntur denominatiua, quæ & conueniunt cum aliquo nomine in primordialibus litteris, à quo differunt in terminatione: & important formam extra essentiam subiecti, de quo dicuntur, & distinctam ab illo: vt album dicitur hoc modo denominatiuum ab albedine. Et ita dicuntur denominatiua secundum rem, & nomen: & ex his acceptionibus ista tertia est solum, propria, & denominatiua solum secundum illam accepta definiuit hic Aristoteles.

6 Ex hoc notabili deducitur solutio ad argumentum: negandum enim est antecedens, quoad vtramque illius partem. Et ad probationem primæ partis dico, quod humanatum respectu hominis, & corporeum respectu corporis, immò quælibet alia similia prædicata substantialia respectu sui proprii subiecti, non sunt denominatiua secundum rem, sed solum secundum nomen, quia non significant formam, quæ sit extra essentiam subiecti, de quo dicuntur, & ita non conuenit illis præfata denominatiuorum definitio, in qua (vt in hoc capite adnotat Caietanus) debet intelligi, quod denominatiuum sit à forma, quæ sit distincta à subiecto denominato, & extra essentiam illius, & quæ supponat subiectum in suo esse constitutum, ac perinde illud in suo esse essentiali non constituat, quæ non competant

606 Lib. 6. de antepredicam.

prædictis, denominatiuis secundum vocem tantum, quia desumuntur à forma, quæ non est extra essentiam subiecti, sed potius illud essentialiter constituit. §. Dixi, huiusmodi prædicata substantialia non esse propriè denominatiua respectu proprii subiecti, quia aliqua prædicata substantialia possunt esse propriè denominatiua respectu alterius subiecti vt ligneum respectu cathedræ, aureum respectu annuli, quia extra essentiam cathedræ est, quod sit lignea, & extra essentiam annuli, quod sit aureus.

7 Ad probationem secundæ partis antecedentis eiusdem obiectionis respondetur, quod *studiosus*, secundum quod denominationem accipit à studio, solum est denominatiuum secundum nomen, & non secundum rem, quia non significat eandem formam, ac hoc nomen *studium*: secundum autem quod denominationem accipit à virtute, est denominatiuum solum secundum rem, & non secundum nomen: quia non conuenit hoc nomen *studiosus* cum hoc nomine *virtus* in eisdem litteris initialibus, & cum hic (vt diximus) non definiat Aristoteles denominatiua secundum nomen solum, nec denominatiua solum secundum rem, sed denominatiua secundum rem & nomen: non mirum, quod talis definitio prædicto denominatiuo non competat.

Q V Æ S T I O I V .

*Vtrum duæ diuisiones antepredica-
mentales recte tradantur
ab Aristotele .*

Postquam in primo capite tres defini-
tiones explicuit Aristoteles, in secun-
do capite duas assignat diuisiones, quas in
hac quæstione intendimus explicare . Pri-
ma diuisio , quod eorum , quæ dicuntur ,
alia cum complexione dicuntur, vt homo
albus, alia sine complexione vt homo .
Cum autem has diuisiones præmittat Ari-
stoteles, & eas quæ cum cōplexione dicū-
tur, excludat à prædicamentis , quia non
vnam rem , sed duas ad diuersa prædica-
menta pertinentes important , vt albus .
hæc diuisio non est nominum sed rerum ,
vt significantur per nomina : ideoque cō-
sultò non dixit , alia sunt complexa, alia
incomplexa, quod nominibus posset accō-
modari, sed alia cum complexione dicun-
tur , alia sine complexione ; quod vtique
rebus, vt significantur per nomina , com-
petit . Secunda diuisio est quadrimen-
bris ; eorum videlicet quæ sunt , alia de
subiecto dicuntur, in subiecto vero non
sunt, vt homo ; alia in subiecto sunt, de
subiecto vero non dicuntur, vt hoc albū ;
alia in subiecto sunt & de subiecto dicun-
tur ,

tur, vt album; alia denique neque in subiecto sunt, neque de subiecto dicuntur, vt Petrus. Subdit autem Philosophus, explicans quomodo in hac diuisione sumitur esse in subiecto, quod illud hic accipitur pro eo, quod est in aliquo non vt pars, & sine illo esse non potest.

2 In hac diuisione quadruplex diuersa rationis virtualiter continetur diuisio. Vnde si inquiratur, qualis sit hæc diuisio, non potest absolute, sed sub distinctione, secundum diuersas, quas virtualiter imbibit diuisiones, responderi. Primo ergo in ea diuisione includitur diuisio, quod eorum, quæ sunt, alia sunt, in subiecto, alia non sunt in subiecto: & cum esse in subiecto pro esse in illo in hæc fuerint intelligatur, est idem ac diuisio entis in substantiã & accidens, quæ utique diuisio analogica est. Secunda quæ continetur diuisio, est quod eorum, quæ sunt, alia sunt vniuersalia, alia singularia: & hæc diuisio est subiecti in accidentia rationis quia intentio vniuersalitatis est accidens rationis, quam competit naturis per operationem intellectus. Tertia inclusa diuisio est, quod vniuersalium, aliud est vniuersale in natura substantiæ, & aliud est vniuersale in natura accidentis, & hæc diuisio potest dici accidentis in subiecta, videlicet intentionis vniuersalitatis in diuersa substracta, quibus competere potest, vel potest dici secundum nostrum authorem in explicatione huius capitis diuisio generis in species:

cies : nā hoc quod est essentialiter quidditatie prædicari de suis inferioribus (qualiter hic sumitur prædicari, seu dici de aliquo) vniocè conuenit substantiæ, & accidenti. Et sicut animal essentialiter prædicatur de homine, & equo, & homo de hoc & illo homine; ita etiam coloratū essentialiter prædicatur de albo, & nigro, & album de hoc & illo albo. Quarta denique diuisio est, quod singulare aliud est in accidenti, & aliud in substantia: & hæc diuisio, cum in illa diuidatur intentio singularitatis in sua substracta, potest dici, sicut præcedens, diuisio accidentis in subiecta, vel generis in species, quia vniocè in ratione singularis singulare substantiæ, & singulare accidentis conueniunt.

3. Sic explicatæ istæ diuisiones, parū aut nihil habent difficultatis. Aduersus secundam tamen obijcies primo, quod differentiarum non videntur claudi in hac diuisione, cum enim licet illæ vere de subiecto dicuntur, ex vna parte non videantur esse in subiecto, quia non omnes differentiarum sunt accidentia, ex alia parte videntur esse in subiecto, quia omnes differentiarum videtur esse in subiecto ad modum formæ, & qualitatis.

Respondetur secundum aliquos (vt refert noster Author) quod in hac etiam diuisione cōtinentur differentiarum: istæ enim dicuntur de subiecto essentialiter, & aliquæ, scilicet differentiarum accidentales, sunt propriè in subiecto, aliæ vero scilicet
diffe-

610 *Lib.6. de antepredicam.*

differentiæ substantiales, non sunt in subiecto, vt hic accipitur esse in subiecto, scilicet inhæsiue, & non vt pars illius: differentiæ autem substantiales in nullo subiecto sunt inhæsiue, & in subiecto, in quo quodam modo sunt, scilicet in specie, quam constituunt sunt per modum partis illius. Licet hoc tamen satis probabiliter dicatur: noster author asserit intentum Aristotelis hic solum fuisse assignare ea, quæ directè ponuntur in prædicamento; & ita sub hac diuisione non comprehendit differentiam: sicut nec meminit eorū, quæ vnius prædicamenti de rebus alterius prædicamenti denominatiue prædicantur.

4 Obijcies secundo falsum esse, quod aliqua sint in subiecto, & de nullo subiecto dicantur: si enim aliquod esset, maxime hoc album: sed illud prædicatione artificiali directæ, & formali de aliquo dicitur v.g. de Petro: ergo.

Respondetur, quod cum singulare accidentis non possit prædicari, nisi de singulari diuersi prædicamenti; non potest de illo prædicari, nisi denominatiue, & de nullo potest prædicari essentialiter: hic autem Philosophus cum loqueretur de his quæ in eodem prædicamento collocantur, solum loquitur de his, quæ de aliquo prædicantur, vel non prædicantur essentialiter: quia solum in eodem prædicamento possunt collocari superiora alijs essentialiter, & indiuiduum, quod omnibus est essentialiter inferius, & nulli est essentialiter superius.

Obij-

5 Obiicies tertio contra descriptionē assignatam ab Aristotele, eius quod est esse in subiecto: quia illa conuenit formæ corruptibili substantiali, utpote quæ est in materia, & non ut pars ipsius materiæ, & absque illa esse non potest. Similiter ea definitio conuenit toti, quod est in suis partibus, & non tanquam pars illarum, & absque illis esse non potest. Et tamen, neque forma substantialis, nec totum proprie dicitur esse in alio: id enim est proprium formæ accidentalis: ergo prædicta descriptio essendi in alio non est bona.

Respondetur ad primam partem argumenti dupliciter. Primo, quod forma est in materia tanquam pars non quidem ipsius materiæ, sed compositi: ad definitionem autem huius, quod est esse in alio, solum requiritur, quod non sit tanquam pars illius, in quo est: sed quod non sit, nec tanquam pars compositi, quod ipsa forma & subiectum in quo est, componunt; id est, quod nec sit pars, nec compars subiecti in quo est.

Secundo respondetur cum Simplicio hic quod in prædicta definitione, in illa particula, *esse in alio*, debet intelligi in alio, id est, in subiecto completo, composito videlicet, cum ergo quamuis forma sit in materia non sit subiectum completum, ideo non cōuenit illi definitio ista; & hæc solutio multum congruit doctrinæ D. Th. & Aristotelis, in quorum sententia subiectum accidentium non est materia prima, sed totum compositum.

Ad

Ad secundam partem argumenti respondetur; in definitione sub illa particula *esse in alio*, intelligi debere in alio vno, non vero in pluribus. Et quia totum non est in vna, sed in pluribus partibus: ideo non conuenit illi hæc definitio, vel descriptio.

Q V A E S T I O V.

Vtrum duæ regule antepredicamentales à Philosopho assignate sint veræ.

D Vas in tertio capite assignat Philosophus regulas antepredicamentales, quarum primam in prima huius quæstionis parte, alteram vero in secunda eiusdè quæst. parte proponemus & explicabimus. Prima igitur regula est, *cum quidpiam, ut de subiecto predicatur, quæ dicuntur de prædicato, dicuntur etiam de subiecto*: ut quia homo prædicatur de Petro, & de homine dicitur animal, etiam animal dicitur de Petro.

2. Hanc regulam licet omnes propter Philosophi authoritatem admittant, varie tamen illam explicant. Primo quidem, quod cum quidpiam de quopiam prædicatur, quidquid quomodolibet vniuersaliter, id est, cum distributione prædicatur de prædicato, etiam prædicatur de subiecto; ut si de homine prædicatur animal, & de

& de omni animali prædicatur album, etiam album prædicatur de homine: ita teste nostro Authore hic, hanc regulam explicat Burleus. Ea tamen explicatio (ait idem noster Author) est nulla. Nam licet verum sit, quod in illa dicitur; non tamen in vi huius regulæ, sed in vi consequentiæ syllogisticæ virtualiter in ea verificatione inclusæ, ad quam facile potest reduci, ut si facias hunc syllogismum in *Darj*, omne animal est album, & homo est animal: ergo homo est albus.

3 Secunda explicatio est, quod quando aliquid dicitur de aliquo, ut de subiecto proprio, quidquid dicitur de prædicato prædicatione alicuius prædicabilis, dicitur etiam de subiecto: ita hanc regulam explicat B. Albertus hic tractatu 1. cap. 6. Aduersus hanc tamen explicationem est, quod homo prædicatur de Petro prædicatione secundi prædicabilis, & de homine prædicatur species prædicatione quinti prædicabilis, ut si dicas, homo est species: & tamen species non prædicatur de Petro; similiter differentia v.g. rationale dicitur de homine prædicatione tertij prædicabilis, & de differentia prædicatur, quod sit substantia incompleta, quod tamen non prædicatur de homine: ac denique risibile prædicatur de homine prædicatione quarti prædicabilis, & de risibili dicitur, quod sit passio hominis, quod tamen non dicitur de homine. In multis igitur prædicta explicatio deficere videtur.

614 *Lib.6. de antepredicam.*

4 Tertia explicatio extendit eam regulam, ut verificetur etiam de prædicatis negatiuis, ut si aliquid de aliquo prædicatur, prædicatum negatiuum, quod prædicatur de prædicato etiam dicatur de subiecto: ut quia animal prædicatur de homine, & de animali prædicatur non insensibile, id etiã prædicetur de homine: seu per propositiones negatiuas, quia animal prædicatur de homine, & de animali vere negatur insensibile; id etiam vere negetur de homine. Ita eam regulam extendunt Auicena & Algazel. Sed nec ea extensio est vera: animal enim prædicatur de homine, & de animali vere negatur, quod sit species a homine, quod tamen non vere negatur de homine.

Vera igitur, & ad mentem Philosophi huius regulæ explicatio est, quam illam explicans assignat cum communi sententia noster author, quod cum quidpiam de quopiam, ut de subiecto, idest quidditatiue prædicatur, quidquid quidditatiue prædicatur de prædicato, quidditatiue etiam prædicatur de Petro, & de homine: quidditatiue prædicatur animal, etiam quidditatiue animal prædicatur de Petro. Quod enim hæc sit vera, genuina, & ad mentem Philosophi prædictæ regulæ explicatio, probatur. Tum ab exclusionem aliarum, quas reiicimus, explanationum. Tum etiam, quia sic illa regula explicata nullas patitur instantias. Tum denique, quia Aristoteles eam statuit regulam, ut

Questio V. 615

cognoscatur, quæ in recta linea in quolibet prædicamento debeant collocari. Sed in recta linea solum ponuntur, quæ quidditative de inferioribus prædicantur: ergo ea regula solum intelligitur de prædicatione quidditativa, ut series cuiuslibet prædicamenti ordinetur: quia enim homo v.g. quidditative prædicatur de Petro & de homine quidditative prædicatur animal, & de animali corpus, & de corpore substantia; omnia hæc superiora prædicata prædicantur quidditative de Petro, & inter se superiora de inferioribus. Et sic per hanc regulam sic explicatam deducitur, quæ in recta linea aliterius prædicamenti debeant collocari: ad quod agnoscendum prædictam regulam invalidit Aristoteles.

17. **A**dversus eam tamen regulam adhuc sic explicatam obijcies primo, quod etiam in prædicationibus non quidditativis tenet hæc regula. Nam hæc consequentia valet in vi eius regulæ, homo est albus, album est disgregativum visus: ergo homo est disgregativus visus: cum enim neutra præmissarum in illa distribuatur, sed sit ex puris particularibus, non potest ea consequentia esse bona in vi alicuius syllogismi: ac perinde solum restat, quod teneat in vi huius regulæ. Sed prædicatum album non prædicatur quidditative de homine. Perperam igitur limitatur hæc regula ad prædicata quidditativa.

Respondetur. negando maiorem; immo præ-

predicta consequentia tenet virtualiter in vi syllogismi facti in *disamis*, nam cum illa minor, *album est disgregatiuum visus*, sit in materia naturali, in qua indefinita æquiualeat vniuersali, æquiualeat huic, *omne album est disgregatiuum visus*: & ex illa maiori, *homo est albus*, per conuersionem simplicem sequitur hæc, *album est homo*. Vnde in predicta consequentia includitur virtualiter iste syllogismus in *disamis*, *album est homo, omne album est disgregatiuum visus, ergo homo est disgregatiuum visus*: & ita predicta consequentia in vi huius syllogismi virtualiter ibi inclusi tenet, & non in vi huius regulæ

7 Obijcies secundo, etiam in predicatis quidditatiuis eam regulam instantiam pati, nam in diuinis, non solum essentialiter, sed suo modo quidditative Deus dicitur de Filio, & Pater de Deo. Et tamē pater non vere predicatur de Filio, & hæc est mala consequentia, *Filius est Deus, Deus est Pater, ergo Filius est Pater*. Regula igitur etiam in predicatis quidditatiuis, non est vniuersaliter vera.

Respondetur eam regulam vniuersaliter verificari, nisi aliunde ratione alicuius appellationis impediatur eius verificatio, sicuti impeditur in consequentia in argumento facta, quia in illa arguitur ab identica ad formalem. Quamuis enim Pater & Filius identificentur formaliter cum essentia, distinguatur ratione ab illa: ac perinde magis identicum, & minus forma-

malem sensum faciunt præmissæ dictæ consequentiæ, quam consequens illius, & ob id arguitur, ut dixi, ab identica ad formalem, qui defectus ad variationem appellationis reducitur.

8. Obijcies tertio, quod si iuxta eam explanationem in aliquibus prædicatis teneret regula, maxime quod quia homo prædicatur quidditative de Petro, & animal prædicatur quidditative de homine, animal prædicetur quidditative de Petro, & hæc sit bona consequentia, Petrus est homo, homo est animal, ergo Petrus est animal. Sed ea consequentia non est bona; ergo neque in eis prædicatis tenet hæc regula. Minor probatur, quia illa consequentia instatur in simili forma: hæc enim est similis formæ homo est animal, animal currit: ergo homo currit, in qua si equis currentibus, nullus homo currat, maior & minor sunt veræ, & consequens est falsum.

Respondetur, negando quod in illis prædicatis non teneat regula, neq; ad id requiritur, quod consequentia in illis facta sit formalis (id enim convincit argumentum) sed sufficit, quod sit materialis, & valeat in tali materia: id enim ad intentum sufficit Philosophi, qui solum voluit, quod si aliquod prædicatum de aliquo quidditative prædicatur, quod prædicatur quidditative de prædicato, etiam prædicetur quidditative de subiecto. Et huius nisi ratione alicuius appellationis nulla dabitur instantia.

9 In secunda parte huius questionis explicandam diximus secundam regulam Philolophi, illa ergo est bimenbris asseritque *diuersa genera non subalternatim posita diuersas specificè habent differentias, genera vero, quorum vnum sub altero collocatur, non inconuenit, easdem habere differentias.* Vt autem hæc regula explicetur, aliqua aduersus utramque illius partem obijciamus.

10 Aduersus primam igitur partem obijcies, quod animal terrestre, & volucres sunt genera diuersa animalis, quorum vnum sub altero non collocatur: & tamē non habent differentias specie diuersas, sed aliquas easdem: differentię enim animalis terrestris sunt bipes, & quadrupes, quę etiam sunt differentię volucrum: plures enim sunt bipedes, & aliquę quadrupedes, vt gryphi: ergo prima pars regulę est falsa. § Confirmatur primo, quia corpus de predicamento substantię, & corpus de predicamento quantitatis sunt genera diuersa, quorum vnum sub altero non collocatur, quia pertinent ad diuersa predicamenta, & tamen habent easdem differentias: vtriusque enim corporis differentię sunt longitudo, latitudo, & profunditas: ergo. § Confirmatur secundo, quia genera generalissima, vt substantia, & qualitas, sunt genera diuersa, quorum vnum sub altero non collocatur. Et tamen non habent differentias specie diuersas, quia non habent differentias: ergo.

II. Ad-

11. Aduersus secundam autem partem regulæ obijcies, quod genera subalternatim posita, v. g. animal & viuens, quorū vnum scilicet animal collocatur sub altero, scilicet sub viuente, nec possunt habere eandem differentias diuisiuas, nec constitutiuas. Falso igitur habet secunda pars regulæ, quod genera subalternatim posita possunt habere eandem differentias. Antecedens probatur: nam differentie diuisiuæ viuētis sunt sensibile & insensibile, quæ nullatenus sunt differentie diuisiuæ animalis, sed differentie diuisiuæ illius sunt rationale, & irrationale. Similiter differentia constitutina viuētis est animatum. Sed hæc non est constitutina animalis, sed potius sensibile, quod addit aliquid supra animatū: alias omne viuens esset animal: ergo prædicta duo genera, nec possunt habere eandem differentias constitutiuas, nec diuisiuas.

12. Circa hæc argumenta & explanationem vtriusque partis regulæ sunt diuersæ sententiæ, sed illis omnis, respondetur ad obiectionem contra primam partem cum nostro Authore, & communi sententia, quod cum dicitur in prima parte regulæ, quod genera diuersa, non subalternatim posita, debent habere diuersas specie differentias, debet intelligi de generibus ita diuersis, quod vnum non collocetur sub altero, nec ambo sub vno tertio: animal autem volucre & terrestre licet vnum non collocetur sub altero.

altero, ambo tamen collocantur sub vno tertio; scilicet animali; & ita bene possunt easdem habere differentias.

§. Ad primam confirmationem respondetur negando, quod corporis de prædicamento substantiæ differentiæ sint longitudo, latitudo, & profunditas; tales enim differentiæ solum sunt corporis de prædicamento quantitatis: hoc enim nomen corpus est æquiuocum ad corpus de prædicamento substantiæ & ad corpus de prædicamento quantitatis. §. Ad secundam confirmationem respondetur, regulam debere intelligi in generibus habentibus proprias differentias, qualiter illas non habent genera generalissima: potest tamen ampliari regula, ut saltem talia genera debeant habere diuersos modos.

13 Ad obiectionem aduersus secundam partem regulæ respondetur cum nostro Authore, quod ea secunda pars regulæ debet intelligi, quod genera subalternatim posita debent habere easdem differentias, id est, quod differentia constitutiva generis inferioris sit diuisiua generis superioris. Et secundum hanc intelligentiam, non habet locum obiectio facta, & per hanc intelligentiam distinguuntur genera subalternatim posita, à generibus non subalternatim positis: quia in his differentiæ constitutivæ & diuisivæ vnius non possunt esse nec constitutivæ, nec diuisivæ alterius.

QVÆSTIO VI.

Quid & quotuplex sit analogum, & quas habeat proprietates.

A Nalogorum naturam ita cognitu necessariam existimavit Caietanus, ut in speciali, quod de illa edidit opusculo, dixerit, nullum absque illius cognitione metaphisicam posse addiscere, & plures ex illius ignorantia in alijs scientijs errores scaturire; unde accurate est à nobis tractanda, in qua tria faciemus, primò definitionem, diuisionem, & proprietates analogorum in hac quaestione proponemus, & explicabimus: deinde eadem in sequentibus quaestionibus examinabimus: ac denique de analogia entis, ut in illo tanquam in difficiliore exemplo, quæ de analogia dixerimus, lucidiora fiant, pertractabimus.

2 Analoga igitur, cum sint média inter vniuoca, & æquiuoca, ea dicuntur, quorum nomen est commune, ratio vero substantia nomini accommodata est partim eadem, & partim diuersa: adeit analoga dicuntur illa, quæ in ratione significata per nomen, illis commune, neque habent omnimodam diuersitatem, sicut æquiuoca, nec omnimodam vnitatem & convenientiam,

ueniens. sicut.
tiam, & m. 13

622 *Lib.6. de antepredicam.*

tiam, sicut vniuoca, sed diuersitatem cum aliqua conuenientia.

3 Diuiditur analogia in analogiam inæqualitatis, attributionis, & proportionalitatis. Analoga inæqualitatis dicuntur, *quorum nomen est commune, ratio vero per illud significata est omnino eadem, inæqualiter tamen participata*, verbi gr. homo & equus, vt significantur per nomen *animal*, analoga sunt inæqualitatis; quia præterquam quod habent nomen commune, ratio per illud significata, scilicet animalitas, omnino est eadem; eiusdem enim omnino rationis abstrahitur animalitas ab homine & equo: inæqualiter tamen participatur ab analogatis; homo enim cum maiori perfectione essentiali participat rationem animalis, quã equus. Etsi contrapositio fiat ad hanc analogiam, solum indiuidua eiusdem speciei athomæ, vt significantur per nomen specificum, sunt vniuoca: quia sola illa præter nomen commune habent rationem omnino eandem & æqualiter essentialiter participatã, & hanc analogiam vocat D. Th. in 1. dist. 19. quæst. 5. artic. 1. ad 1. analogiam secundum esse, & non secundum intentionem, idest, quod si ratio, quæ vocatur analogia inæqualitatis, accipiatur secundum intentionem, idest, secundum quod per intellectum abstracta ab inferioribus, talis ratio vt sic nullam habet analogiam; quia nullam habet, vt sic abstracta diuersitatem; dicitur tamen secundum rem, vel

vel secundum esse analogia, quia a parte rei talis ratio reperitur inæqualiter participata, quatenus contrahitur, & determinatur per differentias inæquales.

4 Hinc sequitur intellectio eius, quod ibidem dicit D. Thomas¹, quod analogia inæqualitatis non dicuntur analogia apud logicum; quia ille considerat res prout abstractas per intellectum ab inferioribus, & sub illa ratione nulla reperitur in eis diuersitas, sed omnimoda vnitas. Dicuntur tamen analogia apud Phisicum; ille enim considerat res, vt sunt a parte rei, & ita cum huiusmodi rationes a parte rei cum vnitate, quam habent, habeant etiam diuersitatem participationis apud illum dicuntur analogia. Vnde communiter hæc analogia in æqualitatis appellatur analogia phisica, ad differentiam analogiæ attributionis, & proportionalitatis, quæ cum rebus, vt sunt in intentione, seu per intellectum abstractis competat, analogia appellatur logica.

5 Sequitur etiam, huiusmodi analogiam inæqualitatis non proprie, sed abusive tantum esse analogiam: propria enim analogia in ratione communi, & superiori per intellectum abstracta debet reperiri, quatenus illa etiam sic abstracta nõ omnimodam dicit vnitatem; sed potius diuersitatem cum aliqua vnitate & conuenientia; quod cum in analogia inæqualitatis non reperiatur; illa non est proprie & simpliciter analogia, sed improprie tantum &

secundum quid, & simpliciter est uniuocatio, licet in ratione uniuocationis, non ita sit perfecta sicut ea, quæ inuenitur in specie atomi respectu inferiorum æqualiter essentialiter rationem specificam participantium. Vnde hac analogia relicta ad alias transeamus.

6 Sunt igitur analogia attributionis, quorum nomen est commune, ratio autem secundum illud nomen est eadem secundum terminum, & diuersa secundum habitudinem ad illum. Vt sanum, nomen est commune animali, urini, & medicinæ; omnia enim ista dicuntur sana, & ratio per hoc nomen significata est eadem secundum terminum, & diuersa secundum habitudinem ad illum: eademmet enim sanitas est, quæ diuersimode respicitur ab animali, urina, & medicina: ad unam enim eandemque sanitatem existentem in animali animal dicitur habitudinem ut subiectum, in quo intrinsecè & formaliter recipitur sanitas; urina vero ut signum illius; & denique medicina ut eius causa; & sic hæc tria analogantur analogia attributionis, ut significantur per hoc nomen sanum.

7 Hanc analogiam appellat D. Thomas loco cit. in reseruentiarum analogiam secundum intentionem tantum, & non secundum esse: quia cum ratio analogia formaliter & intrinsece non sit nisi in unico analogato, nullam à parte rei potest habere diuersitatem; sed habet illam secundum eam rationem, qua per intellectum confi-

de-

itur ut diuersimode respecta ab ana-
logatis.

Analogia huiusmodi attributionis
dicitur (ut ex D. Th. doctrina r.p.q. 13
r. in corpore colligitur) in analogiam
unum, vel plurium in ordine ad unum
unum, ut analogia sani dicti de urina,
medicina & animali : urina enim, & me-
dicina analogantur in ordine ad unum ter-
minum, scilicet ad sanitatem animalis : & in
analogiam unius ad alterum, qualiter ana-
logatur accidens cum substantia, quia ac-
cidens dicitur ens per ordinem, & habitu-
em ad substantiam.

Quatuor proprietates, seu conditio-
nes huiusmodi analogie attributionis so-
nt assignari. Prima quod ratio signifi-
cat per nomen analogum in unico tantum,
principaliori videlicet analogato intrinsece
reperiatur, in alijs autem solum per extrin-
secam denominationem, & respectum ad
illud. Secunda proprietas est, quod termi-
nus, in ordine ad quem analogata dicunt
similitudinem, debet esse unus non solum
nomine, sed etiam realiter numerice, id est,
illud cum non reperiatur intrinsece, nisi
in analogato, ad multiplicationem alio-
rum analogatorum minus principalium
debet realiter multiplicari, sed idem
modo diuersimode ab analogatis re-
bus manere. Tertia proprietas est,
illud si analogatum, vel analogata
sunt principalia definiantur, eius vel
illius definitionem ut sic debet ingredi

analogatum magis principale. Quarta proprietas, quod nomen analogum attributionis nihil commune significet omnibus analogatis, & consequenter nulli ei conceptus formalis, vel obiectiuus omnibus analogatis communis, correspondet.

10 Analoga denique proportionatatis sunt, *quorū nomen est cōmune ratio uel nomini accommodata est proportionabilitas eadem*, ut visus dictus de visione corporali & intellectione: quia sicuti videre, corporaliter se habet, sit proportionabiliter & intelligere. Et huiusmodi analogiam appellauit D. Thom. loco citato in 1. sententiarum analogiam secundum intentionem, & secundum esse, quia tam in ratione communi abstracta, quam à parte rei in analogatis reperitur diuersitas cum convenientia, & unitate.

11 Diuiditur autem huiusmodi analogia in propriam, & metaphoricam. Propria est, quando nomen commune: utriusque analogatorum de utroque proprie, & absque metaphora dicitur, ut *principium* dictum de corde, & de fundamento domus. Analogia vero metaphorica est, quando nomen illud cōmune de vno analogatorū proprie, de altero vero per metaphoram dicitur, ut ridere respectu risus honoris & amoenitatis prati: illius enim floriditas, seu amoenitas metaphorice tantum dicitur risus, & pratum metaphorice dicitur ridere.

Cum

2. Cum huiusmodi analogia ab analogatis attributionis sint formaliter diuersae, diuersas itidem debent habere proprietates. Quatuor ergo illis, sicut & analogis attributionis, tribui solent. Prima, quod ratio analogica intrinsece reperitur in omnibus analogatis. Secunda, quod ratio analogica non sit in numero in omnibus analogatis, sed multiplicetur reuera ad realem multiplicationem cuiuslibet illorum. Tertia, quod in definitione eius analogari non oportet, quod alteri ingrediatur. Quarta, quod nomen analogum significat aliquid commune, formaliter repertum in omnibus analogatis.

3. Ex dictis tria breuiter deducuntur. Primum, quod abstrahitur quidem analogum ab analogatis, diuersimode tamen, ut quod uniuocum ab uniuocatis, ratio enim uniuoca potest intelligi, non intellectis uniuocatis, verbi gratia ratio animalis potest intelligi, nullatenus intellectis homine, & equo, &c. at ratio analogica non potest sic abstrahi ab analogatis, sed abstrahitur ratio analogica, ut continens rationes analogatorum; ut proportionantes, ab eisdem analogis absolute sumuntur.

4. Sequitur secundo, quo analogum predicatur de analogatis, non secundum tantum sicut æquiuocum de æquiuocatis: quia analogum aliquid præter commune analogatis, nec ut uniuocum de uniuocatis, quia ana-

628 *Lib. 6. de antepredicam.*

logum non dicit vnā rationem simpliciter vnā analogatis, sicut illam dicit vnū uocum vniuocatis; sed prædicatur analogum ut dicens in actu, licet implicite & confuso, omnes rationes analogatorum, proportionantur, de ipsius analogatis, dicentibus easdem rationes explicite.

15 Tercio denique sequitur, quod de analogis vere potest esse scientia. Quamuis enim analogi non habeant unitatem simpliciter; habent tamen unitatem proportionis, quæ sufficit, ut de illis sit scientia, & illa possint esse medium in demonstratione.

QVÆSTIO VII.

Vtrum præcedentes diuisiones analogorum sint bonæ?

Dico primo. Adequate, analogice tamen diuiditur analogia in analogiam inæqualitatis, attributionis, & proportionalitatis. Oppositum primæ parti conclusionis aliqui tenent, eo quod analogi inæqualitatis, cum simpliciter sint vniuoca, non debent analogi appellari, nisi inter membra diuisionis analogiæ connumerari. Sed eam diuisionem facit D. Thomas loco in præcedenti questione citato nempe in 1. distinct. 9. quæst. 5. art. 2. ad diuidens analogum in analogum secundum

in rem tantum, sub quo, ut vidimus, analogia inæqualitatis intelligitur; & in analogum secundum intentionem tantum, quod est analogum attributionis; & in analogum secundum rem, & intentionem, quod est analogum proportionalitatis. patet eadem pars conclusionis; quia si analogum accipitur in tota sua latitudine, ut contra ponitur perfectissimo vniuocum, in tria præfata membra adæquate diuiditur, quia non dantur alia, & ea rationem sic communem analogiæ participant: analogum enim inæqualitatis (de quo solū test esse dubium) licet sit absolute vniuocum, non tamen est perfecte vniuocum, quia perfecta vniuocatio omnem inæqualitatem & diuersitatem participationis excludit, & ita analogum inæqualitatis participat communissimam rationem analogi, ut perfectissimæ vniuocationi cōpositam. Secunda autem pars conclusionis, eam videlicet diuisionem esse analogam, patet; quia analogia inæqualitatis in est simpliciter analogia, cum simpliciter licet non perfectissime sit vniuocatio: ergo analogice conuenit in ratione analogiæ cum analogia attributionis, & proportionalitatis, quarum altera saltem, scilicet analogia proportionalitatis, simpliciter rationem analogiæ participat.

2. Dico secundo. Analogum logicum adæquate diuiditur in analogum attributionis, & proportionalitatis. Opposita tenent aliqui: alij quidem ut Her-

baus quodlibeto 2. q.3. quia existimant, omnia analogia logica esse analogia proportionalitatis: alij autem ex opposito, quia putant, omnem analogiam logicam esse attributionis, & vtriusque sententia, vt videbimus, non leuia inueniuntur fundamenta. Conclusio tamen est communis & colligitur in primis ex diuisione analogia D.Thoma facta, in qua licet analogum in tria membra diuidat, asserens, analogiam inaequalitatis non esse analogiam logicam, consequenter intendit analogiam logicam adaequate in praedicta duo membra diuidi.

3. Ratione autem probatur, nam praedictae duae analogiae adaequate exhaustiunt totam confusionem analogi, & suis saltem rationibus formalibus opponuntur. Optime igitur & adaequate in illas analogum & analogia diuiditur. Consequenter patet: & antecedens quoad primam partem probatur, nam ratio analogi, quae abstracta ab analogatis est partim eadem, & partim diuersa, vel est intrinsece in omnibus analogatis, vel intrinsece tantum in vno & extrinsece in alijs inter haec enim non datur medium (non enim potest aliqua ratio analogi esse, quae in nullo analogatorum intrinsece reperiatur) sed si ratio analogi intrinsece in omnibus analogatis reperitur, est analogia proportionalitatis. Si vero intrinsece in vno tantum, & extrinsece in alijs reperitur, est analogia attributionis. Adaequate
igi-

igitur per hæc duo membra analogum logicum diuiditur. Secunda autem pars antecedentis, quod tales videlicet analogiæ his saltem rationibus formalibus opponantur, probatur nam diuersas habent definitiones, & proprietates, vt præcedenti quæstione aliququaliter vidimus, & ex sequentibus amplius patebit. Vnde si aliquando cōtingat, vtrunque analogiam in eodem materiali coincidere; adhuc tamen secundum diuersas rationes formales vtraque prædicta analogia formaliter distinguitur.

4 Dico tertio, analogum logicum in prædicta duo membra analogice diuiditur. Conclusio est D. Caietani, qui solum analogiam proportionalitatis appellat proprie, & simpliciter analogiam, immò videtur deduci ex D. Thoma, qui testimonio sæpius allegato ex primo sententiarum asserit, analogiam proportionalitatis esse analogiam secundum rem, & secundum intentionem, analogiam vero attributionis esse analogiam secundum intentionem tantum. Sed illa solum videtur esse simpliciter analogia quæ est secundum esse, & secundum intentionem. Sentire igitur videtur D. Thomas, solum analogiam proportionalitatis esse simpliciter analogiam: ac perinde, quod in illam, & analogiam attributionis analogice diuiditur analogia, sicut quælibet ratio cōmunis, quæ simpliciter vni tantum ex membris diuidentibus competit.

632 *Lib.6. de antepredicam.*

5 Obiicies primo, quod omnis analogia logica est proportionalitatis. Perperam igitur assignatur membrum huius diuisionis altera analogia ab analogia proportionalitatis distincta. Antecedens probatur. Nam si aliqua esset analogia, non proportionalitatis, maxime analogia *sani* respectu sanitatis animalis, vrinae, & medicinae, sed ea est analogia proportionalitatis: ergo nulla datur analogia, quae non sit proportionalitatis. Minor probatur, quia ea analogia est analogia metaphorica, Sed omnis analogia metaphorica est proportionalitatis: ergo omnis est proportionalitatis. Maior patet, quia vrina, & medicina non proprie, sed metaphorice dicuntur sana: ergo earum analogia est metaphorica.

6 Respondetur, negando antecedens, & ad probationem, negatur etiam, eam analogiam esse metaphoricam. & vrinam dici metaphorice sanam, quamuis extrinsece talis dicatur, iamò quod metaphorice dicitur tale, non dicitur extrinsece, sed per aliquam similitudinem impropria, quam non dicit sanum & vrina, sed per propriam rationem signi, & causae sanitatis dicuntur sana.

7 Obiicies secundo ex opposito, quod omnis analogia logica est attributionis. Perperam igitur assignatur membrum diuidens analogiam logicam analogia proportionalitatis ab analogia attributionis distincta. Antecedens probatur, quia

quia analogia attributionis sunt, cum ratio analogica in vno analogato reperitur intrinsece; in alijs autem solum per extrinsecam denominationem. Sed omnia analogica sunt huiusmodi, ergo omnia illa sunt analogica attributionis. Minor expresse habetur à D. Thoma 1. part. quaestione 26. art. 6. in corpore per hæc verba: *Ad cuius evidetiam sciendum est, quod quando, aliquid predicatur uniuoce de multis, illud in quolibet illorum secundum propriam rationem inuenitur, sicut animal in qualibet specie animalis. Sed quando aliquid dicitur analogice de multis, illud inuenitur secundum propriam rationem in vno eorum tantum, à quo alia denominantur.* Ex quibus verbis aperte constat rationem analogicam in vno tantum analogato intrinsece reperiri, & ab illa alia analogata extrinsece denominari talia. Nec relinquitur locus D. Thomam, explicandi, ut loquatur non de omnibus analogis, sed de analogis tantum attributionis: nam ut ex contextu constat, loquebatur de analogis, ut uniuocis contraponuntur: ergo cum analogica omnia logica uniuocis contraponantur, de omnibus illis loquebatur ibi D. Thomas.

8 Confirmatur. Proprium est analogorum attributionis, quod ratio analogica sit vna secundum numerum: hæc enim est secunda analogorum attributionis proprietas. Sed id omnibus analogis competit: ergo omnia sunt analogica attributionis.

tionis. Minor probatur: nam ita asserit
 Diu. Thomas 1.2. part. quæstion. 20. art. 3.
 ad 3. vbi ita expresse ait: *Quando aliquid
 deriuatur ab vno in alterum secundum ana-
 logiam, vel proportionem, tunc est vnum
 tantum numero; sicut à sano; quod est in
 corpore animalis, deriuatur sanum ad medi-
 cinam, & urinam, nec alia sanitas est me-
 dicina, & urina, quam sanitas animalis,
 quam medicina facit, & urina significat.*
 Nec etiam potest dici, ibi loqui D. Tho-
 mam de solis analogis attributionis: nam
 vt contextu patet, loquebatur de analo-
 gis, vt contrapositionis ad vniuoca, & con-
 sequenter de omnibus analogis.

9 Vt huic & sequenti obiectioni re-
 spondeamus, est supponendum, quod cum
 analogæ sint media inter vniuoca, & æqui-
 uoca; ad illud extremum, ad quod magis
 accedunt, aliquando reduci, & illius no-
 mine appellari solent. Vnde, quia analo-
 gæ attributionis, licet re vera mediant inter
 vniuoca, & æquiuoca, magis accedunt
 ad æquiuoca, eo quod minimam dicunt
 vnitatem; aliquando nomine æquiuocorum
 comprehenduntur: è contrario autem,
 analogæ proportionalitatis, vtpote quæ
 maiorem important vnitatem magis ad
 vniuoca accedunt, & consequenter nomi-
 ne vniuocorum aliquando comprehen-
 duntur. Quo supposito ad argumentum
 respondetur, solutionem ibi insinuatam,
 in testimonio videlicet in illo adducto lo-
 que D. Thomam de analogis solum attri-
 bu-

tributionis, esse optimam. Nec obiectio aduersus hanc, explicationem illam labefactat, ut enim ex præ iacto notabili constat, cum analogia attributionis aliquando nomine æquiuocorum comprehendantur, & analogia proportionalitatis nomine vniuocorum: loquens D. Thomas de analogis, ut vniuocis contraponuntur, de analogis solum loquebatur attributionis. §. Nec aduersus hanc explicationem facit, loqui ibi D. Thomam de veritate, ut de creata & increata dicitur, quæ ut sic analogum est proportionalitatis. Hoc, inquam, non obstat, nam ut in sequentibus ostendemus, veritas sicuti & ens de creato, & increato, utraque dicitur analogia, attributionis, & proportionalitatis.

10 Ad confirmationem respondetur negando omni competere analogiæ, quod ratio analogia sit vna secundum numerum. Et ad locum D. Thomæ respondetur similiter, ibidem solum loqui de analogis attributionis, quæ cum magis ad æquiuoca accedant, vniuocis contra posuit D. Thomas.

11 Obiicies tertio. Analogia, in quorū definitione minus principalis analogati oportet magis principale ingredi, sunt analogia attributionis: hæc est enim tertia illorum proprietas. Sed id verificatur de omnibus analogis: ergo omnia illa sunt analogia attributionis. Minor probatur, nam id expresse habet D. Thomas 1. part. quaest. 13. art. 6. in corpore, & 16. in corpore

vbi

onis.
e habet D.
16. in corpo

636 Lib. 6. de antepredicam.

vbi ita asserit: Respondeo dicendum, quod in omnibus nominibus, quæ de pluribus analogice dicuntur, necesse est, quod omnia dicantur per respectum ad vnum; & ideo illud vñ oportet, quod ponatur in definitione omniū.

12 Ad hanc obiectionem plura in sequentibus huiusmodi conditiones examinantur dicemus. Pro nunc negandum est, in omni analogia oportere, quod vnum analogatum in alterius ponatur definitione. Vnde ad locum D. Thomæ dicitur, Doctorem Sanctum nequaquam de omni locutum fuisse analogia: nam ipse de veritate quæst. 2. art. 11. ad 6. expresse negat, in omni analogia esse necessarium, quod vnum analogatum in definitione ponatur alterius. Vnde dicendum est, in præfato loco primæ partis locutum fuisse D. Thomam de solis analogis attributionis, quæ quia magis accedunt ad æquiuoca, illa vniuocis, & analogis proportionalitatis, quæ ad vniuoca magis accedunt, contraponit.

13 Obijcies quarto, quod omnis analogia diuiditur in analogiam vnius ad alterum, & plurium ad vnum tertium: ergo omnis est analogia attributionis. Patet consequentia: nam per illa membra diuiditur analogia attributionis. Antecedens vero probatur: nam ens vt dictum de Deo, & creatura, quantumuis formaliter accipiat, subiit analogiam vnius ad alterum, prout autem est analogum ad decem prædicamenta, induit analogiam

giam plurium ad vnum tertium, nouem, videlicet prædicamentorum ad substantiam: ergo omnis analogia diuiditur in analogiam vnius ad alterum, & plurium ad vnum tertium.

14 Respondetur, non solum analogiam attributionis diuidi in analogiam vnius ad alterum & plurium ad vnum, tertium (tamen si ea diuisio vt in notiori exemplo in analogia attributionis communiter fiat) sed potest etiam simili diuisione diuidi analogia proportionalitatis: & sic ex eo, quod omnis analogia diuidi possit in analogiam vnius ad alterum, & plurium ad vnum tertium, nullum firmum habetur fundamentum ad probandum, omnem analogiam esse attributionis.

QVÆSTIO VIII.

Vtrum definitio analogorum attributionis sit bona?

Resolutorie est dicendum, optime definiiri analogia attributionis, quod sint ea, quorum nomen est commune, ratio autem secundum nomen est eadem secundum terminum, & diuersa secundum habitudinem ad illum. Oppositum huius conclusionis tenentur asserere qui, vt vidimus, quæstione præcedenti, existimant omnem analogiam logicam esse proportionalitatis, & alij, qui (vt videbimus quæstione

638 *Lib. 6. de antepredicam.*

sequenti) asserunt, non in omnibus analogis attributiones reperiri rationem analogam in vno tantum analogato intrinsece, & in alijs solum extrinsece. Sed conclusio cum D. Caietano opusculo denominationum analogia, cap. 2. est fere omnium communis, & non aliter melius, quam eam explicando definitionem, probatur. Cum enim analogia attributionis, & ab uniuocis, & æquiuocis, & ab analogis etiam proportionalitatis formaliter distinguantur, per illam proprie recteque definitionem eorum explicabitur natura, in qua & id per quod cum omnibus illis conuenit, & id etiam per quod ab illis formaliter distinguitur, explicetur: vtrumque autem in prædicta definitione reperitur: per hoc enim quod est nomen habere commune, cum omnibus his analogia attributionis conueniunt: per id autem, quod est habere rationem eandem secundum terminum, ab æquiuocis distinguuntur, quæ nullam dicunt rationem eandem, imò & per id etiam distinguuntur ab analogis proportionalitatis, quia in illis ratio importata per nomen, licet sit eadem tantum proportionaliter, in omnibus tamen analogatis reperitur; unde non potest esse eadem secundum terminum, aliàs solum posset reperiri, sicut in analogis attributionis, in vno analogato intrinsece, in alijs autem per extrinsecam denominationem: & denique per hoc, quod est illam rationem, quam analogum dicit at-

tri-

tributionis, esse diuersam secundum habitudinem ad terminum, distinguuntur ab vniuocis, quæ nullam secum diuersitatem compatiuntur: prima igitur est præfata analogorum attributionis definitio. Vt tamen magis patefiat, illam aliquibus obiectionibus examinemus.

2. Obijcies primo, quod vt ex D. Thoma quaestione præcedenti in secunda obiectione adduximus, hoc quod est analogia dicere vnā rationem secundum terminū, & diuersam secundum habitudinem ad illum, in quo definito analogorum attributionis consistit, omni analogia conuenit, non ergo per id, vt pote omnibus analogis commune, recte definitur analogam attributionis.

Respondetur, quod vt in eadem quaestione præcedenti in solutione ad eandem secundam obiectionem ostendimus, Diu. Thomas in eo loco loquitur solum de analogis attributionis; & ita id testimonium potius confirmat hanc esse illorum specialem, & propriam definitionem.

3. Obijcies secundo, quod si in analogis attributionis esset realiter eadem ratio secundum terminum, sequeretur, dari à parte rei aliquam rationem vnā, quæ de pluribus dicatur: v.g. sanitas, quæ est in animali, quæ de ipso animali, vrina, & medicina dicatur. Hoc autem, est impossibile, alias daretur vniuersale in rebus; illa enim tunc ratio à parte rei esset vna in multis, & de multis: ergo.

Re-

Respobdetur, non inde sequi, dari à parte rei aliquam rationem vnā, quæ de pluribus intrinsece dicatur, sed solum prædicatur de vno tantum intrinsece, et de alijs extrinsece. Id autem non inconuenit, nec ex illo sequitur, dari naturam vniuersalem à parte rei, qualem illam ponebat Plato, et qualem supra negauimus, quia ad id esset necessarium, quod daretur aliqua natura vna, quæ intrinsece, et formaliter esset in pluribus, intrinseceque, et formaliter de omnibus illis prædicaretur.

4 Obijcies tertio, quod sanum dictum de animali, vrinæ et medicina est analogum attributionis, vt apud omnes pro certo supponitur. Et tamen non dicit vnā rationem secundum terminum, sed diuersas habitudines ad sanitatem animalis repectas in quolibet analogatorum, sed vnā rationem communem habitudinis à proprijs analogatorum habitudinibus abstractam. Ergo non recte definiuntur analogia attributionis per hoc, quod dicant eandem rationem secundum terminum. Antecedens probatur, nam hoc nomen *sanum* dictum de vrinæ, et medicina importat habitudines vrinæ, et medicinæ ad sanitatem animalis: ergo non dicit vnā rationem secundum terminum, scilicet vnā sanitatem, sed diuersas habitudines ad illam, seu vnā habitudinem communem abstractam ab habitudinibus particularibus. Antecedens habetur expressum à

D. Tho-

Quaestio VIII. 641

D. Thoma 1. part. quaestion. 12. art. 5. in fine corporis articuli, qui ita ait: *Sic sanum de vrina dictum significat signum sanitatis animalis; de medicina vero dictum significat causam eiusdem sanitatis*. Sentit ergo D. Thomas, sanum de vrina, & medicina dictum significare habitudines ad sanitatem animalis.

Respondetur, negando, quod sanum dicat habitudinem ad sanitatem, sed dicit solum sanitatem: hæc enim est differentia inter hoc nomen *sanum*, & hoc nomen, respiciens sanitatem, quod *sanum* dicit sanitatem; quæ cum solum intrinsece reperitur in animali, solum illud denominat intrinsece: vrinam autem, & medicinam solum denominat extrinsece, quatenus ipsam sanitatem animalis respiciunt. Vnde talis illarum respectus est quidem fundamentum, ut ab hoc nomine *sano* denominentur; non tamen ab ipso respectu ad sanitatem sana denominantur, sed ab ipsa sanitate existente in animali. Hoc autem nomen *respiciens sanitatem*, significat respectum ad sanitatem, qui cum non solum intrinsece in vrina, & medicina, sed simpliciter reperitur, hoc nomen *respiciens sanitatem*, significat respectum, communem (& ut existimo uniuocum) ad respectum vrinæ, & ad respectum medicinæ abstractum. Et ita relinquitur, quod hoc nomen *sanum* dictum de animali, vrina, & medicina sit analogum attributionis, & dicat rationem unam secundum terminum,

642 *Lib. 6. de antepredicam.*

num, & diuersam secundum habitudinem ad illum. Vnde ad testimonium D. Thomæ respondetur, non esse intelligendum, quod sanum dictam de vrina, & medicina, formaliter dicat ipsos respectus vrinæ, & medicinæ ad sanitatem, sed solum formaliter dicit sanitatem; fundamentaliter autem, vt vrinam, & medicinam denominet sanam, præsupponit in illis respectum ad sanitatem, aliàs eadem formaliter esset significatio huius nominis *sanum*, & huius nominis *respiciebat sanitatem*, quod est falsum.

QVÆSTIO IX.

Vtrum prima proprietas analogorum attributionis in omnibus analogis attributionis saluetur?

Resolutorie est dicendum; primam proprietatem analogorum attributionis, videlicet quod ratio analogica in vno tantum analogato intrinsece, in alio vero solum extrinsece reperiatur, in omnibus analogis attributionis formaliter vt analogica attributionis sunt, verificari. Oppositum aliqui tenent existimantes eam proprietatem in aliquibus analogis attributionis, in his præcipue quæ simul sunt analogica proportionalitatis, nullatenus re-
pe-

periri. Sed conclusionem tenet Caieta-
nus, & alij communiter, & colligitur ex
D. Thom. 1. part. quæstion. 13. art. 6. &
quæstion. 16. art. 6. in corpore, vbi hanc
tribuit analogis proprietatem. Et vt ex-
plicuimus in duabus quæstionibus præce-
dentibus, loquitur ibi solum de analogis
attributionis: sentitque perinde hanc esse
illorum proprietatem.

2. Probatur autem primo conclusio ex
ipsa essentia, et definitione analogorum,
attributionis, ad quam immediate hæc il-
lorum resultat proprietas, quia in analo-
gis attributionis ratio significata per no-
men debet esse eadem secundum terminum,
(id enim ex definitione huiusmodi analo-
gorum constat.) Ergo non potest intrin-
sece reperiri in omnibus analogatis, in-
trinseceque de illis prædicari, et conse-
quenter solum in vno analogatorum in-
trinsece, in alijs vero extrinsece reperiri-
tur. Consequentia probatur, nam si ea-
dem numero ratio, eadem verbi gratia,
numero sanitatis; in pluribus intrinsece
reperiretur, daretur in rebus omnimodum
simile misterio Sacrosanctæ Trinitatis, vel
vniuersale a parte rei, qualiter illud po-
nebat Plato. Consequens quoad primam
partem impium est asserere; quoad secun-
dam vero absurdum: ergo. Sequela
probatur: nam talis ratio, vel natura
vna, vel reperitur intrinsece in multis ana-
logatis, sine eo quod in illis realiter mul-
tiplicetur; et tunc erit simile misterio Sa-
cro

644 *Lib. 6. de antepredicam:*

cro sanctæ Trinitatis, in quo eademmet numero natura diuina, sine eo quod multiplicetur in pluribus intrinsece inuenitur diuinis personis. Vel reperitur intrinsece in analogatis multiplicata realiter in illis: et tunc erit à parte rei vniuersale, qualiter illud ponebat Plato, qui vnâ numero à parte rei naturam per participationem in pluribus multiplicatam reperiri intrinsece contendebat: ergo.

3 Secundo probatur efficaci licet à posteriori argumento. Analogata attributionis diuersam formaliter essentiam habent ab analogis proportionalitatis: ergo debent habere aliquas formaliter distinctas proprietates: ab essentia enim, formaliter distincta, formaliter distinctæ debent dimanare passionēs. Tunc ultra, sed si huiusmodi propprietas analogis attributionis non competat, nulla illis distincta ab analogis proportionalitatis potest conuenire proprietas: ergo hæc omnibus analogis attributionis competit. Hæc vltima minor probatur, nam tunc nulla ex alijs tribus communiter analogis attributionis assignatis proprietatibus posset cōpetere; ergo si hanc ab analogis attributionis secludamus, nullam eis relinquimus proprietatem. Antecedens probatur, nam imprimis, si ratio analogæ intrinsece reperiretur in omnibus analogatis attributionis, non posset in illis, vna tantum numero esse, & in analogatis immultiplicata, quæ est secunda

ex

Quaestio IX. 645

ex assignatis proprietatibus : aliàs eadem-
met numero natura in pluribus absque sui
multiplicatione intrinsece reperiretur :
quod est inconueniens, quod proxime in-
ferebamus. Similiter nec oporteret in
analogati minus principalis definitione
magis principale analogatum ingredi, quod
est tertia proprietas : ideo enim id oportet,
quia cum analogata minus principa-
lia dicantur talia per extrinsecam deno-
minationem desumptam à forma existenti
in principaliori analogato quàm respiciunt,
dicunt ad illam respectum & habitudi-
nem formaliter in actu signato, quo ab-
lato, aufertur necessitas, analogatum
minus principale per magis principale
definiendi. Denique quia si omnia ana-
logata attributionis dicerentur intrinse-
ce talia per rationes in eis intrinsece re-
pertas, dabilis esset alicuius conceptus ob-
iectiuus, & formalis communis omnibus
analogatis contra ultimam proprietatem :
nulla enim alia ratio assignari potest, ne
talis detur conceptus, nisi quod ratio im-
portata per nomen analogum attributio-
nis non reperitur intrinsece in omnibus
analogatis. Sequitur ergo, si huiusmodi
primam proprietatem ab analogis sceler-
damus attributionis, nullam eis ex aliis
tribus competere.

4. Obijcies primo, sanum dictum
de animali, yrina, & medicina est ana-
logum attributionis, imò solam istam habet
analogiam. Et tamen ratio analogi in om-
nibus

D d

nibus

646 *Lib. 6. de antepredicam.*

nibus analogatis intrinsece reperitur : ergo. Minor probatur , nam imprimis de animali certum est , quod sanitas reperitur intrinsece in illo , & dicatur intrinsece sanum ; vrinam autem esse sanam , nihil est aliud , quam esse signum sanitatis : & medicinam esse sanam , esse causam sanitatis : nulla enim alia sanitas in vrina , & medicina reperitur. Sed esse signum sanitatis est aliquid intrinsecum in vrina , per suam enim met entitatem intrinsecam significat sanitatem , & esse causam sanitatis est similiter aliquid intrinsecum in medicina , quia per suam intrinsecam entitatem causat sanitatem : ergo ratio sani , quæ de vrina , & medicina dicitur , intrinseca est in illis , & per consequens , intrinsece denominatur sana ; a forma etenim intrinseca provenit denominatio .

5 Respondetur, negando minorem , & ad probationem distinguitur maior : vrinam esse sanam est esse signum sanitatis , & medicinam esse sanam , est esse causam sanitatis , distingo maiorem ; esse sanam formaliter , nego maiorem ; esse sanam fundamentaliter & causaliter , concedo maiorem . Et tunc concessa minori , quod esse signum , & esse causam sanitatis , sit aliquid intrinsecum in vrina , & medicina , distinguendum est consequens : ergo vrina , & medicina denominantur intrinsece sana , etsi de denominatione formali intelligitur , neganda est consequentia ; con-

cedenda vero de denominatione fundam-
 mentali tantum, & causali: denominationem enim formalem sani solum habent ab ipsa sanitate existenti in animali, quæ cū extrinseca sit vtinæ, & medicinæ, non potest esse denominatio intrinseca, sed extrinseca.

6 Obijcies secundo. Ens dictum de Deo, & creaturis est analogum attributionis, vt pro nunc in sequentibus ostendendum suppono. Et tamen ratio entis non solum in Deo, sed in creatura reperitur intrinsece: ergo prædicta proprietas non conuenit omnibus analogis attributionis. Minor probatur: nam creatura habet in se intrinsecam entitatem distinctam, & participatam ab entitate Creatoris: ergo ab illa denominatur intrinsece ens.

Confirmatur, nam ens creatum dicitur analogice analogia attributionis de substantia, & accidenti, vt pro nunc etiam suppono: & tamen ratio entis, non solum in substantia, sed etiam in accidenti intrinsece reperitur: accidens enim suam propriam, & intrinsecam habet entitatem distinctam ab entitate substantiæ; ergo in nullo analogatorum reperitur ratio analoga solum per extrinsecam denominationem.

7 Quod si ad hoc argumentum cum sua confirmatione respondeas cum D. Caietano, capit. 2. de nominum analogia, §. Sed diligenter aduertendum est, quod

huiusmodi proprietates intelligendæ sint non materialiter, sed formaliter, idest, quod cum aliquando contingat, quod in eodem materiali duplex reperiatur analogia attributionis, & proportionalitatis, tunc non requiritur, quod ratio analogæ absolute non reperiatur intrinsece in omnibus analogatis, sed quod in analogato minus principalis attributionis formaliter, secundum quod analogatum attributionis est, ratio analogæ non reperiatur intrinsece, licet alias in illo materialiter, & sub altera ratione, secundum videlicet, quod analogatum proportionalitatis est, ratio analogæ reperiatur intrinsece: & sic cum ens de ente creato, & increato, & ens creatum de substantia, & accidenti vtraque dicatur analogia, non inconuenit, quod absolute & materialiter ratio entis tam in Deo, quam in creatura, tam in substantia, quam in accidenti intrinsece inueniatur; dummodo in creatura, & in accidenti formaliter, secundum quod analogatum minus principalia attributionis sunt extrinsece tantum reperiatur ratio entis, & creatura extrinsece ab entitate Dei, & similiter accidens extrinsece ab entitate substantiæ denominetur ens.

8 Aduersus hanc tamen solutionem, (in cuius impugnatione præcipua huius puncti consistit difficultas) obijciens primo. Creatura etiam vt analogatum formaliter attributionis est intrinsece ens:

ens : ergo solutio ruit. Probatur antecedens : creatura est analogatum attributionis , secundum quod est effectus Dei . Sed ut effectus Dei , est formaliter & intrinsece ens : ergo ut analogatum , attributionis est intrinsece ens . Probatur minor , ratio effectus Dei formaliter est ratio entis intrinsece participati : ergo si creatura , in quantum analogatum attributionis , est effectus Dei , est etiam ut sic intrinsece ens .

Confirmatur , non est intelligibile , quod creatura dicat attributionem , & habitudinem ad Deum , nisi mediante aliqua entitate sibi intrinseca , alias non esset aliquid denominabile ab entitate Dei aut illam respiciens : ergo quantumvis analogatum attributionis formaliter accipitur , non subterfugit rationem intrinsecam entis .

9 Secundo aduersus eandem solutionem obijcies , creatura etiam ut analogatum formaliter attributionis non potest denominari ab entitate ipsius Dei : si ergo denominatur ens , denominatur ab alia entitate distincta ab entitate ipsius Dei ; quæ cum non possit esse , nisi entitas intrinseca ipsius creaturæ , ab ipsa denominabitur , & consequenter intrinsece . Probatur antecedens , creatura non potest denominari ens per essentiam , seu ens infinitum : ergo non potest denominari ab entitate ipsius Dei : cum enim illa sit entitas per essentiam , & en-

650 *Lib. 6. de antepredicam.*

titas infinita ; si aliquam tribuit alicui denominationem , erit denominatio entis per essentiam , & entis infiniti .

10 Resp. solutionem præcedenti secundæ principali obiectioni, & illius confirmationi assignatam esse optimam, quia cū in ente respectu Dei, & creaturarū, & in ente creato respectu substantiæ, & accidentis, duplex interueniat analogia, attributionis videlicet, & proportionalitatis, formaliterque vna ab altera distincta ; necesse est, quod quælibet talis analogia suam etiam ibi formaliter distinctam habeat proprietatem ; & non potest esse alia distincta formaliter proprietas, nisi quod ens creatum formaliter, vt analogatur analogia proportionalitatis cum Deo, denominetur ens à sua intrinseca creatæ entitate ; formaliter autem, vt analogatur analogia attributionis cum Deo, ab ipsa in creata entitate intrinsece solum in Deo existente, denominetur creatura extrinsece ens, ita vt ad talem denominationem omnino materialiter, & præsuppositiue se habeat entitas ipsius creaturæ, Et totum hoc manifeste deducitur ex doctrina Diui Thomæ pluribus in locis præcipue 1. part. quæst. 6. art. 4. vbi inquirens Doctor Sanctus, vtrum omnia sint bona bonitate diuina (eadem enim est ratio de bono respectu boni creati, & increati, atque de ente & quolibet alio analogo, in quo duplex coincidit attributionis, & proportionalitatis)

portionalitatis analogia: vtraque enim in bono respectu creati, & increati reperitur) respondet D. Tho. post præmissam distinctionem entis absoluti, & respectivi, quod omnia dicuntur bona bonitate divina, & etiam dicuntur bona propria bonitate ipsis inherente, verba eius sunt:
A primo igitur per suam essentiam ente, & bono unumquodque potest dici bonum & ens, inquantum participat ipsum per modum cuiusdam assimilationis, licet remote, & deficienter, ut ex superioribus patet. Sic ergo unum quodq; dicitur bonum bonitate divina, sicut à primo principio exemplari, & finali totius bonitatis. Nichilominus tamen unum quodque dicitur bonum similitudine divinæ bonitatis sibi inherente, quæ est formaliter sua bonitas denominans ipsum, & sic bonitas una omnium, & etiam multe bonitates. Quibus in verbis cum duplicem D. Tho. in creaturis admittat denominationem entis, & boni, alteram ab entitate, & bonitate Dei, alteram ab entitate, & bonitate intrinseca ipsius creaturæ; necessario illas sub diuersis formalitatibus creaturæ competere, debet asserere: D. Thomas, quod est idem prorsus, quod nos in hac solutione dicimus, quod secundum quod analogatum formaliter attributionis extrinsece à bonitate Dei, secundum vero, quod analogatum formaliter proportionalitatis, intrinsece ens & bona creatura à propria entitate & bonitate denominatur.

II Ad primam autem huius solutionis
D d 4 nis

nis impugnationem respondetur, negando antecedens. Ad probationem distinguitur maior: creatura est analogatum attributionis secundum, quod est effectus Dei: si ly secundum quod effectus, reduplicet rationem effectus quo ad respicientiam & habitudinem, quā dicit ad Deum, conc. maiorē: si reduplicet effectū quoad entitatem, quā dicit participatam a Deo: nego maiorem. Et distinguo eodem modo minorem: sed ut effectus, Dei est intrinsece ens: si ly *ut effectus*, reduplicet respicientiam solū, & habitudinem ad Deū; nego minorem: si reduplicet illum quo ad entitatem, quam dicit; concedo minorem. Et tunc neganda est consequentia: Licet enim in effectū aliquo Dei inseparabilis sit entitas participata, & respectus ad entitatem Dei, primum tamen ad creaturam, ut analogatum attributionis. materialiter se habet & quasi præsuppositiue; ita ut si per impossibile supponeremus, creaturam dicere habitudinem ad Deum, sine eo quod ab illo aliquam entitatem intrinsecam participaret, eodem prorsus modo denominaretur extrinsece ens ab entitate ipsius Dei, quam licet non participaret intrinsece, extrinsece tamen respiceret.

Ad confirmationem respondetur, convincere quidem respectum creaturæ ad Deum, & entitatem participatam ab ipso non posse absolute separari in creatura, immo nec intelligi creaturam absolute,

te, sine altero illorum: non tamen probat: quod sub diuersis rationibus nō possit cōsiderari creatura, & quod ad alteram illam aliquid materialiter concurrens, ad alteram concurrat formaliter, & è conuerso: & sic intrinseca entitas reperta in creatura, ad illam vt analogatum attributionis, materialiter se habeat, & solum vt sic denominetur extrinsece ens ab entitate increata, ad quam dicit habitudinem.

12 Ad secundam vero impugnationem eiusdem solutionis respondetur, ab entitate quidem per essentiam, & infinita Dei creaturam, vt analogatum formaliter attributionis, denominari extrinsece ens; non tamen denominari, nec extrinsece ens per essentiam, aut ens infinitum (licet aliqui hoc concedere, non reputent inconueniens, & solum existiment inconueniens, concedere, creaturam denominari intrinsece ens per essentiam, & ens infinitum) quamuis enim entitas, increata denominans creaturam, sit in se infinita; quia tamen denominat creaturam, secundum quod ab illa extrinsece participatur per limitatam habitudinem creaturae ad ipsam, non tribuit illi denominationem etiam extrinsecam, entis per essentiam, sed denominationem extrinsecam entis extrinsece participati: neque enim eandem denominationem tribuit forma subiecto, in quo in-

trinfecce reperitur, ac subiecto, quod ad illam dicit extrinfecam aliquam habitudinem: visio enim existens intrinfecce in potentia visiva, denominat illam videntem, & parietem ad quem extrinfecce terminatur, denominat extrinfecce visum. Sic ergo entitas per essentiam, & infinita in Deo intrinfecce existens, Deum denominat ens per essentiam, & infinitum: creaturam autem, quatenus ad ipsam entitatem infinitam Dei dicit determinatam, & limitatam habitudinem, denominat extrinfecce creaturam; seu ens per extrinfecam participationem, ad differentiam suæ intrinfecæ creatæ entitatis, quæ creaturam, formaliter vt analogatum proportionalitatis, denominat ens intrinfecce participatum seu ens per intrinfecam participationem.

13 Obijcies tertio. Absoluta non possunt denominari ab extrinfeco. Sed ratio entis, boni, & veri v. g. vt de ente, bono, & vero creato, & increato dicuntur, sunt absoluta; ergo non possunt denominari ab extrinfeco; & consequenter nec creatura extrinfecce ab entitate Dei denominari ens, nec à bonitate Dei bona, nec denique à veritate Dei vera extrinfecce denominari potest. Maior est expressa. D. Thomæ 1. part. quæst. 6. artic. 4. in corpore, vbi differentiam constituit inter ea, quæ relationem important, & absoluta: & hæc, asserit, non posse ab extrinfeco

co denominari, bene tamen illa.

Respondetur, negando minorem: nam licet analogata attributionis non sint respectiva secundum esse, & praedicamentalia, sunt tamen respectiva secundum dici, & transcendentalia, & hoc sufficit, ut possint ab extrinseco denominari.

Q V A E S T I O X.

Vtrum secunda proprietas analogorum attributionis omnibus analogis attributionis competat.

Resolutorie est dicendum, secundam assignatam proprietatem analogorum attributionis, videlicet, quod ratio analogica sit una tantum numero, & ad multiplicationem analogatorum minus principalium realiter non multiplicetur, hoc est (ut deducitur ex doctrina Caietani, cap. 2. opusculi de nominum analogia, §. 6. ex hac conditione statim inferatur alia, quod solum realiter multiplicetur ratio analogica ad multiplicationem realem analogati magis principalis, omnibus analogatis attributionis formaliter, ut analogica attributionis sunt, competere. Oppositum conclusionis asserere tenetur,

tur, qui existimant, primam præcedentem proprietatem non omnibus analogis attributionis convenire. Sed conclusio cum Caietano loco citato est fere omnium communis. Et probatur manifeste: nam sic explicatam hanc proprietatem necessario omnibus analogis attributionis competere, manifeste sequitur ex eorum prima proprietate. Si enim ratio importata per analogum attributionis in vno tantum analogato intrinsece reperitur, & ab illa alia analogata denominantur extrinsece talia; non debet multiplicari ad multiplicationem analogatorum minus principalium; & si aliquando ad multiplicationem minus principalium contingat multiplicari, quia vtraque in eis coincidit analogice, ea multiplicatio erit omnino materialis ad rationem analogi attributionis, siquidem per tales rationes in analogatis minus principalibus multiplicatas, illa, secundum quod analogata formaliter attributionis, non denominantur, sed ad ea sub hac considerata ratione, omnino materialiter se habet. Vnde D. Thomas prima part. question. 6. articul. 4. in fine corporis articuli loquens de bono, ut de creato, & in creato dicitur, in quo vtraque coincidit analogia, postquam explicuerat, quomodo vnumquodque, & propria bonitate, & bonitate Dei dicatur bonum, concludit his verbis: *Et sic est bonitas una omnium, & etiam multa bonitates.* Quod

verificari nequit, nisi quod formaliter in Deo, & creaturis, ut analogia analogantur attributionis, sit tantum una, bonitas, bonitas videlicet Dei, quæ sit bonitas omnium; Dei quidem intrinsece, aliorum autem extrinsece, & quod in eisdemmet Deo, & creaturis sunt etiam multæ bonitates, sub alia videlicet ratione, secundum quod analogantur analogia proportionalitatis. Ut hac autem clariora fiant, aliqua aduersus hanc conclusionem obijcimus.

2 Obijcies ergo primo: quod in animali, vrina, & medicina non una, tantum numero, sed plures inveniuntur numero sanitates: ergo. Probatur antecedens: animal est sanum, & vrina est sana, & animal non est idem sanum, atque vrina: ergo dantur in illis diuersæ sanitates. Maior est nota: alias analogata non denominarentur à ratione analogata. Minor etiam patet. Nam animal non est idem quod vrina: ergo animal sanum non est idem quod vrina sana. Consequentia autem probatur, nam si ignis, verbi gratia, sit calidus, & aqua calida, & ignis non sit idem calidum atque aqua; manifeste sequitur, in igne & aqua non esse eundem numero calorem: ergo si animal est sanum, & vrina sana, & animal non est idem sanum, atque vrina; manifeste sequitur, in illis non esse eandem numero sanitatem. Consequentia patet à paritate rationis.

est minor : & vrina non est idem sanum ;
quod animal , ex parte materialis , conce-
do minorem : non est idem sanum ex par-
te formæ , nego minorem : ergo dantur in
illis diuersæ sanitates ; negatur consequen-
tia . Sicut eodem modo in hoc discursu ,
actus exterior est bonus , & actus interior
est bonus , & actus interior non est idem
bonum atque actus exterior : ergo dantur
in illis diuersæ bonitates : concedenda est
maior , distinguenda minor , & conse-
quentia neganda . Nec exemplum in ar-
gumento aliarum aliquid probat : cum
enim tam aqua , quam ignis sint intrinsece
calida , quando dicitur in minori illius
discursus , ignis est calidus , & aqua est
calida ; & ignis non est idem calidum at-
que aqua , non potest esse sermo de alieta-
te solum ex parte materialis , sed etiam
in forma . Quia eademmet forma saltem
naturaliter non potest esse intrinsece in
duplici subiecto . Vnde bene infertur ex
multiplicatione reali & numerica calidi
multiplicatio caloris ; quia tamen sanitas
non est intrinsece in animali , & vrina ,
sed solum in animali , potest esse animal
& vrina diuersum sanum solum ex diuersi-
tate materialis , absque multiplicatione
sanitatis .

4 Obijcies secundo , quod ens est ana-
logum attributionis ad Deum , & creatu-
ras , & tamen non dicit vnâ numero en-
titatem inmultiplicabilem in analogatis ,
sed duas numero distinctas entitates : er-
go

660 *Lib. 6. de antepredicam.*

ergo prædicta proprietas non convenit omnibus analogis attributionis. Minor probatur, alia entitas numero distincta ab entitate Dei reperitur in creatura: ergo entitas multiplicatur ad multiplicationem utriusque analogati.

Confirmatur, ens creatum est analogum attributionis ad substantiam & accidens. Et tamen entitas multiplicatur numero in omnibus analogatis; alia enim distincta entitas numero est in accidenti atque in substantia: ergo.

Respondetur ad argumentum cum sua confirmatione, hanc secundam proprietatem explicandam esse formaliter in analogis attributionis, sicut primam; hoc est, quod cum in aliquo duplex interuenit analogia attributionis, & proportionalitatis, ut in ente respectu Dei, & creaturæ, & in ente creato respectu substantiæ, & accidentis formaliter ut analogia est attributionis, ratio analogica est tantum una, & non multiplicatur realiter ad multiplicationem analogatorum minus principalium: quia quamvis creatura & accidens habeant suas intrinsecas entitates ad earum multiplicationem multiplicabiles, id materialiter se habet ad illa, ut formaliter analogata minus principalia attributionis sunt: quia cum ut sic non denominentur ab entitatibus suis intrinsecis, sed præcise ab entitate existenti in principali analogato, & hæc non multiplicetur ad multiplicationem minus principalium.

lium analogatorum; ratio analoga formaliter, vt analoga attributionis est, & vt denominat omnia analogata attributionis, vt formaliter analogata attributionis sunt, non multiplicatur ad multiplicationem analogatorum minus principalium.

6 Obijcies tertio. Sequeretur, quod analogata attributionis maiorem unitatem haberent, quam vniuoca. Consequens est absurdum: ergo. Sequela probatur, vniuoca dicunt vnā rationem, quā est vna tantum unitate formali generica, vel specifica, vt patet in homine, & equo, secundum quod in hoc nomine *animal* vniuocantur. Animal enim dictum de illis solum dicit rationem, vnā unitate formali generica: ergo si analogum attributionis dicit vnā numero rationem, maiorem unitatem habent analogata attributionis, quam vniuoca. Patet consequentia, quia maior unitas est unitas numeralis, quam formalis.

7 Respondetur, negando sequelam, imò potius est minor unitas in analogis attributionis, non solum quam in vniuocis, sed etiam quā in analogis proportionalitatis. Quia quamuis in analogis attributionis ratio analogata sit vna numero, non reperitur in omnibus analogatis intrinsece, sed in minus principalibus solum extrinsece, & maiorem unitatem habent vniuoca, in quibus omnibus ratio, licet realiter multiplicata reperitur intrinsece, & abstrahibilis est ab illis absque
ali-

662 *Lib. 6. de antepredicam.*

aliqua diuersitate, quam analogata attributionis, quibus licet ratio analogica sit vna numero, multum est omnibus illis diuersa, siquidem vni tantum conuenit intrinsece, & alijs solum extrinsece. Vnde propter hanc magnam diuersitatem analogata attributionis multum assimilantur æquiuocis.

8 Obijcies quarto, quod sequeretur ex prædicta proprietate, quod idem se ipsum causaret realiter. Hoc non est admittendum, cum inter causam realem, & effectum debeat esse realis distinctio: ergo. Sequela probatur. Sanitas medicinae est causa realis sanitatis animalis, quia enim medicina est sana, causat sanitatem animalis: ergo si est eadem numero sanitas medicinae, & animalis, iam idem erit realis causa sui ipsius.

9 Respondetur, negando sequelam, quia licet medicina denominetur extrinsece sana à sanitate animalis, non causat media hac denominatione sanitatem animalis, imò hæc denominatio sequitur in illa tanquam ad fundamentum, ex eo, quod ipsa medicina secundum suam intrinsecam entitatem est causatiua sanitatis animalis.

10 Vltimo tandem obijcies: quod sequeretur, quod si sanitas esset eadem numero immultiplicata in analogatis huius nominis *sanum*, quod nec ratio entis in illis multiplicetur. Consequens non est admittendum; nullus enim huc vsque dixit,

Questio X. 663

xit, urinam, & medicinam non habere distinctas entitates ab entitate animalis, & non denominari intrinsece entia: ergo. Sequela probatur, ratio superior non multiplicatur numero, nisi multipliceentur etiam rationes inferiores, sicuti ratio animalis non multiplicatur numero in Petro & Paulo, nisi in illis multipliceatur ratio hominis. Sed ens est superius ad sanum: ergo si in animali, urina, & medicina non multiplicatur numero ratio sani, nec multiplicabitur in illis numero ratio entis.

II Respondetur, quod cum ens sit transcendens ad omnes rationes particulares, & in medicina, v.g. duplex ratio reperitur, altera sibi intrinseca, videlicet esse causam sanitatis, & altera sibi extrinseca, scilicet esse sanum à sanitate animalis, duplex etiam ratio entis in illa reperitur, altera intrinseca; quæ identificatur cum ratione causativi sanitatis; & hæc ratio entis, sicut & ratio causativi sanitatis ad multiplicationem realem medicinæ realiter multiplicatur. Altera entitas medicinæ est extrinseca illi, scilicet illa quæ identificatur cum sanitate, & hæc entitas, sicut & sanitas, non multiplicatur realiter ad realem multiplicationem medicinæ. Et hoc solum probat argumentum.

QVÆSTIO XI.

*Utrum tertia proprietas analogorum
attributionis omnibus analogis
attributionis competat.*

CIrca tertiam proprietatem analogo-
rum attributionis, videlicet, quod
in definitione analogati minus princi-
palis debeat poni analogatum magis
principale, aliqui illam limitant; alij
quidem, quia existimant, non in omni
analogia attributionis analogata minus
principalia dicere respectum ad analo-
gatum magis principale, & sic asserunt
non omnibus conuenire proprietatem
hanc, sed solum illam competere analo-
gis attributionis, quorum minus princi-
palia dicunt formalem respectum ad ma-
gis principale. Alij autem eandem pro-
prietatem limitant, vt illa solum compe-
tat analogis attributionis, quorum omnia
analogata possunt à nobis quidditative
definiri, non vero competat analogis at-
tributionis, quorum aliquod analogatum
non potest à nobis quidditative definiri;
& ea ratione asserunt, quod in analogia
attributionis entis ad Deum, & creatu-
ras, quia analogatum magis principale
non potest à nobis quidditative definiri,
non oportet, quod illud ingrediatur in-
defi-

definitione analogati minus principalis.

2 Nihilominus dicendum est in omnibus analogatis attributionis formaliter, ut analogata attributionis sunt, si exacte analogata minus principalia, à primo videlicet genere usque ad ultimam illorum differentiam definiantur, necesse est, ut in illorum definitione analogatum magis principale ingrediatur. Conclusio est communis, inter alios illam tenet Ferrariensis lib. 1. contragentes, cap. 34. Et probatur efficaciter hac ratione, nam omnia analogata minus principalia attributionis formaliter ut analogata minus principalia sunt, dicunt essentialiter respectum, & habitudinem ad analogatum magis principale: ergo eorum essentia non potest exacte, & adæquate explicari, nisi talis explicetur respectus, & habitudo. Sed explicari non potest, nisi in eorum definitione ponatur terminus talis respectus, & habitudinis, scilicet analogatum magis principale: ergo illud necessario in exacta definitione cuiuslibet analogati attributionis minus principalis formaliter, ut analogatum minus principale attributionis est, debet ingredi. Primum antecedens manifeste deducitur ex definitione analogorum attributionis. Cum enim illorum ratio debeat esse eadem secundum terminum, & diversa secundum habitudinem ad illum, analogata minus principalia attributionis formaliter, ut talia di-

666 *Lib. 6. de antepredicam.*

dicunt respectum ad analogatum magis principale, in quo ratio analogica formaliter, & intrinsece reperitur, & in alijs solum per habitudinem ad illam. Prima autem facta consequentia est manifesta, quia nihil potest exacte definiri absque eo, quod explicentur omnia, quæ sunt de eius essentia: ergo si talis respectus ad analogatum magis principale est de essentia analogatorum attributionis minus principalium, formaliter ut talia sunt, non possunt exacte definiri absque eo, quod prædictus illorum explicetur respectus. Minor denique subsumpta, quod ille videlicet respectus explicari non possit, nisi in eius explicatione illius ingrediatur terminus, etiam est manifesta ex communi modo explicandi, & definiendi omnem respectum, & habitudinem quæ solum explicatur, & definitur per suum terminum, & per ordinem ad illum. Hæc autem clariora fient, si illa aliquibus obiectionibus examinemus.

3 Obijcies ergo primo, quod ut nunc supponimus, ens est analogum ad Deum & creaturas. Et tamen Deus, qui est analogatum magis principale, non debet poni, immò nec potest poni in definitione creaturæ: ergo prædicta proprietas non convenit omnibus analogis attributionis. Minor probatur, nam Deus est quid ignotius creaturis, immò per illas cognoscitur tanquam per suos effectus, iuxta illud ad Rom. 1. *Invisibilia Dei per ea quæ facta*

Quaestio XI. 667

Ha sunt intellecta conspiciuntur : ergo non debet Deus poni in definitione creaturae, quia talis definitio esset obscurior definito.

Confirmatur. Sapientia est analogum attributionis ad sapientiam creatam, & increatam. Et tamen sapientia increata non ponitur in definitione sapientiae creatae, ut patet : quia definitur, quod sit cognitio per altissimas causas, in qua definitione sapientia increata non ingreditur : ergo id non requiritur in omnibus analogis attributionis.

4 Respondetur ad argumentum, negando minorem, quia si creatura exacte definiatur, debet definiri, quod sit ens participatum à Deo, ubi iam Deus ingreditur eius definitionem. Vnde ad probationem minoris respondetur dupliciter. Primo, quod etiam si Deus non sit quid notius creaturis, potest ingredi earum definitionem ; quia quod ut terminus extrinsecus definitionis alicuius definiti ingreditur, non oportet, quod sit notius definito, sed sufficit, quod sit cognitum quo ad an est, sicut ea ratione quamvis relationum indefinitione sui correlative ingreditur, non oportet quod sit notius illo : quia non ingreditur definitionem ut pars intrinseca definiti, sed ut terminus extrinsecus illius habitudinis. Secundo respondetur, quod Deus à posteriori cognitus quo ad an est per creaturas, ut causa
ef-

668 *Lib. 6. de antepredicam.*

efficiens, & exemplar illarum, iam sic cognitum, est quid notius, ut per ordinem, ad illum cognoscamus essentiam creaturarum, quæ in dependentia à tali causa, & in esse participato ab illa consistit. Et hinc patet falso limitari hanc proprietatem ad analogia attributionis, quorum omnia analogata sunt à nobis quidditative cognoscibilia, & definibilia. Ut enim analogatum minus principale per ordinem ad magis principale, creatura ver. g. per ordinem ad Deum, definiatur, sufficit quod Deus cognoscatur à nobis evidenter quo ad an est in ratione causæ efficiens, & exemplaris creaturarum: nec requiritur, quod à nobis ut est in se, quidditative cognoscatur, & definiatur, quia ad cognoscendum quidditative aliquam habitudinem, & tendentiam, sufficit, evidenter quo ad an est, terminum illius cognoscere.

Ad confirmationem respondetur, quod per eam definitionem sapientiæ creatæ illa definitur per suum proximum genus, non tamen exacte, per primum genus usque ad ultimam illius differentiam; sic enim deberet explicari illius dependentia, ut ab exemplari à sapientia increata, quod utique explicari non posset, quin in eius exacta definitione sapientia increata, ut terminus talis illius dependentiæ ingrediatur.

5 Obijcies secundo, quod solum illud,

lud, quod est respectuum, debet per ordinem ad aliud, scilicet ad suum correlativum definiri. Sed accidens, & ens creatum non sunt relativa, sed aliquid absolutum: ergo quamvis sint analogata minus principalia attributionis, non debent per ordinem ad aliud definiri: ac perinde in illorum definitionem non debet ingredi analogatum magis principale.

6 Respondetur, quod licet accidens, & ens creatum non sint relativa secundum esse, sunt tamen relativa secundum dici, dicunt enim respectum transcendentalem accidens ad substantiam, & ens creatum ad Deum, & secundum hunc respectum & habitudinem transcendentalem habent formaliter rationem analogatorum minus principalium attributionis. Unde saltem ut analogata formaliter attributionis debent per ordinem ad analogatum magis principale definiri: non enim solum relatiuis secundum esse, sed & relatiuis secundum dici, & per respectum transcendentalem competit, quod si ut sic formaliter, respectiva definiantur, per ordinem ad terminum talis respectus debeant definiri. Et ita definitur accidens per ordinem ad substantiam, quod sit entis ens, seu quod sit in alio, scilicet in substantia.

QVÆSTIO XII.

Virum definitio, & proprietates analogorum proportionalitatis omnibus illis competant.

DIco primo, optime definiuntur analogia proportionalitatis quod sint illa quorum nomen est commune, ratio vero per nomen significata est proportionabiliter eadem. Hæc definitio deducitur ex D. Thoma, & traditur à Caietano, communiterque ab omnibus recipitur. Et probatur; quia in illa ponitur id, in quo hæc analogia cum æquiuocis, vniuocis, & analogis attributionis conueniunt, & per quod ab omnibus his differunt. Nam in eo, quod est habere nomen commune, hæc analogia cum omnibus prædictis conueniunt; per id autem, quod ratio significata per nomen, sit proportionabiliter eadē, differunt ab æquiuocis, & vniuocis, in æquiuocis enim ratio per nomen significata est omnino diuersa, & in vniuocis est omnino eadem: & differunt etiam per id ab analogis attributionis, in quibus, ratio per nomen significata est eadem secundum terminum, & diuersa secundum habitudinem ad illum. In his autem analogis ratio communis omnibus analogatis, vtpote in omnibus illis intrinsece reperta, abstrahitur ab illis licet nō cum omnimoda

vni-

vnitate, cum vnitate tamen proportionalitatis, & in omnibus analogatis formaliter, & intrinsece reperitur.

2 Dico secundo, quatuor proprietates analogorum proportionalitatis, scilicet prima, quod ratio analogica in omnibus analogatis intrinsece reperiatur; secunda, quod multiplicatur ad multiplicationem omnium analogatorum, tertia, quod non oporteat in definitionem vnus analogati alterum ingredi, & quarta, quod possit abstrahi aliquis vnus conceptus proportionis vnus ab omnibus analogatis: quatuor, inquam istae proprietates omnibus analogis proportionalitatis conueniunt. Conclusio est communis. Probat: nam cum haec analogica formaliter sint distincta ab analogis attributionis; & ex illorum essentia sequatur, vt ostendimus, quod ratio analogica sit in vno analogato intrinsece, in alijs autem extrinsece; oppositum debet sequi ad naturam analogorum proportionalitatis: ergo sicut ex prima proprietate analogorum attributiones colliguntur aliae tres: ita ex prima proprietate analogorum proportionalitatis, cum sit opposita primae proprietati analogorum attributionis, debent sequi aliae tres proprietates alijs tribus oppositae.

§. Confirmatur & explicatur: nam ex eo, quod ratio analogica in analogis proportionalitatis debeat esse intrinsece in omnibus analogatis, sequitur manifestè, quod multiplicetur realiter ad multiplicationem

672 *Lib.6. de antepredicam.*

cuiuscumque analogati, quæ est secunda proprietas. Et ex eo etiã sequitur, quod analogata minus principalia non sint talia solum per extrinsecam habitudinẽ ad analogatum magis principale; ac perinde, quod non debeant definiri per ordinẽ ad illud, neque illud oporteat definitionem illorum ingredi, quæ est tertiã proprietas. Ac denique quod cum intrinsece ratio analogica in omnibus analogatis proportionalitatis reperiatur, licet non omnino eiusdem rationis in omnibus, possit ab illis abstrahi vna ratio & vnus conceptus, non quidem simpliciter vnus, sed proportionem vnus. Vt tamen istæ duæ conclusiones magis pateant, præter ea, quæ examinantes naturam, & proprietates analogorum attributionis, obiter etiam aduersus has proprietates obieci-mus, & dissoluimus, & præter illa, quæ in sequentibus agentes de analogia entis dicemus, breuiter aliqua aduersus has duas conclusiones obijciamus.

3 Obijcies ergo primo aduersus definitionem analogorum proportionalitatis, quod illa per omnia conuenit vniuocis: ergo non est bona. Probatur antecedens: nam etiam in vniuocis ratio per nomen significata, est proportionaliter eadem: ergo hæc definitio vniuocis comperit. Antecedens prob. nam idẽ ratio analogica in his analogis est proportionabiliter eadem, quia analogata inter se proportionantur, & sicut se habet substantia ad suũ esse,

esse ita proportionabiliter se habet acci-
dens ad suum in esse. Sed etiam vniuoca.
verbi gratia, homo & equus, in ratione
animalis proportionantur, & sicut se ha-
bet homo ad rationem animalis, ita pro-
portionabiliter se habet equus: ergo ratio
animalis communis homini, & equo est
proportionabiliter eadem.

4 Respondetur, negando antecedens.
Ad probationem negatur etiam antece-
dens, immò in vniuocis ratio per nomen
significata est simpliciter, & omnino
eadem, quia in quolibet inferiori parti-
cipatur simpliciter, & quamuis ipsa infe-
riora, verbi gratia, homo & equus, in
rationibus particularibus proportionen-
tur, & assimilantur: in ratione tamen
superiori animalis non est proportio,
seu assimilatio imperfecta; qualis est con-
uenientia proportionalitatis, sed est om-
nimoda vnitas: quia ratio communis ani-
malis eiusdem prorsus rationis est in ho-
mine, & in equo, & ita simpliciter in
vno, ac in altero; quamuis in homine
sit contracta per differentiam essentialiter
perfectiorem, quam contrahitur in equo.
Et ita cum abstrahitur ratio animalis ab
huiusmodi differentiis, non abstrahitur, vt
tantum proportionem vna, sed vt omnino
vna, & cum nulla prorsus diuersitate. In
analogis autem proportionalitatis analo-
gata non solum proportionantur in ratio-
nibus particularibus, sed etiam in ratio-
ne communi. Eam enim rationem com-

674 *Lib. 6. de antepredica m.*

munem non participant omnia analogata eodem omnino modo, sed nec *omnia* participant illam simpliciter, sed aliqua participant illam simpliciter, alia vero solum proportionabiliter, ut patet in ente, cuius rationem communem substantiæ, & accidenti, substantiæ quidem simpliciter participat, accidens vero non omnino simpliciter est ens, sed solum proportionaliter ad substantiam. & ita si velimus abstrahere rationem entis à substantia & accidenti, præterquam quod eo quod talis ratio est transcendens, non potest abstrahi, quin includat in actu licet implicite modos particulares substantiæ, & accidentis: præter hoc inquam, ex eo præcise, quod ratio entis non sit eiusdem rationis in substantia, & accidenti, nõ potest ab illis abstrahi, ut omnino una, sed solú ut proportionæ unú à multis simpliciter. Et solum propositum convincit argumentum, quod si inter species alicuius generis vellet quis facere proportionem; non in ratione cõmuni, quæ est omnino eadem omnibus illis, sed in rationibus particularibus, & differentialibus illarum, ut à ratione generica præscindút, potest easdem rationes differentiales analogice proportionare. Quia sicut se habet rationale, v.g. ad suum speciale esse differentiale, ita etiam ad suum speciale esse differentiale se habet irrationale; quamvis difficile sit nomen cõmune significans hæc extrema, ut proportion-

portionata, inuenire. Et hoc modo est analogia inter cor, & fundamentum domus in ratione principij, quatenus videlicet proportionantur in rationibus differentialibus. Et hoc nomen *principium*, dictum de corde & de fundamento domus, est analogum, vt significat non quidem rationem, & conceptum principij communem illis (hoc enim modo erit illis nomen vniuocum) sed vt significat speciales rationes vtriusque extremi, secundum quod proportionantur adinuicem.

5 Obijcies secundo aduersus primam proprietatem: quod in aliquibus analogis, quae solum sunt analogae proportionalitatis (de his enim, quae simul sunt analogae attributionis, & proportionalitatis satis in superioribus diximus.) ratio analogae in aliquo analogato solum extrinsece reperitur. Prima igitur proprietas non omnibus competit analogis proportionalitatis. Antecedens probatur, nam *risus* est analogum proportionalitatis ad risum hominis, & ad risum prati. Et tamen in prato solum extrinsece risus reperitur: ergo ratio analogae non est intrinsece in omnibus analogatis. Minor probatur, quia pratum solum dicitur ridere per habitudinem, & similitudinem, quam eius floriditas, & amoenitas dicit ad risum hominis.

6 Resp. negando antec. & ad probat. negando min. aliud enim est, quod pratum solum metaphorice dicatur ridere, aliud

676 *Lib.6. de antepredicam.*

vero quod denominetur extrinsece ridens à risu hominis : primum enim est verum , secundum vero falsum ; sed pratum denominatur intrinsece ridens ab amoenitate , & floriditate sua intrinseca , quæ improprie, metaphorice , & similitudinarie dicitur risus .

7 Obijcies tertio aduersus tertiam, assignatam proprietatem, quod non potest perfecta intelligi ratio analogati proportionalitatis , vt analogatum est, sine eo quod intelligatur proportio , & comparatio inter ipsum , & aliud analogatū : ergo debet poni in definitione illius alteri analogatum . Probo consequentiam, nam omnis proportio, comparatio , vel similitudo explicatur per terminos, & extrema inter quæ est : ergo vt perfecte talis proportio, & comparatio intelligatur, debet poni termini, & extrema illius .

Confirmatur, nam D.Thomas, 1. part. quæst. 13. art. 6. asserit, quod nomina, quæ dicuntur de Deo per metaphoram, non possunt definiri, nisi per creaturas tanquam per terminum similitudinis : Sed prædicta nomina sunt analogia proportionalitatis, cum sint metaphorica : ergo analogis proportionalitatis non conuenit ; quod vnum per alterum non definiatur .

8 Respondetur ad argumentum, hanc esse differentiam inter analogum attributionis , & proportionalitatis, saltem non metaphoricum, quod in analogis

gis attributionis analogata minus principalia dicunt formaliter, immò & quasi in actu signato habitudinem ad analogatum magis principale. Hoc enim nomen *medicina*, verbi gratia cum significet formaliter causam sanitatis, formaliter, & quasi in actu signato dicit habitudinem ad sanitatem animalis. Vnde eius essentia non potest explicari, nisi per habitudinem ad sanitatem animalis, & nisi ingrediatur ipsa sanitas animalis in definitione illius. In analogis vero proportionalitatis, saltem non metaphoricis, licet vnum analogatum habeat proportionem, cum altero, ea proportio exercetur quidem in ipsis analogatis, nō tamen importatur formaliter, & quasi in actu signato in illis, & ita ad cognoscendum, vel definiendum aliquod illorum, non est necessarium illud cognoscere, aut definire per ordinem ad aliud; bene tamen si proportionem illorum in actu signato, aut illa vt formaliter adinuicem proportionata, quis velli cognoscere, aut definire.

Ad confirmationem respondetur, quod nomina, quæ metaphoricè dicuntur de Deo, & creaturis, non solum sunt analogia proportionalitatis, sed simul sunt analogia attributionis, sicut in alijs analogis ad Deum, & creaturas, vtraque interuenit formaliter, & distincta analogia: & ita cum asserit D. Tho. quod Deus debet definiri per habitudinem ad creaturas, debet intelligi, vt formaliter

Ec 5

Deus

678 *Lib. 6. de antepredicam.*

Deus est in tali analogia analogatum attributionis, & analogatum minus principale, & ut dicitur talis, verbi gratia, leo, non solum per fortitudinem sibi intrinsecam, sed à fortitudine leonis, ad quam dicit habitudinem, denominatur extrinsece leo. §. Vel potest dici, quod etiam ut analogatum proportionalitatis metaphoricæ Deus debet definiri per ordinem ad creaturam; quia etiam in analogis proportionalitatis metaphoricæ analogatum minus principale, & cui improprie convenit ratio analogæ, dicit habitudinem formaliter, & quasi in actu signato ad analogatum magis principale.

Q V Æ S T I O XII.

Vtrum in analogis detur una ratio communis, unusque conceptus omnibus analogatis.

H Vnusque hanc difficultatem distulimus, ut simul quartam analogorum attributionis, & proportionalitatis proprietatem examinemus, iaciamusque breuiter fundamenta ad ea, quæ de conceptu entis in sequentibus sunt dicenda.

1. Dico igitur primo. In analogis attrib-

tributionis, & analogis metaphoricis, quâvis
sint analogæ proportionalitatis, non datur
vna ratio, nec vnus conceptus omnibus
analogatis cômunis, sed plures conceptus,
secundû quod vnus, vel plures dicunt con-
notationem, & habitudinem ad alterum.
Probatur, & explicatur conclusio, nam
cum in analogis attributionis ratio ana-
loga solum sit intrinsece in vno analogato,
& in alijs solum per connotationem,
& habitudinem ad illud, & in analogis
metaphoricis, licet ratio analogæ sit in-
trinsece in omnibus analogatis, in vno
tantum sit proprie, in alijs autem per trans-
lationem, similitudinem, & metapho-
ram ad illud, non datur huiusmodi ana-
logatis vna ratio communis; neque
ab illis vnus potest abstrahi conceptus,
sed plures: vt vnus tamen dicit habitu-
dinem, & connotationem ad alterum.
Et ita in his analogis ratio analogæ est
tantum ordine, habitudine, & connota-
tione vna ad differentiam purè æquiucorum,
quibus nulla correspondet ratio, quæ
sit aliquo modo vna, sed plures absque
aliquo ordine, aut habitudine vnius ad al-
terum illis correspondent conceptus; &
ad differentiam vniuocorum, quibus aliqua
ratio omnino vna, & omnino eadem cor-
respondet: immo & ad differentiam ana-
logorum proportionalitatis, præter ana-
logæ metaphoricæ, quibus, vt statim
videbimus, correspondet aliqua ratio côm-
munis, vnusque conceptus, licet, vt ex-

plicabimus, non ita omnino vnus sicut vniuocis.

3 Hinc sequitur, huiusmodi analogia attributionis, & analogia metaphorica appellari analogia duorum, vel plurium conceptuum, quia nunquam illis tantum vnus correspondet conceptus, sed duo, vel plures, cum ordine tamen & habitudine, vt diximus vnus, vel plurium, ad alterum. Hinc etiam est, quod cum hæc analogia in pluralitate conceptuum, qui illis correspondent, plurimum accedant ad æquiuoca, & solum ab illis, vt diximus, distinguantur in eo, quod conceptus his analogis non absque ordine, vt æquiuocis, sed cum ordine, & connotatione vnus, vel plurium ad alterum correspondent; sapius D. Thomas, vt in præcedentibus vidimus, analogia attributionis nomine æquiuocorum comprehendit.

4 Dico secundo, analogia proportionalitatis proprie, vt condistricta ab analogis attributionis, & metaphoricis, habent vnā rationem, & vnum conceptum communem omnibus analogatis, confusum tamen & imperfectum, & includentem in actu licet non explicite omnes rationes analogatorum. Conclusio quoad vtramque partem deducitur ex Domino Caietano in opusculo de conceptuentis, & in opusculo de nominum analogia, capit. 4. & est communis plurium Thomistarum. Quo ad primam autem illius partem probatur primo, quia

maiolem vnitate habent huiusmodi analoga proportionalitatis, quam pure æquiuoca, & quam analoga attributionis: siquidem hæc ad æquiuoca reducuntur, analoga vero proportionalitatis pluries, vt in præcedentibus vidimus, reducit Diu. Thomas ad vniuoca: & quia in his analogis ratio analoga intrinsece proprie in omnibus analogatis reperitur, quod certe maiorem arguit vnitatem, quam in his, in quibus ratio analoga, non in omnibus, intrinsece, vel saltem, non in omnibus proprie reperitur. Sed nisi habeant huiusmodi analoga proportionalitatis vnā rationem vnumque conceptum omnibus analogatis communem; nullam saltem maiorem vnitatem habebunt, quam analoga attributionis; si enim non vna ratio nec vnicus conceptus communis, sed plures, conceptus corresponsdeant omnibus analogatis, tales plures conceptus non poterunt, habere maiorem vnitatem, quam habitudinis vnius ad alterum. Sed hanc etiam habent, vt vidimus, plures cōceptus corresponsdentes analogatis attributionis. Ergo nisi in his analogis proportionalitatis cōrrespondeat vna ratio vnusque conceptus communis omnibus analogatis, nō possunt aliquam maiorem habere vnitatem, quam analoga attributionis.

Confirmatur. Quia huiusmodi analoga proportionalitatis non constituuntur

tur per connotationem & habitudinem
vnius ad alterum, sed quodlibet per suam
rationem intrinsecam proportionatam
rationi alterius. Ergo non correspon-
dent illis necessario plures conceptus, in
quibus habitudo importetur vnius ad al-
terum, sed potest correspondere illis vni-
ca ratio vnusque conceptus abstractus
ab illis, vt proportionem dicentibus in-
ter se.

Confirmamur secundo. Quia experi-
entia constat multoties, audito aliquo
analogo proportionalitatis, nos vnicum
imperfectum & confusum conceptum for-
mare in quo non repræsentantur explici-
tè rationes analogorum, vt infra de cō-
ceptu, quem formamus audito hoc nomi-
ne analogo *ms*, latius explicabimus, sed
talis conceptus confusus & imperfectus,
cōmunis est omnibus analogatis, nec sup-
ponit determinate pro aliquo illorū; sicut
conceptus, qui correspondet huic nomi-
ni *sanum* supponit determinate pro princi-
paliori analogato, scilicet pro animali sa-
no, & cōceptus qui correspondet huic no-
mini *risus*, supponit determinate pro prin-
cipaliori analogato, scilicet pro risu homi-
nis. Ergo in analogis proportionalitatis
præter analogia metaphorica datur vna
ratio, vnusque conceptus communis om-
nibus analogatis.

5 Secunda autem pars conclusionis,
videlicet, quod in prædictis analogis
con-

Questio XIII. 683

conceptus communis omnibus analogatis sit confusus & imperfectus, & non omnino præcisus ab analogatis, nec illa solum continens in potentia, sed in actu, licet non explicite sicut explicate suas continent rationes ipsa analogata, probatur. Quia alias talis conceptus esset omnino vnus & vniuocus, utpote qui nullam in actu includeret diuersitatem, sed solum esset multiplex in potentia, quatenus per contractionem, per diuersas rationes analogatorum posset multiplicari & diuersificari. Sed huiusmodi analogata debent distingui ab vniuocis. Ergo non debet illis correspondere conceptus ita vnus & ita præcisus ab analogatis ut actu licet in confuso, non includat rationes omnium analogatorum. Maior probatur, & explicatur: nam ideò animal, v.g. quod est vniuocum ad hominem, & equum, dicit rationem omnimode illis eandem, quia taliter abstrahitur, & præscinditur à suis inferioribus, quod in conceptu ab illis abstracto, & præciso licet ipsa inferiora in potentia contineat, nullo modo illa includit actu: ergo si conceptus abstractus ab analogatis, non includeret in actu, licet non explicite, sed in confuso, ipsas rationes analogatorum, diceret illis vnā rationem omnino eandem, & simpliciter vniuocam.

6 Secundo probatur hæc eadem pars conclusionis, explicando diuersum modum abstrahendi ab inferioribus rationem vniuocam, & rationem huiusmodi analogam:

gam. Ratio enim vniuoca abstrahitur per nostros conceptus à rationibus inferiorum, ita vt in ea sic abstracta nullo modo in actu rationes inferiores includantur: quia talis ratio superior vniuoca est extra conceptum differentiarum inferiorum, & quando per illas contrahitur, contrahitur per aliquid suæ rationi formali superadditum, & de quo talis ratio superior formaliter non prædicatur. Ratio autem analoga proportionalitatis, v.g. ratio entis, quando contrahitur ad sua analogata, non contrahitur per aliquid, quod se habeat ad illam proprie, vt illius additamentum, aut quod sit extra essentiam illius, aut extra cuius essentiam ratio analoga fit, & de quo formaliter non prædicetur, sed potius rationes particulares, & differentiales, vel quasi differentiales analogatorum sunt essentielles ipsi rationi analogæ, & ipsa est de essentia illarum, & de illis formissime prædicatur. Et solum differunt per illas analogata à ratione cõmuni analoga penes implicitum, & explicium: ergo non potest ab analogis ita perfecte abstrahi ratio analoga, quin in conceptu sic abstracto includantur in actu, licet implicite & in confuso omnes rationes analogatorum. Et in hoc sensu dixit D. Thomas de veritate quæstio vnica, art. 2. in corpore, quod enti non potest fieri aliquod additamentum, nisi penes aliquam exprefionem. Verba sancti Doctoris sunt: *Enti, non potest addi aliquid, quasi*

Quæstio XIII. 685

quasi extranea natura, per modum quo differentia additur generi, vel accidens subiecto. Quia qualibet natura essentialiter est ens. Unde etiam probat Philosophus in 3. metaphysicorum, quod ens non potest esse genus. Sed secundum hoc aliqua dicuntur addere supra ens, in quantum exprimunt ipsius modum, qui nomine ipsius entis non exprimitur. Hæc D. Thomas; ubi totam nostram explicat doctrinam. Et in eodem sensu dixit Philosophus in 8. metaphysicæ tex. 16. lectione vltima, quod ens non expectat aliquid additum, ut fiat hoc, idest substantia, vel quantum, vel quale, sed statim est substantia, vel quantitas, vel qualitas, quia omnis modus, vel differentia, per quam ens sit substantia, albedo, corpus, vel quodlibet aliud, non est quid extraneum ipsi enti, sed actu intra ipsum ens, & ipsum ens actu intra illud, & solum ab illo patet explicitum, vel implicitum distinctum; quia quod illud explicat, non explicatur, nec exprimitur nomine entis.

7 Exemplum totius huius doctrinæ habemus accomodatissimum in diuinis. Deus enim & omnia quæ sunt in Deo propter maximam simplicitatem, si quidditatiue, & ut sunt in se concipiantur, vnico conceptu concipiuntur: etsi à nobis pro hoc statu concipiantur, adhuc conceptus vnus prædicari non potest ita perfecte abstrahere ab altero, quod licet illud non explicet, illud tamen actu non includat. Ut cum concipimus Misericordiam diuinam,

nam, nō exprimimus quidem in eo conceptu Iustitiam, actu tamen sicut in confuso includitur etiam in tali conceptu Iustitia: quia in Deo non possumus concipere aliquid, vt in potentia ad aliud, sed solum vt distinctum ab alio penes explicitum, & implicitum. Eodem ergo modo dicendum est de conceptu rationis analogiæ proportionalitatis, quod solum potest abstrahi à rationibus particularibus analogorum, vt vnum implicitum à multis expressis, & explicatis. Cum hac sola differentia, quod ratio analogica se habet vt superior ad rationes analogorum; in diuinis tamen, quia est mutua transcendentia vnius prædicati ad aliud, non semper est superioritas vnius prædicati ad aliud, sed mutua inclusio absque superioritate, & inferioritate.

8 Aduersus primam conclusionem, obijcies, quod ab his, quæ habent aliquam similitudinem, & conuenientiam, etiam si simul habeant aliquam diuersitatem, abstrahibilis est aliquis vnus conceptus in quo repræsentetur talis conuenientia, non repræsentata saltem explicite diuersitate. Sed analogata attributionis habent aliquam conuenientiam licet cum diuersitate; alias non erunt analogica, sed pure æquiuoca, ergo abstrahibilis est aliquis vnus conceptus, in quo talis repræsentetur conuenientia, seu ipsa analogata, vt conueniunt, non repræsentata explicite, eorum diuersitate: idemque prorsus ar-

gu-

Quaestio XIII. 687

gumentum potest fieri de analogis proportionalitatis metaphoricis; falloque, perinde diximus in prima conclusione, in analogis attributionis, & metaphoricis non posse dari vnus conceptus communis omnibus analogatis, sed necessario plures dari conceptus.

9 Respondetur, quod quando aliqua solum conueniunt in habitudine vnus, vel plurium ad vnum terminum, qualiter solum conueniunt analogata attributionis, & metaphorica, talis eorum conuenientia non potest representari per vnum conceptum: quia habitudo plurium ad vnum in exercitio, non potest representari, nisi representatis his, quæ dicunt habitudinem, & eo, ad quem dicunt habitudinem. Et ita analogis attributionis necessario plures correspondent conceptus; non absque aliquo ordine, & habitudine illorum inter se, qualiter pure æquiuocis correspondent, sed in quibus represententur analogata cum habitudine vnus ad alterum. Dixi id esse necessarium, cum representantur in exercitio habitudo vnus ad alterum, idest cum representantur aliqua vt dicunt habitudinem, quia si representetur ipsa habitudo in actu signato, bene potest per vnicum conceptum, imò & forsan vniuocum representari: vt si habitudo vrinæ, & medicinæ ad sanitatem animalis representetur, in actu signato, vt representatur per conceptum huius nominis *respiens sani-*

ratem, unico conceptu repræsentatur, cuius obiectum est respectus inconcreto ad sanitatem abstractus à respectibus particularibus yrinæ, & medicinæ ad sanitatem, & yniuoce de yrina, & medicina prædicabilis.

QVÆSTIO XIV.

Quæ sint causæ analogiæ: & an sola transcendentia illam causare sufficiat?

Resolutorie dico primo. Dependētia alicuius ab aliquo in quolibet genere causæ, si sit talis dependētia, quod effectus non adæquet virtutem causæ, est sufficiens principium analogiæ. Conclusio colligitur ex D. Thoma 1. par. quæst. 13. art. 5. ubi propter talem dependētiā creaturarum à Deo colligit analogiam inter Deum, & creaturas. Et probatur breuiter, & explicatur conclusio, quia ut ex definitione analogorum constat, analogia reperitur inter aliqua quorum nomen est commune, & ratio pro nomen significata est illis partim eadem & partim diuersa. Sed ubi talis reperitur dependētia; nomen significans causam, & effectum ut causa, & effectus illius est, non significat illis rationem omnino eandem, nec omnino diuersam: ergo partim eadem,

Quaestio XIV. 689

dem, & partim diuersam, & consequenter analogam. Minor probatur, quia eo ipso, quod significat rationem causae, & effectui communem, significat aliquid, in quo causa, & effectus assimilantur, omnis enim effectus in quantum effectus assimilatur suae causae, & eo ipso, quod effectus non adaequet virtutem causae, similitudo illius ad causam est deficiens, & imperfecta, & cum admixtione dissimilitudinis ad causam: ergo ratio communis tali causae, & effectui, in eo quod sic causa, & effectus sunt, neque erit illis omnino eadem; nec omnino diuersa, nec omnino similis, nec omnino dissimilis, sed similis cum dissimilitudine, & dissimilis cum similitudine, & consequenter partim eadem, & partim diuersa.

2 Dico secundo, inaequalis participatio alicuius rationis communis, etiam si absque dependentia vnius ab altero reperiatur, est sufficiens principium analogiae inter ea, quae sic inaequaliter rationem communem participant. Dixi, quod etiam si absque dependentia vnius ab altero reperiatur inaequalis participatio in ratione communi causat analogiam, quia quotiescumque aliquis effectus dependet ab aliqua causa, non adaequans virtutem illius, ratio communis tali causae, & effectui, inaequaliter ab effectui participatur: ac perinde duplex tunc inter talem causam, & effectum interuenit principium analogiae, scilicet inaequalis participatio rationis

nis communis , & dependentia vnus ab altero , non adæquando virtutem illius .

3 Hoc ergo supposito , vt probetur , & explicetur conclusio , supponendum est , quod dupliciter potest contingere , aliqua inæqualiter participare rationem communem . Primo , quia contrahunt illam per differentias inæqualiter essentialiter perfectas , qualiter duæ species , homo v.g. & equus , dicuntur inæqualiter participare rationem animalis , quia contrahunt illam per differentias , quarum vna essentialiter est perfectior altera . Et hæc inæqualitas proprie est in ratione particulari , non autem in ratione communi : quia quicquid dicit actualiter animal , ita perfecte , & eiusdem rationis est in equo , atque in homine , quamuis id , quod addit homo supra animal : & per quod illud contrahit , sit perfectius quam id , per quod equus rationem contrahit animalis . Alio modo aliqua participant inæqualiter rationem communem , quando ipsa ratio communis simpliciter in vno , & in altero tantum secundum quid reperitur . qualiter substantia , & accidens participant inæqualiter rationem entis , quia ratio cōmunis entis simpliciter dicitur de substantia , & solum secundum quid de accidenti , quod non dicitur simpliciter ens , sed entis ens . Et hæc inæqualis participatio in ratione cōmuni causat analogiam ; etsi sola absq; dependentia inueniatur , etiam sufficit cau-

causare analogiam, sicut illam causat inter species intelligibiles etiam non acceptas à rebus ac perinde ab illis non dependentes, ut species angelicas, et earum obiecta, v g. inter speciem, quam lapidis habet Angelus, et inter ipsum lapidem, quæ in ratione lapidis, et ut hoc nomine *lapis*, significantur, analogice conueniunt: quia ratio lapidis in lapide simpliciter reperitur, simpliciterque dicitur lapis; et in specie solum reperitur secundum quid, et solum secundum quid, et similitudinarie species dicitur lapis. Propter eandem similiter solam inæqualem participationem rationis communis homo dicitur analogice de homine viuo et picto: quia ille simpliciter dicitur homo; hic vero similitudinarie tantum, et secundum quid. Sola igitur prædicta inæqualis participatio alicuius rationis communis sufficit, causare analogiam.

¶ Dico tertio. Sola transcendentia, sufficit causare analogiam respectu eorū, quæ aliqua ratio transcendit, hoc est, quod etiam si inter ea, ad quæ aliqua ratio comparatur ut transcendens, non sit in tali ratione communi aliqua vnius ab altero dependentia, nec inæqualis talis rationis communis participatio, sed omnia illa simpliciter talem rationem communem participant; sola transcendentia sufficit, ut ratio sic transcendens analogice de illis dicatur. Oppositum aliqui existimant. Sed conclusio est aliorum communis: et pro-

692 *Lib. 6. de anteprædicam.*

probatur ab exemplo, et etiam ratione à priori. Ab exemplo quidem, quia accidens est analogum ad nouem accidentium prædicamenta: ablata enim analogia illius ad illa, ut in sequentibus de ente respectu decem prædicamentorum ostendimus, nulla suppetit ratio, quare non sit genus ad prædicta nouem accidentium prædicamenta: quod cum non possit dici, quia aliàs illa non essent genera suprema, et inter se primo diuersa, dicendum est, accidens esse analogum ad nouem accidentium prædicamenta. Sed talis analogiæ nulla potest esse causa, nisi sola transcendencia. Illa ergo sola, etiam si absque alijs causis analogiæ reperiatur, sufficit causare analogiam. Minor sub sumpta, probatur: quia inter accidentia in ratione communis accidentis non facile est assignabile aliqua dependentia vnius ab altero, vel inæqualis participatio talis rationis communis accidentis, aut quod vnum accidens sit simpliciter accidens, aliud vero secundum quid ergo sola transcendencia videtur esse causa talis analogiæ.

5. A priori autem probatur conclusio, quia sola transcendencia sufficit, ut ratio transcendens respectu eorum, quæ transcendit, non sit omnino eadem, et omnino diuersa, sed proportionem eadem et partim diuersa: ergo sola transscendencia sufficit, ut ratio transcendens sit analogæ. Antecedens probatur, et explicatur, quia cum

cum aliqua ratio est transcendens ad aliqua, ita imbibitur in omnibus, quæ in illis sunt, ut de omnibus illis formaliter prædicetur, & nullum illorū possit absque tali ratione intelligi (hoc enim est, aliquā rationem esse ad aliqua transcendentem.) Ergo ratio transcendens imbibitur in eo, in quo inferiora conueniunt, & in his per quæ inter se specialiter differunt. Ergo quatenus imbibitur in eo, in quo inferiora conueniunt, est illis principium conueniendi: & quatenus imbibitur in his, per quæ inter se differunt, est illis principium differendi. Ergo talis ratio cōmunis & transcendens est simul respectu inferiorum principium conueniendi, & principium differendi: ac perinde talis ratio transcendens nec est illis omnino eadem, nec omnino diuersa, sed partim eadem & partim diuersa, & consequenter analogæ. §. Explicatur hoc exemplo. Quia enim ratio communissima entis, ut abstrahit à completo & incompleto ita transcendit hominem, v.g. & equū, ut intrinsece imbibatur in ratione animalis, in qua conueniunt & in differentiis, per quas differunt, & animal sit essentialiter ens, & rationale & irrationale sint essentialiter entia, nec aliquod istorum possit intelligi absque entitate, manifeste inde deducitur, quod talis ratio communissima entis sit simul homini & equo principium conueniendi & principium differendi: quatenus enim imbibitur in

ratione animalis, est illis principiū conueniendi; cum enim tota ratio animalis sit illis principiū cōueniendi, omne illud, sine quo nō potest intelligi ratio animalis, erit illis principium conueniendi: & quatenus talis ratio communissima entis etiā intrinsece imbibitur in rationibus differentialibus hominis & equi, erit illis principiū differendi: quia cum rationalitas, ver. g. secundum se tota sit principium differendi hominem ab equo, omne illud, sine quo essentialiter nō potest intelligi rationalitas, & quod formalissime de rationalitate prædicatur, erit principium differendi hominem ab equo. Ex sola igitur transcendētia habetur, quod ratio transcendens respectu eorum, quæ transcendit, sit simul principium conueniendi & principium differendi: ac perinde quod sit illis ratio partim eadem & partim diuersa & consequenter analoga.

6 Ita efficax mihi videtur hæc ratio ad probandam ex sola transcendentia analogiam, quod si hoc stante, esset possibile, rationem transcendentem omnino abstrahere ab inferioribus, ita vt in illa sic abstracta differentia vel modi diuersi inferiorum nullatenus actu containerentur, adhuc prædicta continentia rationis transcendentis in inferioribus propter rationem factam sufficeret, vt ratio transcendens esset partim eadem & partim diuersa inferioribus, ac perinde & illis analoga; sed re vera transcendentia non solum

Quæstio XIV. 695

Ium facit rationem transcendentem includi in modis seu differentiis inferiorum, sed ut ostendebamus quæstione præcedenti, facit etiam, quod ratio transcendens non possit ita abstrahi ab inferioribus, quin actu, licet implicite, & in confuso, includat differentias, seu modos inferiorum: quia tales differentiæ, & modi, cum non sint extranei à ratione transcendenti, sed aliquid, de quo illa formalissime prædicatur, & cum contrahitur per tales differentias, vel modos, non contrahitur per aliquid, quod se habeat proprie, ut additamentum illius, sed per aliquid solum ab ipsa ratione transcendenti penes explicitum, distinctum; ita, cum volumus talem rationem transcendentem abstrahere, adhuc in illa sic abstracta non possunt, non includi actu, licet non exprimantur, nec explicentur, differentiæ, & modi inferiorum. Sed illæ actu in tali ratione transcendenti incluse, non possunt relinquere illam omnino eandem: sicut differentiæ relinquunt rationem genericam ab illis abstractam omnino eandem; quia in illa sic abstracta, nullatenus actu, sed solum in potentia, includuntur: ergo ratio transcendens ab inferioribus abstracta, nec est omnino diuersa, quia differentiæ, seu diuersos modos inferiorum non explicat; nec est omnino eadem, quia illos licet implicite, & in confuso, actu tamen & non solum in potentia continet, & includit: ac perinde,

sola transcendentia, quia omnimodam abstractionem ab inferioribus impedit, sufficit respectu illorum causare analogiam.

7 Obijcies primo, si sola transcendentia absq; aliqua dependentia, & inæquali participatione sufficeret causare analogiā, tollereturq; vniucationē, sequeretur, quod relatio & personalitas diuina per nostrum conceptum abstracta, & communis omnibus tribus relationibus, & personalitatibus nō esset illis vniuoce communis, sed tantum analogice. Consequens autem non videtur dicendum, aliās minus conuenirent, tres personalitates diuinæ inter se, quam inter se personalitates creatæ. Sequela probatur, quia relatio, & personalitas diuina est transcendens ad tres diuinas personalitates, & relationes: ergo si sola transcendentia causat analogiam, analogia erit relatio, & personalitas diuina ad tres diuinas relationes, & personalitates.

8 Resp. concedendo sequelā, vt concedunt theologi, nec id est incōueniens quia id prouenit ex magna simplicitate diuinorum relationū, & personalitatū, quæ cū nō cōponantur ex conceptu relationis præscindibili à cōceptu relationis in particulari, & non intrinsece imbibito in illo, nō potest conceptus relationis in cōmuni non dicere vnitatem cum diuersitate, ac consequenter non esse analogum. In personalitatibus autem creatis propter earū cōpositionem; metaphisicam conceptus personalitatis creatæ, cum conceptu talis crea-

re personalitatis, potest abstrahi ab omnibus illis ratio communis personalitatis creatæ omnino eadem, ac consequenter uniuoca.

9 Obijcies secundo, quod si sola transcendentia infert analogiam; analogum erit ens non solum ad res diuersorum prædicamentorum, sed etiam ad res eiusdem prædicamenti, vt ad duas substantias, duas qualitates, vel duas quantitates, imò & ad indiuidua eiusdem æthoniæ speciei, vt ad Petrum, & Paulum. Consequens autem non videtur admittendum, cum inter hæc nulla sit in ratione communi dependentia, aut inæqualis alicuius rationis communis participatio: ergo sola transcendentia non videtur causare analogiam. Sequela patet, nam ens, vt abstrahit à completo, & incompleto, non solum est transcendens ad res diuersorum prædicamentorum, sed etiam ad res eiusdem prædicamenti, & in quibuscumque illarum, siue formalibus, siue materialibus differentiis, ita est imbibitum, vt illæ non possint intelligi, quin intelligantur esse entia: ergo si hæc transcendentia sufficit, vt aliquid sit analogum ad ea quæ transcendit, ens erit analogum ad quolibet res etiam eiusdem prædicamenti, generis, vel speciei.

10 Respondetur concedendo sequelam. Ratio enim nostræ conclusionis consequenter conuincit, quod ratio entis, vt abstrahit à completo, & incompleto est

698 *Lib. 6. de antepredicam.*

analogia ad quascunque res eiusdem prædicamenti; quia cum non sint aliqua duæ res quantūvis eiusdē prædicamenti, & speciei a hominē, quæ in aliquo nō conueniāt, & per proprias differentias saltem individuales non differant, ratio entis intrinsece transcendens in eo, in quo conueniūt, & in his in quibus differunt, erit eis principium conueniendi, & principium differendi: ac perinde nec erit omnino eadē, nec omnino diuersa, sed partim eadem, & partim diuersa. Nec poterit ita abstrahi ab illis, quin eorum diuersas differentias licet non explicet, actu tamen includat: ac perinde talis ratio transcendens erit illis analogia.

II Notanter dixi in solutione præcedenti, quod ratio communissima entis, ut videlicet abstrahit à completo, & incompleto erit analogia ad res eiusdem prædicamenti, quia cum illarum differentia sint aliquid incompletum, non includitur in illis ens completum, ac perinde non erit analogum ad illas, quia cum inter res eiusdem prædicamenti non dependeat vna ab altera in ratione entis, nec inæqualiter rationem entis participant, solum potest in ordine ad illas ens dicere analogiam ratione transcendentia; ergo cum hanc non habeat ens completum, sed solum ut abstrahit à completo, & incompleto, illud ad res eiusdem prædicamenti erit vniuocum, istud vero analogum. Ens vero etiam comple-

pletum erit analogum ad diuersa prædicamenta, & ad quaslibet res diuersorum prædicamentorum; quia in illis præter differentias proprias incompletas, in quibus diximus, ens completum non includi dantur modi diuersi constitutiui diuersorum prædicamentorum; qui quamvis quo ad modum significandi significantur ad modum alicuius incompleti, re vera sunt quid completum, & nihil nisi maiorem explicationem addentes supra ens, & ita ens etiam completum includitur in talibus modis, & ratione talis inclusionis ens etiam completum dicitur analogice de quibuscumque rebus tales diuersos modos habentibus. Et eadem ratione accidens etiam completum analogice dicitur de accidentibus diuersorum prædicamentorum; quia in illorū diuersis modis, qui re vera sunt quid completum, & solum quo ad modum significandi incompletum, intrinsece clauditur, & imbibitur.

QVÆSTIO VI.

Vtrum ens respectu omnium suorum inferiorum sit pure æquiuocum.

DE triplici entis diuisione possumus loqui. Prima, qua ens latissime sumptum diuiditur in ens reale, & rationis. Secunda, qua ens reale increatum,

700 *Lib.6. de antepredicam.*

diuiditur, & increatum. Et tertia, qualis ens creatum diuiditur in substantiam, & accidens. Et de ente secundum hanc triplicem diuisionem dubitabimus, an sit pure æquiuocum; ad quod breuiter tribus conclusionibus responderetur.

2 Dico igitur primo, ens ut diuiditur in ens reale, & rationis non est pure æquiuocum, oppositum aliquibus etiam, ex Thomistis tribuitur, sed conclusio est communis. Et probatur: quia, ut ex definitione supra assignata æquiuocorum, supponimus, pure æquiuoca sunt, quæ ut significantur per aliquod nomen, solum ipsum nomen habetur commune. Sed ens reale, & rationis, ut significantur per hoc nomen *ens*, aliquid præter ipsum nomen haberent commune: ergo non sunt pure æquiuoca: ac perinde nec ens diuisum in illa est pure æquiuocum. Minor probatur, nam licet ens reale, & rationis minimam habeant conuenientiam, aliqualem tamen habent conuenientiam & similitudinem in ratione entis, quatenus ens rationis est ens ad modum, & proportionem entis realis; & ea ratione cognoscitur per connotationem, & analogiam ad ens reale, sed de ente ut in ens reale, & rationis diuiditur, eiusque ut sic analogia, solum pertinet agere ad metaphysicum: ad logicum enim tantum attinet agere de ente reali creato, utpote quod diuiditur in decem prædicamenta, de quibus logicus agit. Vnde de hac entis diuisione præcipue

Quæstio XV. 701

cipue agemus, aliqua tamen de diuisione
entis realis in Deum & creaturas breuiter
dicemus,

3 Dico secundo, ens reale non est
pure æquiuocum ad Deum & creaturas.
Oppositum tenuit Rabbi Moyſes teste
D.Thoma quæst.7. de potentia art.7. sed
conclusio est communis omnium cum eo-
dem D.Tho. pluribus in locis: Et ex illius
rationibus efficaciter probatur. Tum quia
in pure æquiuocis nullus ordo attenditur
vnius ad alterum, sed solum, quod eo-
dem nomine significantur. Inter Deum
autem, & creaturas est ordo causæ, &
effectus. Non igitur sunt pure æquiuoca.
Tum etiam, quia ubi est æquiuocatio,
nulla attenditur similitudo. Sed inter
Deum, & creaturas etiam vt hoc nomine
ens significantur, est aliqua, licet multum
imperfecta similitudo: ergo non sunt pu-
re æquiuoca. Tum denique quia quando
plura solum æquiuoce conueniunt, licet
per idem nomen significantur, per vnum
non possumus in cognitionem venire alte-
rius, quia cognitio non attenditur solum
pœnes nomina, sed pœnes rationes signi-
ficatas. Sed per cognitionem creatura-
rum in cognitionem Dei deuenimus, iuxta
illud Apostoli ad Roman. I. *Inuisibilis
Dei. per ea, quæ facta sunt, à creatura-
mundi, intellecta conspiciuntur*: ergo Deus,
& creaturæ non sunt pure æquiuoca, nec
ens reale est pure æquiuocum respectu il-
lorum.

702 *Lib. 6. de antepredicam.*

4 Dico tertio, ens creatum non est pure æquiuocum ad substantiam & accidens. Oppositum tribuitur pluribus antiquis, imò illud videretur tenuisse Porphyrius cap. de speciei, dum ex Aristotele ait: *Si enim omnia quis entia vocauerit, æquiuoce & non vniuoce vocabit.* Sed conclusio est omnium cōmunis, & proportionaliter eisdem rationibus potest probari ac præcedens. Quia substantia, & accidens, non in solo nomine sicut pure æquiuoca, sed in ratione entis habent ordinem causæ, & effectus, & habent similitudinem, & proportionem, & vnū cognoscitur per aliud, & ens, vt dicitur de substantia, & accidēti, potest esse obiectum scientiarum, & medium in demonstratione; quæ omnia pure æquiuocis conuenire nequeunt. Non igitur ens creatum est pure æquiuocum ad substantiam, & accidens. Nec est cur in hoc amplius immoremur. Sed vt hæc clariora fiant, aduersus illa aliqua breuiter obijciamus.

5 Obijcies ergo primo vniuersaliter contra tres præcedentes conclusiones. Quod multo minorem similitudinem inter se habent ens reale, & rationis, Deus & creaturæ, substantia & accidens, quam canis marinus & latrabilis. Sed isti sunt pure æquiuoci, & solum nomen habent commune: ergo à fortiori omnia prædicta erunt pure æquiuoca.

6 Respondetur, quod vniuocatio, æquiuocatio, & analogia non attenditur
penes

penes convenientiam, vel non convenientiam rerum absolute, sed in ea ratione, sub qua significantur per nomina: & canis latrabilis, & marinus quâvis re ipsa non solum habeant maiorem cōvenientiam, quā omnia prēdicta, sed in multis eorum rationibus, ut in ratione corporis viventis, & animalis conveniant uniuoce, & ita ut sub eis rationibus significantur, sint uniuoca, & uniuocum sit corpus, vivens, & animal ad canem marinū, & terrestrem tamē ut significantur per hoc nomen *canis*, nullam habent convenientiam, sed omnimodam diuersitatem, quia significantur secundum suas rationes particulares, & specificas, in quibus nullatenus conveniunt, sed differunt. Ens autem reale, & rationis in ratione entis sub qua per hoc nomen *ens*, significantur, aliquam licet minimā habet convenientiam; & similiter Deus, & creatura in ratione entis realis, sub qua hoc nomine *ens reale* significantur, aliquam habent similitudinem, & proportionem: ac denique substantia & accidens in ratione entis creati sub qua per hoc nomē *ens creatum* significantur, cōvenientiam licet analogam habent: ac perinde nec ens de ente reali, & rationis, nec ens reale de Deo, & creaturis, nec ens creatum de substantia, & accidenti est pure æquiuocum.

7 Obijcies secundo contra secundam conclusionem, quod teste philosopho 10. metaph. c. vii. aeterno, & temporali nihil est cōmune præter nomen. Sed Deus est aet-

nus, & creatura temporalis: ergo illis nihil est commune præter nomen. ac perinde quidquid dicitur de illis, dicitur pure æquivoce, æquivoca enim sunt, quæ nihil habent commune præter nomen.

8 Resp. cum D. Thoma q 7. de potentia art. 7. ad 1. quod Philosophus solum intendit, quod æterno, & temporali nihil sit commune naturaliter à parte rei, non tamen negat illis aliquid commune secundum intentionem & per intellectum abstractum; quod sufficit, ut non sint pure æquivoca, & quod dicitur de illis, non dicatur pure æquivoce.

9 Obijcies tertio, contra eandem, secundam conclusionem, quod inter Deum, & creaturam nulla prorsus est similitudo. Nulla igitur convenientia: ac perinde omnimoda diuersitas: ergo dicuntur pure æquivoce. Patet hæc ultima consequentia, quia ea, in quibus nulla est convenientia, sed omnimoda diuersitas, solum possunt habere nomen commune; ac perinde sunt pure æquivoca. Antecedens autem probatur, quia inter Deum, & creaturas, utpote finitum, & infinitum est distantia infinita: ergo nulla prorsus est similitudo. Patet hæc consequentia, quia differentia inter aliqua minuit similitudinem inter illa, & maior distantia magis minuit similitudinem: ergo infinita distantia omnino tollit similitudinem.

Confirmatur, nam Esaiæ 40. dicitur *Cui similem fecisti Deum?* ergo Deus non

non est similis alicui, nec aliquis est similis Deo iuxta illud Psalmi 80. vers. 1. *Deus, quis similis erit tibi?* ac si dicant, nullus.

10 Respondetur ad argumentum, negando antecedens, ad illius probationem respondetur, quod licet distantia minuatur similitudinem uniuocam & perfectam, immò etiam aliquo modo minuat similitudinem proportionalem, nulla tamen distantia tollit omnino similitudinem proportionalem. Hæc enim saluatur cum qualibet imitatione quantumvis imperfecta; & creaturæ imitantur, licet imperfecte entitatem, & bonitatem Dei, immò quantumvis inter Deum, & creaturas sit infinita distantia, quia est maxima, quæ inter entia realia potest esse, non est absolutè maxima omnium distantia. magis enim distat ens à non ente, seu ens reale ab ente rationis, quam Deus à creatura, & tamen inter ens reale, & rationis aliqua est proportionalis similitudo.

Ad confirmationem respondetur ex D. Thoma quaest. 2. de veritate art. 11. ad 1. quod Deus, ut asserit D. Dionysius 11. cap. de diuinis nominibus, non dicitur creaturæ similis, quia causa non est similis suo effectui; sed creatura dicitur similis Deo, quatenus illum licet imperfecte imitatur, & ita concludit eam solutionem Sanctus Thomas, explicans utrumque testimonium adductum, & dicens. *Et ideo sacra Scriptura Deum creaturis esse simi-*

706 *Lib. 6. de antepredicam.*

similem, omnibus modis negat, sed creaturam esse similem Deo, quandoque quidem concedit, quandoque negat, concedit, cum dicit hominem ad similitudinem Dei factum, sed negat, cum dicit, Deus, quis similis erit tibi?

QVÆSTIO XVI.

*Virum ens ad Deum, & creaturas,
ad substantiam, & accidens sit
vniuocum, an vero ana-
logum?*

S Vpposito ex quæstione præcedenti ens ad Deum, et creaturas, ad substantiam, et accidens non esse pure æquiuocum; inquirimus in præsentī, an ad eadem inferiora sit vniuocum, an vero analogum. Et cum plures rationes æqualiter de ente in ordine ad Deū et creaturas, et in ordine ad substantiam, et accidens procedant, ne eadem repetamus de utroque simul in hac quæstione inquirimus. Cūque de eisdem de quibus quomodolibet dicitur ens, eodem modo dicantur entis attributa, seu proprietates: quod de ente respectu suorum inferiorum dixerimus, proportionabiliter respectu eorundem inferiorum est dicendum de qualibet entis realis proprietate, de vero videlicet, bono, et vno, utpote quæ sunt transcendentalia, sicut ens, et solum ab
ente

ente penes implicitum, & explicitum distinguuntur.

2 Dicendum igitur est, ens non esse uniuocum, sed analogum ad Deum & creaturas, & ad substantiam, & accidens. Oppositum tribuitur Scoto, & pluribus eius discipulis. Sed conclusio quoad utrâque illius partem est fere omnium communis: & inter alios illam tenet noster author in præfenti.

3 Probatur autem primo conclusio. Quia omnes causæ, quas supra quæst. 14. ostendimus esse sufficientes causare analogiam, concurrunt ad illam causandam, in ente reali respectu Dei, & creaturarum, & in ente creato respectu substantiæ, & accidentis. Nam in primis creaturæ in ratione communi entis dependent à Deo in genere causæ exemplaris, finalis, & efficientis, & (ut videbimus) non adæquant virtutem causæ; & accidens dependet in ratione entis à substantia in genere causæ materialis, finalis, & efficientis; quia recipitur in substantia, causatur efficienter ab illa, & est propter illam tanquam propter sui finem, & non adæquat virtutem substantiæ. Iam igitur concurret prima causa analogiæ. Similiter concurret secunda, quia creatura inæqualiter ac Deus participat rationem communem entis, & solus Deus, qui est ens per essentiam, est ens simpliciter, creatura autem solum est ens secundum quid, scilicet ens per participationem; & similiter accidens
ine-

inæqualiter ac substantia participat rationem communem entis creati, & sola substantia est ens simpliciter creatum; accidens autem etiam intra limites entis creati est ens secundum quid, & entis ens. Concurrit igitur secunda causa analogiæ, concurrit denique tertia, quia ens reale est transcendens ad Deum & creaturas, & ens creatum ad substantiam, & accidens, cum nullum sit prædicatum, modus, vel differentia in Deo, vel creaturis, in quibus ens reale intrinsece non imbibatur, & de quibus formaliter non prædicatur, & similiter ens creatum respectu substantiæ, & accidentis.

4 Secundo probatur conclusio ratione D. Thomæ 1. contra gentes, cap. 32. ubi ita ait: *Omne, quod de pluribus univocè prædicatur vel est genus, vel species, vel differentia, vel accidens, vel proprium, de Deo autem nihil prædicatur ut genus, ut supra ostensum est, & similiter, neque ut differentia, neque ut species, quia ex genere & differentia constituitur, neque aliquid ei accidere potest, ut supra demonstratum est, & ita nihil de Deo prædicatur; neque ut accidens, neque ut proprium: nam proprium de genere accidentium est, relinquitur ergo nihil de Deo, & rebus alijs univocè prædicari.* Hæc D. Thom. cuius ratio æque procedit de ente respectu substantiæ, & accidentis, respectu quorum, ut manifeste patet, non potest habere rationem alicuius prædicabilis: si enim aliquam posset habere, maxi-

Quaestio XVI. 709

maxime rationem generis, quam illud habere communiter omnes negant cum Philosopho, alias non darentur decem genera generalissima. §. Nec valet dicere, quod etiam si ens sit uniuocum, non est genus ad Deum, & creaturas, substantiam & accidens, quia includitur in ultimis illorum differentiis, & genus debet esse extra conceptum differentiarum. §. Non, inquam, id valet, quia si uniuocum esset ens, non includeretur in differentiis eorum, respectu quorum esset uniuocum, cum talis entis in differentiis inclusio, ut ostendimus ratione precedenti, illius colleret uniuocationem, & inferret analogiam.

§. Tertio etiam probatur conclusio ratione D. Thomae in eodem capite: ubi ita ait: *Quod predicatur de aliquibus secundum prius & posterius, verum est uniuoce non predicari: nam prius in definitione posterioris includitur, sicut substantia in definitione accidentis, secundum quod est ens.* Hæc Div. Thomas, cuius verbis assumptis pro maiori, sic sub sumo minorem: sed ratio entis per prius de Deo dicitur, & posterius de creatura, & ratio entis creati per prius dicitur de substantia, & posterius de accidenti: ergo impossibile est, quod ens ad Deum, & creaturas & ens creatum ad substantiam, & accidens sit uniuocum. Minor quoad primam partem probatur, quia Deus est ens per essentiam, & est sua entitas, quælibet autem creatura est ens per

710 *Lib. 6. de antepredicam.*

per participationem , & non est sua entitas . Sed per prius dicitur aliquid de eo , quod est tale per essentiam , & posterius de eo , quod est tale per participationem ; ergo ens per prius dicitur de Deo , quam de creaturis . Quoad secundum autem , partem probatur eadem minor , quia substantia est simpliciter ens ; accidens autem est secundum quid ens , & cum dependentia in esse entis à substantia : ergo ratio entis per prius de substantia dicitur , quam de accidenti .

6 Specialiter autem de ente , quod non sit uniuocum ad Deum & creaturas , probatur ratione D. Thomæ 1. part. q. 13. art. 5. ad hanc formam reducta . Omnis effectus non adæquans virtutem causæ , habet participationem ab illa secundum similitudinem deficientem . Sed creatura est effectus Dei non adæquans perfectionem illius : ergo habet participationem à Deo secundum similitudinem deficientem : ergo non conuenit uniuoce cum Deo . Hæc vltima consequentia probatur , quia vbi non est perfecta , sed deficiens similitudo , non est conuenientia omnimoda ; ac perinde nec uniuocatio , quæ omnimodam inter uniuocata exigit conuenientiam . Maior probatur , quia si effectus non adæquat virtutem causæ , perfectio , quæ in causa vnita , & indiuisa præhabetur , diuisa , multiplicata , & limitata reperitur in effectibus . Illi igitur habent participationem à causa secundum simili-

cu-

Quaestio XVI. 711

itudinem deficientem, & non omnino eiusdem rationis cum ipsa causa. Minor autem est certa, quia nulla creatura adaequat perfectionem Dei, omnis enim perfectio creaturarum reperitur in Deo sine aliqua diuisione aut limitatione, et in singulis creaturis reperiuntur diuersae participationes diuinæ diuisæ, limitatæ, et determinatæ.

7 Quod si huic rationi obijcias, quod effectus causæ æquiuocæ creatæ, vt lux in aere causata à luce solis non adaequat virtutem causæ. Et tamen ratio lucis de luce aeris, et luce solis dicitur vniuocæ. Et similiter aurum, et alia corpora corruptibilia, quæ causantur à corporibus celestibus non adæquant virtutem causæ. Et tamen corpus vniuocæ dicitur de corporibus corruptibilibus, et in corruptibilibus: ergo ex eo quod creatura sit effectus Dei non adæquans virtutem causæ, non sequitur quod ratio entis non sit vniuoca ad Deum et creaturas.

8 Respond. rationem D. Thomæ, vt ibi illam explicat Caiet. intelligendam, esse formaliter, idest, quod nomen significans causam et effectum non adæquantem virtutem causæ formaliter, vt talis effectus illius est, non potest vniuocæ illa significare, non autem si significet illa sub alia ratione communi: corpus autem corruptibile non est effectus corporis celestis, in quantum corpus, sed in quantum tale corpus est, et lux aeris non est effectus

ctus lucis solis, inquantum lux, sed inquantum talis lux est, et sic non obstat, quod in ratione communi lucis vniuo-centur, et in ratione communi corporis vniuo-centur corpus corruptibile, et caeleste: creatura autem est effectus Dei limitatus, et secundum similitudinem deficientem, non solum inquantum tale ens, sed inquantum ens, quia cum Deus sit vniuersalissima et prima causa, non solum causat, sicut causae secundae, rationes particulares, quae sunt in effectibus, sed etiam rationem communissimam entis, quae in illis reperitur, et causat ens inquantum ens: et ita in nulla ratione, etiam in ratione communissima entis possunt creaturae vniuoce conuenire cum Deo, quia sub omni ratione (ut diximus) causantur ab illo, et sub nulla adaequant virtutem causae, sed participant eius virtutem secundum similitudinem deficientem. Et ita D. Thomas ea ratione vniuersaliter infert, nullum nomen posse esse vniuocum ad Deum et creaturas, quia nullum nomen potest esse aliquam significans rationem, sub qua creatura non sit effectus Dei secundum participationem et similitudinem deficientem.

§ Præcipua argumenta quæ ad vniuocationem entis ad Deum, et creaturas substantiam, et accidens, probandam possunt adduci, procedunt ad probandum, dari vnum conceptum entis præcisum ab omnibus inferioribus: ac perinde quod cum

in illo non reuocet aliqua diuersitas in inferioribus reperta, ratio in tali conceptu repræsentata sit omnino eadem, & consequenter vniuoca. Sed de hoc in sequentibus agemus. Vnde his omnibus pronunc omittis, alia breuiter aduersus analogiam entis, & ad probandam eius vniuationem obijciamus.

10 Obijcies ergo primo, quod Deus est causa vniuoca creaturarum in ratione entis: ergo ens vniuoce dicitur de Deo, & creaturis, Patet consequentia, quia causa vniuoca, & eius effectus, in eo quod effectus eius sunt, vniuoce conueniunt. Antecedens autem probatur, quia illa est causa vniuoca, quæ perfecte assimilatur sibi effectum: sed Deus perfecte sibi assimilatur suos effectus: ergo est causa vniuoca illorum. Minor probatur, quia omnis causa intendit assimilare sibi effectum, & quanto perfectior & efficacior est causa, magis assimilatur sibi effectum, Sed Deus est causa perfectissima: ergo perfectissime assimilatur sibi effectum.

11 Respondetur, negando antecedens. Et ad probationem dico, quod licet causæ particulares, & vniuocæ intendunt sibi assimilare effectus, non tamen causæ vniuersales, quia, quæ in effectibus sunt diuisa, in ipsis sunt unita. Vnde non possunt intendere assimilare sibi effectus particulares, sed solum illos secundum tales particulares rationes perfectiores producere, & causa vniuersalissima, scilicet Deus

714 *Lib. 6. de antepredicam.*

Deus non potest intendere aliquem effectum sibi perfecte assimilare, quia Deus est illimitatus, & continens omnem rationem entis, effectus autem quilibet, eo quod sit effectus, debet esse aliquid limitatum, & non continens omnem rationem entis.

12. Obijcies secundo, quod mensura, & mensurarum debent esse eiusdem rationis. Sed Deus est mensura creaturarum: ergo est eiusdem rationis cum illis: ac perinde uniuoce creaturæ conueniunt cū Deo. Maior probatur, quia mensura debet commensurari, & adæquari cum mensurato, & ideò quantitas magna non potest esse mensura parvæ quantitatis, quia non commensurantur, & adæquantur inter se. Sed nihil potest adæquari, & commensurari cum eo, quod est diuersæ rationis ab illo: ergo mensura, & mensuratum debent esse eiusdem rationis.

13. Respondetur, quod vt colligitur ex doctrina D. Thomæ quæst. 7. de potentia art. 7. duplex est mensura. Altera adæquationis, altera excedens, & prima debet esse eiusdem rationis cum mensurato, non vero secunda. Et Deus est mensura excedens creaturarum, quatenus illæ per maiorem, vel minorem accessum ad perfectionem Dei (quamuis nulla possit ad perfectionem Dei peruenire) in sua creata perfectione mensurantur. Et ita potius ex ratione mensuræ excedentis, quam Deus habet respectu creaturarum, col-

Questio XVI. 715

colligitur , non esse eiusdem rationis cum illis .

14 Obijcies tertio , quod nihil potest cognosci , nisi per id quod est eiusdem rationis cum illo , ab eo enim , quod est diuersæ rationis distinguitur , & diuersificatur : ac perinde illud non potest esse principium ipsum cognoscendi : sed per essentiam Dei cognoscuntur creaturæ , & Deus illas per suammet essentiam cognoscit : ergo Deus & sua essentia non diuersæ , sed eiusdem rationis est cum creaturis : ac perinde Deus , & creaturæ vniuoce conueniunt .

15 Respondetur , quod per id quod eminenter continet alia , sicut Deus eminenter continet omnes perfectiones creaturarum , etiam si sit diuersæ rationis ab illis , sicut ens illimitatum , & per essentiam ab ente limitato , & per participationem , bene possunt illa cognosci , quia quæ in illis reperiuntur diuisa , & limitata , in Deo eminenter vnita & absque limitatione reperiuntur . Vnum autem ens

creatum non potest cognosci per

aliud , in eo quod diuersæ

rationis sunt , quia ra-

tio vnus nullate-

nus formali-

ter, nec

eminenter continet aliam

in eo , quod diuersa

est ab illa .

QVÆSTIO XVII.

Qualem analogiam habeat ens ad Deum, & creaturas, & ad substantiam, & accidens.

SVpposito ex præcedenti quæstione, ens ad prædicta inferiora esse analogum; inquirimus, an in ordine ad ista sit analogum analogia attributionis, ut aliqui existimant: an vero sola analogia proportionalitatis, ut alij indicant: an denique utraque, & simul analogia, ut sæpius indicat D. Thomas, tenet expresse Caietanus, & communiter fatentur Thomistæ, & ut ex dictis in præcedentibus satis manet insinuatum.

2 Pro breuitatis explicatione breuiter dico primo, ens non est solum analogum attributionis ad Deum et creaturas, substantiam, et accidens. Probatur manifeste conclusio: nam in analogis attributionis ratio analogia intrinsece reperitur tantum in principali analogato, et in alijs solum extrinsece: ergo ubi sola esset analogia attributionis, et nullo modo analogia proportionalitatis, ratio analogia sub nulla ratione, sub nullaque formalitate posset esse intrinsece in minus principalibus analogatis. Sed certum est, sub aliquaratione rationem entis esse intrinsece in creatura & in accidenti, & creaturam à sua

a sua entitate intrinseca, & intrinsece participata, ens denominari, & accidens etiam a sua entitate intrinseca denominari ens ergo nec creatura cum Deo, nec accidens cum substantia sola analogia attributionis analogantur.

3 Confirmatur, quia licet in alijs rationibus particularibus possint aliqua solum analogia attributionis analogari, id in ratione entis est omnino impossibile ergo resp. etiam quorumlibet inferiorum ens non potest dicere solam analogiam attributionis. Probatur, & explicatur antecedens, quia licet, ut medicina v.g. denominetur extrinsece sana a sanitate existente in animali, non requiratur, quod sub aliqua formalitate habeat sanitatem intrinsecam, requiritur tamen materialiter & præsuppositivè, ut sit capax talis extrinsece denominationis, quod habeat in se intrinsecam entitatem; quod enim intrinsece non est aliquid, & non est ens, non est capax in se alicuius intrinsece denominationis: ergo ut aliquid denominetur extrinsece ens ab entitate in altero existente, requiritur præsuppositivè, & materialiter, quod illud sit sub aliqua formalitate intrinsece ens. Impossibile igitur est, quod ratio entis de aliquo dicatur analogice analogia attributionis, quin simul dicatur de illo analogice analogia proportionalitatis. Patet hæc consequentia, quia ut aliquid denominatur extrinsece ens, dicitur ens analogice de illo analogia at-

tributionis ; & vt idemmet habet suam intrinsecam entitatem , dicitur ens de illo analogice alia analogia præter analogiam attributionis : ergo si impossibile est, aliquid denominari extrinsece ens, quin præsuppositiue , & materialiter supponatur in illo entitas sua intrinseca, qua denominetur, impossibile est, ens dici de aliquo analogice sola analogia attributionis , quin materialiter simul coincidat in illo analogia proportionalitatis .

4 Dico secundo, ens ad Deum & creaturas , substantiam & accidens non est solum analogum analogia proportionalitatis , sed simul etiam analogia attributionis . Conclusio probatur primo , quia licet , vt ostendimus præcedenti conclusione, creatura & accidens denominentur entia à suis intrinsecis entitatibus ; etiam creatura denominatur extrinsece ens & extrinsece bona ab entitate & bonitate existente in Deo, & accidens ab entitate substantiæ : ergo creatura cum Deo , & accidens cum substantia analogantur etiam analogia attributionis . Antecedens probatur primo , quia creatura in ratione entis dicitur habitudinem formaliter , & quasi in actu signato ad Deum , & accidens ad substantiam : ergo denominatur creatura ens ab entitate Dei , & accidens ab entitate substantiæ . Patet consequentia, idem enim vrina, & medicina denominantur sana à sanitate existente in animali , quia dicunt respectum , & habitudinem for-

Quaestio XVIII. 719

maliter & quasi in actu signato ad illam :
 Antecedens autem probatur , quia ut pa-
 ret ex supra dictis , nisi creatura diceret
 eam habitudinem formaliter , & quasi in
 actu signato ad Deum , & accidens ad sub-
 stantiam , non oporteret , sicut revera
 oportet in definitione exacta creaturae in-
 gredi Deum , & ingredi substantiam in
 definitione exacta accidentis . Secundo
 probatur idem principale antecedens ,
 quia quamvis creaturae & accidens mate-
 rialiter , & sub aliqua ratione à suis pro-
 prijs intrinsecis entitatibus dicantur en-
 tia , & bona ; formaliter respectu ad Deum
 entitas , & bonitas creaturae consideratur ,
 ac si non esset , & solus Deus dicitur esse ,
 ac dicitur bonus , & similiter posset dici ,
 quod sola substantia dicitur simpliciter
 ens creatum & bonum creatum : ergo sub
 aliqua ratione creatura denominatur ex-
 trinsece ens , et bona ab entitate , et bo-
 nitate Dei , et accidens à bonitate et enti-
 tate substantiae . Antecedens deducitur ex
 illo Isaia 40. *Omnes gentes quasi non sint ,*
sic sunt coram eo , & quasi nihil & inane re-
putatae sunt ei , et ex illo Exodi 3. *ego*

sum , qui sum , ac si diceret , nul-

lus in conspectu meo est ,

et ex illo dicto Christi

Lucæ 18. Nemo

bonus nisi Jo-

hannes Deus .

QVÆSTIO XVIII.

Utrum detur vnus conceptus entis omnino præcisus, & abstractus ab inferioribus.

Non solum Scotus, et alij, qui ens vniuocum asserunt, ad Deum et creaturas, substantiam, et accidens consequenter tenent dari vnum conceptum entis ab eisdem ita omnino præcisum, & abstractum, vt nullatenus in actu includat inferiora; sed et etiam plures ex his, qui vniuocationem denegant entis, admittunt talem illius conceptum omnino præcisum; licet oppositum magis communiter à discipulis D. Thomæ reueatur. Et quidem resolutio huius quæstionis, et pars negativa satis manet iam insinuata ex his, quæ diximus quæst. 13. huius libri de conceptu analogiæ proportionalitatis proprie correspondente analogatis. Vnde illa breuiter ad conceptum entis hic applicabimus: alias etiam speciales probationes adhibentes.

2. Dicendum igitur est, dari vnum conceptum entis ab inferioribus abstractum; imperfectum tamen et confusum, et in quo speciales modi, et differentiæ inferiorum, licet non explicantur, ex exprimantur: actu tamen implicite, et in confuso includantur. Et quidem prima pars

pars conclusionis, dari quidem vnum cōceptum abstractum entis confusum saltē, & imperfectum, sufficienter in prædicta quæstion. 13. ostendimus, quia certe cum audimus hanc vocem *ens* præter conceptū nō vltimatū ipsius vocis, qui proculdubio vnicus correspondet, nō corripōdent alij plures conceptus vltimati representantes, distincte illius inferiora, sed vnicus conceptus representans solū explicite id, quod habet esse, & implicite & in cōfuso diuersos modos essendi inferiorum, vt hoc experientia quis agnoscat. §. Confirmatur primo, quia viso aliquo à longe, statim cōcipimus de illo, quod est ens, nihil aliud de illo concipiendo. Ergo dabilis est vnus conceptus entis, in quo saltem explicite non represententur inferiora. §. Confirmatur secundo. Quia certus de aliquo superiori, & incertus qua ratione sit contrahit aut determinatum, format conceptū rationis superioris, in quo ratio inferior non representatur. Sed certus potest esse quis de aliquo, quod sit ens, & incertus, an sit substantia, vel accidens. Talis igitur habet conceptum entis, in quo saltem explicite & expresse non represententur substantia nec accidens. Maior patet exemplo eius, qui videns à longe aliquod animal moueri, & certus ob id, illud esse animal, & incertus quod animal sit; format perinde conceptum animalis, in quo nullatenus representatur aliqua differentia rationem animalis contrahens. Minor au-

tem probatur. Nam Gentilis, v. g. certus est, id quod apparet in Hostia consecrata esse ens; & cum ab aliquo catechizatur de veritate Sacramenti Eucharistiae, incipit dubitare an illud, quod videt, sit accidens vel substantia: talisque perinde tunc Gentilis est certus de illo, quod sit ens, & incertus, an sit accidens vel substantia. Nec hoc argumento amplius convincitur, aut illud probat, quod per illud intendit Scotus, dari videlicet conceptum omnino præcisum entis nullatenus in actu includentem inferiora. Ultima tandem eadem pars conclusionis confirmatur omnibus objectionibus, quæ aduersus secundam partem conclusionis possunt fieri, quia illæ ad minus hanc primam partem conclusionis conuincunt.

3 Secunda pars conclusionis generaliter de ente respectu Dei & creaturarum & de ente creato respectu substantiæ & accidentis, multipliciter probari solet. Et primo quidem ab inconuenienti, quod si ens diceret vnum conceptum præcisum nullo modo includentem in actu inferiora, esset vtique vniuocum ad illa. Consequens, licet admittat Scotus, negant alij, qui conceptum admittunt omnino præcisum entis. In consequenter ergo illi loquuntur. Sequela probatur. Quia licet detur conceptus & ratio obiectiua entis ita omnino præcisa ab inferioribus, vt illa nullatenus actu includat, erit sic abstracta omnino vna, & eadem om-

nibus illis, & absque aliqua prorsus diuersitate, & consequenter uniuoca.

Confirmatur, nam quia ita abstrahitur ratio animalis ab homine & equo, ut nullatenus, sic abstracta includat in actu differentias hominis, & equi, talis ratio est eadem omnino illis, & consequenter uniuoca: ergo si ratio entis sic abstraheretur ab inferioribus, quod sic abstracta, nullatenus includeret in actu rationes differentiales, seu modos diuersos inferiorum, esset illis ratio omnino eadem, & consequenter uniuoca.

4 Dices cum illis, qui eam entis omnimodam praecisionem absq; uniuocatione saluare contendunt, quod adhuc si ens ita omnino abstrahatur, & praescindatur ab inferioribus, non est illis uniuocum, quia ex se petit inaequaliter descendere ad inferiora, ita ut ipsa ratio entis simpliciter in aliquo inferiorum reperiatur, in alijs vero solum secundum quid.

5 Contra hoc tamen est, quod haec inaequalis participabilitas entis in inferioribus in illa ratione abstracta solum est in potentia, quatenus potest inaequaliter ab inferioribus participari: ergo nihil est in actu in illa ratione abstracta, per quod illius ut sic abstractae minuatur unitas, aut fiat aliquo modo actu diuersa: ergo cum uniuocatio consistat in omnimoda unitate absq; actuali diuersitate, talis ratio sic abstracta nihil habebit per quod desinat, simpliciter esse uniuoca.

Confirmatur, quia licet ratio vniuoca, generica, v.g. ratio animalis, omnino abstracta, & præcisa ab inferioribus, adhuc habeat potentiam, vt diuersimode, immò & inæqualiter ab inferioribus participate-
tur; quia tamen diuersitas, & inæqualitas inferiorum in ratione sic abstracta, actu nullatenus includitur, id non tollit omnimodam vnitatem, & vniuocationem illius; ergo idem dicendum erit de ratione entis omnimode præcisa, & abstracta, si in illa diuersitas & inæqualitas inferiorum nullatenus in actu, sed solum in potentia contineatur.

6. Dices etiam ad propositam rationem conclusionis, quod vt diximus sup. q. 14. concl. 3. ex eo quod ens includatur in inferioribus; ita vt nihil sit in inferioribus, in quo ratio entis intrinsece non imbibatur, sufficienter saluatur entis analogia, etiam si possit ita omnino abstrahi ratio entis ab inferioribus, vt in illa sic abstracta differentiæ aut diuersi modi inferiorum nullatenus a actu includerentur: ergo ex tali abstractione entis non sequitur eius vniuocatio.

7. Ingeue fateor, quod si possibile esset, ens includi intrinsece in differentiis omnium inferiorum, & omnino abstrahi, & præcindi ab illis, posset saluari entis ad inferiora analogia: sed quia eadem ratione quâ differentiæ inferiorum includunt a actu ens, ita vt licet illud non explicent, abique illo intelligi nequeant, etiam ens

in-

incluât modos & differentias inferiorum, ideo optime ex omnimoda abstractione & præscindibilitate entis ab inferioribus si daretur, tolleretur eius analogia, & deduceretur eius vniuocatio.

8 Secundo probatur conclusio, quia si ens omnino præscinderet à Deo & creaturis, substantia & accidente, esset genus ad illa. Consequens non potest admitti; Deus enim sub nullo potest esse generum, alias esset species composita ex genere & differentia, quod aduersatur omnimodæ eius simplicitati; & si ens esset genus ad substantiam & accidens, prædicamenta non essent genera generalissima, nec inter se primo diuersa contra omnium cum Aristotele consensum. Ergo ens non omnino abstrahit, ac præscindit à Deo & creaturis, substantia & accidente. Sequela probatur. Quia ens, ut admittit Scotus, & ut contra illud negantes ex omnimoda illius præcisione sequi probauimus, esset vniuocum Deo & creaturis, substantia & accidenti. Ergo, si alias omnino potest ab illis præscindi, nihil ei deest, quatenus sit respectu illorum genus.

9 Dices, quod etiam si ens omnino præscindat à suis inferioribus non est genus ad illa, quia non est extra conceptum suarum differentiarum, nec illæ absq; ente possunt intelligi, quamuis absque illis, ens intelligi possit, & omnino ab illis præscindi.

10 Dices etiam, quod ens, etiam si

poaſcindat ab inferioribus, non prædicatur quidditative de illis, quia non dicit aliquem gradum, aut quidditatem illorū, ſed fundamentum totius quidditatis. Et cum genus debeat prædicari quidditative, ens perinde non erit genus ad ſua inferiora.

11 Sed contra primum eſt, quod (ut ſtatim oſtendemus) eadem ratione, quæ in differentijs ſeu modis diuerſis inferiorum entis ens includitur actu, & ſive illo non poſſunt intelligi, illi etiam actu includuntur in ente.

12. Contra ſecundum autem facit, quod eo ipſo, quod ens dicat vnā rationem, vnumque conceptum omnino præciſum & abſtractum ab inferioribus, iam dicit ſpecialem illis gradum, & non aliquid eſſentialiter incluſum in differentijs illorum; ac perinde prædicabitur quidditative de illis.

13 Tertio à priori probatur conſuſio ratione iam facta ſupra qu. 13. concl. 3. quia ens non contrahitur per differentias vel modos inferiorum, tamquam per proprium aliquod ſui additamentum, ſed ſolum tamquam per aliquid magis explici- tum, quam nomine entis explicetur, & exprimatur: ut cum Ariſtotele, & D. Tho- ma ibidem oſtendimus: ergo ens eſt de eſſentia, & conceptu intrinſeco omnium differentiarum: ergo non ita poteſt præſcindere ab illis, quin actu, licet impli- cite & in conſuſo illas includat. Patet hæc

con-

Questio XVIII. 727

consequentia; quia si differentia non sunt proprium additamentum entis, non solum in conceptu illarum ens semper est inclusum, sed nec ens per conceptum est omnino separabile ab illis; & quantumvis abstracte concipiatur, semper affert secum actu tales differentias: quia non sunt aliquod additam enti, sed solum poenes implicitum, & explicitum ab illo distinctum.

Confirmatur, nam ideo genus ver. g. animal non solum non includitur actu in differentijs, sed potest omnino abstrahi ab illis, quia per illas vere contrahitur, tamquam per aliquod sui additamentum, & quod extra illius essentiam est: ergo ex opposito si differentia, & modi entis non sunt proprie additamentum illius, non solum ille non possunt intelligi absque ente, sed neque ens potest omnino intelligi absq; illis, nec ab illis ita omnino praescindij ut eas actu, licet implicate, & in confuso non includat.

14. Quarto specialiter de ente respectu Dei, & creaturarum probatur conclusio, quia si illud ab illis omnino posset praescindi, duplex nullatenus admittendum, sequeretur inconueniens. Primum, quod ens faceret veram compositionem, licet rationis, & metaphisicam cum Deo ad modum compositionis generis, & differentia: quia ex conceptu superiori, & omnino praeciso ab inferiori, vera proculdubio potest resultare rationis compositio.

Secundum sequeretur inconueniens, quod ens secundum rationem, & secundum intellectum esset simplicius Deo, quia quod omnino abstrahitur ab aliquibus, simplicius est ijs, a quibus abstrahitur, utpote, quod non includit actum rationes inferiorum, quas ipsa inferiora simul cum ratione abstracta actu includunt. Illud autem, utpote omnino simplicitati Dei repugnans, nullatenus admittendum docet D. Tho. 1. contra gentes cap. 32. ratione 4. ergo ex opposita sententia duplex nullatenus admittendum sequitur inconueniens :

15 Obijcies primo, quod si ens creatum non posset ita omnino abstrahi a substantia, & accidenti, quin substantia, & accidens actu includat, non posset ullatenus predicari de illis. Consequens non est dicendum : ergo nec antecedens. Sequela probatur, quia si ens quantumvis a substantia, & accidenti abstrahatur, substantiam, & accidens actu includit, idem esset dicere, substantia est ens, ac dicere, substantia est substantia, & accidens. Sed ea predicatio manifeste est falsa : ergo iuxta eam impræscindibilitatem entis non potest ens predicari de substantia, aut accidenti.

Confirmatur, quia si ens non præscinderet omnino a substantia & accidenti, non posset de aliquo illorum predicari prædicatione superioris de inferiori : in tali enim prædicatione id, quod dicit subiectum in actu, solum debet in potentia contineri in predicato. Sed certum est,

ENS,

ens prædicari prædicatione superioris de substantia, & accidenti; cum prædicetur formaliter de illis: & non ut forma respectu subiecti: ergo ut superius respectu inferioris: omnino igitur ab inferioribus, ens potest abstrahi, & præscindi.


16 Respondetur ad argumentum, negando sequelam; quia licet ens includatur in actu substantiam, & accidens, non includit illa explicite, sed implicite, & in confuso; & ita bene potest prædicari de substantia v. g. nec est idem dicere, substantia est ens, ac dicere, substantia est substantia & accidens; quia id solum esset, si nomine entis explicite substantia, & accidens significarentur; sed solum est dicere, quod verba sonant, & explicite significât, nempe, quod substantia habet esse, licet in prædicato actu includatur substantia, & accidens, non quidem absolute & distincte, sed implicite, & in confuso, & ut proportionantur in modo essendi.

Ad confirmationem respondetur negando sequelam, quia ut ens prædicetur de substantia prædicatione superioris, sufficit, quod non exprimat, nec explicet, quod exprimit, & explicat substantia. Vnde prædicatur de illa saltem quoad modum significandi, & ut implicitum de explicito per modum superioris de inferiori.

11 Obijcies secundo, quod omnia entia conveniunt essentialiter in ratione entis, & differunt suis rationibus particularibus. Sed ab omnibus essentialiter conveniunt

uenientibus abstrahibilis est ratio, in qua conueniunt, in qua nullatenus contineantur rationes in quibus differunt : ergo à substantia & accidenti abstrahibilis est una ratio entis, in qua rationes inferiores nullatenus includantur ,

18 Respondetur , quod substantia, & accidens in ratione entis conueniunt quidem, non simpliciter, sed secundum quid; non enim ratio entis est omnino eiusdem rationis in illis, sed proportionabiliter eadem, & in illis est similis, & dissimilis: conuenientia enim proportionalitatis inter aliqua dicit similitudinem cum dissimilitudine. Vnde ad argumentum distinguenda est maioris omnia entia conueniunt essentialiter in ratione entis; conuenientia simpliciter, & eiusdem rationis, nego minorem: conuenientia proportionali tantum, & secundum quid, & quæ simul est conuenientia, & diuersitas, concedo maiorem. Et similiter distinguenda est minor, & de conuenientia simpliciter, & eiusdem rationis est concedenda, neganda vero de conuenientia proportionali tantum, & secundum quid: ac denique neganda est consequentia ,



QVÆSTIO XIX.

*Vtrum ens reale creatum adæquate
diuidatur in decem prædi-
camenta .*

AD quæstionem istam , quæ ad com-
plementum huius libri antepredica-
mentorum, & ad præmium libri sequen-
tis prædicamentorum pertinet, & quæ sub
alijs terminis , an prædicamenta sint tan-
tum decem, solet proponi; breuissime af-
firmatiue cum nostro authore Ss. Magistro
Soto respondetur. Sufficientia huius diui-
sionis, quamuis aliqui antiqui illam nega-
uerint, alij plura, alij pauciora, quam de-
cem constituentes prædicamenta; præter
authoritatem philosophi, & omnium
eius interpretum ex eo satis probatur.
Quia vt de quolibet prædicamento in spe-
ciali tractantes videbimus, quodlibet il-
lorum ab alijs formaliter est primo diuer-
sum. nec aliquod inuenire poterimus ens
reale creatum, quod directe, vel reducti-
ue ad aliquod horum decem prædicamen-
torum, non pertineat. Illa ergo sunt de-
cem primo inter se diuersa, & non plura,
quam decem.

Confirmatur, nam cum accidens sit
analogum attributionis per ordinem ad
substantiam, dicit ordinem, & habitudi-
nem ad illam, sed sunt nouem primo di-
uersa

uersæ habitudines ad substantiam, ut per singula nouem accidentis prædicamenta discurrendo constabit; & nō potest inueniri alia distincta præter illas habitudo accidentis realis ad substantiam: ergo sunt decem tantum prædicamenta, substantiæ, & nouem accidentium.

2 Ratione denique D. Thomæ 5. metaphisicæ lect. 9. & 3. phisicorum lect. 3. probatur, quia de prima substantia, in ordine ad quam prædicata accipiuntur, decem tantum possunt esse diuersa prædicata in decem diuersis modis essendi entis fundata: ergo decem tantum sunt prædicamenta. Antecedens probatur: nam quid quid prædicatur de prima substantia, vel est de illius essentia, vel extra essentiam illius. Si de illius essentia, est substantia. Si extra essentiam illius, vel est desumptū ab aliquo intrinseco ipsi primæ substantiæ, vel ab aliquo ei extrinseco: si primum, vel est absolutum, vel respectiuum ad aliud: si hoc secundum, est relatio, si autem sit accidens absolutū desumptum ab intrinseco, si desumitur à materia, est quantitas, si à forma est qualitas: ecce ergo quatuor prædicamenta. Si autem accidens sumatur ab eo, quod est extra subiectum, id dupliciter, nam vel id, à quo sumitur omnino est extra subiectum, sed secundum aliquid est in illo, & tunc si sit secundum principium est actio: si vero secundum terminum, passio: vel id, à quo sumitur accidens est

omnino extra substantiam ; & tunc si non sit mensura subiecti : constituit prædicamentum habitus : si vero sit mensura , cum mensura extrinseca sit vel tempus , vel locus , ex tempore sumitur , quando , & ex loco ubi , non considerato ordine partium in loco , eo autem considerato , erit situs . Nec est alius modus prædicandi de substantiâ . Ergo decem tantum sunt prædicamenta .

3 Aduersus hanc diuisionem, solum potest obijci , quod illa melius fieret per pauciora membra , per substantiam videlicet & accidens , cum omnia accidentia in ratione accidentis conueniant , vel saltem per substantiam & accidens absolutum & accidens respectiuum .

Confirmatur . Quia differentia tam substantiales , quam accidentales sunt entia realia creata , & similiter punctum , quod est principium quantitatis . Et tamē hæc non ponuntur in aliquo decem prædicamentorum . Ergo alia dantur præter illa .

4 Respondetur ad argumentum, quod licet omnia accidentia conueniant in ratione accidentis , & accidentia absoluta in ratione accidentis absoluti , non tamen tanquam in ratione illis generica , sed tanquam in ratione illis analogâ , & & quæ omnino illa transcendit , & quæ perinde non tollit , nouem genera accidentium esse primo diuersa .

Ad confirmationem respondetur, quod
disse-

734 *Lib.6. de antepredicam:*

differentiæ, utpote aliquid incomple-
tum, licet non ponantur directe in præ-
dicamento, ponuntur indirecte & ad la-
tus eius prædicamenti, in quo species,
quarum sunt differentiæ directæ collo-
cantur. Eadem ratione, punctum,
quia est aliquid incompletum, & princi-
pium vel terminus quantitatis, reductiue
pertinet ad prædicamentum quantitatis,



LIBER

LIBER

SEPTIMVS

DE PRÆDICAMENTIS.



IN hoc libro, quem iuxta seriem capitulorum Aristotelis in diuersa capita diuidemus, & circa singula eorum quaestiones, quae se offerent, eundem tamen ordinem habentes inter se, disputabimus; ne eadem multoties repetamus, litteram singulorum capitum, & quae in illis afferit Aristoteles, breuiter; & compendiose in quaestionibus, in quibus eadem fuerint examinanda, praemittemus.

C A P V T

De Substantia.

Q V A E S T I O I.

Quid sit substantia, & quod illius constitutiuum.

IN prima parte capituli de substantia diuidit Aristoteles substantiam in primam.

nam, et secundam substantiam, eas definit, et adinuicem comparat. Ait ergo in textu 1. quod prima substantia, quæ imprimis, et principaliter est substantia; quia est, quæ magis alijs substat, cum non solum substat accidentibus, sed omnibus secundis substantijs, est, *qua nec de subiecto dicitur, nec in subiecto est*, vt Petrus, vel hic homo. Per primam particulam distinguitur prima substantia à secundis substantijs, quæ de subiecto dicuntur, superior videlicet de inferiori, et omnes illæ de prima substantia. Per secundam autem particulam distinguitur prima substantia ab individuo accidentis, quod non solum de subiecto dicitur, sed in subiecto est, et illi inhæret. Secundæ substantiæ sunt, *species & genera, sub quibus prima substantia continentur*, vt homo, animal corpus, sub quibus prima substantia, Petrus v.g. continetur, et de illo omnes illæ prædicantur.

2 In secundo textu constituit differentiam Aristoteles inter secundas substantias, et vniuersalia accidentium. Quod secundæ substantiæ nomine, et ratione prædicantur de suis inferioribus, secundæ videlicet substantiæ superiores de secundis inferioribus, et omnes illæ de prima substantia. Vniuersalia vero accidentium, licet inconcreto significata de substantia nomine prædicentur, non tamen nomine, et ratione. Prædicari enim nomine de aliquo est, quod nomen prædicati dicatur

tur de subiecto; et prædicari ratione de aliquo est, quod ratio et definitio prædicati sit ratio, et definitio subiecti. Secundæ igitur substantiæ prædicantur nomine, et ratione de prima substantia, quia nomen, verbi gratia, homo, dicitur de Petro, et ratio, et definitio hominis est ratio, et definitio Petri: accidens autem inconcreto, verb gratia, album, prædicatur nomine de substantia, quia nomen album dicitur de homine, vel de hoc homine, non tamen prædicatur nomine, et ratione; quia diuersa est ratio, et definitio hominis à ratione et definitione albi.

3 In textu comparans Aristoteles secundas substantias inter se, asserit, quod species sunt magis substantia, quam genera. Tum, quia magis accedunt ad primam substantiam, quæ est maxime, et principalissime substantia, et adæquatiùs, et euidentius respondetur per species, quàm per genera ad interrogationem, quid sit prima substantia. Tum etiam, quia cum prima substantia maxime dicatur substantia, quia pluribus substat, et inter secundas substantias pluribus subsistent species, quam genera, cum subsistent, et ipsis generibus; species magis dicuntur substantia, quam genera: species autem specialissimæ, si inter se comparentur, vna non dicitur magis substantia, quam alia; quia nec vna species magis accedit ad primam substantiam, quam alia, nec pluribus substat, quam

738 *Lib. 7. de predicamentis*

quam alia . Ac denique inter primas substantias una non est magis substantia , quam alia , quia una non magis substantat , quam alia .

4 In quarto denique textu probat Philosophus , secundas substantias recte dici substantias , quia cum duplex sit acceptio substantiæ , altera qua sumitur substantia pro quidditate substantiæ , et altera qua sumitur pro eo , quod alijs substantat , iuxta utramque acceptionem competit secundis substantijs , appellari substantias , quia illæ dicunt quidditatem primæ substantiæ , et per eas respondetur ad questionem , quid est prima substantia : ad differentiam accidentium , quæ nec dicunt quidditatem substantiæ , nec per illa respondetur ad questionem , quid sit aliqua substantia . Et etiam , quia secundæ substantiæ alijs substantant , videlicet accidentibus . Hæc habet Aristoteles in prima parte capituli , circa quæ aliquas disputabimus questiones .

5 Pro resolutione autem propositæ questionis est supponendum , substantiam dicere , et subsistere in se , per se , et independentem à quolibet alio , et substantare alijs , hoc est , alia sustentare , sicut sustentat accidentia , et illis substantat . Et hinc sumitur ratio dubitandi huius quæst. an videlicet substantia constituatur per id quod est substantare , ut aliqui , inter quos refertur Boetius , existimant : an vero , dato quod constituatur per existere per se independentem ab alio ,
id

Questio I. 739

id sit in substantia pura negatio essendi in alio, ut aliqui, inter quos refertur Porphyrius, iudicant: an vero sit aliquis modus positivus constitutivus substantię, ferè omnes communiter opinantur.

6 Pro veritatis explicatione resolutorie dico primo. Substare alijs, non est constitutum substantię, sed proprietas quędam illius ad eius essentiam consecuta. Probatur breuiter & efficaciter, quia prius est, substantiam esse constitutam in ordine ad se, quam ad alia comparari. Sed substare alijs conuenit substantię in ordine ad alia, scilicet in ordine ad accidentia, quę substantat: ergo id iam supponit substantiam constitutam in ordine ad se, & supponit essentiam substantię, ad quam ut proprietas consequatur, quod alijs possit substare: ideoque substantia alijs potest substare, quia in se & per se est ens independenter ab alio, & non è conuerso, ideo per se & independenter ab alio est, quia alijs substat, aliaque substantat.

7 Confirmatur, quia si essentia substantię formaliter in eo, quod est alijs substare, consisteret, substantia deberet definiri in ordine ad accidens, quia substans alijs, est quasi respectuum ad ea, quibus substat. Sed non debet definiri substantia in ordine ad accidens, ut deducitur ex Aristotele 7. metaphisicę, cap. 1. asserente, quod substantia est prior definitione accidentibus, hoc est, independens in
sua

sua definitione ab accidentibus, ad differentiam ipsorum accidentium, quæ in ordine ad substantiam definiuntur, & ab illa in sua definitione, & essentia dependent: ergo essentia substantiæ non consistit in eo, quod est alijs substat.

8 Dico secundo. Constitutivum essentiale substantiæ non est pura negatio essendi in alio licet eius constitutivum per negationem essendi in alio explicetur. Prima pars conclusionis probatur, quia substantia est ens reale, imò perfectissimum inter entia realia: ergo eius essentiale constitutivum non potest esse pura negatio, utpote quæ est aliquid rationis. Patet consequentia, quia constitutivum est perfectio constituti, & ens rationis non potest esse perfectio alicuius entis realis.

Confirmatur, quia constitutivum substantiæ est, quod primo in illa intelligitur. Sed negatio essendi in alio non est, quod primo intelligitur in substantia. Non igitur talis negatio est essentiale constitutivum substantiæ. Minor probatur, quia omnis negatio fundatur in aliquo positivo, quod perinde supponit, ut patet inductive. Negatio enim irrationalitatis in homine fundatur in positiva eius rationalitate; ergo negatio existendi in alio fundatur in aliquo positivo ipsius substantiæ, quod perinde ad talem negationem supponitur: ac perinde talis negatio non est constitutivum substantiæ.

9 Secunda autem pars conclusionis
pa-

patet, quia multoties per negationes circumloquimur & explicamus aliqua positiva, quæ non ita facile cognoscuntur: & sic per negationem existendi in alio tãquam in subiecto explicamus modum positivum substantiæ, in quo, ut videbimus, eius constitutum consistit.

10 Dico tertio. Substantia essentialiter, est ens: cui debetur esse per se. Ita substantiam definit, vel quasi definit (quia genera generalissima non sunt proprie definitiva) D. Thomas in 4. dist. 12. quæst. 1. quæstiuncula 1. ad 2. Quæ definitio consonat ei, quam ipsius substantiæ tradit Damascenus, cap. 33. suæ logicæ videlicet, quod *substantia est res per se existens, nec indigens altero ad consistentiam*. Et ex utraque prædicta definitione insinuat, quod ex multiplici acceptione essendi per se, accipitur hic, ut contraponitur, & distinguitur, ab hoc, quod est esse in alio. Et sicut esse in alio, seu inhærentia in subiecto non est constitutum accidentis, ut dicit actuale, sed aptitudinale inhærentiam, & cui debetur actualis inhærentia; ita constitutum substantiæ non est ipsa existentia actualis per se, & independens ab alio (existentia enim actualis nulli enti creato potest esse essentialis) sed constitutum substantiæ, est existentia per se aptitudinalis, seu illud esse, ut ait D. Thomas, cui debetur existentia per se, & independens à quolibet alio tanquam à sustentante.

742 *Lib. 7. de antepredicam.*

11 Hinc est, quod substantia in hac illius constitutione non solum includit substantiam completam, sed omnem substantiam completam, quia omni illi debetur esse per se independens ab alio, tanquam à subiecto sustentante. Si autem velis describere substantiam completam: est illa, *cui debetur esse independens ab alio non solum tanquam à subiecto, sed etiam tanquam à comparte*. Per hoc enim ultimum excluduntur à ratione substantiæ completæ partes substantiæ.

12 Aduersus primam conclusionem obijcies, quod substantia dicitur à substando: ergo in hoc quod est substare alijs, essentia & constitutum substantiæ consistit.

Confirmatur, quia eo quod prima substantia pluribus substat quam secunda, ait Aristoteles in hoc capite, primam substantiam esse magis substantiam, quam secundam: ergo essentia substantiæ in hoc quod est substare consistit.

13 Respondetur breuiter ad argumentum, ne in his, quæ parum aut nihil habent difficultatis, immoremur quod præterquam quod nomen substantiæ, & ab existendo per se, & à substando deriuatur; etiam si hoc solum secundo deriuaretur, non inde sequitur in eo rationem substantiæ consistere, quia aliud est à quo res aliquando accipit nomen, & aliud in quo eius essentia consistit.

Ad confirmationem respondetur, Aristot.

stotelem non intendere, quod primæ substantiæ in ratione essentiali substantiæ sint magis substantiæ, quam secundæ; sed in aliqua proprietate substantiæ, scilicet in substando, quod per prius convenit primæ substantiæ quam secundæ.

14 Obijcies aduersus secundam conclusionem, quod substantia essentialiter constituitur per id, per quod contrahit ens, & addit supra ipsum ens. Sed per nihii reale substantia contrahit ens, & nihil reale supra ipsum ens addit: omne enim reale debet esse ens, ac perinde non super additum enti: ergo substantia non constituitur per aliquid reale, sed solum per meram negationem essendi in alio tãquam in subiecto.

15 Respondetur quod cum (ut satis in superiori libro insinuauimus) ens non proprie contrahatur per modos substantiæ, aut accidentis, licet illi sint aliquid positium; nec illud propriè est aliquid additamentum supra ens; sed solum addunt substantia, & accidens supra ens aliquid positium, per quod essentialiter constituntur, quod tamen in ente actu includitur, licet non explicetur, nec exprimitur, sicut exprimitur in substantia, & accidenti.

QVÆSTIO II.

Qualis sit diuisio substantiæ in primam, & secundam substantiam.

Purima circa hanc diuisionem congerunt authores diuersimode explicantes, & accipientes diuisum, & membra diuidentia eiusdem diuisionis. Ex his autem, quæ à diuersis dicuntur, breuiter quid probabilius existimem, explicare conabor.

2. Suppono igitur, diuisum huius diuisionis esse substantiam realem, prout comprehendit omnem substantiam directe ponibilem in substantiæ prædicamento: ac perinde ut abstrahit à prima substantia, & ab omnibus secundis substantijs. quia cum in hac diuisione sub nullo membrorum diuidentium contineantur substantiæ incompletæ, & quæ indirecte, & ad latius prædicamenti substantiæ collocantur, diuisum solum potest esse substantia ponibilis in linea recta huius prædicamenti. Nec id est, dari aliquid proprie superioris ad genus generalissimum prædicamenti substantiæ, quia ad id requireretur, quod daretur aliud superius genus, sub quo ipsum genus generalissimum, tanquam sub genere contineretur: sed cum in prædicamento substantiæ alia ponantur directe tan-

tanquam genera, alia tanquam species, alia tanquam indiuiduum, omnia hæc cōueniunt in ratione ponibilis directe in prædicamento substantiæ, & consequenter ab omnibus his est abstrahibilis substantia ut ponibilis in prædicamento, & diuisibilis in diuersos modos ponēdi substantiam in prædicamento.

3 Hoc ergo supposito circa diuisum huius diuisionis dico, quod in hac diuisione duplex virtualiter continetur diuisio, & vtraque subiecti in accidentia, Prima quidem est diuisio substantiæ in substantiam, quæ primo substat accidentibus, & in substantiam, quæ secundo substat accidentibus; quæ est diuisio subiecti in accidentia realia, scilicet in duos modo reales substandi: quia hoc quod est substat accidentibus, seu accidentia sustentare, primo & per se conuenit primæ substantiæ, seu indiuiduo, & quia cum indiuiduo identificantur ratio specifica, & generica. non potest indiuiduum realiter substat accidentibus, quin illis etiam realiter substant species, & genus. Si enim Petrus est albus, homo est albus, & animal est album, quia tamen per prius conuenit primæ substantiæ substat accidentibus, quàm secundæ: idè enim homo est albus, quia Petrus est albus; hæc diuisio potest aliquo modo dici analogica: non tamen omnino proprie dicitur analogica, quia analogia proprie solum reperitur in diuisione superioris essentialiter in sua inferiora,

non vero in diuisione subiecti in accidentia.

Secunda diuifio in hac diuifione virtualiter inclufa eft substantiæ in substantiam singularem, & vniuersalem, quæ in-
finuatur in illis verbis definitionis primæ substantiæ, *qua nec de subiecto dicitur*, per quæ explicatur prima substantia secundo intentionaliter sumpta, sub intentione singularitatis, & subijcibilis secundis substantijs, & per alterum membrum, scilicet substantia, sub qua prima substantia, tanquam inferius sub superiori continetur, significatur substantia vniuersalis. Vnde hæc secunda inclufa diuifio est diuifio subiecti in accidentia rationis. Et cum vtrique membro simpliciter sua propria secunda intentio rationis competat, talis diuifio nullatenus erit analoga, sed magis habebit similitudinem cum diuisione generis in species. Nec rem istam iudico tanti esse momenti, vt cum hac vi-
fatis explicetur huiusmodi diuifio, fit in-
eo amplius immorandum.

5 Obiicies tamen primo aduersus præfatam diuisionem maxime in secundo sensu explicatam, quod vnum illius membrum coincidit cum diuifio: substantia enim ponibilis in prædicamento, quæ dicitur huius diuisionis diuifum, est secunda substantia, quia est substantia vniuersalis, & prædicatur de primis & secundis substantijs: ergo hæc diuifio non est bona.

6 Resp. substantiam, quæ hic diuiditur, esse quidem secundam substantiam, vt quod accidentaliter, & denominatiue, quatenus, vt probat argumentum, vnum subtractum secundæ substantiæ est prædicabile de omni substantia tam prima, quã secunda, non tamen est secunda substantia essentialiter, & vt quo, cum abstrahat à prima, & secunda substantia. Et non est inconueniens, quod diuisum alicuius diuisionis accidentaliter, & denominatiue sub aliquo membrorum diuidentium cõtineatur, sicut de vniuersali, quod diuiditur in decem prædicabilia, diximus, accidentaliter & denominatiue contineri sub genere primo prædicabili.

7 Obijcies secundo, quod membra huius diuisionis non opponuntur formaliter, cum vnum membrum, videlicet secunda substantia prædicatur formaliter de prima: ergo diuisio non est bona.

8 Respondetur, negando antecedens; quia quamuis secunda substantia in particulari, & pro materiali prædicetur de prima, vt homo vel animal de Petro; tamen formaliter secunda substantia, vt secunda substantia, non prædicatur de prima. Vnde hæc est falsa, prima substantia est secunda substantia: & id sufficit, vt prima, & secunda substantia, secundum quod formaliter sunt membra huius diuisionis, opponantur.

QVÆSTIO III.

Utrum definitiones primæ, & secundæ substantiæ sint bonæ: & alia quæ prima parte huius capitis asserit Philosophus, sint vera.

Resolutorie ad 1. part. quæst. affirmatiue respondetur. Conclusio præter authoritatem Philosophi eas assignantis definitiones, & omnium eius interpretum eas recipientium, probatur, illas explicando, & obiectiones aduersus illas dissolvendo. Definitiones igitur istæ potius sint descriptiones, quam propriæ definitiones. Et definitio quidem primæ substantiæ est optima, quia in illa ponitur id, per quod prima substantia differt ab omni alio. Per id enim, quo dicitur, *quod in subiecto non est*, differt ab accidenti: & per id quod additur, *quod de subiecto non dicitur*, differt à secundis substantijs, & etiā à substantijs incompletis, vt à differentiis substantialibus, quæ de subiecto dicuntur: ac perinde talis descriptio primæ substantiæ optima est. Optime, etiam describuntur secundæ substantiæ, quod sint genera, vel species, sub quibus prima substantia continetur. Per id enim à 1. substantia, secunda

secunda substantia distinguitur, & distinguitur etiam ab accidenti, quia sub nullo accidente continetur prima substantia essentialiter tanquam sub genere, vel specie: de hac enim convenientia intelligi definitionem, indicat, quod in illa non dicitur, quod secundae substantiae sunt vniuersalia, sub quibus prima substantia continetur, sed quod sunt genera, vel species, sub quibus perinde essentialiter, tanquam sub genere, vel specie prima substantia continetur: & ita quamuis in definitione dicatur, quod secundae substantiae sunt genera, & species, solum intenditur, quod qualibet secunda substantia debeat esse indifferenter genus, vel species.

2 Obijcies primo: quod prima substantia utpote substantia singularis non est definibilis. Tum, quia de singularibus non est scientia, nec definitio. Tum etiam, quia ut aliquid definiatur, debet esse species. Sed species in genere substantiae est secunda substantia: ergo prima substantia non est definibilis.

3 Responderetur, ut sup. lib. 4. q. 11. explicantes definitionem individui diximus, quod licet individuum (& idem dicimus de prima substantia) in particulari, & ut talis prima substantia non possit definiri, bene tamen ratio communis huic, & illi primae substantiae; & eam rationem communem definit hic Aristoteles: sicut & Porphyrius rationem communem individui definiuit. Et alias ra-

750 *Lib. 7. de prædicamentis*

tio definibilis primæ substantiæ, licet vt quo sit singularis, & prima substantia; vt quod & denominatiue est species, quatenus est cõmunis huic & illi primæ substantiæ, & sit bene potest definiri.

4 Obijcies secundo, quod substantia, vt sit membrum diuidens substantiam, est aliquid reale positium: ergo male definitur per duas negationes, effendi videlicet in subiecto, & dicendi de subiecto.

§. Confirmatur, quia vtraque talis negatio conuenit substantiæ secundum se; illa, enim nec dicit esse in subiecto, nec dici de subiecto: ergo tales negationes non sunt proprium distinctiuum, & constitutiuum primæ substantiæ.

5 Respondetur ad argumentum, quod licet per has negationes explicetur prima substantia, illæ tamen, vt quæst. 3. diximus, non sunt constitutiuum primæ substantiæ, sed modus specialis positius singulariter effendi, in quo talis vtraque negatio fundatur. §. Ad confirm. iuxta hoc etiam resp. quod negationes istæ vt ponuntur in definitione primæ substantiæ, scilicet vt fundantur in modo positio singulariter existendi, non conueniunt substantiæ secundum se, licet substantia secundum se non dicat esse in subiecto, aut dici de subiecto. §. Vel secundo resp. quod substantia secundum se non dicit, nec excludit positue hoc, quod est esse in subiecto, aut dici de subiecto, sed ad id mere negatiue se habet. Prima autem substantia positue

sitiue excludit esse in subiecto, & dici de subiecto, & sic cum ea positiua exclusione intelliguntur prædictæ negationes in eius definitione, & eo modo intellectæ nõ conueniant substantiæ secundum se.

6 Obijcies tertio, quod prima substantia dicitur de subiecto. Male ergo definitur per id, quod non dicitur de subiecto. Anteced. prob. Tum quia cum prima substantia sit indiuiduum, & indiuiduum definiatur à Porphyrio, quod est quod prædicatur de vno tantum, prima substantia iã dicitur de subiecto. Tum etiam, quia esto prima substantia, quæ est singulare determinatum, vt Petrus, solum omnino identice dicatur de se ipso, prima tamen substantia, quæ est singulare demonstratiuum, vt hic homo, non omnino identice, sed aliquatim formaliter dicitur de aliquo, vt si dicas, Petrus est hic homo.

7 Respond. quod dici de subiecto, vt hic accipitur, non est quomodolibet identice, vel formaliter dici de aliquo, sed dici de aliquo, vt sibi essentialiter inferiori: & hoc modo nulla prima substantia dicitur de aliquo, quia nullum habet sibi essentialiter inferius.

8 In secunda parte huius quæst. ea quæ in 1. part. huius cap. de substantia asserit Philosophus, & nos proposuimus, examinare intendimus cum nostro Authore q. 1. super hoc caput art. 1. Et quidem omnia prædicta esse vera præter auctoritatem philosophi, non aliter melius, quam

aliquibus obiectionibus examinando comprobabitur.

9 Obiicies igitur primo, ad probandum genera, & species non debere appellari secundas substantias, sed potius primas substantias, cum enim singularia sint corruptibilia, & species, ac genera sint perpetua, & incorruptibilia, hæc videntur esse magis substantiæ, quam singularia; & similiter quia vniuersale est prius natura & cognitione, quam singulare: ergo potius vniuersalia debent appellari primæ substantiæ, & singularia, secundæ substantiæ.

10 Resp. quod cum inter alias acceptiones substantiæ teste Aristot. 5. metaph. tex. 15. substantia accipiatur, & pro quidditate, & pro essentia rei substantialis, & etiam pro substantia subsistendi, & quæ alijs substat licet in prima acceptione vniuersalia possint dici magis, & prius substantiæ, quam singularis, & in eo sensu dixerit Arist. 8. metaph. tex. 2. quod genus est magis substantia, quam species, & species quam singulare: in secunda vero acceptione magis, & prius singularia dicuntur substantiæ, quia pluribus substant, quàm vniuersalia; siquidem substant etiam ipsis vniuersalibus, & per prius substant accidentibus, quam vniuersalia, quæ ideo substant accidentibus, quia illis substant singularia: & in hac secunda acceptione accepit Aristoteles substantiam, cum singularia appellauit primas substantias, & genera,

nera, & species, secundas substantias.

11 Obijcies secundo, contra differentiam, quam in 2. tex. assignat Arist. inter accidentia, & secundas substantias, quod istae nomine & ratione praedicantur, non vero accidentia. Contra id enim est, quod etiam accidentia v. g. album nomine & ratione praedicatur de hoc albo, siquidem definitio albi est definitio huius albi.

12 Resp. quod Arist. solū intendit, quod secundae substantiae nomine, & ratione praedicentur de substantia, de qua accidentia non praedicantur nomine, & ratione; nō vero intendit, quod accidentia de sibi inferioribus quidditative nomine, & ratione non praedicentur: vere enim de illis nomine & ratione (ut probat argumentum) praedicantur, ut album, & coloratum de hoc albo, & albedo, & color de hac albedine.

13 Contra hoc tamen est, quod etiam de substantia, videtur, quod accidentia nomine & ratione praedicentur. Cum enim de corpore praedicatur album, etiam definitio albi est definitio corporis; siquidem etiam definitio albi praedicatur de corpore. S. Resp. negando anteced. quia quamvis sicut album praedicatur denominative de corpore, ita definitio albi etiam denominative de corpore praedicetur; nunquā tamen definitio albi est adaequata, vel inadaequata corporis definitio, quod requirebatur, ut album nomine, & ratione praedicaretur de corpore. Secunda autem substan-

754. *Lib. 7. de prædicamentis*
stantiæ prædicantur nomine, & ratione de
1. substantia, vt homo de Petro, quia defi-
nitio hominis est definitio adæquata Petri
& animal etiam prædicatur nomine, & ra-
tione de Petro; quia cum Petrus, licet ali-
quid includat, præter hoc quod dicit ani-
mal, essentialiter tamen sit animal, defini-
tio animalis est definitio saltem inadæqua-
ta Petri.

QVÆSTIO IV.

*Vtrum non solum substantia creata,
sed etiam Deus ponatur in
hoc prædicamento.*

SVpponimus, omnem substantiam crea-
tam completam poni directe in hoc
prædicamento, quia omnis illa componi-
tur ex genere & differentia, & omnes illæ
in ratione substantiæ conueniunt vniuoces;
quamuis corpora cælestia, & sublunaria,
differant genere phisico; quia habent ma-
teriam diuersæ rationis; & quamuis sub-
stantias immateriales, & angelicas appel-
lauerit Aristoteles 9. metaphisicæ tex. 22.
substantias simplices, & entia semper in
actu: per primum solum intendit, quod
non habeant materiam phisicam; & per
secundum quod non habeant potentiam
ad non essendum, aut naturale principiū
corruptionis. Cum quibus tamen stat
quod

quod sint substantiae completæ, composi-
tæ ex genere, & differentiâ; ac perinde
quod directe ponantur in hoc prædica-
mento.

2 Supponimus etiam, substantias
creatas incompletas, ut differentias, &
partes substantiales indirecte, & reducti-
ue poni in hoc prædicamento; quia limi-
tantur ad illud, & alias non pertinent ad
illud directe; differentia quidem, quia
non sunt directe, sed ad latus sub gene-
re, & partes substantiales, quia non om-
nino per se, sed dependenter à toto substi-
stunt.

3 His ergo suppositis, inquiremus,
an etiam Deus directe, vel reductiue in
hoc ponatur prædicamento. Quam quæ-
stionem, utpote magna ex parte Theolo-
gicam, & cuius resolutio ex his quæ dixi-
mus disputantes de compositione meta-
phistica, & de conceptu communi analo-
gorum, satis manet insinuata, breuiter
pertractabimus: obiterque etiam, an
Christus sit in prædicamento, explicabi-
mus.

4 Dico igitur primo. Deus non po-
nitur directe in prædicamento substantiæ.
Oppositum tenent aliqui Nominales; sed
conclusionem cum magistro sententiarum
in 1. dist. 8. & D. Dhom: pluribus in locis,
præcipue 1. part. quæst. 3. art. 5. & 1. con-
tra gentes, cap. 15 tenent ferè omnes theo-
logi, & etiam Commentatores Aristotelis
in hoc loco, inter quos noster Author
quæst.

756 *Lib. 7. de predicamentis*

quæst. 1. super hoc caput art. 2. Et præterquam quod magis consonat doctrinæ Patrum, & conciliorum de omnimoda simplicitate Dei, ex qua ut videbimus, euidenter deducitur, Deum non poni directe in predicamento id aliquibus rationibus efficaciter probatur.

5 Prima igitur fit deducta ex D. Thoma loco citato 1. part. quæst. 3. art. 5. quia quidquid ponitur directe in predicamento, debet esse compositum ex genere, & differentia. Sed Deo talis compositio repugnat: ergo Deus non ponitur in predicamento. Maior probatur, quia solum species, & individua sub specie contenta ponuntur directe in aliquo predicamento, utpote quæ solum directe continentur sub genere generalissimo talis predicamenti. Sed omnis species, & individuum sub specie contentum habet compositionem ex genere & differentia: ergo solum id, quod illam habet, continetur directe in predicamento. Minor autem principalis probatur, quia ad compositionem ex genere, & differentia, quamvis non sit compositio realis sed rationis, & per intellectum, requiruntur conceptus generis extra conceptum differentia: & qui non solum non explicet, sed neque includat in actu, sed solum in potentia conceptum differentia. Sed in Deo etiam per nostros conceptus non possumus duas aliquas rationes concipere, quarum una actu saltem implicite non includat alteram, & quarum una se ha-

Questio IV. 757

habeat in potentia ad alteram, & ut actualis, & determinabilis per illam: ergo in Deo impossibilis est omnino compositio ex genere & differentia. Maior probatur quia compositio ex genere, & differentia, ut ostendimus sup. lib. 4. quest. 5. licet non sit compositio realis, est vera compositio; ac perinde ut vnum extremum debeat comparari, ut in potentia ad alterum, non debet vnum extremum alterum in actu includere; & ideo quia ens actu, licet implicite includit cuiuslibet rei modum, & differentiam, cum nullo modo aut differentia facit compositionem metaphisicam, & ad nullam rem ut genus comparatur. Compositioni igitur metaphisicæ obstat actualis inclusio vnius extremi in altero. Minor autem, quod in in quacunque ratione in Deo reperta sit hæc actualis inclusio, & omnimoda impræscindibilitas vnius rationis ab altera. Probatur, quia cum Deus, & quidquid est in Deo, etiam ut à nobis concipitur, concipiatur ut actus purus, non potest concipi ut in potentia ad alterum, & ut actu illud non includens: ergo quantumvis formemus de his, quæ reperiuntur in Deo, plures conceptus inadæquatos, non tamen ita, ut licet vnus non explicet, quod explicat alter, illud tamen actu non includat.

6 Secunda ratio ex eodem art. Diu. Thom. Si Deus esset in prædicamento, & sub aliquo genere, deberet esse sub ente

re tanquam sub genere : sed ens non potest ad aliquid comparari , vt genus ergo Deus sub nullo potest esse genere : ac perinde in nullo potest esse predicamento. Sequela probatur, quia quod est genus respectu alicuius , predicatur essentialiter de eo , quod est de illius essentia : ergo cum esse sit de essentia Dei , & nihil possit predicari essentialiter de esse , nisi ens , Deus si sub aliquo esset genere , esset sub ente . Minor autem probatur , quia ens non potest habere differentias , extra quarum conceptum sit , cum illæ sub nulla formalitate rationem possint subterfugere entis . Sed genus debet habere differentias extra quarum conceptum sit : ergo ens respectu nullius potest rationem habere generis .

7 Tertia ratio desumpta ex eodem art. D. Thom. sic procedit, quia quidquid in aliquo predicamento , vel genere directe ponitur , debet habere aliquid , per quod conueniat cum his , quæ sunt sub eodem genere , & predicamento , & aliquid per quod ab illis differat : sed Deus id non habet : ergo Deus non potest esse sub aliquo predicamento , vel genere . Maior patet inductiue in omnibus , quæ in eodem aliquo predicamento sunt . Minor autem probatur , quia vt aliquid id habeat , debet in illo distingui suum esse ab eo quod quid est , vt in eo , quod quid est conueniat cum alijs , & in modo essendi differat ab illis . Sed in Deo non distinguitur suum esse

Questio IV. 759

esse ab eius essentia: ergo in Deo non est aliquid, per quod conueniat cum alijs, & aliquid per quod differat ab illis.

8 Quarta ratio, quidquid est in aliquo prædicamento: ac perinde in prædicamento substantiæ, uniuoce debet conuenire cum alijs, quæ in eodem prædicamento collocantur, siquidem debet conuenire cum illis sub eodem genere, & genus debet esse uniuocum ad illa, quæ sub illo continentur. Sed Deus uniuoce conuenire non potest cum his, quæ in prædicamento substantiæ collocantur; cum illa sint entia, creata, & enti creato, & increato (ut ostendimus libro præcedenti) nihil possit dari uniuocum: ergo Deus non potest esse in prædicamento substantiæ.

9 Ultima tandem ratio, quia quidquid ponitur in aliquo prædicamento, sub certis terminis eiusdem prædicamenti finitur & coarctatur; ita enim sub tali prædicamento continetur, quod terminis illius claudatur, & ad aliud prædicamentum non pertineat. Sed Deus utpote infinitus nullis potest certis terminis claudi: ergo esse non potest in aliquo prædicamento: & hac ratione, ut conclusione sequenti videbimus, probatur etiam, Deum nec reductiue posse in aliquo prædicamento collocari.

10 Dico secundo, nec reductiue Deus pertinet ad prædicamentum substantiæ. Conclusio est D. Thomæ 1. part. quæst. 3. art. 5. citato. Pro cuius probatione est sup-

760 *Lib.7. de predicamentis*

ponendum, quod aliquod pertinere reductiue ad aliquid predicamentum, contingere potest quadrupliciter, vel sicut motus reducitur ad predicamentum sui termini ad quem, vel sicut priuatio ad habitum, vel sicut imperfectum ad perfectum, idest sicut potentia ad actum, vel sicut actus ad potentiam, quo pacto existentia reducitur ad predicamentum essentie, quam actuatur, vel tandem sicut principium ad principiatum, quo pacto vnitas ad quantitatem discretam, & punctum ad continuam reducitur. Sed nullo ex his modis Deus reductiue potest pertinere ad predicamentum substantie, vt de tribus manifeste patet, & de vltimo probatur a D. Thoma loco citato: quia quod pertinet vt principium reductiue ad aliquod genus, non se extendit vltra illud genus: sicut punctum, quod est principium quantitatis continuę, vltra illam non extenditur, & vnitas non extenditur vltra quantitatem discretam, cuius est principium. Sed Deus ad nullum genus coarctatur, sed cum sit principium totius esse, omnia genera excedit: ergo ad nullum genus, ac perinde, nec ad predicamentum substantie pertinet reductiue.

Dico tertio. Christus vere, & proprie, et directe: sicut ego et quodlibet aliud indiuiduum substantie, in predicamento ponitur substantie. Conclusio est communis contra Scotum, et aliquos eius discipulos: quam hic statuo, quia ad explicationem precedentium pertinet; vt videatur qua-

Quæstio IV: 761

qualiter, quamuis absolute Deus prædicetur de Christo, et Christus, ponatur et dicatur poni in prædicamento substantiæ Deus non ponitur, nec dicitur poni in eo prædicamento. Et probatur breuiter. Quia Christus vt in 3. part. quæst. 2. late probatur, est vniuoce nobiscum homo, & homo prædicatione *in quid*, & prædicatione speciei de Christo, sicut de Petro, Paulo, & alijs indiuiduis naturæ humanæ, prædicatur. Christus igitur ponitur directe in prædicamento substantiæ, vtpote sub quo, tanquam sub genere generalissimo, & immediate sub homine tanquam sub specie athoma, quidditatiue continetur.

Confirmatur. Nam concreta ponuntur in prædicamento ratione formæ. Sed humanitas significata per hoc nomen *Christus*, est vere composita ex genere & differentia, immo composita realiter ex materia & forma. Ergo ratione illius Christus absolute ponitur in prædicamento substantiæ, & in recta linea eiusdem prædicamenti. Quia ad id sufficit, quod id ratione cuius aliquid ponitur in prædicamento, sit compositum ex genere & differentia, imò cum Christus sit indiuiduum singulare naturæ humanæ, siue in prædicamento substantiæ substantia accipiatur pro illo cui debetur esse per se, siue pro eo quod substat alijs, Christus tanquam prima substantia directe in prædicamento substantiæ collocatur.

762 *Lib. 7. de prædicamentis*

12 Aduersus primam conclusionem, obijcies primo. Quod teste Diu August. lib. 5. de Trinitat. cap. 9. & 10. & Boetio lib. 1. de Trinit. cap. 12. quædam prædicamenta, substantia videlicet, relatio & actio dicuntur proprie de Deo; reliqua vero metaphorice. Ergo in sententia horum Patrum Deus in tribus prædictis ponitur prædicamentis: id enim de quo ali-quod prædicamentum proprie dicitur, sub tali prædicamento collocatur.

13 Respondetur, hos Patres solum intendere, quod dentur nomina communia analogice Deo & creaturis, substantiæ videlicet, relationis, & actionis, quæ proprie de Deo dicuntur, ad differentiam nominum qualitatis, & quantitatis, & aliorum prædicamentorum; quæ non proprie dicuntur de Deo; non tamen intendunt, quod Deus sit in prædicamento substantiæ actionis, & relationis; quia in his, vt ostendimus, solum continentur substantiæ creatæ, relationes & actiones creatæ, non autem, quæ cum illis solum analogice conueniunt; cum omnia quæ in eodem prædicamento collocantur vniuoce inter se debeant conuenire.

14 Obijcies secundo, quod vt in tertia conclusione concedimus, Christus ponitur in prædicamento substantiæ. Sed Christus est Deus. Ergo Deus ponitur in prædicamento. S. Respondetur; negando consequentiam. Quia cum hoc prædicatum *poni in prædicamento* sit secundæ intentionis.

tentionis significans secundam intentionē, sub qua aliquid in prædicamento collocatur, appellat supra significatum formale subiecti; ac perinde in dicta consequentia variatur appellatio; in maiori enim, appellat supra significatum formale Christi, quæ est humanitas, in consequenti supra significatum formale Dei, & est idem ac inferre: Christus in quantum homo ponitur in prædicamento. Ergo Christus in quantum Deus in prædicamento collocatur.

15 Obijcies tertio. Quod compositio ex genere & differentia: vtpote non realis compositio, sed compositio rationis, & per nostros conceptus, non videtur Deo repugnare: ac perinde ex defectu illius perperam excluditur Deus à prædicamento. S. Et confirm. nam non minus Deus est vnus, ac est simplex. Ergo sicut eius vnitati non repugnat distinctio & diuisio per plures nostros conceptus; ita nec ipsius simplicitati repugnat compositio metaphisica, quæ solum est rationis per nostros conceptus facta.

16 Respondetur quod iam ex superioribus, & ex prima probatione huius r. conclusionis satis constat, qualiter compositio metaphisica, quantumuis solum sit compositio rationis, repugnat Dei simplicitati, quia ad eam compositionem requiritur, quod concipiatur vnum in potentia in ordine ad alterum r & quod in vno extremo talis compositionis, formaliter alterum

terum non includatur; quod utique Deo repugnat: quia quantumvis inadæquate, per plures conceptus ea, quæ sunt in Deo, concipiamus; cum tamen illa concipiamus per modum actus puri, nec potest vnum concipi vt in potentia ad alterum, nec alterum, vt illud actuans & determinans; nec vnum vt omnino præscindens ab altero, & actu, licet implicite illud non includens. §. Et per hoc patet ad confirm. multiplicitas enim conceptus, quæ Deum cognoscimus, cum tota se teneat ex parte nostri modi concipiendi & in Dei eminentia fundetur, non opponitur Dei vnitati, nec arguit aliquam in Deo imperfectionem, qualiter illam argueret si in Deo possemus concipere aliquid vt in potentia ad alterum, & illud actu non includens.

17 Obiicies quarto. Quod Deo ratione suæ summæ actualitatis nõ repugnat in prædicamento collocari. Perperam, igitur ob suam actualitatem Deum à prædicamento substantiæ relegamus. Antecedens probatur. Nam existentia creata omnimodè est actualis: & tamen in prædicamento substantiæ collocatur. Omnimoda igitur alicuius actualitas non obstat, vt illud in prædicamento collocetur.

Respondetur negando antecedens. Et ad probationem dico, quod præterquam quod existentia creata, licet sit omnino actualis omnem compositionem physicam

Quaestio IV. 765

excludens, habet aliquem modum compositionis metaphisicæ: præter hoc, inquam, saltem dicit ordinem ad naturam, tanquam in qua recipitur, in qua limitatur: & per talem ordinem sit aliquid limitatum, & coarctatum, ac per id est ponibilis reductiue in prædicamento, vt in secunda conclusione prænotauimus. Deus autem, quia non solum non habet in se aliquam cõpositionem, sed ita est actus purus; vt nullius rei compositionem possit ingredi, vt ostendit D. Thomas 1. par. quæst. 3. articulo ultimo, nec in aliquo possit recipi, aut ab illo limitari; ideo in prædicamento nullatenus potest poni; in quo directe solum composita collocantur, & ad quod si reductiue pertinet existentia creata, est quatenus ad naturam creatam dicit ordinem, in qua recipiatur.

18 Aduersus secundam conclusionem obijcies; quod illi videtur aduersari D. Thomas, imò sibi metipsi videtur esse contrarius: quæst. enim 7. de potentia artic. 3. ad ultimum ita asserit: *Licet Deus non pertineat ad genus substantia, quasi in genere contentum, sicut species, vel individuum sub genere contentum, potest tamen dici, quod sit in genere substantia per reductionem, sicut principium; & sicut punctum est in genere quantitatis continua, & unitas in genere quantitatis discreta siue numeri.* Hæc D. Thom. ergo cum punctum, & unitas reductiue pertineat ad prædicamentum quantitatis, ita etiam in sententia D. Thomæ Deus re-

766 *Lib. 7. de prædicamentis*
ductiue pertinet ad prædicamentum sub-
stantiæ.

Respondetur, quod quamuis aliqui exi-
stiment, D. Thomam in eo loco in ea fuisse
sententia, eamque retractasse loco ci-
tato 1. part. quæst. 3. artic. 5. melius ta-
men dicitur cum Caietano ibi vtrumque
locum conciliari ex doctrina D. Thomæ
in 1. dist. 8. quæst. 9. art. 2. ad 3. vbi sic ait:
*Non oportet, quod Deus sit in genere substan-
tiæ sicut contentum, sed solum sicut princi-
pium habens in se omnem perfectionem gene-
ris; sicut unitas in numeris, sed tamen diuer-
simode, quia unitate non mensuratur, nisi in-
finitis numeri, sed Deus est mensura, non tan-
tum substantialium perfectionum, sed omnium,
quæ sunt in omnibus generibus. Et ideo quæ-
uis unitas contineatur sub uno genere deter-
minato, non tamen Deus.* Hæc D. Thomas,
ex quibus patet, in loco adducto ex dispu-
tatis comparasse Deum in ratione princi-
pii ad punctum & unitatem; cum discrimi-
nine tamen, quod illa sunt principia
determinata vnius tantum generis; Deus
autem est quasi principium æquiuocum,
& vniuersalissimum omnium generum;
& sic potius dicitur continere omnia
genera, quam in aliquo illorum determi-
nate contineri, & hoc vltimum est, quod
negat D. Thomas in loco primæ par-
tis, & nos in secunda conclusione nega-
mus.

19 Aduersus tertiam denique conclu-
sionem obijcies, quod de quocumq; posito di-

directe in aliquo prædicamento absolute proprie, & in quid, generalissimum talis prædicamenti prædicatur, sed de Christo non absolute, neque proprie prædicatur generalissimum prædicamenti substantiæ: ergo Christus nõ ponitur directe in prædicamento substantiæ. Maior videtur nota, & minor probatur, quia generalissimum prædicamenti substantiæ est substantia creata. Sed hæc absolute non prædicatur de Christo; siquidem teste D. Tho. 3. par. quæst. 16. art. 8. Christus absolute non dicitur creatura: ergo generalissimum prædicamenti substantiæ non prædicatur absolute de Christo.

Respondetur primo, quod generalissimū prædicamenti substantiæ non est substantia creata, sed subsistens in natura creata, quod vere, & absolute prædicatur de Christo, & hæc est absolute vera, Christus est subsistens in natura creata. §. Secundo respondetur; quod cum hoc prædicatum *poni in prædicamento*, vt aduertimus conclus. 3. appellet supra significatum formale subiecti, & sit prædicatum solum natū cōuenire ratione formæ, & Christo ratione formæ scilicet ratione naturæ humanæ, conueniat in prædicamento collocari absolute, & sine addito dicitur, Christū poni in prædicamēto. Quia tamen hoc prædicatum *substantia creata*, (etiam si demus, illud esse generalissimum prædicamenti substantiæ) est natum conuenire non solum ratione naturæ, sed ratione

768 *Lib. 7. de predicamentis*

suppositi, & Christo licet cōueniat ratio-
ne naturæ humanæ, ratione tamen suppo-
siti, vtpotè increati repugnet, non prædi-
catur simpliciter, & absolute de Christo,
sed solum cum addito, scilicet secundum
naturam humanam. Et cum in eodem
prædicamento possint esse aliqua prædi-
cata, & inter illa ipsum genus generalissi-
mum prædicamenti, quæ sint apta con-
uenire supposito & formæ, si alicui solum
competat ratione formæ, licet id sufficiat,
vt illud proprie ponatur in prædicamen-
to, non tamen sufficit, vt talia prædicata
absolute, & sine addito de illo prædicen-
tur. Vnde in hac secunda solutione ad
formam argumenti distinguenda est illa ma-
ior; de illo quod directe ponitur in ali-
quo prædicamento potest absolute prædi-
cari generalissimum talis prædicamenti:
& quidem si generalissimum prædicamen-
ti sit prædicatum aptum natum conuenire
solum ratione formæ, concedenda est ma-
ior; neganda vero, si sit prædicatum
aptum natum conuenire ratione suppositi
& ratione formæ. Tunc enim si alicui
quamuis directe in prædicamento posito
non competat nisi ratione formæ, non
prædicabitur absolute de illo, sed solum
cum addito talis formæ,

Q V Æ S T I O V.

*Vtrum quinque priores proprietates
substantiæ recte à Philosopho
assignentur.*

IN secunda parte huius capituli sex assignat Aristoteles substantiæ proprietates breuiter nunc proponendas; & in hac sequenti questione examinandas. Primā igitur proprietatem assignat ibi tex. 5. quod commune est omni substantiæ in subiecto non esse; & intelligitur de subiecto inhesionis; & sic intellecta proprietates, omni substantiæ completæ siue incompletæ competit.

In textu 6. ponitur secunda proprietas substantiæ; quod videlicet omnes substantiæ conueniant uniuocè. Quia omnia in uniuersum prædicata prædicamenti substantiæ, siue significant naturas completas, ut genera, & species, siue formas incompletas, ut differentiæ, prædicantur nomine; & ratione de suis inferioribus: ergo omnia ista conueniunt uniuocè.

3 In textu 7. ponitur tertia proprietas: quod omnis substantia videtur hoc aliquid significare: sola tamen prima substantia significat hoc aliquid, & omnis alia substantia significat quale quid, quia omnis illa significat formam essentialem re-

Questio V. 781

istoteles) quantitas indeterminata
beat contrarium, ut magnum contraria-
paruo.

5. In textu 9. ponitur 5. proprietas,
ad substantia non suscipit magis, & mi-
us. Et cum accipiatur substantia, &
ut substat alijs, & prout dicit essentia,
debetur esse per se; non intelligitur
e proprietas substantia in prima acce-
ptione, quia in ea acceptione, prima sub-
stantia, quia pluribus substat, dicitur ma-
substantia, quam secunda: sed hæc pro-
prietas conuenit substantia secundum al-
iam acceptionem, quia in vniuersum
huius rei essentia suscipiunt magis & mi-
us, nec vnus homo est magis homo,
quam alter, nec vna quantitas est magis
quantitas, quam altera, & accidentia
suscipiunt magis, & minus, secundum
ad magis, & minus radicantur in subie-
cto, vnde cum substantia nulli insit sub-
iecto, non habet, vnde possit suscipere
magis aut minus.

6. In decimo denique textu ponitur
tertia, & vltima proprietas substantia,
ad eadem numero sit subceptiua con-
trariarum, quæ est proprietas quarto
modo substantia, utpote omni, & soli,
semper substantia competens, quia ex
quod substantia, & præcipue prima
substantia, est subiectum receptiuum om-
nium accidentium, eadem numero substā-
tia est susceptiua contrariarum, & homo,
& Petrus modo est albus, modo niger

782 *Lib. 7. de prædicamentis*
modo calidus, modo frigidus, quod utiq;
accidentibus non competit,

7 Circa quinque priores autem proprietates cum nostro Authore Ss. Magistro Soto quæst. 2. super hoc caput, dubitamus, an illæ recte à Philosopho tradantur, disputaturi specialiter quæst. sequenti, quia specialem ingerit difficultatem, de vltima proprietate, an illa sit proprietas quarto modo substantiæ. Ad id autem, quod nunc inquirimus, resolutione affirmatiue cū eodem nostro authore respondetur, idque præter autoritatē ipsius Philosophi, omniumque eius interpretum huiusmodi proprietates recipientium, non aliter melius probatur, quam illas aliquibus obiectionibus examinando.

8 Obijcies ergo primo aduersus primam proprietatem, quod elementa sunt substantia, & tamen sunt in mixto: ergo non est proprium substantiæ non esse in subiecto. §. Confirmatur, quia formæ substantiales sunt substantia: & tamen, sunt in materia: aliquæ ergo substantiæ sunt in subiecto.

9 Respondetur ad argumentum cum nostro Authore in prædicta quæst. 2. super hoc caput in solutione ad primum, quod elementa non sunt formaliter, sed solum virtualiter in mixto, & quamuis essent formaliter in eo, non tamen essent in illo tanquam in subiecto completo, cui inhaerent, sed tanquam partes in composito, quod componerent.

Ad

Questio V. 783

Ad confirmat. respondet idem noster Author, quod formæ substantiales non sunt in materia tanquam in subiecto completo, & vt in subiecto inhæſionis; sed tanquam in comparte & subiecto informationis, cui dant esse; & ex quo, & ipsa forma substantiali vnum simpliciter resultat compositum. Proprium autem est substantiæ non esse in subiecto inhæſionis; ac perinde in subiecto completo, & cui non tribuat esse simpliciter.

10 Obijcies secundo contra secundam proprietatem, quod etiam alijs prædicamentis præter substantiam competit, quod ea, quæ sunt in quolibet prædicamento, conueniant vniuoce, & superiora cuiuslibet prædicamenti prædicentur nomine, & ratione de inferioribus: vt in prædicamento qualitatis coloratum de albo, & vtrumque de hoc albo, & in prædicamento quantitatis, quantitas de quantitate continua, & vtraque de linea. Non igitur id est proprium prædicamenti substantiæ. 6. Resp. argumentum conuincere, hanc secundam proprietatem non esse propriam quarto modo substantiæ, sed quæ conuenit, & semper substantiæ, non tamen soli.

11 Obijcies tertio, contra tertiam proprietatem, quod etiam in alijs prædicamentis dantur indiuidua singularia, & genera, & species, quæ important formas essentielles talium indiuiduorum: ergo in illis dantur aliqua, quæ significant hoc.

784 *Lib. 7. de prædicamentis*

aliquid, scilicet indiuidua, & aliqua, quæ respectu talium indiuiduorum significant quale quid, prædicta videlicet genera, & species, vt in prædicamento qualitatis hoc album significat hoc aliquid, & album, & coloratum significat quod quid. Non igitur id est proprium prædicamenti, substantiæ.

12 Respondetur, quod etiam hæc tertia proprietas non est propria quarto modo prædicamenti substantiæ, sed alijs etiã prædicamentis competit, vt conuincit argumentum: specialiori tamen modo prædicamento substantiæ, quia cum prima substantia sit, & simpliciter ens, & primum, & perfectissimum in genere substantiæ, illa simpliciter, & proprius dicitur hoc aliquid: indiuiduum autem accidentis sicut non est simpliciter, sed secundum quid ens, ita nec simpliciter, nec proprie dicitur hoc aliquid.

13 Obijcies quarto aduersus quartam proprietatem, quod elementa sunt substantiæ, & tamen vnum est alteri contrarium, vt ignis aquæ & aer terræ, vt docet Arist. 2. de generatione text. 14. ergo non omni substantiæ ea conuenit quarta proprietas. 5. Confirm. primo, quia formæ substantiali, teste Philosopho 10. physic. text. 80. contrariatur priuatio; iam igitur substantia aliquid est contrarium.

Confirm. secundo, quia differentiæ substantiales diuisiue generis, vt rationale & irrationale, vt colligitur ex Arist. 10. me-

metaph. tex. 13. sunt adinuicem contraria:
& tamen sunt substantiae: ea igitur proprietas non omni substantiae competit.

Confirmatur tertio, quia quantitas non habet contrarium. Non igitur, non habere contrarium, est proprium substantiae.

14 Respondetur ad argumentum, pro illius & suorum confirmationum solutione aduertendo, quod contrarietas, & contraria late accipiuntur pro quibuslibet quomodolibet oppositis, & incompatibilibus, proprie autem solum pro his, quae sub eodem genere sunt, & ab eodem subiecto mutuo se expellunt. Et hoc secundo modo non habere contrarium, est proprium substantiae. Vnde ad argumentum respondetur, quod elementa nec sunt in subiecto, nec ratione sui, sed ratione suarum qualitarum se expellunt. Vnde proprie vnum non est alteri contrarium.

5. Ad primam confirmationem respondetur, quod praeterquam quod substantia, & eius priuatio, non sunt in subiecto: nec etiam sunt sub eodem genere, ac perinde non proprie adinuicem contrariantur.

6. Ad secundam confirmationem respondetur, quod differentiae substantiales diuinae generis non sunt in subiecto completo, nec idem animal potest transire de rationali in irrationale sicut vnum subiectum transit de vno contrario in alterum, & ita non sunt propriae contrariae, imò quatenus inter differentias vna est perfectior altera, minus

786 *Lib. 7. de prædicamentis*


nus perfecta quasi dicat perfectionis priuationem, ut irrationale priuationem rationalitatis, differentiarum oppositio potius ad priuatiam reducitur, quam ad contrariam, & cum Aristoteles de omnibus prædictis videtur asserere, illa esse contraria, accepit contrarietatem improprie, & large sumptam. §. Ad ultimam denique confirmationem, iam diximus in principio huius quæstionis, referentes litteram Aristotelis, hanc proprietatem non esse quarto modo substantiæ, sed etiam quantitatis conuenire.

15. Obijcies quinto, quod animæ intellectiue sunt substantiæ, & tamen suscipiunt magis & minus in sua perfectione, & una est perfectior altera, ut videtur docere D. Thomas 1. part. quæstion. 85, art. 6. ergo non est proprium substantiæ, non suscipere magis, & minus. §. Confirmatur, quia elementa secundum Commentatorem 3. de cælo, commento 57. videntur suscipere magis, & minus, ait enim, quod elementa manent in mixto secundum esse remissum: ergo.

16. Respondetur ad argumentum, quod licet occasione illius aliqui, & etiam noster Author hic disputent, an inter animas rationales una sit perfectior altera: an vero tota earum perfectio proueniat à perfectiori corpore, quod informat: hac tamen quæstione ad libros de anima remissa, quidquid sit de hoc, dicendum est, quod suscipere magis, &

mi-

minus, non est, quod unum sit perfectius altero, sed quod idemmet possit intendi & remitti, sicut eademmet albedo, quia magis nunc ac antea radicatur in subiecto, suscipit magis, & minus. Et in hoc sensu intelligitur Philosophus; cum ait, proprium esse substantiæ, non suscipere magis, & minus; quia cum substantiæ non sint in subiecto, proprie hoc modo non possunt intendi, aut remitti. Vnde quantum una anima rationalis ex se, vel quia est in meliori corpore, sit perfectior altera; eadem tamen anima non potest esse modo perfectior, postea imperfectior se ipsa; ac perinde non potest suscipere magis, & minus. §. Ad confirmationem, respondet noster Author in prædicta quæstione ad 3. eam opinionem Commentatoris non posse sustineri, cum re vera, elementa non maneant formaliter in mixto, sed solum virtualiter ratione suarum qualitarum. Et si solum intenderet, quod ratione suarum qualitarum elementa in se remissio essent in mixto, id solum esset, quod qualitates, non vero quod ipsa elementa suscipiant magis, & minus.



QVÆSTIO VI.

*Vtrum esse susceptiuum contrariorum
sit proprietas quarto nodo
substantiæ,*

QUamuis aliqui licet paucissimi negent, proprium esse quarto modo substantiæ, quod vna numero manens sit susceptiua contrariorum, alij quidem (vt in obiectionibus videbimus) quia existimant, id non omni substantiæ competere; alij autem quia tenent, id alijs à substantiâ competere: sententia tamen Aristotelis vt communis, id nempe omni & soli substantiæ conuenire, est tenenda; quia cum omnis & sola substantia sit subiectum, vt quod accidentium, omni & soli illi competit, quod sit susceptiua contrariorum, cum omnia contraria sint accidentia, & nullum accidens, vt in solutione argumentorum videbimus, sit subiectum propriæ, & vt quod alterius accidentis, omnis & sola substantia est susceptiua contrariorum. Vt tamen id magis explicetur, aliqua aduersus hanc conclusionem obijciamus.

2 Obijcies ergo primo, quod si id esset proprietas quarto modo substantiæ, primo & per se substantiæ in cōmuni conueniret, & secundario indiuiduis, & primæ substantiæ: omnes enim proprietates
& pro-

de propria passionibus sic competunt. Sed
 hic est, quod prima substantia; v.g. Petrus,
 non suscipit contraria, quia illa suscipit
 homo, sed potius est conuerso homo susci-
 pit contraria, & substantat contrariis acci-
 dentibus: quia illis substantat prima substan-
 tia; ergo id non est proprietas quarto mo-
 do substantia.

3 Respondetur, quod de facto & in
 exercitio suscipere contraria, competit
 homini, verbi gratia, quia conuenit Pe-
 tro esse tamen susceptiuum contrariorum,
 ut aptitudo ad contraria suscipienda,
 competit Petro, quia conuenit homini,
 ita hoc secundum est proprium quarto
 modo substantia, non vero exercitium
 suscipiendi contraria. Sicut proprietas
 quarto modo hominis est risibilitas, quae
 competit Petro, quia competit homini,
 non autem, ipsum exercitium ridendi,
 sed est conuerso competit homini, quia
 competit Petro.

4 Obijcies secundo, quod non omni
 substantia competit, esse susceptiuum con-
 trariorum. Non igitur id est proprium
 quarto modo substantia. Antecedens pro-
 tur, nam Deus, Angeli, & corpora
 lesta sunt substantia, & tamen cum sint
 substantia incorruptibiles non sunt susce-
 ptu contrariorum: ergo id non omni
 competit substantia.

5 Respondetur, quod haec proprietas
 est substantia creatae, & ita non
 competit Deo. Ange-

li vero & corpora cælestia licet non sint susceptiua contrariorum ; , quæ disponant ad corruptionem ; bene tamen contrariorum . Angelus enim potest suscipere scientiam , & errorem , & aliquos affectus voluntatis contrarios : corpora etiam cælestia recipiunt aliqua contraria , vt dextrum & sinistrum , & motum naturalem & violentum , qui aliququaliter sunt contrarij , ac denique secundum diuersas partes eiusdem motus recipiunt motus contrarios .

6 Obijcies tertio, quod suscipere contraria, conuenit alijs pluribus præter substantiam : ergo id non est proprium quarto modo substantiæ . Antecedens probatur , nam eadem numero oratio transit de vera in falsam ; Petrus enim verbi gratia sedente , hæc oratio , Petrus sedet , est vera , & eodem Petro non sedente , est falsa . §. Probatur secundo , quia eademmet actio ad prædicamentum actionis perti- nens transit de bona in malam moraliter ; vt si illa perseverante prohibeatur : bonitas autem , & malitia sunt contraria : ergo iam aliquid præter substantiam est susceptivum contrariorum . Probatur tertio idem antecedens , quia quantitas recipit accidentia contraria . §. Nec potest dici , quod illa solum recipit vt *quo* , & vt est ratio vt illa recipiat substantia : quia , quantitas panis , & vini in Eucharistia , non solum vt *quo* , sed vt *quod* recipit alia accidentia , ac perinde etiam accidentia contraria : eum enim tunc non sit substan-
tia

illa recipiens, restat solum, quod quantitas ut verum subiectum illorum illa recipiat.

7 Respondetur, negando antecedens. Et ad primam probationem respondetur in Aristotele in hoc capite, quod oratio non recipit contraria per sui intrinsicam mutationem, sed si eadem numero transit de vera in falsam, id solum per mutationem obiecti, & per respectum ipsius orationis ad diversum obiectum. Susceptivum autem contrariorum, asserimus, esse proprietatem substantiae, hoc esse per realem mutationem ipsius receptivi. 5. Eodem modo respondetur secundam probationem, quod cum eadem actio transit de bona in malam, non fit cum reali mutatione ipsius actionis, sed praecise per novum respectum, legem talem actionem prohiben-

Ad tertiam autem probationem, quae iorem habet difficultatem, licet aliqui sentientes existiment, solum esse proprium substantiae, recipere contraria, tanquam numerum illorum sustentans, & quod non uni accidentia recipiantur in substantia, media quantitate, sed etiam recipiantur immediate in ipsa quantitate tanquam subiecto quod: oppositum tamen manifeste colligitur ex doctrina Aristotelis, & Thomae Aristoteles enim 4. metaphysic. ext. 14. ait: *Accidentis non est accidens, quia ambo eidem accidunt.* Et D. Thomas

mas 1.2. quæstion. 7. art. 1. ait. *Aliquid dicitur accidens alicuius dupliciter. Vno modo quia inest ei, sicut album dicitur accidens fortis. Alio modo, quia est simul cum eo in eodem subiecto. Et in solutione ad 3 id magis explicat, dicens: Sicut dictum est, accidens dicitur accidenti accidere propter convenientiam in subiecto: sed hoc contingit dupliciter. Vno modo secundum quod duo accidentia comparantur ad unum subiectum absque aliquo ordine, sicut album, & musicum ad sortem. Alio modo cum aliquo ordine, puta quia subiectum recipit unum accidens alio mediente, sicut corpus recipit albedinem mediante superficie, & quæst. 2. de virtutibus art. 3. ad 2. asserit: Forma non est forma, ita quod una forma præstet subiectum alteri, nihil tamen prohibet, plures formas in eodem subiecto esse secundum quendam ordinem, scilicet ut una sit formalis respectu alterius, sicut calor est formalis respectu superficiæ. Hæc D. Thomas, & iuxta eius doctrinam respondetur ad tertiam probationem argumenti, quod esse subiectum quod susceptivum contrariorum ex se, & ex natura sua, est proprium substantiæ, & eo modo nulli alij convenit: sed quantitas ex natura sua solum est subiectum quo, disponens substantiam ad receptionem aliorum accidentium corporalium: & eodem modo potentiæ, ut in homine intellectus, & voluntas, quæ sunt accidentia realiter distincta à substantia non recipiunt ut quod accidentia, actus videlicet talium potentiæ-*

riarum, sed sunt principium, quo mediante in substantia recipiantur. Quantitas autem panis, & vini in Eucharistia, non ex natura sua, sed ex speciali modo per se existendi ad modum substantiae ei diuinitus communicato est quasi susceptivum quod accidentium, & contrariorum. Et ut optime explicat noster Author Ss. Magister Soto cap. de quantitate, quaest. 2. in solutione ad 2. Cum quantitas sit accidens consequens materiam, sicut qualitas consequitur formam; sicut substantia nihil agit, nisi mediante aliqua qualitate tanquam virtute agendi; ut ignis mediante calore, ita substantia nihil corporale patitur, aut recipit, nisi mediante quantitate. Unde sicut si agit qualitas etiam separata, ut calor separatus, est in virtute substantiae, ita etiam si aliquod accidens recipit quantitas, est in virtute substantiae. Et ita quando in Sacramento Eucharistiae quantitas panis recipit alia accidentia, id non competit illi ex se, sed in virtute substantiae, & ut diuinitus habet communicatum aliquem modum essendi ad modum substantiae, & sic semper testat, quod suscipere accidentia, & suscipere contraria ex natura sua, & non virtute alterius, sit proprium solius substantiae, & nulli alij a substantia competat.

C A P V T

De Quantitate.

QVÆSTIO VII.

*Quid sit quantitas, & quæ eius
ratio formalis.*

Priusquam ad resolutionem quæstio-
nis accedamus, pro his quæ in illa,
& in alijs quæstionibus supra hoc caput
sunt dicenda, breuiter est præmittendum.
littera Aristotelis in prima parte huius ca-
pituli. Diuidit ergo in primis quantita-
tem in continuam & discretam. Quanti-
tas continua est cuius partes copulantur ali-
quo termino communi, ut partes lineæ con-
tinuantur puncto, quod medians inter
duas partes, est terminus communis utri-
que. Quantitas discreta est cuius partes non
copulantur aliquo termino communi, ut nu-
merus & oratio.

Secundo diuidit quantum in quan-
tum per se, & in quantum per accidens:
quantum per se est, quod ratione sui, &
non ratione alterius est quantum, ut om-
nes species, quas statim assignabimus, quan-
tatis continuæ & discretæ: quantum ve-
ro per accidens, seu quantum per aliud est
illud, quod ratione alterius est quantum,

ut

et actio dicitur brevis aut longa ratione maioris aut minoris temporis, quod in ea consumitur, & albedo dicitur magna ratione illius maioris superficiei.

3. Tertio, quia solum ea, quæ sunt quanta per se, sunt species quantitatis, dividit quantitatem continuam in lineam, superficiem, corpus, & locum: & quantitatem discretam in numerum & orationem.

4. Quarto dividit quantitatem ineam, cuius partes habent positionem inter se, ut linea, superficies, corpus, & locus, & in eam, cuius partes non habent positionem inter se, quia positio partium in ordine ad locum constituit speciale radicamentum situs, cuius species (ut videbimus, cum de illo loquemur) sunt iacere, sedere, &c. Differentiæ autem quantitatis habentes positionem partium inter se, sunt, seorsum, deorsum, antetro, dextrorsum, & sinistrorsum, & istæ differentiæ non reperiuntur in tempore, numero, aut oratione, quia licet in eis artibus sit prius & posterius, non tamen positio.

5. Ad propositam autem quæstionem cedentes, quamvis Aristoteles quantum sit quantitatem in hoc capite non definiat, sed a diuisione quantitatis inchoat: lib. tamen 5. metaph. text. 19. quantum finit, quod sit diuisibile in ea, que inest, quorum utrumque vel unum quodque unum quid aptum est esse. In qua definitione

tione seu descriptione (vt explicat noster author quæst. 1. super hoc caput circa solutionem ad 1.) ponitur *diuisibile* ad differentiam substantiarum spiritualium, quæ quia non sunt diuisibilia, non sunt quantita. Per id autem quod additur, quod est *diuisibile in ea quæ insunt*, excluditur diuisio mixti in elementa, quæ non existunt formaliter; sed virtualiter in mixto, & in quæ non diuiditur mixtum nisi per sui corruptionem: ac perinde eius diuisio in elementa non est diuisio quantitatæ. Et per alteram articulum, *quorum utrumque vel unum quodque unum quid apsum est esse*, excluditur diuisio compositi in materiam & formam, quæ diuisæ non possunt existere, sicut diuisæ existere possunt partes quantitatis.

6 Quod si contra hanc definitionem obijcias, illam non competere omni quantito: non enim videtur conuenire celo, nec minimo naturali; illud enim nullatenus est diuisibile, & hoc absque sui corruptione diuidi nequit. §. Respond. ex nostro authore Ss. Magistro Soto 1. physicorum, quæst. 1. artic. 2. ad 1. argumentum Scoti, quod diuisibilitas in hac definitione quantiti non accipitur pro separabilitate reali partium quantitatis; ea enim separabilitas aliquibus quantis conuenit, aliquibus vero non: sed accipitur pro diuisibilitate mathematica secundum quam in omni quantitate, & quanto etiam coeli, aut minimi naturalis est designabilis per intel-

Quaestio VII. 797

lectum una pars extra aliam, & ita ea definitio sic intellecta omni competit quanto.

7 Quia multoties aliquid non per suam rationem formalissimam, sed per aliquam sui passionem describitur aut definitur, adhuc ea non obstante definitione quanti, dubitatur in quo ratio formalissima, & essentialis quantitatis consistat. Pro cuius dubij intelligentia est supponendum, quod in quantitate possunt multa considerari, extensio videlicet partium quantitatis, & ipsius substantiae in ordine ad se, quatenus (ut magis postea explicabimus) una pars est extra aliam, & ab ea distincta, & una cum altera coordinata; & extensio ipsarum partium substantiae, & quantitatis in ordine ad locum, & impenetrabilitas cum altera quantitate; & ratio mensurae, quatenus per quantitatem mensuratur intrinsece substantia, & denique divisibilitas ipsius per separationem realem unius partis ab alia, siue ut explicuimus, per designationem unius partis extra aliam: his ergo suppositis, quaestio est, in quo istorum ratio formalis, & essentia quantitatis consistat.

8 Resolutorie dico primo. Ratio formalis quantitatis non consistit in divisibilitate proxima. Dixi non consistere in divisibilitate proxima, quia cum divisibilitas proxima, ut statim dicemus, se habeat ut proprietas quantitatis: & essentia cuiuslibet rei in radice suarum proprietatum

798 *Lib. 7. de prædicamentis*

consistat; essentia quantitatis in radice diuisibilitatis, seu indiuisibilitate radicali consistet: non tamen talis explicabitur essentia quantitatis, si solum dicamus, illam in diuisibilitate radicali consistere; cum id sit, quod intendimus indagare, quid sit videlicet in quantitate, quod est radix talis diuisibilitatis, & aliarum quantitatis proprietatum. Hoc ergo supposito, in conclusione dicimus, quod diuisibilitas proxima quantitatis non est ratio formalis, & essentialis illius, sed quædam quantitatis proprietas: ac perinde quod eum per diuisibilitatem Aristoteles, ut vidimus, definit quantum, illud per eam proprietatem, ut magis nobis notam descripsit. Conclusio est communis, & probatur, quia essentia & ratio formalis constitutiuæ cuiuscumque rei, est, quod primo intelligitur in illa, & ad quod eius proprietates consequuntur: sed diuisibilitas proxima non est, quod primo intelligitur in quantitate: ergo in tali diuisibilitate ratio formalis constitutiuæ quantitatis non consistit. Minor probatur, quia prius intelligitur in quantitate habere partes, & vnā distinctam ab altera, quam esse in illas proxime diuisibilem: ideo enim quantitas est proxime in suas partes diuisibilis, quia tales habet partes; & non è contra, ideo habet partes, quia est diuisibilis in illas. Ergo eius proxima diuisibilitas non est, quod primo intelligitur in quantitate.

Questio VII. 799

Nec huic conclusioni obstat, quod
es diuersam diuisibilitatem diuersæ di-
quantur species quantitatis, vt linea,
erficies, & corpus; videlicet, quia
a est diuisibilis secundum longitudinẽ;
erficies secundum latitudinem; & cor-
secundum profunditatem. Non (in-
m) id obstat, quia licet per talem
ersam diuisibilitatem, tanquam per ali-
m proprietatem nobis magis notam,
dictæ species distinguantur; diuersa
is reperitur extensio partium in ordi-
ad se, à qua talis diuersa diuisibilitas
uenit, & in qua diuersa ratio forma-
specifica talium specierum consistit.

10 Dico secundo. Ratio formalis
nitutis non consistit in ratione mensu-
: sed potius ea est proprietas ad ratio-
n formalem quantitatis consecuta.
nclusio simili, ac præcedens, ratione
batur. Quia quantitatem habere proxi-
m aptitudinem, vt substantiam & alia
nsuret, seu vt ipsa mensuretur; non
primum quod in ea intelligitur: ideo
m talem aptitudinem habet, quia ha-
partes in ordine ad se distinctas & ex-
sas, & non è contra. Ergo cum essen-
cuiuscumque rei (vt diximus) debeat
:, quod primo in ea intelligitur; ratio
nsuræ, seu aptitudo proxima ad mensu-
dum, siue actiue, siue passiue accipia-
, hoc est ad meniurandum alia, vel vt
a mensuretur; non potest esse ratio
malis constitutiua essentialiter quanti-

800 *Lib.7. de predicamentis*

tatis ; sed aliqua proprietas ad rationem formalem quantitatis consecuta .

11 Aduersus hanc tamen conclusionem obijcies testimonium D.Thomæ opusculo § 2. circa finem ubi ait : *Proprie ratio quantitatis , quæ competit quantitati , quatenus quantitas est , ratio est mensura .* Et quod 1. part. q. 18. art. 2. definit quantitatem , quod sit mensura substantiæ . Ergo in sententia D.Thomæ in ratione mensuræ ratio formalis quantitatis consistit . § Confirmatur . Nam in eo essentia alicuius consistit , iuxta cuius diuersitatem diuersæ illius assignantur species . Sed solum ratione diuersæ mensuræ , diuersæ constituuntur species quantitatis locus & superficies , quæ eandem extensionem habent , & solum diuersam rationem mensuræ ; & quatenus eadem extensio est mensura subiecti in quo est , dicitur superficies , quatenus vero est mensura corporis locati , quod continet , dicitur locus . Ergo ratio mensuræ est ratio formalis & essentialis quantitatis .

12 Respondetur . Quod præterquam , quod illud opusculum computatur inter ea , de quibus dubitatur esse D.Thomæ ; cuiuscunque sit , potest dici , ibi non sub quantitate secundum se , sed ut consideratur a logico ; ab illo enim consideratur sub ratione mensuræ . Vnde ut logicus agit de quantitate , diuersa distinguitur species quantitatis , locus à superficie propter diuersam rationem mensuræ : cum tamen considerata quantitate ,
se-

Quæstio VII. 801

secundum sua essentialia, locus non constituat diuersam speciem quantitatis à superficie. Per quod patet ad confirmationem, de quo etiam amplius in sequentibus circa species quantitatis dicemus.

§. Ad alterum autem testimonium Diu. Thomæ etiam ex dictis respond. quod ibi definit quantitatem non secundum sua essentialia, sed per quandam eius proprietatem scilicet rationem mensuræ, & secundum quod de illa ad logicum agere spectat.

13 Dico tertio. Ratio formalis quantitatis non consistit in extensione illius in ordine ad locum. Conclusio est omnibus certa, & manifeste probatur. Tum, quia extensio quantitatis in ordine ad locum est effectus secundarius formalis, & proprietas quantitatis, supponens extensionem in ordine ad se: ergo cum (vt iam diximus) essentia cuiuscumque rei sit quod primum in ea intelligitur; extensio quantitatis in ordine ad locum non potest esse ratio formalis, & essentia quantitatis. Tum etiam, quia non omni quantitati extensio in ordine ad locum competit: nec videtur qualiter possit competere tempori, numero, & orationi: ergo cum ratio formalis quantitatis omni quantitati competere debeat: extensio in ordine ad locum non potest esse ratio in formalis quantitatis, sed proprietas quædam non ad omnem quantitatem, sed ad quantitatem demtaxat continuam, & permanentem.

consecuta. Tum denique quia etiam quantitati, ad quam sequitur extensio in ordine ad locum, potest de facto miraculose non conuenire, vt de facto non conuenit quantitati corporis Christi existentis in Eucharistia.

14 Dico quarto. Ratio formalis quantitatis non consistit in impenetrabilitate illi cum altero corpore. Conclusio est certa, & patet. Tum quia talis impenetrabilitas non solum non est primum, quod intelligitur in quantitate, sed consequitur ad quantitatem iam extensam in ordine ad locum: ergo si extensio in ordine ad locum, quia consequitur ad quantitatem, non est ratio formalis quantitatis; multo minus talis impenetrabilitas quæ ad quantitatem, media extensione in ordine ad locum, consequitur. Tum etiam quia quantitati etiam extensæ in ordine ad locum, miraculose potest impediri impenetrabilitas, & cum altera quantitate extensa in ordine ad locum penetrari: vt sic post resurrectionem penetrata fuit quantitas corporis Christi, cum quantitate sepulchri, cum ex illo clauso exiuit imò vt duo corpora dicuntur penetrari, non solum debent habere quantitatem, sed & vtrumque suam extensionem in ordine ad locum: corpus enim quantumuis quantum, si non sit extensum in ordine ad locum; sicut non erit in loco, ita & ad expellendum ab eodem loco aliud corpus, eodem modo se habebit, sicut si nullatenus

nus haberet quantitatem : ac perinde non dicitur cum altero propriè corpore penetrari : impenetrabilitas enim est exclusio vnius corporis ab altero in eodem loco ratione suæ extensionis in ordine ad locum ac perinde impenetrabilitas , vt diximus , non solum sequitur ad quantitatem , sed & ad illius extensionē in ordine ad locum . Ex quo patet in tali impenetrabilitate rationem formalem quantitatis non posse consistere .

15 Ultimo tandem dico . Ratio formalis constitutiva quantitatis est extensio partium substantiæ , & ipsius quantitatis in ordine ad se , idest , quædam extensio accidentalis , & quantitativa partium substantiæ , quæ ex sua entitate partialem distinctionem entitativam habentes , solum ob id erunt capaces radicaliter remote extensionis in ordine ad locum , & per extensionem accidentalem , quam accipiunt à quantitate redduntur proxime capaces extensionis in ordine ad locum ; & per eandem extensionem suarum partium , quam quantitas ipsa habet , etiam ipsa quantitas fit capax proxime extensionis in ordine ad locum . Hæc igitur conclusio sic explicata , & amplius quæstione sequenti explicanda , est communis Thomistarum , & plurium etiam aliorum , & deducitur ex conclusionibus præcedentibus . Si enim in nullo prædictorum ratio formalis , quantitatis consistit , solum restat ; quod in tali extensione partium in ordine ad se

consistat. §. Confirmatur: quia talis extensio partium in ordine ad se est primarius & in impedibilis effectus quantitatis: cum nullus alius ad ipsum præintelligatur, & ipse ad quemlibet alium quantitatis effectum necessario præsupponatur: ergo cum (ut sæpius diximus) cuiuslibet rei ratio formalis constitutiva sit, quod primo in tali re intelligitur, & quod ad omnia alia supponitur; talis extensio partium in ordine ad se erit ratio formalis constitutiva quantitatis.

16 Tota autem huius conclusionis difficultas consistit in explicando talem extensionem partium substantiæ, & quantitatis in ordine ad se, & quid illa addat super distinctionem substantialem partium substantiæ, si illam habeat substantia ex se, & independenter à quantitate actuali. Vnde, ut id explicemus, oportet specialiter quæstione sequenti dubitare, an substantia corporea ex se, & independenter à quantitate actuali habeat actualem distinctionem entitativam, & substantialem partium; & si illam habeat; quam extensionem suarum partium antecedenter ad extensionem illarum in ordine ad locum ei actualis quantitas tribuat.

QVÆSTIO VIII.

Utrum substantia corporea independenter, & antecedenter ad quantitatem actualem habeat partes substantialiter, & entitative actualiter distinctas.

IN hac quaestione, quæ (vt in fine præcedentis dixi) multum conducit ad explicandam rationem formalem quantitatis, vnum supponimus, & alterum inquirimus. Supponimus pro nunc (quod in quaestione lequenti ostendemus) substantiam videlicet esse realiter distinctam à quantitate, immò & satis esse probabile, posse supernaturaliter fieri, quod substantia realiter existat sine quantitate. Hoc ergo supposito, quod inquirimus est, an substantia corporea independenter à quantitate actuali, & etiam si de facto illa miraculose non haberet, habeat distinctionem actualem substantialem, & entitativam partium: ita vt vna pars substantiæ non sit altera: an vero absque quantitate nullam prorsus distinctionem actualem habeat, sed solum radicalem, & in potentia: quatenus est capax diuersarum partium quantitatis, per quas ipsa substantia actualiter distinguatur in diuersas partes. Et licet in hoc duplex opposita sit sc-

tentia, altera negans omnē prorsus distinctionē substantiæ absque quantitate; altera vero distinctionē substantialē, & entitati-
nam partium substantiæ independentē, & antecedenter à quantitate concedens, & utraque sententia graues habeat defen-
sores, quamuis aliqui, qui pro hac vltima negatiua referuntur, solum forsam inten-
dant, substantiam absque quantitate non habere extensionem partium; quia exten-
sionem solum accipiunt pro distinctione
accidentali partium, quam accipit substā-
tia à quantitate; non tamen re vera ne-
gant substantiæ ex se, & independentē à
quantitate actuali distinctionem partia-
lem entitatiuam: quidquid sit de authorū
intelligentia, quid probabilius iudicemus
explicare conabor.

2. Dicendum igitur existimo, substan-
tiam quamlibet corpoream antecedenter,
& independentē à quantitate actuali, imò
etiam si miraculose quantitatem non habeat,
habere distinctas actualiter partes entita-
tiuas & substantiales, ita ut vna non sit
alia & sit ab altera actualiter entitatiue
distincta, licet ab illa non sit diuisa, &
separata. Prob. primo conclusio ratione
meo videri efficaci, quia substantia antece-
denter ad quantitatem præhabet radicaliter
determinatam quantitatem, & omnes illius
partes: ergo antecedenter ad quantitatem
actualem dantur in substātia diuersæ par-
tes entitatiuæ, & substantiales actualiter
distinctæ. Antecedens probatur, & ex-
pli-

Questio VIII. 807

plicatur, quia cum tota quantitas & omnes eius partes radiceantur in substantia, non solum determinata aliqua quantitas totalis, sed omnes eius partes præhabentur radicaliter in substantia. Consequentia vero probatur, quia ut communiter docent Thomistæ agentes de principio individuationis, substantiæ duorum individuum distinguuntur actualiter totaliter substantialiter, & non per ipsam actualem quantitatē (hæc enim, utpote accidens solum tribuit illis distinctionem accidentalem) sed distinguuntur per semetipsas ipsæ substantiæ, quatenus radicaliter præhabent diuersas quantitates totales: ergo si quælibet talis substantia, antecederet ad quantitatē actualem non solum radicaliter præhabet illam; sed & præhabet radicaliter omnes partes illius, illa ob id non solum erit distincta actualiter, substantialiter, & individualiter ab alia substantia totali sed & in eadē substantia erit distinctio actualis vnius portionis, seu partis substantiæ ab altera. Conseq. mihi videtur ita certa, ut nulla ei possit assignari disparitas.

3 Secundo probatur conclusio: nam substantia totalis affecta quantitate (ut etiam authores oppositi concedunt) habet partes distinctas realiter à partibus quantitatis in illis receptis. Sed ab ipsis partibus quantitatis, quæ in partibus substantiæ recipiuntur, tales partes substantiæ per semetipsas, & non per quantitates partiales distinguuntur realiter: ergo etiā

per semetipsam & non per quantitatem, potest vna pars substantiæ ab altera parte substantiæ distingui, ac perinde ea distinctio partialis partium, substantiæ inter se non erit à quantitate, sed independenter à quantitate potest habere. Prima, consequentia probatur, quia si substantia, & partes substantiæ ex se habent, quod distinguantur realiter à quantitate, & partibus quantitatis, quare etiam ex se non habebant, quod inter se partes substantiæ distinguantur? Minor autem, in qua videtur esse difficultas, probatur, quia partes substantiæ affectæ partibus quantitatis non possunt realiter distingui ab ipsis partibus quantitatis per easdemmet quantitatis partes nihil enim realiter ab aliquo distinguitur, per id à quo distinguitur, cū aliud debeat esse extremum distinctionis, & aliud id, per quod à tali extremo quid distinguitur. Nec possunt partes substantiæ distingui à partibus, quas recipiunt, quantitatis per aliam quantitatem; illi enim etiam deberet distingui à substantia per aliam quantitatem, & sic in infinitum. Necessario igitur est dicendum, quod substantia totalis per se ipsam distinguitur à quantitate totali, quam actualiter recipit, & etiam partes substantiæ à partibus quantitatis, quas in se ipsis recipiunt, realiter per semetipsas distinguuntur.

4 Tercio probatur conclusio: substantia est ita adæquatum subiectum quantitatis, quod in illa quantitas, & omnes illius

lius partes distincte, & partialiter recipiatur, ita ut una pars quantitatis non sit in tota substantia; sed una pars quantitatis sit in una parte: substantiæ, & alia in alia parte, alias quantitas esset in substantia indivisibiliter, & in extenso admodum, quo anima rationalis est in tota materia: quod utique non est dicendum, cum quantitas extensiuo modo, & extendens ac distinguens accidentaliter saltem partes substantiæ, sit in ipsa substantia: ergo antecedenter ad quantitatem supponuntur in substantia, ut in subiecto proportionato, in quo quantitas possit recipi, diversæ partes substantiales actualiter entitative distinctæ, in quibus possint recipi diversæ partes quantitatis. Probatur consequentia. Tum, quia subiectum, debet proportionari formæ, & re vera substantia nullam præhabens distinctionem actua- lem substantialem partium, non esset subiectum proportionatum ad recipiendas diversas partes actualiter distinctas quantitatis. Tum etiam eadem consequentia probatur (ut semper sistamus in paritate in prima ratione nostræ conclusionis facta) quod ad recipiendum diversam quantitatem totalem distinctam realiter ab altera quantitate totali, debet præsupponi substantia totalis distincta actualiter totaliter ab altera substantia totalis nec potest dici, quod distinctio actualis talium substantiarum totalium ab ipsis quantitatibus actualibus sit, sed necessario ad talium

quantitatum receptionem debet præsupponi: ergo à simili ad receptionem partium distinctarum eiusdem quantitatis debet præsupponi in substantia distinctio actualis substantialis entitativa partium ipsius substantiæ; nec potest dici, quod talis distinctio sit per ipsas partes quantitatis, quæ in substantia recipiuntur.

5 Quod si huic rationi; imò etiam alijs præcedentibus cum authoribus oppositæ sententiæ dicas, quod ut substantia sit subiectum proportionatum quantitatis, & partium quantitatis, non requiritur, quod præsupponatur ut habens actu distinctas partes, sed sufficit quod illas præsupponatur habens radicaliter & in potentia: non enim effectus, quem recipit aliquid ab aliqua forma, debet in illo actu præsupponi, sed solum radicaliter, & in potentia: & ita sicut substantia, ut recipiat albedinem, & eius effectum (asserunt prædicti authores) non debet præsupponi alba, sed dealbabilis, & in potentia, ut recipiat albedinem: ita etiam substantia, ut recipiat quantitatem, & partes quantitatis, non debet præsupponi habens actu distinctionem partium, quia talis distinctio partium in substantia (asserunt illi) est effectus quantitatis, sed sufficit, quod eam distinctionem suarum partium præhabeat substantia radicaliter, & in potentia.

6 Contra hoc tamen est, quod nos nullatenus dicimus, neque intendimus, quod

Quaestio VIII. 811

quod ut recipiat substantia quantitatem, & partes quantitatis, debeat actu præhabere aliquem effectum ipsius quantitatis: nec admittimus, distinctionem actualem entitatiuam partium substantiae esse vllatenus effectum quantitatis, sed aliam distinctionem accidentalem, & quantitatiuam, quam accipiunt à quantitate partes substantiae distinctam, & super additam distinctioni actuali entitatiuæ, quam in se habebant, ut statim magis explicabimus: & solum intendimus, quod ad hanc recipiendam distinctionem quantitatiuam, & recipiendum ipsas partes quantitatis, debet in substantia præsupponi distinctio actualis, & entitatiua suarum partium; sicuti ad recipiendum duas quantitates totales non debet quidem actu præhaberi in substantijs distinctio totalis accidentalis quantitatiua, quam per distinctas quantitates totales acquirunt; debet tamen actu præhaberi in substantijs distinctio totalis substantialis entitatiua, ut sint subiecta proportionatum diuersarum totalium quantitatum.

7. Quarto probatur conclusio, quia substantia, verbi gratia, homo, cum quantitate habet partes actualiter substantialiter distinctas. Sed nullus effectus substantialis, nullaque perinde distinctio substantialis præstari potest à quantitate: cum accidens qualis est quantitas, solum possit præbere effectum accidentalem: ergo substantia corporea ex se, &
in-

812 *Lib. 7. de prædicamentis*

independentem à quantitate actuali; ac
perinde antecederet ad illam, & etiam
si miraculosè illam non haberet; ha-
bet adhuc partes substantialiter, & en-
titatiue distinctas. Maior, in qua est
difficultas, probatur, nam in homine
modo cum quantitate substantia capitis
non est substantia pedis, cum sit vna ab
altera separabilis, & vna destructa, alte-
ra non destruat: ergo modo, licet non
sit actualiter separata substantia capitis
à substantia pedis, est tamen ab illa rea-
liter substantialiter actu distincta. Patet
hæc consequentia: nam esse aliqua actua-
liter distincta nihil aliud est, quam quod
hoc actu sit, & illud actu sit, & hoc non
sit illud: ergo cum actu sit in homine
quanto substantia pedis, & substantia
capitis, & substantia pedis non sit sub-
stantia capitis, actualiter substantialiter
hec distinguuntur. §. Confirmatur pri-
mo, nam cum destruitur substantia, quæ
est in pede, licet simul cum aliqua parte
quantitatis destruat: non destruitur tota
substantia hominis vt patet: ergo vel de-
struitur aliqua pars substantiæ hominis,
vel solum substantia, quæ erat sub quan-
titate pedis desinit esse sub illa, absque
aliqua, vel partiali sui destructione, sicut
cum corrumpitur aliqua pars corporis
humani, non desinit esse tota anima ratio-
nalis, nec aliqua pars illius; quia anima
rationalis non habet partes, sed solum de-
sinit informare illam partem, quam antea

Questio VIII. 813

informabat. Sed hoc secundum dici non potest: alias substantia corporea esset sub quantitate indiuisibiliter, sicut anima in corpore, & ipsa substantia corporea etiam cum quantitate nullam in se diuisionem haberet, sed solum diceretur virtualiter diuisibilis, quatenus recipit diuersas partes quantitatis: restat ergo quod cum destruitur aliqua pars integralis hominis, manus verbi gratia, vel pes, vere aliqua substantia partialis destruat: ac perinde ante talem destructionem talis pars substantiae erat actualiter substantialiter distincta ab altera parte substantiae, quae non destruitur. §. Confirmatur secundo, nam certum videtur, quod in substantia corporea saltem affecta quantitate vna pars substantiae distinguitur actualiter realiter ab alia; vt substantia pedis à substantia capitis: ergo ablata miraculosè à talis substantia quantitate (quod nunc suppono esse possibile) non remanet substantia, quae antea cum quantitate erat substantia pedis omnino actu realiter indistincta à substantia, quae erat substantia capitis: ergo distinctio actualis, quae inter illa remanet, debet esse substantialis, & entitativa; omnis enim inter illa accidentalis distinctio proveniens à quantitate definit esse ablata ab illis quantitate. Prima consequentia, in qua est difficultas, probatur. Quia ea quae realiter actualiter distinguuntur, non definiunt distinguere actualiter, realiter nisi alterum, vel vtrumque destruat, vel vni

con-

814 *Lib. 7. de prædicamentis*

conuertatur in alterum. Sed per id præcise, quod à substantia capitis, & pedis auferatur miraculose quantitas, nec destruitur substantia capitis, nec substantia capitis conuertitur in substantiam pedis, aut substantia pedis in substantiam capitis: ergo si cū quantitate substantia pedis actualiter realiter distinguebatur à substantia capitis; etiam ablata ab illis quantitate, actualiter realiter distinguuntur.

8 Ultimo tandem probatur conclusio quia in substantia etiam affecta quantitate potest realiter separari vna pars substantiæ ab altera manente omnino realiter inseparata quantitate: ergo per distinctionem accidentalem partialem, quam substantia habet à quantitate actuali. habet ex se, & independenter ab illa distinctionem actualem substantialem partialem. Patet consequentia, quia si nullam distinctionem actualem partialem haberet substantia, nisi à quantitate, non possent partes substantiæ realiter separari, nisi ad separationem realem partium quantitatis: ergo si realiter separantur partes substantiæ, non separatis partibus quantitatis illius signum est, quod substantia habet aliquam distinctionem actualem partium, præter distinctionem, quam habet à quantitate. Antecedens probatur; nam casu quo quis intenderet consecrare dimidiam partem hostiæ ab ipso signatam, desinit esse dimidia pars substantiæ panis, altera dimidia parte permanente; ac perinj
de

de realiter pars substantiæ, quæ desinit esse, separatur ab illa, quæ permanet; & tamen omnes partes quantitatis manent non solum quo ad apparentiam, sed re vera realiter inseparatæ, & continuæ sicut antea, quia per id, quod tunc aliquæ partes quantitatis maneant in subiecto, aliæ vero sine subiecto, non discontinuatur quantitas, ut in alio casu docet D. Thomas 3. part. quæstion. 77. artic. 8. ad 2. asserens, quod si speciebus vini consecrati misceatur vinum non consecratum, quantitas illius continuatur cum quantitate præexistenti, licet partes præexistentes quantitatis non sint in subiecto, & partes aduenientes sint in subiecto: ergo à simili, quando consecratur pars hostiæ & desinit esse pars substantiæ panis, separaturque perinde ab alia parte substantiæ permanenti, partes quantitatis nec separantur, nec discontinuantur, licet aliquæ illarum maneant in subiecto, aliæ vero absque subiecto.

9 Ut tamen conclusionem magis explicemus, restat declarare, quem effectum formalem primum tribuat quantitas substantiæ. Supposito enim, quod talis primarius effectus quantitatis non est extendere substantiam in ordine ad locum, cum id sit effectus secundarius quantitatis, & sine quo miraculose potest quantitas reperiri, ut de facto reperitur quantitas Corporis Christi, cui ut in Sacramento Eucharistiæ existenti talē non tribuit

buit effectum extensionis actualis in ordine ad locum. Supposito enim hoc, si substantia ex se, & independenter à quantitate habet actualem distinctionem partium, ita vt vna pars substantiæ sit ab altera antecedenter, & independenter à quantitate actualiter distincta: non videtur qualè primum effectum formalem possit substantiæ tribui à quantitate.

10 Ad hoc dico, quod præter dictam distinctionem actualem entitativam, & substantialem partium, quam ex se diximus habere substantiam corpoream, habet à quantitate extensionem quandam quantitativam, & accidentalem earundem suarum entitatum partialium, per quam reducuntur proxime capaces extensionis in ordine ad locum, cuius localis extensionis per primam illam distinctionem partialem entitativam, quam ex se, & independenter à quantitate habebant partes substantiæ, solum radicaliter, & remote erant capaces. Nec mireris, non aliter explicari extensionem quantitativam partium substantiæ in ordine ad se, nisi per id quod sit talis extensio, quæ substantiam reddat proxime capace[m] extensionis in ordine ad locum: plures enim essentias non nouimus explicare, nisi per id quod sint radices suarum proprietatum, vt essentiam equi per id, quod sit radix inihibitatis, & essentiam leonis per id, quod sit radix rugibilitatis.

11 Si tamen adhuc magis vellimus.

Quaestio VIII. 817

plicare, quid sit extensio in ordine ad se,
am quantitas antecedenter ad extensio-
m in ordine ad locum tribuit partibus
stantiae: potest dici, quod partes sub-
stantiae antecedenter ad quantitatem, licet
ent una ab altera distincta, non tamen
atenus inter se ordinatae; aut positionem
bentes inter se, & hanc inter se positio-
m, & ordinem tribuit illis primo quan-
as, & deinde positionem earum in loco,
ut per primum effectum quantitatis
rtes substantiae non sint ordinatae & ex-
isae in ordine ad locum, sint tamen ex-
isae, & ordinatae inter se, & in ordine
totum, & non solum, quod una pars
stantiae non sit alia (hoc enim habe-
nt ex se, & independenter a quantita-
actuali) sed quod una pars substantiae
prior alia, & omnes illae cum ordine
sitionis inter se comparentur ad totum.
doctrina haec colligitur manifeste ex Diu.
oma: opusculo enim 48. tractatu de
antitate, cap 4. inquit: *Quod posito uno*
modo dicitur ordo partium in loco, & sic est
in de predicamentis, quod dicitur situs;
modo posito est ordo partium in toto, &
positio est differentia quantitatis. Et in
ist. 10. quaest. 1. art. 3. quaestiuicula 3.
2. supponens Sanctus Doctor, corpus
risti in Eucharistia habere quidem
antitatem, ac perinde, & effectum for-
lem primum quantitatis, non tamen
habere effectum secundarium ipsius
antitatis, scilicet extensionem in ordi-
ne

818 *Lib. 7. de prædicamentis*
ne ad locum ; explicans in quo talis effectus primarius formalis, quem habet quantitatis, consistat, ait : *Quamuis non sit accipere ordinem partium corporis Christi secundum comparationem ad partes hostiæ, tamen est accipere ordinem ipsarum partium ad invicem in corpore Christi secundum propriam quantitatem.* Hæc D. Thomas: in quo manifeste insinuat, quod licet in corpore Christi, ut existente in Eucharistia non sit ordo partium ad partes hostiæ, (quod est idem ac dicere, quod non est extensio, & ordo partium corporis Christi in ordine ad locum) est tamen ratione effectus primarii quantitatis ordo partium corporis Christi inter se, & in ordine ad totum; ita ut in illo etiam non extenso in ordine ad locum sint ratione quantitatis caput, manus, & pedes cum ordine unius partis ad alteram, & omnes sic ut partes integrales ordinatæ constituent totum, quam ordinationem (ut dixi) non habent partes substantiæ ex se, & independenter à quantitate actuali, sed solum distinctionem unius ab altera, sine prædicta ordinatione.

13 Hinc sequitur proprie partes substantiæ antecederet ad quantitatem dici entitatiue, & substantialiter distinctas, non tamen extensas, aut habere extensionem, quia extensio partium etiam in ordine ad se addit aliquid supra illarum distinctionem, scilicet ordinationem, quam habent à quantitate, & ita (ut in principio huius quæstionis dixi) plures qui
pro

ro appposita referuntur sententia, fortassis dum intendunt substantiæ ex se, & independenter à quantitate omnem extensionem, non autem distinctionem partium, egare. Si quis autem dicat substantiam esse habere extensionem substantialem partium; licet forsan minus proprie loquatur, cum tamen extensio quantitatis sit accidentalis, dum dicit substantiam ex se habere extensionem substantialem partium eodem sumit extensionem substantiam, ac distinctionem, & ita in re nihil esset falsum.

13 Sequitur etiam, quod licet antea ad quantitatem dicatur, substantiâ habere partes distinctas: non tamen proprie dicitur, habere partes integrales, quia per partes integrales significantur partes non solum inter se distinctæ, sed inter se, in ordine ad totum ordinem, & positionem habentes. Vnde cum eum ordinem, positionem habeant à quantitate, per quantitatem, & eius primarium effectum partes substantiæ efficiuntur partes integrales. His ergo suppositis solum restat, fundamenta oppositæ sententiæ diluenda proponere.

14 Obijcies ergo primo, quod secundum Aristotelem, & D. Thomam, substantia, ablata quantitate, omnino remanet indivisibilis: ergo absque aliqua distinctione partium etiam entitativa, & substantiali; omnis enim qualiscumque distinctio facit divisibilitatem. Antecedens pro-

probatur: nam D. Thomas 4. contra gentes, cap. 65. ita ait: *Remota quantitate substantia omnis indiuisibilis est, ut patet per Philosophum 1. physicorum, & 1. part. quæst. 50: art. 2. ait: Materiam diuidi in partes, non conuenit, nisi secundum quod intelligitur sub quantitate, qua remota remanet substantia indiuisibilis, ut dicitur 1. physicorum.* Et denique quodlibeto 9. quæst. 4. art. 1. dicit: *in possibile est, quod una materia contrarias, & dissecratas formas recipiat, nisi secundum diuersas partes, diuersitas autem partium non potest intelligi in materia, non intellecta diuisione, neque diuisio non intellecta dimensione, quia substantia quantitate sublata, remanet indiuisibilis: ergo secundum mentem D. Thomæ ex Aristotele omnis diuisibilitas substantiæ prouenit à quantitate, & absque illa omnino manet substantia indiuisibilis: ac perinde sine aliqua actuali distinctione.*

15 Respondetur, D. Thomam ex Aristotele solum in prædictis locis intendere, quod substantia ablata omni quantitate, tam actuali, quam radicaliter in ipsa præhabita, maneat omnino indiuisibilis; non tamen quod præhabens radicaliter quantitatem, antecederet ad id, quod actualiter habeat illam, imò etsi de facto actualiter non haberet illam, sit omnino indiuisibilis: non autem ponimus aliquam distinctionem aut diuisibilitatem actualem entitatiuam, & substantialem totalem, vel partialem absque quantitate, & partibus
quant

Questio VIII. 821

antitatis radicaliter in substantia præhabita, sed absque quantitate, & eius par-
 us actualiter in substantia receptis. Quod
 tenet hæc sit mens, & intelligentia Divi-
 thomæ manifeste ex contextu testimonio-
 rum: quæ in argumento adducuntur, com-
 obatur. In primo enim adducto ex 4
 contra gentes loquitur, D. Thomas de di-
 inctione duorum individuorum mate-
 alium; ita enim asserit Sanctus Doctor:
ita sola quantitas dimensionum de sui ratione
abet, unde multiplicatio individuorum in
idem specie possit accidere: prima radix hu-
ismodi multiplicationis ex dimensionibus esse
idetur, quia & in genere substantia multi-
licatio fit secundum dimensionem materia,
qua nec intelligi posset, nisi secundum quod
materia sub divisionibus consideratur, nam
emota quantitate substantia omnis indivisi-
bilis est. Hæc D. Thom. in quibus mani-
 feste loquitur de distinctione individuali,
 & numerica duorum individuorum sub-
 stantialium intra eandem speciem. Sed
 iuxta veriores & communem Thomista-
 rum sententiam circa principium indivi-
 duationis substantiarum materialium, cer-
 tum est, quod substantiæ materiales non
 exigunt ad sui individuationem, & distin-
 ctionem individualement, quantitatē actua-
 lem, sed solum quantitatē, ut radicali-
 ter in materia, & in substantia præhabi-
 tam: ergo cum D. Thomas ait, quod abs-
 que quantitate materia, & substantia est
 indivisibilis, non intelligit absque quanti-

tate actuali, sed absque quantitate etiam radicaliter præhabita. Vnde sicut ex radicaliter præhabita diuersa quantitate totali distinguuntur actualiter substantialiter totaliter duæ substantiæ totales, ita & in eadem substantia totali ex radicaliter præhabitis diuersis partibus quantitatis distinguuntur actualiter substantialiter entitatiue diuersæ entitates partiales substantiæ. Eadem intelligentia D. Thomæ manifeste etiam ex ultimo adducto illius testimonio comprobatur: ad recipiendum enim diuersas formas in materia exigit ibi D. Thomas diuisionem ipsius materiæ, & ad eam diuisionem materiæ exigit in materia diuersas dimensiones quantitatis. Sed certum est in sententia D. Thomæ, in materia ad recipiendas formas non præcedere quantitatem actualem; cum in sententia Angelici Doctoris quantitas, sicut alia accidentia non recipiatur in materia, sed in toto composito, & cum aliquod compositum corrumpitur, fiat resolutio vsque ad materiam primam, nullo in illa manente actuali accidenti: ergo cum Diu. Thomas asserit, materiam ad recipiendas formas diuersas, debere esse diuisam, & vt sit diuisa debere habere diuersas dimensiones quantitatis, non intelligit, quod debeat illas habere actu, sed solum quod radicaliter illas præhabeat; & ita cum, dicit, materiam, & substantiam absque quantitate esse indiuisibilem, intelligitur absque quantitate etiā radicaliter præhabita.

15 Obijcies secundo, quia ablata
entitate actuali à materia, nulla in illa
est actualis distinctio. Omnem ergo
injectionem actualem partium accipit à
entitate actuali. Antecedens probatur,
quia omnis distinctio actualis provenit ab
alio actu. Sed in materia prima ex se
non est actus, cum primus actus illius sit
forma: ergo ex se nullam habet distinctio-
nem actualem.

Confirmatur, quia si esset ex se in ma-
teria prima distinctio actualis partium,
et illae non essent adinuicem diuisae, &
mixtae, faceret vnam compositionem,
non alteram. Sed talis compositio non
est esse. Tum quia prima compositio,
in materia reperitur, est ex ipsa ma-
teria, & forma. Tum etiam, quia in omni
compositione vnum extremum compara-
tur ad alterum vt actus & alterum vt po-
tentia: & in materia cum secundum se tota
sit pura potentia, nihil est, quod pos-
sit comparari ad aliquid vt actus: ergo in
materia nulla potest ex se reperiri compo-
sicio, ac perinde nec aliqua actualis distin-
ctio partium.

27 Respondetur ad argumentum,
quod licet materia nunquam, nec super-
naturaliter, iuxta probabiliores senten-
tias, possit existere sine forma, quamuis
reculose possit existere sine quantitate;
enim cum antecedenter ad formam intel-
ligatur, materiam esse radicem diuersae
entitatis totalis, quatenus per disposi-

iones ab agente introductas sigillatur, & sic capax diuersæ determinatæ quantitatis, ob id intelligitur vna materia distincta, ab altera actualiter substantialiter, & principium distinctionis indiuidualis, & in ea materia distinguuntur etiam actualiter partes substantiales: & ita negatur principale antecedens argumenti. Et ad primam probationem dico, quod ad hanc distinctionem non requiritur in materia aliquis actus, sed ipsa materia per suammet entitatem, sicut sine aliquo actuali superaddito distinguitur realiter actualiter à quolibet alio ente vt à forma, & ipsa quantitate: eodem modo est dicendum, quod in materia sine aliquo actuali superaddito solum per suam entitatem, quatenus est radix diuersarum partium quantitatis, distinguuntur diuersæ partes substantiales ipsius materie.

Ad confirmationem respondetur, quod sicut partes ipsius quantitatis continuæ, quæ realiter non sunt diuise, & separate, non faciunt compositionem, ita vt vna compareretur ad alteram vt actus, & altera vt potentia: non enim maior est ratio in partibus homogeneis, quare vna pars respectu alterius sit actus potius quam è conuerso, sed habent adinuicem unionem, & continuationem; ita etiam partes substantiæ, & ipsius materie substantiales non habent compositionem, ita vt vna compareretur ad alteram, vt actus, & al-

Questio VIII. 825

litera ut potentia, sed uniuntur reali-
substantialiter inter se. Et per hoc patet
ad utramque partem minoris, non
ponimus propriam compositionem
is partis materiae cum alia, sed unio-
nem, & ita prima propria compositio ma-
teriae est cum forma.

8 Contra hoc tamen est, quod si par-
tes materiae antecederent ad quantitatem
uniuntur realiter substantialiter, cum
dicitur in solutione) una pars non se-
cat ut actus respectu alterius, indigent
quo nexu, & termino communis ut in-
ter uniantur (licet enim id non requi-
rat ad unionem eorum, quorum unum
habet ut actus, & alterum ut potentia;
ideo neque ad unionem materiae cum
forma, neque alicuius formae cum subie-
cto existimem requiri aliquem modum in-
medium unionis, sed quod se ipsis im-
mediate uniantur, quia unum se habet ut
actus, & alterum ut potentia) ex oppo-
sitione, inter ea quorum unum non se-
cat ut actus, & alterum ut potentia, ut
uniantur, requiritur aliquod vinculum,
modus unius ab extremis, quae unun-
distinctus; & ideo ut uniantur partes
quantitatis, requiruntur inter illas aliqua
invisibilia, seu puncta, medijs quibus
uniantur. Sed nullum datur medium in-
ter partes substantiae, praecipue inter par-
tes materiae substantialis, quo realiter unian-
tur, & copulentur: ergo vel non dantur
inter partes distinctae substantiales, vel

illæ non sunt inter se vnitæ, sed ad modum quantitatis discretæ vna non est cum altera copulata. Minor, in qua est difficultas, probatur, quia si in materia substantiali essent aliqua indiuisibilia substantialia, medijs quibus partes materiæ vnirentur, cum ab agente naturali diuiditur vna pars materiæ ab altera, deperderetur, & desineret esse illud indiuisibile, quo partes materiæ vnirentur, sicuti ad diuisionem quantitatis deperditur indiuisibile, quo partes quantitatis vniebantur. Sed ad actionem nullius agentis naturalis potest desinere esse aliquid materiæ substantialis, cum quidquid ad materiam pertineat, videatur esse ingenerabile, & incorruptibile, sicut ipsa materia; ac perinde solum producibile per creationem, & potens desinere esse per annihilationem, quæ virtute agentis creati contingere nequit.

19 Respondetur, necessario in ea, quam defendimus, sententia, concedenda esse indiuisibilia substantiæ, & etiam materiæ substantialis, vt medijs illis illius partes substantiales realiter vniantur propter rationem in argumento factam; & etiam vt substantia sit subiectum omnino proportionatum quantitatis, & sicut in illa dantur partes, & indiuisibilia quantitatis, quibus vniantur; ita & in subiecto correspondeant partes substantiæ & indiuisibilia substantiæ, quibus vniantur. Vnde ad argumentum neganda est minor, & ad eius probationem concedendum

Questio VIII. 827

lum est, quod ad separationem partium substantiæ desinunt esse indiuisibilia substantialia, quibus vniebantur, imò in utraque parte substantiali separata resultat nouum indiuisibile substantiale, quo terminetur; sicut ad separationem partium quantitatis resultat in qualibet parte separata nouum indiuisibile quantitatis, quo terminetur. Neque id est inconueniens, quia quamuis materia substantialis quoad omnes suas partes sit ingenerabilis, & incorruptibilis, indiuisibilia tamen substantialia ipsius materiæ, cum adhuc in genere materiæ sint aliquid incompletum, educuntur ex potentia ipsius materiæ, & sic ad actionem agentis naturalis possunt desinere esse, & alia indiuisibilia substantialia in partibus materiæ separatis resultare.

QVÆSTIO IX.

Vtrum quantitas realiter distinguatur à re quanta.

DIco primo, quantitas realiter saltem formaliter distinguitur à re quanta, siue res quæ quantificatur per quantitatem sit substantia, siue accidens corporeum. Manifeste patet conclusio, nam illa dicuntur realiter formaliter distincta, quæ ex se, & antecedenter ad omnem distinctionem per intellectum factam habent

828 *Lib. 7. de prædicamentis*

bent suas proprias rationes formales à rationibus illorum distinctas ; sed quantitas (vt ad illam in particulari doctrinam generalem omnium prædicamentorum applicemus) ex se habet formalem distinctam rationem à substantia, tam in ratione communi accidentis , quam in ratione talis accidentis determinati. In ratione quidem communi accidentis , quia substantia est ens per se ; quantitas autem utpote verum accidens est entis ens , & ens in alio. In ratione vero particularis accidentis , quia quantitas habet speciales effectus formales, quos ex se non habet substantia, vt extensionem suarum & substantiæ partium in ordine ad se , & in ordine ad locum , quam extensionem ex se , non habet substantia . §. Confirmatur, quia licet quantitas de substantia , & de qualitate denominatiue in concreto prædicetur , non tamen prædicatur de illis nomine , & ratione , vt Aristoteles docet in capite de substantia , quia diuersa est definitio substantiæ, & qualitatis à definitione substantiæ . Ea autem inter quæ nec formalis realis interuenit distinctio, vnum de altero formaliter, & nomine, & ratione prædicatur . Quantitas igitur à re quantæ scilicet à substantia, & à qualitatibus corporalibus, quæ per quantitatem redduntur quantæ realiter saltem formaliter distinguitur .

2 Dico secundo , quantitas realiter entitatiue distinguitur à re quantæ . Opposi-

positum tenet Ocham, & plures alij Nominales existimantes, quamlibet rem, quantam esse suam quantitatem, & quod substantia corporea, imò materia corporea per se ipsam, & sine aliqua entitate superaddita est quanta, & forma corporea per suammet entitatem est quanta, & similiter qualitas materialis, ut calor, vel albedo per suammet entitatem est quanta. Et cum materia à forma corporea, & utraque à prædictis qualitatibus realiter entitative distinguantur; distincta entitative est quantitas, qua materia est quanta; & quantitas qua forma corporea est quanta; ac denique quantitas qua quælibet qualitas est quanta. Sed conclusio est omnium aliorum communis, & imprimis satis aperte deducitur ex Aristot. pluribus in locis, præsertim 7. metaphisicæ tex. 8. ubi ait: *Longitudo, latitudo, & profunditas quantitas quedam sunt, sed non substantia: quantitas enim non est substantia, sed magis cui hæc primo insunt, & 1. phisicorum textu 15. ait: Si substantia, & quantum sunt, duo sunt, & ibidem textu 13. asserit. Si substantia, & quantum, & quale sunt, non unum, sed multa sunt. Et quamvis aliquo qualiter hæc testimonia explicari possint, quæ substantia, & quantitas non unum formaliter, sed duo formaliter sunt: certe cum absolute, & sine addito asserit Aristoteles esse duo aut multa, maiorem quam formalem, entitativam videlicet distinctionem intelligit esse inter illa.*

Confirmatur, quia distinguit substantiam à quantitate sicut à qualitate. Sed certum est, qualitatem realiter entitativè à substantia distingui, cum nullus Catholicorum neget, qualitatem substantiæ panis manere realiter in Eucharistia, ipsa substantia panis destructa: ergo secundum mentem Aristotelis etiam quantitas distinguitur realiter entitativè à substantia.

3. Secundo probatur conclusio ratione desumpta ex Sacrosancto misterio Eucharistiæ, quia in illo manent realiter non solum qualitates, sed quantitas substantiæ panis, ipsa substantia panis realiter destructa, & in corpus Christi conuersa: ergo realiter entitativè quantitas panis ab ipsa substantia panis distinguebatur. Consequentia patet, quia cum vna entitas realiter manet, altera entitate realiter destructa, signum evidens est, quod tales entitates realiter entitativè distinguebantur. Antecedens autem licet non sit de fide, multum consonat cum his, quæ de fide circa misterium Eucharistiæ traduntur, & est communis Theologorum consensus. Vnde sine aliqua specie temeritatis forsâ non potest negari. Illud tamen negant Nominales dicentes, quod cum per conuersionem in corpus Christi desinit esse substantia panis, etiam desinit esse sua quantitas, & cum alia remanent accidentia panis, non remanent cum quantitate, aut

ut in quātitate substantiæ panis, sed quod
bet illorum cum sua propria quantitate
cum realiter identificata.

4. Contra hoc tamen est primo, quia in
Sess. Trid. sess. 3. can. 2. definitur, fieri cō-
uersionem totius substantiæ panis, & vini
in corpus & sanguinē Christi manentibus
dītaxat illius accidentibus: ergo cū absq;
exceptione alicuius accidētis asserat sacrum
Concilium manere accidētia substantiæ
panis, & vini; & vnum illorum sit quan-
titas, etiam illam manere videtur ibi de-
finire. §. Confirmatur, quia si non ma-
neret quantitas substantiæ panis, non solū
ipsa substantia, sed & sua quantitas cum
illa identificata conuerteretur in substan-
tiam, & quantitatem corporis Christi:
ac perinde talis conuersio non diceretur
solum transubstantiatio, vt illam Con-
cilium, & Patres appellant, sed diceretur
etiam transfaccidentatio, cum etiam quā-
titas, quæ est verum accidens, in quanti-
tatem Christi conuerteretur.

§. Secundo idem impugnatur, quia
si in Eucharistia non maneret quantitas
substantiæ panis, alia accidentia ibi per-
manentia, non manerent inter se vnita;
non enim per id, quod vnum actuet alte-
rum, quia non est maior ratio vt vnum,
calor v. g. respectu coloris se habeat vt ac-
tus, quam è conuerso. Nec talia acciden-
tia vnirentur inter se per id quod omnia
illa in eodem aliquo essent subiecto, cū nō
sint in eadem substantia panis, vt pote quæ

832 *Lib. 7. de prædicamentis*

tunc non permanet, nec in eadem quantitate substantiæ panis, si etiam tunc non manet, sed quodlibet tale accidens esset cum sua propria quantitate; ac perinde omnia illa inter se nullatenus manerent vnita, quod quidem admittere non parum videtur inconueniens. Aliàs non videtur quomodo simul naturaliter absque nouo miraculo omnia talia accidentia manerent.

6 Tertio principaliter ratione naturali probatur conclusio. Quod si materia, forma, & accidentia, quodlibet illorum habet suam propriam quantitatem, cum sua entitate identificatam, sequeretur, ea nulliter non posse esse in eodem loco, sed vnum alterum ab eodem loco se expelleret. Consequens experientia docet esse falsum, cum videamus non diuersum, sed eundem locum habere materiam & formam & illarum accidentia. Ergo non quodlibet illorum habet suam quantitatem, sed vna est quantitas omnium illorum entitatiue ab entitatibus illorum distincta, per quam primo redditur quantitas substantia, & deinde eius materialia accidentia. Et ita (vt ad ea, quæ contingunt in Eucharistia redeamus) destructa per conuersionem in corpus Christi substantia panis, manet illius quantitas substantans alia accidentia, & illa quantificans. Sequela, in qua est difficultas, probatur. Quia duo corpora non possunt naturaliter esse in eodem loco, sed vnum alterum

rum ab eodem loco expellit, quia habent diuersam quantitatem, ita vt ablata ab aliquo corpore quantitate, non esset nouum miraculum, quod simul existeret cū altero corpore, nec illam dicerentur proprie penetrari; sicut non dicitur penetrari corpus quantum cum Angelo etiam in eodem loco existenti, quia Angelus nō habet quantitatem. Ergo si materia & forma, & eius materialia accidentia, quodlibet habet distinctam quantitatem; non possent naturaliter existere simul in eodem loco, sed naturaliter vnum alterum ab eodem expelleret loco, nisi per speciale miraculum, non obstante eorum diuersa quantitate, penetrarentur; sicut miraculose cum corpus Christi clauso exiuit sepulchro, non obstante eius corporis à substantia sepulchri diuersa quantitate, cum corpore ipsius sepulchri fuit penetratum.

7 Nec valet, si dicas, quod quantitas materiæ, quæ, quia sicut ipsa entitas materiæ est minus actualis, est incompatibilis naturaliter in eodem loco cum alia quantitate materiæ: ac perinde duo corpora, quia habent diuersam quantitatem materiæ, non possunt naturaliter esse in eodem loco; quantitates autem formæ substantialis, & accidentium materialium, quæ cum identificentur cum entitatibus formæ, & accidentium, quæ sunt entitates magis actuales; ac perinde, & ipsæ quantitates sint magis actuales, quam quæ-

titas materiæ, non faciunt naturaliter incompatibiles in eodem loco quantitatem materiæ, & ipsam materiam. §. Non (inquam) id valet. Tum quia quantitas omnis est eiusdem rationis: ergo æqualiter omnes habent pro effectu formali, licet secundario ea, quæ facit quanta, facere impenetrabilia, & expellere ea, quæ per diuersam quantitatem sunt quanta, ab eodẽ loco. Tum, vel maxime, quia ex ea solutione sequeretur, accidentia, quæ sine subiecto per suas quantitates manent quanta in Eucharistia, non esse naturaliter incompatibilia in eodem loco cum aliquo corpore, vt cum alia hostia non consecrata. Consequens experientia docet, esse falsum. Falsum igitur est antecedens: sequela probatur, quia quantitates talium accidentiam, vtpote iuxta præcedentem solutionem quantitates magis actuales, non expellerent naturaliter quantitatem aliorum accidentiũ, nec alicuius corporis.

8 Dico tertio. Partes quantitatis continuz realiter modaliter distinguuntur ab indiuisibilibus, quibus contiuantur, vt linea à punctis, superficies à lineis, & corpus à superficiebus. Conclusio est expressa nostri Authoris quæ est. 2. super caput de quantitate, & colligitur ex Aristotele pluribus in locis, præcipue 4. physicorum text. 107. vbi ait: *Quod punctum non est pars lineæ, sed continuans eius partes.* Et 5. metaphysicæ, cap. 12. dicit: *Quod punctum est quid indiuisibile*

ha:

habens positionem in continuo. Et intelligitur punctum in omni genere esse indiuisibile, ita vt sub nulla ratione diuisibile sit: ergo cum secundum mentem Aristotelis, & secundum veritatem partes lineæ sint indiuisibiles, sentit proculdubio Aristoteles, punctum esse realiter distinctum à partibus lineæ. Et dixi realiter modaliter ab illis distingui, non quia distinguantur solum formaliter, aut sit eadem entitas puncti, & partium lineæ, sed quia cum punctum in genere quantitatis sit aliquid incompletum; habet se vt modus respectu partium quantitatis: ac perinde non distinguitur ab illis tanquam entitas ab entitate, sed tanquam modus ab entitatibus realiter cum illis non identificatus.

Et eodem modo comparantur quoad distinctionem linea ad superficies, & superficies ad corpus. Tum, quia ita asserit Aristoteles 3. de cœlo textu 14. dicens, quod punctum eo modo se habet ad lineam, quo linea ad superficiem, & superficies ad corpus. S. Tum etiam, quia sicut partes lineæ continuantur punctis, & ita partes superficiæ continuantur lineis, & partes corporis superficialibus. Ex his autem facile deducitur conclusionis ratio quantum ad distinctionem puncti à partibus lineæ. Nam, quod in omni genere est indiuisibile, non potest realiter identificari cum eo, quod est diuisibile, si enim esset eadem realiter

entitas, vel illa esset entitatie diuisibilis, vel indiuisibilis. Sed punctum est in omni genere indiuisibile, & partes lineæ sunt diuisibiles : ergo partes lineæ cum punctis realiter non identificantur.

9 Vniuersaliter autem, quod punctum à pariibus lineæ, & linea à superficiebus, & superficies à partibus, corporis realiter entitatie distinguantur, hac ratione probatur. Nam cum separantur realiter partes lineæ, desinit realiter esse punctum, medio quo illæ copulabantur, & continuabantur. Et similiter cum separantur duæ superficies, desinit realiter esse lineæ, qua tales superficies continuabantur : ac denique cum separantur partes corporis, quæ est tertia species quantitatis, desinit esse superficies, qua continuabantur : ergo nec punctum identificatur realiter cū partibus lineæ, nec linea cum superficiebus, nec superficies cū partibus corporis. Patet consequentia, nam cum aliqua realiter identificantur, non potest realiter desinere esse vnum, quin realiter desinat esse, quod cum illo identificabatur. Antecedens autem probatur : nam cum separantur partes lineæ (& idem est cum separantur duæ superficies, aut duæ partes corporis) desinunt esse inter se copulata, & continua : ergo punctum, quod erat terminus illius communis, medio quo copulabantur, vel remanet identificatum cum altera illarum parte, vel cum vtraque, vel realiter desinit esse.

Sed non potest manere identificatum cum utraque tali parte; nam cum illæ partes maneant realiter distinctæ, nihil realiter vnum, quale erat punctum, potest cum utraque tali parte identificari. Nec est maior ratio quare maneat identificatum cum vna prædictarum partium magis, quam cum alia: ergo dicendum est illud punctum realiter tunc definere esse: ac perinde punctum cum partibus lineæ, & lineæ cum partibus superficiei, & superficiei cum partibus corporis realiter non identificantur.

10 Aduersus secundam conclusionem obijcies primo, quod entitates non sunt multiplicandæ absque necessitate. Sed nulla est necessitas, vt concedatur quantitas a quæ sit entitas superaddita substantiæ. Non igitur illa est concedenda, sed quod substantia corporea per suammet entitatem est quanta, & quodlibet accidens materiale etiam per suammet entitatem est quantum. Minor probatur. Quia nulla superaddita entitate substantiæ corporeæ, illa habet distinctionem partium, & cum ob distinctionem partium proportionetur partibus loci, ob id præcise habet, quod possit in ordine ad partes loci extendi. Ergo cum quantitas solum constituatur in substantia, vt partes illius distinguat & reddat capaces existendi in ordine ad locum; ad nullum effectum proprium quantitatis requiritur, quod illa ponatur entitative distincta a substantia; ac perinde nulla

838 *Lib. 7. de predicamentis*

est necessitas concedendi quantitatem à substantia entitatie distinctam :

11 Respondetur, negando minorem & ad probationem respondetur iuxta dicta in duabus questionibus præcedentibus : quod licet substantia corporea sine aliqua entitate sibi super addita, per id solum, quod sit radix diuersarum partium quantitatis, habeat actualem realem distinctionem suarum partium ; non tamen absque alia entitate quantitatis sibi superadditæ habet suas partes ordinatas & extensas, ac perinde nec capaces proximæ extensionis actualis in ordine ad locum. Vnde ad hunc effectum requiritur in substantia quantitas realiter entitatie ab illa distincta & illi superaddita.

12 Obijcies secundo, quod si quantitas realiter entitatie distingueretur à re quanta, possent adinuicem realiter separari, & realiter separata existere, consequens autem videtur falsum. Quia si à substantia corporea realiter separaretur quantitas, non videtur qualiter illa possit manere, nisi eius partes, quæ extensæ existebant localiter, fluere ad punctum indiuisibile, vt aliqui existimant, quod tamen videtur esse absurdum, cum ea confluentia partium substantiæ ad punctum non possit fieri nisi per motum localem, & talis motus est substantiæ impossibilis absque quantitate.

13 Respondetur, quod licet non sit vniuersaliter efficax argumentum ex distinctione.

distinctione entitativa aliquorum, quod possint adinuicem realiter separari, & realiter separata existere. Aliquid enim potest ita in sui existentia dependere ab aliquo realiter ab illo distincto, ut ab illo separatum existere nequeat: ut materia sic in sui existere dependet à forma, quamvis ab illa realiter entitative distincta. Existimo tamen; non esse impossibile, quantitatem separari realiter à substantia, & utramque sic separatam manere. Cum enim licet quantitas, sicut quodlibet aliud accidens, magis dependeat à substantia, quam illa dependeat à quantitate, adhuc tamen non obstante illa dependentia, reperitur in Eucharistia (ut ostendimus) quantitas separata realiter à substantia, ita etiam potest supernaturaliter fieri, ut substantia corporea realiter existat absque quantitate. Nec tunc partes substantiae fluere ad punctum; sed existerent inter se distinctae, non tamen ordinatae, & à fortiori, nec extensae in ordine ad locum: sicut etiam cum quantitate partis substantiae corporis Christi in Eucharistia, non existunt extensae in ordine ad locum, & tamen per id non est concedendum illas fluere ad punctum, sed existere indivisibiliter, hoc est sine extensione locali: ita ut tota substantia corporis Christi sit praesens omnibus speciebus Sacramentalibus, & cuilibet parti illarum. An autem alia praeter substantiam, quae per quantitatem redduntur quanta, ut qualitates materiales, possint realiter ab

om-

inter à 1911

om- -mo

om- -mo

om-

omni quantitate separata existere, non est
certum: sicut tamen Deus quantitati pro-
prie in Eucharistia tribuit modum quendam
existendi ad modum substantiæ, per quem
separata ab omni subiecto existit, poterit
etiam forsitan tribuere qualitatibus similes
modum, ut non solum absq; subiecto sub-
stantiali, sed etiam absque omni quanti-
tate existant.

14 Obijcies aduersus tertiam conclu-
sionem, quod si punctum distingueretur
realiter entitative à partibus lineæ (&
idem potest dici de lineæ à superficiebus
& de superficiebus à corpore) separati-
onem realiter partibus lineæ, desinet realiter esse
se punctum, quo illæ continuabantur, &
incipient realiter esse duo puncta, quorum
altero altera pars lineæ sic separata, &
altera altero terminetur, & utrumque ta-
le punctum à parte lineæ, quam terminet
erit realiter entitative distinctum: siqui-
dem non solum ponuntur indiuisibilia
continuantia partes lineæ, sed & illas ter-
minantia. Et eodem modo videntur dis-
tingui indiuisibilia continuatiua à parti-
bus lineæ, atque indiuisibilia terminatiua
illarum. Sed ad separationem realem
partium quantitatis non resultant de nouo
aliqua indiuisibilia ab ipsis partibus reali-
ter entitative distincta: ergo non dantur
in lineæ talia indiuisibilia ab eius partibus
indistincta. Minor probatur, quia non
est tunc aliqua causa productiua talium
indiuisibilium, cum illa non possit pro-
du-

ducere causa, quæ diuidit & separat lineam.

15 Respondetur concedendo maiorem: imò id (vt vidimus) est fundamentum nostræ tertiæ conclusionis. Vnde neganda est minor, & ad eius probationem dico, quod tunc talia indiuisibilia terminatiua partium lineæ quæ diuiduntur, non producuntur directe à causa diuidente partes lineæ, sed ab ipsis partibus sic diuisis naturali resultantia consequuntur. Quia cum pars lineæ ab altera parte discontinuatur, eo ipso naturaliter petit terminari, eoque ipso fluit, & resultat ab eius entitate vnum indiuisibile, quod illam terminet & quod ante erat in potentia illius, & ratione continuationis illius partis cum altera impediabatur, ne à tali parte fluere, & resultaret. Vnde causa, quæ diuidit & discontinuat tales partes, solum se habet, vt remouens impedimentum continuationis, vt à qualibet talium partium indiuisibile terminatiuum illarum realiter resultet, & ea resultantia potius arguit, quod indiuisibile, quod

sic realiter à partibus resultat,

realiter ab illis

distinguitur,

distinguitur,

QVÆSTIO X.

*Vtrum diuisio quantitatis in conti-
nuam, & discretam sit generis in
species, & linea, superficies,
& corpus sint vera spe-
cies quantitatis
continua.*

Resolutorie dico primo. Quantitas essentialiter diuisione generis in species subalternas diuiditur in quantitatem continuam, & discretam. Conclusio est communis, breuiterque probatur. Quia quantitas continua habet distinctam essentialiter extensionem partium, ac quantitas discreta: quantitas enim continua est, cuius partes copulantur aliquo termino communi, & quantitas discreta est cuius partes nullo termino communi copulantur, in quo manifeste diuersa essentialiter extensio partium quantitatis insinuat: continuas enim, vel discretio partium non est differentia alicuius proprietatis quantitatis, sed ipsarum partium, & earum extensionis, in qua ratio essentialis quantitatis consistit. Et ita Aristoteles, & Diu. Thomas pluries insinuant, hanc diuisionem esse essentialem. Et dixi, illam esse generis in species subalternas, quia (ut
ex

Quaestio X. 843

ex dicendis in hac, & sequentibus quaestio-
nibus videbimus) quantitas continua in
alias species est essentialiter diuisibilis.

2 Dico secundo. Linea, superficies,
& corpus sunt verae species athomae, & es-
sentialiter distinctae quantitatibus continuarum.
Oppositum unus, vel alter est, qui defen-
dat, existimans, lineam & superficiem,
non esse proprias species quantitatibus, sed
reductiue tantum, tanquam aliquid indi-
uisibile ad quantitatem pertinere. Sed
conclusio est communis, & colligitur ex
diuersis locis Arist. & D. Thomae, breui-
terque probatur, quia tam linea, & super-
ficies, quam corpus veram habent exten-
sionem, & diuisibilitatem partium, &
partes vere copulantur termino commu-
ni, & quodlibet illorum habet diuersam
essentialiter extensionem, & diuisibilita-
tem partium, & diuersum terminum com-
munem ipsarum partium continuatum:
ergo omnia illa sunt verae species quanti-
tatis continuarum, & inter se essentialiter &
specificè distinctae. Tam prima, quam
secunda pars antecedentis manifeste pa-
tet, quia nec linea, nec superficies, nec
corpus sunt omnino indiuisibilia, sicut
punctum, sed suas habent partes, & diui-
sibilitatem, & linea est solum diuisibilis
secundum longitudinem, superficies au-
tem est diuisibilis secundum longitudinem,
& latitudinem, & corpus secundum lon-
gitudinem, latitudinem, & profundita-
tem.

tem. Vnde & Aristoteles 5. metaph. c. 13. dixit: *Magnitudo, qua quidem ad unum, continua, est longitudo; qua vero ad duo, latitudo; qua autem ad tria, profunditas.* Similiter continuatiuum partium linea est punctum; continuatiuum patrium superficiem est linea; & continuatiuum partium corporis est superficies: ergo linea, superficies, & corpus veram, & adinuicem essentialiter diuersam habent extensionem partium, distinctumque partium continuatiuum: ac perinde verè sunt species essentialiter diuersæ quantitatis continuæ.

§. Confirmatur, nam diuersas in ratione quantitatis linea, superficies, & corpus habent proprietates: ergo cum diuersæ proprietates non nisi ex diuersis speciebus resultent, diuersas essentialiter species, linea, superficies, & corpus constituunt. Antecedens probatur, quia linea est brevis aut longa; superficies lata, aut stricta; corpus altum, & profundum: ergo linea, superficies & corpus diuersas habent proprietates in genere quantitatis. Dixi istas species esse athomas, quia si quælibet illarum est diuisibilis, solum est ratione figuræ, vt linea in rectam & curuam, superficies in quadratam, & circularem, & corpus in curuum, & pyramidale: cum enim figura sit accidens quantitatis ad genus qualitatis pertinens, tales diuisiones non erunt essentielles, sed potius subiecti in accidentia: ac perinde prædictæ species,

cies, utpote in alias essentialiter non diuisibiles sunt species atomæ quantitatis continuæ.

3 Aduersus hanc secundam conclusionem obijcies primo: quod linea & superficies sunt quid incompletum in genere quantitatis continuæ: ergo non constituunt proprias species quantitatis continuæ, sed reductiue tantum ad quantitatem pertinent: sicut punctum, quod quia est aliquid incompletum non constituit speciem quantitatis, sed reductiue ad quantitatem pertinet. Antecedens probatur, quia idem punctum est quid incompletum, & (ut dixi) reductiue tantum pertinens ad quantitatem, quia est quid indiuisibile, & ad continuandum, & terminandum partes quantitatis ordinatum: sed linea, & superficies sunt indiuisibilia ordinata ad continuandum, & terminandum partes quantitatis: ergo sunt aliquid incompletum: ac perinde reductiue tantum ad quantitatem pertinent.

4 Respondetur, negando antecedens, & ad probationem respondetur, quod quia punctum omnino est indiuisibile, & eius ratio solum est ordinari ad continuandas partes quantitatis, idem secundum omnem sui rationem est quid incompletum, & sub nulla ratione directe, sed tantum reductiue pertinet ad quantitatem: linea autem, quia quamuis ut continuat partes superficiem, sit indiuisibilis secundum latitudinem, & superficies quatenus con-

continuat partes corporis, sit indiuisibilis secundum profunditatem, & sub ea, ratione formalissime possit dici, quod linea sit quid incompletum, & pertinens reductiue ad superficiem, & superficies sit quid incompletum, & reductiue pertinens ad quantitatem corporis; tamen quia linea habet suam propriam diuisibilitatem secundum longitudinem, quæ materialiter præsupponitur ad superficiem & ad corpus, & superficies habet suam diuisibilitatem secundum latitudinem, quæ materialiter præsupponitur ad corpus, secundum eas proprias suas diuisibilitates linea, & superficies non sunt aliquid incompletum, sed quid completum, & constituens diuersam speciem quantitatis, & ita ad argumentum in forma potest distinguui illa propositio, linea est quid incompletum: etsi formaliter, vt indiuisibilis secundum latitudinem, & vt sic ordinata ad continuandas partes lineæ accipiatur, potest concedi talis propositio: neganda vero est, si accipiatur linea formaliter vt diuisibilis secundum longitudinem, quia vt sic licet præsupponatur materialiter ad superficiem, non ordinatur ad continuandas partes illius.

5 Obijcies secundo, quod linea & superficies includuntur in corpore: ergo non possunt species quantitatis à corpore essentialiter condistinctas constituere. Patet consequentia, quia vna species non potest contineri in altera essentialiter ab illa

a distincta. Antecedens autem probatur, quia corpus est diuisibile secundum suam dimensionem, scilicet secundum longitudinem, latitudinem, & profunditatem: ergo continet lineam, & superficiem. S. Confirmatur, nam linea à superficie, & linea & superficies à corpore solum distinguuntur per aliquam negationem, videlicet quod linea dicit negationem diuisibilitatis secundum latitudinem, & linea & superficies dicunt negationem diuisibilitatis secundum profunditatem. Sed non possunt dari species reales essentialiter distincte solum per aliquod negatiuum, alias essent realiter constitutæ per aliquid negatiuum, cum idem sit constitutiuum, & distinctiuum: ergo linea superficies & corpus non sunt species formaliter condistinctæ.

6 Respondetur ad argumentum, quod linea vt diuisibilis secundum latitudinem ingreditur formaliter compositionem superficiem, non vt pars illius, sed vt continuatiuum partium superficiem; & superficies vt indiuisibilis secundum profunditatem ingreditur formaliter compositionem corporis, non vt pars illius, sed vt continuatiuum partium illius: linea autem vt diuisibilis secundum longitudinem, & superficies vt diuisibilis secundum latitudinem continentur quidem in corpore, non tamen formaliter, sed vt quid præsuppositum ad rationem corporis, quod formaliter solum constituitur per

extensionem, & diuisionem secundum profunditatem continens, & præsupponens materialiter à linea, & superficie diuisionem secundum longitudinem, & latitudinem. Huiusmodi autem continentia linearum, & superficiei in corpore non obstat distinctioni formali, & specificæ illarum à corpore: sicut non obstat distinctioni formali specificæ numeri ternarij à quaternario, quod materialiter, & præsuppositiue numerus ternarius in quaternario contineatur. §. Ad confirmationem negatur, quod per solam negationem linea, & superficies à corpore distinguantur, sed per suas positivas diuisibilitates, & extensiones, licet vna ad alteram materialiter præsupponatur, & per negationem alterius explicetur.

7 Obijcies tertio, quod cum impenetrabilitas sit passio quantitatis continuæ permanentis nulla potest esse quantitas continua permanens, quæ non sit cum altera quantitate penetrabilis, sed linea cum altera quantitate penetratur, non igitur veram habet rationem quantitatis continuæ permanentis: ac perinde nec potest speciem quantitatis continuæ constituere. Minor probatur, quia linea est continuatiuum partium superficiei: ergo tangit secundum se totam ytramque partem superficiei, quam continuat; sicut punctum, quia continuat partes linearum, tangit secundum se totam ytramque partem

tem lineæ, quam copulat, & continuat : ergo linea penetratur cum partibus superficiei ; aliqua enim penetrari nihil est aliud, quam se tangere secundum se tota. §. Confirmatur, quia superficies aliqua cum alia superficie penetratur : ergo non est quantitas continua & permanens cum (vt diximus) omnis quantitas continua, & permanens debeat esse cum alia quantitate impenetrabilis. Antecedens probatur, quia si duo corpora perfecte planæ coniungantur, superficies terminatiuæ vtriusq; corporis adinuicem penetrantur. Tum, quia se tangunt secundum se totas. Tum etiam, quia in eodem sunt loco, si quidem vnica, & eadem indiuisibili superficie aeris vtraq; talis superficies terminatiuæ vtriusq; prædicti corporis continetur : nam si ad cōtinuandum illas duplex superficies in aere corresponderet, cum illa superficies corporum essent immediata, darentur in aere duæ superficies immediatae, & corpus aeris componeretur ex superficiebus indiuisibilibus, quod esse impossibile, ostenditur in physica ; sicut & quod in linea dentur duo puncta immediata ; quia alias linea componeretur ex punctis indiuisibilibus.

8 Respondetur ad argumentum, quod cum linea sit diuisibilis, & extensa secundum longitudinem, & ea dumtaxat ratione sit quanta, & sit indiuisibilis secundum latitudinem ; ac perinde secundum eam rationem non sit quanta, non obstat

eius quantitati, quod secundum se totam tangat partes superficiei, quas continuat, quia tangit illas qua ratione indiuisibilis est. Obstarat autem eius quantitati, quod priores partes ipsius lineæ tangerent secundam se totas posteriores partes ipsius lineæ, quia id esset, non habere partes, nec extensionem aliquam etiam secundum longitudinem. Et cum re vera partes lineæ cum alijs eiusdem lineæ partibus, non possint penetrari, aut se secundum se totas tangere, id sufficit, ut lineæ secundum quod habet extensionem longitudinis, sit vere quanta. §. Similiter (ut confirmationi occurramus) cum superficies sit diuisibilis secundum latitudinem, & ea ratione sit quantitas, & quanta, & sit indiuisibilis secundum profunditatem, & secundum eam rationem non sit quantitas, sed continuatum, vel terminatum corporis; eius quantitati non obstat, quod secundum se totam tangat aliam superficiem, & ut sic non exigat distinctum locum una superficies ab altera, imò neutra ut sic sit in loco, quia indiuisibilia, ut sic non sunt in loco, sed utrique tali superficiei correspondeat una superficies corporis ambientis: obstarat autem quantitati superficiei, & illius extensioni, & diuisibilitati, si illius partes secundum latitudinem, secundum quam est quanta, & extensa, adinuicem penetrarentur, & secundum se totas adinuicem se tangerent: quod cum fieri non possit, verè superficies est quanta, & extensa.

Quaestio IX. 851

9 Contra hanc tamen solutionem, obijciēs, quod in quantitate non solum aliqua illius partes, non debent penetrari cum alijs eiusdem quantitatis partibus, nec secundum se totas adinuicem se tangere, sed nec vna quantitas debet cum altera penetrari, aut secundum se totam alterā realiter distinctā quantitatem tangere: ergo cum superficies duorum corporum (vt in casu confirmationis vidimus) adinuicē penetrentur, vel licet nō dicātur proprie penetrare, quia indiuisibilia proprie non dicuntur penetrari adinuicem, saltem secundum se tota se tangant; id sufficit, vt proprie tales superficies non sint quantā, quamuis partes cuiuslibet talis superficiei non penetrentur cum alijs partibus eiusdem superficiei, nec secundum se totas adinuicem se tangant. Antecedens probatur, nam corpus, quia vere quantum est, non solum in illo aliqua illius partes cum alijs eiusdem corporis partibus sunt impenetrabiles, & secundum se totas adinuicem non possunt se tangere, sed & totum idem corpus cum altero realiter distincto corpore est impenetrabile, nec potest alterum secundum se totum tangere; aut ab vnica tantum superficie corporis locantis potest vtrumque corpus ambiri, & locari: ergo ad quantitatem pertinet aliam quamlibet quantitatem a se realiter distinctam non secundum se totam tangere.

10 Respondetur, id non pertinere ad

852 *Lib. 7. de prædicamentis*
 quantitatem, quæ secundum aliquam
 tantum rationem est diuisibilis; ei enim
 sufficit, quod ea ratione, qua diuisibilis
 est, & extensa, partes illius secundum
 quas est diuisibilis, secundum se totas ad-
 inuicem non se tangant, licet specialiter
 ad corpus, quia est species quantitatis se-
 cundum omnem rationem diuisibilis, &
 secundum nullam dimensionem indivisi-
 bilis pertineat, quod non solum partes il-
 lius adinuicem non penetrentur, sed quod
 nec ipsum corpus cum altero corpore
 possit penetrari, aut illud secundum se
 totum tangere, quia sub nulla ratione
 (vt dixi) talia corpora sunt indivisibilia;
 vt possint, secundum se tota adinuicem
 se tangere.

Q V Æ S T I O XI.

*Virum locus sit propria species quan-
 titatis continuæ a superficie
 condistincta.*

S Vpponimus ex dicendis in Phisica, quod locus est superficies corporis continentis locatum; & de illo inquirimus, an sit propria species quantitatis cōtinuæ, & a superficie condistincta. Et ratio pro vtraque parte dubitandi sumitur ex Aristotele, qui in hoc capite de quantitate locū vt distinctam speciem à superficie enumerat inter species quantitatis con-

continua: & lib. 5. metaph. ubi species assignat quantitatis continuæ, loci non meminit.

2 Resolutorie est dicendum, locum non esse speciem quantitatis à superficie essentialiter distinctam. Conclusio est communis: & probatur, quia cum (ut diximus) ratio formalis, & essentialis quantitatis in extensione partium quantitatis consistat, solum penes diversam extensionem partium species quantitatis debent essentialiter constitui, & distingui. Sed locus, & superficies eandem prorsus habent extensionem partium, nec locus aliam extensionem habet præter eam, quam habet superficies: ergo non constituit locus speciem quantitatis diversam à superficie. Minor prob. quia solum potest triplex extensio partium quantitatis continuæ permanentis imaginari, scilicet secundum longitudinem, latitudinem, & profunditatem. Sed locus utpote verè corpus licet re vera habeat triplicem prædictam extensionem, cum tamen non contineat locatum nisi ratione suæ superficiei concavæ, accidentaliter est ei formaliter, ut loco extensio seu divisibilitas secundum profunditatem, & solum ei contineatur ad rationem loci extensio & divisibilitas secundum longitudinem & latitudinem, quæ est propria extensio superficiei. Ergo locus non habet aliam extensionem aut divisibilitatem præter eam, quam habet in ratione superficiei.

854 *Lib. 7. de prædicamentis*

3 Ad rationem autem dubitandi respondetur. Quod locus formaliter ut talis, licet non habeat diuersam extensionem, & diuisibilitatem partium à superficie, habet tamen distinctam ab illa rationem mensuræ. Quia superficies ex sua formali ratione solum est mensura subiecti, in quo est: locus autem, cum formaliter ut locus est, addat supra superficiem continere locatum; addit etiam supra superficiem esse mensuram extrinsecam locati: & quia Aristoteles in hoc capite loquitur de quantitate, ut est mensura, ut distinctam speciem à superficie locum enumerauit. In 5. autem libro metaphisicæ, quia loquebatur de quantitate secundum sua essentialia, ac perinde in ratione extensionis, cum locus (ut diximus) non habeat distinctam extensionem ab extensione superficie, non constituit illum speciem quantitatis distinctam à superficie.

4 Aduersus hanc tamen resolutionem obijcies primo, quod cum ratio mensuræ sit passio & proprietas quantitatis, & ab essentia quantitatis resultans, non videtur qualiter possit locus diuersam ac superficies specificè habere rationem mensuræ, quin diuersa etiam in eis specificè supponatur ratio quantitatis & extensionis, in qua essentia quantitatis consistit, ut ad illam talis diuersa quantitatis proprietas resultet. Ergo cum admittamus in loco & superficie diuersam specificè

cè rationem mensurae, necessario videtur etiam in eis diuersa ratio extensionis, ac perinde quantitatis concedenda.

Respondetur, quod licet proprietates, quae sine respectu & ordine ad aliquid extrinsecum alicui naturae conueniunt, non possint specificè multiplicari, non multiplicata essentia; proprietates tamen quae alicui competunt cum ordine ad aliquid extrinsecum, possunt multiplicari, immultiplicata formaliter quoad intrinseca & essentialia eius essentia. Et quia in loco esse mensuram extrinsecam corporis contenti, seu locati, est aliquid competens superfici ei & ut dicit ordinem ad extrinsecum locatum; bene potest inuariata essentia quantitatis & extensione partium, diuersa ei ratio mensurae secundum se, & ut continens locatum competere. Explicatur hoc amplius. Nam quamuis omnis ratio mensurae competat quantitati, quatenus in se partium extensionem habet, & ideo fit aliqua quantitas maior vel minor mensura sui intrinseci subiecti, vel alterius corporis, quia in se maiorem, vel minorem extensionem vel magnitudinem habet, ideoque fit mensura secundum longitudinem quia ipsa quantitas extensionem in se & diuisibilitatem habet secundum longitudinem, & fit mensura alicuius secundum latitudinem, quia in se quantitas extensionem & diuisibilitatem habet secundum latitudinem: quod

M m 1 quare

quantitas aliqua sit mensura extrinseca alicuius corporis præter illud quod intrinsecè afficit, licet supponat extensionem ipsius quantitatis, non sequitur ad ipsam quantitatem, nisi secundum quod dicit ordinem ad aliquid extrinsecum, ut secundum quod illud æctive continet, sicut locus continet locatum: & ita ea ratio diuersa mensuræ non arguit diuersam intrinsecam rationem quantitatis: ac perinde licet locus & superficies distinguantur in ratione mensuræ, non distinguuntur in ratione quantitatis, aut in ratione extensionis, in qua essentialis & formalis ratio quantitatis consistit.

6 Obijcies secunda, quod non solum locus est mensura secundum latitudinem locati, sed etiam secundum longitudinem. Et tamen non distinguimus in linea duplicem speciem in ratione mensuræ, alteram secundum quod linea sit mensura intrinseca subiecti in quo est, & alteram, quod sit mensura extrinseca corporis contenti, & sub qua ratione appelletur locus. Ergo nec in superficie, per id solum quod sit mensura intrinseca sui subiecti, & mensura extrinseca corporis, quod continet; debet constitui duplex species in ratione mensuræ, quarum altera dicatur locus, altera vero superficies.

7 Respondetur, quod præter quam, quod non esset inconueniens concedere, in linea eam duplicem speciem in ratione mensuræ; quia tamen linea non ratione
sua,

Quaestio XI. 857

fui, sed ut continetur in superficie, corpus aliquod ambit, quia superficies concava loci est quae per se continet & circumscribit superficiem convexam locati, & si lineae loci continent lineas locari, est in quantitate, lineae loci continentur in eiusdem loci superficie, ideo in superficie, non autem in linea distinguimus eam duplicem rationem mensurae, & secundum unam, quia est propria & intrinseca ipsi superficiei dicitur superficies, secundum alteram vero, quia superficiei non secundum se competit, sed ut continet locatum, dicitur locus.

QVÆSTIO XII.

*Utrum tempus, & motus sint
verae species quantitatis.*

Dico primo, motus non est species quantitatis. Oppositum paucissimi tenent, & ita conclusio est communis. Et pro illius declaratione, plenior explicationem motus ad libros physicorum remittendo, est supponendum, quod in motu reperitur actio & passio, terminus ipsius motus, ac denique fluxus, &

858 *Lib. 7. de prædicamentis*

tendencia in talem terminum, secundum quod motus definitur, quod est actus entis in potentia secundum quod in potentia. Et quidem actio, & passio specialia constituunt prædicamenta, terminus autem motus secundum diuersas species motus ad diuersa pertinet prædicamenta, vt ad vbi, qualitatem, vel quantitatem, & ita tota difficultas est de motu, vt dicit fluxum, & tendentiam ad terminum; & de illo sic sumpto dicimus non esse propriam speciem quantitatis. Quod probatur. Tum, quia Aristoteles nec hic, nec lib. 5. metaphisicæ, vbi enumerat species quantitatis, inter illas assignat motum; sed motum enumerat inter post prædicamenta: ergo cum (vt postea videbimus) post prædicamentum ad nullum prædicamentum proprie, & directe pertineat, motus in sententia Aristotelis ad nullum prædicamentum directe pertinet. Tum etiam, quia motus, vtpote via, & tendentia ad terminum, est aliquid vialè incompletum, & imperfectum: ergo etiam si falso admitteremus, motum habere propriam, & specialem extensionem, cõtinuitatem, & diuisibilitatem, talis eius extensio, cõtinuitas, & diuisibilitas esset incompleta, & imperfecta, sicut ipse motus: ergo cum extensio, quæ constituit specialem speciem quantitatis debeat esse completa, & perfecta, motus non erit species propriæ quantitatis. Tum denique, & maxime probatur con-

clu-

Quæstio XII. 859

clusio, quia (vt conclusione sequenti ostendemus) motus non habet extensionem formaliter distinctam ab extensione spatij, sicut nec tempus: ergo cum species quantitatis per diuersas formaliter extensiones debeat constitui, & distingui, motus non constituit specialem extensionem, & distinctam speciem quantitatis.

2. Dico secundo. Tempus non est proprie species quantitatis à quantitate continua permanenti distincta. Oppositum tenent aliqui etiam ex his, qui doctrinam D. Thomæ in omnibus sequi profitentur; immerito tamen cum expresse (vt videbimus ex Aristotele) nostram Angelicus Doctor doceat conclusionem. Vnde & communiter discipuli eiusdem Sancti Doctoris illam admittunt. Docet itaque illam expresse D. Thomas s. metaphisicæ lectione 5. vbi explicans duos modos quanti per accidens ab Aristotele assignatos, ait Sanctus Doctor: Distinguit modos quantitatis per accidens, & ponit duos modos quantitatis per accidens, quorum vnus est secundum quod aliqua dicuntur quanta per accidens, ex hoc 10. a, quod sunt accidentia aliorum quanti: sicut album & musicum per hoc, quod sunt accidentia alicuius subiecti, quod est quantum. Alio modo dicuntur aliqua quanta per accidens, non ratione subiecti in quo sunt, sed ex eo quod diuiduntur secundum quantitatem ad diuisionem alicuius quantitati: sicut motus & tempus, quæ dicuntur quadam quanta, & continua, propter
rea.

rea quod ea quorum sunt, sunt diuisibilia, &
 ipsa diuiduntur ad diuisionem eorum. Tem-
 pus enim est diuisibile, & continuum propter
 motum, motus autem propter magnitudinem,
 non quidem propter magnitudinem eius quod
 mouetur, sed propter magnitudinem eius in
 quo aliquid mouetur. Ex eo enim quod illa
 magnitudo est quanta, & motus est quantus,
 Et propter hoc, quod motus est quantus, se-
 quitur tempus esse quantum. Vnde hæc non
 solum per accidens quantitates dici possunt,
 sed magis per posterius in quantum quantita-
 tis diuisionem ab aliquo priori sortiuntur. Se-
 cundum est autem, quod Philosophus in præ-
 dicamentis posuit tempus quantitatem per se,
 cum hic ponat ipsum quantitatem per accidens,
 quia ibi distinxit species quantitatis secun-
 dum diuersas rationes mensura. Alia enim
 rationem mensura habet tempus, quod est me-
 sura extrinseca, & magnitudo, quæ est men-
 sura intrinseca; & ideo ponitur ibi ut alia
 species quantitatis. Hic autem considerat
 species quantitatis quantum ad ipsum esse
 quantitatis. Et ideo illa quæ non habent
 esse quantitatis nisi ex alio, non ponit hic spe-
 cies quantitatis: sed quantitates per accidens,
 ut motum, & tempus. Motus autem non
 habet aliam rationem mensura, quam tem-
 pus, & magnitudo, & ideo nec hic, nec ibi
 ponitur quantitatis species. Locus autem po-
 nitur species quantitatis, non hic, quia habet
 aliam rationem mensura, sed non aliud esse
 quantitatis. Hæc D. Thom. cuius verba
 ita clare nostram continent conclusionem,

ut nullam explicationem admittant, cum non solum asserat motum, & tempus esse quanta per accidens (id enim, ut videbimus, aliququaliter posset explicari) sed subiungat Sanctus Doctor, quod quia sunt quanta per accidens, ad modum quo illa esse quanta per accidens ex Arist. ibi explicat, non constituunt speciales species quantitatis.

3 Ex praedicto igitur testimonio deducitur conclusionis ratio ad hanc formam. Cum ratio formalis quantitatis in extensione consistat, non constituuntur distinctae formaliter species quantitatis, nisi penes diuersam formaliter extensionem, sed motus, & tempus non habent distinctam formaliter extensionem ab extensione quantitatis continuæ permanentis: ergo non constituunt distinctam speciem quantitatis ab illa. Minor probatur, quia tempus non habet aliam extensionem, nisi extensionem motus, & motus non habet aliam extensionem, nisi extensionem spatij super quod fit: ergo tempus & motus non habet extensionem distinctam formaliter ab extensione quantitatis continuæ permanentis. Antecedens probatur, quia ideo tempus est quantum, & extensum, quia quantus, & extensus est motus: & ideo motus est extensus, & quantus, quia quantum, & extensum est spatium, quod per motum pertransitur: ergo neque tempus, neque motus habent aliam extensionem, quam

et rationem temporis) sub nulla ratione assignatur diuersa species quantitatis .

5 Quod si ad testimonium D. Thomæ , & rationem pro nostra conclusione ex illo deductam respondeat aliquis cum authoribus oppolite sententiæ, quod Diu. Thomas non dixit, motum & tempus esse proprie quanta per accidens, sed potius quod sunt quanta per aliud, hoc est, quod eorum quantitas, & extensio prouenit, & resultat à quantitate, & extensione corporis, super quod fit motus, quod utique non tollit quod quantitas, & extensio motus, & temporis sit distincta à quantitate, & extensione corporis, à qua resultat: ac perinde nec id tollit, quod diuersam in ratione extensionis speciem quantitatis motus & tempus constituent, vel saltem tempus, esto quod motus quia est incompletum & imperfectum, non ponatur propria species quantitatis .

6 Contra hoc tamen est, primo, quod D. Thomas, non solum eo modo asserit, tempus & motum esse quanta per accidens, sed ob eum modum essendi quanta per accidens subdit, motum & tempus non constituere specialem, & distinctam speciem quantitatis: non ergo relinquitur locus prædictæ D. Thomæ explicationi. §. Secundo contra eandem solutionem facit, quod (vt explicabimus respondentes ad primam obiectionem) is modus essendi quanta per accidens sufficit, vt
tem.

864 Lib. 7. de prædicamentis

tempus & motus non habeant extensionem formaliter distinctam ab extensione spatij : ac perinde firma manet semper ratio D. Thomæ, ut non constituent tempus & motus specialem, & dictam speciem quantitatis.

7 Specialiter autem contra admittentes motum non constituere speciem quantitatis, & id negantes de tempore, potest argui, quod cum tempus non habeat distinctam saltem extensionem ab extensione motus, si motus ratione suæ extensionis non constituit propriam speciem quantitatis, nec illam ratione suæ extensionis constituet tempus. §. Nec valet dicere, quod quia extensio motus, sicut & ipse motus est aliquid incompletum, licet sit formaliter distincta extensio ab extensione corporis non constituit propriam speciem quantitatis; bene tamen tempus cuius extensio ex vna parte est distincta formaliter ab extensione corporis, & aliàs non est aliquid incompletum. §. Non inquam id valet, quia esto sufficienter excludatur à propria specie quantitatis, motus licet haberet distinctam formaliter extensionem à corpore, quia illa esset aliquid incompletum, eadem ratione excludendum est tempus à propria specie quantitatis: eius enim extensio cum sit eadem ac extensio motus, etiam erit aliquid incompletum, & etiam si aliquantulum extensio temporis esset distincta ab extensione motus, cum ab hac illa procedat,

dat, si hæc est incompleta, & imperfecta, illa nequit esse perfecta, & completa: nullus enim effectus aut proprietas potest maiorem perfectionem, & completionem habere, quam sua ad quam sequitur causa: ac perinde si ratione incompletæ extensionis motus non constituit propriam speciem quantitatis, nec illam constituit tempus. Sed quidquid sit de his præcipue tempus, & motus ab speciali & distincta specie quantitatis excluduntur, quia non habent formaliter distinctam extensionem à corpore.

8 Aduersus concl. obijcies primo, quod licet extensio motus, & temporis proueniat ab extensione corporis; distincta tamen formaliter est ab illa: ergo distinctam quantitatis constituunt speciem. Antecedens probatur, quia motus & tempus distinctas formaliter habent partes, continuationem, & continuatiua ac habet corpus: ergo cum extensio quantitatis continuæ in partibus, continuatione, & earum continuatiuis consistat, diuersam formaliter extensionem habet motus, & tempus ab extensione corporis. Antecedens probatur, quia partes corporis sunt permanentes, & eius continuatiua sunt superficies similiter permanentes; partes autem motus, & temporis sunt transeuntes, & continuatiua motus sunt mutata esse, continuatiua autem temporis sunt instantia, quæ etiam transeunt: ergo distinctæ sunt partes, & continuatiua motus, & tempus.

866 *Lib. 7. de prædicamentis*
temporis à partibus, & continuatiuis cor-
poris .

9 Respondetur, argumentum quidem
conuincere partes , & continuatiua mo-
tus, & temporis distingui materialiter en-
titatiue à partibus , & continuatiuis cor-
poris , cum his realiter permanentibus ,
illa realiter transeant , & desinant esse ,
tamen hæc distinctio entitatiua , & mate-
rialis non facit distinctionem formalem
extensionis quia tantam , & non maiorem
extensionem transeuntem habet motus , &
tempus , ac extensionem permanentem
habet corpus, super quod fit motus, & ex-
tensio , & magnitudo motus extensioni ,
& magnitudini corporis commensuratur ,
& utraque est extensio continua , partium,
videlicet , quæ copulantur aliquo termino
communi . Different & autem partium
quantitatis, & illius extensionis penes per-
manentiam , vel non permanentiam est
omnino materialis , & accidentalis quan-
titati , ac perinde non constituit species
essentialiter distinctas quantitatis : Vnde
diuisio quantitatis continuæ in permanen-
tem , & transeuntem non est generis in-
species , sed subiecti in accidentia .

10 Obijcies secundo, quod non solum
datur motus localis , qui fit proprie mo-
tus , & extensus , & cuius tempus fit nu-
merus secundum prius , & posterius , sed
alij motus , vt alterationis , & augmenta-
tionis : ergo cum illi non possint habere
extensionem corporis, super quod fiat mo-
tus ,

Questio XII. 867

ius, aut esse quanta per accidens, idest per aliud, per quantitatem videlicet, & extensionem corporis, super quod fiat motus, talis saltem motus, & tempus illius partes numerans, non erunt quanta per aliud, sed habebunt propriam extensionem, & quantitatem non desumptam ab alio ac perinde constituent specialem, & distinctam speciem quantitatis.

II Respondetur, omnem motum successivum (mutatio enim aut motus instantaneus nullatenus est extensus aut quantus) & etiam tempus, ut cuiuslibet motus successivi est numerus secundum prius, & posterius, esse quanta per accidens, idest, per aliud, diuersimode tamen: nam motus localis, de quo ut magis noto loquutus est Aristoteles, & D. Thomas, est quantus. & extensus, quia est quantum & extensum spatium, per quod talis fit motus: ac perinde, ut diximus, non habet extensionem formaliter distinctam ab illo: Alij autem motus, ut alterationis, & augmentationis sunt quanti, & extensi propter quantitatem, extensionem, & latitudinem suorum terminorum: ac perinde non habent extensionem formaliter distinctam ab extensione illorum: etsi aliquis detur motus successivus ad acquisitionem termini indivisibilis, id erit propter resistantiam contrarii successive in tempore vincendam, & extensio talis motus desumitur & mensurabitur extensioni contrarii resistantis, non autem indivisibilitati termini.

QVÆ-

QVÆSTIO XIII.

Vtrum vnitas, quæ est principium numeri de prædicamento quantitatis, addat aliquid supra quantitatem continuam.

EXplicatis iam speciebus quantitatis continuæ, vt ad species quantitatis discretæ deueniamus, & explicemus in sequenti quæstione, quid sit numerus quantitatis; oportet hanc præmittere quæstionem. In qua plures communiter opinantur & suo videri iuxta mentem D.Thomæ, quod licet vnitas transcendentalis, quæ est passio entis, & conuertitur cum ente, nihil reale entitatum addat supra ens, sed sit ipsum ens, vt dicit indiuisiōnem in se, & diuisionem à quolibet alio: vnitas tamen, quæ est principium numeri quantitatis, non solum aliquid addit supra substantiam vel qualitates quantas, quæ numerantur, sed supra earum quantitatem continuam. Ex opposito tamen, alij plures existimant, vnitatem, quæ est principium numeri de prædicamento quantitatis, nihil reale entitatum completum aut incompletum addere supra ipsam quantitatem continuam. Et cum inter alios hanc sententiam noster tradat auctor

Ss. Ma-

Questio XIII. 869

Ss. Magister Soto cap. de quantitate, quæst. 2. conclus. 2. illam ob id, & quia probabiliorem esse existimo, defendere & explicare conabor.

2 Dicendum igitur est, unitatem, quæ est principium numeri de prædicamento quantitatis addere quidem supra substantiam corpoream, & qualitates corporeas, quæ numerantur, quantitatem continuam ab ipsa substantia & qualitatibus (ut ostendimus) realiter & entitative distinctam: non tamen addere aliquid reale supra ipsam quantitatem continuam: sed quod ipsa quantitas continua realiter diuisa & separata ab alia quantitate continua, ac perinde indiuisa in se, & diuisa à qualibet alia quantitate, absque qualibet alia entitate completa vel incompleta ei superaddita, est unitas prædicamentalis & principium numeri, qui est species quantitatis discretæ: licet ipsamet realiter quantitas continua, ut est unitas & principium numeri, ratione distinguatur à semetipsa secundum se sumpta.

3 Conclusio sic explicata meo videri colligitur ex Aristotele: & D. Thoma, immo ex communi omnium proloquio, quod ex diuisione continui fit numerus, numerus videlicet, non transcendentalis (ille enim cum competat quibuscunque rebus etiam spiritualibus, & non quantis, non potest resultare ex diuisione continui) sed numerus quantitatiuus, atque species
quan-

870 *Lib. 7. de prædicamentis*

quantitatis. Sed tale commune prolo-
quium non aliter potest intelligi, nisi quod
in quantitate continua partes continuatæ,
sicut non erant diuisæ adinuicem, ita nec
quælibet illarum erat vna, aut vnitas; cum
autem diuiduntur, pars quantitatis diui-
sæ per diuisionem fit vna, & fit vnitas quæ
est principium numeri prædicamentalis,
& cum partes numeri, vt partes binarij,
vt pote qui est quantitas discreta, sint ipsæ
vnitates, ex diuisione continui resultat nu-
merus, quatenus ex diuisione continui re-
sultant diuersæ quantitates continuæ, qua-
rum cum quælibet sit ab altera distincta,
& separata; quælibet est vna vnitate suffi-
cienti, vt sit principium numeri, & ex
pluribus talibus vnitatibus numerus com-
ponatur.

4 Secundo probatur conclusio, quia
quælibet res eo ipso, quod est ens, est vna,
& ob id (vt nunc supponimus) vnitas
transcendentalis nihil addit supra quamli-
bet entitatem accidentalem, vel substan-
tiam corpoream, vel spiritualem: er-
go & quantitas continua per suamet en-
titem est vna in genere quantitatis, &
facit substantiam, vel qualitatem corpo-
ream, quam afficit, vnā non vnitate
transcendentali, quam ex se ipsa substan-
tia, & qualitas ex sua entitate absque
quantitate habent, sed facit illam vnā
vnitate pertinente ad genus quantitatis:
ergo quantitas continua per suamet en-

ti-

Quaestio XIII. 871

titatem est vnitas in genere quantitatatis, ac perinde principium numeri, qui est species quantitatatis.

¶ Tertio probatur conclusio, quia licet quantitas continua diuisione propria intra genus quantitatatis sit diuisibilis, & quid completum in genere quantitatatis continuæ, est tamen indiuisibilis diuisione quantitatatis discretæ, & vt quid secundum eam diuisionem indiuisibile est principium numeri, & in eo genere aliquid incompletum: ergo sine alia entitate superaddita est vnitas, & principium numeri. Patet consequentia, quia si ob aliquam rationem deberet concedi aliquid superadditum quantitati continuæ, vt sit vnitas, & principium numeri, maxime, quia ad id debet esse aliquid indiuisibile, & incompletum: ergo si ipsa quantitas continua est indiuisibilis secundum propriam diuisionem quantitatatis discretæ, ac perinde sub ea ratione est aliquid incompletum; ipsa quantitas continua, sine eo quod aliquid ei superaddatur, est vnitas, quæ est principium numeri. §. Confirmatur, & explicatur hoc exemplo: nam sicut linea, quamuis sit diuisibilis secundum longitudinem, & sub ea ratione sit aliquid completum, & constituens propriam speciem quantitatatis continuæ, quatenus tamen est indiuisibilis secundum latitudinem, est quid incompletum, & principium superficiei; ita quantitas continua quamuis sit diuisibilis diuisione propria.

872 *Lib. 7. de prædicamentis*

continui, est tamen indiuisibilis secundum diuisionem numeri (quia vna quantitas continua non potest diuidi in duas vnitates) est quid incompletum, & principium numeri, & ita non requiritur aliquid realiter entitatiue quantitati continuę superadditum, vt sit vnitas ad quantitatem discretam reductiue pertinens : ac perinde fit principium numeri, qui est species quantitatis.

6 Obijcies tamen varia testimonia. D. Thom. in quibus aliqui existimant, Doctorem sanctum oppositum docuisse nostrę sententię : quodlib. enim 10. art. 1. sic ait : *Respondeo dicendum, quod vnum, quod est principium numeri, de necessitate aliquid positiuę dicit in eo cui attribuitur : quia cum ex unitatibus numerus constituatur, nisi vnitas res aliqua esset, numerus esse non posset, & sic nõ posset poni in aliquo genere tanquã species.* Et 1. p. q. 11. ar. 1. ad 1. postquam retulerat Sanctus Doctör duas extremas sententias, alteram Platonis, & Pythagorę, quod sicut vnum quod conuertitur cum ente, nihil addit supra ens, ita nec aliquid addit supra ens vnum, quod est principium numeri : alteram Auicennę, quod sicut vnum, quod est principium numeri, addit aliquid supra substantiam entis ; ita etiam vnum, quod conuertitur cum ente, addit aliquid supra substantiam entis : ipse S. Doctör media via inter eas sententias extremas procedens, concludit solutionem, dicens : *Sic igitur dicendum est, quod vnum*
quod

Quaestio XIII. 873

quod conuertitur cum ente, non addit aliquam rem supra ens: sed vnum, quod est principium numeri, addit aliquid supra ens ad genus quantitatis pertinens. Sentire ergo videtur S. Tho. vnum, quod est principium numeri, addere aliquid supra ea quæ numerantur, & cum quod præcipue numeratur sit quantitas continua, supra illam videtur sentire S. Doct. quod aliquid addat vnum, quod est principium numeri.

7 Respondetur, huiusmodi & alia similia D. Thom. testimonia, mihi non magnam ingerere difficultatem, sed existimo S. Doctorem, solum in illis intendere assignare manifestam differentiam inter vnum quod cōuertitur cum ente, & vnū, quod est principium numeri; quod vnum transcendente, & quod conuertatur cū ente, supra nullum ens cui competit, aliquid reale & positium addit vnum autem prædicamentale, & quod est principium numeri, addit supra ens cui competit, aliquid ad genus quantitatis pertinens, scilicet ipsam quantitatem continuam, non tamen aliquid addit supra ipsam quantitatem continuam, & ita D. Thom. licet toties de hac re loquutus sit, nunquā dixit, quod vnum quod est principium numeri, aliquid addit supra quantitatem, sed supra ens, vel supra substantiam entis. Pro cuius maiori intelligentia est aduertendum, quod non solum quantitates continuæ numerantur, & sunt vnum ac principium numeri, sed & substantiæ & qua-

374 *Lb. 7. de predicamentis*

litates, quæ per quantitatem continuam sunt quanta, & eis numerus tribuitur. Dicimus enim, quod tres homines quanti aut tres albedines quantæ faciunt numerum ternarium non solum transcendentalem (quem facerent etiam absque quantitate, imò etiam si essent entia omnino spiritualia) sed numerum prædicamentalem, qui est species quantitatis discretæ, & ad eum numerum prædicamentalem componendum, & ut quilibet ver. gr. talis homo sit vnum, quod sit principium talis numeri, non sufficit ei sua entitas substantialis, sed requirit superadditam sibi quantitatem continuam, per quam homo qui ex sua entitate substantiali sicut erat ens, erat vnum transcendentale, efficiatur vnum prædicamentale, & principium numeri, qui est species quantitatis: & ita solum intendit in prædictis testimonijs; D. Tho. quod super ens substantiale, vel qualitatem materiale, ut numero quantitativo numerentur, esse vnum, quod est principium talis numeri, aliquid addat, scilicet ipsam quantitatem continuam.

Et si dicas, quod non solum substantiæ, & qualitates quantæ per quantitatem continuam numerantur numero quantitativo, sed ipsæ quantitates continuæ etiam si nullam substantiam, aut qualitatem asicerent, possunt numero quantitativo numerari, & quælibet esse vnum, quod sit principium numeri quantitativi? Tunc enim inquit, an quælibet talis quantitas sit vnum,

unum, & principium talis numeri per suammet entitatem, sine aliqua ei entitate superaddita, an per aliam entitatem, licet incompletam ei superadditam. Si hoc secundum, sicut quantitas continua per se ipsam non habet esse unum, quod est principium numeri; ita nec per se ipsam sufficit substantiam quam quantificat, facere unum quod sit principium numeri. Si vero dicatur primum, non distinguitur in tali quantitate unum, & unitas transcendentalis, quæ convertitur cum ipsius quantitatis entitate ab unitate prædicamentali, per quam talis quantitas est unum, quod est principium numeri.

9 Respondetur, ita re vera esse, quod licet aliæ entitates præter quantitatem continuam per se ipsas sint unum transcendente, & per quantitatem continuam eis realiter superadditam sint unum prædicamentale, quod est principium numeri quantitativi, ac perinde in eis realiter non coincidat unitas transcendentalis, cum tali unitate prædicamentali: in quantitate tamen continua eius unitas transcendentalis, quia est in genere quantitatis, utpote quæ convertitur cum entitate ipsius quantitatis ad genus quantitatis pertinentem, est etiam realiter entitative unitas prædicamentalis, & principium numeri quantitativi cum sola distinctione rationis. Quatenus enim talis unitas consideratur absolute, & in se, dicitur unitas transcendentalis; quatenus vero ordinatur ad com-

876 *Lib. 7. de prædicamentis*
ponendum cum alijs quantitatibus conti-
nuis numerum prædicamentalem, dicitur
vnitas prædicamentalis, & est principium
talis numeri.

10 Secundo principaliter obijcies,
quod vnitas quæ est principium numeri,
debet esse aliquid indiuisibile, & incom-
pletum: ac perinde reductiue tantum
ad genus quantitatis pertinens. Sed quæ-
ritas continua est diuisibilis; & quid cõ-
pletum, & non reductiue tantum, sed di-
recte ad genus quantitatis pertinens, vt
pote propriam speciem quantitatis consti-
tuens, non igitur quantitas continua
per se ipsam est vnitas aut vnum, quod est
principium numeri, nec per se ipsam fa-
cit ea, quæ quantificat, esse vnum quod est
principium numeri, sed ad id exigitur ali-
quid incompletum reductiue ad genus
quantitatis pertinens non solum superad-
ditum substantijs, & qualitatibus, quæ
numerantur, sed etiam ipsi quantitati cõ-
tinuæ. Antecedens prob. quia enim pun-
ctum est principium quantitatis, est quid
indiuisibile, & incompletum: ac perinde
solum reductiue ad genus quantitatis per-
tinens, sed sicut punctum est principium
quantitatis continuæ, ita vnitas est princi-
pium numeri, quæ est quantitas discreta:
ergo talis vnitas debet esse quid indiuisi-
bile, & incompletum: ac perinde reducti-
ue tantum ad genus quantitatis pertinens.

11 Respondetur, solutionem huius
argumenti sufficienter in tertia probatio,

ne

ne nostræ conclusionis manere insinuatâ ; punctum enim quia sub omni ratione est indiuisibile ; sub omni ratione est incompletum , & sub nulla directe pertinet ad genus quantitatis : quantitas autem continua licet sit diuisibilis propria diuisione continui , & sub ea ratione sit quid completum propriam constituens speciẽ quantitatis , est tamen indiuisibilis diuisione quantitatis discretæ . Postquam numerum enim v. g. binarium in duas quantitates , seu duo quanta quantitate continua diuidimus , licet quælibet talis vna quantitas sit diuisibilis in partes , quæ in ipsa sunt copulatæ , & continuatæ , quæ est diuisio propria quantitatis continuæ , non tamen est diuisibilis in aliquas partes , quæ in ipsa non sint aliquo termino communi copulatæ , quæ est diuisio propria quantitatis discretæ , & ita talis quælibet quantitas continua est indiuisibilis secundum diuisionem quantitatis discretæ . Vnde sub ea ratione est aliquid incompletum , & indirecte , & reductiue pertinens ad genus quantitatis discretæ . Exemplum huius manifestum assignauimus in prædicta tertia probatione nostræ conclusionis : linea enim quatenus diuisibilis secundum longitudinem , est quid completum directe pertinens ad genus quantitatis , & propriam speciem quantitatis continuæ constituens : quatenus vero est indiuisibilis secundum latitudinem , est principium superficiei , ac perinde vt sic quid incom-

878 *Lib. 7. de prædicamentis*

pletum, & reductiue pertinens ad speciem superficiæ, & idem est de superficie, quæ ut diuisibilis secundum latitudinem constituit propriam speciem quantitatis, & ut indiuisibilis secundum profunditatem est principium corporis, & reductiue ad speciem corporis pertinens. Et solum interuenit distinctio rationis inter hæc, ut secundum se vel ut principium aliorum, considerantur. Et eandem distinctionem rationis admittimus in quantitate continua secundum se sumpta à semetipsa ut est principium numeri quantitatis discretæ. Totam hanc doctrinam desumpsimus ex nostro Authore Ss. Magistro Soto.

QVÆSTIO XIV.

Vtrum numerus prædicamentalis sit ens reale; ens per se, & propria species quantitatis.

DIco primo, numerus quantitatiuus, qui ex diuisione continui resultat, est aliquid reale. Oppositum tenent aliqui extra scholam D. Thomæ. Sed conclusio est communis Thomistarum, & merito quidem, cum manifeste deducatur ex Aristotele, & D. Thoma, vterque enim (ut conclusione sequenti videbimus) numerum assignat propriam speciem quantitatis: cumque genus generalissimum quantitatis sit aliquid reale, & impossibile sit, genus
reale

reale per species, quæ non sunt aliquid reale, contrahi, manifeste insinuant, numerum esse aliquid reale.

2 Probatur autem primo conclusio; quia numerus quantitativus (ut suppono) est obiectum Arithmeticæ, quæ non solum est sciëntia realis, quia est habitus realis, sed dicitur scientia realis, quia agit de ente reali, ad differentiam logicæ, cuius obiectum est ens rationis. §. Et confirmatur quia si numerus, qui est obiectum Arithmeticæ, esset ens rationis, non abstraherent solû à materia sensibili, qualiter obiecta omnium mathematicarum dicuntur abstrahere, sed cum nullam eius subiectû concerneret materiam, abstraheret propter sui imperfectionem ab omni materia negativè, sicut in proœmialibus quæst. 6. diximus, abstrahere obiectum logicæ: ac perinde non haberet per quid distinguere-tur formaliter ab obiecto logicæ, nisi diceretur quod logica, & Arithmetica convenirent in eadem specie scientiæ subalterna, quòd nullus admitteret. Ne igitur id dicatur, dicendum est cum omni sententia, numerum, qui est obiectum Arithmeticæ, vere esse aliquid reale.

3 Secundo probatur, quia teste Philosopho 2. de anima, cap. 6. numerus est sensibile commune, quod utique esse non posset, nisi esset aliquid reale: sensus enim etiam communis nõ potest nisi ad aliquid reale terminari. §. Confirmatur, quia numerus est mensura realis entium realiû

880 *Lib. 7. de prædicamentis*

permanentium : ipse igitur numerus est aliquid reale, alias entia realiter mensurare non posset.

4 Dico secundo, numerus quantitativus est ens per se, & vera species quantitatis. Oppositum aliqui tenent, sed certe contra communem sententiam Aristotelis & D. Thomæ. Aristoteles enim non solum in hoc capite, sed & 5. libro metaphisicæ, ubi quoad essentialia, & intrinseca, quantitatis, illius species numeravit, inter illas numerum assignavit. Et D. Thomas pluries asserit, numerum esse veram, & propriam speciem quantitatis : ac perinde esse unum ens per se, & utrumque clarissime docet 8. metaphis. lect. 3. ubi ait : *Est enim per se unum numerus, in quantum ultima unitas dat numero speciem & unitatem, sicut etiam ex rebus ex materia, & forma per formam est aliquid unum, & unitatem, & speciem sortitur.* Hæc D. Thomas, ut tamen clarius conclusionem probemus, ostendamus prius numerum esse ens per se, & deinde illum esse veram propriam, & distinctam speciem quantitatis.

5 Primum igitur probatur, primo quia ut aliquid sit ens per se, sufficit quod ea ex quibus componitur habeant unitatem ordinis, & ordinate unum se habeat ad alterum sed hoc saltem reperitur in numero cuius, unitates ex quibus componitur, ordinate ad illud componendum concurrunt, & ultima unitas (ut in hac quaestione in solutione ad ultimam

obie-

Quaestio XIV. 881

obiectionem videbimus) est forma numeri: ergo numerus licet inter entia per se sit in infimo gradu unitatis, & perfectitatis, absolute tamen est, unum ens, & ens per se. Maior probatur, quia non omnia entia per se eandem unitatem & perfectitatem habere debent; sed maiorem, & maximam habet Deus, quia est actus simplicissimus, & purus: ac perinde est magis unus, & per se, quam Angelus: & Angelus maiorem unitatem & perfectitatem habet, quam composita substantialia materialia: & hæc maiorem, quam quantitas continua: & infimam unitatem, & perfectitatem habet quantitas discreta, cuius partes non copulantur aliquo termino communi: habent tamen unitatem, & perfectitatem ordinis. Unde hoc ipsum explicans D. Th. 2. Metaph. lect. ultima ait: *Compositum quandoque sortitur speciem ab aliquo uno, quod est vel forma, ut patet in corpore mixto, vel composita, ut patet in domo, vel ordo, ut patet in syllaba, & numero: & tunc oportet, quod totum compositum sit unum simpliciter. Quandoque vero compositum sortitur speciem ab ipsa multitudine partium collectarum, ut patet in aceruo, & populo, & in talibus compositum non est unum simpliciter, sed tantum secundum quid.*

6 Secundo idem probatur, quia numerus (ut diximus conclusionem præcedenti) est obiectum scientiæ Arithmetici: ergo est unum per se. Patet consequenter ex Aristotele 6. metaphisicæ, & alibi sæpe dicente, quod de ente per acci-

N n 6 dens

882 *Lib. 7. de prædicamentis*

dens nec potest esse scientia, nec definitio. Tum etiam, quia cum scientia versetur in demonstratione passionum de suo obiecto, & ens per accidens nullas habeat passionnes, cum nullam habeat essentiam determinatam, nulla scientia potest esse de ente per accidens, ac perinde cum numerus quantitativus sit obiectum scientiæ Arithmeticæ; numerus est ens per se.

7 Nec valet dicere, quod Arithmetica non agit de numero pro formali, sed pro materiali; pro ipsis videlicet quantitativis continuis: id enim ut pote falsum nullatenus valet. Tum, quia de quantitate continua agit Geometra, ut de proprio Geometriæ obiecto: ergo si illud etiam, esset obiectum Arithmeticæ, illa non distingueretur formaliter à Geometria. Tum etiam, quia licet numerus semper reperiatur in aliqua quantitate continua, à tali continuitate abstrahit Arithmetica non agens de numero, non solum ut est numerus in materia sensibili ligni, verbi gratia vel auri (à tali enim materia sensibili omnes mathematicæ abstrahunt) sed nec ut est numerus linearum, superficierum, aut corporum, nec ut partes numeri habent aliquam continuitatem aut divisibilitatem propriam continui in partes copulatas termino communi: sed solum, agit de quantitate continua formaliter, ut est unitas indivisibilis secundum divisionem propriam quantitatis discretæ, id est, ut est indivisibilis in partes non copulatas

Questio XIV: 883

tas termino communi : ergo abstrahit formaliter Arithmetica à continuitate, quam concernit, & de qua vt de proprio obiecto agit Geometra : ac perinde cum numerus, vt formaliter distinguitur à quantitate continua, sit obiectum Arithmetice, vt sic debet esse aliquid per se.

8 Quod autem numerus sit propria, & specialis ab alijsque distincta species quantitatis : præter quam quod ad id (vt nunc ostendimus) ei non deficit sufficiens perfectitas, & præterquam quod (vt videbimus) id deducitur ex Aristotele, expresse asserit D. Thomas, 1. part. quæst. 11: ar. 1. ad 1. & alibi sæpe. Et probatur, quia numero vere competit essentia quantitatis, vtpote quia veram habet extensionem, & diuisibilitatem, & vere ei competit descriptio quantitatis, cum sit diuisibilis in ea, quæ in sunt, & habet specialem extensionem, & essentialiter distinctam ab omni alia quantitate, vtpote cuius partes non copulantur aliquo termino communi, sicut partes quantitatis continuæ. Veram igitur & essentialiter distinctam, ab alijs constituit quantitatis speciem. 9. Confirmatur, quia numerus non est quantus per accidens, aut per aliud, sed per semetipsum, & per suam extensionem distinctam formaliter ab omni alia extensione quantitatis ergo cum, vt supra diximus, species quantitatis assignentur, & distinguantur penes diuersa quanta per se, numerus est vera & propria species quantita-

884 *Lib. 7. de predicamentis*
titatis distincta essentialiter ab omnibus
alijs.

9 Aduersus primam conclusionem
obijcies primo, quod Aristoteles §. me-
taphisicæ ait, quod numerus non est sine
numerante: ergo cum numerans sit in-
tellectus, numerus non est nisi dependen-
ter ab intellectu: ac perinde est aliquid
rationis, cum ens rationis sit quidquid
non habet esse, nisi ab intellectu depen-
dens. §. Confirmatur, nam D. Thomas
1. par. quæst. 30. art. 1. ad 4. asserit, quod
numerus absolutus à rebus non est nisi in
intellectu: ergo numerus, ut distinguitur
à rebus numeratis, scilicet à quantitatibus
continuis, non est aliquid reale, sed ratio-
nis; quod enim est in intellectu, non est
ens reale, sed rationis.

10 Respondetur ad argumentum,
quod Aristoteles solum intendit, quod si
non esset possibilis potentia numerans, non
esset numerus, quia in ordine ad poten-
tiam numerantem numerus est: non ta-
men ob id numerus non habet esse reale:
plura enim habent suum esse in ordine
ad aliquam potentiam, nec illud habe-
rent, si talis potentia non esset possibilis.
Et tamen suum esse est reale, & non fi-
ctum à tali potentia; ut visibile habet suam
visibilitatem in ordine ad potentiam visi-
nam, & illam non haberet, si non esset possi-
bilis potentia visiva; & tamen visibilitas
est aliquid reale. §. Vel secundo re-
spondetur iuxta ea, quæ dicturi sumus ad

ultis.

Questio XIV. 885

ultimam obiectionem contra secundam conclusionem, quod licet numerus sit aliquid reale, ut tamen in exercitio sit numerus, dependet tanquam à conditione ab intellectu numerante & accipiente ex unitatibus, quæ componant numerum, aliquam ut ultimam, & alias ut non ultimas, quæ tamen dependentia, ut ibi explicabimus, non obstat realitati numeri, & hanc forsan dependentiam numeri a numerante intendit in hoc testimonio Aristoteles.

§. Ad confirmationem respondetur, Divi Thomam solum intendere, quod numerus non reperiatur separatus à rebus numeratis, & quod solum ab illis separatur per intellectum; non tamen ob id asserit, quod numerus non sit aliquid reale cum ipsis rebus numeratis identificatus, & formaliter ab illis distinctus; sicut licet animal non reperiatur separatum à rationali, & irrationali, nisi per intellectum, non sequitur, quod animal non sit aliquid reale.

¶ Obijcies secundo, quod plures unitates, quæ componunt numerum prædicamentalem, non possunt uniri in aliqua forma reali: ergo vel nullatenus inter se uniantur, ac perinde nullo modo efficiunt unum, vel uniantur in aliqua forma rationis: ac perinde numerus formaliter sumptus non erit aliquid reale, sed aliquid rationis. Antecedens probatur, quia forma uniens aliqua debet esse in ipsis unitis. Sed in unitatibus, quæ componunt numerum,

886 *Lib. 7. de prædicamentis*

rum, utpote quæ sunt realiter distinctæ, & quandoque plurimum loco distantes, ut si componatur numerus binarius ex duobus hominibus, altero Romæ, altero Burgis existente, non potest aliqua forma realis existere: ergo non possunt uniri aliqua forma reali.

Respondetur, hoc argumento convin-
ci, ut asserit noster author, formam nu-
meri non esse realiter entitativè distinctā
à rebus numeratis: sic enim non posset es-
se realiter in omnibus illis, ut probat ar-
gumentum, cum tamen re vera forma
numeri solum formaliter distinguatur à
rebus numeratis secundum se sumptis, non
obstat ut in omnibus illis inveniatur, quia
omnes illæ, ut numerum componunt sine
aliqua entitate eis superaddita, sunt par-
tes numeri, & habent formalitatem nu-
meri. Et cum D. Thomas 7 metaphisicæ
lectione 13. ait, quod dualitas non est duarū
unitates, sed aliquid ex duabus unitati-
bus compositum, non intendit quod dua-
litas adeat aliquam entitatem, sed solum
aliquam formalitatem supra duas unita-
tes, secundum se sumptas, quatenus ex il-
lis ut ordinatis resultat unum compo-
situm, qui est numerus formaliter ab ip-
sis unitatibus secundum se sumptis distin-
ctus.

12 Aduersus secundam conclusionem
objicies primo, quod Aristoteles 3. meta-
phisicæ, cap. 3. ait, numerum esse plures
unitates, & 8. metaphisicæ, cap. 3. nume-
rum

Quæstio XIV. 887

rum non esse vnum, sed sicut cumulum; quæ autem sunt plura non sunt vnum per se, & cumulus non est vnum per se: ergo in sententia Aristotelis numerus non est vnum per se.

Respondetur, Aristotelem solum in primo testimonio intendere, quod numerus sit quid vnum, non vnitate ordinis. Vnde cum dixit, numerum esse plures vnitates, non intendit quod sint plures vnitates absolute, & sine ordine, sed ordinatæ; quod sufficit vt numerus sit vnum ens per se vnitate, & perfectitate ordinis. §. In secundo autem testimonio non dicit Philosophus, quod numerus est sicut cumulus, sed ita expresse ait: *Et numerum oportet aliquid esse, quo vnus si vnus est: aut enim non est, sed quasi congeries, aut si est, dicendum est, quid nam illud sit, quod eum ex multis facit*: In quibus verbis Philosophus non asseret, numerum esse quasi cumulum, aut congeriem, sed quod si vnus est, debet assignari, per quid sit vnum, & quid sit, quod numerum ex multis vnitatibus vnum facit, quod iam nos insinuauimus, nempe quod ordo quem habent inter se tales vnitates facit ex illis vnum, non quidem vnitate, & perfectitate simplicitatis, nec physicæ compositionis, secundum quam vna vnitas recipiatur in altera; nec vnitate continuationis talium vnitatum medio aliquo termino communi, sed vnitate ordinis, secundum quod tales vni-

888 *Lib. 7. de prædicamentis*
tates inter se per ultimam unitatem ordi-
nantur.

13 Obijcies secundo, quod ex plu-
ribus entibus completis non potest compo-
ni unum ens per se. Sed numerus com-
ponitur ex pluribus quantitibus conti-
nuis, quarum quælibet est ens comple-
tum: ergo ex illis numerus resultans non
potest esse unum eius per se. Maior vide-
tur certa. Et minor in sententia quam
quæstione præcedenti defendimus, quod
unitas, quæ est principium numeri nihil
reale addat supra quantitatem continuam,
facilius probatur, quia quantitas quæli-
bet continua cum ponatur directe in præ-
dicamento quantitatis est aliquid comple-
tum: ac perinde cum numerus componi-
tur ex pluribus unitatibus, videtur com-
poni ex pluribus entibus completis.

Respondetur, quod quantitates conti-
nuæ secundum quod sunt indivisibiles di-
uisione propria quantitatis discretæ (ut
quæstione explicuimus præcedenti) sunt
aliquid incompletum, licet secundum se,
& ut sunt indivisibiles diuisione continui
sint aliquid completum, sicuti linea, quam-
uis, ut diuisibilis secundum longitudinem
sit quid completum, ut indivisibilis ta-
men secundum latitudinem est quid incō-
pletum, & principium ac terminus super-
ficiei, & cum numerus componatur ex
quantitatibus continuis, ut sunt in genere
quantitatis discretæ quid indivisibile, com-
poni-

Quaestio XIV. 889

ponitur ex illis, ut sunt aliquid incomple-
tum, & sic numerus non resultat ex enti-
bus completis formaliter ut completis,
sed potius ut incompleta sunt: ac perinde
ob id non habet ex quo non sit ens per
se.

14 Ultimo tandem obijcies, quod ut
pluries testatur D. Thom. ultima unitas est
forma numeri. Sed esse ultimam habet
ab intellectu accipiente illam ut ultimam:
ergo numerus ex tali forma resultans non
est ens per se, imò neque ens reale. Pate-
conseq. quia quod habet esse solum de-
pendenter ab intellectu, non est ens rea-
le, neque ens per se; cum ens per se petat
determinatam formam, & non solum il-
lam, quæ prohibito potest ei tribui ab in-
tellectu.

Hoc argumentum petit explicari, quæ
sit forma numeri, ad quod pluribus reli-
ctis quæ circa hoc congeri solent, breui-
ter dico, formam numeri esse duplicem,
alteram quasi totalem, & alteram quasi
partialem, & phisicam: sicut enim in
homine damus unam formam totalem,
scilicet humanitatem, & formam phisicam,
quæ determinet materiam, scilicet ani-
mam rationalem: ita & in numero v.g.
ternario forma totalis est ternitas, quæ
est quædam formalitas tribus unitatibus
ut componentibus numerum ternarium,
& ut sic simul sumptis competens. Et so-
lum est difficultas de forma quasi phisica
numeri, quæ actuét & determinet partes
nu-

890 *Lib. 7. de prædicamentis*

numeri, numerum que in specie determinata constituat. Ad quod dico cum Diu. Thoma, & communi sententia, quod vltima vnitas est forma in quolibet numero, & quæ dat illi speciem, & qua ablata, vel altera vltima vnitate superaddita mutatur species numeri, non tamen aliqua vnitas magis, quam alia habet ex natura sua esse vltimam vnitatem, aliàs si illa non definiret esse, quamuis alia in aliquo numero definiret esse, non mutaretur species numeri; sicut non mutatur species per definitionem alicuius materiæ partialis, dummodo maneat forma informans, & actiuans alias partes materiæ, sed omnes vnitates quæ sunt capaces componere aliquem numerum realiter ex natura sua habent capacitatem, vt possint accipi vt vltimæ, vel vt non vltimæ vnitates, & vt determinabiles, vel vt determinantes: vt tamen de facto exerceant alterum determinate horum, requiritur tanquam conditio, quod intellectus accipiat vnā prædictarum vnitatum, vt vltimam reliquas determinantem, aliàs vero vt non vltimas, & ab illa determinabiles: & tunc, vt obiectioni occurramus, illa vnitas, quæ de facto ab intellectu accipitur vt vltima, per suam realitatem habet esse vltimam, siquidem per suam realitatem erat capax, vt acciperetur ab intellectu vt vltima; quamuis exercitium vltimæ vnitatis non habeat, nisi dependenter tanquam à conditione, ab eo, quod ab intellectu de facto accipia-

Quæstio XV. 891

piatur ut ultima, quod tamen nec tollit realitatem, nec perfectitatem numeri, quia ultima unitas per suam entitatem, & realitatem est forma aliarum unitatum, licet in exercitio illas determinandi dependeat ab intellectu; sicuti realitati causæ finalis non obstat, quod in exercitio finalizandi dependeat, tanquam à conditione ab apprehensione intellectus; quia bonitas sic apprehensa est aliquid reale, & quod re vera finalizat. Sic igitur quamvis unitas, ut in exercitio sit ultima, dependeat tanquam à conditione ab actione intellectus accipientis illam, ut ultimam; tamen id non obstat realitati numeri, quia talis unitas est realis, & sicut ultima ab intellectu accepta realiter determinat alias unitates.

QVÆSTIO XV.

*Utrum oratio sit vera, & distincta
species quantitatis discreta.*

EX multiplici orationis acceptione, & ex multis quæ in oratione aliqua etiam quantitativa reperiuntur, quæ tangit nosse Author quæst. i. super hoc caput de quantitate in argumento 4. oratio prout hic accipitur à Philosopho, ut idem nosse Author asserit in solutione eiusdem quarti argumenti, est mensura quorumcumque

892 *Lib.7.de prædicamentis*

que motuum discretorum ordinate sibi succedentium. Vt si tres syllabas ordine quis proferat, oratio erit mensura illarum secundum longitudinem aut breuitatem. Et eodem modo tres soni tubæ, aut cytharæ immò & tres saltationes ordinatæ habent rationem orationis, quatenus mensurantur secundum longitudinem, aut breuitatem. Et quamuis D.Thom. opusc.48. cap.v. & 2. de anima lectio 18. orationem definierit, *quod sit mensura vocis prolata secundum multitudinem vocum sibi succedentium*, non perinde intendit, non dari orationem in alijs sonis, seu motibus ordinate sibi succedentibus, sed loquitur de oratione, quæ reperitur in vocibus vt de magis nota, & de illa nos vt magis nota loquemur.

2 De oratione igitur in hac acceptione inquirimus, an veram & propriam, & condistinctam speciem quantitatis constituat, & ratio pro vtraque parte dubitandi desumitur ex eo, quod Aristoteles in hoc capite orationem vt specialem, & distinctam speciem quantitatis discretæ enumerauit. In 5. tamen libro metaphisicæ, vbi species quantitatis enumerat, orationis non meminit, nec illam inter species quantitatis assignat.

3 Vt hanc in Aristotele diuersitatem concilient, plures conueniunt, quod oratio non ponitur distincta species quantitatis in ratione extensionis; quia non habet specialem, & distinctam extensionem & ideo

ideo non numeravit illam Aristoteles inter species quantitatis in 5. metaphisicæ, ubi species quantitatis in ratione extensionis, quæ est propria ratio quantitatis, assignavit. Ponitur tamen oratio distincta species quantitatis in ratione mensuræ, quia habet rationem mensuræ distinctam ab omni alia specie quantitatis. Et ideo in hoc capite, in quo de quantitatem in ratione mensuræ loquitur Aristoteles, orationem ut distinctam quantitatis speciem enumeravit.

4 In assignando autem cum qua specie quantitatis in extensione coincidat oratio, aliqui asserunt, quod non habeat aliam extensionem ab extensione motus, & cum, ut quaest. 6. ex Aristotele & D. Thoma explicuimus) motus non habeat aliam extensionem ab extensione corporis super quod fit; dicunt isti auctores, quod extensio orationis coincidit cum extensione corporis, super quod fit motus. Id tamen fateor, me intelligere non posse. Nam cum extensio corporis super quod fit motus, imò & extensio ipsius motus, si successivè & absque interruptione fiat, sit extensio & divisibilitas continua, & extensio partium, quæ continuantur aliquo termino communi; extensio autem & divisibilitas rationis sit discreta, utpote quæ eodem modo, sicut numerus, componitur ex partibus, quæ nullo termino communi copulantur; extensio orationis non potest formaliter coincidere cum
ex-

894 *Lib. 7. de predicamentis*
extensione corporis, super quod fit motus.

5 Pro veritatis tamen explicatione dicendum existimo, quod oratio in ratione extensionis, ac perinde in ratione formalissima quantitatis non constituit propriam speciem quantitatis condistinctam à numero; constituit tamen specialem & distinctam speciem quantitatis in ratione mensuræ. Vtrique pars conclusionis simul hac ratione efficaciter, meo videri, probatur, quia oratio non habet diuersam extensionem ab extensione numeri, habet tamen diuersam mensuram à mensura numeri. Ergo vtrique pars conclusionis est vera. Antecedens quoad primam partem probatur. Quia easdem partes & eodem modo indiuisibiles & discontinuas habet oratio ac numerus. Ergo oratio non habet diuersam extensionem ab extensione numeri. Antecedens probatur. Quia licet numerus primario sit mensura rei permanentis, etiam potest mensurare res successiuas, vt motus & syllabas successiue & ordinate sibi succedentes: sicut enim datur v.g. terminus trium hominum, ita & trium syllabarum. Tres ergo syllabæ sicuti vt indiuisibiles secundum diuisionem discretam, & vt non copulatæ aliquo termino communi componunt numerum, ita etiam componunt orationem. Ergo oratio nec alias partes, nec alio modo extensas habet, ac numerus: ac perinde non habet aliam extensionem & diuisibili-

Questio XV. 895

bilitatem ab extensione & diuisibilitate numeri. 5. Secunda autem pars antecedentis etiam probatur. Quia numerus solum mensurat res numeratas secundum multitudinem, ita ut eius mensurationi omnino accidat, quod partes quas numerat, longitudinem aut breuitatem habeant: oratio autem addit diuersam rationem mensuræ, secundum longitudinem videlicet vel breuitatem. Vnde istæ duæ orationes, sermonis ver.g. & temporis, in ratione numeri nullatenus differunt, quia vtraque est trisyllabum, aut ternarius syllabarum, imò nec differunt in ratione mensuræ multitudinis, quia vtraque habet æqualem multitudinem syllabarum: differunt tamen in ratione mensuræ, quæ est propria mensura orationis, quia secunda syllaba vnius est longa, & alterius est brevis: & sic tota vna oratio habet diuersam mensuram, ac altera: ergo oratio in ratione mensuræ discretæ distinctam speciem constituit à numero.

6 Hinc sequitur, orationem in ratione mensuræ, qua ratione (ut diximus) constituit distinctam speciem quantitatis, non esse speciem atomam, sed lubalter, nam diuisibilem in diuersas species essentialiter in ratione mensuræ distincta. Ut sic distinguuntur diuersæ orationes, ut in carmine distinguitur per Dactylus ab Spondeo, & in musica distinguuntur species tenorum ut Diapante, & Diapason.

896 *Lib. 7. de antepredicam.*

7 Sequitur etiam solutio rationis dubitandi. Cum enim in metaphisica cege-
rit Aristoteles de quantitate ratione ex-
tensionis, non assignavit orationem di-
stinctam speciem quantitatis à numero, quia
non habet distinctam extensionem ab illo;
in logica autem cum assignet species
quantitatis in ratione mensuræ, assigna-
vit orationem distinctam speciem quan-
tatis discretæ à numero, quia habet di-
stinctam rationem mensuræ ab illo.

QVÆSTIO XVI.

*Vtrum proprietates quantitatis
recte à Philosopho assi-
gnentur.*

IN secunda parte huius capitis tres
proprietates quantitatis assignat Phi-
losophus, quas hucusque proponere distu-
limus, ut eas in hac quaestione examinandas
proponamus: Prima igitur proprietas
quantitatis est, quod *quantitati nihil est
contrarium*. Hanc proprietatem ait Phi-
losophus, non esse propriam quarto modo
quantitatis, cum (ut capite precedenti di-
xerat) etiam competat substantiæ: com-
petit autem omni saltem quantitati deter-
minatæ. An autem competat quantitati
indeterminatæ, ut si magnum contrarie-
tur paruo, statim cum Philosopho exa-

an-

minabimus. Secunda proprietas quantitatis est, quod *quantitas non suscipit magis, & minus*. Hæc autem proprietas (ut vidimus) etiam competit substantiæ: competit autem quantitati, quia cum illi nihil sit contrarium, & aliquid suscipiat magis, aut minus, quanto magis aut minus habet ad mixtum de suo contrariis: quantitas non habet ex quo suscipiat magis aut minus. Tertia quantitatis proprietas quarto modo scilicet, omni, semper, & soli quantitati competens, est, quod *secundum quantitatem aliquid dicatur æquale vel inæquale*. Quia cum esse mensuram, proprium sit quantitati, ut aliquid dicatur æquale vel inæquale, quatenus æquali, vel inæquali mensura mensuratur, proprium est quantitati, quod secundum eam aliquid dicatur æquale vel inæquale: quæ enim conveniunt vel differunt secundum qualitatem, non dicuntur æquales, vel inæquales, sed similes aut dissimiles. De his igitur tribus quantitatis proprietatibus inquirimus, an recte assignentur.

2. Affirmative, & resolutorie respondetur, quod præter authoritatem Philosophi, & omnium eius interpretum, & præter rationes, quas inter proponendas easdem proprietates insinuanimus, non aliter melius, quam eas proprietates aliquibus objectionibus examinando, comprobabitur.

3. Obijcies ergo primo aduersus primam

898 *Lib. 7. de prædicamentis*

nam proprietatem, quod aduersus illam sibi in se obijcit Philosophus, quod magnum, & paruum videntur esse species quantitatis: & tamen magnum contrariatur paruo: iam igitur quantitati aliquid est contrarium. §. Confirmatur, quia motus augmentationis, & diminutionis dicuntur motus contrarij: ergo ad contrarios terminos terminantur. Sed augmentatio terminatur ad magnitudinem, & diminutio ad paruitatem. Magnum igitur & paruum adinuicem sibi contrariantur.

4. Triplex ad argumentum ex ipso Philosopho in hoc capite, & præcedenti deducitur solutio. Prima, quod & si daretur, quod intendit argumentum, solum sequeretur, quod quantitati indeterminata, non vero quod quantitati determinata esset aliquid contrarium. Hanc tamen solutionem relinquere videtur Arist. in hoc cap. Vnde secundam adhibet solutionem negando quod magnū, & parū sint species quantitatis. Cum enim de formali significet excessum vnius ad alterum, potius formaliter pertinent ad relationem, quam ad quantitatem. Tercia denique solutio est, quod quidquid sit an magnum & paruum formaliter sint species quantitatis, proprie tamen magnum, & paruum adinuicem non contrariantur, quia contraria ab eodem subiecto mutuo se expellunt, magnum autem, & paruum in eodem compatiuntur subiecto: quod enim est magnum respec-

tu

Et unius, potest esse parvū simul respectu alterius: ergo magnū, & parvum proprie non contrariantur, alias idem esset sibi cōtrarium, cū idem possit esse simul respectu diuersorum magnum, & parvum. §. Ad confirm. resp. augmentationem; & diminutionem dici motus contrarios contrarietate late sumpta, prout sunt oppositi, & impossibiles, & eodem modo, non autem proprie eorum termini dicuntur contrarij.

§. Aduersus eandem primam proprietatem obijcies §secundo, quod etiam sibi contra illam obijcit Aristoteles, quod locus est species quantitatis, & tamen loco aliquid est contrarium: loco enim sursum contrariatur locus deorsum. Iam igitur quantitati aliquid est contrariū. Minor probatur. Nam contraria sunt, quæ maxime distant, & ex quorum comparatione, per maiorem vel minorem recessum ad illa opponuntur. Sed sursum & deorsum, ut centrum terræ & contextum primi Coeli maxime distant, & alia dicuntur esse sursum vel deorsum, quatenus magis accedūt ad centrum terræ, vel ad conuexum primi Coeli. Ergo sursum & deorsum in prædictis locis adinuicem contrariantur.

§. Confirm. Quia Arist. 4. physicorū tex. 4. & tex. 44. ait, quod corpora cōtraria naturaliter feruntur ad loca cōtraria, quia habent qualitates cōseruatiuas cōtrarias. Ergo locus, qui ad prædicamentū quantitatis pertinet, habet aliquid contrarium.

8 Respondetur ad argumentum negando consequentiam, quia ut aliquod accidens suscipiat magis & minus, debet esse per id quod in eadem parte subiecti magis aut minus radicetur per maiorem vel minorem expulsionem sui contrarii: a quantitas autem in rarefactione fit magis longa, non per id quod magis radicetur in eadem parte subiecti, aut magis expellat ab illa suum contrarium, cum nullum habeat contrarium: sed solum quod extendatur ad nouam partem subiecti, quod non sufficit ut proprie dicatur suscipere magis, aut minus. 9. Ad confirmationem respondetur D. Thomam in praedictis locis non intendere, quantitatem habere proprie augmentum intensiōnis: intensio enim solum est per maiorem radicationem accidentis in eadem parte subiecti. Cum autem in rarefactione quantitas in eadem parte subiecti non magis radicetur, sed ad nouam subiecti partem extendatur, tale eius augmentum re vera est extensionis; assimilatur tamen a D. Thoma augmento intensiōnis in eo, quod fit sine additione nouae quantitatis, sicut intensio fit sine additione nouae qualitatis.

10 Quarto denique aduersus tertiam proprietatem obijcies, quod alia praeter quantitatem dicuntur aequalia, vel inaequalia, ut differentiae substantiales dicuntur inaequales in perfectione, & duae qualitates inaequaliter intensae, ut duae ab-

prie, Vnde vna sola quælibet quantitas quantum est ex se habet talem rationem in fundamenti, licet vt de facto talis occur respectus æqualitatis, vel inæqualitatis, debeant dari duæ quantitates, quæ dicantur æquales, vel inæquales.

C A P V T

De Relatione.

Q V Æ S T I O X V I I.

Quid sit relatio secundum esse: & an sit à relatione secundum dici distincta.

Q Vamuis qualitas, vtpote accidens absolutum, secundum perfectionem entis precedat relationem: ac perinde iuxta ordinem perfectionis in entitate prius de qualitate, quam de relatione deberet agi, ob id tamen (alijs omisis rationibus) Philosophus prius egit de relatione quia in capite precedenti dixerat magnum, & paruum esse relativa. Et vt id & alia, quæ passim de relatione erat necessarium dicere, facilius intelligerentur, noluit tractatum de relatione differre.

904 *Lib. 7. de predicamentis*

2 In hoc autem capite duplicem Aristoteles assignat relatiuorum definitionem. Alteram non ex propria, sed ex antiquorum sententia, videlicet, *quod ea dicuntur ad aliquid, quæ id quod sunt aliorum esse, aut aliquid aliquo alio modo dicuntur*. Alteram autem, ea non admissa assignat Philosophus ex propria sententia definitionem videlicet *quod ad aliquid sunt, quibus hoc ipsum esse est ad aliud quodammodo se habere*. Cum quæ definitione coincidit ea, quæ communiter circumfertur relatiuorum definitio videlicet, *quod relatiua sunt, quarum totum suum esse est in ordine ad aliud*.

3 Quatuor assignat Aristoteles relatiuorum proprietates; duas quidem priores non ex propria, sed ex aliorum sententia, videlicet quod relatiua habent contrarium, & quod suscipiunt magis, & minus. Ex propria autem sententia assignat Philosophus alias duas relatiuorum proprietates. Prima est, quod relatiua dicuntur ad conuertentiam: ut si est pater, alicuius filii est pater; & si est filius, alicuius patris est filius: etsi aliquis est hærus, alicuius serui est hærus, etsi aliquis est seruus, alicuius hæri debet esse seruus.

4 Hæc summatione sunt, quæ in toto capite de relatione habet Aristoteles. Et quia in illis insinuat duplicis modi relatiua, alia videlicet, quæ sunt relatiua tantum secundum dici, & quæ licet dicantur

tur

tur relatiua, re vera relatiua non sunt, sed absoluta: alia vero, quæ sunt relatiua secundum esse, & quorum propria essentia, & totum suum esse est esse relatiua, & quia solum relatiua secundum esse ad genus, & prædicamentum relationis pertinent; merito ante omnia alia in hoc prædicamento disputanda, inquirimus, quid sint relatiua secundum esse, & in quo a relatiuis secundum dici distinguantur.

5 In quo imprimis reiicienda est sententia aliquorum, vt Auicennæ 3. metaphisicæ, & Henrici quodlibeto 3. quæst. 4. existimantium, idem esse relationem secundum esse, ac relationem realem, & idem esse relationem secundum dici, ac relationem rationis, ac perinde in eorum sententia solum distinguitur relatio secundum esse à relatione secundum dici, in eo quod illa est ex natura rei, & independententer ab intellectu, ista vero solum per operationem intellectus. Reiicienda, inquam, est hæc sententia, cum (vt videbimus) inter relatiua realia, & quæ antecedenter, & independententer ab omni operatione intellectus, dicunt respectum ad aliud, alia sint relatiua secundum esse, alia vero tantum secundum dici, & inter entia rationis dentur vera relatiua secundum esse, vt secundæ intentiones rationis, & omnia entia rationis, etiam negatio, & priuatio sint relatiua secundum dici, quia omnia illa dicunt respectum transcendentem ad intellectum.

908 *Lib. 7. de predicamentis*

ut ad illorum causam quasi efficientem. Aliunde ergo est inuestigandum discrimen inter relatiua secundum esse, & relatiua secundum dici.

6 Dicendum igitur est, quod relatiua secundum esse sunt, quorum totum suum esse est in ordine ad aliud, relatiua vero secundum dici sunt, quorum licet totum suum esse non sit in ordine ad aliud, ad suum tamen esse consequitur aliquis ordo, & respectus ad aliud, sine quo eorum esse adaequate explicari non potest. Pro intelligentia huius conclusionis est aduertendum ex D. Thom. 1. p. quæst. 12. art. 7 ad 1. *Quod quædam relatiua sunt imposita ad significandum ipsas habitudines relatiuas, ut dominus, seruus, Pater, & Filius, & huiusmodi, & hæc dicuntur relatiua secundum esse. Quædam vero sunt imposita ad significandas rationes quas consequuntur quædam habitudines, sicut mouens, & motum, caput, & capitulum, & alia huiusmodi, quæ dicuntur relatiua secundum dici.* Hæc D. Th. Ex quibus deducitur ratio nostræ conclusionis, nam cum aliqua nomina sint imposita ad significandum ipsas relationes, & respectus ad aliud, licet totum esse illorum, cui tales competunt relationes, non sit ad aliud, totum tamen esse eorum, quod per talia nomina significatur, est esse ad aliud. Unde relatiua formaliter, ut per talia nomina significantur, sunt relatiua secundum esse. Alia autem, quæ licet dicant respectum ad aliud, non significantur formaliter

ter

ter, vt dicunt talem respectum, sed sub alia ratione abfoluta ad quem fequitur talis respectus, & sine quo adaequate non poffunt explicari, funt relatiua fecundum dici, quia non important primario ipfum respectum, & relationem, fed aliquid aliud.

7 Explicatur hoc exemplo, nam licet fcientia, verbi gratia, dicat respectum ad fcibile, per hoc tamen nomen *fcientia*, non fignificatur formaliter talis respectus, fed qualitas quadam, quae adaequate non potest explicari, nifi per ordinem ad fcibile; & ita *fcientia*, dicitur relatiuum fecundum dici, quia includit respectum, non tamen illum explicat. Pater autem licet re vera fit animal, & fit caufa filij, & dicat respectum ad filium, per hoc nomen *Pater* non fignificatur formaliter, nifi vt dicens talem respectum, & ita totum esse Patris, vt fignificatur hoc nomine *Pater*, est in ordine ad filium: ac perinde Pater, vt nomine *Pater*, fignificatur, est relatiuum fecundum esse.

8 Hinc est, quod relatiua fecundum esse dicunt ordinem ad terminum vt ad purum terminum, non explicando ordinem, aut dependentiam ad illum, vt ad causam, vel ad effectum, vel sub aliqua alia ratione, quam ad purum terminum. Relatiua vero fecundum dici, etfi respiciant aliquem terminum extrinsecum, non illum respiciunt, vt purum terminum, sed vt causam, vel effectum, vel sub altera alia dependentia.

308 *Lib. 7. de predicamentis*

9 Sequitur insuper, quod relatiua secundum esse solum dicunt, & significant relationem, & respectum; non autem explicant fundamentum talis relationis. Relatiua vero secundum dici vtrūque quandoque significant, vt optime aduertit D. Thomas in 2. distinction. 1. quæst. 1. art. c. 5. ad 8. secundo loco, vbi de relatiuis secundum dici ait, quod ista relatiua important fundamentum, & relationem: relatiua vero secundum esse tantum relationem dicunt.

10 Sequitur denique, idem esse relationem secundum dici, ac relationem, transcendentalem, aduersus aliquos falso existimantes relationem secundum esse aliam esse transcendentalem, aliam vero prædicamentalem. Aduersus hoc enim dicimus, omnem relationem transcendentalem esse relationem secundum dici, Relatio enim dicitur transcendentalis, quia omnia transcendit genera, & prædicamenta, & consequitur ad res diuersorum prædicamentorum, & generum, quod vtiq; conuenit relationibus secundum dici, quæ in omnibus prædicamentis reperiuntur. Relationes autem secundum esse, licet possint pro materiali connotare, & afficere res diuersorum prædicamentorum; formaliter tamen solum reperiuntur in genere relationis & ad speciale prædicamentū relationis pertinent: ac perinde relatio transcendentalis est condistincta à relatione secundum esse,

& cum

& cum relatione secundum dici coinci-
dens.

11 Aduersus conclusionem tamen
obijcies, nullam esse relationem, cuius
totum suum esse sit in ordine ad aliud, ut
ad terminum, & purum terminum. Per-
peram igitur eam diximus esse rationem
relatiuorum secundum esse. Antecedens
probat, nam ea relatiua, quæ vocamus
secundum esse cum sint accidentia realia,
habent suum esse in ordine ad subiectum.
Non igitur totum illorum esse est in ordi-
ne ad terminum. **S.** Confirmatur ex op-
posito, quia relatiuis etiam secundum
dici conuenit, quod totum esse sit in or-
dine ad aliud, materia enim est relatiuum
secundum dici in ordine ad formam: ergo
non est proprium relatiuorum secundum
esse, quod totum suum esse sit in ordine ad
aliud.

12 Respondetur ad argumentum du-
pliciter. Primo, quod licet talia relati-
ua, cum accidentia realia sint, habeant
suum esse in ordine ad subiectum; per no-
mina relatiua, non explicatur aliquis eo-
rum ordo ad subiectum, sed præcise or-
do, & respectus illorum ad terminum.
Vnde totum esse illorum, quod per nomi-
na relatiua significatur, est in ordine ad
terminum, licet re vera habeant etiam
ordinem ad subiectum. Et in hoc diffe-
runt à relatiuis secundum dici, quæ non
solum dicunt aliquid aliud præter ordinem
ad terminum, sed & illud aliud per sua

no-

910 *Lib. 7. de prædicamentis*

nomina significatur, & explicatur. §. Secundo respondetur, quod relatiua secundum esse licet dicant ordinem ad subiectum, non tamen ut aliud esse subiecto tribuant, quam facere illud referre ad terminum, ad differentiam relatiuorum secundum dici, quæ non solum afficiunt subiectum, si sunt accidentia realia, ut ipsum subiectum faciant referri ad terminum, sed principaliter, ut aliud esse absolutum ipsi subiecto tribuant. Et ita optime dicitur, quod relatiua secundum esse sunt cuius totum suum esse est in ordine ad terminum, cum ultimate totum esse talium relatiuorum sit in ordine ad suum terminum, siquidem si subiectum afficiunt, est ut illud faciant referri ad suum terminum. §. Ad confirmationem respondetur, quod licet aliqua relatiua secundum dici habeant totum suum esse dependenter ab alio, ut a causa, vel comprincipio, ut materia habet totum suum esse dependenter a forma: non tamen habent totum suum esse in ordine ad aliud, tanquam ad purum terminum, ut relatiuis secundum esse competit, habere totum suum esse in ordine ad aliud. Et ita relatiua secundum dici potius dicuntur habere suum esse ab alio in aliquo genere causæ, quam in ordine ad aliud.

QVÆSTIO XVIII.

*Vtrum dentur aliquæ relationes
reales.*

PArtem negatiuam tenuerunt aliqui antiqui existimantes omnem relationem, vt aliquammodo distinctam à fundamento esse respectum & relationem rationis, ac perinde nullam admittebant relationem realem, & consequenter negabant speciale genus, & prædicamentum entis realis, quod sit relatio. Huius sententiæ refertur fuisse Zenonem, & alios Platone, & Aristotele antiquiores, quibus subscribit Aureolus in 1. dist. 30. quæst. 1. art. 2. solas diuinas relationes reales admittens. Nec multum ab hac sententia differt sententia Gregorij in 1. distinct. 28. quæst. 2. art. 1. & aliorum asserentium omnes relationes esse denominationes extrinsecas ab aliqua forma absoluta prouenientes. Vnde nullam existimabant esse relationem, quæ esset forma realis intrinseca in subiecto.

2 Communis tamen sententia concedit aliquas relationes reales etiam in creatis; differunt tamen qui hanc sententiam tenent, quod licet omnes conueniant, quod dentur relationes, quæ secundum communem conceptum dicunt aliquid reale; aliqui

912 *Lib. 7. de predicamentis*

qui tamen asserunt, nullam relationem, secundum proprium relationis conceptum esse aliquid reale: ac perinde vt sic nihil affixum, aut inhærens esse, sed solum aliquid assistens subiecto, & extrinseco illud denominans. Ita tenuit Gilbertus Porreclanus, teste D. Bernardo sermone 80. in Cantica, qui consequenter affirmabat, diuinas relationes non intrinsecus, sed extrinsecus assistentes esse, quasi nullum reale esse in Deo haberent. Vnde & realem distinctionem diuinarum personarum negabat. Hunc tamen suum errorem in Concilio Rhemeni sub Eugenio III. retractauit. Alij autem asserunt dari relationes reales, quæ non solum secundum communem rationem, sed etiam secundum specialem relationis rationem, & vt dicunt ordinem ad terminum, sint aliquid reale.

3. Pro veritatis tamen explicatione dico primo. Necessario sunt concedendæ aliquæ relationes reales non solum in diuinis, sed etiam in creatis. Conclusio est communis, & expressa D. Thomæ pluribus in locis, præcipue 1. par quæst. 3. art. 7. & quæst. 7. de potentia art. 9. & vt ibidem asserit D. Thomas colligitur manifeste ex Philosopho: cum enim ille ens reale creatum vt condistinctum ab ente rationis diuidat in decem predicamenta, & vnum illorum assignet relationem, sentit manifeste dari in creaturis relationes reales.

4. Pro-

Quaestio XVIII. 913

4. Probatur autem conclusio primo ; quia secundum fidem non possunt negari relationes reales in diuinis : cum enim fide certum sit, tres personas diuinas distingu realiter , & non per aliquid absolutum , necessario debent distingu relative. Sed realiter relative distingu nō possunt, nisi per relationes reales. Ergo in diuinis dantur relationes reales. Dantur etiam igitur aliquæ relationes reales in creatis. Hæc consequentia patet , quia eadem ratione , qua conceduntur in diuinis relationes reales paternitatis , & filiationis , debent concedi in creatis . Idem enim in diuinis dantur tales relationes reales, quia inter Patrem, & Filium est ordo realis originis ; & Filius realiter procedit à Patre . Sed in creatis Filius realiter , procedit à patre , & multo maiori distinctione ; siquidem non solum procedit realiter distinctus à Patre in persona , sed etiam in natura : ergo non solum à simili , sed à fortiori datur in creatis relatio realis paternitatis , & filiationis , cum idem in creatis , atque in diuinis reperatur illarum fundamentum .

5. Secundo probatur conclusio , nam impossibile est de aliquo sine aduentu nouæ alicuius realitatis, vel formalitatis realis contradictoria prædicata verificari. Sed de eodem v.g. albo, cum aliud album non existit verificatur non simile (quia non datur simile, nisi detur cui illud sit simile) & adueniente alio albo verificatur
de

914 *Lib. 7. de prædicamentis*

de primo albo, quod est simile: ergo cum simile, & non simile sint prædicata contradictoria, illa non possunt de eodem albo absque aduentu nouæ realitatis, vel formalitatis realis verificari. Sed nulla tali albo, per id quod alterum album realiter ponatur, aduenit realitas, vel formalitas realis, nisi relatio similitudinis ad alterum album. Illa ergo est aliquid reale, siue realiter entitatiue, siue saltem realiter formaliter ab albedine distinctum (modo enim non disputamus, an relatio realiter entitatiue distinguatur à suo fundamento.)

6 Tercio denique probatur conclusio ratione D. Thomæ locis in illa citatis, quæ ad hanc formam reducitur. Relatio realis reperitur inter ea, quæ antecederet; & independenter ab actione intellectus comparantis vnum ad aliud, vnum illorum ex natura sua dicit ordinem, & habitudinem ad aliud. Sed plura sunt, quorum vnum à parte rei, & ex natura sua dicit ordinem, & habitudinem ad aliud: ergo à parte rei plures dantur relationes reales. Maior est certa, & minor probatur, nam effectus reales ad suam causam realem, mensurabile ad suam mensuram realiter, & ex natura sua dicunt ordinem, & habitudinem, cum talis ordo, & habitudo in ipsa reali natura effectus realis, & mensurabilis fundetur: ergo antecederet, & independenter ab omni actione intellectus comparantis, & conferentis ef-

Questio XVIII. 915

Effectum cum causa, & mensurabile cum sua mensura, effectus realis ad suam causam, & mensurabile ad suam mensuram dicit ordinem, & habitudinem, nisi forte per accidens ex defectu existentie realis correlativi (ut infra explicabimus) non dicat ordinem, & relationem realem ad illud.

7 Dico secundo, aliqua dantur relationes, quae non solum secundum conceptum communem, & ut dicunt in, sed etiam secundum conceptum specialem relationis, & ut dicunt ad, & ordinem ad terminum, sunt aliquid reale, licet ut sic aliquam realitatem non explicent. Conclusio aduersus sententiam Gilberti est communis, & probatur primo, quia alias personae diuinae formaliter, ut personae diuinae, nec essent aliquid reale, nec adinuicem realiter distinguerentur, aut opponerentur. Consequens aduersatur fidei: ergo. Sequela probatur, nam personae diuinae constituuntur formaliter per relationem secundum conceptum proprium relationis, & solum distinguuntur, & opponuntur relative: ergo si relatio secundum proprium conceptum relationis, non est in eis aliquid reale, nec ipsae personae diuinae essent aliquid reale, nec realiter distinguerentur, aut opponerentur. 5 Confirmatur, nam in diuinis praeter relationes secundum propriam relationis rationem, omnia sunt indiuisa, & communia: ergo si relatio paternitatis, aut filiationis
se.

secundum propriam rationem relationis, non est aliquid reale, nihil reale est in Patre, quod non est in filio, ac perinde Pater, & Filius non haberent per quid realiter opponantur, & distinguantur.

8 Secundo probatur conclus. nam in qualibet relatione reali quamvis posset distinguui duplex conceptus inadæquatus, alter secundum rationem communem relationis cum alijs entibus, vel accidentibus realibus, vt videlicet relatio dicitur *in*; & alter secundum propriam rationem relationis, & vt dicitur *ad*; si tamen vterque conceptus inadæquatus non dicit aliquid reale, non potest ex vtroque tali conceptu inadæquato vnica resultare relatio realis. Ex aliquo enim reali, & ex alio, quod non est reale, vnicum ens reale resultare non potest. Cum ergo (vt ostendimus) dentur aliquæ relationes reales, illæ adæquate, & secundum omnem illarum conceptum sunt aliquid reale; ac perinde non solum secundum rationem communem, sed etiam secundum rationem propriam talium relationum. S. Confirmatur, quia cum nihil faciat veram compositionem esse ente, imò nec aliqua specialis ratio accidentis faciat veram compositionem cum accidenti, quia (vt in precedenti libr. ostendimus) ens reale ad omnia entia realia, & accidens reale ad omnia accidentia realia est transcendens, ratio specialis, & propria relationis realis imbibitur intrinsece in ente; etsi sit relatio crea-

Questio XVIII. 917

ta, imbibitur intrinsece in accidenti, & ipsum accidens intrinsece imbibitur in conceptu proprio talis relationis. Sed ens aut accidens reale non potest imbibi intrinsece in eo, quod non est aliquid reale: ergo relationes reales licet secundum conceptum proprium relationis, & ut dicunt *ad*, non explicent aliquam realitatem, quia ut sic solum explicant ordinem, & habitudinem ad terminum non autem ordinem ad subiectum a quo relationes reales creatæ suam habent realitatem; tamen re vera etiam secundum talem conceptum proprium relationis sunt aliquid reale.

¶ 9 Obijcies primo. Relatio nihil aliud est, quam comparatio unius ad alterum: sed omnis comparatio unius ad alterum, fit per actionem intellectus conferentis, & comparantis unum alteri: ergo omnis relatio formaliter est aliquid rationis, cum ens rationis sit illud quod non habet esse, nisi dependenter ab intellectu, & ens reale habeat suum esse independentem omnino ab intellectu. §. Confirmatur, nam licet in aliquibus rebus a parte rei ex natura sua, ut unam alteri comparet intellectus, sit fundamentum, ex eo solum sequitur, quod a parte rei sit in illis relatio, & habitudo fundamentaliter unius ad alteram, & per comparisonem actualem intellectus resultet in illis relatio formaliter: ergo a parte rei nunquam datur relatio formaliter, ac perinde quæ sit aliquid.

918 *Lib. 7. de predicamentis*

quid reale, speciale genus entis constituens, sed omnis relatio formaliter est aliquid rationis, & ad actionem intellectus comparantis vnum alteri resultans.

10 Respondetur ad argumentum, negando maiorem. Licet enim inter omnia, quæ dicunt habitudinem ad aliud, possit intellectus illa ad illud aliud comparare; plura tamen sunt quæ independentes, & antecedentes ad talem comparisonem intellectus ex natura sua dicunt habitudinem, & ordinem formalem ad aliud; & in tali ordine & habitudine consistit eorum relatio, cuius totum suum esse est in ordine ad aliud ut ex ipso, quod dantur à parte rei duo alba, quæ unitatem, & conuenientiam habeant in albedine, etiam si vnum album ad alterum per intellectum non comparetur, ex natura sua resultat in eis ordo similitudinis vnius ad alterum.

11 Etsi dicas, hanc relationem similitudinis antecedenter ad actionem intellectus comparantis vnum album alteri, solum esse fundamentaliter, & quod à parte rei, eo quod reperitur in prædictis duobus albis unitas & conuenientia in albedine, reperitur fundamentum, ut intellectus comparet vnum alteri, & quod per talem actionem intellectus faciat relationem similitudinis inter illa: neque enim videtur, quid aliud sit à parte rei præter illam unitatem, & conuenientiam in albedine, quod est fundamentum relationis,

per

Questio XVIII. 919

per quod formaliter referantur, aut per
modum aliam denominationem accipiant
distinctam a denominatione relati funda-
mentaliter, ratione talis fundamenti.

Respondetur, quod positis realiter
uobis albis, unitas & convenientia il-
lorum in albedine est sufficiens funda-
mentum reale, ex quo resultat realis or-
do, & relatio similitudinis formalis v-
nius ad alterum: quia neque ad eam re-
sultantiam talis formalis relationis deficit
reale fundamentum, scilicet albedo utrius-
que: nec realis conditio fundandi, scili-
cet unitas & convenientia utriusque in
albedine; nec realis coexistentia utriusque
extremi; ac denique nec realis distinctio
vnius extremi ab alio. Unde tali relatio-
ne formali dicuntur formaliter similia.
Si autem per possibile vel impossibile ta-
lis relatio non resultaret, talia duo alba
dicerentur solum fundamentaliter similia.
Et sic patet, qualem distinctam denomi-
nationem tribuat aliquibus relatio for-
malis ab ea quam eis tribuit talis relatio-
nis fundamentum. S. Ad confirmatio-
nem respondetur, quod in aliquibus re-
bus non solum a parte rei ex natura sua
est fundamentum, ut unum alteri com-
paret intellectus, sed etiam ut anteceden-
ter & independenter ad talem intellectus
comparationem, in eis resultet ordo &
relatio formalis vnius ad alterum: ac pe-
rinde in illis talis relatio erit realis, in
alijs autem rebus solum est fundamen-
tum,

tum, ut vnam alteri compareret intellectus, ut inter hominem & animal est fundamentum, ut intellectus distinguens vnam rationem ab altera, quæ à parte rei non erat distincta, vnam compareret alteri, & faciat relationem inter illas: & in rebus quidem in quibus non est sufficiens fundamentum; ut ad illas independentem à comparatione intellectus resultet resultatio defectu existentie realis alicuius extremi, vel distinctionis realis inter vtrūque extremum si aliqua inter illas interuenit relatio, erit relatio rationis.

12. Obijcies secundo, quod existente hic aliquo albo, per id quod alibi aliud album nascatur, non solum non producitur aliqua entitas realis realiter entitati ab ipso albo distincta, sed nec aliqua in illo resultat formalitas realis. Ergo nulla resultat hæc relatio realis: hæc enim deberet esse vel aliqua entitas vel formalitas realis formaliter saltem realiter & ex natura rei ab entitate albi condistincta: Antecedens autem probatur. Tum, quia recte Philosopho, ad relationem non est per se motus. Ergo cum tunc nihil absolutum de nouo producat, nec producitur nec resultat aliqua entitas, aut formalitas realis, quæ sit relatio: quidquid enim de nouo producit, & non ad productionem alterius necesse esse, quod producat per se: ac perinde quod ad illud sit per se motus. Tum etiam, quia tunc nulla est causa, ad cuius actionem

sequatur talis noua entitas, aut formalitas realis. Non enim potest talis effectus esse causa illa, quæ producit illud secundum album, quia ad talem causam utpote nullatenus agentem circa primum præexistens album, non potest ad eius actionem in tali præexistenti albo aliqua entitas aut formalitas realis resultare: nec potest resultare ad actionem agentis, quod tale præexistens album pro luxu sit. quidem suppono, quod talis actio transierit: imò & quandoq; nec ipsi agentis erit tunc in rerum natura existens.

13. Licet hoc argumentum specialiter procedat ad probandum, relationem realiter entitativæ non distingui à suo fundamento; tamen quatenus etiam intendit probare, nec dari aliquam relationem realem formaliter saltem à fundamento distinctam, & quæ de nouo resultet in uno extremo ad positionem termini; respondetur, negando antecedens: & ad veramque illius probationem dico, quod relatio siue sit entitas siue formalitas distincta à suo fundamento, non sequitur per se ad aliquam actionem primario ad ipsam relationem terminatam. Et sic verificatur dictum Philosophi, quod ad relationem non est per se motus, sed resultat tanquam terminus secundarius ad actionem productiuam sui fundamenti, dependenter tamen ab aliquo extrinseco, scilicet à positione sui termini. Unde usque ad positionem termini non resultat relatio,

922 *Lib. 7. de predicamentis*

cum autem ponitur terminus, etiā si actio productiua fundamenti formaliter transferretur, imò etiam si agēs quod produxit fundamentū, tunc non existeret in rerū natura; quia tamen ipsum agens & eius actio existit tūc virtualiter in effectu à se producto scilicet in albedine, ad eius actionē sequitur tanquam terminus secundarius ipsa relatio: sicuti non existente formaliter actione, nec agente, quod produxit lapidē, cuius motus in centrum de facto non fuit sequutus, vel propter aliquod impedimentū vel propter defectū alicuius conditionis ad motum requisitæ; ablato tali impedimento vel posita tali conditione, resultat motus tanquam terminus & effectus secundarius illius ad actionem productiuam lapidis, quæ in suo effectu primario, scilicet in ipso lapide, virtualiter permanebat.

14 Obijcies tertio, quod relatio videtur esse solum denominatio extrinseca à termino extrinseco proueniens: quia ita videtur asserere D. Th. opusc. 48. tractatu de ad aliquid. c. 3. dicens, *relationem non differre à fundamento nisi ratione termini extrinseci*, & 1. 2. q. 7. ar. 2 ad 1. dicit, *quod in his quæ ad aliquid dicuntur, denominatur aliquid non solum ab eo quod inest, sed etiam ab eo, quod extrinsecus adiunct*: Ergo relatio non est aliquid reale; speciale genus entis realis constituens.

15 Respondetur, negando, quod relatio sit denominatio solum extrinseca, sed potius est aliquid intrinsecum in eo quod

quod refertur. Vnde ad primum adductū testimonium D. Thom. respondetur, quod solum intendit S. Doctor, relationem solum esse terminationem & habitudinem ipsius entitatis fundamenti ad terminum extrinsecum; id autem non est, relatiuum denominari, termino extrinseco, sed denominari à sua intrinseca habitudine, quam dicit ad terminum extrinsecum. In secundo autem testimonio solum intendit D. Tho. quod in his quæ sunt ad aliquid, aliquid denominetur extrinsece à relatione existente in altero extremo: vt Deus denominatur extrinsece Dominus à relatione existente in creatura, & columna denominatur extrinsece dextra à relatione existente in animali, vt infra latius explicabimus: non autem negat in eo testimonio D. Th. in his quæ sunt ad aliquid, aliqua denominari à relatione ipsis intrinsece inhzrente, imò id verbis adductis eiusdem testimonij affirmat, cū dicit, quod in his quæ ad aliquid dicuntur, denominatur aliquid non solum ab eo, quod inest, sed etiam ab eo, quod extrinsecus adiacet, vbi manifeste, admittit in his quæ sunt ad aliquid, aliquid denominari ab eo, quod inest.

16 Aduersus secundam autem concl. obijcies, quod licet detur aliqua relatio, quæ secundum cōmunem rationem includat realitatem; nulla tamen relatio secundum cōceptum proprium relationis dicit, aut includit realitatem. Perperam igitur oppositum huius in 2. concl. affirmamus.

924 *Lib. 7. de prædicamentis*

Antecedens probatur, quia hoc est peculiare in genere relationis præ alijs omnibus generibus, quod secundum propriam rationem relationis dentur aliqua secundum rationem tantum: ergo non datur genus relationis, quod secundum propriam rationem relationis dicat, aut includat realitatem: aliàs in tali genere non possent proprie dari aliqua secundum rationem tantum. Antecedens est expressum D. Th. 1. p. q. 28. ar. 1. in corpore his verbis: *Sorum in his, quæ dicuntur ad aliquid, inveniuntur aliqua secundum rationem tantum, & non secundum rem: quod non est in alijs generibus, quia alia genera (ut quantitas, & qualitas) secundum propriam rationem significant aliquid alicui iubarens; ea vero quæ dicuntur ad aliquid, significant secundum propriam rationem solum respectum ad aliquid.* S. Confir. nam ex prædicta doctrina D. Th. videtur, quod secundum conceptum proprium relationis uniuoce conueniant relatio realis, & relatio rationis: aliàs in genere relationis non magis proprie inuenirentur aliqua secundum rationem tantum, quam in alijs generibus; siquidem etiam potest contingi quantitas ab intellectu quæ proprie non sit in genere quantitatis, sed analogice conueniat cum his, quæ in genere quantitatis sunt, sed si daretur aliqua relatio, quæ secundum conceptum proprium relationis esset aliquid reale, non posset conuenire uniuoce cum relationibus rationis, cum enti reali, in eo quod ens reale est, & enti

enti rationis nihil possit dari uniuocum : ergo in sententia D. Thomæ nulla datur relatio, quæ secundum proprium conceptum relationis sit aliquid reale.

27 Respondetur, ad argumentum, quod licet propter illud, & propter confirmationem factam aliqui existiment, D. Th. in ea fuisse sententia, quod relatio secundum propriam rationem relationis non est aliquid reale, ac perinde quod in propria ratione relationis uniuoce conveniunt relatio realis & rationis; nullatenus tamen id intendit unquam Div. Thom. sed duo in prædicto testimonio intendit. Primum, quod hoc est peculiare in genere relationis, quod licet ad illud re vera non pertineant relationes rationis, sed analogice conveniant cum omnibus relationibus realibus; propria tamen ratio relationis licet analogica ad relationem realem & relationem rationis, proprie dicitur de utroque analogato; ad differentiationem aliorum generum, verbi gratia, quantitatis & qualitatis, quæ non solum non conveniunt uniuoce, sed analogice cum qualitatibus & quantitatibus ab intellectu confectis, & quæ sunt secundum rationem tantum, sed nec ratio illis analogica dicitur proprie de qualitatibus aut quantitatibus ab intellectu confectis, & solum proprie dicitur de quantitatibus & qualitatibus realibus. Secundum, quod intendit Div. Thomas in prædicto testimonio, & in quo primum fundatur, est quod

P p 4 quam-

926 *Lib. 7. de predicamentis*

quamvis relatio non solum secundum rationem communem, sed etiam secundum propriam rationem relationis in aliquibus relationibus sit aliquid reale; ac perinde solum analogice illæ conveniant cum relationibus rationis, tamen secundum cōceptum proprium relationis etiam in relationibus realibus non explicatur aliquid reale, quia etiam si secundum proprium conceptum relationis dicant ordinem ad subiectum, quia talis ordo inseparabilis & impræscindibilis est à quacunque ratione in quolibet accidenti realiter reperta: non tamen explicant secundum proprium conceptum relationis talem ordinem ad subiectum, sed præcisè explicant ordinem ad terminum: & ita propria ratio relationis quamvis analogæ ad relationes reales & rationis propriæ dicitur de utroque analogato; quia etiam relationes rationis propriæ & simpliciter dicunt ordinem ad suum terminum. Et per hoc patet ad confirmationem, qualiter relationes rationis & relationes reales etiam secundum conceptum proprium relationis univoce non conveniant.

18 Quod si aduersus hanc doctrinam obijcias, quod non est proprium solius relationis, quod non explicet secundum proprium conceptum ordinem & inherentiam ad subiectum, id enim etiam competit actioni, quæ licet re vera inhereat subiecto, secundum proprium con-

ce-

Quaestio XVIII. 927

ceptum actionis, & ut dicitur ab, non explicat realem inhaerentiam sed solum egressum, & emanationem ab agente: ergo cum D. Thomas aliquid speciale praeter omnibus alijs generibus asserat se inuenire in relatione, non solum intendit, quod relatio secundum conceptum proprium relationis, non explicet inhaerentiam, & suam realitatem, sed quod re vera secundum talem conceptum proprium relationis non sit aliquid reale.

Respondetur, ita verum esse, quod cum actio secundum conceptum proprium actionis licet sit aliquid inhaerens, non explicet inhaerentiam, sed egressum, & emanationem ab agente; tamen quia non solum secundum inhaerentiam, sed etiam secundum talem egressum ratio actionis non dicitur proprie de actionibus, quae sunt actiones secundum rationem tantum, specialius quod inuenit D. Thomas in praedicamento relationis est; quod quia relatio secundum propriam rationem non explicat inhaerentiam, sed respectum ad terminum, in solo genere relationis proprie numerantur aliqua secundum rationem tantum, &, ut explicuitur, quod relatio secundum proprium conceptum relationis, licet analogia ad relationem realem, & rationis, proprie de utroque etiam analogato dicatur. Quod non contingit in alio genere etiam in genere actionis; quia actio etiam secundum proprium conceptum actionis non

928 *Lib. 7. de prædicamentis*

solum non conuenit uniuoce cum actionibus secundum rationem tantum, sed nec actio illis analogica dicitur proprie de actionibus, quæ sunt secundum rationem tantum.

QVÆSTIO XIX.

Quid requiratur ad relationem prædicamentalem.

CVM aliquæ sint relationes rationis, quæ ad hoc prædicamentum, utpote speciale, genus entis realis diuidens ens reale creatum, non pertineant, & aliquæ sint relationes reales per se subsistentes, & infinitæ, ut relationes diuinæ, quæ eadem ratione, qua Deum à prædicamento substantiæ exclusimus, ab hoc prædicamento relegantur: ac denique cum aliquæ sint relationes secundum dici, & transcendentales, quæ per omnia genera diuagantur: ac perinde sub speciali genere, & prædicamento non continentur; ut sciamus quæ relationes sunt prædicamentales, & ad hoc prædicamentum specialiter pertinentes, oportet explicare, quid ad relationem prædicamentalem requiratur.

Pro quo est supponendum, quod ad relationem prædicamentalem concurrunt subiectum, fundamentum, & ter-

Questio XIX. 929.

minus : cum enim sit accidens , requirit sicut omnia alia accidentia subiectum cui inhaereat : & quia est minimæ entitatis, & ad ipsam relationem non potest esse per se motus , requirit fundamentum ad quod resultet ; ac denique quia totum suum esse est in ordine ad aliud , requirit terminum in ordine ad quem sit totum relationis esse . Vt igitur aliqua relatio sit prædicamentalis, aliquas ex parte subiecti, fundamenti, & termini exigit condiciones, defectu quorum vel alicuius illarum alia relationes, quæ ad hoc non pertinent prædicamentum, excluduntur ab illo .

3. Dicendum igitur est, quatuor condiciones requiri, ut aliqua relatio sit prædicamentalis, videlicet, quod habeat subiectum reale realiter existens¹, similiter quod habeat fundamentum reale intrinsecum ipsi relationis subiecto : insuper quod habeat terminum realem realiter existentem : ac denique quod sit inter terminos realiter distinctos, & quorum uterque habeat rationem fundandi realiter à ratione fundandi alterius distinctam . Conclusio cum Divi Thomæ opusculo 48. tractat. 5. cap. 1. & alibi sæpe est omnium communis, & sigillatim per quatuor prædictas condiciones discurrendo, probatur .

4. Requiritur enim imprimis ad relationem prædicamentalem quod habeat subiectum reale realiter existens . Nam cum relatio prædicamentalis sit accidens

930 *Lib. 7. de prædicamentis*

reale, requirit subiectum reale; & ut illi inhaereat, subiectum realiter existens. Hinc sequitur, non entia & entia rationis, ac etiam entia realia possibilia non habere aliquam actualem relationem prædicamentalem, quia cum illa si est actu, actualiter debeat alicui subiecto inhære; & non possit actualiter inhære non enti; enti rationis, aut enti reali. pure possibili, hæc non habent relationem aliquam actualem prædicamentalem.

5. Requiritur etiam ad relationem prædicamentalem fundamentum reale, quod sit intrinsecum ipsius relationis subiecto. Quia per id quod alicui est extrinsecum non potest realiter in illo resultare relatio, per quam ad alterum referatur. Et sic secundum doctrinam Dion. Thomæ res intellecta non dicit realem relationem ad potentiam intellectiuam, nec res visa ad potentiam visuam, quia per intellectionem aut visionem, sine per id quod aliqua res intelligatur aut videatur, nihil intrinsece ponitur in illa. Non autem requiritur, quod ratio fundandi relationem prædicamentalem sit realiter distincta à subiecto relationis, sed sufficit, quod sit aliquid reale & subiecto relationis intrinsecum.

6. Ratio autem fundandi relationem ab aliquibus appellatur ratio fundandi, ab alijs autem fundamentum proximum relationis, & ipsum subiectum appellant fundamentum remotum. Sed quamvis

diffe-

Quaestio XIX. 931

differentia hæc sit magis de nomine quam de re, proprius dicitur quod ex subiecto & ratione fundandi tanquam *ex quo*, & *ex quod* resultat fundamentum completum relationis: vt quamuis ratio fundandi relationem similitudinis sit albedo seu unitas duorum in albedine, fundamentum completum & vt *quod* est album seu subiectum vt substat albedini.

7 Terciam autem conditionem relationis prædicamentalis, quod terminus illius sit realis realiter existens, docet D.Tho. 1. part. quæst. 13. art. 7. & in 1. distinctione 26. quæst. 2. art. 1. & 2. contra gentes cap. 12. Et in relationibus quidem mutuis id requiri est manifestum: quia cum in relationibus mutuis debeat in utroque extremo esse relatio realis, terminus relationis alterius extremi simul erit subiectum suæ relationis. Ergo cum, vt aliquid sit subiectum relationis realis, debeat esse quid reale realiter existens, ad minus vel ex eo colligitur, quod in relationibus prædicamentalibus mutuis terminus relationis debet esse aliquid reale realiter existens.

8 Sed vniuersaliter, quod terminus cuiusvis relationis prædicamentalis debeat esse aliquid reale realiter existens à priori & à posteriori, probatur. A posteriori quidem, quia alias in eodem subiecto essent simul actu infinitæ relationes prædicamentales, vt in eodem albo infinitæ relationes similitudinis, quod vtiq.

ad-

admittere, manifestum reputat inconueniens D Thomas loco citato secundi contro gentes cap. 12. Sequela probatur. Nam si album, v.g. posset dicere relationem, predicamentalem realem similitudinis ad terminum, licet realem, non tamen realiter existentem, cum sint infinita alba, possibilis, infinitas actualiter ad illa diceret relationes, & similiter quodlibet quantum infinitas actu diceret relationes aequalitatis ad infinita quanta possibilis, quæ æqualem cum illo possunt habere quantitatem.

2. A priori autem eadem conditio probatur. Nam cum relatio predicamentalis sit relatio realis, & relatio realis sit habitudo & ordo ex natura rei inter duos terminos, vnum illorum debet habere a parte rei aliquid in quo talis relatio fundetur, & alterum debet habere aliquid per quod terminet talem relationem. Ergo sicut requiritur subiectum relationis reale & realiter existens, vt a parte rei habeat fundamentum ipsius relationis, ita etiam requiritur terminus realis & realiter existens, vt a parte rei terminet ipsam relationem. §. Confirmatur. Nam inter relatiuum reale & eius terminum, sicut est relatio realis, ita & oppositio realis relatiua. Sed oppositio realis non potest esse nisi inter duo realia realiter existentia. Ergo terminus relationis realis predicamentalis debet esse aliquid reale realiter existens. §. Confirmatur secundo.

Quia

Questio XIX. 933

Quia relatiuum prædicamentale cum respiciat suum terminum solum sub ratione termini, debet esse simul cum illo cum omnimoda simultate, & coexistentia, absque aliqua prioritate vnius ad alterum. Sed huiusmodi coexistentia saluari non potest inter relatiuum reale, & terminum non realem, vel non realiter existentem: ergo ad relationem prædicamentalem necessario requiritur, quod relatio prædicamentalis sit ad terminum realem realiter existentem.

10. Quarta conditio, quod relatio realis non sit, nisi inter extrema realiter distincta, probatur: quia relatio realis (vt diximus) est habitudo, & oppositio realis ex natura rei vnius ad alterum. Sed eiusdem ad se ipsum, nec potest esse habitudo realis, nec realis oppositio: ergo relatio realis debet esse inter extrema, non solum realia, sed realiter inter se distincta.

11. Nec sufficit, vt in conclusione diximus, quod extrema relationis sint quomodolibet realiter inter se distincta, sed requiritur, quod formaliter, & vt fundant, & terminant relationem, distinguantur, hoc est, quod ratio fundandi in vno extremo relationis sit distincta realiter à ratione fundandi in altero extremo. Vnde in personis diuinis quammis realiter inter se distinctis D. Thomas 1. part. quest. 42. ar. 1. ad 4. negat relationem realem similitudinis, vel æqualitatis vnius personæ ad al-

teram, quia ratio, quæ posset esse fundandi tales relationes, scilicet essentia diuina, non multiplicatur, nec distinguitur in utroque extremo, sed est eadem omnino realiter, & immultiplicata in utroque: & idem esset, si per possibile, vel impossibile in duobus hominibus eadem realiter esset albedo, quod non esset in illis realis relatio similitudinis: cum enim si relatione reali similitudinis vnus talium hominum referretur ad alterum esset ratio albedinis, & quia albedo vnus hominis esset similis albedini alterius, eo ipso, quod in utroque esset eadem albedo, non posset albedo vnus esse similis albedini alterius, quia idem non potest esse, simile sibi ipsi: ac perinde albedo non posset tunc fundare realem relationem similitudinis inter illos duos homines.

12 Ex his quæ in hac, & duabus questionibus præcedentibus diximus, sequitur definitio, seu descriptio relationis prædicamentalis, videlicet, *quod sit forma accidentalis realis, cuius totum suum esse sit in ordine ad terminum*. Per id autem, quod in ea descriptione dicitur, relationem debere esse formam accidentalem, excluduntur relationes reales diuinæ, relationes videlicet constitutiue diuinarum personarum quæ sunt formæ substantiales per se subsistentes. Per id verò, quod additur, quod debet esse forma realis, excluduntur omnes relationes rationis: ac denique per id, quod subditur, quod totum suum esse sit

in ordine ad terminum , excluduntur relationes , & relativa secundum dici , quæ non habere totum suum esse in ordine ad terminum .

QVÆSTIO XX.

Quot sint fundamenta relationis prædicamentalis .

Cum relatio prædicamentalis (ut sæpius diximus) sit inter omnia entia realia minimæ entitatis , non solum suum esse dependenter habet à suo fundamento , sed quamvis in se ipsis relationes suam habeant specificam unitatem , & distinctionem , licet à fundamento causaliter desumptam , earum tamen unitas , & distinctio cognosci nequit , nisi per unitatem , & distinctionem earum fundamenti . Unde ut distinctionem , & unitatem relationum prædicamentaliū cognoscamus , inquirimus in præsentī , quæ & quot sint relationis fundamenta ?

2 Dicendum igitur est cum Aristotele , & D. Thoma 3. metaphisicæ lect. 17. & cum communi sententia , tria esse in genere relationis prædicamentalis fundamenta ad quæ cuiuslibet relationis fundamentum potest reduci . Hæc autem sunt unitas , & numerus ; actio , & passio ; mensura , & mensurabile . Sufficientia autem

936 *Lib. 7. de predicamentis*

huiusmodi fundamentorum relationis hac ratione, ex D. Thoma loco citato probatur, quia licet in pluribus generibus possit esse subiectum relationis, fundamentum tamen relationis solum est illud, quod facit unum ordinari ad aliud; ergo solum tria prædicta sunt fundamenta relationis. Minor probatur, quia omnia quod ordinantur ad aliud, vel ordinantur ad illud secundum esse, vel secundum operationem, aut virtutem operandi, vel secundum proportionem cum alio. Si ordinantur secundum suum esse, ordinantur ad aliud, ut ab illo mesurantur, quia quæ ab aliquo mesurantur, ab illo accipiunt suum esse. Si ordinantur ad aliud secundum operationem, vel virtutem operandi ordinantur secundum actionem, & passionem. Si denique aliquid, ordinatur ad aliud secundum proportionem, talis proportio fundatur in numero, aut unitate: ergo solum secundum prædicta fundamenta potest aliquid ad aliud ordinari. Ut tamen huiusmodi sufficientia fundamentorum relationis, & ipsa fundamenta magis explicentur, aliqua in oppositum obijciamus.

3 Obijcies ergo primo, quod numerus, & unitas pertinere solum videntur ad quantitatem, ac perinde solum in quantitate, in actione, & passione, & in mensura, & mensurabili videntur secundum conclusionem præcedentem reperiri relationis fundamenta. Sed aliqua etiam re-

la-

lationes sunt, quae fundantur in qualitatibus, imò & in substantiis. Perperam igitur solum tria praefata relationis fundamenta referuntur. Minor probatur, nam in duabus qualitatibus eiusdem rationis immediate fundatur relatio similitudinis, & in duabus substantiis relatio identitatis, sicut in duabus quantitatibus relatio equalitatis. § Confirmatur, quia unitas, seu unitates, in quibus fundatur relatio primi generis, non sunt solum unitates praedicamentales; & quae sunt principium numeri de praedicamento quantitatis; sed unitates etiam transcendentales: inter duas enim substantias eiusdem speciei, etiam separata ab illis quantitate, est relatio identitatis, & inter duas albedines eiusdem intensiois, etiam si non haberent quantitatem, esset relatio similitudinis: quae tamen relationes non possent fundari in unitate quantitativa, & quae est principium numeri de praedicamento quantitatis, sed in unitatibus transcendentalibus. Perperam igitur, quia hoc genus relationis fundatur in unitate; dicitur quod fundatur in quantitate.

4 Respondetur ad argumentum, ita re vera esse, quod in qualibet unitate aliquorum, praeter unitatem relationum praedicamentaliū (de quo questione sequenti dicemus) fundari potest aliqua relatio: quia tamen unitas & numerus primo, & per se in quantitate reperitur, & in alijs si reperitur est ad similitudinem numeri,

&

938 *Lib. 7. de prædicamentis*

& vnitatis quæ est in quantitate, dicitur, hoc primum genus relationis fundari in quantitate, re vera tamen fundatur in qualibet vnitatem qualitatum, substantiarum, quantitatum, vel aliarum rerum, quæ habeant inter se convenientiam, vel disconvenientiam, dummodo sint entitates, ad quas possit resultare per veram, & realem emanationem relatio. Vnde (ut quæstione sequenti explicabimus) quia relationes sunt tam minimæ entitates, ut ad illas non possit realiter emanare altera relatio, in vnitatem, & convenientiam relationum prædicamentaliū non potest aliqua relatio prædicamentalis fundari. §. Ad confirmationem eodem modo respondetur concedendo maiorem, & minorem, & negando consequentiam: quia cum vnitatem, & numerus reperiantur principaliter in quantitate, & vnitatem, & numerus transcendentalis sit ad similitudinem vnitatis, & numeri quantitativi, relationes quæ fundantur in vnitatem transcendentali, reducuntur ad eas quæ fundantur in quantitate, quia fundantur in vnitatibus, quæ habent se ad modum, & similitudinem vnitatis, & numeri quantitativi.

§. Obijcies secundo, quod vnitatem, in qua diximus fundari relationem, non potest esse vnitatem numerica, nec vnitatem formalis. Nullatenus ergo in vnitatem potest aliqua fundari relatio. Antecedens quoad primam partem pater, quia cum

relatio debeat semper esse inter duo, unitas in qua fundatur relatio, debet esse unitas per quam aliqua duo sunt unum. Sed per unitatem numericam non sunt aliqua duo unum: ergo in unitate numerica non potest aliqua fundari relatio. Quod autem non possit fundari in unitate formali, probatur, quia id in quo fundatur relatio realis, debet esse à parte rei, & aliquid reale. Sed unitas formalis non reperitur à parte rei, sed solum per intellectum: ergo in unitate formali non potest fundari relatio.

6 Respondetur concessio antecedenti pro prima parte, negando illud pro secunda. Et ad probationem dico, quod relatio non fundatur in aliqua unitate communi utrique relationis extremo (talis enim unitas communis, ut recte probat argumentum, non reperitur, nisi per intellectum) sed fundatur in duabus unitatibus formalibus identificatis cum unitatibus numericis extremorum, per quas tamen unitates, quia sunt in utroque extremo eiusdem rationis, utrumque extremum dicitur à parte rei unum formaliter (ut late explicuimus sup. libr. 3. quest. 4. 5. & 6.) imò nisi tales unitates realiter multiplicarentur in utroque extremo, non possent fundare relationem realem, quia (ut ibidem aduertimus, & quest. 19. huius libri magis explicuimus) non solum termini relationis realis debent esse realiter distincti, sed & ratio fundandi relatio-

lationem debet in utroque extremo realiter multiplicari.

7 Obijcies tertio, quod non solum in primogenere reperiuntur relationes similitudinis, identitatis, & æqualitatis, quæ fundatur in unitate qualitatum, substantiarum, & quantitatum, sed etiam reperiuntur relationes dissimilitudinis, diuersitatis, & inæqualitatis, quæ non videntur posse fundari in unitate, & multo minus in numero, quia (ut in obiectione sequenti videbimus) solum in illo fundantur relationes proportionis numeri ad numerum. Perperam igitur coarctatur primum genus relationis prædicamentalis ad unitatem, & numerum.

8 Respondetur, quod cum unitas, in eo, quod unitas dicat in diuisionem & diuisionem à quocumque cui similis unitas non competit, relatio similitudinis, æqualitatis, & identitatis fundantur in unitate secundum quod dicit indiuisiorem; & in eadem unitate, secundum quod dicit diuisionem ab alio, fundatur relatio dissimilitudinis, inæqualitatis, & diuersitatis, v.g. Petrus dicit relationem identitatis specificæ ad Paulum, & relationem diuersitatis specificæ ad leonem, & utraque relatio fundatur in unitate specificæ Petri secundum diuersos conceptus inæquatos eiusdem unitatis. Secundum enim, quod talis unitas Petri est diuisio per principia formalia, fundat relationem identitatis cum Petro, & secundum quod dicit diuisio-

tionem à leone habente diuersa principia formalia specifica fundat relationem diuersitatis ad leonem. Vnde omnis relatio primi generis fundatur, vel in numero, vel in vnitate.

9. Obijcies quarto, quod etiam relatio, quæ est inter duos numeros, vt inter duos binarios, fundatur in vnitate, & convenientia, quæ est inter illos. Non igitur aliqua est relatio, quæ fundetur in numero, nisi solum materialiter, quod fundetur in vnitate numerorum, sicut fundatur in vnitate qualitatum. Perperam igitur assignatur, vt fundamentum relationis primi generis vnitatis, vel numerus.

10. Respondetur, quod præter relationem æqualitatis, quæ est inter aliquos numeros eiusdem rationis, quæ, vt recte probat argumentum, fundatur in vnitate numerorum, reperitur inter numeros alia relatio proportionis numeralis, vt relatio dupli ad subduplum, quæ fundatur in proportionem propria numeri ad numerum. Et propter hoc ponitur fundamentum primi generis vnitatis, vel numerus.

11. Obijcies quinto aduersus secundum assignatum fundamentum relationis: quod nulla est relatio, quæ fundetur in actione, & passione. Nam si aliqua esset, maxime relatio Paternitatis. Sed hæc non fundatur in passione, vt patet, nec in actione. Perperam igitur ponitur relationem secundi generis fundari in actione, vel
pas-

942 *Lib. 7. de predicamentis*

passione. Minor probatur, nam siue actio sumatur proprie pro actione superaddita potentiae, siue pro ipsa potentia operativa, in illa non fundatur relatio Paternitatis: ergo in quacumque acceptione accipiat actio, non est fundamentum relationis Paternitatis. Antecedens quoad utramque partem probatur simul, quia relatio non potest permanere, non permanente illius fundamento. Sed permanet relatio Paternitatis in Petro, verbi gratia, transacta eius actione generatiua, imò permanet etiam talis relatio Paternitatis, si à Petro, postquam genuit filium, auferatur potentia generatiua, quod saltem supernaturaliter videtur posse fieri, si secundum probabiliorē sententiā potentia generatiua distinguatur realiter entitatiue à substantia & substantia nō sit immediate operativa, sed medijs potentijs ab ipsa realiter entitatiue distinctis: ergo relatio Paternitatis, nec in actione generatiua, nec in potentia generatiua, potest fundari. Maior probatur, nam relatio, verbi gratia, similitudinis inter duo alba, quia fundatur in unitate albedinis, inter illa permanere non potest, nisi dum utrumque permanet album. Nec sufficit, quod utrumque tale album extiterit, & aliquando fuerit productum: ergo si relatio Paternitatis fundaretur in actione, vel potentia generatiua, permanere non posset, non manente actione, vel potentia generatiua.

12. Propter hoc argumentum aliqui asserunt, relationem secundi generis fundari in potentia operatiua, & actionem solum esse conditionem fundandi. Alij autem asserunt solum fundari in potentia radicali, quia absque sola illa non potest permanere relatio, & tam potentiam operatiuam, quam ipsam actionem esse conditionem fundandi. Alij tamen, ut communiter Thomistæ, cum Aristotele, & D. Thoma asserunt, aliquarum relationum secundi generis, ut relationis paternitatis, fundamentum proximum, & non solum conditionem fundandi esse ipsam actionem. Angelicus enim Doctor 1. part. q. 8. ait: *Secundum Philosophum in 5. metaphisica relatio omnis fundatur, vel supra quantitatem, ut duplum: & dimidiū; vel supra actionem, & passionem, ut faciens, & factum, & Pater, & Filius.* Et opusculo 48. cap. 4. ait: quod fundamentum Paternitatis est actio, scilicet generatio, qua quis generat filium, & fundamentum filiationis est passio, scilicet generatio passiuā.

13. Dicendum tamen pro huius pleniori explicatione est, quod triplex ad secundum genus relationis potest pertinere relatio, productiuū videlicet ad producibile, actu producentis ad productum, & causæ ad effectum. Prima fundatur in potentia productiua. Secunda in actione, & passione actualiter existente, & actualiter permanente: non enim potest

actualiter permanere relatio actualiter
 producentis ad productum, nisi dum actu
 est, & permanet actio. Tertia denique,
 ut relatio paternitatis, fundatur in actio-
 ne, ita ut ipsa relatio in fieri dependeat
 ab actione actualiter in se existente, re-
 latio tamen in facto esse dependeat ab ef-
 fectu relicto per actionem, Et ita dum
 permanet, v. g. filius, etiam si transferit
 formaliter actio generatiua, permanet re-
 latio paternitatis.

14 Ex his patet solutio ad argumen-
 tum, quod relatio Paternitatis, quia est
 relatio causae ad effectum, licet in fieri de-
 pendeat ab actione actualiter in se existi-
 te: in facto tamen esse solum dependet ab
 effectu causato per actionem; & dum
 ille permanet, potest manere relatio pa-
 ternitatis, etiam si formaliter transferit
 actio, imò etiam si ab agente ablata fuerit
 post actionem potentia generatiua. Nec
 est idem de relatione similitudinis: hæc
 enim non fundatur in productione, ver. g.
 duorum alborum, sed in coexistentia illo-
 rum: quamvis enim ad talem illorum
 coexistentiam sit conditio illorum pro-
 ductio, si vel per impossibile absque pro-
 ductione duo alba coexisterent, eodem
 modo fundarent relationem similitudinis.
 Relatio tamen paternitatis, quia est rela-
 tio causae ad effectum; fundatur in ipsa
 actione, dependet tamen ab illa in fie-
 ri, & in facto esse à termino relicto per
 actionem.

15 Ultimo tandem obijcies aduersus tertium genus relationis, quod illud non videtur esse genus relationis prædicamentalis. Tam, quia mensurabile ad mensuram, ut scientia ad scibile, semper dicit relationem transcendentalem, superfluaque perinde videtur relatio prædicamentalis. Tum etiam, quia eodem modo videtur referri scientia ad scibile non existens. Sed ad scibile realiter non existens, non refertur relatione prædicamentali, sed transcendentali: numquam ergo scientia refertur ad scibile relatione prædicamentali. S. Confirmatur, quia exemplum, quod Aristoteles in 5. metaphisicæ, cap. 15. assignat huius tertij generis relationis, est mensuræ ad mensurabile; non enim apponit exemplum in relatione scientiæ ad scibile, sed potius è conuerso in relatione scibilis ad scientiam. Sed scibile ad scientiam, sicut quælibet alia mensura ad suum mensurabile, non dicit relationem realem prædicamentalem: aliàs Deus diceret relationem realem ad creaturam, cum sit creaturarum mensura: ergo secundum mentem Aristotelis non datur relatio tertij generis prædicamentalis.

16 Respondetur ad argumentum, negando antecedens, & ad primam eius probationem dico, quod licet mensurabile ad mensuram dicat relationem transcendentalem, non superfluit relatio prædicamentalis super transcendentalem.

946 *Lib. 7. de predicamentis*

fundata, vt formaliter pertineat ad genus relationis: in eo enim quod mensurabile respicit mensuram, vt sui causam, formalem extrinsecam, à qua in suo esse essentialiter dependet, est fundamentum, vt etiam dicat habitudinem realem prædicamentalem ad talem mensuram, vt ad purum terminum: quod non solum in relationibus tertij generis, sed etiam in relationibus secundi generis contingit: effectus enim causæ efficientis dicit ad suam causam relationem transcendentalem, & in tali relatione transcendentali fundatur relatio prædicamentalis ad suam causam, vt ad purum terminum, quod est talem relationem fundari in passione, neque hæc superfluit, quamuis supponatur talis relatio transcendentalis. §. Ad secundam probationem negatur, quod mensurabile eodem modo respiciat sui mensuram existentem, & non existentem: quamuis enim eadem illam respiciat relatione transcendentali, secundum quam mensurabile respicit mensuram, vt sui specificationem, & causam: ac perinde eodem modo specificetur à mensura existente, & non existente, vt scientia de rosa eodem modo specificatur, rosa existente, vel non existente; tamen ad mensuram realem, & realiter existentem refertur mensurabile relatione reali prædicamentali, non vero ad mensuram, non realem, vel non realiter existentem. §. Ad confirm. resp. quod cū

Aristo-

Aristoteles loco in illa citato posuit exemplum in relatione scibilis ad scientiā, non apposuit illud pro relatione huius tertij generis, sed potius vt denotaret, relationem tertij generis non esse mutua: cum enim non sit inter extrema eiusdē ordinis, sed mensurabile quidem dependeat à mēsurā, non vero mensura a mēsurabili, mensurabile dicit relationem realem predicamentalem ad mensuram, non vero mensura ad mensurabile. Et hoc est, quod explicare intendit Aristoteles in exemplo relationis scibilis ad scientiam, quæ cum non sit relatio realis, ex eo ostendit, relationem tertij generis non esse mutua.

17 Ex his omnibus sequitur, relationem essentialiter diuidi, vt in species subalternas in prædicta tria genera relationis, quarum distinctio licet fundamentaliter, & causaliter desumatur à præfata diuersitate fundamentorum, resurgit tamen in ipsos terminos relationum, quia cum relatio sit habitudo, ad terminum ad quem, omnis distinctio formalis relationis, vt infra videbimus à distinctione terminorum est desumenda.

18 Præter hanc autem diuisionem essentialem relationis predicamentalis, aliaæ duæ diuisiones accidentales eiusdem relationis possunt assignari. Prima quidē in solutione vltimæ obiectionis iam insinuata in relationem mutua, & non mutua. Relatio mutua est inter extrema eiusdem ordinis: ac perinde cum in vtro-

948 *Lib. 7. de prædicamentis*

que extremo relatio ad alterum correspondet prædicamentalis, ut in relationibus primi, & secundi generis. Relatio vero non mutua est inter extrema diversi ordinis; ac perinde in altero tantum extremo datur relatio prædicamentalis, ut in relationibus tertij generis. Relatio autem mutua subdividitur in relationem æquiparantiæ, & disquiparantiæ. Relatio æquiparantiæ est relatio eiusdem omnino rationis, & denominationis in utroque extremo: ut relatio similitudinis, & aliæ primi generis, quæ non solum sunt mutuæ in utroque extremo, sed eodem modo unum, ac alterum extremum sua relatio denominat simile, vel utrumque dissimile, utrumque æquale, vel utrumque inæquale. Relatio vero disquiparantiæ est, quæ quamvis sit mutua in utroque extremo, non tamen est in utroque eiusdem denominationis, ut relationes secundi generis: licet enim relationi paternitatis correspondeat in altero extremo relatio prædicamentalis scilicet relatio filiationis, non tamen in utroque extremo est relatio eiusdem denominationis; sed relatio paternitatis denominat patrem & relatio filiationis denominat filium.

Q V Æ S T I O . X X I .

Vtrum relationes prædicamentales possint esse fundamentum aliarum relationum prædicamentaliũ.

NON dubitamus, an relationes prædicamentales possint cõstituerẽ speciale fundamentum alterius relationis prædicamentalis, quod ad aliquod ex tribus præfatis fundamentis non reducatur. Sed quod inquirimus est, an sicut quæstione præcedenti diximus, quod unitas in albedine fundat relationem, prædicamentalem similitudinis, ita ut licet tale fundamentum quatenus importat unitatem duarum albedinum, reducatur ad fundamentum quantitatis; tamen ad ipsas albedines, quatenus conveniunt in eisdem gradibus resultat prædicamentalis relatio similitudinis inter duo alba, & ad albedinem & nigredinem resultat relatio dissimilitudinis: ita etiam ad duas relationes prædicamentales eiũdem rationis, ut ad duas paternitates, resultet prædicamentalis relatio similitudinis inter ipsas duas relationes, & ad duas relationes prædicamentales diuersæ rationis, ut ad paternitatem & filiationem, resultet prædi-

950 *Lib. 7. de prædicamentis*

camentalis relatio dissimilitudinis inter ipsas relationes? quod erit tales relationes fundari in vnitatem vel diuersitate relationum prædicamentaliū, sicut fundatur prædicamentalis relatio similitudinis vel dissimilitudinis in vnitatem vel diuersitate qualitatum.

2. Partem affirmatiuam tenent Scotistæ; negatiuam autem defendunt communiter Thomistæ: & aliqui eorum existimantes illam deduci ex 1. part. quæst. 42. articul. 1. ad 4. Sed certe solum asserit ibi Diuus Thomas, quod vt duæ relationes inter se opponantur & vna referatur ad aliam, non indigent alia relatione; ita enim asserit Angelicus Doctor: *Nec iterum vna relatio refertur ad aliam per aliquam aliam relationem: cum enim dicimus, quod paternitas opponitur filiationi, oppositio non est relatio media inter paternitatem & filiationem, quia utroque modo relatio multiplicaretur in infinitum.* Hæc D: Thomas, in quibus longe diuersum est quod intendit ab eo quod inquirimus: aliud enim est, quod duæ relationes vt ad inuicem referantur & opponantur, non indigeant alia relatione: aliud vero, an duæ relationes prædicamentales, eo quod habeant vnitatem vel diuersitatem, fundent aliam relationem prædicamentalem similitudinis vel dissimilitudinis; in primo enim omnes conueniunt, de secundo autem in præsentibus dubitamus.

3. Dicendum tamen est, relationem præ-

prædicamentalem, etiam ad modum, quo in titulo dubij explicuimus, non posse fundari supra alias relationes prædicamentales, seu in vnitæte relationum prædicamentaliũ. Conclusio, & ab inconuenienti, seu à posteriori, & à priori etiam prebatur: à posteriori quidem, & ab inconuenienti: quia alias sequeretur dari actu infinitas relationes prædicamentales; infinitum autem in actu dari saltem naturaliter est impossibile: ergo relationes prædicamentales, non possunt fundari in vnitæte relationem prædicamentaliũ. Sequela probatur, quia cum relatio prædicamentalis sequatur, vt effectus secundarius naturali resultantia ad positionem sui fundamenti; & termini, si vnitas relationum prædicamentaliũ, verbi gratia, vnitas duarum paternitatum esset fundamentum relationum prædicamentaliũ similitudinis inter ipsas relationes, in eodem instanti temporis, quo proponerentur prædictæ duæ relationes paternitatis, resultaret in qualibet illarum prædicamentalis relatio similitudinis, ad quas tales relationes prædicamentales similitudinis, cum etiam essent eiusdem rationis, resultarent aliæ duæ relationes prædicamentales similitudinis, per quas illæ dicerentur similes: & ad illas ob eandem rationem resultarent aliæ: & ad illas aliæ, & sic in infinitum.

4 Dices, hoc argumentum solum probat, solum probari, quod dentur infinita relationes, et relati-

Qq s. præ s. p.

952 *Lib. 7. de prædicamentis*

prædicamentales syncategorematicæ, nõ autem quod dentur in actu, & categorematicæ infinitæ relationes, quia nunquam resultabunt plures relationes in actu, quin possint aliæ plures, ac plures resultare; dari autem in quolibet genere entium, infinita syncategorematicæ, non est inconueniens; & multo minus in genere relationis, quæ in genere entis realis est minimæ entitatis.

5 Sed contra est, quia non solum sequeretur infinitas syncategorematicæ, sed infinitas actu & categorematicæ dari relationes: quia licet si tales relationes resultarent, vt ad suum fundamentum ad alias relationes successiue, & prius tempore vnz, quam alia, re vera non omnes, quæ possent resultare, actu iam resultarēt, & sic solum daretur infinitum syncategorematicæ talium relationum, tamen, cum tales omnes relationes resultarent ad alias naturali resultantia, & vt effectus secundarius actionis producentis fundamentum priorum relationum, omnes illæ resultarent in eodem temporis instanti, licet cum ordine prioris, & posterioris naturæ in resultantia illarum, sicuti ab eadem essentia, si non impediantur, cum ordine prioris, & posterioris prioritate, & posterioritate naturæ resultant in eodem instanti temporis plures passionēs: ergo si nullum esset impedimentum, vt ad aliquas relationes aliæ, & ad illas aliæ relationes prædicamentales

Questio XXI. 953

resultent, omnes quæ possent sic resultare, resultarent de facto in eodem instanti temporis: ac perinde daretur infinitum in actu, & cathegorematicæ talium relationum.

Confirmatur, & explicatur hoc exemplo iam insinuatō, nam quia passionēs eiusdem essentiae ordīe quodam naturali resultantia dimanant ab essentia, & prima passio est principium medio quo secunda passio resultet ad essentiam, & secunda ut resultet tertia, si omnes passionēs essent principium, ut posset altera resultare, & non deueniretur ad ultimam aliquam passionem, quæ non sit principium resultantiae alterius, sicut de facto omnes, quæ possunt resultare, resultant in eodem temporis instanti, quia ad nullius passionis resultantiam exigitur morula temporis: ita etiam in eodem temporis instanti resultarent omnes quotquot possent resultare passionēs, ac perinde infinitæ, si non deueniretur (ut dixi) ad aliquam passionem ex qua altera non posset resultare: ergo cum (ut ostendimus) si aliquæ relationes prædicamentales sunt fundamentum, ad quod resultent aliæ relationes prædicamentales, non possint assignari aliæ relationis prædicamentales, ad quas aliæ non possunt resultare, & ad quarumlibet resultantiam, non exigatur aliqua morula temporis; omnes quæ possunt resultare, nisi supernaturaliter impediuntur, de facto in eodem temporis instanti resultabunt: ac perinde.

954 *Lib. 7. de predicamentis*

resultabunt infinitæ relationes in actus, quod cum sit impossibile, impossibile est, quod relatio prædicamentalis in alia relatione prædicamentali fundetur.

9. A priori autem probatur conclusio quia cum fundamentum relationis prædicamentalis, vt illa ad ipsum resultet, aliquam actiuitatem, & efficientiam habeat in ipsam relationem, relatio prædicamentalis, quamuis sit ens reale, est tamen ita minimæ entitatis, quod talem efficientiam in aliam relationem habere non potest: ergo non potest vna relatio prædicamentalis aliam relationem prædicamentalem fundare. Et ita meminime supra lib. 2. q. 8. n. 11. dixisse, vnam relationem rationis fundari posse supra aliam relationem rationis; non vero vnam relationem realem prædicamentalem posse supra aliam relationem fundari; quia cum fundamentum relationis rationis non habeat actiuitatem, & efficientiam in ipsam relationem, sed solum dicat exigentiam illius, & relatio rationis nõ sit per resultantiam ad suum fundamentum, sed per actionem intellectus, potest vna relatio rationis super alteram relationem rationis fundari; non tamen potest fundari relatio realis prædicamentalis supra alteram relationem, quia fundamentum relationis realis prædicamentalis debet habere aliquam efficientiam, & actiuitatem in illam, quod (vt dixi) relationi propter suam minimam entitatem competere nequit.

7. Obijciēs, quod non minus vnitas, & conuenientia relationum realium videtur fundare relationem realem similitudinis inter illas, quam vnitas, & conuenientia duarum qualitatum, si enim relationem similitudinis fundant duæ qualitates, quia habent vnitatem, & conuenientiam, non minorem vnitatem, & conuenientiam habent duæ relationes inter se: ergo non minus fundant relationem similitudinis, quam duæ qualitates. §. Confirmatur, nam duæ relationes eiusdem rationis, vt duæ paternitates, realiter & ex natura sua dicunt adinuicem relationem similitudinis, & denominantur formaliter similes: ergo ab aliqua relatione. Hæc autem fundari non potest nisi in vnitate duarum relationum: ergo.

8. Respondetur ad argumentum, quod licet tantum conuenientiam, & vnitatem habeant duæ relationes eiusdem rationis, ac duæ qualitates, adhuc non fundant relationem prædicamentalem, sicut illam fundant duæ qualitates: quia istæ non sunt iam minimæ entitatis, sicut relationes, & ita possunt fundare relationem, quæ ad illas per realem resultantiam sequatur, nõ vero duæ relationes. §. Ad confirmationem respondetur, quod duæ relationes dicunt adinuicem relationem aliquam transcendentelem similitudinis, à qua denominantur similes, non vero relationem prædicamentalem, quia non habent suffi-

956 *Lib. 7. de prædicamentis*
ficientem entitatem ad quam relatio realis
prædicamentalis possit resultare.

QVÆSTIO XXII.

*Utrum relatio prædicamentalis di-
stinguatur realiter à suo
fundamento?*

PRæter aliquos, quibus tribuitur, nul-
lam distinctionem realem actualem,
sed solum distinctionem rationis, & per
intellectum factam concedere inter rela-
tionem, & suum fundamentum, commu-
nis est fere omnium sententia, quod à par-
te rei actualiter realiter distinguuntur; est
tamen dissidium tam inter Thomistas, quàm
inter plures alios, an talis inter relatio-
nem, & suum fundamentum realis distin-
ctio sit solum realis formalis, an vero sit
distinctio realis entitativa. Præbetque
huic sententiarum diuersitati non paruum
fundamentum Angelicus Doctor, dum
(ut in conclusione secunda, & in obie-
ctionibus aduersus illam videbimus) mo-
do vni, modo alteri videtur fauere sen-
tentia. Aliqui etiam singulariter asserunt,
relationem, & suum fundamentum esse
quidem diuersas realiter entitates, vtram-
que tamen existerè per eandem fundamen-
ti existentiam.

a Pro explicatione tamen veritatis est
ad.

aduertendum, quod sup. quæst. 19. aduertimus, quod fundamentum relationis prædicamentalis quandoque distinguitur realiter entitative à subiecto ipsius relationis; ut fundamentum relationis similitudinis inter duos homines albos, scilicet illorum albedines, distinguitur realiter entitative à subiectis: aliarum relationum, ab ipsis videlicet hominibus. Aliquarum tamen relationum prædicamentaliū fundamentum non distinguitur realiter entitative ab ipsarum relationum subiecto, sed eademmet entitas, & est subiectum, & fundamentum relationis: ut relationis identitatis, quæ immediate fundatur in unitate specifica duarum substantiarum, fundamentum sunt ipsæ substantiæ, ut in eadem specie conueniunt, & similiter sunt subiectum talium relationum. Et etiam duæ albedines, aut duæ quantitates ab omni subiecto separatae per suasmet entitates erunt simul fundamenta, & subiecta relationis similitudinis, vel æqualitatis. Et licet proprie nomen fundamenti relationis accipiat pro proximo relationis fundamento, seu pro ratione fundandi relationem, aliquando etiam vsurpatur pro subiecto relationis, quod quatenus ad ipsam relationem prærequiritur, potest dici illius fundamentum remotum.

3 Certum igitur est, quod cum fundamentum proximum relationis ab ipsius relationis subiecto realiter entitative distinguitur, ipsa etiam relatio realiter en-

958 *Lib. 7. de prædicam.*

titatiue distinguatur saltem à tali suo subiecto. Quia si cum aliquo debeat relatio prædicamentalis identificari realiter, debet utique identificari cum suo proximo fundamento; ergo cum illud distinguitur realiter entitatiue ab ipsius relationis subiecto, ab illo etiam saltem distinguetur realiter entitatiue ipsa relatio. Dubium igitur est, an relatio prædicamentalis distinguatur realiter, & an solum realiter formaliter, vel etiam realiter entitatiue à suo proximo fundamento, & etiam à suo subiecto, cum illud realiter cum fundamento proximo identificatur.

4. Dico primo, relatio prædicamentalis ex natura rei, & antecedenter ad omnem distinctionem per intellectum factā, actu realiter saltem formaliter distinguitur a suo fundamento, ita expresse nost. author quæst. 2. super hoc caput conclus. 2. & fere omnes communiter. Et ratio est manifesta, cum enim cuiuslibet relationis prædicamentalis fundamentum sit aliquid absolutum, (quia ut quæstione præcedenti ostendimus, nulla relatio prædicamentalis super aliam relationem prædicamentalem potest fundari) cuiuslibet relationis fundamentum ad diuersum prædicamentū, ac ipsa relatio debet pertinere sed quæcūque differunt prædicamento differunt saltē realiter formaliter, imò maiore omnium distinctione reali formali, cum sint primo diuersa, alias non conlitterentur decem

genera, & prädicamenta entis realiter, & formaliter ex natura rei distincta: ergo relatio prädicamentalis realiter saltem, formaliter distinguitur à quolibet suo fundamento.

§ Dico secundo. Relatio prädicamentalis non solum à subiecto, sed etiam à suo fundamento realiter entitativè tanquam res à re distinguitur. Hanc conclusionem, licet oppositum illius sit probabile, ut probabiliorem statuo, & ut magis aliquibus, quæ in superioribus diximus, conformem, illamque manifestè videtur docere D. Thomas pluribus in locis, nam 1. part. quæst. 28. art. 2. ita ait: *Sicut in creatis in eo, quod dicitur relative non solum inuenitur respectus ad alterum, sed aliquid absolutum: ita in Deo. Sed aliter, nam id quod inuenitur in creatura præter id, quod continetur sub significatione nominis relativi est alia res, in Deo autem non est alia res.* Nec potest dici, quod solum intendit D. Thomas, quod relatio sit alia res, scilicet alia formalitas realis à formalitate fundamenti, quam distinctionem, non habet relatio ab absoluto in Deo. Non, inquam, id valet, quia licet si id solum intenderet D. Thomas, saluaretur differentia relationum, quæ sunt in Deo ab his, quæ sunt in creaturis; tamen verba sancti Doctoris, si cum proprietate accipiantur, non distinctionem formalem, sed distinctionem realem entitativam significant inter relationem creaturarum, & illius

Ius fundamentum: solum enim aliquid proprie dicitur alia res ab aliquo, quod est entitas ab entitate alterius distincta.

§. Neque etiam valet dicere, quod solum intendit in prædicto testimonio D. Thomas relationem, quæ est in creaturis, esse aliam rem, seu entitatem à subiecto, non vero à fundamento. §. Non inquam id valet. Tum, quia aliquarum relationum, ut quæ fundantur immediate in substantia, aut in quantitate à substantia separata, eadem entitas est subiectum, & fundamentum: ergo cum D. Thomas universaliter asserat, relationem quæ est in creaturis, esse aliam rem ab absoluto intelligit relationem esse aliam rem tam à subiecto, quam à fundamento: alias ratio, cuius subiectum, & fundamentum est eadem entitas, nec esset alia res à fundamento, neque à subiecto. Tum vel maxime, quia cum D. Thomas asserat quòd id, quod inuenitur in creatura præter id, quod continetur sub significatione nominis relatiui, est alia res & cum non solum subiectum, sed etiam fundamentum relationis, utpote utrumque absolutum, sit aliquid præter id quod continetur sub significatione nominis relatiui, intendit manifeste D. Thomas, quod non solum subiectum relationis, sed & ipsius relationis fundamentum est alia res à relatione distincta.

6 Similiter, quæst. 8. de potentia, art. 2. ait idem sanctus Doctor: *Substan-*

Questio XXII. 961

ria creata non potest identificare sibi relationem, quia est definita ad tale genus, in quo differt ab essentia Dei, qua cum infinita sit, & super omnia genera, potest alia sibi identificare. Hæc D. Thomas. Nec explicari possunt de identificatione formali, cum identificari non dicat proprie nisi identitatem materiale, & entitatiuam; ac perinde hanc negat D. Thomas inter relationem creatam, & suum fundamentum.

7 Denique in 4. Contra gentes, c. 14. responsione ad 9. ait.: *Quod in nobis relationes habent esse dependens, quia earum esse est aliud ab esse substantia. Vnde habent proprium modum essendi secundum propriam rationem. sicut in alijs accidentibus contingit.* Hæc D. Thomas, in quibus cum asserat, relationem habere aliud esse ab esse substantiæ, manifeste indicat relationem saltem fundatam immediate in substantia distinguere realiter entitatiue à tali fundamento: quæ enim diuersum habent esse, realiter entitatiue distinguuntur.

8 Plures pro hac sententia, & aliquæ singulares mihi se offerunt rationes. Sit prima, quod si relatio solum adderet formalitatem non autem entitatem aliquam supra suum fundamentum, non resultaret ad illud per veram, & realem emanationem: non enim potest intelligi realiter emanare ab aliquo, nisi quod ab illo realiter entitatiue est distinctum. Sed si relatio realiter non emanat à suo fundamento, cessat omnino ratio, qua quæstione præ-

962 *Lib. 7. de predicamentis*

precedenti ostendebamus, relationem, prædicamentalem super aliam prædicamentalem fundari non posse; siquidem, tota consistebat in eo, quod relatio non, habet sufficientem entitatem, ut ad illam alia entitas realiter entitative distincta realiter possit emanare. Inconsequenter ergo ad id, quod cum communi Thomistarum sententia defendimus, diceretur, quod relatio prædicamentalis non distinguitur realiter à suo fundamento.

9. Secunda ratio, & satis probabile, signum, quod relatio est entitas distincta à fundamento, deducitur ex eo, quod existente fundamento, ut albedine in Petro, potest ob non existentiam alterius albi non existere relatio similitudinis, & illa potest definere esse in Petro, manente in eo albedine, solum per hoc, quod aliud album definat esse. Signum igitur est, quod relatio non solum est aliqua formalitas, sed & aliqua entitas entitati albedinis superaddita. 5. Confirmatur, quia absque aliquo augmento in relatione contingere potest augmentum in entitate illius fundamenti, & è contra, hac nullatenus aucta, sed potius aliquando remissa, potest augeri relatio. Hac autem impossibilia, videntur, si eadem esset entitas relationis, & sui fundamenti: ergo non est eadem entitas, sed potius realiter entitative distinguuntur. Antecedens probatur, quia Petro v.g. albo ut quatuor, & altero albo existente albo etiam ut quatuor, si verum, que

Questio XXII. 963

que album fiat album ut sex, augetur entitas fundamenti similitudinis in Petro, scilicet albedo, & non augetur ipsa similitudo. Similiter si Petrus albus, ut quatuor sit similis Paulo albo ut duo, & albedo Petri remittatur usque ad albedinem, ut duo, tunc augetur relatio similitudinis inter Petrum, & Paulum, & fiunt magis similes, & tamen tantum abest, quod in Petro augeatur talis relationis fundamenti entitas, quod potius remittitur de albedine, ut quatuor ad albedinem ut duo: ergo uterque propositus casus possibilis est.

10 Tertio probatur conclusio, quia relatio paternitatis non solum entitative distinguitur à subiecto, sed etiam à suo fundamento: ergo cum eadem sit ratio illius, & aliarum relationum prædicamentaliū, idem de omnibus relationibus videtur dicendum. Antecedens probatur, quia ut quæstion. 20. circa solutionem quintæ objectionis dicebamus, relatio paternitatis fundatur in ipsa actione generativa. Sed cum illa non potest realiter identificari paternitatis relatio; cum iuxta probabiliorem sententiam actio sit in passivo, & relatio paternitatis, à qua pater denominatur intrinsece talis, sit intrinsece in ipso patre generante, & impossibile omnino sit, quod eadem realiter entitas sit simul in duplici realiter distincto subiecto in genito videlicet, & in generante. 9. Nec valet dicere, quod secundum ali-

aliquos relatio paternitatis fundatur in potentia generatiua, & generatio solum est conditio fundandi, & secundum omnes saltem potentia generatiua est fundamentum paternitatis, licet minus proximum, quam ipsa generatio, & saltem cum ipsa potentia generatiua identificatur ipsa relatio. §. Non (inquam) id valet. Tum, quia, ut ibidem ostendimus, generatio non est solum conditio fundandi, sed ipsum potius fundamentum paternitatis. Vnde si cum generatione non identificatur relatio paternitatis, iam saltem habemus, quod non identificatur cum suo proximo fundamento. Tum, vel maxime, quia nec cum ipsa potentia generatiua identificatur relatio paternitatis, quia (ut ibidem dicebamus) si ab aliquo homine, postquam genuit filium, auferatur diuinitus, & supernaturaliter tota entitas potentia generatiua, adhuc manebit in illo relatio paternitatis, ac perinde non est eadem entitas cum entitate potentia generatiua, sed ab ipsius potentia generatiua entitate realiter entitatie distincta, & hac ratione etiam sequitur, relationem paternitatis realiter non identificari cum ipsa actione generatiua, quia tota entitas talis actionis realiter, transit, realiter permanente in patre relatione paternitatis.

II Ultimo denique probatur conclusio, quia aliqua datur relatio prædicamentalis immediate fundata in substantia, ut rela-

Quæstio XIX. 965

relatio identitatis specificæ inter duos homines, quæ fundatur immediate in unitate formali specifica duarum substantiarum, & relatio mensurabilis ad mensuram, quæ quælibet substantia creata refertur in Deum. Sed non possunt tales relationes identificari cum ipsa substantia, in qua fundantur: ergo iam aliqua relatio prædicamentalis distinguitur realiter entitative à suo fundamento; & cum non sit aliqua ratio, quare illa magis, quam aliæ relationes, quæ in accidenti immediate fundantur, à suo fundamento realiter entitative distinguatur, eadem realis entitativa distinctio à suo fundamento cōcedenda est in quacumque relatione prædicamentali. Minor in qua est difficultas, multipliciter potest probari. Primo, quia ut in primo testimonio D. Thomæ pro cōclusionē adducto expendebamus, cum D. Thomas asserit in creatis esse aliam rem præter id, quod formaliter importatur per relationem, id nullatenus potest verificari in relatione, quæ immediate fundatur in substantia, si illa non distinguitur entitative à suo fundamento, quia non potest dici, quod illa alia res à relatione non sit eius fundamentum, sed eius subiectum, siquidem in talibus relationibus eadem entitas est simul fundamentum, & subiectum illarum. §. Secundo eadem minor probatur, quia non videtur intelligibile, quod eadem realiter entitas sit substantia, & accidens ipsi substantiæ in-

bæ-

966 *Lib. 7. de prædicamentis*

hærens; cum inhærentia accidentis non sit solum per conuenientiam accidentalem sub tantæ (ea enim accidentalis conuenientia solum constituit accidens prædicabile, non autem accidens prædicamentale) sed sit per realem informationem, & inhaerentiam formæ in subiecto. Sed ut asserit D. Thomas quæst. 9. de potentia ar. 9. ad 7. relatio verè, & proprie inhæret subiecto: ergo relatio prædicamentalis non potest realiter identificari cum substantia, ac perinde relatio, quæ immediate fundatur in ipsa substantia, non potest cum suo fundamento identificari. §. Tercio eadem minor probatur, quia si aliquod accidens posset identificari cum substantia, inefficax esset ratio D. Thomæ, quæ 1. part. quæst. 77. art. 1. ostendit, quod essentia animæ non sit eadem entitas cum suis potentijs. Ex eo enim id probat, quod cum actus, & potentia debeant esse in eodem genere, & actus sit in genere accidentis, etiam potentia debet esse in genere accidentis, ac perinde realiter entitative distincta ab animæ substantia: si enim relatio, quamuis sit accidens identificaretur cum substantia, non esset inconueniens, quod potentia animæ, quamuis sit accidens, cum ipsa substantia animæ identificetur. §. Nec valet dicere quod licet accidens absolutum, qualis est potentia animæ, non possit cum substantia identificari; bene tamen accidens relatiuum. Non, inquam, id valet, quia vtrumque est

est vere, accidens, & vtrumque vere, & realiter inhæret substantiæ; ac perinde æqualiter vtrique repugnat cum substantia identificari.

12 Dico tertio, non solum entitas relationis prædicamentalis distinguitur realiter entitativæ à suo fundamento, sed & existentia relationis distincta est realiter entitativæ ab existentia sui fundamenti. Conclusio probatur, quia vniuersaliter, vt colligitur ex D. Thom. 3. p. q. 17. art. 1. quodlibet accidens habet esse, & suam existentiam distinctam realiter entitativæ ab esse, & existentia substantiæ, imò & ab esse, & existentia alterius accidentis, quod simul cum illo inhæret in eodem subiecto. Et ita ait ibi. D. Thomas, quod in qualibet persona multiplicatur esse secundum, quid ad multiplicationem accidentium, & quod aliud est esse quo Sortes est albus, & quo Sortes est musicus. Et ob id nullum accidens facit compositionem per se cum substantia, sicut illam faciunt partes substantiæ, vt materia & forma substantialis, quia istæ habent idem esse, eandemque existentiam, forma autem quælibet accidentalis habet diuersum esse, & diuersam existentiam ab esse, & existentia substantiæ: ac perinde non potest facere vnum per se cum illa; ergo relatio siue fundetur in alio accidenti, siue immediate in substantia, non solum distinguitur realiter entitativæ ab entitate talis fundamenti, sed & existit per

existentiam realiter entitativè distinctam ab existentia fundamenti. §. Confirmatur, quia existentia substantiæ est esse per se, existentia autem relationis, sicut cuiuslibet accidentis, est inhærentia, & esse in alio. Sed implicat eandem entitativè existentiam entitativè esse inhærentiam, & esse per se: ergo existentia saltem relationis, quæ immediate fundatur in substantia, non potest esse eadem entitativè cum existentia sui fundamenti.

13 Aduersus secundam conclusionem obijcies primo, quod teste Philosopho 5. philicorum textu 10. ad relationem non est per se motus. Et id probat dicens, *Quia altero subeunte mutationem, alterum mutationem non subiens vere potest dici ad aliquid.* Et D. Thomas ibi lectione 3. *Nihil aduenit mihi de nouo per hoc quod incipiam esse alteri aqualis per eius mutationem:* ergo in sententia Philosophi, & D. Thomæ relatio non est entitas realiter entitativè distincta à suo fundamento. Probatur consequentia, quia aliàs non posset aliquid incipere habere relationem absque sui mutatione, siquidem per aduentum nouæ entitatis necesse esset illud mutari. §. Confirmatur nam D. Thomas opusculo 48. tract. 5. cap. 2. ita ait: *Cum autem dico, quod similitudo Sortis habet albedinem eius ut fundamentum, non est intelligendum, quod similitudo Sortis sit aliqua res in Sorte a lia ab ipsa albedine, sed solum est ipsa albedo, ut se habet ad albedinem Platonis, ut ad*

Quæstio XXII. 969

terminum si enim similitudo adderet aliquam rem supra albedinem Sortis, nullo modo posset aliquis alicui fieri similis sine sui mutatione; fit autem homo similis alicui sine sui mutatione, ut patet: nam si quis in India fieret modo albus, fieret similis mihi, & ego sibi, nulla in me facta mutatione. Hæc D. Thomas, ubi cum dicat similitudinem Sortis non esse aliam rem ab eius albedine, manifeste inter relationem similitudinis, & albedinem negat distinctionem realem entitativam.

14 Respondetur ad argumentum imprimis, quod etiam si relatio sit alia entitas ab entitate fundamenti, non sequitur ad relationem dari per se motum, quia cum ut explicuimus supra q. 18. n. 13. relatio resultet, tanquam effectus secundarius ad actionem productivam sui fundamenti, ubi etiam explicuimus, quæ sit causa efficiens talis resultantiæ; non est ad relationem per se motus, quia solum per se terminat motum primarius illius effectus. Ad id autem, quod Aristoteles, & D. Thomas subiungunt, quod absque sui mutatione potest aliquis habere relationem; certe non est intelligendum absque omni prorsus reali mutatione, aliàs nec Deus, si aliqua ei ex tempore adveniret relatio realis, mutaretur contra communem Theologorum sententiam, ideo ex tempore relationem Deo advenire posse realem negantium, quia per illam Deus mutaretur. Sed dicendum est, quod cum relatio

R r 2 sit

fit minimæ entitatis, licet re vera de nouo adueniens mutationem faciat in subiecto, ita tamen paruam, & imperceptibilem, vt respectu mutationum ex aduentu formæ absolutæ mutatio per formam, relatiuam possit non dici mutatio. Et hoc solum intendit Aristoteles, & D. Thomas, & alij qui dicunt relationem solum facere mutationem metaphisicam, non, vero phisicam, quia videlicet ipsa relatio est res tam parua entitatis, vt vix inter formas phisicas possit numerari. §. Ad confirmationē non possū negare vix posse explicari testimonium in illa adductum, ex opusculo 48. cum tamen de eo opusculo multum dubitetur esse D. Thomæ, non debet testimonium ex illo anteponi alijs indubitatis testimoniis eiusdē Sancti Doctoris, quæ pro nostra sententia adduximus. Vnde si illud opusculum admittatur Diu. Thomæ, vel dicendum est Doctorem Sanctum in ea tunc fuisse sententia, vel quod solum intendit relationem, similitudinis non esse aliam rem ab albedine per veram actionem per se productā, sed solum esse quandam entitatem diminutam ad actionem productiuam albedinis, vt effectum secundarium resultantem.

15 Obijcies secundo, quod si relatio quælibet prædicamentalis aderet nouam entitatem, non solum supra entitatem subiecti, sed supra entitatem fundamenti, infinitas fere entitates quilibet in quolibet rem-

temporis morula de nouo realiter acquireret. Consequens ita impossibile videtur, vt vix intellectu percipi queat; ergo. Sequela probatur, quia me ver. gr. existente albo, fere infinita alia alba hic, & in alijs locis quantumuis distantibus quotidie possunt incipere esse, & de facto re vera incipiunt. Sed ad omnia illa de nouo incipiunt esse in me relationes similitudinis ad plurima alia quae quotidie incipiunt esse non alba; ergo si quaelibet illarum relatio effet entitas distincta ab entitate albedinis in me existentis, infinitae fere entitates de nouo mihi quotidie aduenirent, & in qualibet temporis morula quilibet realem mutationem pateretur.

16 Respondetur ad argumentum, quod cum relationes (vt saepius diximus) sint ita minimae entitatis, & mutatio, quae per illas fit licet re vera mutatio realis, sit ita parua, & imperceptibilis: ac denique cum talis minima entitas relationum non per nouam actionem per se producat, sed ad actionem productiuam sui fundamenti; vt effectus secundarius resultet, non est inconueniens, tot entitates relationum in eodem subiecto multiplicari; maxime, quia nec tot multiplicantur, sicut termini, cum iuxta sententiam D. Thomae 1. par. quaest. 35. art. 5. eadem numero relatione referatur quis ad plures terminos, quos sub eadem ratione respicit, vt Pater ad plures filios, Dominus ad plu-

972 *Lib. 7. de predicamentis*

res seruos, & Magister ad plures discipulos, quos eadem doctrina instruit. Et similiter idem album eadem numero relatione similitudinis refertur ad plura, quæ cum illo in eodem gradu, & intensiōe albedinis conueniunt.

17 Obiicies tertio, quod si relatio esset entitas distincta ab entitate fundamenti, & vt effectus secundarius ad productionem fundamenti resultans, posset Deus facere vt etiā posito fundamento, & termino alicuius relationis, vt posita in me albedine v. g. vt quatuor & alio existente albo similiter vt quatuor, non resultet in me relatio similitudinis, sed id videtur omnino impossibile: ergo relatio non distinguitur realiter entitative à suo fundamento. Maior videtur certa, quia cum effectus primarius alicuius actionis nō dependeat ab effectu secundario, potest effectu primario potest supernaturaliter impediri resultantia effectus secundarij, sicut posita extensione quantitatis in ordine ad se, impediri potest eius extensio in ordine ad locum, & de facto impeditur in quantitate corporis Christi in Eucharistia existentis. Minor autem probatur, quia non potest intelligi, quod duo homines in eodem gradu albedinis existentes albi non sint similes: ergo impossibile videtur, quod non habeant relationem similitudinis.

18 Respondetur admissa maiori, negando minorem, & ad probationem di-

Questio XXII. 973

co : quod etiam supernaturaliter impedita à duobus hominibus albis resultantia relationis similitudinis inter illos, non dicerentur quidem similes formaliter, quia non haberent relationem similitudinis, quæ est vnica forma à qua intrinsece, & formaliter possunt similes denominari, dicerentur tamen similes fundamentaliter, imò absolute, & sine addito dicerentur similes, quia cum entitas relationis, quamuis entitas realis, sit ita diminuta & imperfecta, sufficit existentia fundamenti cum coexistentia termini, vt absolute aliquid dicatur tale licet non vt denominetur formaliter, vsque dum habeat ipsam relationis formam.

19 Quarto denique obijcies, quod si relatio esset entitatie distincta à suo subiecto, & fundamento, relatio duplici, quam numerus quaternarius, verbi gratia, quatuor hominum dicit ad binarium, esset realiter distincta ab ipso numero quaternario, & à quatuor prædictis hominibus illum componentibus. Consequens videtur impossibile: ergo. Minor probatur quia aliàs talis entitas relationis, cum per illam non solum vnus vel alter hominum talem numerum componentium, sed totus talis numerus quaternarius, & omnes illius partes ad numerum binarium referantur, deberet esse, & subiectari in omnibus partibus talis numeri. Sed impossibile omnino videtur, quod talis entitas relationis in pluribus

ribus inter se realiter entitatie distinctis subiectis inhæreat: ergo impossibile est talem relationem distingui realiter entitatie à prædicto numero & illius partibus,

20 Licet hoc non multum vrgeret existimantes numerum quâtitatiuum realiter entitatie distingui ab unitatibus ex quibus componitur, nec reputantes inconueniens, quæ eadem realiter entitas numeri inhæreat simul, & subiectetur inadæquate, & partialiter in omnibus unitatibus componentibus numerum, quantumuis inter se realiter entitatie distinctis: ingenue fateor me id intelligere nō posse imò inter alia obid inconueniens asserui cum noster Authore, numerū quâtitatiuum non distingui realiter entitatie à rebus numeratis. Vnde ad argumentum respond. quod cum huiusmodi relationes proportionis numeri ad numerum fundetur in ipsis numeris secundum quod in tali determinata specie constituuntur, & vt diximus supra, vltima unitas sit quæ dat speciem numero solum in vltima unitate cuiuscumq; numeri inhærent relationes proportionis ad alterum numerum. Vnde etiam si illæ sint realiter entitatie distinctæ ab ipsis numeris, & partibus numeri, non cogimur concedere, eandem entitatem relationis in pluribus subiectis realiter distinctis recipi, aut inhærere.

QVÆSTIO XXIII.

Vtrum relatio predicamentalis terminetur formaliter ad relatiuum, an vero ad absolutum.

QUod inquirimus est, an cum relatio non sit proprie, quaereretur, sed ratio referendi, sicut relatiuum predicamentale non refertur ratione alicuius absoluti, sed ratione relationis; ita etiam ex parte termini terminus qui formaliter terminat relationem, terminet illam ratione alicuius relationis; an vero ratione alicuius absoluti. In quo prima sententia extrema Scoti in 1. dist. 30. quaestion. 1. eiusque discipulorum & aliorum recentiorum extra scholam D. Thom. vniuersaliter docet nullam relationem terminari ad relatiuum, sed omnem formaliter terminari ad absolutum, ita vt terminus cuiuscumque relationis illam terminet formaliter ratione alicuius absoluti. Secunda huic extreme opposita, & communiter Thomistarum asserit, omnem relationem predicamentalem terminari formaliter ad relatiuum. S. Media inter istas sententia aliquorum etiam ex discipuli Diu. Thomae asserit, relatiua mutua terminari formaliter ad relatiuum, & quod relatiua non mutua videlicet relatiua tertij ordinis, & etiam aliqua relatio se-

R r s cum-

cundi ordinis si per accidens sit non mutua, ut relatio maternitatis Beatæ Virginis, cui ex incapacitate subiecti non correspondet in Christo realis relatio filiationis, terminantur formaliter ad aliquid absolutum.

2 Dicendum est ut probabilius, & Aristotelis, & D. Thomæ doctrinæ magis conforme, omnem relationem prædicamentalem terminari formaliter ad relativum. Conclusio (ut dixi) est communiter Thomistarum, & imprimis manifeste videtur deduci ex Aristotele, & D. Thoma. Ex Aristotele quidem, nam in capite hoc expresse terminum relationis sub ratione relativi videtur assignare. Ita enim ait: *Amplius si quidem convenienter assignatur ad quod dicitur, omnibus alijs sublati, quæcumque accidentia sunt, relicto autem solo illo ad quod assignatum est, convenienter semper ad ipsum dicitur, ut si servus ad Dominum dicitur, circumscriptis omnibus, quæ accidentia sunt Domino, ut esse bipedem, vel hominem, relicto vero solo, quod Dominus est, semper servus ad ipsum dicitur, & post pauca: Circumscribatur ab homine esse Dominum, non sane amplius servus ad Dominum dicitur, cum non dominus sit neque servus. Hæc Philosophus in quibus servum ad Dominum sub sola ratione dominij, ac perinde sub ratione formaliter relativa asserit terminari. Et Angelicus etiam Doctor id pluribus asserit locis, nam 1. par. quest. 40. art. 2. ad 4.*

ex-

exponens definitionem relatiuorum docet quod cum relatiua dicuntur esse ad aliud, per ly *aliud* intelligendum est relatiuum, formaliter, & relatiuum his verbis: *Cum dicitur, quod relatiui esse est ad aliud se habere, per ly aliud intelligitur correlatiuum, quod non est prius, sed simul natura.* Et 2. contragentes cap. 11. ait: *Non potest aliquid intelligi ad alterum, nisi è conuerso illud relatiue diceretur ad ipsum.* Amplius autem ex sequentibus rationibus cõstabit, hanc proculdubio esse mentem Aristotelis, & D. Thomæ.

3 Ratione igitur probatur primo conclusio, quia relatiua prædicamentalia distinguuntur à relatiuis secundum dici, quod terminantur ad terminum vt purum terminum. Sed id non posset saluari, si terminarètur formaliter ad suū terminū sub aliqua illius ratione absoluta: ergo formaliter terminatur ad illud solū sub ratione relatiua. Minor probatur quia nullus terminus cuiuscumq; relatiui sub aliqua illius ratione absoluta comparatur ad ipsū relatiuum vt purus terminus, sed vt causa, vel effectus, vel mensura vel mensurabile, & in summa sub aliqua alia formalitate, quam sub formalitate puri termini.

4 Secundo probatur conclusio. Inter relatiuum, & suum terminum formalem est oppositio, non alia nisi oppositio relatiua: ergo terminus relationis formaliter vt relatiuus eam terminat. Consequentia imprimis videtur certa, quia non possunt

aliqua duo relative opponi, nisi in utroque extremo sit ratio oppositionis relativa; sicut non possunt aliqua duo opponi contrarie, nisi in utroque extremo sit ratio oppositionis contrariae, & in vno extremo sit forma contraria formae alterius extremi. Sed non potest esse ratio oppositionis relative in utroque extremo, nisi in utroque sit relatio: nihil enim opponitur alteri relative per aliquid sui absolutum etiam si sit fundamentum relationis; alias in divinis posset esse oppositio relativa inter absolutum, & relativum, quod est falsum: ergo si relativum & terminus formalis illius opponuntur relative; sicut in relativo formaliter est relatio, ita etiam in eius termino formaliter ut termino debet esse relatio, ut per illam relationi, quam terminat, relative opponatur. Utraque autem praemissa huius rationis, videlicet quod relativum, & eius terminus formalis opponantur oppositione relativa, deducitur manifeste ex D. Thom. in 1. enim ad Anibal dum dist. 30. q. unica, art. 1. ad 3. loquens de termino relationis ait: *Per minus non potest intelligi, nisi sub opposita habitudine.* Et probatur quia in divinis relativum, & terminus relationis, Pater ver. g. & Filius realiter opponuntur, & non nisi oppositione relativa, in eo enim solum distinguuntur realiter, in quo opponuntur, & non distinguuntur realiter, nisi relative: ergo oppositio relativa, est propria inter relativum, & terminum formaliter relationis.

5 Nec valet dicere cum authoribus oppositæ sententiæ, quod relatiuum, & eius terminus solum opponuntur, quia distinguuntur realiter, & incompatible est in eodem respectu eiusdem, esse relatiuum, & terminum. Non autem opponitur proprie relatiue. Non, inquam, id valet, quia distinctio, & incompatibilitas communis est omni oppositioni, & nõ potest de facto inueniri, nisi determinata ad aliquam speciem oppositionis: ergo cum distinctio, & incompatibilitas inter relatiuum, & eius terminum conceditur, debet determinate assignari ratione cuius speciei oppositionis habeant eam incompatibilitatem, & cū illā nõ habeant ratione oppositionis priuatiuæ contradictoriæ, aut contrariæ, restat quod illam habeat ratione oppositionis propriæ relatiuæ. §. Confir. nam duæ relationes realiter distinctæ, v.g. relatio in Petro albo paternitatis ad suum filium, & similitudinis ad alterum album, sunt relationes realiter distinctæ. Et tamen non sunt in eodem subiecto incompatibiles, quia adinuicem nõ sunt oppositæ: ergo ratio relatiui & ratio termini ideò sunt in eodem subiecto incompatibiles, quia sunt relationes oppositæ, ac perinde vt relatiuum & terminus opponantur, sicut in relatiuo ponitur relatio: ita & in eius termino debet poni, vt ratio terminandi relatio, relationi alterius extremi opposita.

6 Tertio prob. conclus. quia vniuersaliter omnia relatiua predicamentalia

& eorum termini formaliter, vt termini illorum sunt, debent esse simul natura. Sed si terminarentur formaliter ad aliquid absolutum; non essent simul natura: ergo nullum relatiuum formaliter terminatur ad absolutum, sed omnia formaliter ad relatiuum. Maior praterquamquod expressa est Aristotelis hic, & D. Tho. pluribus in locis, vt postea videbimus, probatur, quia vt aliqua sint simul natura, vt optime aduertit noster Author Ss. M. Soto in expositione tex. 5. huius cap. duæ conditiones necessario requiruntur. Prima, quod mutuo se inferant, & interimant; ita vt si vnum est, & alterum sit, & si vnum non est, non sit alterum. Secunda, quod vnū nō sit causa alterius, quia inter causam, & effectum semper est prioritas; & ita vt aliqua sint simul natura, vnum debet esse causa alterius. Sed vtrique conditio interuenit inter quodlibet relatiuum predicamentale, & suum terminum, formaliter, vt terminus illius: ergo sunt simul natura. Minor probatur, quia se mutuo inferunt, & mutuo se interimunt, quia si est pater, est filius, & si est filius, est pater, & si nō est filius, non est pater, & vnum non est causa alterius, quia quamuis relatiuum, & terminus pro fundamento possint inter se comparari, vt causa & effectus; tamen cum relatiuum (vt diximus) respiciat terminum formaliter, vt purum terminum, non comparantur adinuicem, vt causa, nec vt effectus, Minor autem principalis pro-

Quaestio XXIII. 981

probat, quia in quodlibet termino relationis, quidquid absolutum reperitur est prius natura relatione illius, quod ad ipsum terminatur: ergo si relatiuum terminaretur formaliter ad absolutum, relatiuum & terminus non essent simul natura. Antecedens probatur, quia ad resultantiam relationis in aliquo praerequiritur fundamentum, & terminus quoad omne absolutum, quod terminus includit, cum relatio resultet ad positionem fundamenti, & termini: ergo totum absolutum, quod est in termino relationis est prius natura ipsa relatione alterius extremi. §. Confirmatur exemplis, nam totum absolutum, quod est in termino, v.g. paternitatis, est filium esse genitum. Sed prius natura est, filium esse genitum, quam quod intelligatur relatio paternitatis in patre: imò ideo refertur pater relatione paternitatis ad filium, quia genuit filium, & filius est genitus ab illo; & totum absolutum, quod est in termino relationis albi est albedo. Sed albedo in termino relationis est prior natura ipsa relatione, & ideo in me resultat relatio similitudinis ad Petrum v.g. quia in me est albedo, & in Petro est albedo: ergo totum absolutum, quod in termino relationis reperitur est prius natura ipsa relatione.

7. Ultimo tandem probatur conclusio, quia relationes diuinae formalissime terminantur ad relatiuum: ergo omnis relatio etiam creata formaliter ad relatiuum ter-

— ~~mi~~ mi-

minatur. Antecedens probatur, quia sub ea ratione formali in diuinis filius, v.g. terminat relationem paternitatis, sub qua realiter à patre distinguitur, & realiter parti opponitur; cum eiusdem omnino realiter ad se ipsum non possit esse relatio realis: sed filius realiter distinguitur à Patre, realiterque illi opponitur formalissime ratione relationis, & non ratione alicuius absoluti, quia in omni absoluto filius, & pater diuinus nullatenus distinguuntur aut opponuntur: ergo ratione relationis, & non ratione alicuius absoluti filius terminat relationem patris. Prima autem consequentia probatur, quia relationes diuinæ, & relationes creatæ quantum ad hoc quod est referri ad terminum, & terminare relationem, licet vniuoce non conueniant, quia in præscindibilis est à tali proprio relationis conceptu ratio entis creati, aut increati, tamen eodem modo se habet vtraque relatio ad suum terminum; ergo sicut hæc non terminatur formaliter ad absolutum, sed ad relatiuum, sic nec illa. Imò ex propria ratione terminandi relationes creatas ad suos terminos manu ducimur ad cognoscendum, qualiter relatione diuinæ ad suos terminos terminentur.

8. Nec valet dicere, quod quia in diuinis non datur aliquid absolutum, cum quo, v.g. non identificetur paternitas, non est aliquid absolutum ad quod possit relatio paternitatis terminari; cum nullum
rela-

relativum possit referri realiter, nisi ad terminum realiter distinctum; in creatis autem, quia in termino relationis absolutum quod importat distinguitur realiter ab altero extremo, bene potest alterius extremi relatio terminari ad aliquid absolutum. Non, inquam, id valet, quia ideo in divinis absolutum non distinguitur à relativo, quia relativum ex propria ratione non terminatur formaliter ad illud: ergo ex propria ratione relationis, ut communis creatæ, & increatæ habetur, quod relativum non terminetur formaliter ad absolutum, sed ad relativum, indeque perinde deducatur, quod in divinis solum relativa realiter distinguantur, & realiter opponantur, quia relativa ex proprio conceptu communi relationis, non nisi ad relativum formaliter terminantur.

9 Obijcies primo, quod terminus relationis formaliter, ut terminus illius debet esse prior ipsa relatione. Sed relatio, quæ ex parte termini alicuius relationis ipsi relationi correspondet, non potest esse prior illa: ergo ratio terminandi aliquam relationem in termino non potest esse relatio, sed aliquid absolutum, ac perinde relativum non terminatur formaliter ad relativum, sed ad absolutum. Minor cum consequentia patet, & maior probatur, quia terminus alicuius relationis formaliter, ut terminus illius est, specificat ipsam relationem: ergo est prior natura quam illa: omne enim specificativum cum sit

984 *Lib. 7. de predicamentis*

fit causa formalis extrinseca specificati, debet esse prius natura specificato; cum omnis causa in eo, quod causa sit prior natura suo effectui. §. Confirmatur, quia relatio realiter resultat ad positionem fundamenti, & termini: ergo sicut fundamentum cuiuslibet relationis est prius natura, quam illa; ita etiam & terminus illius. Sed, ut ostenditur in argumento, relatio in termino alicuius relationis respondens non est prior, cui correspondet: ergo in termino ratio terminandi relationem non est relatio, sed aliquid absolutum, ad cuius positionem, & positionem fundamenti resultet in altero extremo relatio.

io Respondetur ad argumentum dupliciter. Primo, quod cum dicitur, relationem specificari a suo termino, non intelligitur specificari a termino formaliter, ut terminante, quia ut sic est purus terminus, & non causa etiam formalis specificans relationem: Sed terminus specificat relationem, ut fundamentaliter est terminus, & ita solum sequitur, quod ut sic sit prior relatione, quam specificat, non autem quod ut formaliter illam terminat, sit prior illa, quia ut sic non illam specificat, sed pure illam terminat. §. Secundo respondetur quod etsi terminus relationis formaliter, ut terminus, ac perinde, ut formaliter relatiuus specificet relationem; non tamen est prior illa, quia talis specificatio proprie non est in genere ali-

Quaestio XXIII. 985

alicuius causae; quia taliter specificatum non est à quo relatio habeat esse, sed in ordine ad quod habeat esse; specificatum autem quod respectu specificati est causa formalis licet extrinseca, est, à quo specificatum habet esse, non autem id, in ordine ad quod ut ad purum terminum habet suum esse relatio §. Ad confirmationem respondetur quod terminus relationis formaliter, ut terminus illius est, nullatenus praesupponitur ad resultantiam ipsius relationis, sed sunt omnino simul natura; cum autem dicitur, quod ad positionem huius fundamenti, & termini resultat relatio, intelligitur ad positionem termini fundamentaliter sumpti, & ut est in ipso termino fundamentum relationis, vel saltem terminationis, non quidem ob id quod terminus sic fundamentaliter sumptus sit causa resultantiae relationis in altero extremo, sed quod sit conditio praerequisita, ut ad fundamentum relationis in altero extremo existens ipsa resultet relatio; non tamen praerequitur ad resultantiam relationis terminus formaliter, ut illam terminans; quia ut sic est simul natura cum ipsa relatione.

II Obijcies secundo, quod cum totum esse relatiui sit in ordine ad terminum, ut terminus illius est, relatiuum si essentialiter definiatur, necessario debet definiri in ordine ad suum terminum: essentia enim cuiuscumque in ordine ad illud definitur, & explicatur, in ordine ad quod

986 *Lib. 7. de prædicamentis*

constituitur. Sed relatiuum non potest defini-
 ri per terminum, vt formaliter relati-
 uum est: ergo formaliter non est terminus,
 vt formaliter relatiuum, sed sub aliqua ra-
 tione absoluta. Minor multipliciter pro-
 batur. Primo, quia quidquid definitur,
 debet defini per aliquid sibi notius, alias
 per definitionem non explicaretur defini-
 tum. Sed vnum relatiuum formaliter, vt
 relatiuum non est notius altero: alias cum
 etiam hoc relatiuum per alterum relati-
 uum formaliter sumptum debeat defini-
 ri, idem respectu eiusdem esset notius, &
 ignotius. §. Secundo probatur, eadem
 minor, quia alias sequeretur, dari circuli-
 tum in huiusmodi definitionibus relatiui-
 rum, sed circulus in nullius rei definitio-
 ne debet admitti: ergo vnum relatiuum
 non debet defini per alterum formaliter
 relatiuum. Maior patet, quia circulus est,
 in definitione vnum relatiuum defini-
 ri formaliter per alterum relatiuum: & hoc
 defini per illud. Minor autem proba-
 tur, quia circulus in definitionibus vni-
 uersaliter videtur reijcere Aristoteles 9.
 topicorum cap. 3. & specialiter in defini-
 tionibus relationum etiam illum videtur
 reijcere 3. metaphisicæ, cap. 15: dicens:
*Similiter & visus cuiusdam est visus, non
 excus est visus, (& si verum est hoc dicere)
 sed ad colorem, aut aliquid aliud tale: illo
 vero modo bis idem diceretur. In quo vide-
 tur dicere, quod visus non debet defini-
 ri ad visibile, sed ad colorem, vt videtur*
 cir-

Questio XXIII. 987

circulus definitionis. 5. Tercio eadem minor probatur, quia iuxta præceptum Aristotelis 2. topicorum, cap. 2. loco alicuius positi in aliqua definitione potest poni eius definitio, ut in definitione hominis loco animalis potest poni ipsius animalis definitio, & sicut definitur homo, quod sit animal rationale, posset definiri quod sit viuens sensibile rationale: ergo si in definitione vnius relativi ponatur eius formaliter correlatiuum, loco illius posset poni ipsius correlatiui definitio, id autem est falsum: alias definitio redderetur negatoria; & idem esset dicere, Pater est, qui refertur ad filium; ac dicere, Pater est qui refertur ad eum, qui refertur ad Patrem. Ne igitur hoc dicatur, dicendum videtur, quod in definitione relativi non debet ingredi alterum formaliter relatiuum. Quarto denique probatur eadem minor, quia D. Thom. 1. par. quest. 25. art. 3 in corpore negat, Deum dici omnipotentem, quia potest omnia quæ potest, quia alias daretur circulatio vitiosa in manifestatione omnipotentia: sed similis daretur circulario in definitione relativi, si definiretur per aliud relatiuum formaliter; esset enim dicere, Pater v.g. est qui habet filium; id est qui habet eum qui habet patrem: ergo ne committatur eadem circulatio vitiosa in definitione relativi, non debet definiri vnum relatiuum per aliud formaliter relatiuum.

12 Respondetur ad argumentum,

con-

concedendo maiorem propter rationem, qua ibi probatur. Vnde neganda est minor. Ad cuius primam probationem dico, quod non oportet, quod omnia quę aliquam definitionem ingrediuntur sint nouiora definito, sed sufficit, quod sit notius illud, quod ponitur vt pars intrinseca definitionis, non autem quod, ponitur, vt terminus extrinsecus qualiter solum ponitur in definitione alicuius relatiui eius formaliter correlatiuum. §. Ad secundam probationem respōdetur, quod circulus in definitione non vniformis, & sub diuersa ratione, non est vitiosus, cum autem committitur circulus in definitione relatiuorum non est omnino vniformis. Quia cum definitur aliquod relatiuum per suum correlatiuum, ponitur correlatiuum non formaliter vt relatiuum, sed sub conceptu inadæquato relationis, scilicet vt terminans relationem alterius, & cum postea hoc relatiuum volumus definire per alterum relatiuum, hoc sumimus sub conceptu relatiui, & alterum sub conceptu terminantis relationem huius, & sic circulus in talibus definitionibus non est omnino vniformis, ac perinde nec vitiosus. Et licet, nec hunc circulum in definitionibus non relatiuorum admittat Philosophus, quia illa definiuntur per ea quę simpliciter sunt priora definito, illum non negat in definitione relatiuorum, vtpote quę constituuntur in ordine ad ea quę sunt simul natura & cognitione cum illis. Nec

Quaestio XXIII. 989

in verbis adductis ex 3. metaphisicæ intendit Philosophus, quod visus non definiatur in ordine ad visibile, sed quod non definiatur in ordine ad potetiam visivam, cuius est visus, quia cum relativa prædicamentalia, qualis est visus, ut sic non dicantur in ordine ad subiectum, sed in ordine ad terminum, non debent definiri per ordinem ad subiectum, sed per ordinem ad terminum: alias bis dicerentur relative, & hoc modo explicant prædictum testimonium Philosophi D. Thomas ubi Averroes & Avicena. §. Ad tertiam probationem respondetur: quod præceptum Philosophi solum intelligitur in his, quæ ingrediuntur definitionem, ut partes intrinsecæ, non autem de his quæ ut termini extrinseci, in ordine ad quos constituitur definitum, eius definitionem ingrediuntur. Et quia sic solum ingreditur in definitione relativi eius correlativum, non licet loco illius ponere illius definitionem: alias (ut bene probat argumentum) redderetur nugatoria definitio. §. Per hoc denique patet ad ultimam probationem: non enim intendit D. Thomas, quod omnipotentia non explicetur, & quasi definiatur per ordinem ad suum correlativum, scilicet ad possibilia, sed quod non fiat definitio nugatoria dicendo, quod Deus est omnipotens, quia potest omnia quæ potest, sed quod est omnipotens, quia potest omnia possibilia, id est quæ non implicant contradictionem.

13 Obij-

13 Obijcies tertio . Quod si aliqua relatio terminaretur formaliter ad relatiuum , maxime relationes primi & secundi ordinis ; sed illæ non . Ergo nulla . Minor probatur . Nam album , v.g. refertur ad nigrum relatione dissimilitudinis . Sed non refertur ad tale nigrum formaliter vt relatiuum per alteram relationem dissimilitudinis . Ergo refertur ad illud præcisse quatenus nigrum ; ac perinde in illo ratio terminandi relationem dissimilitudinis albi ad ipsum non est aliqua relatio , sed præcisse sua nigredo . Ergo formaliter terminat relationem dissimilitudinis ratione alicuius absoluti ; ac perinde vt formaliter absolutum . Minor probatur . Quia album relatione dissimilitudinis refertur formaliter ad nigrum vt sibi dissimile . Sed nigrum non est dissimile albo in relatione dissimilitudinis , quam etiam habet ad illud , cum porius in tali relatione conveniat cum albo , siquidem , vtrumque similem habet relationem dissimilitudinis , sed solum est dissimile albo in sua nigredine . Ergo album relatione dissimilitudinis refertur ad nigrum formaliter vt nigrum , & nigrum ratione suæ nigredinis terminat formaliter relationem dissimilitudinis albi ad ipsum .

14 Respondetur negando minorem . & ad probationem negatur similiter , quod album referatur ad nigrum formaliter sub ratione nigri ; quia vt sic nigrum solum est dissimile albo fundamentaliter , sed

Questio XXIII. 991

refertur ad nigrum, ut nigrum ratione, etiam suæ relationis dissimilitudinis terminat relationem dissimilitudinis albi ad ipsum. Immo album & nigrum solum ut formaliter vtrumque habet suam relationem dissimilitudinis, dicuntur formaliter dissimilia. Vnde ad huius improbationem, quæ in æquiuocatione consistit. Respondetur, quod licet vtrique relatio dissimilitudinis, quæ est albi ad nigrum, & quæ est nigri ad album sit adinuicem, similis, ut quod, quia vtrique est eiusdem rationis & denominationis, & ob id non solum sunt relationes mutue, sed & æquiparantur; tamen vtrique talis relatio est dissimilis ut quo, & facit subiectum, cui inest, dissimile formaliter subiecto, cui in est altera relatio.

18 Obijcies quarto specialiter ad probandum, quod saltem relationes non mutue, ut in creatura relatio seruitutis ad Deum, & relatio maternitatis Beatæ Virginis ad Christum non terminentur, formaliter ad relatiuum, sed ad absolutum: quia à parte rei & ante omnem operationem intellectus dantur formaliter tales relationes, utpote relationes reales. Ergo à parte rei habent terminum formaliter, ad quem terminentur: relatio enim formaliter, non potest non habere terminum formaliter. Sed à parte rei & ante omnem operationem intellectus nulla eis in termino correspondet relatio. Ergo terminantur formaliter ad absolutum. Minor

Si

sub

sub sumpta probatur. Quia non correspondet eis in termino aliqua relatio realis, ut suppono: alias relatio alterius extremi non esset non mutua, & incapax est Deus propter sui immutabilitatem alicuius ex tempore relationis realis, & similiter Christus incapax est relationis realis filiationis ad suam matrem, ut docet D. Thomas 3 par. qu. 35. art. 5. & quamvis in Deo sit relatio rationis dominij ad creaturas, & in Christo relatio filiationis, quæ sit relatio rationis ad suam sanctissimam matrem; huiusmodi tamen relationes rationis non dantur formaliter ante operationem intellectus: & ut ad Christum, & Deum terminentur prædictæ relationes reales, nulla eis ex parte termini correspondet relatio.

16. Ad hoc argumentum, quod est præcipuum in hac difficultate, respondent aliqui, quod ens rationis existit per existentiam sui fundamenti, & ita cum antecedenter ad operationem intellectus existat fundamentum relationis dominij in Deo, & filiationis in Christo, id sufficit, ut existat ipsa relatio rationis: ac perinde quod relatio creaturæ ad Deum & relatio maternitatis Beatæ Virginis ad Christum non terminetur formaliter ad absolutum, sed ad formaliter relativum per relationem rationis formaliter existentem per existentiam sui fundamenti. §. Sed sup. id impugnauimus: unde non possumus admittere; quod in Deo, & in Christo

sto à parte rei, & antecedenter ad omnem operationem intellectus formaliter tales existant relationes rationis. §. Nec potest dici, quod antecedenter ad omnem operationem intellectus prædictæ relationes reales creaturæ ad Deum, & Beatæ Virginis ad Christum solum habeant terminum fundamentaliter, quia cum sint relationes formaliter, & præcisa omni operatione intellectus formaliter Beata Virgo dicatur mater, & homo dicatur formaliter servus, non possunt tales relationes non habere terminum formaliter. Aliter ergo proposito argumento debemus occurrere.

17 Dicendum igitur est cum Caietano 1. p. q. 13. art. 7. & alijs pluribus Thomistis, quod à relatione exiliente in creatura Deus denominatur formaliter licet extrinsece Dominus (& proportionabiliter dico de denominatione extrinseca filiationis in Christo à relatione maternitatis exilientis in eius sanctissima Matre) & cum talis denominatio licet extrinseca proveniat à forma relativa terminum sic denominatum constituit formaliter licet extrinsece relatum: & cum ut sic terminet relationem alterius extremi, non terminat illam sub aliqua ratione absoluta, sed potius ut formaliter relatum; cū hac tamen differentia ad terminum relationis mutue, quod ille terminat relationem nō solum formaliter, sed ut intrinsece relatum, hic vero ut extrinsece licet forma-

liter relatiuum . Hoc tamen sufficit vt verificentur de illo omnia , quæ ad terminũ formaliter relationis diximus , formaliter esse requisita , nempe quod sit simul natura cum suo correlatiuo : quod ingreditur formaliter illius definitionem & quod respiciatur ab illo , vt purus terminus ; nullumque istorum haberet , si ratione alicuius absoluti relationem terminaret .

¶ Huiusmodi autem doctrina expressè colligitur ex Aristotele , & D. Thomæ , Angelicus enim Doctor 1. part. quæst. 13. art. 7. ad 4. ait : *Nec est inconueniens , quod à relationibus realiter existentibus in re Deus denominetur : tamen secundum quod eo intelliguntur per intellectum nostrum opposita relationes in Deo , vt sic dicitur relatiue ad creaturam , quia creatura refertur ad ipsam , sicut Philosophus dicit in 5. Metaphisicæ , quod scibile dicitur relatiue , quia scientia refertur ad ipsum .* Et in solutione ad 5. eiusdem articuli ait : *Quod sum ex ratione refertur Deus ad creaturam , quia creatura refertur ad ipsum , cum relatio subiectionis realiter sit in creatura , sequitur quod Deus non secundum rationem tantum , sed realiter sit Dominus : eo enim modo dicitur Dominus , quo creatura ei subiecta est .* Hic etiam consonat quæ conformiter ad ista idem S. Doctor 3. p. q. 38. art. 5. in corpore explicans , qualiter licet in Christo non sit relatio filiationis ad suam sanctissimam Matrem , quia cum relatio filiationis denominet suppositum , suppositum Christi

Quæstio XXIII. 995.

utpote æternum incapax est relationis realis ex tempore ei advenientis; tamen Christus dicitur realiter filius relatione maternitatis existente in sua Sanctissima Matre, hæc habet verba: *Dicitur tamen relative filius ad Matrem relatione, quæ cointelligitur relationi maternitatis ad Christum, sicut etiam Deus dicitur dominus relatione, quæ cointelligitur reali relationi, quæ creatura subijcitur Deo. Et quamvis relatio dominij non sit realis in Deo, dicitur tamen realiter Dominus ex reali subiectione creatura ad ipsum: & similiter Christus dicitur realiter filius Virginis matris ex relatione reali maternitatis ad Christum. Hæc D. Thom. in quo, & in præcedentibus testimonijs totam huius nostræ solutionis doctrinam confirmat.*

18 Aduersus eandem tamen solutionem aliqua se offerunt. Primo, quod esto admitteretur Deum, per id quod terminet relationem creaturæ realiter licet extrinsece denominari Dominum, & quod talis denominatio, utpote à forma relatiua proveniens, ipsum constituat formaliter licet extrinsece relatiuū; adhuc tamen non sequitur, quod talē relationē creaturæ Deus terminet ratione alicuius relatiui, sed potius ratione alicuius absoluti. Quod sic probatur quia prius intelligitur Deū terminare relationem creaturæ, quam quod à tali relatione creaturæ denominationem accipiat, per quam formaliter licet extrinsece constitutatur in ratione relatiui: ergo

996 *Lib. 7. de predicamentis*

cum antecedenter ad talem denominationem Deus, nec intrinsece, nec extrinsece intelligatur constitutus in ratione relatiui, cum antecedenter ad talem relationem intelligitur terminare relationem, naturæ creatæ non potest intelligi terminare illā ratione alicuius relatiui, sed solum ratione alicuius absoluti. Antec. prob. quia ideò accipit Deus denominationem formalem licet extrinsecam à relatione existente in creatura, quia eandem relationem terminat, sicuti ideò accipit paries denominationem extrinsecam visi à visione existente in potentia visiva, quia eandem visionem terminat: ergo sicut prius intelligitur in pariete terminare visionem, quam denominari à visione, prius intelligitur in Deo terminare relationem creaturæ, quam ab eadem relatione denominationem aliquam formalem licet extrinsecam accipere.

19 Secundo aduersus eandem solutionem obijcies, falsum esse, quod Deus ex eo, quod relationem realem terminet creaturæ, aliquam ab illa denominationem accipiat. Falso igitur prædicta solutio nititur fundamento. Antecedens probatur, primo ex doctrina D. Thom. 2. Contragentes c. 13. constituentis differentiam inter relationem, & alias formas absolutas, quod à relatione: non potest denominari aliquid extrinsece, ita enim alferit: *A relatione non inuenitur aliquid denominari, quasi exterius existente, sed inherente*

Quæstio XXIII. 997

rente : non enim denominatur aliquis pater nisi à paternitate , quæ ei inest : §. Secundo probatur idem antecedens , nam ex eo , quod filius v. g. relationem terminet patris , nullam ab ipsa relatione paternitatis denominationem accipit vel extrinsecam : ergo ex eo , quod realiter terminet relationem creaturæ , nullam à relatione creaturæ accipit vel extrinsecam denominationem , Consequentia patet , quia non minus filius relationem terminat paternitatis , quam Deus relationem creaturæ . Antecedens autem probatur , quia filius à relatione paternitatis existente in patre non potest denominari filius , alias bis diceretur filius , à filiatione videlicet intrinsece sibi inhaerente , & à relatione paternitatis , quam terminat , nec potest denominari pater , nec est alia extrinsecabilis denominatio , quam filius à paternitate existente in patre accipiat : nullam erga ab illo accipit denominationem .

20 Ad primam tamen objectionem , respondetur negando illius assumptum . & ad probationem negatur antecedens ; cum enim denominatio , quam accipit Deus à relatione creaturæ non sit alia : quam denominatio terminantis talem relationem , talis denominatio nullatenus intelligitur posterior , sed omnino simul cum tali terminatione . Nec est omnino simile de denominatione visû in patiente ; quamvis enim admittamus , illam esse posteriorem terminatione visionis , quæ non

S l 4 est

998 *Lib. 7. de predicamentis*

est formalissime denominatio terminantis visionem, sed altera denominatio à terminatione visionis procedens; denominatio tamen quā Deus accipit à relatione creaturæ, quia est formalissime denominatio terminantis relationem, non est vllatenus posterior, sed omnino simul cum ipsa terminatione relationis.

21 Ad secundam obiectionem negatur antecedens. Et ad primam probationem, vt explicemus testimonium illud difficile D. Thomæ, est aduertendum, quod relatio habet duplicem inadæquatū conceptum; alterum referendi ad aliud, alterum terminandi relationem alterius. Et quidem relatio existens, in creatura non denominat, nec extrinsece Deum, secundum vtrumque talem conceptum, quia non fecit Deum referri ad creaturam: facit tamen illum terminum relationis. Et ita cum Diuus Thomas in allegato testimonio asserit, quod à relatione non inuenitur aliquid denominari, quasi exterius existente, intelligitur quod nihil denominetur extrinsece à relatione secundum adæquatū conceptum relationis: non vero quod non denominetur aliquid extrinsece à relatione secundum inadæquatū illius conceptum, scilicet secundum conceptum terminandi: alias D. Thomas esset sibi contrarius his, quæ asserit in testimonijs ad confirmationem solutionis adductis. Et in hoc sufficiens distinctio saluatur inter relationem
tio-

tionem, & formas absolutas, aliquæ enim illarum secundum adæquatum conceptum, quem explicat, possunt aliquid extrinsece denominare, ut actio secundum adæquatum conceptum, quem explicat, extrinsece denominat agens; relatio autem non solum secundum conceptum in quem includit, licet non explicet, sed nec secundum adæquatum conceptum, quem explicat, potest aliquid extrinsece denominare, sed solum secundum conceptum inadæquatum terminandi, ut explicuimus. Ad secundam eiusdem antecedentis probationem resp. conced. anteced. negando consequentiam: cum enim in eo instanti naturæ, quo intelligitur filium terminare relationem paternitatis, intelligatur in ipso relatio intrinseca filiationis, in eadem intelligatur per ipsam relationem filiationis relationem paternitatis terminare non est capax alicuius denominationis extrinsecæ à relatione paternitatis existente in patre provenientis; quia in conspectu denominationis intrinsece similis denominatio extrinseca, utpote superflua, non habet locum; in Deo autem, quia à parte rei, & anteoperationem intellectus relationi reali creaturæ non correspondet aliqua relatio intrinseca, locum habet denominatio extrinseca à relatione creaturæ proveniens, ut per illam realiter denominetur dominus. Et hanc solutionem insinuavit Divus Thomas cum in testimonio adducto ex cap. 13. lib. 2.

1000 *Lib. 7. de predicamentis*

Contragentes asserit, quod non denominatur aliquis pater, nisi à paternitate, quæ ei inest.

22 Consonat doctrinæ traditæ Diu Thom. q. 7. de potentia art. 10. ad 4. ubi dicit, tria reperiri in Deo, vt denominetur Dominus, potestatem scilicet coercitiuam creaturarum, ordinem siue respectum dominij ad ipsas creaturas & terminationem subiectionis, siue seruitutis creaturarum, ex quibus primum, & tertium, inquit D. Thom. realiter saluari in Deo; secundum verò, scilicet ordinem dominij, solum resultare in illo per operationem intellectus, in quibus D. Thom. concedit in Deo realiter, & ante operationem intellectus esse terminum relationis creaturarum, qui est conceptus in adæquatus relationis, & quem habet Deus à relatione existente in creatura; negat tamen in illo aliud munus relationis, scilicet referendi ad creaturas.

23 Quinto principaliter obijcies, quod relatiua non mutua non sunt simul natura: ergo non terminantur formaliter ad relationem. Conseq. prob. quia si terminus relationis non mutua, formaliter vt terminus, esset relationis denominatione, vt diximus, extrinsecus proueniente à relatione alterius extremi, esset in ratione relatiui simul natura cum altero extremo: ergo si relatiua non mutua non sunt simul natura, consequens est, quod relatio realis vnius extremi non terminetur formaliter

liter ad relatiuum. Antecedens autem videtur expresse deduci ex Aristotele, & D. Thom. Aristoteles enim in hoc c. de relatione tex. 5. cum assignasset ad relatiuorum proprietatem, quod sint simul natura, manifeste illam videtur coarctare ad relatiua mutua. Afferit enim: *Videtur autē ipsa ad aliquid simul esse natura, & in pluribus quidem verū est, in aliquibus vero non verū.* Et cum dicit in aliquibus relatiuis id non esse verū, solum potest loqui de relatiuis non mutuis. Et D. Th. 1. p. q. 13. ar. 7. ad 7. loquens de relatiuis ait: *Si autem unum in sui intellectu claudat aliud, & non ē conuerso, tunc non sunt simul natura, & hoc modo se habent scientia, & scibile.* Et q. 7. de potentia art. 8. ad 1. expresse docet, quod licet relatiua mutua sint simul natura, non tamen relatiua non mutua.

24 Respondetur, negando antecedens; & ad probationem dico, Aristotelem non intendere aliqua esse relatiua, quæ non sint simul natura; sed solum, quod sicut dixit; quod licet omnia relatiua, si recte assignentur, debent dici ad conuertentiam; aliqua tamen, secundum quod non recte assignantur, videntur non dici ad conuertentiam; ita etiam licet omnia in vniuersum relatiua prædicamentalia, si recte assignentur, sint simul natura; aliqua tamen secundum quod non recte assignantur, non sunt simul natura. Ad vtrumque autem testimonium D. Thomæ

1002 *Lib. 7. de prædicamentis*


respondetur, solum intendere, quod relatiua non mutua non sint simul natura quoad munus referendi, quia cum relatione reali vnius extremi potest non esse simul in altero extremo aliqua relatio, per quam ad suum correlatiuum referatur, non tamen negat D. Thomas, quod omnia relatiua etiam non mutua debent esse simul natura saltem quoad munus terminandi relative relationem alterius correlatiui hoc enim solum modo sunt simul natura relatiua non mutua: quod etiam modo non essent simul natura, si ratione alicuius absoluti relationem formaliter terminarentur: quia quidquid absolutum est in termino cuiuslibet relationis, est prius natura ipsa relatione.

25 Ultimo tandem obijcies, quod si omnis relatio prædicamentalis terminaretur ad relatiuum, relatio vt abstrahit ab omni relatione, & vt est genus generalissimum in prædicamento relationis, etiam terminaretur ad relatiuum, Sed id est impossibile: ergo non omnis relatio terminatur ad relatiuum. Maior prob. quia quod conuenit essentialiter omni inferiori, conuenit etiam rationi superiori, vt ab omnibus inferioribus abstractæ: ergo si omni relationi conuenit essentialiter terminari ad relatiuum, etiam id conuenit relationi in communi, quæ est genus generalissimum. Minor autem probatur, quia relationi in communi non potest correspondere in suo termino aliqua relatio, vt

terminetur ad relatiuum : talis enim relatio non posset esse neque superior, neque inferior, neque æqualis relationi incommuni. Non enim superior, neque inferior, quia alias non dicerentur ad cōuertentiam cum relatione in communi, nec potest esse illi æqualis, quia alias darentur duo genera generalissima in prædicamento relationis, siquidem daretur duplex relatio, quarum vna sub altera essentialiter non contineretur, ergo relatio incommuni non terminatur ad relatiuum.

26 Licet hoc argumētum aliquos immerito urgeat, facile illud respondetur, quod cum referri in exercitio ad terminum sit actus realis, & reale exercitium relationis, non potest competere relationi, nisi existenti à parte rei, ac perinde nisi determinata ad aliquam speciem, & indiuiduum, Vnde cum relatio incommuni, vt abstrahit ab omni relatione, & vt est genus generalissimum, solum sit abstracta reperiatur in intellectu, vt sic abstracta ad nullum terminum in exercitio refertur, aut terminat iri; sed solum habet pro prædicato essentiali, quod petat referri ad relatiuum : cuius tamen relationis exercitium, non nisi in specie de terminata : immò & in indiuiduo relationis ei competere potest. Et ita cum non concedamus relationem incommuni, & ab omnibus relationibus abstractam in exercitio referri ad aliquem terminum, nec tenemur cōcedere dari aliquem termi-

num in communi relationis, aut aliquam
relationem per quam in ratione termini
constituatur.



QVÆSTIO XXIV.

*A quo desumatur unitas formalis,
& numerica relationis.*

Licet circa primam huius quæstionis
partem aliqui, plusquam oportet,
in diuersis referendis & impugnandis sen-
tentijs demorentur, breuiter tamen & re-
solutorie est dicendum, quod unitas for-
malis relationis, generica videlicet, &
specifica ab unitate formali termini for-
maliter sumitur; radicaliter tamen & cau-
saliter ab unitate formali fundamenti.
Conclusionem quoad vtramque partem
infirmit sæpius D. Thomas, dum aliquan-
do asserit unitatem formalem relationis à
fundamento, aliquando vero asserit, ab
unitate termini esse desumendam, quod
non aliter melius, quam per præsentem
conclusionem conciliatur, imò eodem for-
san modo possunt etiam conciliari plures
authores qui in hac parte videntur con-
trariari. Sed quidquid sit de eorum men-
te, pro explicatione conclusionis est ad-
uertendum, quod cum dicimus, unitatem
formalem relationis radicaliter à funda-
mento, & formaliter à termino esse desu-
men-

mendam, non accipimus fundamentum, & terminum materialiter, sed formaliter in ratione formali fundamenti, & termini: idem enim materialiter fundamentum secundum diuersas rationes formales diuersas formaliter relationes potest fundare; & idem materialiter terminus secundum diuersas rationes formales potest relationes diuersas terminare.

2. Hoc ergo supposito, prima pars conclusionis probatur, quia omne quod essentialiter dicit ordinem ad aliud, ab unitate, vel diuersitate formali illius ad quod dicit ordinem, formaliter accipit suam unitatem, vel diuersitatem formalem. Sed relatio non solum dicit ordinem ad aliud, scilicet ad suum terminum, sed totum esse relationis est ad aliud se habere: ergo suam unitatem, vel diuersitatem formalem accipit formaliter ab unitate, vel diuersitate formali sui termini. Minor cum consequentia patet. Maior autem & exemplis, & ratione probatur, exemplis quidem in motu, qui eo quod ordinatur ad terminum ad quem, ab illo formaliter suam accipit unitatem, vel diuersitatem formalem, & in omnibus actibus habituum, & potentiarum: qui cum essentialiter ordinentur ad suum obiectum, ab unitate, vel diuersitate formali obiecti suam formalem unitatem, vel diuersitatem formaliter accipiunt. Ratione autem eadem maior probatur, quia id ad quod aliquid essentialiter ordinatur, habet se

se ut proprius finis illius. Sed unum quodque a suo proprio fine formaliter specificatur: ergo omne quod ad aliud essentialiter ordinatur, ab illo, ad quod ordinatur, accipit formaliter suam specificationem, & unitatem, vel diversitatem formalem.

3. Secunda autem pars conclusionis etiam probatur, quia terminus relationis formaliter est idem vel diversus diversitate, vel unitate fundamentaliter, & causaliter orta ex unitate, vel diversitate formali fundamenti, & in ipsum terminum formaliter refusa: ergo ab unitate, vel diversitate fundamenti causaliter, & fundamentaliter accipit ratio suam unitatem, vel diversitatem formalem. Antecedens probatur, quia idemmet materialiter terminus relationis ideo habet diversam rationem formalem terminandi, & diversam formaliter terminat relationem, quia terminat illam, ut in diverso formaliter fundamento fundatur. Et idem materialiter homo terminat relationem paternitatis sui patris albi, non quatenus fundatur in unitate albedinis, sed in actione, & passione, & terminat relationem similitudinis, quatenus fundatur in unitate albedinis: ergo diversa ratio in eodem materialiter termino ad terminandum predictas relationes formaliter distinctas originatur in diversitate fundamenti, & fundamenti di-

vel

ueritas in ipsum terminum formaliter refunditur.

4 Plura quæ hic congeruntur argumenta ad probandum, à fundamento desumi unitatem, vel diuersitatem formalem relationis, solum conuincunt desumi ab illo fundamentaliter, aut causaliter. & quæ intendunt unitatem, vel diuersitatem formalem relationis desumi à termino, non obstant, quo minus etiam à fundamento causaliter, & fundamentaliter desumatur. Vnde his argumentis, siue ab authoritate, siue à ratione desumantur, omis, vnus vel alterum aduersus conclusionem obijciamus.

5 Obijcies ergo primo, quod relatio non potest specificari à suo termino: ergo nullatenus ab illo potest accipere suam unitatem, vel diuersitatem formalem: vnus quodque etiam ab eo, à quo specificatur, unitatem accipit, vel diuersitatem formalem. Antecedens probatur, quia specificatum intelligitur prius saltem natura suo specificato, sed terminus relationis formaliter in ratione termini sumptus non intelligitur prius natura ipsa relatione, cum relatiua sint simul natura: ergo non potest ipsam relationem specificare.

6 Respond. iuxta duplicem solutionem quaestione præcedenti huic argumento assignatam. Primo, quod cum diximus, relationem desumere unitatem, vel diuersitatem formalem à suo termino, non

ac-

accipimus ipsum terminum materialiter omnino in esse entis, nec formalissime in ratione relatiui, media qua formaliter terminat alterius extremi relationem, sed secundum illam rationem, sub qua fundat talem rationem formaliter terminandi, & ut sic specificat relationem alterius extremi, & est prior natura, quam illa non quidem, ut actualiter illam terminans: quia sic nullum specificatiuum est prius suo specificato, sed utpotens illam terminare. §. Secundo respondetur, quod etiam si accipiamus terminum relationis formalissime sumptum, potest dici, quod etiam sic specificat relationem, & ab illo sic formalissime sumpto accipit relatio formaliter suam unitatem, vel diuersitatem formalem; & hoc absque eo, quod talis terminus, ut sic specificans relationem præcedat, vel prioritate naturæ ipsam relationem, quia cum relatio non respiciat illam tanquam causam, sed tanquam purum terminum; hoc est speciale relationibus, quod specificentur, & accipiant suam unitatem, vel diuersitatem formaliter à suis terminis absque aliqua dependentia causalitatis ab illis; ac perinde absque eo, quod tale sic specificatiuum præcedat, vel prioritate naturæ specificatum. Vnde proprie non dicitur relatio specificare aut accipere unitatem formalem à termino, sed ad terminum, ut à tali specificatione secludamus omnem dependentiam causalitatis.

Quæstio XXIV. 1009

7 Obijcies secundo, quod relationes formaliter distinctæ ad eundem formaliter terminum terminantur: ergo unitas, & diuersitas formalis relationis non sumitur ab unitate, vel diuersitate formali termini. Consequentia patet, quia alias non posset stare diuersitas formalis relationum cum unitate formali termini. Antecedens autem probatur, quia relatio paternitatis in patre, & relatio maternitatis in matre ad eundem filium sunt relationes diuersæ. Et tamen terminus vtriusque relationis est formaliter idem: ergo iam diuersæ formaliter relationes ad eundem formaliter terminum terminantur. Maior probatur, quia cum in sententia Aristotelis, & D. Thomæ pater concurrat ad generationem filij adtiue, & mater solum passiue, diuersum videtur esse fundamentum relationis paternitatis, & maternitatis: ac perinde relationes ipsæ videntur esse formaliter diuersæ, cum (vt diximus) à diuersitate formali fundamenti causaliter diuersitas formalis relationis desumatur. Minor autem probatur, nam sub eadem omnino relatione filiationis terminat filius relationem paternitatis, & maternitatis: ergo terminus talium relationum formaliter, vt terminus illarum est, est idem formaliter. Antecedens est expressum D. Thomæ 3. p. quæst. 35. art. 5. §. Nec potest dici cum aliquibus, quod D. Thom. solum intendit, quod eadē realiter entitatiue correspondet in filio relatio filiationis ad patrem.

&

& matrem, diuersa tamen formaliter est in eo relatio filiationis, qua terminat maternitatem ab ea, qua terminat paternitatem. Ex ratione enim Diu. Thomæ, & ex exemplis quæ adducit, manifeste colligitur non solum realiter entitatiue, sed & vnā & eandem formaliter concedere relationem ad patrem, & matrem; sicut vnā entitatiue, & formaliter concedit relationem in magistro ad plures discipulos, in patre ad plures filios, & in domino ad plures seruos: ergo sub vnica formalissima relatione filius terminat relationem paternitatis, & maternitatis.

8 Respondetur, negando maiorem. Licet enim in patre, & in matre vtpote subiectis realiter entitatiue distinctis duplex sit ad eundem filium realiter entitatiue distincta relatio paternitatis, & maternitatis; tales tamen relationes non distinguuntur formaliter, sed materialiter dumtaxat. Quia etiam si vna fundetur in concursu actiuo patris, & alia in concursu passiuo matris, licet talis concursus in esse entis sit diuersus; in ratione tamen, fundandi tales relationes, vterque est eiusdem rationis formalis, quia vterque est concursus partialis ad eandem generationem passiuam suam ordinatus. Et ita filius patrem, & matrem tanquam vnicum adequatum terminum suæ relationis filiationis respicit. Quod si vnus parentum moriatur, licet ad illum, deinceps non dicat

cat relationem filius: eadem tamen reali relatione prædicamentali, qua terminabat relationem vtriusque parentis, & ad vtrumque parentem referebatur, ad superstitem refertur parentem, sicuti eadem relatione, qua pater referebatur ad plures filios, mortuo aliquo illorum, ad superstitem refertur.

9. Ad secundum autem, quod in quaestione inquirimus à quo videlicet desumatur unitas numerica relationis, facile ex communi doctrina Thomistarum, quam nunc alibi disputandam suppono, quod accidentia accipiunt suam unitatem, vel diuersitatem numericam ab unitate, vel diuersitate subiecti consequenter est dicendum: quod cum relationes reales prædicamentales vere sint accidentia, & vere inhæreant subiecto, ab illius unitate, vel diuersitate suam accipiunt unitatem, vel diuersitatem numericam. Aduertendum est tamen, quod in quolibet subiecto, sunt diuersæ potentialitates ad accidentia diuersæ speciei; ea tamen quæ omnino sunt eiusdem speciei, secundum eandem omnino potentialitatem respicit, & recipit subiectum. Et ita sicut plura accidentia diuersæ speciei, vt calor, quantitas, & dulcedo, quia recipiuntur in subiecto secundum illius saltem diuersam potentialitatem, quamuis non solum formaliter, & specificè, sed etiam materialiter, & numericè differant, possunt esse simul in eodem subiecto; secundum diuersam tamen po-
ten-

tentialitatem. Duo tamen accidentia eiusdem speciei, quia solum possunt recipi in subiecto secundum eandem potentialitatem, non possunt esse simul in eodem subiecto; ita etiam relationes formaliter, & specificè distinctæ quamuis simul materialiter, & entitative distinguantur, ut relationes paternitatis, & similitudinis, quia recipiuntur in subiecto secundum diversam illius potentialitatem; possunt in eodem subiecto, in eodem verbi gratia, homine simul reperiri: duæ autem relationes eiusdem speciei solum materialiter differens, ut duæ relationes paternitatis; aut duæ relationes similitudinis, quia debent recipi in subiecto secundum eandem potentialitatem, non possunt esse simul in eodem subiecto.

10. Hinc infert D. Thom. in præallegato art. 5. quest. 35. ex 3. part. quod in eodem patre ad plures filios vnica tantum est relatio paternitatis; in eodem magistro ad plures discipulos, quos sub eadem instruit doctrina, vnica tantum relatio magisterij; & in eodem domino ad plures seruos vnica tantum relatio dominij; in d. & in eodem albo ad plura habentia eiusdem gradus albedinem vnica relatio similitudinis. Quia neccesse est duæ relationes paternitatis, magisterij, dominij, aut similitudinis possunt differre plusquam numero, ac perinde non possunt in eodem subiecto simul reperiri; & vnica verbi gratia, & eadem relatione paternitatis qua

Quaestio XXV. 1013

pater ad unum, vel plures filios refertur, si alios generet, potest etiam ad illos referri absque nova relatione, per id solum, quod praexistens ad novum terminum, partialem, & inadaequatum extendatur, terminetur, & referatur.

QVÆSTIO XXV.

Vtrum quatuor proprietates relativorum rectè assignentur.

DIco primo Prima proprietas relativorum, scilicet quod habeant contrarium, non assignatur à Philosopho ex propria sententia, nec convenit relationi secundum se, sed alicui relationi ratione fundamenti. Primam partem conclusionis advertit ipse Aristoteles in hoc capite. Secunda autem pars probatur. Tū, quia ad relationem non est per se motus; & cū motus sit inter terminos contrarios, solum illud proprie habet contrarium ad quod est per se motus. Tum, etiam, quia contraria non possunt esse simul in eodem subiecto. Sed relationes, quæ videntur adinvicem contrariæ, ut similitudo & dissimilitudo, æqualitas & inæqualitas, possunt esse simul in eodem subiecto; idem enim respectu diversorum potest esse simul simile & dissimile, æquale & inæquale. Ergo relationi secundum se

litatis suscipit magis & minus, maior enim inæqualitas est inter vlnam & palmum, quam inter vlnam & dimidiam vlnam. Et tamen non potest dici, quod talis relatio recipit magis aut minus ratione sui fundamenti, cum illud sit quantitas, quæ non suscipit magis aut minus. Ergo talis relatio ratione sui suscipit magis aut minus. §. Confir. quia relatio, etiamquæ fundatur in qualitate, non ratione sui fundamenti, sed ratione sui suscipit magis aut minus, cuius signū est, quod non aucta aut intensa, sed potius remissa qualitate, quæ est fundamentum similitudinis, ipsa similitudinis relatio potest augeri: vt si Petrus albus vt quatuor habeat relationem similitudinis ad Paulum album vt duo; si in Petro remittatur albedo vsque ad albedinem vt duo, erit magis similis Paulo. Ergo augebitur in ipso relatio similitudinis, non aucto sed potius remisso fundamento.

4 Respondetur ad argumentum, quod tam in casu illius, quam in casu confirmationis, nec relatio inæqualitatis, nec relatio similitudinis proprie suscipit magis aut minus; quia ad id requireretur, quod eadem relatio modo sit maior, modo minor, quod non vtique sic contingit, sed variato fundamento, variatur etiam realiter ipsa relatio, & diuersam dicit relationem inæqualitatis vlna ad palmum ab illa, quam dicit ad idem quantum, si extendatur & fiat magis longum; & simili-

simul natura. Et hoc etiam conuenit relatiuis prædicamentalibus non mutuis, ut formaliter relatiua sunt, & ut vnum formaliter terminat relationem alterius; & ex alia parte hoc non conuenit alijs rebus absolutis, aut relatiuis secundum dici: inter res enim absolutas, quæ mutuo se inferunt, necessario interuenit ordo causæ, aut effectus: ac perinde non sunt simul natura. Relatiua vero secundum dici, cum non respiciant terminum, ut purum terminum, sed ut causam, vel ut effectum, non sunt simul natura, ac perinde esse simul natura est proprium quarto modo relatiuorum secundum esse. 6. Secunda autem pars eiusdem proprietatis, scilicet quod relatiua sint etiam simul cognitione, probatur, quia cum totum esse relatiui sit esse ad terminum, non potest adæquate cognosci vnum relatiuum, nisi cognito illius termino formaliter, ut illius terminus, ac perinde relatiua sunt etiam simul cognitione.

Aduersus primam partem huius proprietatis poterat obijci, quod cum vnum relatiuum specificetur per suum correlatiuum, quatenus illius terminat relationem, & specificatum sit prius natura suo specificato, relatiua non videntur esse simul natura. Sed de hoc satis diximus duabus quæst. præced. Vnde nihil circa hoc, imo & de tota relationis materia restat dicendum.

C A P V T

De quali, & qualitate.

QVÆSTIO XXVI.

*Quid sit qualitas: & an recte à
Philosopho definia-
tur.*

IN prima parte huius primæ super hoc caput quæstionis, sicut in alijs prædicamentis fecimus, litteram primæ partis huius capituli proponemus; ut illam in tribus prioribus quæstionibus examinemus: & in vltima quæstione proponemus, & examinabimus tres proprietates qualitatis. Ad litteræ tamen propositionem est præmittendum, triplicem esse qualitatis acceptionem, accipitur enim primo qualitas pro eo, quod quomodolibet aliquid actuatur: & hoc modo differentiarum etiam substantiales dicuntur qualitates generis; immò & prædicata superiora quodammodo dicuntur qualitates primæ substantiæ. Secundo accipitur qualitas pro omnibus accidentibus, quod re-

spe-

specu possunt dici qualitates, & non solum quoad rem, sed etiam quoadmodum praedicari in *quale*. Tertio denique modo accipitur qualitas, prout distinguit speciale praedicamentum accidentis, & secundum quam aliquid simpliciter dicitur *quale*, ut distinguitur a *quanto*, *relato*, & alijs denominationibus aliorum praedicamentorum. In hac ergo vltima acceptione accipit hic Philosophus qualitatem. Definir autem qualitatem in concreto, & in abstracto, ut per concretum magis nobis notum qualitatis natura innotescat: ait ergo quod *qualitas est secundum quam quales esse dicimur, qualia autem sunt ea, quae secundum qualitates denominatione dicuntur, aut quomodolibet aliter ab illis*. Et ponit duplicem modum denominandi *quale*, a qualitate; quia licet omne quale a qualitate denominationem accipiat, aliquod tamen nomen concreti qualitatis non conuenit in primordialibus litteris cum nomine abstracto, quod (ut in antepraedicamentis explicuimus) requiritur, ut sit proprie denominatiuum.

2. Quatuor assignat Philosophus species qualitatis. Prima est habitus & dispositio, & ait quod differt habitus a dispositione, quod ille natura sua est difficile mobilis a subiecto, dispositio vero facile mobilis. Secunda species est, naturalis potentia aut impotentia. Tertia, passio & passibilis qualitas. Quarta forma & figura.

3 In finis huius capituli obiicit sibi Aristoteles, quod habitus constituitur in in prædicamento relationis, ac perinde non videbatur constituendum esse in hoc prædicamento. §. Sed ad hoc facile dicitur, quod habitus est relatiuum secundū dici, & ut sic non pertinet proprie ad prædicamentum relationis: ac perinde non obstat, quod ponatur in prædicamento qualitatis.

4 Ad quæstionem igitur propositam accedentes, difficile est assignare propriam rationem qualitatis illiusque definitionem: quamvis enim generalissima proprie non deliniantur, sed describantur, specialem ingerit difficultatem describere qualitatem: quia illa vix potest minus materialis, quam quantitas & non habens extrinsecum terminum per quem cognoscatur sicut relatio, difficile cognoscitur: & ideo Aristoteles in hoc capite dupliciter illam, in abstracto videlicet & in concreto descripsit, ut vidimus in propositione litteræ. Et licet aliqui, recentiores prædictam descriptionem qualitatis, ut omnino inane & nugatoriam reiciant, illam tamen admittunt. Diuus Thomas opus, 48. tract. 4. cap. 1. & communiter interpretes, & probatur, recte sic qualitatem describi, quia per primam definitionem definitur qualitas per suum proprium effectum, scilicet qualificare subiectum, hoc est, determinare & modificare illud, quod proprie simpliciter & absolu-

Questio XXVI. 1021

te solum competit qualitati : alia enim accidentia non determinant neque modificant substantiam simpliciter , & solum in ordine ad illam , sed in ordine ad aliquod extrinsecum. §. Similiter licet qualitas secundum se sit notior quam suū concretum , scilicet *quale* , quoad nos tamen notius est ipsum concretum in quo agnoscimus ipsius qualitatis effectum , & ita recte qualitatem per suum concretum , videlicet quod sit *qua quales esse dicimur* , descripsit Philosophus . Vi tamen eius descriptio melius explicetur , quæ aduersus illam obijciuntur , breuiter proponamus .

1. Obijcies ergo primo : quod ex de descriptione non est notior definitio , siquidem ad cognoscendum quid sit *quale* oportet primo scire , quid sit qualitas .

§. Secundo , quia in hac definitione committeretur circulus ; immò de facto illum commisit Aristoteles definiens qualitatem per *quale* , & *quale* per qualitatem .

Et circulus saltem definitione rerum absolutarum non est admittendus . §. Tercio , quia ipsum definitum ingreditur definitionem , cum definitionem qualitatis ingreditur ipsa qualitas .

6. Ad primum autem respondetur , quod *quale* quoad nos notius est ipsa qualitate , & sic recte potest qualitas per effectum , qui inconcreto magis nobis innotescit , aliquo modo describi . §. Ad secundum respondetur , quod licet non

possit omnino vitari in huiusmodi definitionibus circulus, quia non datur definitio per simpliciter priora, sed per effectum notio-rem quoad nos; tamen circulus non est omnino vniformis; qualitas enim, quæ secundum se non habet definitionem, quia non habet aliquid simpliciter prius seipsa, definitur quoad nos per *quale*, quia illud est nobis notius, & *quale* secundum se definitur per qualitatem.

§. Ad tertium respondetur, quod cum definitur *quale* per qualitatem, definitum non ingreditur definitionem: quia definitum est quid concretum, qualitas autem quæ in definitione concreti ingreditur, est quid abstractum, vnde sufficienter differt à definito, & definitum non ingreditur suam definitionem.

7 Hanc autem qualitatis descriptionē congruentius explicat D. Thom. 1. p. q. 28. art. 2. dicens, quod *qualitas dicitur dispositio substantia*. Cui consonat id quod asserit idem sanctus Doctor 1. 2. q. 49. art. 2. quod *qualitas importat quondam modum substantia*: & in vtroque testimonio intēdit D. Thom. quod qualitas modum & dispositionem præbet substantiæ; quia cum teste Philosopho 5. metaphisicæ lectione 20. apud D. Thom. dispositio sit ordo habentis partes, ad qualitatem pertinet ordinare partes substantiæ, non quidē partes materiales (eas enim illas extendendo ordinat quātitas) sed partes virtutis & perfectionis: omnes enim illæ siue
in

in ordine ad ipsam naturam, siue in ordine ad operationem ordinantur & disponuntur in debita commensuratione per qualitatem. Qualitatis autem ratio plenius ex dicendis in sequentibus circa illius species, explicabitur.

QVÆSTIO XXVII.

Virum recte diuidatur qualitas in quatuor species.

Satis obscurum, & molestum est species qualitatis explicare, & quia non ita manifeste differunt, & quia explicatio vnius ab explicatione aliarum adinuicem dependet. Maiori tamen, quam possim claritate & distinctione hic breuiter & in sequenti questione id explicare conabor.

2 Dicendum igitur est, sufficienter & adæquate diuidi qualitatem in quatuor species ab Aristotele assignatas. Huius diuisionis sufficiētiam optime probat nosser Author hic ex Diu. Thoma 1. 2. question. 49. artic. 2. quia ratio qualitatis est esse modum substantiæ: & cum modus secundum Diu. Augustinum sit mensura rei, qualitas est modus, & determinatio substantiæ. Modus autem iste potest sumi, vel in ordine ad naturam subiecti, vel in ordine ad eius actionem, vel in

ordine ad eius quantitatem. Si sit modus in ordine ad naturam subiecti, qualitas modificat subiectum, bene vel male illud disponendo, & sic constituit primam speciem, habitum scilicet, & dispositionem. Si modificat subiectum in ordine ad operationem, tunc si pertinet ad principium operationis, constituit secundam speciem, scilicet naturalem potentiam, vel impotentiam: Si autem pertineat ad terminum actionis, constituit tertiam speciem, scilicet passionem, & passibilem qualitatem. Si denique perficiat subiectum quo ad eius quantitatem, constituit quartam speciem, formam videlicet & figuram, quæ est terminus, & modus quantitatis. Sufficiens igitur, & adæquate qualitas in quatuor prædictas species diuiditur, ac illæ recto ordine assignantur, siquidem prius est considerare substantiam secundum se, & deinde principium operationis, & postea terminum eiusdem actionis, ac denique terminum, & modum illius quantitatis.

3 Obijcies tamen primo, quod Aristoteles numerans 5. metaphisic. text. 19. species qualitatis, tres tantum, secundam videlicet prætermisissam, assignauit. Perperam igitur hic quatuor assignat species. 5. Confr. ex opposito, quia post quartam speciem qualitatis insinuat Aristoteles, alias plures species qualitatis posse assignari insufficienter: ergo diuiditur qualitas in prædictas quatuor species.

Questio XXVII. 1025

4 Resp. ad arg. cum nostro authore in præfati in solutione confirmationis tertij argumenti ex D. Thom. & commentatore, quod Aristoteles s. metaphysicæ non assignavit secundam speciem qualitatis, quia parum ante tex. 15. egerat de illa sub nomine potentia. Hic autem agit de illa, sicut de alijs speciebus qualitatis secundum quod sunt speciales modi, & de terminatione substantia. 5. Ad confir. resp. primo, quod Aristoteles non insinuat, plures esse species qualitatis sed solum ob suam modestiam in fine cuiuscunque tractatus consuevit dicere alia forsitan esse ad talem tractum pertinentia, de quibus ipse exacte non egerit. 6. Secundo dicitur, quod solum insinuat Aristoteles esse plura alia exempla qualitatum præter illa, quæ ipse adducit non tamen, quod sint alia plures species præter assignatas ab illo.

5 Obijcies secundo, quod omnis qualitas est dispositio, si quidem omnis est modus, & dispositio subiecti. ut ex D. Thoma questione precedenti explicuimus. Peperam igitur assignatur particularis qualitatis species, quæ sit dispositio. 6. Respondetur cum nostro authore in questione super hoc caput in solutione ad 1. quod quamvis omnis qualitas cuiuscunque speciei sit dispositio subiecti: tamen dispositio ut pertinet ad primam speciem, dicit dispositionem subiecti in ordine ad propriam naturam alia autem

qualitates disponunt subiectum non secundum se; sed vt principium, vel terminus operationis; vel vt terminus illius quantitatis; cum autem ponitur dispositio in prima specie qualitatis; accipitur specialiter secundum quod est dispositio subiecti in ordine ad propriam naturam, & sic non coincidit; cum dispositione, vt est communis omni qualitati; licet ob penuriam vocum idem nomen pro vtraque; æquiuoce tamen, vel quasi æquiuoce vsurpetur.

6. Obijcies tertio, quod habitus non solum ad qualitatem, sed ad alia pertinet prædicamenta. Perperam igitur assignatur particularis species qualitatis. Antecedens prob. quia habitus dicitur ab habendo. Sed dicimur habere quantitatem, habere relationem, habere vellem, & similia, quæ ad alia prædicamenta pertinent: ergo habitus non coarctatur ad prædicamentum qualitatis,

7. Respondetur cum nostro authore ex D. Thom: 1. 2. quæst. 49. art. 2. quod licet habitus dicatur ab habere, tripliciter accipitur. Primo prout idem est, quod habitio qua vna res habet aliam, inter quas nihil mediat, nisi sola relatio habitationis, vt habere seruum, habere relationem, habere quantitatem, vel habere pecuniam, & hoc modo habitus non est speciale prædicamentum, sed vltimum post prædicamentum. Secundo modo accipitur pro habitatione qua vna res habet aliam,

inter quas mediat aliquid quasi per modum actionis, aut passionis, licet non sit vera actio, sicut esse vestitum, vel calciarum, non dicitur simpliciter habere vestem primo modo, sed habere illam vestitam, & hoc modo habitus est ultimum prædicamentum. Tertio denique modo accipitur habitus pro qualitate, quæ male, vel bene subiectum secundum suam naturam disponit, & hoc modo solum pertinet ad qualitatem, & ad primam illius speciem.

QVÆSTIO XXVIII.

Vtrum recte assignentur quatuor species qualitatis.

Prima species qualitatis, ut communis habitui, & dispositioni, & ut condistincta ab alijs qualitatis speciebus, est qualitas bene, vel male subiectum secundum suam naturam per se disponens. Dixi per se, quia cum vnumquodque sit propter suam operationem, aliqui habitus, qui primo, & per se ordinantur, ut subiectum secundum suam naturam, bene, vel male disponant, secundario etiam ordinantur ad operationem. Dixi etiam, quod huiusmodi species qualitatis ordinantur ad bene vel male disponendum subiectum, quia sicut per habitum scientiæ, & virtutis

is bene disponitur subiectum , ita & per habitum vitij , aut erroris disponitur male . Conclusio est Dni Thomæ 1. 2. in prædicto articulo secundo quæstionis 49. Et probatur breuiter , quia idem est formale constitutum alicuius , & distinctum ab alijs : sed per prædictam rationem distinguitur hac prima species ab alijs speciebus qualitatis : ergo & per illam formaliter constituitur . Minor probatur , nam in primis per id distinguitur à secunda specie , quæ non dicit male , vel bene disponere subiectum , sed esse principium operationis . Similiter distinguitur etiam per id à tertia specie , quæ solum dicit esse terminum alicuius actionis , vel obiectum alicuius sensus ; etiam abstrahendo ab eo , quod male , vel bene disponat subiectum . Et cum denique omnino per accidens sit formæ , aut figuræ , quæ est quarta species qualitatis , quod bene , vel male disponat subiectum , per hoc prima species à quarta specie formaliter distinguitur .

2. *Habitus , & dispositio* distinguuntur essentialiter per hoc quod habitus ex natura sua , & attentis suis causis , est difficile mobilis à subiecto . Dispositio vero ex natura sua , & iuxta exigentiam suarum causarum est facile mobilis à subiecto . Et probatur , quia cum hac differentia sit per se ex acta à proprijs causis habitus , & dispositionis , non est accidentalis , sed per se , & essentialis . Vnde cum

cum ex accidenti, & ex parte subiecti habitus habet modum dispositionis, & est facile mobilis à subiecto, & è contra, dispositio habet modum habitus, & est difficile mobilis à subiecto, ut cum propter tenacitatem alicuius intellectus opinio est difficile mobilis ab illo, & similiter cum sanitas, & aegritudo ex aliquo accidenti est difficile mobilis, cum hac differentia proveniat ex accidenti, non tollit naturam, & differentiam essentialem habitus, & dispositionis. Unde cum habitus scientificus iuxta exigentiam propriae causae videlicet demonstrationis, debeat esse difficile mobilis, etiam si ob conditionem subiecti, vel ob aliam causam accidentalem sit facile mobilis, ac perinde habeat modum dispositionis; semper tamen retinet essentiam habitus. Et similiter, quia natura sua opinio, & iuxta exigentiam causarum, rationis videlicet probabilis, est facile mobilis à subiecto, etiam si per accidens ob tenacitatem alicuius intellectus, vel exactio accidenti fiat difficile mobilis, habeatque per indistinctum modum habitus, semper retinet essentiam dispositionis.

3 Secunda species qualitatis est potentia, vel impotentia, id est qualitas quae est principium alicuius operationis, vel ad modum operis, Nomine autem potentiae intelligitur non principium radicale, sed proximum: illud enim est substantia, istud vero qualitas. Dicimus autem
tem.

1030 *Lib.7. de predicamentis*

tem, quod debet esse principium alicuius operationis, vel ad modum operationis, quia potentia ad magis, vel minus resistendum, vt durum, vel molle, media duritie, vel mollitudine, non est principium propriæ operationis, cum resistentia non sit proprie operatio, sed ad modum operationis se habens.

4 Distinguitur autem in hac specie potentia, & impotentia. Et nomine *impotentia* non intelligitur priuatio potētiae, sed potentia debilis, quæ condistinguitur à potentia, quæ simpliciter dicitur potētia, si sit ad actum in suo genere perfectum, vt potentia visua in iuvene potens exire in actum perfectum, dicitur simpliciter potentia, potētia autem visua debilis in sene dicitur impotentia. Et potentia generatiua in habente proportionatum temperamentum ad generationem, dicitur absolutè potentia, & in non habente proportionatum temperamentum, vt in frigidis; dicitur impotentia. Vnde illi appellantur impotentes. Ex quo fit, quod cum potentia, & impotentia, solum differant penes perfectum, & imperfectum, solum differunt accidentaliter.

5 Tertia species qualitatis est passio, & passibilis qualitas: Passio autem, hic ex multiplici illius acceptione accipitur pro qualitate, quæ est terminus actionis: & differt passio à passibili qualitate, quod passio significat qualitatem ex
fa-

facili, & transiente alteratione resultantem, ut pallor ex metu, & rubor ex verecundia, quæ perinde qualitates sunt facile mobiles à subiecto. Et passibilis qualitas significat qualitatem ex permanenti alteratione resultantem, ut naturalis color pallidus, aut rubeus, quæ perinde qualitates sunt difficile mobiles à subiecto.

6. Et si obijcias, quod multæ qualitates in hac specie constituuntur, ut calor, & frigus, quæ tamen ad primam speciem pertinent qualitatis; ac perinde prædictæ species videntur confundi.

5. Respondetur facile, quod tales qualitates pertinent ad hanc tertiam speciem ut sunt termini alterationis, abstrahendo ab eo, quod bene, vel male disponant subiectum; pertinent tamen ad primam speciem qualitatis formaliter ut sunt dispositiones convenientes, vel disconvenientes subiecto, ut calor ut est terminus alterationis, & obiectum sensus pertinet ad hanc tertiam speciem qualitatis, ut tamen est calor febris, ac perinde ut disconveniens subiecto, pertinet ad primam qualitatis speciem.

7. Quarta denique, & ultima species qualitatis est forma, & figura. Et pro illius explicatione, est aduertendum, quod forma potest accipi pro forma substantiali, & pro quolibet accidenti, quatenus est forma subiecti, & neutro modo accipitur prout constituit quartam speciem.

1032 *Lib. 7. de predicamentis*
 ciem qualitatis, sed prout est modus, &
 terminus, & dispositio quantitatis. Et
 figura potest accipi pro signo, & imagi-
 ne, & pro resultante figura quantitatis,
 & hoc secundo modo accipitur resultant-
 te figura accidentaliter vel vt asserit no-
 ster Author hic in solutione ad 5. per id,
 quod forma, & terminus quantitatis qua-
 si phisice, & in rebus naturalibus, adiun-
 ctis alijs accidentibus sensibilibus; figura
 autem sumitur pro figura mathematica,
 prout abstrahit ab omni sensibili, vel se-
 cundum D. Thomam 7. phisicorum lect. 5.
 differunt per id, quod forma significat fi-
 guram artificialium, vt formam domus,
 Cathedræ, vel turris, figura autem signi-
 ficat omnem alium modum, & dispositio-
 nem quantitatis.

QVÆSTIO XXIX.

*Utrum recte assignentur proprie-
 tates qualitatis.*

IN secunda parte huius capituli tripli-
 cem assignat Philosophus qualitatis
 proprietatem. Prima, quod proprium
 est qualitati habere contrarium, & ait id
 non esse ei proprium quarto modo, quia
 licet conueniat soli qualitati, non tamen
 omni flauo enim aut fusco nihil est con-
 trarium. 5. Secunda proprietas est, quod
 qua-

qualitas suscipit magis, & minus, & ait Philolophus, nec id esse proprium quarto modo qualitatis, quia licet conveniat soli, non tamen omni qualitati: sanitas enim secundum aliquos non suscipit magis, & minus, & secundum omnes triangulus, & circulus non suscipiunt magis, & minus, nec vnus circulus est magis circulus, quam alter, aut ipsemet potest modo esse magis, vel minus circulus, quam postea vel antea. Ultima proprietas, quæ est quarto modo qualitatis, est quod secundum illa aliqua dicuntur similia, aut dissimilia.

2. Huiusmodi autem proprietates præter authoritatem Aristotelis, & eius interpretum eas recipientium, non aliter melius quam aliqua aduersus eas obijciendo poterunt comprobari. Obijcies ergo primo, quod habere contrarium alijs conuenit a qualitate, non igitur id soli qualitati competit, vt ait Philosophus. Probatur antecedens, nam hic non accipitur contrarietas, pro contrarietate propria, sed in magis lata acceptione, vt comprehendit etiam oppositionem priuatiuam, & relationam. Sed sic acceptam, contrarietatem, certum est, competere alijs, quam qualitati: ergo. Maior probatur, quia accepta contrarietate proprie prout solum versatur inter ea, quæ ab eodem subiecto mutuo se expellunt, solum competit duabus primis qualitatibus, scilicet caliditati, & frigiditati, & sic male
ap-

apponeret exemplum Aristoteles in albedine, & nigredine: ergo non accipitur hic contrarietas proprie sumpta. §. Confirmatur, nam eo modo quo album contrariatur nigro, etiam flauo contrariatur fuscum, siquidem, & isti colores inter medij ab eodem subiecto mutuo se expellunt. Perperam igitur Aristoteles concedens album contrariari nigro, negat fuscum, contrariari flauo, & ob id ait hanc proprietatem non competere omni qualitati.

3 Respondetur ad argumentum, hic accipi contrarietatem proprie sumptam, & sic non competere alijs a qualitate. Vnde ad probationem aduersus hoc dicitur, quod contrarietas propria prout dicit maximam distantiam sub eodem genere, & mutuo se ab eodem subiecto expellere; primo & per se competit quatuor primis qualitatibus, calori videlicet, & frigidi-rati, humiditati, & siccitati, & ratione illarum conuenit contrarietas alijs, vt ignis ratione caloris contrariatur aquæ: & sic etiam ratione primarum qualitatum secundo conuenit contrarietas secundis qualitatibus, & ea ratione album proprie contrariatur nigro. §. Ad confirmat. respondetur, quod ad propriam contrarietatem non sufficit, quod aliqua se mutuo expellant, sed quod sub eodem genere maxime distent, qualiter in genere coloris maxime distant colores extremi, album, & nigrum; non autem colores medij, vt flauum, & fuscum. Vnde illa non dicun-

tur

Questio XXIX. 1035

tur proprie contraria, sed solum improprie, & vt magis, & minus ad colores extremos accedunt: ac perinde ob id magis, vel minus inter se distant.

4 Secundo aduersus secundam proprietatem obijcies, quod aliquod accidens suscipere magis, & minus nihil aliud est, quam magis, aut minus radicari in subiecto. Sed omni accidenti conuenit magis, aut minus radicari in subiecto: ergo & omni conuenit suscipere magis, & minus: ac perinde id non conuenit soli qualitati. Minor probatur, quia omni accidenti conuenit esse in subiecto: ergo conuenit magis, aut minus in illo radicari.

5 Respondetur negando minorem & ad probationem dico, quod magis, aut minus aliquod accidens radicari in subiecto, conuenit ratione actiuitatis ipsius accidentis, quatenus est à subiecto expulsiuum sui contrarij, & quia ea actiuitas solum conuenit primis qualitibus, ratione illarum etiam secundis, non vero alijs accidentibus, ideo licet illa sint in subiecto; non tamen magis aut minus radicantur in subiecto, ac perinde nec suscipiunt magis aut minus.

6 Tertio aduersus tertiam proprietatem obijcies, quod etiam secundum alia, præter qualitatem, aliqua dicuntur similia, vel dissimilia: ergo non est proprium quarto modo qualitatis, quod secundum illa aliqua dicantur similia. Antecedens probatur, quia duæ substantiæ eiusdem
spe-

1036 *Lib. 7. de prædicamentis*

speciei dicuntur similes, & pater dicitur generare sibi simile, & duæ relationes paternitatis sunt similes, & relatio paternitatis, & filiationis dissimiles: &ingere actionis duæ calefactiones sunt similes, & calefactio, & frigefactio sunt dissimiles. Et eodem modo potest id probari inductive in alijs prædicamentis. Ergo secundum alia præter qualitatem dicuntur aliqua similia vel dissimilia.

7 Respondetur, quod proprium est qualitati, quod secundum illam dicantur aliqua similia, vel dissimilia, quia omnia quæ dicuntur similia, vel dissimilia, vel dicuntur talia ratione qualitatis, vel ratione alicuius habentis se in illis ad modum qualitatis. Vnde si duo homines dicuntur similes est ratione unitatis differentiarum, quæ in illis se habent ad modum qualitatis.



C A P V T

De sex ultimis prædicamentis.

Q V Æ S T I O XXX.

*Utrum sex ultima prædicamenta
sint formæ absolute, &
intrinsecæ.*

B Revissime Aristoteles de sex ultimis
egit prædicamentis, vel quia sunt
parum in usu, vel quia ex dictis facile eor-
um natura deducitur. Ad complementum
tamen materiæ prædicamentorum de sex
ultimis tractatum edidit Gilbertus Porre-
ctanus, qui & ideò author sex principio-
rum est appellatus, in quo plenius natu-
ras, & proprietates illorum assignavit, il-
liusque doctrinam breviter explicabimus,
ad quam materiam hanc quæstionem
præmittimus præambulam.

2 Circa primam illius partem Scotus
in 4. distinctione 13. quæstion. 1. distinguit
relationes in intrinsecus advenientes, &
extrinsecus advenientes, asserens, illas ef-
se, quæ statim posito fundamento, & ter-
mino consequuntur: has vero, quæ etiam
fi

si ponatur fundamentum, & terminus, non statim consequuntur: & ait, sex ultima prædicamenta esse relationes extrinsecus aduenientes, quamuis non omnino se explicet, an per relationes extrinsecus aduenientes intelligat relationes secundum esse, vel solum relationes secundum dici. Et probari potest, omnia prædicta sex prædicamenta esse relationes secundum esse, quia eorum esse dependet ab existentia termini extrinseci ad quem ordinatur: non enim datur *ubi*, nisi sit locus circumscribens locatum, nec datur, *quando* nisi sit tempus; nec *habere*, v.g. vestem, seu esse vestitum, nisi sit vestis. Sed proprium videtur esse relationis secundum esse, quod dependeat ab existentia sui termini: id enim non competit relationi secundum dici, utpote quæ eadem est ad terminum existentem, vel non existentem, sicut eadem est relatio transcendentalis scientiæ ad scibile existens, & non existens: ergo sex ultima prædicamenta sunt relationes secundum esse.

3 Breuiter tamen dicendum, sex ultima prædicamenta non esse relationes secundum esse, sed aliquid absolutum, quod explicari non potest nisi per ordinem ad aliquid extrinsecum: ac perinde sunt relatiua secundum dici. Conclusio est communis, eamque docet, & probat noster author hic, breuiterque ex ipso probatur, primo, quia alias non constituerentur decem genera diuersa entis, sed quatuor

tuor tantum, siquidem omnia, quæ poni-
mus in sex ultimis prædicamentis, si re-
vera essent relationes secundum esse, ad
prædicamentum relationis pertinerent,
nec aliud constituerent diuersum prædi-
camentum à relatione: ergo cum Aristo-
teles decem genera entis inter se primo
diuersa constituat, idque communis ad-
mittat sententia, ideò illi manifeste ad-
uersatur asserere, sex ultima prædicamen-
ta esse relationes secundum esse.

4 Nec valet dicere, quod prædicta
sex ultima prædicamenta, non sunt rela-
tiones intrinsecus aduenientes, sed extrin-
secus aduenientes. Non inquam, id va-
let. Tum, quia si illa vere sunt relatio-
nes secundum esse, & non tantum relati-
na secundum dici, siue sint intrinsecus,
siue extrinsecus aduenientes, vere conue-
niunt in ratione relationis, quæ tertium
constituit prædicamentum, ac perinde
ad illud solum formaliter pertinebunt.
Tum etiam, quia gratis ista sex ultima
prædicamenta vocantur relationes extrin-
secus aduenientes: nam, qualemcumque
respectum dicant ad extrinsecum, ille
statim ponitur, ac ponitur fundamentum
& terminus. Non ergo in eo, quod talis
respectus ad positionem fundamenti, & ter-
mini statim non sequatur distinguantur à
relationibus intrinsecus aduenientibus.
Antecedens probatur, quia quamvis po-
sito, v.g. agente, & ad passum approxima-
to, non resultet statim actio dicens respe-

ctum ad agens, id non est talem actionis respectum non resultare posito fundamēto, & termino, quia fundamentum proximum relationis agentis ad passum, est actio ut dimanans ab agente, & illa posita, non potest talis non resultare relatio.

5 Secundo probatur conclusio, quia relatiua secundum esse explicant ordinem, & habitudinem ad terminum, & quamuis dicant inhaerentiam, illam tamen non explicant. Sex autem hae ultima praedicamenta omnia praeter actionem explicant inhaerentiam, ut ex singulis illorum patet; & nullum illorum explicat ordinem, & habitudinem ad terminum, nec dicit *ad*, & actio, quae specialiter explicat aliquid praeter inhaerentiam non dicit *ad* sed *ab*: ergo praedicta sex ultima praedicamenta non sunt relationes secundum esse, sed tantum relatiua secundum dici, quia cum omnia illa ut in secunda parte quaestionis videbimus, desumantur ab aliquo extrinseco, non possunt omnino intelligi, sine ordine saltem transcendentali in ordine ad illud extrinsecum.

6 Ad fundamentum autem oppositae sententiae facile responderetur, quod etiamsi sex ultima praedicamenta sint relatiua secundum dici, quia tamen, ut statim dicemus, desumuntur ab aliquo extrinseco, possunt dependere in suo esse ab existentia talis extremi, quamuis id non habeant

ex ratione communi relatiui secundum dici, quia ut recte probat argumentum, id non competit omnibus relatiuis secundum dici, sed quia huiusmodi formæ licet absolutæ, sunt tam minimæ entitatis, ut ab aliquo extrinseco desumantur, & ab illo dependent.

7 Quoad secundum quod in quæstione inquirimus, an videlicet sex vltima prædicamenta sint formæ intrinsecæ, an vero solum denominationes extrinsecæ ab aliquo extrinseco provenientes, licet hoc secundum aliqui existiment, dicendum tamen est, non esse solum denominationes extrinsecas, sed formas intrinsecas, licet ab aliquo extrinseco desumpras. Conclusio est communis, & colligitur ex D. Thoma pluribus in locis: 5. enim metaphisicæ lectione 17. ait, sex vltima prædicamenta esse aliquid consequutum ex relatione, idest ex respectu transcendentali, quem dicit subiectum ad aliquid extrinsecum, sentitque perinde Sanctus Doctor, huiusmodi prædicamenta esse formas in subiecto intrinsecas, imperfectas tamen & minimæ entitatis, desumptasque ab aliquo extrinseco, & ex respectu transcendentali ad illud in subiecto consecutas, specialiter tamen de habitu 1. 2. qu. 49. art. 1. & 9. metaph. lect. 20. ait D. Thom. quod est medium inter vestem, & vestitum, id est aliquid in vestito intrinsecum resultans ex respectu illius ac vestem. De. Vbi vero & Quando docet

Sanctus Doctor in 4. dist. 16. qu. 13. art. 1. quæstiuncula 1. non esse tempus & locum, sed quid ex illis in subiecto relictum. De *situ* vero 3. metaphisicæ lect. 20. asserit ex Aristotele, *situ* addere supra *ubi* dispositionem partium in ordine ad locum, quæ dispositio partium, cum non existat in loco, sed in ipso corpore loco, manifeste est aliquid intrinsecum in ordine ad extrinsecum locum.

8. Ratione autem probatur conclusio, quia denominationes extrinsecæ non cōstituunt specialia genera, aut prædicamenta distincta ab illis, ad quæ pertinent formæ, à quibus tales denominationes extrinsecæ desumuntur. Sed sex ultima prædicamenta vere constituunt specialia genera distincta à rebus extrinsecis, quas respiciunt, vt à loco, & tempore, quæ sunt de prædicamento quantitatis: alias non poterunt dari decem genera entis primo diuersa contra Philosophum, & communem eius interpretum sententiam: ergo sex prædicta ultima prædicamenta non consistunt præcise in aliqua denominatione extrinseca, sed in formis intrinsecis, licet ab aliquo extrinseco desumptis. Maior probatur quia aliæ formæ quæ intrinsece alicui inhaerent, & aliud extrinsece denominant, vt visio existens intrinsece in potentia visua, & denominans extrinsece parietem, non constituunt duplex genus entis, vnum, secundum quod intrinsece inhaerent, & aliud secundum

dum quod extrinsece denominant : nec enim poterit assignari, ad quod genus entis realis denominatio extrinseca parietis à visione pertineat, sed reducitur ad ipsū genus visionis ; & cum non sit aliqua forma intrinseca, ad nullum genus proprie pertinent : ergo similiter denominatio extrinseca desumpta à loco, & tempore, quæ ad genus quantitatis pertinent, non constitueret genus diuersum à quantitate, ac perinde si *Vbi* solum esset denominatio extrinseca à loco : & *Quando* solum esset denominatio extrinseca à tempore proueniens, nec *vbi* nec *quando* pertinerent ad genera distincta à quantitate. Confirmatur quia cum accidens reale, quod diuiditur in nouem prædicamenta essentialiter dicat esse in alio, & realem inhærentiam in ordine ad substantiam, solum penes diuersā realem inhærentiam distinguuntur genera, & prædicamenta accidentis. Sed denominatio extrinseca non dicit inhærentiam, sed solū denominationem à forma in alio inhærente : ergo si lex vltima prædicamenta solum dicerent denominationem extrinsecam non constituerent specialia genera accidentis realis.

9 Obijcies varia testimonia D. Tho. 3. enim phisicorum lect. 5. & alibi sæpe videtur docere, hæc vltima prædicamenta constitui solum per denominationes extrinsecas, & specialiter 1. p. q. 110. art. 3. ait : *Quod mobile secundum locum non est in potentia ad aliquid intrinsecum in quan-*

rum huiusmodi, sed solum ad aliquid extrinsecum, scilicet ad locum. Cum autem mobile sit in potetia ad ubi, si illud esset in illo aliquid intrinsecum esset utique in potentia ad aliquid intrinsecum: ergo cum D. Thomas asserit, mobile non esse in potentia ad aliquid intrinsecum, sentire manifeste videtur, ubi non esse aliquid intrinsecum in mobili. Ac denique 1. contragentes cap. 3. asserit Sanctus Doctor. Aliquando denominatur aliquid ab eo, quod est extra ipsum, ut à loco dicitur aliquid esse alcubi.

10 Respondetur, Dñum Thomam in prædictis testimonijs, & alijs similibus nullatenus intendere, denominationes huiusmodi sex prædicamentorum esse omnino extrinsecas, & non ponere aliquid intrinsecum in denominato, sed quod licet sint formæ intrinsecæ, & intrinsecè subiectum denominantes; desumuntur tamen ab aliquo extrinseco, ad differentiam aliarum formarum, ut albedinis quæ intrinsecus inhaerent; & intrinsece denominant, & eius denominatio à nullo extrinseco dependet. Denominatio autem huiusmodi prædicamentorū licet sit intrinseca & à forma intrinseca proueniens, ut denominatio, *ubicati* ab *ubi*, quod est aliquid intrinsecum in locato, dependet tamen ab aliquo extrinseco, scilicet à loco circumscribente locatum, ad cuius circumscriptionem actiuam in ipso locato tale *ubi* intrinsecum resultat. Et hoc etiam,

& non amplius intendit Dñus Thomas in ultimo testimonio adducto ex 1. contragentes : non enim ibi intendit, quod formaliter à loco denominetur aliquid esse alicubi, sed causaliter tantum, quia ipsum *ubi* intrinsecum, à quo aliquid dicitur esse alicubi, ab extrinseco loco desumitur, & à circumscriptione activa loci provenit in locato. Ad locum autem ex 1. par. respondetur, D. Thomam solum intendere ibi constituere differentiam inter motum localem, & motum augmentationis, & alterationis, in eo, quod cum isti motus terminentur ad quantitatem, & qualitatem à nullo extrinseco desumptam, mobile secundum istos motus solum est in potentia ad aliquid intrinsecum, & nullatenus ad aliquid extrinsecum; cum tamen motus locatis terminetur ad *ubi*, quod licet sit forma intrinseca in mobili, desumitur tamen à loco extrinseco, cum dicit Dñus Thomas, quod mobile non est in potentia ad aliquid intrinsecum, solum intendit, quod non est in potentia ad aliquid intrinsecum omnino absolutum ab aliquo extrinseco. Et cum subdit, quod est in potentia ad aliquid extrinsecum, scilicet ad locum, id asserit Sanctus Doctor, quia ut in mobili resultet *ubi* intrinsecum, prius debet coniungi ipsum mobile extrinseco loco, id est illud est in potentia, ut cum tali extrinseco loco coniungatur, quod utique non habet mobile secundum motum altera-

1046 *Lib. 7. de prædicamentis*
tionis , aut augmentationis , quia ut ter-
minum sui motus acquirat , non oportet
quod alicui extrinseco coniugatur .

QVÆSTIO XXXI.

*Quid sint actio , & passio : & quæ
earum species , & prop-
rietates .*

QUoad primum , videlicet quid sit
actio , & passio , dicendum , quod
actio est forma , vel ratio , per quam in ma-
teriam subiectam denominatur aliquid age-
re , vel facere . Passio vero est effectus agen-
tis . Pro huiusmodi autem definitionum
intelligentia est aduertendum , quod in
productione alicuius effectus à causa crea-
ta , præter ipsam causam , & potentiam
illius operatiuam datur actio , quæ est cau-
salitas agentis , per quam constituitur in
actu secundo agens , & causans , & hæc di-
citur actio . In passio autem datur realis
receptio effectus , & hæc dicitur passio , di-
citurque talis passio , aut receptio effectus
agentis non quia sit proprie realis effe-
ctus ipsius actionis , cum (ut statim dice-
mus) passio non sit ab actione realiter
distincta , sed quia ipsa receptio effectus ,
quæ est passio , dependet realiter ab agen-
te .

2. Obijcies tamen primo , quod cau-
salitas aliarum causarum , ut causalitas
ma-

materiæ, formæ, vel causæ finalis non cōstituunt speciale prædicamentum: ergo nec illud debet constituere causalitas efficientis. §. Respondetur negando consequentiam: prædicamenta enim, & genera accidentium constituuntur secundum diuersa accidentia, quæ aliquod subiectū completum possunt efficere. Vnde quia causalitas materiæ, & causalitas formæ nō sunt accidentia alicuius subiecti completi, non constituunt aliquod speciale accidentis genus. Causalitas autem efficientis, cum sit accidens, efficiens subiectum completum, quia actiones sunt suppositorum: constituit speciale genus accidentis, quod vocatur actio. Causalitas autem finis, quamuis competat subiecto completo, quia non est causalitas physica, sed metaphorica, & potens competere enti realiter non existenti, sed solum in apprehensione existenti, non constituit speciale genus entis physici; bene tamen causalitas efficientis, quæ est causalitas physica, & solum enti realiter existenti potens competere.

3. Obijciens secundo, quod omnia genera accidentium constituuntur, & distinguuntur penes specialem inhærentiam in subiecto. Sed actio nullam dicit inhærentiam in subiecto, sed solum quod fit ab agente: ergo non constituit speciale prædicamentum & genus licet accidentis. §. Respondetur, quod actio non explicat, nisi solum ab, sicut relatio solum

V u

ex

1048 *Lib. 7. de prædicamentis*

explicat *ad* ; tamen sicut de relatione reali creati diximus , quod re vera includit *in* , & dicit specialem inhaerentiam in subiecto contractam , & determinatam per conceptum *ad* , ita etiam actio re vera dicit , & includit *in* , & specialem inhaerentiam in subiecto contractam , & determinatam per conceptum *ab* , & sic bene potest constituere speciale genus , & prædicamentum accidentis .

4 Quoad secundum , qualiter videlicet distinguantur actio , & passio respondetur , quod distinguuntur quidem realiter formaliter ; non tamen realiter entitative . Prima pars huius dicti probatur : nam alias non constituerent actio , & passio diuersa prædicamenta . Nam (vt sæpius diximus) prædicamenta sunt à parte rei , & antecedenter ad omnem distinctionem factam per intellectum , primo diuersa : ergo saltem realiter formaliter distinguuntur .

Et confirmatur : quia antecedenter ad distinctionem factam per intellectum , actio , & passio habent suas distinctas rationes formales , actio videlicet egredi ab agente , & esse illius causalitatem ; passio vero reddere subiectum passum ; & actio dicit respectum transcendentalem ad agens , passio vero ad subiectum , in quo recipitur effectus : ergo actio , & passio realiter , & ex natura rei formaliter distinguuntur . 5. Quod vero non distinguantur realiter entitative , probatur :

Quia

Quia quæcumque, cum aliquo tertio identificantur, necesse est, quod etiam inter se identificentur. Sed actio, & passio identificantur cum motu (ut communis fuit sententia, & in libris philosophico- rum ostendemus) ergo etiam inter se identificantur, & solum hæc tria motus, actio, & passio suis rationibus formalibus distinguuntur. Et eadem entitas ut progreditur ab agente, & est causalitas illius, est actio. Ut vero recipitur in passio, & media illa in eodem passio recipitur effectus, seu est ipsa receptio effectus, est passio: ac denique secundum quod est via, fluxus, & tendentia ad acquisitionem effectus, est motus: & sic cum non sit aliquid completum, non pertinet propriè ad aliquod prædicamentum, sed est unum ex post prædicamentis, & reductiue pertinet ad prædicamentum termini, qui per talem motum acquiritur.

6. Quoad tertium autem de speciebus actionis, in sententia probabili, quod non solum actio formaliter transiens, sed & immanens ad hoc pertinet prædicamentum (de cuius probabilitate non est modo disputandum) actio ut in species subalternas diuiditur in actionem immanentem, & transeuntem, & actio immanens in spirituales, & corporales; spiritualis in volitionem, & intellectionem, & actio corporalis in diversas actiones secundum diversitatem sensuum.

1050 *Lib. 7. de predicamentis*

interiorum , & exteriorum . Actio vero transiens diuiditur in diuersas species secundum diuersitatem terminorum , vt in actionem substantialem , & accidentalem , idest productiuā accidentis vel substantiæ : & eodem modo potest diuidi passio in diuersas species secundum diuersitatem effectuum , cuius est receptio .

5 Ad vltimum denique , quod inquirebamus , quas videlicet proprietates habeat actio , & passio , dicendum est , quod quatuor habent proprietates : duas proprias actionis , & passionis assignat Gilbertus . Prima est , quod vbicumque est motus , sit actio & passio , & vbicumque est actio , & passio sit motus , quia hæc tria (vt diximus) identificantur . Secunda , quod passio est effectus actionis , ad hunc sensum , quod omnis receptio effectus in passio , in quo formaliter consistit passio , dimanat ab agente , & prius intelligitur conceptus actionis , quam passionis . Tertia proprietas , quam primam assignat Aristoteles , est , quod actio , & passio habent contrarium , quod vtrique ratione termini ad quem illis competit , & calefactio contrariatur frigefactioni , quia frigus contrariatur calori . Quarta denique proprietas , quam Aristoteles assignat secundam , est , quod actio & passio suscipiunt magis , & minus , quod etiam eis ratione termini ad quem competit .

QVAESTIO XXXII.

Quid sint reliqua quatuor prædicamenta, & quas habeant species, & proprietates?

PRædicamentum quando aliqui, falso existimant consistere in duratione cuiusunque rei: ac perinde illud faciunt independens à tempore, siquidem etiam, si tempus non sit, ut non erit post finem mundi, re vera quælibet res habebit suam durationem; tamen secundum sententiam Gilberti, D. Thomæ, & omnium communem: *quando est id quod ex adiacentia temporis relinquitur, ut esse in hoc, vel illo tempore.* Itaque quamvis, ut aliquod sit in tempore, requiratur ipsum subiectum, quod sit in tempore, & eius duratio (quod enim non habet durationem, in tempore esse non potest) & requiratur ipsum tempus; *quando tamen non consistit, nec in re, quæ est in tempore, nec in illius duratione, nec in ipso tempore, sed in quodam accidente, quod ex eo, quod aliquid sit in aliquo tempore, illi resultat: sicuti (ut statim explicabimus) ad hoc quod sit ubi, requiritur res, quæ sit in loco, & eius quantitas, ratione cuius est in loco, & ipse locus; in nullo tamen illorum consistit ubi, sed in quodam accidente intrinseco, quod rei locatæ, ex eo quod sit*

fit in loco, resultat. Ita ergo similiter de quando, ut explicatum est, & ita Aristoteles ait in hoc capite, quod *quando* est esse heri, vel superiori anno. Et D. Thomas 5. Phisicorum lectione 3. ait, quod *quando* significat in tempore esse. Et idem, asserit in primo sententiarum ad Anibaldum distinction. 33. quæstion. 1. art. 1. ad 2. Ac denique definitionem assignatam huius prædicamenti assignat ipse Sanctus Doctor opusculo 48. & in 4. dist. 16. quæst. 3. art. 1. quæstiuncula 1. idque explicat ibi, sicut explicuimus de *vbi*.

2. Species huius prædicamenti relictis alijs sententijs, desumuntur penes diuersum ordinem existendi in tempore ad diuersas partes temporis. Vnde species sunt esse in tempore præsentis præterito, vel futuro. Et cum tempus præsens sit in diuisibile, esse in tempore præsentis est species *athoma*. Aliæ duæ sunt species subalternæ, & esse in tempore futuro diuiditur in esse hora sequenti, anno, die, vel mense sequenti, & proportionabiliter diuiditur esse in tempore præterito.

3. Prædicamentum *quando* tres habet proprietates: duas communes ipsi, & reliquis tribus prædicamentis, & alteram sui propriam. Duæ priores communes sunt, quod nec habeat contrarium, nec suscipiat magis, & minus: esse enim heri non contrariatur esse hodie, licet sint simul incompatibilia propter successionem temporis, nec aliquid est magis heri,
aut

aut magis hodie, quam alterum. Tertia autem proprietas, quæ specialiter conuenit *quando*, est quod solum ea, quæ incipiunt, & desinunt esse, sint in hoc prædicamento, quia cum illud sit quod ex adiacentia temporis relinquitur, & æterna non sint in tempore, sed solum ea, quæ incipiunt, solum illis ex adiacentia temporis potest aliquid relinqui.

4 *Vbi* secundum Gilbertum, est *circumscrip-
tio passiva corporis à circumscriptione
actiua loci proueniens*. Huius definitionis explicatio iam in præcedenti manet insinuata: cum enim ut corpus circumscribatur à loco, concurrat ipsum corpus, & eius quantitas media qua redditur capax existendi in loco, & locus extrinsecus ipsum corpus circumscribens in nullo istorum consistit *vbi*, sed in quodam accidenti intrinseco, quod à circumscriptione actiua loci in corpus ipsum locatum resultat, quod tamen accidens, cum desumatur à loco extrinseco, non potest intelligi sine aliquo respectu transcendentali ad ipsum locum, & ideo motum localem, per quem mobile acquirit *vbi*, aliquando Philosophus, & D. Thomas asserit esse ad locum, aliquando vero esse ad *vbi*; quia ad locum est, ut ad terminum extrinsecum motus, ad *vbi* vero ut ad terminum intrinsecum illius: prius enim est mobile coniungi loco, & ab ipso actiue circumscribi, quam quod in illo resultet circumscrip-
tio passiva, quod est accidens
quo-

quodam intrinsecum quod dicitur *ubi*. Et quamuis non solum corpora, sed etiam substantiæ spirituales sint in loco, licet non circumscriptione, sed definitiue; hic tamen solum definiuit Gilbertus *ubi* quod resultat à circumscriptione actiua loci, vel quia de tali *ubi* vt magis noto solum est locutus, vel quia probabile est, quod esse in loco circumscriptione, & definitiue non vniuoce conueniunt: ac perinde *ubi*, quod ex tali diuerso modo existendi in loco resultat, non pertinet ad idem prædicamentum, & solum ad hoc prædicamentum pertinet *ubi*, quod prouenit ex circumscriptione actiua loci.

5 Species autem huius prædicamenti (vt ex Aristotele 5. Phisicorum textu 45. colligitur) sunt esse sursum, & deorsum, antea & retro, dextrorsum & sinistrorsum. Proprietas autem huius prædicamenti præter duas communes illi, & alijs tribus prædicamentis, quas in præcedenti assignauimus, est, quod *ubi* solum competat corporibus quantis, quia (vt diximus) *ubi*, quod pertinet ad hoc prædicamentum, solum est, quod prouenit ex circumscriptione actiua loci, & solum corpora quantia possunt à loco circumscribi.

6 Distinguitur prædicamentum *Situs* à prædicamento *ubi* in eo, quod *ubi* solum dicit existentiam corporis in loco, & præter hoc datur dispositio partium corporis locati in ordine ad locum, videlicet, quod in ordine ad locum vna pars corporis lo-

cari sit prior altera : & hæc dispositio est *Situs*. Vnde ille definitur , quod sit dispositio partium in ordine ad locum , & dicitur , dispositio partium in ordine ad locum , quia dispositio partium in ordine ad se non constituit *Situm*. Est autem duplex dispositio partium in ordine ad locum ; naturalis videlicet , & præter naturalis . Naturalis est illa dispositio , quam quodlibet corpus ex sua natura habet , ut ex natura sua homo habet caput supra pectus , quod non habent bruta . Dispositio autem præternaturalis est illa , quam quodlibet animal ex suo appetitu , & voluntate habet , ut diversa est dispositio hominis sedentis , iacentis , & stantis .

7 Species huius prædicamenti sunt dispositio naturalis in ordine ad locum , illa videlicet dispositio , quam natura cuiuslibet corpori præfixit : homini enim natura præfixit , ut habeat caput sursum , arbori , quod habeat caput , scilicet radicem deorsum , & brutis quod habeant caput inclinatum ad terram : non tamen ita deorsum , sicut arbores . Altera species est præternaturalis , & est illa , quæ convenit ex appetitu animalis ; & hæc diuiditur in diuersas species , ut sedere , iacere , & stare . Potest etiam diuidi hæc dispositio in æqualem , vel inæqualem dispositionem in ordine ad locum . Et inde est , quod asperum , & lene pertinent ad hoc prædicamentum ; quatenus scilicet ali-

1056 *Lib. 7. de prædicamentis*

aliquid est asperum, ex eo, quod habeat partes inæqualiter dispositas in ordine ad locum, & aliud est lene ex eo, quod habeat partes æqualiter dispositas in ordine ad locum. Proprietas huius prædicamenti potest assignari sicut in prædicamento *ubi*, quod solum corpora quanta sint in hoc prædicamento, quia solum illa habent dispositionem partium in ordine ad locum.

8. Suppositis his, quæ cap. de qualitate, quæstion. 2. in solutione ad 3. objectionem diximus de diuersis acceptionibus habitus, & quod hic sumitur habitus pro habere aliquid, prout inter habens, & rem habitam mediat aliquid per modum actionis, aut passionis habitus in ea acceptione, & prout est vltimum prædicamentum, sic definitur à Gilberto, quod sit *corporum, vel eorum, quæ circa corpus sunt adiacentia*, hoc est quod ex eo, quod aliquis habeat vestem, & non quomodo cumque illam, habeat, vel possideat, sed sit illa vestitus, ex tali veste sibi adiacente resultat in corpore adiacentia vestis, id est habere prædicto modo vestem. Et id dicitur habitus, qui quamuis ab extrinseca veste desumatur, aliquid tamen est intrinsecum, in ipso corpore vestito.

9. Species autem huius prædicamenti diuiduntur secundum diuersa genera vestimentorum, quæ toti corpori, vel eius partibus possunt adiacere, vt habere arma,

ma, habere vestem, habere calceamentum, seu esse armatum, esse vestitum, esse calceatum.

C A P V T

De postprædicamentis.

QVÆSTIO XXXIII.

De oppositis: & cuiusvis oppositionis conditionibus.

Post tractatum prædicamentorum agit Aristoteles de postprædicamentis, quæ sunt quidam modi incompleti, quæ per omnia prædicamenta diuagantur, & ideo post prædicamenta dicuntur. Illa autem sunt quinque, scilicet oppositio, prioritas, simultas, motus, & modus habendi. Et quamvis de singulis eorum per singula capita tractet Aristoteles, de omnibus vnicum caput proponimus, & quæ in singulis prædictis quinque capitibus habet Aristoteles, in duabus quæstionibus breuiter proponemus, & explicabimus. Ad quæstionem igitur præsentem accedentes. Aristoteles non definit oppositionem in communi sed quatuor assignat species oppositionis, scilicet contradictoriam, priuatiuam, contrariam & relatiuam,

nam, contrariam, & relatiuam. Cuius diuisionis sufficientiam probat noster author super, caput postpredicamentorum, quia omnis oppositio, vel est inter ens, & simpliciter non ens, & sic est oppositio contradictoria; vel est inter ens, & non ens; in subiecto tamen apto habere tale ens, & sic est oppositio priuatiua; vel est inter ens, & ens, quæ mutuo se expellunt, & sic est oppositio contraria; vel denique est inter ens, & ens, quæ mutuo se respiciunt, & sic est oppositio relatiua; nec excogitari potest alius modus oppositionis. Sufficiens ergo in quatuor prædictas oppositiones diuiditur oppositio.

2 Inter huiusmodi autem oppositiones omnium maxima est contradictoria; vtpote inter cuius extrema nullum est medium, nec aliqua inter illa est conuenientia, nec vllum extremum exigit subiectum, quod sit capax alterius extremi. Oppositio autem priuatiua maior est oppositione contraria, & relatiua, cum illa sit inter ens, & non ens: istæ vero inter ens, & ens. Oppositio autem contraria est maior, quam relatiua, quia contrariè opposita ab eodem subiecto mutuo se expellunt; relatiuè autem opposita saltem respectu diuersorum possunt in eodem subiecto reperi, vt idem respectu vnius potest esse duplum, & respectu alterius sub duplum. De comparatione autem inter oppositiones dialecticas, vt inter oppositionem, contradictoriam, contrariam, & subcon-

Quæstio XXXIII. 1059

trariam, non est huius loci agere, in quo Aristoteles loquitur de oppositione physica.

3 Hinc est, diuisionem in prædictas quatuor oppositiones esse analogam, non quidem (ut aliqui existimant) quia aliquæ huiusmodi oppositiones sunt inter entia realia, aliquæ inter ens reale, & rationis; quia licet nihil in ratione entis possit dari uniuocum enti reali, & rationis, si tamen oppositio esset inter illa in omnibus illis æqualis, uniuoce communis esset illi ratio oppositionis: sicut re vera in ratione oppositionis contradictoriæ uniuoce conueniunt duo contradictoria, quorum extremum positium est ens reale, cum alijs contradictorijs, quorum utrumque extremum est ens rationis. Sed ratio analogiæ huius diuisionis desumitur ex eo, quod oppositio contradictoria est simpliciter oppositio, aliæ autem non ita simpliciter, sed maiores, vel minores, ut dictum est, & oppositio relatiua solum est secundum quid oppositio.

4 Descendendo autem ad singulas species oppositionis, de relatiua præter illa, quæ super caput de relatione diximus, nihil restat dicendum, nisi quod propria solum dicuntur aliquæ relationes, aut relatiua relatiue opponi, quæ mutuo se respiciunt, ut Pater, & Filius, paternitas, & filiatio & unum simile alteri simili, & unum æquale alteri æquali, relatiue opponuntur. Relatio autem similitu-
ni-

dinis, & dissimilitudinis cum non sint relationes quibus relatiua mutuo se respiciunt, sed secundum quarum vnā relationem respicit vnum, & secundum alteram alterum, non dicuntur opponi relatiue. De oppositione autem contradictoria nihil etiam oportet aduertere, nisi quod hic sumitur illa non pro oppositione contradictoria propositionum: de illa enim pertinet agere ad Dialecticum, sed de oppositione contradictoria physica, vt inter ens, & non ens, hominem, & non hominem, inter album, & non album.

5 Circa oppositionem priuatiuam est aduertendum primo. Quod priuatio potest sumi, & proprie, & improprie. Accipitur proprie quando est carentia formę in subiecto secundum speciem, & indiuiduum, & secundum omnes circūstantias nato habere illam, vt priuatio visus in homine: dicitur autem priuatio improprie, quando est carentia formę in subiecto, quod vel solum secundum genus, & non secundum speciem est natum habere illam, vt talpa sic improprie dicitur cæcus, quia solum secundum rationem genericam animalis est capax habere visum; non vero secundum suam rationem specificam, vel quando est carentia formę in subiecto, quod licet sit capax secundum indiuiduum habere illam, non tamen pro tali tempore, vt carentia visus in cane ante nonum suę natiuitatis diem.

6 Circa opposita autem contrarie, li-

Quæstio XXXIII. 1061

et contraria non definiat hic Aristoteles, eorum definitio sumitur ex ipso, 10. metaphisicorum, capit. 9. quod contraria sunt quæ sub eodem genere maxime distant, & ab eodem subiecto mutuo se expellunt. Quinque autem assignat hic Aristoteles contrariorum conditiones. Prima, quod bono non contrariatur, nisi malum; malo autem potest contrariari, & bonum, & malum, quæ conditio intelligitur, quod si alicui bono, ut bonum est, aliquid contrariatur, ut sic non contrariatur nisi malum, malo autem etiam ut malum est potest contrariari, & bonum, & malum, ut avaritiæ contrariatur aliquid bonum, scilicet virtus liberalitatis, & aliquid malum, scilicet vitium prodigalitatis. §. Secunda conditio est, quod non est necesse, quod si unum contrariorum sit, sit etiam, & alterum, ut non sequitur si album est, etiam nigrum est. Idque intelligitur de necessitate logica, nam physicè, & naturaliter necesse est esse elementa contraria, & quod si est ignis etiam sit aqua. §. Tertia conditio est, quod duo contraria non possunt simul esse in eodem subiecto, & intelligitur in gradibus intensis, nam in gradibus remissis, bene possunt contraria esse simul. Quarta conditio quod contraria possunt versari circa idem subiectum. §. Ultima conditio est, quod omnia contraria, aut sunt sub eodem genere, ut album, & nigrum sub genere coloris, aut sub contrariis generibus, ut iustitia, &

in

in iustitia, quorum primum est sub genere virtutis, & alterum sub genere vitij; aut ipsa contraria sunt genera, vt bonum, & malum, nec ista conditio contrariatur definitioni contrariorum, quia quomodolibet prædicto modo sint contraria, semper sunt sub eodem genere mediato, vel immediato.

QVÆSTIO XXXIV.

De quatuor reliquis post prædicamentis.

Duo sequentia post prædicamenta assignat Aristoteles modum prioritatis, & simultatis. Quinque autem assignat modos prioritatis. Primus est prioritas temporis, vt quando duo diuerso tempore generantur, vnum est prius tempore alio. Secundus modus est prioritas subsistendi consequentia, vt cum vnum infertur ab alio, non tamen infert illud, vt vnum hoc modo est prius duobus: quia bene valet, sunt duo: ergo est vnum, non tamen è conuerso. Tertio modo dicitur aliquid prius ordine, vt inter sedentes, qui primo loco sedet, dicitur prior ordine alijs. Quarto modo dicitur aliquid prius dignitate, vt Rex est prior alijs dignitate. His notis quatuor modis prioritatis, addit Aristoteles quintum, scilicet

Questio XXXIV. 1063

modum prioritatis naturæ, & ait id esse altero prius natura, quia cum sint simul tempore est causa alterius, sicut prius natura est sol, quam eius illuminatio, quia quamuis sint simul tempore, sol tamen est causa illuminationis. Præter hos tamen modos prioritatis Theologi inveniunt alium modum, quem vocant prioritatem originis inter diuinas personas, quæ sunt omnino simul, & licet vna non sit causa alterius, procedit tamen ab altera, & sic vna est prior origine altera. Totidem proportionabiliter modis, quibus dicitur aliquid prius, dicitur aliud posterius.

2. Tribus autem modis dicuntur aliqua simul, scilicet simul tempore, vt quæ in eodem instanti temporis generantur, & simul natura, vt cum aliqua mutuo se inferunt, & tamen vnum non est causa alterius, vt duo relative opposita. Tertio modo aliqua dicuntur, simul vt differentia, quæ ex æquò immediate diuidunt idem genus, vt terrestre, aquatile, volatile diuidunt genus animalis, & quamuis hæc videantur compræhendi sub secundo membro simultatis, cum vnum non sit causa alterius, addidit tamen hunc modum simultatis Aristoteles ad denotandum, quod quamuis inter has differentias vna sit nobilior alia; vt tamen diuidunt genus, sunt simul natura.

3. Quartum postprædicamentum est motus, qui cum sit tendentia, & via ad terminum, est aliquid incompletum; ac

X x

per-

perinde ad nulum prædicamentum directe pertinens, sed est post prædicamentum, & reductiue pertinet ad prædicamentum sui termini. Sex autem assignat Aristoteles hic species motus iuxta differentiam terminorum, ad substantiam, videlicet, generationem, & corruptionem, licet isti non sint proprie motus, sed mutationes instantaneæ; ad quantitatem, augmentationem, & diminutionem: ad qualitatem motum alterationis: & ad ubi motum localem.

4. Cuicumque motui contrariatur quies, licet magis opponatur illi priuatiue: specialiter autem cuilibet motui contrariatur motus ad formam contrariam, vt motui sursum motus deorsum, & motui augmentationis motus diminutionis, ac mutationi generationis mutatio corruptionis.

5. Vltimum denique post prædicamentum est *habitus* seu *habere*, & iam explicuimus supr. cap. de qualitate quæst. 27. diuersas acceptiones habitus, & quod hic non accipitur habitus pro dispositione subiecti: vt sic enim est species qualitatis, nec pro habere aliquid secundum, quod inter habens, & rem habitam mediat aliquid per modum actionis, & passionis, sed pro habere aliquid quomodolibet alio modo, & diuersos modos aliquid habendi Philosophus 5. metaph. text. 28. reducit ad quatuor. Primo aliquid dicitur habere aliquam rem, quam trahit ad suam dispositionem.

Quaestio XXXIV. 1065

positionem, ut febris habet infirmum.
Secundo aliquid habet aliud, sicut subie-
ctum habet formam. Tertio continens
habet contentum, ut vas habet aquam.

Quarto aliquid habet alium per
violentiam, ut columna

habet trabem. His ad-

dit Philosophus


5. modum

ha-

bendi, ut quis dici-

tur habere ami-

cum.



LIBER

OCTAVVS

DE POSTERIORIBVS.



Demonstratio, ad quam omnia, qua hucusque diximus, ordinantur includit bonitatem consequentia, seu formam syllogisticam, de qua egit Aristoteles in duobus libris priorum, & nos late in tertio libro summarum: & includit etiam veritatem, & necessitatem praemissarum, de quibus agit Aristoteles in duobus libris posteriorum, quos ideo appellat de posteriori resolutione, quia tamen latissima est utriusque libri littera textus, & pluribus adductis mathematicarum exemplis sub obscura, quamvis illam late explicet noster author Ss. M. Soto, libuit totam litteram utriusque libri breuiter ac summam praemittere, illamque postea aliquibus questionibus examinare.



*Summa textus 1. & 2. libri
Posteriorum .*

IN hoc primo libro qui in 27. diuiditur capita vsque ad cap. 23. agit Aristoteles de demonstratione, & eius diuisionibus, & in primo capite præmissio vniuersali theoremate, quod omnis doctrina, & disciplina intellectiua ex præexistente sit cognitione, ait, ad quamcumque demonstrationem tria præcognita requiri, videlicet principium, subiectum, & passio, & de illis duas præcognitiones, videlicet *an sint, & quid sint.*

In secundo capite ait, scire esse, *rem per causam cognoscere, & quod illius est causa, & quod aliter se habere non potest.* Demonstrationem autem definit dupliciter. Primo, quod sit *sylogismus faciens scire.* Secundo, quod sit *sylogismus constans ex veris, primis, immediatis, prioribus, notioribus, causisque conclusionis.* Definit principium quod sit *propositio immediata*, idest, qua non est altera prior, seu quæ caret medio vt probetur. Diuidit autem principium, seu propositionem immediatâ in positionem, & dignitatem. Positio dicitur, quæ demonstrari non potest per aliquod medium. Dignitas autem est principium certissimum, & communissimum, quod in quolibet intellectu inuenitur, & ad quamlibet præsupponitur scientiam vt

hoc principium, quodlibet est vel non est. Rursus propositionem diuidit in suppositionem, & definitionem. Definitio dicitur principium particulare ubi continetur definitio: suppositio vero illud principium, ubi tantum continetur genus, vel differentia.

In tertio capite reijcit duos errores. Primum, negantium scientias, quia in illis vel procedendum esset in infinitum, & sic nunquam resolveretur aliquid in sua principia, vel deueniendum esset ad aliquod principium, quod per aliud non cognosceretur, ac perinde illud non esset scitum, cum non cognosceretur per causam. Sed responderet Aristoteles, quod non est procedendum in scientijs in infinitum sed deueniendum est ad aliquod primum principium, quod immediate in se ipso per lumen primorum principiorum euidenter cognoscatur. Alter error erat aliorum, qui admittentes scientias, negabant deueniri ad aliquod principium lumine naturali euidenter in se cognitum, sed conclusiones demonstrari per principia, & principia per conclusiones. Hunc autem errorem reijcit Aristoteles, quia alias eadem respectu eiusdem essent priora, & posteriora, notiora, & minus nota.

In quarto capite asserit, demonstrationem debere constare ex necessarijs. Nam cum conclusio demonstrationis, utpote scientifica non possit aliter se habere,

re, principia ex quibus infertur, debent esse necessaria. Deinde ut explicet quid sit propositio necessaria, ait illam debere esse propositionem *de omni*, & quod prædicatum per se; & semper competat omni contento sub subiecto. Ac denique distinguit quatuor modos dicendi per se. Primus, cum prædicatur definitio, aut pars definitionis de definitione. Secundus, cum prædicatur propria passio de subiecto. Tertius, eum aliquid per se existit, & non in alio, ut prima substantia, & hic potius est modus per se essendi, quam prædicandi. Quartus, cum prædicatur de propria causa eius effectus, ut ædificator ædificet, iugulatus interijt, ad differentiam causæ contingentis, aut casualis, ut ædificator inuenit thesaurum.

In quinto capite proponit ea, in quibus errari solet circa propositionem in primo modo dicendi per se, & ad illam dignoscendam præbet documentum, quod si demptis omnibus alijs à subiecto præter prædicatum, adhuc illi competat prædicatum, & nulli alij ab illo subiecto competat, tale prædicatum dicitur, in primo modo dicendi per se, ut hæc propositio, triangulus habet tres angulos æquales duobus rectis, est in primo modo dicendi per se, quia prædicatū nulli alij comuenit, quam triangulo, & demptis à triangulo omnibus alijs præ-

ter esse triangulum, ut si ab illo auferas, quod sit ligneus, vel aureus, quod sit albus, vel niger, et omnia alia præter esse triangulum, ad huc ei conuenit prædicatum.

In capite sexto probat late demonstrationem debere constare ex necessarijs et quod cum ex necessario semper sequatur necessarium, repugnat quod conclusio demonstrationis sit contingens, ac perinde quod aliquid accidens commune possit sciri, aut demonstrari.

In capite septimo probat demonstrationem debere constare ex proprijs, et non ex alienis, nec sufficit, quod procedat ex communibus: ac subdit quod nulla scientia particularis potest probare sua principia.

In capite octauo, idem probando prosequitur, additque, quod metaphisica et logica sunt scientiæ vniuersales.

In capite nono ostendit in qualibet scientia esse proprias interrogationes, explicatque in quo differant demonstrator, et dialecticus.


In capite decimo diuidit demonstrationem, in *quia* et *propter quid*. Vnde etiam colligitur diuisio scientiæ in subalternantem, et subalternatam.

Ab vndecimo capite vsque ad 23. exclusiue agit de aliquibus alijs ad demonstrationem pertinentibus, ut quod prima
figu-

figura sit aptior demonstratione, quod demonstrationem contrarietur syllogismus erroneus: quod non procedatur in infinitum in demonstrationibus, qualiter propositiones mediatę ad immediatas reducantur.

A capite denique vigesimo tertio vsq: ad vigesimũ septimũ agit de scientia, quę est effectus demonstrationis, et explicat à quo desumatur vnitas, et diuersitas formalis scientiarum, et in quo scientia differat ab opinione, et solertia. Asseritque opinionem, et scientiam circa idem in eodem subiecto esse simul incompatibilem.

In secundo autem libro posteriorum, qui 18. continet capita, agit Aristoteles de medijs, et principijs demonstrationis. In prioribus quidem 17. capitibus de Definitione. In ultimo vero de primis principijs, et habitu primorum principiorum.



QVÆSTIO I.

*Utrum omnis doctrina, & disciplina
intellectiva sit præexi-
stente cognitione.*

EXistimavit Plato, quemlibet hominem habere à principio omnem scientiam, & cum videtur aliquid incipere de novo scire, re vera non incipit illud scire sed solum reminiscitur eius, quod antea sciebat. Vnde & assererat omne nostrum scire, non esse aliud quam quodam reminisci. Eiusque fundamentum erat, quia aliàs non posset homo desiderare aliquid scire, quia si illud actu sciret, non posset desiderare illud scire, etsi illud omnino ignoraret, nec unquam habuisset notitiam illius, etiam non posset habere appetitum ad illud sciendum. Ut hunc errorem, & eius fundamentum rejiceret Aristoteles, & pariter sterneret viam ad fruendi necessitatem præcognitorum ad demonstrationem, hoc in principium huius operis statuit theorema, quod omnis doctrina, & disciplina intellectiva præexistente sit cognitione.

Loquiturque Aristoteles de doctrina, & disciplina intellectiva; nam cognitio sensitiva non est ex alia præexistente cognitione; aliàs daretur processus in

infinitem. Et quamvis in vniuersum verificari possit omnem cognitionem intellectiuam hominis pro hoc statu ex præexistente esse cognitione, quia omnis cognitio iudicatiua præsupponit cognitionem apprehensiuam compositam, & illa apprehensionem simplicem, & hæc cognitionem sensitiuam, quia omnis nostra cognitio intellectiua pro hoc statu ortum habet à sensu; tamen nec hoc est proprie cognitionem intellectiuam esse præexistenti cognitione, quia, vt optime notat noster author hic quæstion. 1. ly ex dicit causalitatem efficientem vnius cognitionis ad alteram, & nec cognitio sensitiua respectu intellectiue, nec cognitio apprehensiua respectu cognitionis iudicatiue habet proprie causalitatem efficientem, sed formalem, quatenus per illam intellectui proponitur obiectum, & idest omnino præter intentum Philosophi, qui solum vult, omnem intellectiuam doctrinam, & disciplinam esse ex præexistente cognitione, vt in cognitionibus intellectiuis non sit processus in infinitum, sed deueniatur ad aliquam cognitionem ita per se notam, quod non indigeat alia cognitione vt probetur.

3 Dicendum igitur est, prædictum theorema esse intelligendum, quod omnis cognitio quæ per discursum habetur, siue scientifica, siue opinatiua est ex præexistente alia cognitione, it vt deueniatur ad aliquam cognitionem, quæ non

habeatur per discursum, sed immediate per lumen principiorum extendimus prædictum theorema etiam ad cognitionem opinatiuam habitam per discursum, quia etiam de illa apponit Philosophus exemplum, & illa etiam vltimate reducitur ad aliquam propositionem lumine principiorum euentem; ex qua per consequentiam ineuentem primus assensus opinatiuus deducatur. Imò, & cognitio fidei licet non sit proprie discursiua, quatenus tamen illam præcedit assensus credibilitatis, etiam præsupponit aliquem assensum per se notum, vt ad hoc quod fidem præbeam alicui aliquid mihi dicenti, licet non habeam euentiam eius, quod dicit, præcedit iudicium euidens, & per se notum, quod vir cognitæ authoritatis dignus est, vt ei fides adhibeatur.

4 Hinc sequitur istud theorema non esse extendendum ad cognitionem angelorum; & multo minus ad cognitionem diuinam, quia cum Angeli non cognoscant per discursum, sed licet ex parte obiecti cognoscant vnum per aliud; ex parte tamen cognoscentis vnica, & eadem cognitione attingunt principia, & conclusiones, essentiam ver. g. & passionem; eorum cognitio non est expræexistente cognitione. Sed solum id verificatur de cognitione discursiua, non comprehendendo totum discursum, vt amplectitur assensum præmissarum, & conclusio-

sionis. Quia quando aliqua præmissarum pertinet ad lumen primorum principiorum, illa non est expræexistente cognitione, sed solum quod assensus conclusionis per discursum acquisitus est expræexistente cognitione præmissarum, & assensus etiam præmissarum, si non sint lumine naturali notæ, sunt expræexistente alia cognitione, usque deueniatur ad aliquod principium lumine naturali notum, ad quod perinde non prærequiratur cognitio alicuius ex quo ipsum probetur.

5 Inde etiam sequitur confutatio erroris Platonis, & responsio ad eius fundamentum. Non enim oportet, quod omnia quæ cognoscimus, prius antea cognouerimus, nec inde sequitur, quod non possumus illa scire, desiderare, quia in aliquo principio, quod cognoscimus, licet non actu in particulari, & explicitè cognoscamus conclusionem; cognoscimus tamen illam in communi virtualiter, & implicite, & inde oritur in nobis desiderium illam in particulari & explicitè cognoscendi.



QVÆ.

QVÆSTIO II.

Utrum ad demonstrationem sint tria præcognita, & duæ præcognitiones?

CUm (ut quæstione præcedenti ostendimus) Aristoteles statuerit, omnem assensum per discursum acquisitum, esse ex præexistenti cognitione, accedens in particulari ad assignandum quæ ad assensum scientificum conclusionis debeant præcognosci, & quæ de illis præcognosci debent, asserit ad cuiuslibet conclusionis assensum debere esse tria præcognita, principium videlicet seu præmissas, passionem, & subiectum, & quod de illis debent esse duæ præcognitiones, scilicet *an sint*, & *quid sint*. Inquirimus ergo, an sufficienter tria præcognita assignentur, & quæ cuiuslibet illorum competat præcognitio.

2. Dico igitur primo. Sufficienter assignantur tria prædicta præcognita. Conclusio probatur ex doctrina D. Tho. in præsentī lectione 2. quia cum conclusio cognoscatur propter præmissas, necessario ad illam cognoscendam prærequiritur, ipsas præmissas cognoscere, quæ cū assumantur per modum vnius principij, illud est vnum ex præcognitis. Sed ad cognoscendum præmissas requiritur, quod

co-

cognoscatur subiectum & passio. Ecce ergo ad cognitionem scientificam conclusionis tria debent esse præcognita.

3 Obijcies primo, quod etiam prærequiritur ad assensum conclusionis cognitio bonitatis consequentiæ: ergo præter tria prædicta præcognita, debet assignari aliud, scilicet bonitas consequentiæ.

§. Respondetur verum quidem esse quod bonitas consequentiæ debet præcognosci ad assensum conclusionis. In præsentia tamen solum loquitur Aristoteles de præcognitis posterioristicis, quæ pertinent ad materiam demonstrationis, non autem ad illius formam.

4 Obijcies secundo, quod quamvis præmissæ constent ex subiecto & passione, tanquam ex eius extremitatibus; passio & subiectum constituunt diversa præcognita ab ipsis præmissis, in quod quid præcognitum ad cognitionem præmissarum requiruntur: ergo etiam debet dari aliud præcognitum scilicet medium, quod in utraque præmissa coniungitur cum extremitatibus. §. Respondetur, quod medium, cum sit quod præbet formam præmissis: non ponit in numero cum ipsis præmissis; subiectum autem, & passio, quamvis ingrediantur præmissas, ut illarum materia, debent præcognosci ad cognitionem ipsarum præmissarum & sic constituunt diversa præcognita.

5 Dico secundo, de huiusmodi præcognitis solum possunt esse duæ præcognitiones,

1078 *Lib.8. de posterioribus*

nes, *an videlicet sint, & quid sint*, quælibet cuiuslibet præcognito suo modo applicata. Pro quo est aduertendum, quod si præcognitū sit complexū, quales sunt præmissæ, solū potest cognosci de illis *an sint*, quod est *an sint* verq̃. De subiecto autem debet præcognosci *an sit*, non quidē, *an sit* existens (scientiæ enim, cum sint de necessarijs & perpetuis, abstrahunt ab existentia) sed *an sit* possibile, quia debet cognosci de illo etiam quid sit, & illud quod non est possibile, non habet essentiam, & debet cognosci de illo (vt dixi) *quid sit*, idest, quam habeat essentiā, & definitionē. De passione vero debet præcognosci non quidem, *an sit* (id enim est quod intenditur cognosci per assensum cōclusionis) *sed quid sit* passio, hoc est, quid significet nomen passionis: si enim quis ignoret, quid significet nomen passionis, non potest cognoscere veritatem præmissarum.

6 Obijcies, quod de subiecto non debet præcognosci eius definitio. Plures enim scientiæ, quæ de suo subiecto passionis demonstrant, illius tradunt etiam definitionem. Non igitur definitio subiecti debet esse præcognita.

Resp. quod licet aliquæ scientiæ definitionem tradant sui subiecti, ipsam tamen definitionem non possunt per demonstrationem probare: ac perinde ad cuiuslibet assensum sciētificum per discursum, & demonstrationem acquisitum, per quem cognoscitur, aliquam passionem conuenire

nire subiecto, iam de ipso subiecto debet
præcognosci quid est illius videlicet defini-
tio.

QVÆSTIO III.

*Vtrum assensus præmissarum concur-
rat efficienter ad assensum
conclusionis.*

Non loquimur de ipsis præmissis obie-
ctive sumptis: illæ enim sunt quasi
causa materialis conclusionis, quatenus
materia præmissarum licet diuersimode
disposita est etiam materia conclusionis;
sed loquimur de assensu præmissarum, an
ille simul cum intellectu concurrat effi-
cienter ad assensum conclusionis, ad assen-
sum, inquam, formalem conclusionis;
nam ad assensum virtuale illius, cum
non sit distinctus ab assensu præmissarum,
non potest ipse assensus præmissarum effi-
cienter concurrere.

2 Dico primo. Assensus præmissa-
rum in aliquo genere causæ concurrat ad
assensum conclusionis. Oppositum tenent
aliqui, existimantes discursum, per quem
ex præmissis deducitur conclusio, esse ad
modum motus, in quo assensus præmissa-
rum se habet, tanquam terminus à quo
& assensus conclusionis, tanquam termi-
nus ad quem. Et sicut in motu terminus

1080 *Lib.7. de prædicamentis*

à quo nullam causalitatem exercet in terminum ad quem: ita nec assensus præmissarum aliquam habent causalitatem in assensum conclusionis. Sed nostra assertio est communis. Et in primis, quod assensus præmissarum ad assensum conclusionis non se habeat præcisse vt terminis à quo ad terminum ad quem, probatur. Quia terminus à quo nullam actiuitatem tribuit mobili, vt acquirat terminum ad quem, nec in vi termini à quo mobile acquirit terminum ad quem: Assensus autem præmissarum virtutem tribuit intellectui, vt assentiatur conclusioni, siquidem in vi assensus præmissarum, & propter talem assensum intellectus conclusioni assentitur; ergo assensus præmissarum ad assensum conclusionis non se habet præcisse, vt terminus à quo in ordine ad terminum ad quem; nec præcisse (vt alij volunt) se habent assensus præmissarum. & assensus conclusionis secundum ordinem successionis, siquidem (vt diximus) in vi vnius intellectus procedit ad alterum, ergo aliquem ordinem causalitatis habet assensus præmissarum in assensum conclusionis. Et ita intelligitur communiter illud theorema Philolophi, quod explicuimus quæst. 1. quod omnis doctrina, idest assensus per discursum habitus ex præistente sit cognitione, ita vt ly ex dicat aliquod genus propriæ causalitatis.

3. Maior tamen difficultas est in quo
ge-

genere causalitatis assensus præmissarum ad assensum concurrat conclusionis. Certum si quidem est non concurrere in genere causæ finalis, quia cum assensus præmissarum sit propter assensum conclusionis, potius assensus conclusionis se habet ut finis respectu assensus præmissarum. Nec concurrere potest in genere causa materialis, quia licet præmissæ se habeant, ut materia respectu conclusionis; ipse tamen assensus præmissarum non se habet, ut materia assensus conclusionis; Ac perinde tota difficultas erit an assensus præmissarum concurrat solum (ut aliqui volunt) in genere causæ formalis determinando intellectum ad assensum conclusionis: an vero concurrat in genere causæ efficientis, tribuendo virtutem intellectui, ut efficienter eliciat assensum conclusionis.

4 Dico ergo secundo, assensus præmissarum in genere causæ efficientis concurrat ad assensum conclusionis. Ita manifeste videtur deduci ex D. Thoma pluribus in locis 1. enim posteriorum lect. 3. ait, præmissas habere rationem causæ efficientis, & actiue respectu conclusionis, & 5. metaph. lect. 3. ait S. D. quod licet præmissæ quoad illarum terminos sint causæ materiales conclusionis, quoad virtutem tamen conclusionem causandi, habent rationem causæ efficientis. Et 1. p. quæst. 24. art. 3. D. Thomas duplicem distinguit discursum. *Alter secundum*

scilicet

concurrere proponendo intellectui ipsum obiectum conclusionis quod est concurrere ad assensum illius in genere causae formalis obiectivae.

5 Secundo autem directe probatur conclusio, quia intellectus, qui licet secundum se sit potens ad cognoscendam conclusionem; non tamen ad cognoscendam illam scientifice & ut ex suis causis & principiis deductam, medio assensu praemissarum fit proxime potens ad cognoscendam sic scientifice conclusionem, & illi scientifice assentiendum. Ergo assensus praemissarum concurrat efficienter ad assensum conclusionis. Patet consequentia. Quia omne quod dat virtutem aut complet virtutem intellectus ad aliquid cognoscendum, concurrat efficienter cum illo ad talem cognitionem. Antecedens autem probatur. Quia in assensu praemissarum continetur virtualiter conclusio, et per praemissas illa manifestatur intellectui: ergo intellectus medio assensu praemissarum fit potens ex illo tanquam ex causa elicere assensum conclusionis. 5. Confirmatur. Praemissae in speculabilibus comparantur ad conclusionem, sicut finis ad media in operabilibus. Sed secundum communio rem sententiam, intentio finis concurrat efficienter ad electionem mediorum, et voluntas ut determinata per intentionem, fit potens elicere efficienter actum electionis: ergo assensus praemissarum concurrat efficient-

ter

ter ad assensum conclusionis, & intellectus actuatus per assensum præmissarum, fit potens elicere efficienter assensum conclusionis.

6 Obijcies primo, quod assensus præmissarum, utpote quo intellectus attingit principia illatiua conclusionis, concurrir in genere causæ formalis ad assensum ipsius conclusionis. Non igitur in genere causæ efficientis. Antecedens probatur, quia ipsa principia, & media quibus conclusio deducitur, sunt principia formalia specificatiua ipsius conclusionis: eadem enim materialiter conclusio, ut ex diuersis principiis deducta formaliter à se ipsa distinguitur: ergo similiter assensus præmissarum ad assensum conclusionis in genere causæ formalis concurrir.

7 Respondetur, negando primum, antecedens, quia quamuis principia per modum obiecti determinent intellectum ad speciem conclusionis; ipse tamen assensus præmissarum, quatenus in virtute continet assensum conclusionis, & tribuit virtutem intellectui ad eliciendum assensum conclusionis, efficienter simul cum intellectu ad assensum conclusionis concurrir.

8 Obijcies secundo, quod quidquid efficienter cum intellectu concurrir ad cognitionem, vel est habitus, aut species impressa & nullus actus, vel assensus intellectus est alterius actus efficienter operarius, aut productiuus: ergo assensus

Tus praemissarum cum sit actus intellectus, non est productivus alterius actus: ac perinde non concurrit efficienter simul cum intellectu ad assensum conclusionis.

9 Respondetur, quod licet actus intellectus, sicut & voluntatis, qui per se non ordinatur ad alterum actum, non sit productivus alterius actus; bene tamen, potest esse productivus actus intellectus, & voluntatis, qui ad alium actum ordinatur, & illum in virtute continet, sicut actus intensionis, quia continet in virtute electionis actum, ad illum efficienter cum voluntate concurrit, & voluntati ut eliciat actum electionis, virtutem tribuit. Cum ergo assensus praemissarum ordinetur ad assensum conclusionis, illumque virtualiter contineat; ac intellectui ad eliciendum assensum conclusionis praebet virtutem, ad cuius elicentiam intellectus absque tali assensu potens non erat, efficienter ad praedictum assensum conclusionis concurrit.

10 Obijcies tertio, quod causa efficiens debet actu existere, dum actu producit effectum. Sed cum actu elicitur assensus conclusionis, iam non existit assensus praemissarum. Ille igitur non concurrit efficienter ad assensum conclusionis. Minor probatur. Tum, quia cum assensus conclusionis eliciatur per discursum, & discursus importet successionem actuum, cessat assensus praemissarum, ut intellectus eliciat assensum conclusionis; ac perinde
non

non existit assensus præmissarum, quando actu elicitur assensus conclusionis. Tum etiam, quia cum diuersum sit obiectum, assensus præmissarum, & assensus conclusionis, non potest uterque assensus simul existere in intellectu, quia vt docet Diu. Thomas 1. part. quæstion. 85. art. 4. intellectus non potest simul plura intelligere, ac perinde cum transit ad eliciendum assensum conclusionis, iam desinit habere præmissarum assensum. Tum deniq; quia, vt Aristoteles concedit in primo capite primi libri posteriorum, & quæstione sequenti explicabimus, licet assensus minoris sit simul cum assensu conclusionis; assensus tamen maioris potest esse prius tempore assensu conclusionis. Sed solus assensus minoris non potest esse causa assensus conclusionis, sed si aliquo modo sit illius causa, debet esse simul cum assensu maioris; ac perinde si iste est prius tempore assensu conclusionis, iam non existet realiter cum elicitur assensus conclusionis; ac per consequens non poterit esse causa assensus illius.

II. Respondetur negando minorem: in eodem enim stanti temporis, vt asserit Aristoteles loco citato, existit assensus saltem minoris, & assensus conclusionis, licet cum ille sit causa istius, sit prius natura, quam iste. Vnde ad primam probationem respondetur, quod discursus non importat successionem actuum cum prioritate temporis vnius ad alterum, sed sufficit

sic quod sic eum prioritate naturæ; & sic assensus præmissarum debet esse saltem prius natura assensu conclusionis. §. Ad secundam probationem respondetur, quod D. Thomas solum intendit, quod intellectus non possit plura eadem attingere cognitione; non tamen quod diuersis actibus non possit simul in eodem temporis instanti plura cognoscere, maxime si sint inter se ordinata, sicut sunt obiectum præmissarum, & conclusionis. §. Ad tertiam probationem respondetur, quod licet assensus maioris præcedat tempore assensum minoris, assensus tamen minoris quatenus determinat assensum præcedentem maioris, continet in virtute ipsum assensum maioris; ac perinde licet ille solum realiter existat cum de facto elicitur assensus conclusionis, ille vt in virtute continens assensum maioris causat efficienter assensum conclusionis.

12 Obijcies quarto, quod assensus præmissarum non potest esse causa neque vniuoca, neque æquiuoca assensus conclusionis. Ergo nullatenus potest esse causa efficiens illius. Quod non possit esse causa vniuoca probatur. Quia est diuersæ speciei ab assensu conclusionis; vtpote hic scientificus, ille ad lumen primorum principiorum pertinens, & causa vniuoca debet esse eiusdem speciei cum effectu. Quod nec possit esse causa æquiuoca probatur. Quia causa æquiuoca est causa vniuersalis determinabilis per alias cau-

Y y

las;

fas; assensus autem præmissarum quomodo-
cumque sit causa assensus conclusionis,
est causa particularis illius, siquidem
in eo genere, quo ad illum concurrat, non
mediat alia proximior causa.

13 Respondetur, quod licet assensus
præmissarum sit causa particularis assen-
sus conclusionis, est tamen causa æqui-
uoca illius, quia id quod concurrat ut
quo, & ut virtus agendi, etiam si sit cau-
sa particularis & proxima, potest esse
causa æquivoca, & ad effectum concur-
rere diuersæ rationis, & speciei, sicut ca-
lor in animali, quia est virtus agendi, li-
cet particularis, est causa æquivoca pro-
ductionis sanguinis.

14 Ultimo tandem obijcies, quod si
assensus præmissarum in genere causæ effi-
cientis concurreret ad assensum conclu-
sionis, potest Deus illius concurrere
supplere, & facere ut absque assensu præ-
missarum intellectus assensum eliceret
conclusionis. Consequens est impossi-
bile. Quia absque prævio assensu præ-
missarum assensus conclusionis non esset
scientificus. Ergo ad illum non concur-
rit assensus præmissarum in genere causæ
efficientis, sed in genere causæ formalis,
vel in alio genere causæ insupplebilis à
Deo.

15 Respondetur negando sequelam.
Quia licet Deus possit supplere concur-
sum causæ efficientis; non tamen facere
quod effectus eodem modo procedat, si-
cut

aut à causa particulari efficienti procederet: sicuti potest Deus producere sine generante animal, non tamen ut genitum: quia ut sic dicit essentialem ordinem ad generans. Et quia assensus conclusionis ut scientificus, scilicet ut ex præmissis illatus, dicit essentialem ordinem & dependentiam à principiis & ab assensu illorum, etiam si ad illum assensum præmissarum concurrat efficienter, non potest Deus facere quod absque assensu præmissarum intellectus assensum eliciat conclusionis formaliter ut scientificum & ut ex principiis illatum.

QVÆSTIO IV.

Utrum assensus præmissarum necessitet intellectum ad assensum conclusionis, ita ut necessario in eodem instanti temporis sit assensus præmissarum, & conclusionis.

Loquimur de assensu præmissarum demonstrationis, an iste necessitet intellectum ad assensum formalem conclusionis, quia assensus virtualis illius non distinguitur ab ipso præmissarum assensu; & loquimur de assensu præmissarum, qui

illis vt recte in modo , & figura dispositis correspondet, & respectu intellectus bene dispositi, qui non solum cognoscat veritatem & necessitatem pręmissarum , sed & bonitatem consequentię .

2 Pro cuius explicatione est aduertendum , duplicem esse necessitatem , alteram quoad specificationem , seu quoad speciem actus, alteram autem quoad exercitium . Tunc necessitatur aliqua potentia quoad specificationem , cum si elicit actū, debet esse talis determinatę speciei, ita vt non possit elicere cōtrarium: & ob id etiam talis necessitas vocatur necessitas contrarietatis, quia est necessitas ad alteram contrarietatis partem . Et vt in intellectu apponamus exemplum, tunc dicitur intellectum necessitari quoad specificationē, quod si eliciat actum, debeat esse assensus, ita vt nō possit esse dissensus, vel e contra , debeat esse dissensus , ita vt non possit esse assensus. Necessitas autē quoad exercitiū est, quando potentia ita est determinata ad elicentiā alicuius actus , quod non possit non elicere illum . De vtroque ergo modo necessitatis inquirimus an intellectus ex assensu pręmissarum necessitetur ad assensum conclusionis ,

3 Dico primo . Intellectus ex assensu pręmissarum necessitatur saltem quoad specificationem ad conclusionis assensum ita vt supposito in intellectu assensu pręmissarum , si aliquem eliciat actum , circa conclusionem, necessario debeat esse assen-

assensus, & nullatenus possit esse dissensus. Conclusio est communis, & patet, quia cognoscens veritatem præmissarum, & bonitatem consequentiæ, ac sciens quod in bona consequentia ex vero non potest sequi nisi verum, non potest cognoscere conclusionem esse falsam; sed si aliquid de illa cognoscat, debet cognoscere, illam esse veram. Sed circa verum necessitatur intellectus saltem quoad specificationem, ita ut circa illud si aliquem eliciat actum, debeat esse assensus, & nullatenus possit dissensus: ergo ex assensu præmissarum necessitatur intellectus saltem, quoad specificationem ad conclusionis assensum.

4 Dico secundo ex assensu præmissarum necessitatur intellectus etiam quoad exercitium ad assensum conclusionis, ita ut stante assensu præmissarum, intellectus non possit non elicere conclusionis assensum. Oppositum aliqui tenent, sed conclusio est proculdubio Div. Thomæ 1. 2. quæstion. 17. artic. 6. & fere omnium communis. Et probatur, quia licet intellectus in applicatione ad intelligendū hoc, vel illud obiectum, subdatur voluntati, & possit a voluntate ab aliquo obiecto diverti, tamen est agens naturale, & applicatum ad obiectum non potest non elicere actum iuxta determinationem, quam habuerit. Sed intellectus per assensum præmissarum convincitur, & determinatur ad conclusionis assensum, & ipse præmissarum assensus est ap-

plicatio intellectus ad conclusionem ; ergo stante tali assensu præmissarum non solum intellectus non potest elicere dissensum conclusionis , sed nec potest non elicere actum assensus . §. Confirmatur , nam potentia visiva licet dependeat à voluntate , quoad applicationem ad aliquod obiectum , quia tamen ex se est potentia determinata , & naturale agens , stante applicatione ad obiectum , non potest non elicere visionem , nisi supernaturaliter ei desit ad visionem divinus concursus : ergo licet potentia intellectiva possit libere à voluntate ad hoc , vel illud obiectum applicari , cum tamen ex vi assensus præmissarum conuincatur , & determinetur ad assensum conclusionis , & ad ipsam conclusionem ex vi talis assensus præmissarum applicetur , stante tali applicatione , & assensu præmissarum , non potest assensum non elicere conclusionis , nisi ei supernaturaliter desit divinus concursus ad conclusionis assensum .

§. Dico tertio . Hinc sequitur vera intelligentia illius , quod Aristoteles asserit in 1. cap. 1. lib. posteriorum , quod videlicet assensus maioris potest esse prius tempore , quam assensus conclusionis , assensus tamen minoris semper debet esse simul tempore , cum assensu conclusionis , licet illum prioritate naturæ præcedens . Quia cum solus assensus maioris non sit adæquata causa conclusionis , potest ille tempore præcedere assensum conclusionis .

Assen-

Assensus autem minoris sub sumptæ, & ut
est determinans maiorem, & continens
in virtute assensum maioris, cum sit adæ-
quata causa assensus conclusionis, hic ut
pote instantaneus in eodem instanti tem-
poris, licet posterius natura sequitur ad
assensum minoris. causa enim naturalis in
eodem instanti temporis quo existit, cau-
sat suum effectum, si ille sit instantaneus.

6. Aduersus secundam conclusionem
obijcies primo, quod ut docet D. Thomas
1. 2. quest. 9. art. 1. ad 3. *Voluntas mouet in-
tellectum quantum ad exercitium actus quia
& ipsum verum, quod est perfectio intellectus
continetur sub vniuersali bono, ut quoddam bo-
num particulare. Sed voluntas non necessi-
tatur quoad exercitium ab aliquo bono in
particulari: ergo ad nullum actum intel-
lectus mouet illum necessario voluntas
ac perinde ad nullum exercitium actus est
necessitatus intellectus. Patet hæc vlti-
ma consequentia, quia si omnis motio
intellectus quoad exercitium actus pro-
uenit a voluntate, & ad nullum exerci-
tium actus voluntas necessario mouet
intellectum; intellectus ad nullum exer-
citium actus erit necessitatus: ac perin-
de quamuis supposito assensu præmissa-
rum intellectus necessitetur quoad spe-
cificationem ad assensum conclusionis,
non tamen quoad ipsum exercitium
actus; sed poterit contingere, quod vo-
luntate tunc non mouente intellectum
quoad exercitium assensus conclusionis,*

1094: *Lib. 8. de posterioribus*
illum de facto intellectus non eliciat.

7 Respondetur, quod aliquæ sunt potentia, vt intellectus, & potentia visiva, quæ solum subduntur voluntati, vt ab illa moueantur quoad exercitium actus antecedenter, & quantum ad applicationem ad talem actum, stante tamen applicatione non dependet à voluntate, quod tales potentia suos eliciant actus; vt applicata potentia visiva ad obiectum, & existente medio luminoso, non est in potentia voluntatis quod eliciat, vel non eliciat visionem, sed necessario potentia visiva, vt agens naturale visionem eliciet. Eodẽ modo intellectus applicari poterit, vel nõ applicari à voluntate ad cognitionem præmissarum, stante tamen in intellectu præmissarum assensu, quia per illũmet applicatur intellectus ad cognitionem conclusionis, non est in potestate voluntatis facere, quod intellectus eliciat, vel non eliciat conclusionis assensum, sed illum omnino necessario, vt agens naturale intellectus eliciet. Vnde ad argumentũ responderetur, quod quia verum est particulare bonum voluntatis, voluntas non omnino necessitatur ad applicandum intellectum ad cognitionem veri, ex suppositione tamen, quod pro sua libertate voluntas applicuerit intellectum ad aliquod obiectum, quia intellectus non subditur voluntati, nisi quoad applicationem, eliciet actum iuxta determinationem obiecti, & quia per assensum præ-

præmissarum omnino determinatur, & conuincitur ad assensum conclusionis, omnino necessario illum eliciet.

8 Obijcies secundo, quod ex præmissis dispositis, & euidenter cognitis ab intellectu indifferenter potest deduci conclusio directa, aut indirecta: ergo intellectus non est determinate necessitatus ex assensu præmissarum ad assensum conclusionis directæ, sed potest pro libito voluntatis illum mouentis ex talibus præmissis deducere indifferenter assensum conclusionis directæ, vel indirectæ. Non igitur est determinatus necessario ad assensum determinatum particularis conclusionis. §. Respondetur, quod cum conclusio directa immediatus sequatur ex præmissis, mediate autem conclusio indirecta, & omnis causa determinatè ad suum effectum immediatum inclinet, assensus præmissarum determinat, & necessitat intellectum ad assensum conclusionis directæ, licet postea ex illa per nouam applicationem voluntatis possit deducere conclusionem indirectam.

9 Obijcies tertio contra secundam, simul, & tertiam conclusionem, quod intellectus humanus est finitæ, & limitatæ actiuitatis, non solum quoad intensiorem cognoscendi sed etiam quoad numerum cognitorum. Potest ergo contingere, quod aliquis intellectus in cognitione præmissarum compleat numerum obiectorum, quæ intra sphæram suæ actiuitatis

continentur: ac perinde quod cognitio
premissis, & posito illarum assensu, non
solum non eliciat in eodem instanti assen-
sum conclusionis, sed nec possit illum eli-
dere, utpote circa obiectum extra spheram
sue actiuitatis existens. Prima consequen-
tia probatur, nam si intellectus aliquis v.
g. sit limitatus ad decem obiecta, hunc nu-
merum cognitione premissarum potest
compleri: ac perinde non erit ei locus ad
aliud obiectum cognoscendum, nisi a co-
gnitione alicuius ex decem obiectis, quae
cognoscit, diuertatur.

10 Respondetur dupliciter. Primo,
quod cum cognitio conclusionis virtuali-
ter contineatur in cognitione premissarum,
& per assensum premissarum fiat
intellectus potens ad assensum conclusio-
nis, nunquam admitterem assensum pre-
missarum esse intra spheram alicuius in-
tellectus, intra cuius etiam spheram non
esset assensus conclusionis: quia licet co-
clusio sit diuersum cognoscibile a premissis;
est tamen ita connexa cum illis, ut
non posset cadere assensus premissarum
intra spheram alicuius intellectus, quin
intra eandem cadat assensus conclusionis.
§. Secundo respond. admissio aliquem in-
tellectum ita esse ad aliqua obiecta deter-
minatum, quod non possit ad nouum ob-
iectum applicari, quin vel omnino diuer-
tat attentionem circa aliquod ex praexi-
stentibus, vel aliqua illarum minus inten-
se consideret, quod ad aliquid horum fa-
cien.

ciendum necessitabitur talis intellectus ex
vi assensus præmissarum, si in illis com-
pleatur numerus cognitorum, ut sic assen-
sum conclusionis, ad quem necessario est
determinatus eliciat.

11 Ultimo tandem obijcies etiam cō-
tra secundam, & tertiam conclusionem,
quod si quis habeat errorem circa aliquā
conclusionem, & postea facta demonstra-
tione circa illam, habeat assensum præ-
missarum, tunc non potest in eodem in-
stanti habere assensum conclusionis: quia
debet expelli ab intellectu error, qui cum
faciat aliquam resistantiam, non videtur
posse in eodem instanti expelli, & assen-
sum elici conclusionis. S. Respondetur
quod cum assensus præmissarum omnino
convinat intellectum ad assensum con-
clusionis, sicut ille est instantaneus, ita
& expulsio erroris in eodem sit temporis
instanti, licet cum prioritate, & poste-
rioritate naturæ in diuerso genere causæ:
in genere enim causæ efficientis prius est
assensum elici scientificum, quam expelli
erroneum; in genere tamen causæ mate-
rialis prius est expulsio erroris, quam eli-
cientia assensus scientifici.



QVÆSTIO V.

*Quid, & quotuplex sit propositio
immediata, & per se nota.*

CUm, ut in sequentibus videbimus, demonstratio sit syllogismus procedens ex veris primis, & immediatis, notioribus, & causis conclusionis, ad eam demonstrationis definitionem intelligendam oportet præcognoscere, quid sit propositio immediata, & per se nota. Et quia demonstratio debet procedere ex propositionibus non qualitercumque veris, sed necessarijs & per se, oportet etiam prius explicare, quid sit propositio de omni, & per se, & quotuplex sit modus dicendi per se. De hoc igitur agemus quæst. sequenti, de primo autem in præsentia tractabimus.

2 Dico igitur primo, propositio immediata est illa, *qua non est altera prior*. Pro explicatione huius est aduertendum, quod propositio, immediata altera est universalis, & quæ ad omnem supponitur scientiam, quæ vocatur *dignitas*, quia illi nullus potest resistere, ut hoc universale principium, *quodlibet est, vel non est*. Alia autem est propositio immediata particularis, ut principium alicuius particularis scien-

scientiæ, quod vocatur *positio*, ut in qualibet scientia definitio sui subiecti. De utraque ergo tali propositione immediata optima est praefata definitio, aliquæ enim sunt propositiones, in quibus prædicatum convenit subiecto absque aliquo medio, quod sit causa illud conveniendi subiecto, ut hæc propositio, homo est animal rationale. Aliæ autem sunt propositiones, in quibus ut prædicatum conveniat subiecto, datur aliquid medium quod sit causa talis convenientiæ, ut in hac propositione, homo est risibilis vere datur medium, & causa, ut prædicatum conveniat subiecto, scilicet, hominem esse admiratum. Propositio ergo huiusmodi potest probari, & demonstrari per veram causam convenientiæ prædicati cum subiecto, & sic tali propositioni non convenit definitio assignata propositionis immediatæ, videlicet quod non sit altera prior illa, & convenit tamen prædicta definitio omni propositioni, cuius convenientia prædicati cum subiecto non potest per veram causam probari, & demonstrari: sic enim intelligitur prædicta definitio.

3 Obijcies tamen, quod si aliqua esset propositio immediata, maxime in qua prædicatur definitio de definito. Sed illa potest per alteram probari, & proprie demonstrari. Perperam igitur definitur propositio immediata quod sit illa, quæ non est altera prior. Minor probatur, quia una definitio potest probari,

vi, & demonstrari per aliam, ut hæc propositio, domus est ædificium factum ex fundamento, parietibus, & tecto, in qua definitio per causam materiale prædicatur de suo definito, & demonstratur a priori per causam finalem hoc modo. Omne illud quod ordinatur ad defendendum nos ab iniurijs temporis, & aliorum debet constare fundamento, parietibus, & tecto. Sed domus ordinatur ad sic nos defendendum: ergo debet constare fundamento, parietibus, & tecto.

4. Responderetur, quod ut aliqua propositio sit immediata in aliquo genere, (ut asserit noster Author hic quæstion. 2. in solutione ad 6.) sufficit, quod in eo genere non sit altera prior, nec possit in eo genere per alteram probari aut demonstrari; non tamen obstat, quod in alio genere sit alia propositio prior illa, per quam in tali diverso genere possit probari aut demonstrari.

5. Dico secundo. Propositio per se nota est, quæ non per aliud medium, sed statim cognita significatione terminorum cognoscitur. Constat hæc definitio ex differentia propositionis demonstrabilis, & illius quæ non habet medium, per quod posset probari, aut demonstrari, quod hæc explicatis terminis statim cognoscitur, nec indiget aliquo alio ut cognoscatur; illa vero etiam si explicetur termini, non statim cognoscitur, ut quamvis alicui explicetur, quia si

gnificant termini huius propositionis, homo est risibilis, non statim cognoscet eius veritatem; usque dum illa ei probetur & demonstretur per medium, & propriam causam convenientiae risibilitatis cum homine. Propositio ergo per se nota est, in qua ita immediate praedicatum convenit subiecto, ut cum nullum sit medium, aut causa talis convenientiae, posita, explicatione terminorum, statim cognoscatur. Ex quo inferatur idem esse propositionem aliquam esse immediatam, & per se notam, & omnem immediatam esse per se notam & e converso: & solum haec duo possunt distinguui, quod esse propositionem per se notam sit quasi effectus huius, quod est, illam esse immediatam.

6 Obijcies, quod plures propositiones, quarum obiecta sensibus evidenter percipiuntur, ut nivem esse albam, esse frigidam, ignem calefacere, & alia huiusmodi, sunt perinde propositiones per se notae. Et tamen possunt per veras causas convenientiae praedicari cum subiecto probari, & demonstrati. Perperam igitur dicitur omnem propositionem per se notam esse immediatam, & quae per propriam causam non possit probari, & demonstrati. Minor patet, nam nivem, v.g. esse albam ex proprio ipsius nivis temperamento, ut per veram causam potest probari, & demonstrari. Et eodem modo possunt probari alia, quae adduximus.

7. Re-

7. Respondetur, hic solum definiri propositionem per se notam quoad intellectum. Adductæ autem propositiones solum sunt notæ quoad sensum, & euidentia experimentalis, non autem sunt per se notæ quoad intellectum, quia cum intellectus possit cognoscere non solum aliquid alicui conuenire, sed & causam talis conuenientię, si vere habet causam, non dicitur aliquid esse quoad intellectum notum vsque dum cognoscatur illius causa, si illam habet; & cum conuenientia quæ enunciatur prædicati cum subiecto per prædictas propositiones vere habet causam, tales propositiones non sunt quoad intellectum per se notæ, sed cognoscuntur, & demonstrantur per suam causam.

8 Dico tertio. Propositio per se nota alia est per se nota solum secundum se, alia etiam quoad nos. Diuisio hæc habetur ex D. Thoma 1. p. quæst. 2. art. 1. & quæst. 10. de veritate art. 12. & probatur ex doctrina eiusdem Angelici Doctoris, quia propositio in qua prædicatum est de essentia subiecti secundum se est per se nota, quia secundum se non habet causam per quam possit probari, aut demonstrari; tamen si ex defectu subiecti, intellectus non cognoscat, quid sit prædicatum aut subiectum; talis propositio quoad nos per aliquid quoad nos notius, licet non secundum se notius poterit probari, & demonstrari. Vt hæc propositio, Deus est, est per se nota; cum prædicatum non
so-

solum fit de essentia subiecti, sed omnino idem cum subiecto, & tamen quoad nos, qui non cognoscimus, quid sit Deus, per eius effectus, qui quamvis secundum se non sint notiores, nobis tamen sunt magis noti, probamus, & demonstramus, Deum esse. Iam igitur aliqua datur propositio solum secundum se, & non quoad nos per se nota. Aliæ autem sunt propositiones, & secundum se, & etiam quoad nos per se notæ, ut illæ in quibus prædicatur definitio de definito, quia non habemus aliqua notiora, etiam quoad nos per quæ illas possimus probare.

9. Quod si iniquitas, an propositio in qua prædicatur prima passio de subiecto, ut hæc, omnis homo est disciplinabilis, si supponamus, disciplinabile esse primam passionem hominis, sit per se nota? Respondetur illam esse per se notam secundum se, non vero quoad nos. Oppositum primæ partis huius asserti tenet Scotus in 1. disti n. 2. quæst. 2. existimans propositionem in qua prædicatur passio de subiecto, non esse per se notam, bene tamen illam in qua prædicatur passio de definitione subiecti; ut si dicas, omne animal rationale est disciplinabile. Sed tamen cum re ipsa, & secundum se non differant subiectum, et eius definitio, si una propositio est per se nota secundum se, etiam et altera. Et revera ita est, quia cum talis propositio in qua prima passio prædicatur de subiecto, non
com-

competat subiecto, nisi media definitione subiecti, quæ ab ipso subiecto non distinguitur, re vera in tali propositione prædicatum immediate conuenit subiecto, nec potest per aliquod proprio medium probari: ergo secundum se talis propositio est immediata, & per se nota; non est tamen per se nota, quoad nos, quia cum nobis notior sit definitio alicuius, quam ipsum definitum, propositio, in qua prædicatur prima passio de subiecto, cum probetur per ipsam definitionem subiecti, quæ quo ad nos est notior, demonstratur quoad nos; ac perinde licet secundum se sit per se nota, non tamen quoad nos.

QVAESTIO VI.

Quid sit propositio de omni: quot sint modi per se: & quid sit prædicatum universale?

DE his tribus simul in hac questione inquirimus; quia (vt videbimus) se habent tanquam superius, & inferius, & de his tribus oportet prius agere, quam de demonstratione, vt postea videamus, an illa ad demonstrationem requirantur.

1 Circa primum igitur est aduertendum, quod aliud est dici *de omni* prioristicum; aliud vero posterioristicum. Dici *de omni*, prioristicum, vt in tertio libro

Summularum explicuimus, est quod ita prædicatum dicatur de subiecto, ut nihil sit subsumere sub subiecto, de quo siue vere siue false, siue necessario, siue contingenter non dicatur prædicatum. Dicitur vero *de omni* posterioristice est, quod nihil sit subsumere sub subiecto, de quo vere & semper non dicatur prædicatum. Cum autem id quod vere & semper de aliquo dicitur, necessario illi competat, dici *de omni* posterioristice est, quod sit propositio de *omni* & necessaria, & quia in materia necessaria, indefinita æquiualeat uniuersali propositio indefinita licet quoad modum non sit *de omni*, quia prædicatum non dicitur de subiecto distributo, quo ad rem tamen, & æquiualeat potest esse *de omni* posterioristice.

3 Obijcies, quod hæc propositio, Deus est, utpote necessaria, est *de omni* posterioristice, & tamen non *de omni*, quod potest subsumi sub subiecto potest dici prædicatum, quia cum subiectum sit omnino singulare, nihil est subsumere sub illo. Perperam igitur definitur propositio *de omni*, quod sit, in qua nihil sit subsumere sub subiecto, de quo non dicatur prædicatum. S. Respondetur negando consequentiam, quia consulto dicitur negative, quod nihil sit subsumere sub subiecto, de quo non dicatur prædicatum, quod potest verificari; vel positue, quia de omni subsumpto sub subiecto dicitur prædicatum, vel negatiue, quia nihil est

est subsumere sub subiecto, vt in adducta propositione.

4 Obijcies secundo, quod istæ propositiones, sol oritur, in omni Vere sunt tonitrua, sunt propositiones *de omni posterioristice*, cum de illis possit esse scientia. Et tamen prædicatum non conuenit semper subiecto, sed interdum competit: sol enim mane oritur, & vespere non oritur, & non in omni tempore sunt tonitrua, immò neque in omni Vere. Male igitur definitur propositio *de omni posterioristice*, quod prædicatum semper conueniat subiecto.

5 Respondetur cum nostro Authore, quæst. 3. circa solutionem primi argumenti, quod sicut in scientijs non est idem gradus certitudinis, ita & in propositionibus *de omni* est quadruplex gradus conueniendi prædicatum subiecto. Primus, conueniendi semper, & pro omni tempore in defectibiliter, ita vt nec supernaturaliter possit non conuenire; vt in hac propositione, omnis triangulus habet tres angulos. Secundus conueniendi semper, naturaliter tamen, ita vt supernaturaliter possit non competere vt prædicatum huius propositionis, omnis homo est risibilis si Deus potest separare risibilitatem ab homine. Tertius conueniendi naturaliter in defectibiliter, pro certo tamen, & determinato tempore, vt prædicatum huius propositionis, sol oritur in nostro emisphærio, quod naturaliter, & in defectibiliter competit

petit Soli pro determinato tempore aurora. Quartus denique gradus est conueniendi prædicatum subiecto pro determinato tempore, regulariter tamen & ut in plurimum, ut quod in omni Vere sint temetua. Et omnes istæ propositiones sunt *de omni* posterioristico, quia omnes suo modo sunt necessariae.

6 Quoad secundum quatuor assignat Aristoteles modos per se. Primus, in quo de definito, aut pars definitionis prædicatur definitio. Secundus modus per se est in quo subiectum est de definitione prædicati, ut cum prædicatur passio de suo subiecto. Tertius cum aliquid existit per se, & non in alio. Quartus, cum de causa per se eius prædicatur effectus, ut ædificator ædificat. Et dicitur causa per se ad differentiam causæ per accidens, ut musicus est causa per accidens ædificandi; ut ædificet enim per accidens est, quod sit musicus. Et est aduertendum, quod ex his quatuor modis duo priores sunt modi per se prædicandi; tertius est modus per se essendi; quartus est modus per se causandi. Vnde licet in illo possit fundari modus prædicandi, non tamen ex eo, quod sit modus per se causandi, nisi aliunde proueniat, sequitur, quod sit modus per se prædicandi. Plures enim effectus accidentaliter prædicantur de sua causa per se, ut hæc propositio est accidentalis, ædificator ædificat. Aliquando tamen coincidunt modus per se causandi
&

1108. *Lib. 8. de posterioribus*

& modus per se prædicandi, quia propria passio in secundo modo per se prædicatur de suo subiecto, & subiectum est causa per se passionis.

7 Obijcies primo aduersus primum modum perfectitatis. Quod non solum propositiones in quibus definitio, aut pars definitionis prædicatur de definito, sunt in primo modo dicendi per se, sed plures alia, vt cum vna definitio prædicatur de alia, vt si dicas, syllogismus faciens scire est syllogismus constans ex veris, primis immediatis, &c. Et cum differentia superior prædicatur de inferiori, vt si dicas, rationale est sensibile. Perperam igitur limitatur primus modus prædicandi per se ad propositiones, in quibus definitio, aut pars definitionis prædicatur de definito.

8 Respondetur, Aristotelem asserere quod omne prædicatum quod est de essentia subiecti prædicatur in primo modo dicendi per se de illo, & sic sunt in primo modo dicendi per se propositiones positæ in argumento. Cum autem dicitur, quod primus modus dicendi per se est, quando definitio, aut pars definitionis prædicatur de definito, id ponitur magis, vt exemplum, certum, & notius, quam ad limitandum talem modum dicendi per se.

9 Obijcies secundo, quod in hac propositione, risibile est homo, prædicatur pars definitionis de definito, quia subiectum est de definitione propria passionis;

& ideo cum è conuerso rifibile prædicatur de homine, dicit Aristoteles, quod est in secundo modo dicendi per se, quia subiectum est de definitione prædicati: & tamen tales propositiones non sunt in primo modo dicendi per se. Non omnis igitur propositio, in qua prædicatur definitio, aut pars definitionis de definito, est in primo modo dicendi per se. Minor probatur. Tum, quia prædicatum est quid intrinsecum subiecto, substantia enim extrinseca est accidenti. Tum etiam, quia talis propositio est indirecta: ergo non videtur esse in primo modo dicendi per se.

10 Respondetur, negando minorem, & ad primam probationem dico, quod cum totum esse accidentis proprii sit in ordine ad determinatum subiectum, licet illud, cum sit substantia, sit ipsi accidenti extrinsecum, ordo tamen ad illud est essentialis, & si propria passio significetur in concreto, essentialiter de illa prædicatur proprium subiectum. §. Ad secundam probationem respondetur primo, quod non obstat, propositionem esse indirectam, dummodo sit essentialis, vt non pertineat (licet aliquo modo minus proprie) ad primum modum dicendi per se. §. Secundo respondetur, quod propria passio potest comparari ad subiectum, vt ad id cui tanquam forma inhæret, & vt ad id in ordine ad quod definitur. Et licet primo modo consideratum subiectum, præ-

1110 *Lib. 8. de posterioribus*

prædicetur indirecte de passione; iuxta alteram tamen considerationem prædicatur directe de illa; quia omnis definitio, & pars definitionis directe prædicatur de definito.

• 11 Obijcies tertio contra secundum modum per se, quod non solum accidens proprium; sed & omne accidens definitur per subiectum. Et tamen non omne accidens prædicatur in secundo modo dicendi per se de subiecto, sed aliquid omnino accidentaliter, vt accidens commune. Perperam igitur dicitur, quod propositiones, in quibus subiectum est de definitione prædicati, sunt in secundo modo dicendi per se. §. Respondetur cum nostro Authore, quæst. 3. ad 4. quod cum accidens commune, licet per se dicat ordinem ad subiectum, nullum tamen sibi vendicet determinatum subiectum, nullum est subiectum determinatum, de quo possit prædicari, quod de illius sit definitione; accidens autem proprium cum determinatum exigit subiectum cui competit, & à quo dimanat, cum de illo prædicatur, prædicatur, de eo, quod est de illius definitione, ac perinde in secundo modo dicendi per se.

12 Circa tertium denique, quod inquirebamus, quid sit propositio de prædicato vniuersali, respondetur cum Aristotele in præsentis 1. libro cap. 4. *Quod vniuersaliter id competit, quod dicitur de omni per se, & secundum quod ipsum.* Pro

cuius

cuius explicatione est aduertendum, quod haec tria, *de omni, per se, & secundum quod ipsum* habent se tanquam superius, & inferius: omnis enim propositio, quæ est de prædicato vniuersali, idest, secundum quod ipsum, est per se; & omnis quæ est per se, est de omni; non tamen omnis quæ est de omni, est de per se, nec omnis, quæ est per se, est de prædicato secundum quod ipsum.

13 Iuxta quam definitionem tria requiruntur ad prædicatum vniuersale, ut sumitur in presenti. Primum est, quod sit *de omni*, defectu cuius risibile non est prædicatum vniuersale respectu animalis. Secundum est, quod sit *per se*. Defectu cuius album non est prædicatum vniuersale respectu niuis, quia licet sit *de omni*, non tamen est per se, sed conuenit contingenter niui. Tertium est, quod conueniat subiecto *secundum quod ipsum*; idest secundum, quod tale est seu conuertibiliter; defectu cuius sensibile non est prædicatum vniuersale respectu hominis, quia licet sit prædicatum *de omni, & per se*, non tamen conuenit illi *secundum quod ipsum*, siquidem sensibile non continet homini secundum quod est homo, sed secundum quod est animal; nec perinde dicitur conuertibiliter cum homine. Prædicatum autem vniuersale ad modum explicatum eo ipso dicitur conuertibiliter cum subiecto.

QVÆSTIO VII.

*Utrum recte ab Aristotele definia-
tur demonstratio.*

Demonstratio duo includit, formam scilicet syllogisticam, & materiam præmissarum; ratione, materię causat scientiam, licet ad id vt conditio forma syllogistica, seu bonitas consequentię requiratur. Et quia Aristoteles in libris priorum sufficienter formam explicuit syllogisticam; nunc demonstrationem quoad materiam dupliciter definit. Primo in ordine ad effectum, seu finem, quod sit syllogismus faciens scire. Secundo per ea quibus demonstratio debet constare, videlicet, quod sit syllogismus ex veris, primis, & immediatis, prioribus, notioribus, & causis conclusionis. De utraque ergo ista definitione inquirimus, an sit bona.

2 Dico primo. Prima assignata; definitio demonstrationis est bona. Probat-
tur, quia cum demonstratio sit instru-
mentum intellectuale, cuius finis est scien-
tia, optime in ordine ad talem finem, qui
simul est effectus demonstrationis, defi-
nitur. Ex quo etiam excellentia demon-
strationis super alios syllogismos, qui
non faciunt scire, deducitur. Cum

autem in ea definitione dicitur, quod demonstratio facit scire, si scire accipiatur pro actuali assensu scientifico (ut re vera videtur accipi) demonstratio accipitur, non pro toto syllogismo, ut includit præmissas, & conclusionem, sed solum pro præmissis in modo, & figura dispositis, quarum assensus sunt causa assensus conclusionis; ac perinde faciunt scire; si autem scire accipiatur pro habitu scientiæ, sic demonstratio sumpta pro assensu præmissarum, & conclusionis facit scire, quatenus talis, conclusionis assensus scientificus habitum generat scientiæ.

3 Dico secundo, optima est secunda assignata demonstrationis definitio. Probat. Tum autoritate Aristotelis, & omnium eius interpretum. Tum etiam, quia optime aliquid definitur per suam causam materiale; ergo cum sic per secundam definitionem definiatur demonstratio, optime per illam definitur. Tum denique, vel maxime id probatur, explicando singulas definitionis particulas. Ex quarum explicatione non solum bonitas prædictæ definitionis comprobabitur, sed & omnia quæ aduersus illam poterunt obijci, obiter diluentur.

4 Demonstratio igitur est *syllogismus ex veris*. *Syllogismus* ponitur loco generis, quia *enthimema*, cum in illo non coniugatur medium cum extremitatibus, non est demonstratio. Debet autem demonstratio constare ex præmissis *veris*,

22 2 quia

1114 *Lib. 8. de posterioribus*

quia licet verum possit inferri ex falso, non tamen tanquam ex causa; qualiter conclusio in demonstratione sequitur ex præmissis. Vnde cum conclusio demonstrationis utpote scientifica non solum, debeat esse vera, sed & necessaria, præmissæ non solum debent esse veræ, sed & necessariae, propositiones videlicet *de omni & per se*.

5 Debet etiam constare demonstratio *ex primis, & immediatis*, & quamvis in in re idem sit aliquam propositionem, esse primam & immediatam, ponitur tamen utrumque (ut ait D. Thomas hic lect. 4.) ad explicandum, quod dicitur propositio immediata quatenus non est altera prior per quam probatur, & dicitur prima in ordine ad conclusionem, quia est prior illa.

6 Omnis autem demonstratio debet constare ex propositionibus immediatis, formaliter, vel virtualiter proxime, vel remote, ut explicat D. Thomas hic lectione 4. quia in demonstratione verbi gratia, primæ passionis præmissæ debent in se ipsis esse immediatæ, & quæ per aliud non possunt probari, aut demonstrari. In demonstratione autem aliarum sequentium passionum, licet præmissæ sint per alias priores propositiones demonstrabiles, quia tamen nisi quis sciat easdem præmissas ad principia indemonstrabilia reducere, non potest medijs illis scientiam habere conclusionis, ipsæ præmissæ,

missæ, vt ad principia indemonstrabilia reductæ dicuntur virtualiter, & remote immediatæ, & sic omnis demonstratio debet procedere ex immediatis virtualiter saltem & remote.

7 Ex tribus reliquis definitionis particulis prius cum Aristotele explicatur vltima, quia ex illa deducuntur aliæ duæ. Debet igitur demonstratio constare ex *causis conclusionis*. Pro quo est aduertendum, quod omnis præmissa ex qua inferitur conclusio, est causa illius saltem in cognoscendo, quia est causa, vt illa cognoscatur, sed insuper possunt præmissæ esse causæ conclusionis in essendo, ac perinde etiam in cognoscendo: & quâuis hic possent accipi causæ conclusionis, vt abstrahunt à causis in essendo; vel solum in cognoscendo, vt hæc definitio competat etiam demonstrationi à posteriori: tamen quia Aristoteles hic solum intendit definire demonstrationem à priori seu *propter quid*, quia illa solum est simpliciter demonstratio, & facit simpliciter scire, in hac definitione cum dicitur, quod demonstratio debet procedere ex causis conclusionis, intelligitur ex causis non solum in cognoscendo, sed in essendo. Per causas autem in essendo intelligimus veras causas phisicas, vel id quod se habet vt ratio formalis conclusionis etiam cum sola distinctione virtuali ab illa: qualiter inter passionem entis, licet

propter identitatem formalem vna non
 sit causa phisicè alterius, est tamen ratio
 formalis illius; & inter attributa diuina
 vnum consideratur, vt ratio formalis al-
 terius, quod sufficit vt sic vnum per al-
 terum demonstretur.

8. Aliæ denique vltimæ duæ parti-
 culæ, videlicet, quod demonstratio de-
 beat procedere *ex prioribus*, & *notioribus*,
 ex præcedenti facile deducuntur, quia
 cum omnis causa, vel ratio formalis ali-
 cuius sit prior illo, si demonstratio debet
 procedere ex causis conclusionis, etiam
 ex prioribus ipsa conclusione: & ex no-
 tioribus illa, quia cum conclusio cogno-
 scatur propter præmissas, præmissæ de-
 bent esse notiores ipsa conclusione.

QVÆSTIO VIII.

*Utrum præmissæ sint certiores
 conclusione.*

EX Aristotele cap. 2. libri primi po-
 steriorum deducitur, præmissas de-
 bere esse certiores, & notiores conclusio-
 ne, quia *propter quod vnum quodque tale, &*
illud magis: ergo cum propter præmissas
 certificemur de conclusione, ipsæ debent
 esse certiores conclusione. Circa hoc
 igitur dictum, & circa rationem illius
 in-

Questio VIII. 117

In præfenti de eius veritate dubitamus. Videtur enim in primis ipsum assertum esse falsum. Primo, quia præmissæ sunt causæ naturales assensus conclusionis: ergo influunt totam suam certitudinem in conclusionem: ac perinde non sunt certiores illa. §. Secundo, quia in demonstrationibus Theologicis quandoque concurrit altera præmissa naturalis: ergo illa saltem non potest habere maiorem certitudinem, quam conclusio, quæ supernaturalem habet certitudinem ex certitudine alterius præmissæ de fide deriuata. Tertio, quia si omnes præmissæ essent certiores conclusionem, cum ordine quodam plures passionem demonstrantur; assensus decimæ, aut undecimæ conclusionis nullam, vel remississimam haberet certitudinem, contra manifestam experientiam, quod etiam de ultimis conclusionibus sumus certissimi. Sequela probatur, quia si prima principia indemonstrabilia sunt certiora prima conclusionem, & hæc eum assumatur, ut principium ad demonstrandam secundam conclusionem, sit certior illa; deueniendo sic ordinate ad ultimas conclusiones, videatur quod illæ nullam, vel remississimam habeant certitudinem.

2. Aduersus rationem autem conclusionis fundatam in illo axioma propter quod unum quodque tale, & illud magis, facit, quod illud plurimas habet instantias. Prima, quia paries est albus pro-

propter albedinem, & tamen albedo, nō est magis alba. Secūda, quia sanguis minuitur propter sanitatem, & tamen, sanitas non magis minuitur. Tertia, quia terra est calida propter solem; & tamen sol non est magis calidus. Quarta, quia cōclusio scitur propter prima principia: & tamen principia non magis sciuntur. Quinta, quia Petrus est homo propter patrem ipsum generantem: & tamen pater non est magis homo, quam ille. Sexta, quia Filius in diuinis spirat propter patrem communicantem ei virtutem spiratiuam: & tamen Pater non magis spirat, quam Filius. Septima, quia animal est risibile propter hominē: & tamen homo non est magis risibilis, quam animal.

3 His tamen non obstantibus, verum est, quod si solum propter præmissas, & non aliunde assentiat quis conclusioni, certius assentietur præmissis, quam conclusioni, idque optima ratione ex prædicto axioma recte intellecto comprobatur. Dixi, si quis conclusioni solum propter præmissas, & non aliunde assentiat: nam vt optime aduertit noster Author in præsentī quæstion. 2. circa solutionem ad 8. argumentum si quis assentiat huic conclusioni, Deus est, & propter præmissas, quibus illa à posteriori, & quoad nos demonstratur, & simul propter authoritatem Dei id dicentis, maiorem certitudinem habet conclusio.

fionis quam præmissarum. Cōclusio autem quoad utramque partem non melius, quam ex solutionibus obiectionum aduersus illam comprobabitur.

4 Vnde ad primā dico, quod cū præmissarum assensus, licet sint causæ naturales, sint etiā causæ æquiucæ assensus conclusionis non influunt in illum totam suā certitudinem, quia causa æquiuoca quamuis naturalis non producit effectum æqualis perfectionis cum ipsa. §. Ad secundā respondetur, quod licet præmissa naturalis secundum se sit minoris certitudinis, quam conclusio Theologica; ut tamen assumitur cum altera præmissa de fide, & ab illa eleuatur, habet certitudinem supernaturalem, & maiorem quam ipsa conclusio Theologica. Ad tertiam obiectionem neganda est sequela; quia excessus certitudinis præmissarum ad conclusionem, neque est perceptibilis, neque ita magnus, ut deueniendo ad ultimam conclusionem, illa habeat remississimam certitudinem, quia talis remissio certitudinis non fit per modos determinatos; ita ut si primum principium alicuius scientiæ habeat certitudinem v. g. ut quatuor, prima conclusio habeat solum certitudinem ut tria, & secunda ut duo, & tertia ut unum; sed sit talis remissio per partes proportionales ita ut forsan ultima conclusio habeat certitudinem, ut duo.

5 Ad secundum autem principale argumentum contra veritatem illius axio-

1120 *Lib. 8. de posterioribus*

matis, vt respondeamus, est aduertendum, quod vt illud verificetur, aliquas diuersis in locis ei adhibet limitationes D. Thomas, vt 1. part. quæstion. 87. art. 2. & in 1. distinct. 12. quæst. 1. artic. 2. ad 2. & 2. metaph. lect. 2. & 1. Posteriorum, lect. 6. ex cuius doctrina deducitur, quod vt prædictum axioma sit vndeque verum, tres requiruntur conditiones. Prima, quod effectus, & causa conueniant in eadem ratione, & denominatione, & vnum sit tale, quia alterum est tale. Secunda, quod talis ratio in qua conueniunt, suscipiat magis, & minus. Et tertia, quod distinguantur causa, & effectus, & non sit eadem forma vtriusque: cum his enim conditionibus nullam prædictum axioma patitur instantiam, & illæ quæ in argumento assignantur, ex defectu alicuius ex his conditionibus proueniunt. Vt ex defectu primæ conditionis quatuor priores instantiæ: paries enim, & albedo non conueniunt in denominatione albi, nec paries est albus, quia albedo est alba; sanguis autem & sanitas licet possint conuenire in ratione minutionis, non idè sanguis minuitur, quia sanitas minuitur. Tertia etiam, & Sol non conueniunt in ratione calidi, nec terra est calida, quia Sol est calidus, Nec denique prima principia conueniunt in ratione, & denominatione sciri, quia prima principia non sciuntur. Defectu autem secundæ conditionis prouenit quinta instantia quia.

quia licet filius sit homo propter patrem generantem, & talis causa, & effectus cōueniant in denominatione hominis; ratio tamen hominis non suscipit magis, aut minus. Præterquam quod potest dici, quod pater nō est causa per se filij, & hoc axioma soluta habet verum in causis per se, & quæ sunt causæ non solum rationis individualis, sed etiam speciei. Defectu denique tertia conditionis proueniunt duæ ultimæ instantiæ, quia eadem est forma, & ratio spirandi in Patre, & in Filio, & eadem risibilitas in homine, & in animali.

6. Sic igitur explicatum, & limitatum prædictum axioma optime probat intentum Aristotelis, quia præmissarum assensus sunt causæ realiter distinctæ ab assensu conclusionis, & in talibus causis, & effectui nō est eadē forma nec eadē certitudo, & cōueniunt in denominatione certitudinis, & conclusio est certa, quia præmissæ sunt certæ, ac denique certitudo est ratio potens suscipere magis, aut minus: ergo si assensus conclusionis est certus propter præmissas, præmissæ sunt magis cer-

æ.

QVAESTIO IX.

Utrum adequate diuidatur demonstratio in demonstrationem quia & propter quid.

VT ad quaestionem respondeamus, oportet praemittere, quid sit demonstratio *quia & propter quid*, ad quod resolutorie est dicendum; demonstrationem *propter quid* esse per quam demonstratur, quid aliquid sit, & propter quid sit per causam eius propriam. Causa autem propria est illa, quae conuertitur cum suo effectu, ut causa propria risibilitatis, esse admiratum, quia conuertitur admiratum cum risibili. Et etiam causa propria licet magis mediata est rationalitas, quia etiam conuertitur admiratum cum rationali. Demonstratio autem *quia* (quae non dicitur *quia*, idest per causam, sed quae demonstrat, quod aliquid est) est illa per quam demonstratur, quod aliquid est, non tamen propter quid sit, tanquam per causam propriam, ut cum demonstratur, quod aliquid sit per suum effectum, vel per causam remotam non conuertibilem cum effectu, ut si demonstras lapide non respirare, quia non est animal, sic, omne respirans est animal, lapis non est animal: ergo

ergo lapis non respirat: esse enim animal, est causa remota respirandi; non tamen propria, quia non conuertitur cum effectu: licet enim omne respirans sit animal, non tamen omne animal respirat.

2 Hinc sequitur, non esse idem demonstrationem *propter quid*, & demonstrationem à priori, quia licet omnis demonstratio *propter quid*, sit à priori; non tamen omnis demonstratio à priori est *propter quid*. Demonstratio enim per causam remotam est à priori, siquidem omnis causa etiam remota est prior suo effectu: & tamen non est demonstratio *propter quid*, quia non est per causam propriam: similiter non est idem demonstratio à posteriori, ac demonstratio *quia*. licet enim omnis demonstratio à posteriori sit demonstratio *quia* non omnis demonstratio *quia* est à posteriori, sed solum illa quæ est per effectum; non autem illa quæ est per causam remotam.

3 His suppositis dicendum est, adæquate diuidi demonstrationem in demonstrationem *quia*, & *propter quid*. Conclusio cum Aristotele capit. 10. est communis omnium eius interpretum, & inter illos nostri Authoris in præsentì, quæstion. 5. & probatur, quia hæc diuisio datur per immediate contradictoria, scilicet per demonstrare aliquid per propriam illius causam, per quod constituitur demonstratio *propter quid*, & demonstrare aliquid non per propriam illius causam,

in

in quo consistit demonstratio *quia*, sed diuisio per contradictoria non potest nō esse adæquata, cum non possit aliquid contineri subdiuiso, cui non competat aliquod ex dictis membris contradictorijs: ergo prædicta diuisio est adæquata, id quæ amplius patebit ex solutione illorū, quæ aduersus eius sufficientiam obijciuntur.

4. Obijcies ergo, plures esse demonstrationes, quæ ad nullum membrum huius diuisionis pertinent, insufficiens ergo est præfata diuisio. Antecedens probatur primo, nam demonstratio, quam commentator appellat demonstrationem simpliciter, quæ demonstrat, quid sit aliquid & propter quia sit, non est determinate demonstratio propter quid, aut demonstratio, *quia*. Secundo, quia demonstratio per signum, cum illud possit non esse causa, aut effectus eius quod demonstratur, non est demonstratio, *quia* aut propter quid. Tertio, nam demonstratio deducens ad impossibile, non videtur ad aliquod mēbrum huius diuisionis pertinere. Quarto, quia neque etiam demonstratio, quæ procedit per negationem, videtur esse demonstratio *quia*, aut propter quid: quia negatio cum nihil sit, non potest esse causa, aut effectus alicuius. Quinto, quia demonstratio vnius effectus per alterum, quorum vnius non sit effectus, nec causa alterius, non potest esse demonstratio *quia*, nec propter quid. Sexto, quia demonstratio in qua ex prædicato superiori colligitur

tux

tur aliquid conuenire inferiori, ut si dicas, omne animal est substantia, omnis homo est animal: ergo omnis homo est substantia, nec est demonstratio, quia nec propter quid, cum animal non sit causa, aut effectus substantiae. Septimo denique, quia cum demonstratur propositio singularis ex vniuersali, in qua continetur, non est demonstratio, quia aut propter quid, cum non sit per causam, nec per effectum.

§ Respondetur tamen, negando antecedens. Ad primam probationem respondetur demonstrationem, quam appellat commentator demonstrationem simpliciter, esse demonstrationem propter quid. Quia omnis demonstratio propter quid, cum demonstret, propter quid sit veritas conclusionis, virtualiter etiam demonstrat, quod illa sit, & si aliqua demonstratio id explicite demonstret, erit perfectior demonstratio intra demonstrationem propter quid. Ad secundam probationem respondetur, per demonstrationem a signo solum demonstrari, rem esse, non propter quid sit, siue signum sit causa remota, siue effectus, siue aliquid concomitans. Vnde talis demonstratio semper est demonstratio, quia cum illa non solum sit demonstratio per effectum, sed quae demonstrat, rem esse non propter quid: & in hoc peccant plures obiectiones, dum accipiunt demonstrationem quia, quod sit solum ea, quae est per effectum. Ad tertiam respondetur, quod demon-

monstratio deducens ad impossibile, si deducat ad impossibile per causam propriam ut si demonstretur lapidem non esse risibilem, quia sequeretur illum esse rationalem, pertinet ad demonstrationem propter quid; si autem deducat ad impossibile per effectum, ut si demonstretur lapidem non esse rationalem, quia sequeretur illum esse risibilem, aut per causam remotam, ut si probetur lapidem non respirare, quia sequeretur illum esse animal, pertinet ad demonstrationem *quia*. Ad quartam similiter respondetur, quod etiam negationes suo modo sunt causa, & effectus alterius negationis. Unde demonstratio procedens ex negatione causae propriae, ut si sic demonstres pisces non respirare, omne respirans habet pulmonem, pisces non habent pulmonem: ergo pisces non respirant, est demonstratio propter quid: & demonstratio procedens ex negatione effectus, ut haec: omne risibile est admirativum, nullus lapis est risibilis: ergo nullus lapis est admirativus: & quae procedit per negationem causae remotae; ut haec omne respirans est animal, nullus lapis est animal: ergo nullus lapis est respirans, pertinet ad demonstrationem *quia*. Ad quintam probationem, quidquid sit an unus effectus possit demonstrari per alium, si talis datur demonstratio, illa erit demonstratio *quia*, cum ad illam pertineant omnes demonstrationes per quas demonstratur, re esse,

& non propter quid sit. §. Ad sextam respondetur, illam demonstrationem pertinere ad demonstrationem *quia* eo, quod esse animal non est causa propria, ut aliquid sit substantia, sed quasi causa remota, quia animal non dicitur ad conuertentiam cum substantia. §. Ad ultimam denique probationem dico, quod præterquam quod cum ex vniuersali probatur singularis in illa contenta, cum id non fiat artificiose, & per verum medium distinctum à conclusione, sed solum per applicationem vniuersalis ad suas singulares, talis syllogismus vere non est demonstratio; si tamen esset demonstratio, illa esset demonstratio propter quid, quia vniuersalis se habet ut causa omnino proxima, & propria singularis.

QVÆSTIO X.

Vtrum diuisio demonstrationis in demonstrationem quia & Propter quid sit uniuoca.

CUm demonstratio sit instrumentum intellectuale ad generandam scientiam, resolutio huius quætionis maxime dependet ex altera, an scilicet demonstratio, *quia* generet simpliciter scientiam. Ad quod resolutorie respondetur, quod licet imperfectam simpliciter tamen generat scientiam. Probatur primo, quia
scien-

1128 *Lib. 8. de posterioribus*

scientia, quam plures philosophi habent; quod Deus sit, licet comparata ad scientiam, quam de Deo habent beati sit multo imperfectior illa, & in comparatione illius possit dici secundum quid scientia; tamen absolute, & simpliciter est scientia. Et tamen illa habetur per demonstrationem, quia & per effectus: ergo demonstratio, quia generat simpliciter scientiam. 5. Confirmatur, quia D. Thomas 1. part. quæst. 2. art. 2. & 3. absolute, & sine addito ait, Deum esse, demonstrari, idque pluribus rationibus, & omnibus ab effectibus demonstrat, sed quod absolute demonstratur, absolute & simpliciter sciatur: ergo demonstratio à priori simpliciter generat scientiam.

2. Secundo probatur conclusio, quia assensus, qui habetur per demonstrationem per effectus est simpliciter assensus intellectualis, & habitus qui producitur per illum est habitus simpliciter intellectualis: ergo talis assensus, & habitus debent esse simpliciter in aliqua specie; non autem nisi in specie scientiæ: ergo ad illam simpliciter pertinet. Minor probatur, quia talis assensus, & habitus cum sit certus, & evidens non potest esse fidei, aut opinionis, & cum sit per discursum acquisitus non potest pertinere ad lumen primorum principiorum. Restat ergo, quæ pertineat ad habitum, & assensum scientificum.

3. Obijcies primo, quod Aristoteles

(vt

(vt infra videbimus) definiens scire, ait quod scire est rem per causam cognoscere: ergo demonstratio per effectum non facit simpliciter scire. S. Respond. primo, quia ea definitio intelligitur de causis, vt abstrahunt à causis in essendo, simul & cognoscendo, & à causis solum in cognoscendo: & demonstratio per effectum licet non faciat scire per causas in essendo, facit scire per causas in cognoscendo: quia etiam effectus quatenus magis nobis noti sunt causae in cognoscendo suae causae in essendo. Secundo dicitur, quod Aristoteles ibi solum definiuit scientiam, quae sit perfectissime scientia, quae solum est illa, quae habetur per veram, & propriam causam in essendo. Inde tamen non sequitur, quod scientia per effectum non sit re vera simpliciter scientia, licet in comparatione ad aliam perfectissimam possit quodammodo vocari scientia secundum quid.

4 Obijcies secundo, quod demonstratio quia non quietat intellectum, sed ille manet suspensus quoad vsque radicem, & propriam causam veritatis sciat, proprium autem videtur scientiae quietare intellectum: ergo per demonstrationem quia non videtur proprie, & simpliciter generari scientiam. S. Respondetur, quod cum per demonstrationem quia non attingatur, aut intendatur, quid sit obiectum, sed an illud sit, & hoc euidenter per illam probetur: quantum ad hoc per talem demonstrationem quietatur intellectus: licet quia

talis

talis demonstratio est imperfecta ; & solum tendit ad præambulum scientiarum , videlicet ad an est obiecti , maneat desiderium perfectius cognoscendi obiectum , & sciendi de illo quid , & propter quid sit.

5 Hinc sequitur resolutio quæstionis , quod videlicet uniuocè diuiditur , tanquam genus in suas species demonstratio in demonstrationem , *quia & propter quid* . Prima pars conclusionis probatur , quia quando aliqua duo simpliciter participant rationem superiorem , licet vnum , multo perfectius , quam alterum , talis ratio superior uniuoce logice in illa diuiditur , licet in illa sit analogia phisica , sicut illa solum est inter hominem , & murem , quia simpliciter participant rationem animalis licet multo imperfectius mus quam homo , sed , vt vidimus , rationem demonstrationis , quæ in eo , quod est facere scire consistit , simpliciter participat demonstratio , *quia & propter quid* , licet hæc multo perfectus quam illa : ergo demonstratio uniuoce diuiditur in demonstrationem , *quia & propter quid* .

6 Nec obstat , quod Aristoteles definerit demonstrationem , quod procedat ex prioribus , & causis conclusionis , quod cum non competat demonstrationi *quia* , non videtur simpliciter esse demonstrationem . S. Non , inquam , id obstat , quia vt supra diximus , potest id intelligi in prædicta definitione de causis , & prioritate

tate

eate in essendo, vel cognoscendo, & sic competit etiam demonstrationi, *quia*: vel si id intelligatur de causis in essendo, definiuit solam tunc Aristoteles demonstrationem propter quid, non quia illa sola sit simpliciter demonstratio, sed quia est perfectissima in genere demonstrationis.

7 Secunda autem pars conclusionis probatur, nam demonstratio *quia* & *propter quid* cum procedant per diuersa media, demonstratio videlicet *propter quid* per proprias causas; demonstratio vero *quia* per effectus, vel causas remotas, differunt essentialiter: ergo cum diuisio demonstrationis in illas non sit analoga, est generis in species: omnis enim diuisio essentialis est analoga, vel generis in species.

8 Obijcies, quod si id ita esset, demonstratio, *quia* & *propter quid*, circa diuersas, vel circa eandem materialiter conclusionem causarent assensus diuersae speciei: causae enim diuersae speciei diuersum specificè producant effectum. Id autem videtur falsum, aliàs in eadem scientia verbi gratia logicae aut Philosophiae cum circa diuersas conclusiones, & etiam circa eandem materialiter conclusionem dentur demonstrationes *quia* & *propter quid*, si illae causarent assensum diuersae speciei, cum per assensus generentur habitus, etiam darentur plures habitus diuersae speciei, & sic nulla daretur vna scientia vnitatem specificam athoma.

9 Re-

1132 *Lib.8.de Posterioribus*

9 Respondetur primo, negando sequelam, quia cum demonstrationes sumptæ pro assensu præmissarum (sic enim, causant conclusionis assensum) sint causæ æquiuocæ assensus conclusionis, quamuis demonstratio *quia & propter quid* differant specie: si tamen attingant sub eadem abstractione conclusionem, possunt assensum eiusdem speciei causare. Sicut Sol, quia est causa æquiuoca caloris, potest causare calorem, eiusdem speciei cum illo qui causatur per ignem, quamuis Sol essentialiter distinguatur ab igne. §. Secundo respond. quod etiam si demus assensus conclusionis ex demonstratione *quia & propter quid* esse specie distinctos ea illarum specifica distinctio materialiter se habet ad habitum, qui cum obiecta omnium assensum sub aliqua attingant ratione superiori, & sub eadem abstractione à materia, eiusdem est æthomæ speciei.

QVÆSTIO XI.

Vtrum omnis demonstratio circularis sit vitiosa,

Aliqui antiqui, quos lib.1. posteriorum, cap.3. impugnat Philosophus, scientiam non aliter admittebant, nisi existimantes, quod per principia demonstrantur, & probantur conclusiones, & per con-

conclusiones principia, non de veniendo ad aliquod principium indemonstrabile, & per se notum: quorum errorem rejicit Philosophus, quia sequeretur, quod idem respectu eiusdem esset notius, & ignotius, occasione huius inquirimus, an omnis demonstratio circularis sit vitiosa.

2 Pro parte affirmatiua est ratio dubitandi, quia demonstratio circularis est, quod per principia probetur, & demonstraretur conclusio, & per eandem conclusionem probentur, & demonstrantur principia. Sed hoc semper videtur vitiosum: ergo omnis demonstratio circularis videtur vitiosa. Minor probatur, quia ex eo semper videtur sequi inconueniens illarū ab Aristotele, nempe, quod idem respectu eiusdem sit notius, & ignotius: si enim per principia demonstratur conclusio, principia sunt notiora conclusione; & si rursus per conclusionem quomodolibet demonstrantur principia, eisdem principiis conclusio erit notior.

3 Pro explicatione est aduertendum, quod demonstratio circularis potest esse omnino vniformis, vel diformis: erit omnino vniformis cum per conclusionem formalissime, vt probatam, & notificatam per principia probantur, & demonstrantur ipsa principia; est autem diformis, cum per conclusionem, vel sub diuersa formalitate, vel causalitate sumptam, vel saltem per diuersum medium ac per principia.

1134 Lib. 8. de Posterioribus

cipia cognita ipsa principia probantur & demonstrantur, ut exemplis in conclusione sequenti patebit.

4 Dicendum igitur est, demonstrationem circularem uniformem semper esse vitiosam, non vero demonstrationem circularem difformem. Prima pars conclusionis intenditur ab Aristotele, & convincitur ex ratione posita dubitandi, & manifeste probatur, quia demonstratio circularis uniformis est cum ex conclusione formaliter ut illata, cognita, & manifestata ex præmissis ipsæ præmissæ demonstrantur. Sed hoc est eandem conclusionem secundum eandem rationem, & per idem medium esse simul notio-rem, & ignotio-rem præmissis, quod omnino est impossibile: ergo omnino vitiosa, & impossibilis est demonstratio circularis uniformis,

5 Secunda autem pars conclusionis probatur: quia dupliciter potest fieri demonstratio circularis difformis. Primo, si per conclusionem in vno genere causæ demonstratam ex præmissis in alio genere causæ demonstrantur præmissæ. Secundo si per conclusionem ex præmissis demonstratione propter quid illatam demonstratur præmissæ à posteriori, ut per effectum, sed utroque tali modo fiat demonstratio circularis, illa non est vitiosa: ergo demonstratio circularis difformis non est vitiosa. Minor quoad utramque partem, & exemplis, & ratione probatur. Exem-
pla

pla primæ partis sunt apud Aristotelem, nam lib. 2. Posteriorum c. 13. docet posse demonstrari pluuiam esse ex abundantia vaporum: & rursus abundantiam vaporum expluuiâ. Et in libro secundo de cœlo ostendit stellas esse immobiles per se, quia sunt sphericæ figuræ, & rursus esse sphericæ figuræ, quia sunt immobiles, quæ demonstrationes procedunt in diuerso genere causæ. Exemplum autem secundæ partis est communissimum: sæpe enim per effectus experimentaliter cognitos demonstramus causam esse, & rursus per causam demonstramus effectus à priori, & non solum quod sint, sed propter quod sint. Id autem vtrumque non esse inconueniens manifeste probatur. Quia non inconuenit eandem conclusionem, in vno genere causæ esse posteriorem, & minus notam, quam præmissas, & in alio genere causæ esse priorem & notior rem ipsis præmissis, quia id non est idem respectu eiusdem secundum eandem rationem, sed potens secundum diuersam rationem, & formalitatem esse notius & ignotius; similiter cum demonstratur causa per effectum, & rursus effectus per causam, id non est, idem respectu eiusdem in eodem genere, sed potius in diuerso genere cognitionis esse notius & ignotius: Causa enim secundum se est notior effectui; effectus autem in genere cognitionis experimentalis potest esse notior sua causa. Et per hoc patet solutio ad aliquam,

A a a

quæ

quæ aduersus primam conclusionis partem poterant obijci : omnes enim demonstrationes circulares , quæ ab Aristotele , & ab alijs admittuntur re vera non sunt uniformes , sed diffformes , & patet etiam ad rationem .

6 Obijcies tamen potest , quod inductio ascensus videlicet , & descensus , vterque procedit ex experimentaliter notis . Et tamen in eo datur circulatio : ergo circulatio vniformis in tali argumentatione non est vitiosa ; ac perinde nec videtur esse vitiosa in argumentatione per demonstrationem . Minor probatur , quia per ascensum ex singularibus probatur vniversalis , & per descensum ex vniuersali probantur singularia : ergo in ascensu , & descensu fit circulatio vniformis , siquidem conclusio ascensus assumitur in descensu pro antecedenti , & antecedens pro consequenti .

7 Respondetur , quod licet in ascensu , & descensu quoad apparientiam videatur circulatio , re vera non est , quia tam per ascensum , quam per descensum ex singularibus probatur vniversalis ; per ascensum quidem veritas illius , per descensum autem ipsiusmet vniversalis falsitas . Vnde singularia , siue assumantur in ascensu pro antecedenti , siue in descensu pro consequenti , semper assumuntur ad probandam veritatem vel falsitatem vniversalis : ac perinde semper vt notiora ipsa vniversalis & sic in re non est circulatio , sed diuer-

uersus modus probandi veritatem, vel falsitatem eiusdem propositionis per eadem singularia.

QVÆSTIO XII.

Quid sit scientia?

Postquam egimus de demonstratione, iam de illius effectu, scilicet de scientia agere oportet. Scientia autem sumitur, & pro scientia actuali, & pro scientia habituali, & de illa utroque modo inquirimus, quid sit, & qualiter definiatur. Scientia autem actualis, siue scire, est rem per causam cognoscere, & quod illius est causa, & quod aliter se habere non potest. Pro cuius definitionis intelligentia reuocanda sunt in memoriam, quæ supra diximus, quod causæ possunt accipi pro causis solum in cognoscendo, vel per causas in essendo simul, & cognoscendo. Et si hæc definitio comprehendat omnem scientiã actualem, à priori, vel à posteriori, cum dicitur in illa quod *scire est cognoscere semper per causam*, debet intelligi per causam, saltem in cognoscendo. Aristoteles tamen, quia forsan solum intendit definire scientiam propter quid, per causas, intelligit causas, quæ sunt causæ in essendo simul, & cognoscendo, & intelligitur de causis propriæ in essendo, vel saltem de rationibus formalibus, qualiter ens est ratio

A a a 2

for,

formalis suarum passionum, & vnum attributum diuinum est ratio formalis alterius. Alia autem definitionis particula, videlicet, quod sciens non solum debet cognoscere rem per causam, sed cognoscere, *quod illius est causa*, ponitur ad denotandum, quod vt aliquis vere sciat, debet reducere conclusiones ad sua principia, & cognoscere, quod sunt principia illius. §. Ultima denique particula, videlicet, *quod aliter se habere non possunt*, ponitur, quia scientia non debet esse de contingentibus, sed de necessarijs. Vnde vt aliquis vere sciat, non solum debet cognoscere illud ita esse, sed & quod aliter se habere non potest.

2. Obijcies tamen, quod plures scientia non sunt de eo, quod aliter se habere non potest; nam scientificè cognoscitur, quod homo est risibilis, quod tamen potest supernaturaliter aliter se habere, ablata supernaturaliter ab homine risibilitate & scientificè cognoscitur, quod in vere sunt tonitrua, & tamen naturaliter aliter potest se habere. Male igitur definitur scire, quod sit cognoscere, rem aliter se habere non posse.

3. Ad primam partem argumenti respondent aliqui, quod scientia non est de actuali conuenientia risibilitatis cum homine, sed de eo quod ei debetur risibilitas; falluntur tamen. Hæc enim propositio, homo actualiter est risibilis, est vere scibilis, quia conuenientia actualis

risibilitatis cum homine, & aliarum passionum habet causam naturalem necessariam, scilicet ipsius hominis rationalitatem. §. Alij autem ad utramque partem argumenti respondent, quod non scitur absolute hominem esse risibilem, aut in vere esse trinitum, sed quod homo naturaliter est risibilis, & regulariter in vere sunt trinitum, & huiusmodi obiecta nullatenus possunt aliter se habere. §. Sed certe si obiectum sciri sit totum id, omnes scientiae essent aequalis certitudinis contra communem sententiam asserentem, esse gradus certitudinis in scientiis, & unam esse certiore alia. Unde melius respondetur, iuxta ea quae sup. quaest. 6. num. 5. diximus, quod non omnes scientiae sunt in eodem gradu certitudinis, sed aliae sunt de obiectis, quae aliter naturaliter, nec supernaturaliter se habere possunt, ut quod triangulus habeat tres angulos; aliae de his quae naturaliter aliter se habere non possunt, ut quod homo est risibilis; aliae de his quae saltem regulariter aliter se habere non possunt, ut quod in vere sunt trinitum. Et ita quando in definitione scientiae dicitur, quod scire est cognoscere rem aliter se habere non posse, debet intelligi iuxta diversos praedictos gradus necessitatis, & certitudinis, ita quod de quolibet scibili cognoscatur illud in aliquo genere aliter se habere non posse.

4 Scientia autem habitualis est *habitus* verus, certus, & evidens per demonstrationem acquisitus. Prima particula, scilicet *habitus* ponitur loco generis, imò & posset addi, vel subintelligi habitus intellectualis, tanquam genus proximius in quo scientia cum alijs habitibus intellectualibus conuenit. Secunda autē particula scilicet *verus*, ponitur ad differentiam habitus erronei, qui est habitus inclinans ad falsum. Tertia autem particula scilicet *certus*, ponitur ad differentiam habitus opinionis, & fidei humanæ ac suspitionis, vel aliorum (si qui alij sunt habitus, vel assensus incerti, & formidolosi) Pro quo nota, quod certitudo (vt ex D.Th.in 3.dift.29.q.1.ar.4 deducitur) est firma adhæsiō intellectus suo intelligibili. Per fidem igitur humanam, nec convincitur intellectus, nec firmiter adheret obiecto credito, & similiter, nec per habitum opiatium assentitur quis firmiter cōclusioni, quia vel ex principijs in certis deducitur, vel si ex certis, & euidētib; non tamen vt per certam & euidētem consequentiam ex illis illatam ad illam habitus opinatiuus inclinatur: scientia autē debet esse habitus certus, vtpote per demonstrationem ex certis principijs & per euidētem consequentiam genitus. §. Altera particula, videlicet *evidens*, vt explicetur, est notandū, quod in scientia non requiritur euidētia propter se ipsam, sed propter certitudinem. Vnde si certitudo possit

haberi absque euidencia, illa sufficiet ad substantiam, & essentiam scientiæ, vt in Theologia nostra pro hoc statu: quia cū inuitatur principijs si de diuina creditis, ex illis per euidentem consequentiam deducitur assensus certus; non tamen euidens conclusionis, qui cum sit assensus ex principijs per discursum acquisitus, est vere & quoad substantiam scientificus. Euidencia igitur non est de essentia scientiæ, licet semper sit maxima illius accidentalis saltem perfectio. Vnde & Theologia nostra prout in via, licet habeat essentiam scientiæ; non tamen statum perfectionis scientiæ, quem habebit in patria, vbi illius certitudini adiungetur euidencia: siquidem principia, quæ modo obscure credimus, tunc clare per scientiam beatam videbimus. Non igitur euidencia per se requiritur ad scientiam; requiritur tamen necessario cum absque illa non potest haberi certitudo. Vnde cum in scientijs naturalibus non possit haberi certitudo absque euidencia, ob id in illis requiritur euidencia. Et ita quia Aristoteles scientiam naturalem definiēbat, asserit, illam debere esse habitum certum, & euidentem.

5 Obijcies, quod ad omnem scientiā, quæ substantiam, & essentiam obtinet scientiæ, debet convinci intellectus, cum omnis assensus scientificus debeat haberi per demonstrationem: sed absque euidencia non convincitur intellectus ad as-

sentum scientificum. Ille igitur non datur absque euidencia. Minor probatur, quia nullus conuincitur assentiri præmissis etiam à Deo reuelatis, nisi illas euidenter cognoscat. Sed non potest conuinci ad assensum conclusionis ex præmissis, nisi ad assensum præmissarum conuincatur: ergo nullus potest conuinci ad assensum conclusionis, nisi ex præmissis euidenter cognitis. §. Respondetur quod ad assensum scientificum, qui per demonstrationem habetur, sufficit, quod quis ex suppositione assensus præmissarum ad illum conuincatur, nec requiritur, quod ad ipsum præmissarum assensum conuincatur, aut necessitetur: cum ergo quis; licet libere fide diuina credit aliqua principia, ex suppositione quod illis certo, & infallibiliter assentitur, necessitatur ad assensum conclusionis ex talibus principijs per euidentem consequentiam illatæ.

6 Per vltimam tandem definitionis particulam, videlicet, quod scientia sit habitus *per demonstrationem acquisitus*, distinguitur scientia à lumine primorum principiorum, quod licet sit certum, & euident, non acquiritur per demonstrationem, nec inclinat ad veritates medio discursu, sed immediate in seipsis attingendas. Distinguitur etiam ab habitu fidei diuinæ, qui non per discursum, sed immediate in sua inclinat obiecta. Distinguitur etiam à prudentia, & arte, quæ cū
ver-

versentur circa singularia, quæ non possunt demonstrari, nequeunt haberi per demonstrationem. Distinguitur denique à scientia Dei & Angelorum, quæ quamvis possit aliquotaliter dici, quod habetur per demonstrationem, quatenus Deus & Angeli cognoscunt ex parte obiecti unum esse propter aliud; tamen quia ex parte cognoscentis cognitio unius non est causa cognitionis alterius, siquidem unica, & eadem cognitione principia & conclusionem attingunt, non convenit eis hæc definitio scientiæ saltem, ut intellecta ab Aristotele, qui cum omnem hanc suam doctrinam fundet in eo, quod omnis doctrina & disciplina ex præexistente sit cognitione, cum ait scientiam esse habitum per demonstrationem acquisitum, intelligit de demonstratione propriissimè, & formaliter, & cum per proprium, & formalem discursum ex cognitione præmissarum cognitio, & assensus generatur conclusionis.

QVÆSTIO XIII.

Quid sit scientia subalternans, & subalternata.

V Nam scientiam subalternari alij generaliter, & minus propriè est, ynam scientiã quomodolibet contineri sub alia.

Ex quo patet, quod patres eiusdem scientiæ non dicuntur etiam hoc generali modo vnam partem subalternari alij, quia non sunt diuersæ scientiæ, sed eadem scientia, dicitur tamen in hac generali acceptione vnam scientiam subalternari alij, si ad finem illius ordinetur, in quo sensu ars frenefactiua subordinatur æqueftri, hæc militari, & militaris politicæ. Sed certe ista non est proprie subalternatio, sed solum, quod vna scientia aut ars subordinetur alij, & illi deferuiat. Vnde hoc & aliis modis subalternationis impropriè relictis, varijsque circa subalternationem propriam scientiarum omis- sis sententijs, illam breuiter explicare conabimur.

2 Dico igitur primo. Ratio essentialis, & propria subalternationis scientiarum consistit in eo, quod vna scientia per se, & vniuersaliter in omnibus suis principijs dependeat ab altera. Vnde si hoc reperiatur, etiamsi omnes aliæ conditiones ad subalternationem defint ratio propriæ subalternationis reperiatur. Conclusio est communis, illamque præcipue docet Caiet. 1. p. q. 1. art. 2. ex eiusque doctrina pro illius explicatione suppono, quod proprium est scientiæ, non attingere veritates immediate in se ipsis, sed vt ex principijs deductas. Vnde cum non sit habilis processus in infinitum, deueniendum est ad aliquod principium per se notum. Et cum sic attingere, & cognosce-

scire talia principia, non sit illud cognoscere scientificè; nulla scientia per se potest principia sic immediata cognoscere: ac perinde cum omnis scientia dependeat à cognitione talium principiorum; dependet etiam à lumine, per quod talia principia cognoscuntur. Et in hoc sensu potest dici, quod omnis scientia subalternatur lumini primorum principiorum. Quia tamen non omnis scientia immediate coniungitur cum lumine primorum principiorum, nec suas conclusiones reducit usque ad principia per se nota, sed principia alicuius scientiæ sunt conclusiones demonstratæ alterius scientiæ superioris, sicut omnis scientia subalternatur lumini primorum principiorum, quia ab illa accipit sua principia; ita illa scientia, quæ per se ipsam non potest sua principia reducere ad principia per se nota, sed eius principia sunt conclusiones alterius scientiæ, huic scientiæ proprie subalternabitur illa. Et cum hæc inter aliquas scientias fuerit dependentia, etiãsi aliquæ conditiones accidentales ad subalternationem desint, erit proprie subalternatio. Ut totum hoc patet in nostra Theologia, quæ teste D. Thom. 1. par. q. 1. art. 2. vere & propriè subalternatur scientiæ Dei, & Beatorum, quia principia nostræ Theologiæ non sunt in illa nota, sed euidenter cognoscuntur per scientiam Dei, & Beatorum, quamvis non concurrant ad eandem subalternationem aliæ ac-

cidentales conditiones ; siquidem obiectū nostrę Theologię non addit aliquam differentiam accidentalem supra obiectum scientię Dei , & Beatorum ;

3 Hinc sequitur vera intelligentia illius, quod in cap. 10. lib. 1. posteriorum asserit Aristoteles, quod scientia subalternata dicit solum *quia* , subalternans vero *propter quid* . Non enim, idest, quod scientia subalternata non demonstret suas conclusiones propter quid & per propriā causam, sed quod sistendo in se ipsa scientia subalternata, non reducit conclusiones ad principia per se nota , ac perinde non attingit per se ipsam ad totum, quod requiritur , vt proprie dicatur attingere suas conclusiones *propter quid* , id enim perfecte non fit, vsque dum reducantur conclusiones ad prima principia per se nota , & solum dicitur scientiam subalternatam dicere *propter quid* secundum quod coniungitur scientię subalternanti.

4 Dico secundo , vt prefatam rationem proprię subalternationis vnius scientię ad alteram aliquę scientię obtineant, exigunt quod illarum obiectum supra obiectum scientię subalternantis addat aliquam differentiam accidentalem illi extraneam, quia si addat differentiam essentialē , non constituet scientiam formaliter distinctam, sed partem eiusdem scientię , quia ad eandem scientiam pertinet agere de ratione generica, & illius speciebus ; & si addat differentiam accidentalem, non

non communem, sed propriam, nec etiam constitueret diuersam scientiam, quia ad eandem scientiam pertinet agere de aliquo obiecto, & de illius proprietatibus. Ut igitur scientia subalternata sit distincta à subalternante, si addat aliquid supra obiectum illius, debet addere differentiam accidentalem illi extraneam, & talem differentiam ex qua oriantur diuersæ passionēs. Defectu cuius linea v.g. alba per albedinem, licet sit differentia accidentalis lineæ, quæ est obiectum Geometriæ, non constituitur obiectum alicuius scientiæ Geometriæ subalternatæ, quia ratione albedinis non habet lineæ speciales passionēs ad ipsam lineam non omnino materialiter pertinentes, quæ possunt de linea alba per aliquam scientiam subalternatam Geometriæ demonstrari. Si igitur supra obiectum alicuius scientiæ addatur aliqua differentia illi extranea, ratione cuius à tali obiecto cum prædicto additamento aliquæ oriantur passionēs, quæ secundum se ab illo non oriebantur, scientia, quæ versetur circa tale obiectum complexum, vere dependebit in suis principiis à conclusionibus scientiæ, quæ circa obiectum cui talis additur differentia, versatur: ac perinde erit illi subalternata. Nec intendimus, quod omnis subalternatio petat hanc conditionem, cum absque illa reperiatur propria subalternatio theologiæ nostræ ad scientiam Beatorum: sed quod omnis scientia, cuius ob-

bie-

biectum. addit sic differentiam accidentalem ad obiectum alterius scientiæ, proprie illi subalternatur.

5. Obijcies, quod si obiectum scientiæ subalternatæ adderet differentiam accidentalem supra obiectum scientiæ subalternantis, scientia subalternata non esset proprie scientia. Quia obiectum cum tali additamento resultaret ens per accidens. Tum, quia ex aliquo, & eius accidente communi non potest resultare vnum ens per se, sed vnum ens per accidens. Tum etiam, quia obiectum cui talis additur differentia, & ipsa differentia ad diuersa pertinent genera. Sed ex rebus diuersorum generum non potest resultare vnum ens per se, sed vnum ens per accidens: ergo obiectum scientiæ superioris cum tali additamento non esset vnum ens per se, sed per accidens: Sed iuxta commune proloquium Philosophorum, de ente per accidens non potest esse scientia, quia de illo cuius est scientia, debet esse definitio, & debet habere passiones de ipso demonstrabiles: & conflatum ex rebus diuersi generis, quale est ens per accidens, non potest habere aliquam definitionem, cum quælibet talis res ex quibus componitur, diuersam habeat essentiam, nec posset aliquas habere passiones, cum illæ non possint, nisi a determinata essentia dimanare. S. Confir. nam obiectum scientiæ subalternatæ v. g. Musicæ, vel est solus numerus, vel solum sonorum, aut

numerus simul , & sonorum . Non solus numerus, quia ille est obiectum Arithmeticae ; nec solum sonorum quia id utpote obiectum auditus pertinet ad obiectum Philosophiae , quae agit de sensibus animalis : ergo obiectum Musicae est totum hoc, scilicet numerus sonorus . Eteodem modo obiectum Perspectivae non est solum linea , quia illa est obiectum Geometriae, nec est solum visualitas , quia illa utpote obiectum visus, ad obiectum pertinet Philosophiae : ergo obiectum illius est totum hoc, scilicet linea visualis; & ob id istae scientiae dicuntur mediae inter physican, & mathematicas. Sed compositum ex numero, & sonoreitate , seu numerus sonorus , & compositum ex linea , & visualitate , seu linea visualis, cum constet ex rebus diversi generis , est ens per accidens ; ac perinde non proprie scibile : ergo si obiectum scientiae subalternatae addat differentiam accidentalem supra obiectum subalternantis subalternata non est proprie scientia .

6. Respondetur ad argumentum negando, quod obiectum scientiae subalternatae sit ens per accidens , quia licet ex rebus diversi generis ex aequo concurrentibus non possit resultare ens per se , bene tamen si non ex aequo , sed vna in recto , & altera in obliquo ad illius compositionem concurrant, & sic concurrunt ad compositionem obiecti scientiae , subalternatae , differentia quam illa addit supra obiectum scientiae subalternantis: &

ip-

ipsius scientiæ subalternantis obiectum :
 Non quidem (vt aliqui existimant) ita vt
 obiectum scientiæ subalternantis omnino
 materialiter se habeat ad id quod supra
 illud addit subalternata ; si enim ita esset ,
 obiectum v. g. Perspectivæ solum esset vi-
 suale in concreto , quod licet dicat visuali-
 tatem connotando subiectum , accide-
 ret illi, quod talem visualitatis subiectum
 esset linea , vel quodlibet aliud . Non
 igitur sic dicimus concurrere lineam ad
 obiectum Perspectivæ , sed licet in obli-
 quo per se tamen , ita vt in linea sit prin-
 cipium , vt visualitas illi coniuncta ha-
 beat specialem essentiam , & passionem ,
 quas non haberet , si alij subiecto coniun-
 geretur sicuti linea est principium superfi-
 ciei , & ad speciem quantitatis , quæ est
 superficies , concurrat quidem linea in o-
 bliquo , non tamen omnino materialiter ,
 & accidentaliter , sed per se quatenus est
 principium superficiei , & ita licet linea ,
 & visualitas sint res diuersi generis , non
 ex æquo concurrunt ad obiectum Perspe-
 ctivæ , sed licet per se , linea in obliquo , &
 visualitas in recto ex utroque resultat vnū
 per se definibile , & scibile . Per hoc pa-
 tet ad contr. non enim dicimus obiectum
 v. g. Perspectivæ esse solam lineam , nec so-
 lam visualitatem , aut obiectū Musicæ esse
 solum numerum , aut solum sonorum , sed
 numerū sonorum , & obiectum Perspectivæ
 lineam visua lem ; non quidem vtrumque
 in recto , sed visualitatem in recto , & li-
 neam

neam in obliquo, ut principium visualitatis, & sonorum in recto, & numerum in obliquo, ut principium sonoreitatis: & sic non sunt talia obiecta entia per accidens, sed per se, ac perinde vere, & proprie scibilia.

QVÆSTIO XIV.

Vtrum in non habente scientiam subalternantem, possit subalternata vere esse scientia.

PRO resolutione quæstionis est advertendum, quod non habens scientiam subalternantem, potest accipere illius conclusiones, quæ sunt principia subalternata vel per fidem divinam, qualiter Theologus viator accepit per fidem divinam, & ut a Deo reuelata principia Theologus viator accepit per fidem divinam, & ut a Deo reuelata principia Theologiæ, quæ sunt conclusiones notæ in scientia Beatorum cum nostra subalternatur Theologiæ. Vel potest accipere principia scientiæ subalternata per fidem humanam, & hoc modo dupliciter. Primo, ut talis fides maneat intra limites fidei humanæ, nec transeat ad aliquam certitudinem moralem; ut si talia principia, accipiat quis ab vno, vel altero quantumvis magnæ opinionis Magistro, & in tali scientia subalter-

ternante perito : illius enim quod talis asseueret, etiamsi dicat, id esse in tali scientia subalternante euidenter demonstratum, qui id ab illo audit, non potest ob id habere plusquam fidem humanam fallibilem, nec vllatenus pertingentem ad rationem certitudinis moralis : Talis enim Magister licet existimetur, & habeatur in tali scientia subalternante vt peritus, & doctus, re vera potest non esse doctus, & conclusionem, quam mihi tradit, re vera non demonstrasse, sed per aliquem paralogismum, qui sibi videbatur demonstratio, illi assensum præbuisse, & licet etiam si re vera sit doctus potest me ex malicia, vel ex alia causa fallere, & conclusionem tradere pro demonstrata, quam re vera, nunquam demonstrauit, nec forsan demonstrabilis est. Vel secundo aliter potest quis ab alijs accipere principia alicuius scientiæ subalternatæ, ita vt de illorum veritate habeat certitudinem moralem, vt si omnes fere, qui in scientia subalternante habentur, vt dicti verbis, & scriptis absque contradictione aliquorum conspirent in asseuerando talia principia vere, & euidenter in scientia subalternante demonstrari.

2. Dico primo. Absque scientia subalternante, si tamen illius conclusiones, quæ sunt principia scientiæ subalternatæ aliquis fide diuina accipiat, & credat, potest ex illis per euidentem consequentiam deducere conclusiones scientiæ subalternante,

ante,

Quaestio XIV. 1153

natae, ita ut veram habeat scientiam subalternatam, licet non cum omni perfectione accidentali, quam talis scientia haberet, si in eodem subiecto coniungeretur cum scientia subalternante. Conclusio quo ad utramque illius partem probatur, nam Theologia nostra pro hoc statu, ut communiter cum D. Thoma 1. par. quaest. 1. art. 2. docent Theologi, est vere scientia, quoad essentiam saltem, & substantiam scientiae. Et cum (ut ibidem asseritur) subalternetur scientiae Beatorum, licet in nobis pro hoc statu cum tali scientia subalternante non coniungatur; quia tamen ipsas conclusiones, quae sunt notae in scientia Beatorum per fidem divinam accipimus, & licet obscure, certissime tamen illi assentimur, ex illisque per evidentem consequentiam, conclusiones deducimus theologicas, quarum assensus & habitus per illam genitus licet non evidens, utpote ex principiis non evidenter cognitis deductus cum sit certus, & per demonstrationem, & discursum acquisitus: ac perinde distinctus per certitudinem ab opinione, & fide humana, & per discursum a fide divina, & lumine primorum principiorum, quorum utrumque immediate, & sine discursu sua attingit obiecta, est vere assensus, & habitus quoad substantiam scientificus, licet non habeat statum, & perfectionem accidentalem scientiae, usque dum coniungatur cum scientia subalternante, & media illa

illā non solum certitudo, sed euidētia habeatur principiorum Theologiæ, ipsaque talia principia usque ad prima reducantur.

3 Dico secundo. Si quis non habens scientiam subalternantem, illius conclusionēs, quæ sunt principia subalternata accipiat per fidem humanam peruenientem ad certitudinem moralem; ad modum quo sic ad certitudinem moralem, posse peruenire explicuimus, ex talibus principiis potest per euidētem consequētiā deducere conclusionēs scientiæ subalternatæ, & illarum habere assensum, & habitum quoad substantiam scientificam, licet non cum tanta perfectione accidentali ac si haberet scientiam subalternantem, & illius conclusionēs sciret resolvere ad sua prima principia. Hanc forsan conclusionem solum intendunt qui in absentia scientiæ subalternantis admittunt, posse dari scientias subalternatas accipiendo illarum principia à peritis in scientia subalternante. Et probatur, quia cum sic veritatis talium principiorum habeatur certitudo moralis, ex illis potest haberi similis certitudo conclusionis, quæ dato, quod sit aliquāliter inferior ad euidētiā, & certitudinem metaphysicā; est tamen, sufficiens ad speciem, & substantiam scientiæ, siquidem excluderet omnem hēsitationem, & formidinem: ac perinde cum talis assensus, & sit certus, & per verum discursum, & demonstrationem acquiritur,

tur habebit quidquid requiritur ad speciẽ,
& substantiam scientiæ; licet in gradu in-
feriori ad scientias habẽtes certitudinem,
& euidentiã metaphisicã; & absque
perfectiõne accidentali, quam talis scien-
tia subalternata haberet, si in eodem sub-
iecto coniungeretur, & continuaretur
eum cum subalternante.

4 Dico tertio, qui semel habuit scien-
tiam subalternantem, & oblitus illius de-
monstrationum iam non scit illius conclu-
siones reducere ad sua prima principia;
si tamen euidentem habeat notitiã, quod
aliquando easdem conclusiones vere de-
monstrauerit, habet perinde euidentiã
quo ad an est veritatis talium conclusio-
num, & ex illis potest per euidentem con-
sequentiam deducere conclusiones scien-
tiæ subalternatæ, earumque assensum, &
habitu quoad substantiam, & speciẽ,
scientificum habere, licet absque perfe-
ctiõne accidentali reducendi principia ta-
lis scientiæ subalternatæ ad principia per
se nota. Hanc conclusionem licet expræs-
se in authoribus non inueniam, manife-
ste, immo a fortiori videtur mihi deduci
ex præcedenti: si enim vt quis habeat scien-
tiam subalternatam; sufficit quod, com-
muniter omnibus, & absque contradic-
tiõne asseuerantibus aliquas conclusiones, ve-
re in scientia subalternante demonstrari.
habeat perinde euidentiã moralem ve-
ritatis talium conclusionum, vt ex illis
per euidentem consequentiam conclusio-
nes

nes deducat scientiæ subalternatæ, à fortiori ad id sufficit, quod ipse euidenter recorderetur, se aliquando eiusdem conclusiones scientiæ subalternantis vere demonstrasse, licet tunc medijs demonstrationem oblitus non sciat illas demonstrare, & ad principia per se nota reducere; ex hoc enim maiorem, ne dicam æqualem euidentiam moralem habebit veritatis prædictarum conclusionum.

5 Ultimo tandem dico. Non habens scientiam subalternantem per id solum, quod ab vno, vel altero Magistro accipiat illius conclusiones, quæ sunt principia scientiæ subalternatæ, non potest ex illis ita conclusiones scientiæ subalternatæ deducere, vt illarum habeat assensum, & habitum quo ad substantiam scientificum. Oppositum huius conclusionis videntur aliqui recentiores docere. Conclusio tamen mihi videtur hac ratione efficaciter probari, quia vt assensus, & habitus sic quoad speciem, & substantiam scientificus, debet esse ita certus, vt omnem excludat formidinem, & hæitationem. Sed ex præmissis sic solum ab vno, vel altero acceptis non potest acquiri assensus aut habitus ita certus: ergo nec qui sit quo ad speciem, & substantiam scientificus. Maior cum consequentia patet. Et minor probatur, quia certitudo conclusionis derivatur ex certitudine præmissarum. Sed præmissarum, ob id solum, quod sic quis ab vno, vel altero accipiat, non potest habe-

re certitudinem omnem excludentem formidinem : ergo ex praemissis sic acceptis non potest haberi ea conclusionum certitudo . Minorem in qua est difficultas, negant Authores oppositae sententiae . Dicentes , quod licet propter auctoritatem unius , vel alterius absolute aliquid dicenti , non possit quis de illo certificari , bene tamen si id alius asserat , non ut particularis homo , sed ut doctus , & ut magister , & ut in tali scientia scientificus , tamen ut in fundamento ad resolutionem , quaestiones praefecto dicebam , licet unus vel alter , qui mihi aliquid in aliqua scientia , vere demonstrari asseuerat , habeatur communiter , ut positus , & doctus in tali scientia , & ille asserat , se id ut scientificum in tali scientia asseuerare , non potero non manere dubius , an re vera ita ut scientificus id asserat , an vero ex malitia , vel ex ignorantia , vel ex alio fine me fallat .

6 Aduersus res priores conclusiones obijcies , quod Aristoteles , & D. Thomas nullatenus videntur admittere , in aliquo esse veram scientiam , nisi illius conclusiones resoluat usque ad prima principia per se nota , sed qui principia scientiae subalternata , quae non sunt per se nota , sed conclusiones demonstrabiles in scientia subalternante non habens ipsam scientiam subalternantem , accipit per fidem diuinam , vel humanam quantumvis ad certitudinem moralem peruenientem non scit illas
ad

ad talia principia per se nota resolvere :
 ergo non habet veram scientiam subalter-
 natam, quæ speciem, & substantiam ob-
 tineat scientiæ. Consequentia est evidens.
 Et minor certa. Quia talia principia cum
 sint conclusiones demonstrabiles per scien-
 tiam subalternantem, solum per ipsam
 scientiam subalternantem, possunt ad pri-
 ma principia per se nota resolui. Maior
 autem, in qua est difficultas probatur ali-
 quibus testimonijs Arist. & D. Thomæ.
 Aristoteles enim cap. 2. huius libri, redens
 rationem, quare demonstratio debeat pro-
 cedere ex primis, & immediatis, inquit.
Quia non sciet, non habens demonstrationem
ipsorum: scire enim non per accidens ea quo-
rum non est demonstratio, nihil aliud est sa-
re quam demonstrationem habere. Quorum
 verborum sensus est, vt explicat D. Tho-
 mas, quod non contingit; aliquem habere
 scientiam, nisi habeat demonstrationem
 eorum, quorum potest esse demonstratio,
 quia aliàs non posset resolvere conclusio-
 nes vsque ad prima principia; qui enim
 procedit ex præmissis mediatis & demon-
 strabilibus (inquit D. Thomas) si non
 habet demonstrationem illorum, non sciet
 præmissas, & ex consequenti neque con-
 clusionem propter præmissas. Et in q. 14.
 de veritate art. 9. sic ait sanctus Doctor:
Quæcumque sciuntur, propriè accepta scien-
tia, cognoscuntur per resolutionem in prima-
principia, quæ per se præsto sunt intellectui,
Et sic omnis scientia in visione rei præsentis
 per-

perficitur. Unde impossibile est, quod de eodem sit fides & scientia. Et in 3. distinctione 33. quæstione 1. art. 2. quælluncula 4. ait: Si esset aliqua scientia quæ non posset reduci ad principia naturaliter cognita non esset eiusdem speciei cum alijs scientijs, neque uniuoce scientia diceretur.

7 Respondetur negando maiorem. Et ad testimonium Aristotelis potest dici primo, quod ibi Aristoteles loquebatur de scire *propter quid*, quod, vt explicuimus quæstione præcedenti, perfecte non habetur, vsque dum reducantur conclusiones ad prima principia per se nota, & ideo in casibus trium priorum nostrarum conclusionum licet quis habeat veram scientiam subalternatam, illa dicitur *quia*, & non *propter quid*, quatenus vt non continuata cum sua subalternante non peruenit ad resolutionem suarum conclusionum vsque ad prima principia per se nota, quod requiritur ad scientiam perfecte *propter quid*; erit tamen scientia quoad speciem, & substantiam scientiæ, siquidem erit habitus certus per demonstrationem & discursum acquisitus. §. Vel secundo respondetur, quod Aristoteles ibi solum intendit, quod omnis scientia per se exigit quod per se ipsam, vel per continuationem cum scientia superiori resoluat conclusiones vsque ad prima principia per se nota, non tamen obstat, quod per accidens si aliquis certo cognoscat verita-

Bbb rem

tem principiorum alicuius scientiæ, illa accipiens per fidem diuinam, vel per fidem humanam peruenientem usque ad euidentiā moralem, vel quomodolibet aliter, dummodo illa certo cognoscat, ex talibus principiis possit deducere conclusiones, illarumque habere assensum & habitum quo ad speciem & substantiam scientificam.

8 Ad testimonium autem D. Thomæ ex quæstione de veritate desumptum respondetur, quod in illo solum intendit sanctus Doctor, quod quæcumque sciuntur proprie, id est perfecte scientifice, cognoscuntur per resolutionem ad prima principia; non autem quod absque tali resolutione non possit haberi scientia licet imperfecte, specie tamen & substantiam obtinens scientiæ. Quod in eodem testimonio insinuat D. Thomas dicens, quod omnis scientia in visione rei præsentis perficitur; in eo perinde innuens quod absque tali visione rei scientia, licet non ita perfecta, potest reperiri. Idemque denique confirmat ex eo, quod inquit non posse compari simul de eodem scientiam & fidem, quod utique est verum de scientia habente eam perfectionem euidentiæ, non autem de omni scientia, siquidem nostra nunc Theologia de aliquibus obiectis compatitur simul cum fide.

9 Ad secundum denique testimonium Diui Thomæ respondetur, in illo solum intendere, quod scientia quæ per se non
pos-

posset resolvere conclusiones usque ad prima principia, non esset uniuoce scientia cum alijs, omnis tamen scientia subalternata, cum per se exigat continuari cum subalternante, per se habet quod mediante illa possit resolvere conclusiones usque ad prima principia, & si id defacto facere non potest, cum ea impossibilitas non competat ei ex meritis ipsius scientiæ, sed per accidens ratione subiecti, id non tollit ab ea rationem scientiæ, sed solum perfectionem accidentalem, quam haberet ex continuatione cum subalternante, & per illam resolvendo suas conclusiones usque ad prima principia.

Ad Aduersus quartam autem conclusionem obijcies celebre testimonium Dni. Thomæ 1. part. quæstione 1. art. 2. ubi explicans qualiter facta doctrina, id est Theologia nostra accipiens per fidem diuinam sua principia, sit vera scientia, ait sanctus Doctor. *Vnde sicut musca credit principia tradita sibi ab Arithmetico, ita doctrina sacra credit principia reuelata sibi à Deo.* Sentire ergo videtur Dnus Thomas, quod sicut Theologus ex principijs reuelatis à Deo habet veram scientiam Theologiæ; ita & musicus ex principijs, ut ab Arithmetico illi dicuntur, habet veram scientiam Musicæ: si enim Musicus ex principijs sic creditis & ab Arithmetico acceptis non haberet veram scientiam,

sed opinionem conclusionam ad Musicam pertinentium, ut nos in quarta asserimus conclusionem, non solum exemplum adductum à Diu. Thoma ad eius conduceret intentum, quod Theologia nostra est vere scientia, sed potius ex illo oppositum sequeretur, nempe quod sicut Musicus ex principiis, quæ credit ut sibi traditis ab Arithmetico, non habet veram scientiam Musicæ, ita nec Theologus ex principiis creditis habet veram scientiam Theologiæ.

II Respondetur, quod Diu. Thomas non adducit exemplum, quoad omnia, sed solum quoad id quod sicut Musicus credit principia ab Arithmetico, ita & Theologus accipit principia Theologiæ per fidem diuinam: cum differentia tamen quoad applicationem, nam cum principia Theologiæ credita fide diuina, habeant certitudinem, sufficiunt ut ex illis sic certo creditis Theologus per euidenter consequentiam deducat conclusiones Theologicas, illisque certum licet non euidenter præbeat assensum, quod sufficit ut ille sit quoad substantiam scientificus: Ex principiis autem creditis fide humana non perueniente ad euidenciam moralem, qualiter ostendimus non peruenire, si Musicus ab vno vel altero Arithmetico illa accipiat, non poterit haberi assensus nec euidens conclusionum; ac perinde nec quoad speciem & substantiam scientificus, & sic exemplum Diu.

Diu. Thomæ ad id ad quod illud adducit, conducit, nec potest aduersus eius intentum retorqueri, quia licet conueniant Musicus & Theologus in accipiendo sua principia per fidem, Theologus assentitur illis per fidem diuinam, ac perinde ex illis potest deducere assensum scientificum & certum conclusionum; Musicus autem assentitur principiis Musicæ per fidem mere humanam incertam & fallibilem; ac perinde ex illis non potest deducere assensum certum & scientificum conclusionum.

QVÆSTIO XV.

A quo desumatur unitas & diuersitas scientiarum.

L Aristoteli hanc materiam aliqui disputant, sed cum de illa circa quamlibet scientiam in particulari tractetur, non est opus hic ad illas descendere, sed principia generalia ad unitatem & diuersitatem scientiarum cum nostro authore hic quæst. 7. resolutorie tradere. Aduertendo prius quod hic non loquimur de unitate simplicitatis scientiarum, aut videlicet quælibet scientia sit vnus simplex habitus plurium partialium habituum compositionis expers. De hoc enim late egimus lib. 1. quæst. 7. sed agimus nunc

1164 *Lib.8.de Posterioribus*

de unitate numerica, generica, & specifica scientiarum.

2 Dico igitur primo. Unitas & distinctio numerica scientiarum, sicut & aliorum accidentium ex unitate vel diuersitate subiecti, intellectus videlicet, est desumenda. Fundamentum huius conclusionis cum sit idem ac indiuiduationis, & distinctionis numericae aliorum accidentium, ad libros de generatione remittimus.

3 Dico secundo. Scientiæ & omnes habitus intellectuales differunt genere, non præcise ex subiecto, sed vel ex fine aut ex diuerso modo procedendi, qualiter ex diuerso modo procedendi differunt scientia, fides, & opinio penes formidinem, certitudinem, & claritatem: & etiam ex diuerso modo procedendi differunt intellectus, scientia, sapientia, ars, & prudentia, ac denique ex fine differunt habitus practicus, & speculatiuus: huius enim finis est speculatio, alterius vero opus.

4 Dico tertio. Scientiæ sumunt suam unitatem, & diuersitatem specificam ab unitate, vel diuersitate specifica obiecti. Conclusio est communis, & probatur, quia scientia quælibet est tendentia in suum obiectum admodum quo quilibet motus est tendentia in suum terminum: sed quælibet tendentia, & motus ab unitate, vel diuersitate specifica sui termini unitatem, vel diuersitatem accipit spec-

cificam : ergo illam accipiunt scientiæ ab unitate , vel diuersitate specifica sui obiecti . Maior cum consequentia patet . Minor vero probatur , quia terminus cuius tendentiæ comparatur ad illam , vel illius finis , ad quem per se ordinatur : sed quælibet res ab illo sumit suam speciem , & unitatem , ad quod per se ordinatur , cum sit propter illud : ergo omnis tendentia sumit suam unitatem , aut diuersitatem specificam à suo termino .

¶ Dico quarto . Unitas vel diuersitas specifica obiecti scientiarum , à qua scientiæ sumunt suam specificationem , non debet esse unitas , vel diuersitas specifica obiecti in esse entis , sed formaliter in esse obiecti . Conclusio est communis , & probatur ratione , & exemplo , exemplo quidē in obiectis sensuum : color enim quamuis in esse entis , & in genere qualitatis non sit species atomica , cum diuidatur in plures species coloris , tamen in ratione visibilis , & formaliter in ratione obiecti potentia visuæ est species atomica : & ob id potentia visuæ est vna specie atomica , quod ita non esset , si speciem acciperet à suo obiecto in esse entis : eodem ergo modo scientiæ non accipiunt unitatem vel diuersitatem specificam ab unitate , vel diuersitate specifica obiecti in esse entis , sed formaliter in esse obiecti , & in esse scibilis . Idque etiam ratione probatur , quia diuersæ specificè scientiæ circa obiectum idem , & eiusdem prorsus speciei in esse entis

versantur, sub diuersa tamen ratione, formaliter in esse obiecti, & in esse scibilis illud attingentis: ergo scientiæ non sumunt speciem ab obiecto in esse entis, sed formaliter in esse obiecti.

6. Vltimo tandem dico. Ratio formalis sub qua constituitur obiectum formaliter in esse obiecti scientiarum, & sub qua distinguuntur formaliter obiecta scientiarum, est abstractio à materia. Conclusio deducitur ex Aristotele 6. metaph. text. 2. & ex D. Thoma pluribus in locis, specialiter 1. Posteriorum, sectione 41. dicente: *Genera scibilium distinguuntur secundum diuersum modum cognoscendi, sicut alio modo cognoscuntur, quia desiniuntur cum materia, & eaque sine materia, Vnde aliud genus scibilium est corpus naturale, & corpus mathematicum, & utrumque horum generum distinguitur in diuersos modos, & rationes cognoscibilitatis.* Et probatur, quia in tantum aliquid est cognoscibile, in quantum est immateriale: materialitas enim obest cognoscibilitati actiue, & passiue, vt colligitur ex D. Thoma 1. parte. quæstion. 14. art. 1. ergo formaliter aliquid constituitur in esse cognoscibilis in quantum est immateriale, & abstrahit à materia; & formaliter distinguitur in esse cognoscibilis, & in esse scibilis poenes diuersam maiorem, vel minorem immaterialitatem, & abstractionem à materia.

7. Obijcies primo, quod vt ex D. Tho. pluribus in locis deducitur, diuersitas scientiæ

scientiarum desumitur ex diuersitate mediorum: ita enim asserit 6. Metaphisica lect. 1. cum definitio sit medium demonstrationis, & per consequens principium sciendi, oportet, quod ad diuersum modum definiendi sequatur diuersitas in scientijs speculatiuis: ergo non ex obiecto, sed ex diuersitate, vel unitate mediorum desumitur unitas, vel diuersitas specifica scientiarum.

8 Respondetur, quod cum obiectum scibile distinguatur ab obiecto aliter cognoscibili, quod scibile dicit cognoscibilitatem per aliquod medium ex quo cognoscatur: cum dicimus unitatem vel diuersitatem specificam scientiarum desumi ab obiecto scibili, vt scibili, non potest illud accipi absque respectu ad medium per quod potest scientifice cognosci, & de illo demonstrari passionem. Vnde, & a medijs quibus aliquid scientifice cognoscitur, & ab ipso obiecto, vt per talia media scibili unitas specifica scientiarum desumitur; diuersimode tamen: a medijs enim desumitur causaliter, ab obiecto autem secundum quod in illud unitas, vel diuersitas formalis mediorum refunditur, sumitur formaliter: media enim se habent, vt principium sciendi; obiectum vero vt terminus scientiae, & cum scientia (vt diximus) sit tendentia in obiectum, consequens est, quod a principio causaliter, & ab obiecto formaliter suam accipiat

vnitatem, vel diuersitatem specificam. Sicuti eadem ratione motus aliquando à termino à quo causaliter suam accipit vnitatem, vel diuersitatem specificam licet formaliter illam semper accipiat à termino ad quem. Et similiter relatio causaliter accipit à fundamento suam vnitatem, vel diuersitatem specificam, formaliter tamen à termino. Aduertendum tamen est, quod sicut non ab obiecto in esse entis, sed formaliter in esse obiecti, & sub ratione abstractionis à materia, sumitur vnitas, & diuersitas specifica scientiarum; ita etiam eodem modo quo illa causaliter sumitur à medijs, seu a principis, nō sumitur ab illis in esse entis, sed formaliter in esse principiorum acceptis, & quatenus sub eadem, vel diuersa cadunt abstractione à materia.

9. Obijcies secundo, quia abstractio à materia, quam dicimus esse rationem formalem obiecti scientiarum, vel est ipsa abstractio actualis passiva proueniens in obiecto, per id quod actum terminet scientiæ, vel est abstrahibilitas obiecti, quatenus est considerabilis absque consideratione materiæ, etiamsi realiter illam concernat. Sed neutrum istorum potest esse: ergo nulla abstractio à materia potest esse ratio formalis obiecti scientiarum. Minor quoad primam partem probatur. Quia talis abstractio actualis passiva obiecti non potest illud

con-

constituere in ratione specificatiui scientiæ , cum iam supponatur illa specificata , & in elicentiam actus prorum- pens , cum ab eo quod obiectum ipsum actum terminet scientiæ , proueniat . Quoad secundam vero partem probatur minor . Quia idem obiectum eodem modo abstrahibile à materia potest attingi à diuersis formaliter scientiis , vt Deus sub eadem abstractione à materia attingitur à Theologia , & à Methaphisica : ergo ea abstrahibilitas à materia non potest esse ratio formalis constitutiva obiecti in ratione scibilis .

ro Respondetur , negando minorem quoad secundam eius partem . Et ad probationem eius dico , quod non quælibet immaterialitas obiecti , & abstrahibilitas illius à materia constituit illud in ratione specificatiui scientiarum , sed vt est attingibile sub tali , vel tali medio , & ita non solum idem obiectum in esse entis , sed etiam eandem habens immaterialitatem potest à diuersis scientiis formaliter attingi , dummodo per diuersum medium ab illis attingatur , & eadem diuersitas mediij refunditur in ipsum obiectum , & facit illud formaliter diuersimode immateriale , & diuersimode a materia abstrahibile : & hoc semper debet reduci ad id , quod obiectum , vt per tale medium attingitur , vt magis , vel minus a materia abstractum , est considerabile . Specia- liter tamen de Deo potest dici , quod licet

Metaphisica, & Theologia sub eadem abstractione à materia agant de Deo, nihilominus sunt diuersæ scientiæ: quia Metaphisica attingit Deum sub ratione naturali. Theologia vero sub ratione supernaturali: & differentia scientiarum per maiorem, vel minorem abstractionem a materia est inter scientias naturales; non vero inter eas quarum vna est naturalis, & altera supernaturalis: immo neque in scientiis supernaturalibus inter se: illæ enim inter se distinguuntur penes id, quod sint maiores, vel minores participationes scientiæ diuinæ, qualiter distinguuntur scientia infusa, & beata, licet vtraque sub eadem abstractione à materia attingat obiectum.

11. Obijcies tertio, quod logica Theologia, & Metaphisica sub eadem abstractione à materia videntur sua attingere obiecta; sub abstractione videlicet ab omni materia, in qua non videtur posse esse maiorem, vel minorem abstractionem. Et tamen tales scientiæ sunt formaliter diuersæ: ergo vnitas, vel diuersitas formalis scientiarum non sumitur ab obiectis sub abstractione à materia.

12. Respondetur, quod præter differentiam, quam inter Theologiam ex vna parte, & Logicam, & Metaphisicam ex alia pœnes naturalem, & supernaturalem versatur, in ipsa abstractione a materia, licet obiectum commune omnium scientiarum ab-

abstrahat ab omni materia, reperitur differentia, quam assignauimus lib. 1. quaestion. 6. numer. 3. nempe, quod cum obiectum Metaphisicæ realiter sit in materia, abstrahit positue ab illa; obiectum autem Logicæ, & Theologiæ cum realiter non sit in materia, abstrahit negatiue ab illa. Obiectum quidem Theologiæ propter sui perfectionem, quia propter suam perfectionem, & actualitatem omnis materiae, & potentialitatis est expers. Obiectum autem Logicæ propter sui imperfectionem, quia eo quod est minima entitatis, non habet materiam.

13 Ultimo tandem obijcies, quod si per diuersam abstractionem a materia diuersificarentur obiecta scientiarum naturalium cum triplex sit tantum materia, a qua obiectum scientiæ naturalis possit abstrahere: materia videlicet singularis, sensibilis, & intelligibilis; triplex tantum daretur species aethera scientiæ naturalis. Consequens autem est falsum, cum intra abstractionem a materia sensibili plures specificè distinctæ scientiæ Mathematicæ assignentur: ergo non distinguuntur species scientiarum penes diuersam abstractionem a materia. Confir. nam aliquæ scientiæ sunt, quarum obiecta non habent abstractionem à materia specialem, & ab abstractione obiectorum aliarum scientiarum distinctam, scientiæ videlicet, quæ inter Physicam, & Mathematicas vocantur media, vt Perspectiua, & Musica; siquidem

dem cum versentur Perspectiua circa lineam visualem, & Musica circa numerum sonorum, nec omnino abstrahunt à materia sensibili : sonus enim & visualitas illam concernit, nec omnino concernunt materiam sensibilem : numerus enim, & linea ab illa abstrahit : ergo scientiæ naturales non constituuntur, nec distinguuntur, penes diuersam abstractionem à materia.

14. Respondetur ad argumentum, quod licet triplex tantum sit in genere abstractio à materia penes triplicem tantum terminum à quo : ac perinde triplex sit gradus scientiarum naturalium, Physicæ videlicet, Mathematicarum, & Metaphysicæ ; intra eundem tamen gradum, immaterialitatis dantur diuersæ species scientiarum, quatenus intra illam obiectum vnius scientiæ abstrahit abstractione formali ab aliquo, à quo non abstrahit alterius scientiæ obiectum. Et hac ratione intra gradum abstractionis à materia sensibili, specificè diuersæ sunt scientiæ Mathematicæ. Et si inquiras, quare eadem ratione intra gradum abstractionis à materia singulari non constituuntur diuersæ specificè scientiæ in Physica. Præter hoc, quod ad id insinuauimus supra libr. 1. quæst. 6. numer. 6. amplius id explicabimus quæstione prima proæmiali Physicorum.

Ad confirmationem respondetur, quod sicut Perspectiua, & Musica dicuntur scientiæ mediæ inter Physicam, & Mathema-

ticas, ita etiam habens abstractionem mediam inter illarum abstractionem: siquidem (ut argumentum probat) nec omnino concernunt materiam sensibilem, nec omnino ab illa abstrahunt. Per hanc tamen abstractionem mediam distinguitur formaliter obiectum harum scientiarum ab obiecto Mathematicarum, quod omnino abstrahit a materia sensibili, & ab obiecto Physicæ, quod omnino concernens materiam sensibilem, solum abstrahit à materia singulari.

QVÆSTIO XVI.

Utrum scientia, & opinio circa idem in eodem subiecto possint esse simul.

Opinio, & fides humana intra limites fidei humanæ permanens, nec manens, nec perueniens ad certitudinem moralem conueniunt in incertitudine, & formidine alterius partis, quæ formido, & incertitudo debet esse ex parte subiecti, ita ut subiectum aliquid fide humana credens vel opinans, ita illi assentiatur, quod existimet aliter illud posse se habere: & ideo Aristoteles non posuit formidinem, sed contingentiam esse de ratione opinionis; in re tamen idem sunt, quia si quis alicui assentitur existimans, illud aliter se habere posse, assentitur utique illi cum
for.

formidine alterius partis & cum hæsitati-
one, an oppositum sit verum. Ob hanc
igitur convenientiam in formidine & in-
certitudine fidei humanæ & opinionis non
specialiter inquirimus de compatibilitate
scientiæ cum fide humana, sed solum cum
opinionem, quia hæc eodem modo ac fides
humana est compatibilis vel incompatibi-
lis cum scientia. De fide autem diuina, quæ
in certitudine nõ pugnat cum scientia, sed
solum propter obscuritatem, & quæ pe-
rinde cum scientia in statu inevidentiæ, ut
cum Theologia Viatorum circa idem obie-
ctum cõparatur, an cum scientia evidenti
sit incompatibilis, ad secundam secundæ
quæst. 1. art. 4. pertinet explicare.

2 Pro explicatione est aduer-
tendum, quod triplex potest esse com-
paratio scientiæ & opinionis circa
idem obiectum, actus videlicet scien-
tiæ cum actu opinionis, habitus cum
habitu: ac, denique actus cum habi-
tu, & de omnibus his breuiter di-
cemus, an sint compatibles simul in co-
dem subiecto.

3 Dico igitur primo. Actus scien-
tiæ & opinionis circa idem obiectum nec
de potentia Dei absoluta possunt in co-
dem subiecto simul compati. Oppositum
tenent plures recentiores. Sed conclusio-
nem tenent communiter Thomistæ, &
inter illos noster author hic quæstione
ultima, illaque deducitur ex varijs testi-
monijs D. Thomæ q. enim 14. de veritate
art.

art. 9. ad 6. ita asserit : Non videtur possibile quod aliquis de eodem habeat scientiam , & opinionem , quia opinio est cum formidine , alterius partis quam formidinem scientia excludit . Posteriorum lect. 44. inquit . Manifestum esse quod non omnino contingit simul idem scire & opinari quia simul homo haberet existimationem , quod posset aliter se habere , & quod non posset aliter se habere . Et 2.2. quaest. 1. art. 5. ad 4. ait . Quod de eodem secundum idem non potest in uno homine esse simul scientia neque cum opinione , neque cum fide , alia tamen & alia ratione : scientia enim cum opinione simul esse non potest simpliciter de eodem , quia de ratione scientia est , quod id quod scitur , existimetur esse impossibile aliter se habere , de ratione vero opinionis est , quod id quod est opinatum existimetur possibile aliter se habere .

4 Et probatur conclusio , quia actus seu assensus scientiae & opinionis circa idem obiectum opponuntur privative privatione certitudinis , quam ex parte subiecti dicit assensus opinatiuus . Sed implicat privative opposita simul compati in eodem subiecto , sicuti implicat in eodem subiecto esse simul lucem , & tenebras , seu idem subiectum esse simul lucidum & tenebrosum ; ergo implicat , in eodem subiecto circa idem obiectum reperiri simul assensum scientiae , & opinionis . Maior probatur , & explicatur , quia assensus scientiae dicit in subiecto certitudinem , & quod intellectus scientifice assentiens , cer-

ed iudicet obiectum, cui assentitur, aliter se habere non posse; assensus autem opinionis dicit in subiecto incertitudinem & formidinem, & quod intellectus opinatiue alicui assentiens nō iudicet de illo, quod aliter se habere non possit, sed potius maneat dubius, & cum formidine, an aliter possit se habere, sed hoc est assensum opinatiuū dicere seu causare in subiecto priuationem illius certitudinis, quam in eodem subiecto causat assensus scientificus: ergo tales assensus opponuntur priuatiue: ac perinde implicat esse simul in eodem subiecto. §. Confirmatur primo, quia si circa idem obiectum essent simul in eodem intellectu assensus scientiæ, & opinionis, talis intellectus simul esset de eodem obiecto certus, & incertus, simulque de illo iudicaret, quod aliter se habere non potest, & quod aliter potest se habere, in quo manifesta inuoluitur contradictio. Confirmatur secundo, quia vt communiter docent Thomistæ circa ar. 4 & 5. quæstionis primæ ex 2.2. actus fidei, & visionis circa idem obiectum implicant simul in eodem subiecto, quia alias esset simul videns, & non videns, clare & obscure idem obiectum cognoscens, sed non minus implicat, eundem intellectum esse simul certum, & incertum de eodem obiecto. (sicut enim obscuritas dicit priuationem claritatis, ita & incertitudo dicit priuationem certitudinis.)

§. Dices ad argumentum, & illius con-

Quaestio XVI. 1177

confirmationes, quod licet repugnet, eundem intellectum de aliquo obiecto per idem medium esse simul certum, & incertum, non tamen id implicat per diuersa media, & quia assensus scientiae, & opinionis per diuersa habentur media, non implicat, quod de eodem obiecto sint simul in eodem intellectu, quia ex eo solum sequeretur, intellectum per vnum medium certificari de tali obiecto, & non per aliud.

6 Contra hoc tamen est, quod etiam per diuersa media non potest intellectus esse simul certus, & incertus de aliquo obiecto, sicut neque per diuersa media potest illud clare, & obscure videre. Nam si ego v. g. per medium scientificum certitudinem habeo, quod homo est risibilis, accedente ad probationem eiusdem veritatis medio probabili, cum illud non destruat medium scientificum, non facit me tali veritati cum formidine assentiri, aut iudicare, quod tale obiectum aliter se habere potest, sicuti me euidenter sciente aliquid, aut illud clare experimentaliter cognoscente, si accedat aliquis dicens id ita esse, cum talis autoritas dicentis non destruat medium, quo id agnosco scientifice, aut notitiam experimentalem, quam illius habeo, non facit me id clare non cognoscere; ergo neque per idem nec per diuersum medium potest aliquis simul esse de aliquo obiecto certus, & incertus, sicut nec illud clare, & obscure cognoscere.

7 Dico secundo. *Habitus scientiæ, & opinionis non possunt naturaliter in eodem subiecto compati; bene tamen de potentia Dei absoluta: Prima pars probatur, quia cum habitus scientiæ, & opinionis inclinent in assensus priuatiue oppositos, licet ipsi habitus nō dicant actua- lem oppositionem priuatiuam, quia habi- tus opinionis non dicit actua-lem priua- tionem certitudinis; quatenus tamen tales habitus inclinant in actus sic oppositos, opponuntur quasi contrarie: ac perinde naturaliter in eodem subiecto sunt incom- patibiles. Probatur consequentia, quia licet contrariè opposita possint in esse im- perfecto, & in gradibus remissis simul na- turaliter in eodem subiecto compati, non tamen cum alterum illorum est in esse perfecto, qualiter est quilibet habitus sci- entia.*

8 *Secunda autem pars conclusionis licet ab aliquibus ex his qui præcedentem tenent conclusionem, negetur, mihi vide- tur multo probabilior, quia cum habitus scientiæ, & opinionis vterque sit positi- uus, nec vnus dicat actua-lem priuationem alterius, non est, cur supernaturaliter, & de potentia Dei absoluta vnus simul cum altero in eodem subiecto conseruari non possit, maxime cum contraria etiam in- in esse perfecto, & intenso simul possint supernaturaliter compati.*

9 Dico tertio. *Habitus scientiæ na- turaliter est compatibilis cum actu opi-*

nionis : habitus autem opinionis non potest naturaliter compati cum actu scientiae : bene tamen de potentia Dei absoluta . Prima pars conclusionis probatur , quia inter habitum , & actum per se non est oppositio , sed solum ratione habitus quem generat actus : ergo cum non vnico actu opinionis generetur habitus opinatiuus , potest habitus scientiae naturaliter compati cum aliquo actu opinatiuo . Secunda autem pars conclusionis probatur , quia cum quilibet actus scientiae habitum generet scientiae , actus scientificus licet non per se ipsum , tamen per habitum quem generat incompatibilis naturaliter est cum habitu opinatiuo . Tertia denique pars conclusionis deducitur ex conclusione praecedenti ; quia cum actus scientiae solum ratione habitus scientifici , quem generat , sit incompatibilis cum habitu opinatiuo , cum ipsi tales habitus de potentia Dei absoluta possint simul compati , a fortiori actus scientiae & habitus opinatiuus .

10 Aduersus primam tamen conclusionem obijcies primo testimonia D. Thomae , in quibus oppositum illius expraesse videtur asserere . Nam 3. part. quaest. 9. artic. 3. ad 2. ita ait , *& similiter opinio ex syllogismo dialectico causata est via ad scientiam , qua per demonstrationem acquiritur , qua tamen acquisita , potest remanere cognitio qua est per syllogismum dialecticum quasi consequens scientiam demonstratiuam ,*

tiuam, quæ est per causam. Hæc D. Thomas, in quibus clare docet cognitionem opinatiuam, quæ habetur per syllogismum dialecticum, non excludi per cognitionem scientificam eiusdem obiecti. Et clarius id docet in 3. dist. 31. quæst. 2. art. 1. quæstiuncula 2. ad 4. per hæc verba: *Ad quartum dicendum, quod opinio & scientia quamuis sint de eodem, non tamen secundum idem medium, sed secundum diuersa, & ideo possunt esse simul.* Et constituit ibi sanctus Doctor differentiam inter scientiam & opinionem ex vna parte, & scientiam & fidem ex alia, quod hæc, quia non sunt per diuersum medium non possunt esse simul in eodem circa idem obiectum, bene tamen scientia & opinio, quia sunt per diuersum medium.

¶ Respondetur, quod in neutro prædicto testimonio intendit D. Thomas cognitionem vere opinatiuam cum cognitione scientifica circa idem obiectum posse simul in eodem obiecto compati: alias sanctus Doctor esset sibi contrarius, cum oppositum expresse asserat in testimonijs pro prima conclusione adductis, sed quod in istis intendit, est, quod cum per syllogismum dialecticum per diuersum medium probetur de aliquo obiecto, quod de illo aliquando per demonstrationem per aliud medium ostenditur; tunc cum cognitione scientifica per demonstrationem habitata, manet, non quidem ipsa cognitio opinatiua, siquidem manere non potest cum
for-

formidine talis veritatis, & absque formi-
dine non est essentialiter cognitio opina-
tina, sed manet ex syllogismo dialectico
ipsa cognitio scientifica cum maiori exten-
sione subiecti, quam si ad illam sola de-
monstratio concurreret, quia cognoscit
saltem in actu signato quod tale obiectum,
quod per demonstrationem attingitur, non
solum habet necessariam connexionem
cum causa per quam demonstratur, sed
probabilem connexionem cum causa per
quam per syllogismum dialecticum pro-
batur. Et hoc est cum cognitione scien-
tifica de aliquo obiecto manere simul co-
gnitionem saltem in actu signato quod ta-
le obiectum habet connexionem probabi-
lem cum alijs causis, quæ cognitio relin-
quitur ex syllogismo dialectico. Desumi-
tur hæc doctrina ex D. Thoma 1.2. qu. 67.
art. 3. in corpore. Hoc igitur intendit D.
Thomas in utroque prædicto testimonio,
& in hoc constituit differentiam inter
scientiam & opinionem ex vna parte cum
scientia & fide ex alia, quia cum per fidem
seu testimonium dicentis solum assevere-
tur obiectum, nullaque illius veritatis as-
signetur causa, non solum cum cognitio-
ne scientifica evidenti incompatibilis est
cognitio obscura fidei, sed nec ex testimo-
nio dicentis aliquid relinquatur, per quod
cognitio scientifica vel extensius augea-
tur, quia ex eo non habetur aliqua nova
connexio obiecti cum aliqua sui causa. Et
hoc est quod voluit dicere Div. Thomas,
quod

quod cognitio fidei & scientiæ non est per diuersum medium aliquam afferens connexionem obiecti cum aliqua sui causa, ad differentiam syllogismi dialectici, qui affert diuersum medium a demonstratione, eo quod nouam aliquam vel probabilem affert connexionem obiecti cum aliqua sui causa.

12 Obijcies secundo. Quod, vt in principio quæstionis diximus, eodem modo cum assensu scientifico est incompatibilis opinio, ac fides humana potest peruenire ad tantam certitudinem & claritatem, vt cum illa non sit incompatibilis assensus scientificus. Ergo similiter & opinio. Minor probatur. Nam omnibus vniformiter & absque contradictione alicuius testantibus, se vidisse Solis eclypsim, id fide humana credo. Et tamen ita omnino certe & absque formidine, quod si postea id per demonstrationem Astrologicam scientificè cognoscam, non sit per quid talis assensus scientificus cum prædicto assensu fidei humanæ repugnet, siquidem vterque est certus & euident, licet vnus sit per causam, alter per testimonium dicentis. §. Nec valet dicere cum aliquibus quod assensus scientiæ attingit obiectum in se, per assensum autem talem fidei humanæ non videtur obiectum in se. §. Non, inquam, id valet, quia etiam per scientiam à priori alicuius obiecti videtur obiectum in se, & per scientiam à posteriori non videtur obiectum in se, sed

sed solum quoad an est. Et tamen vterque assensus per tales diuersas scientias est simul compatibilis. Ergo etiam assensus scientificus eclipfis per propriam causam & assensus illius per fidem humanam, cum est certus & euidentis, sunt compatibiles.

14 Respondetur hoc argumento meo videri conuinci, tales assensus esse simul compatibiles tamen re vera in eo casu assensus propter authoritatem omnium id ab experientia afferentium, non est fidei humanæ, sed scientiæ moraliter euidentis, quia virtualiter habetur medio hoc discursu, id quod omnes vniuniformiter & absque contradictione aliquorum se vidisse testantur, ita re vera est; sed omnes vniuniformiter & absque contradictione aliquorum se vidisse testantur Solis eclipsem, ille igitur vere fuit. Cuius discursus cum maior euidenter moraliter cognoscatur, & minor experientia; auditus ex talibus præmissis deducitur assensus conclusionis, quoad an est, certus & euidentis certitudine euidentiae moralis, ac perinde scientificus, nec incompatibilis cum assensu eiusdem conclusionis scientifico à priori, cum autem nos diximus eodem modo esse incompatibilem cum assensu scientifico assensum opinionis & fidei humanæ, loquimur de assensu fidei humanæ intra limites fidei humanæistente & non perueniente per aliquem vel virtualem discursum moraliter euidentem ad certitudinem & euidentiam moralem.

15 Obijcies tertio, quia eandem oppositionem, quam habent actus scientiæ & opinionis, habent & habitus. Ergo vel isti etiam de potentia Dei absoluta non possunt simul compati in eodem subiecto, vel saltem de potentia Dei absoluta possunt etiam compati & actus. Antecedens probatur. Quia sicut actus scientiæ est certus & actus opinionis incertus, ita etiam & habitus scientiæ est certus & habitus opinionis incertus. Ergo si ratione certitudinis & incertitudinis opponuntur actus scientiæ & opinionis, eandem oppositionem habent & habitus.

16 Respondetur negando antecedens, quia actus scientiæ actualiter & in exercitio communicat subiecto suam certitudinem, & actus opinionis suam incertitudinem. Et implicat (vt explicuimus) quod idem intellectus sit simul actualiter & in exercitio certus & incertus. Habitus autem scientiæ & opinionis habent suam certitudinem aut incertitudinem

solum in actu primo &

actualiter non explicatam

in actum: ac perinde

non communi-

cant illam

in

exercitio subiecto, in

quo talis residet

habitus.

F I N I S.

I N.

I N D E X

R E R V M,

Quæ in hoc tomo continentur.

L. librum. Q. quæstionem. N. numerum in eadem quæstione designat.

A

Abstractio altera est à materia singulari, altera à materia sensibili, altera à materia intelligibili, l. 8. q. 15. n. 3.

Abstractio à materia est ratio formalis sub qua obiecti scientiarum. ibidem, n. 6.

Non abstractio actualis passiva obiecti, sed eius abstrahibilitas à materia est ratio formalis obiecti scientiarum, ibid. n. 10.

Logica, Metaphisica, & Theologia, abstrahunt ab omni materia, diuersimode tamen, l. 1. q. 6. n. 5.

C c c 2

Di.

**Diuerſa abſtractio à materia in Mathe-
maticis eſt formalis : non vero in Lo-
gica, ibíd. n.6.**

***Accidens* aliud prædicabile , aliud prædi-
mentale, l.4.q.18.n.1.**

**Accidentis prædicabilis definitio , ibíd.
nu.3.**

**Accidens prædicabile qualiter debeat
eſſe à ſubiecto ſeparabile , ibidem
nu.3.**

**Accidentia ſolo número differentia non
poſſunt eſſe ſimul in eodem ſubiecto,
l.1.q.7.n.6.**

**Accidentia numero ſimul & ſpecificè
differentia poſſunt eſſe ſimul in diuer-
ſa vîrtualiter potentialitate eiufdem
ſubiecti, ibid.n.8.**

***Actio* non omnis nec ſemper debet ali-
quid de nouo producere, l.1 quæſt.7.
nu.11.**

**Actio diſtinguitur realiter formaliter nõ
vero realiter entitatiue à motu & paſ-
ſione, l.7.q.31.n.5.**

***Analogia* & analoga quid ſint , lib.6.
q.6.**

**Analogum aliud inæqualitatis , aliud at-
tributionis , aliud proportionalitatis ,
l.6.q.7.**

**Quid & quotuplex ſit analogum attri-
butionis, l.6.q.6.n.6.& 7.**

Pro-

Proprietates analogorum attributionis ;
ibid.n.9.

Quid & quotuplex sit analogum proportionalitatis, ibid.n.10.

Proprietates analogorum proportionalitatis, ibid.n.12.

Analogorum attributionis definitio explicatur, l.6.q.8.

Ratio analogica attributionis intrinsece solum est in principali analogato : in alijs vero per extrinsecam denominationem, l.6.q.9.

Ratio analogica attributionis solum multiplicatur ad multiplicationem principalis analogati, l.6.q.10.

In definitione analogorum minus principalium attributionis, si exacte definiatur, debet ingredi analogatum magis principale, l.6.q.11.

Definitio & proprietates analogorum proportionalitatis explicantur, lib.6.q.12.

Ab analogatis attributionis ; & proportionalitatis Metaphoricæ non est abstrahibilis vnus conceptus, l.6.q.13.n.2.

Ab analogatis proportionalitatis propriæ abstrahibilis est aliqua ratio proportionabiliter communis, ibidem nu.4.

Ccc ;

De-

Dependentia alicuius ab aliqua causa, si non adæquet virtutum causæ, est sufficiens ratio analogiæ, l. 6. q. 14. nu. 1.

Inæqualitas in ratione communi causat analogiam, ibid. n. 2.

Transcendentia sufficit causare analogiam, ibid. n. 4.

Antepredicamenta quid sint, & quare ad prædicamenta præmittantur, l. 7. q. 1. nu. 3.

Tridia sunt in genere antepredicamenta & septem in specie, ibid.

Appetitus alius innatus, alius elicitus, l. 1. q. 1. n. 4.

Appetitus innato & elicitato naturali homines appetunt logicam, ibidem nu. 5.

Non semper & omnes consequuntur terminum sui naturalis appetitus, ibidem.

Simpliciter magis appetunt homines alias scientias quam logicam: secundum quid magis logicam quam alias scientias, l. 1. q. 1. n. 7.

Assensus præmissarum concurrit efficienter ad conclusionis assensum, lib. 8. q. 3. nu. 3.

Assensus præmissarum demonstrationis necessitat intellectum quoad specifi-

cationem & exercitium ad conclusionis assensum, l. 8. q. 4.

Assensus maioris præmissæ in demonstratione licet possit esse prius tempore conclusionis assensu; non tamen assensus minoris, l. 8. q. 4. n. 5.

C

Cristus directe ponitur in prædicamento substantiæ, lib. 7. q. 4. nu. 11.

Compositio ex genere & differentia constat extremis sola ratione distinctis, l. 4. q. 5. n. 2.

Compositio ex genere & differentia non est realis, nec actualis à parte rei, sed compositio rationis per intellectū facta, ibid. n. 4. est tamen vera compositio, ibid. n. 5.

Compositio ex genere & differentia supponit compositionem realem esse & existentiae, ibid. n. 10.

Plures compositiones metaphisicæ sunt in composito magis perfecto quam in minus perfecto, ibid. n. 16.

D

D*emonstratio* dupliciter definitur;
l.8. q.7.

Demonstratio quia & propter quid, l.8.
q.9. n.1.

Omnis demonstratio propter quid est *a*
priori, non tamen *e* conuerso: & om-
nis demonstratio quia, non tamen *e*
conuerso, ibid. n.2.

Demonstratio adæquate diuiditur in de-
monstrationem quia, & propter quid,
ibid. n.3.

Demonstratio non solum propter quid,
sed & demonstratio quia generat sim-
pliciter scientiam, l.8. q.10. n.1.

Demonstratio vniuoce dicitur de de-
monstratione quia, & propter quid,
ibid. n.5.

Licet demonstratio quia & propter quid
differant specie, non causant assensum
diuersæ speciei, ibid. n.8.

Demonstratio omnino circularis est vi-
tiosa, non vero quæ est aliququaliter di-
formis, l.8. q.11. n.4.

Denominationes aliquæ dantur reales ex-
trinsecæ, l.2. q.2. n.1.

Denominationes extrinsecæ an sint for-
males, an solum fundamentales pro-
blematicæ defenditur, ibid. n.4.

De-

Denominatiua quid sint , explicatur , l. 6.

q. 3. n. 1.

Denominatiua alia secundum rationem tantum, alia secundum nomen tantū, alia secundum rationem & nomen, ibid. n. 5.

Deus non habet compositionem ex genere & differentia , lib. 7. q. 4. nu. 5. & 16.

Deus non potest concipi vt species , bene tamen vt aliququaliter communis, l. 4. q. 10. n. 3.

Deus non ponitur directe in prædicamento substantiæ , lib. 7. q. 4. nu. 4. Nec indirecte ponitur in illo , ibidem nu. 10.

Differentia multiplex diuisio , l. 4. q. 12. nu. 1.

Differentia analogice diuiditur in communem propriam & propriissimam siue primæ intentionaliter , siue secundæ intentionaliter accepta , lib. 4. q. 13.

Differentiæ plures assignantur definitiones, l. 4. q. 14.

Qualiter differentiæ contineantur in genere, explicatur , lib. 4. quæst. 14. nu. 3.

Differentia quoadmodum non prædicatur inquit, l. 4. q. 7. n. 3.

Ccc

5

Dif-

Differentiæ definitio per prædicari de pluribus differentibus specie non potest intelligi per non repugnantiam, l.4.q.15.n.7. Sed intelligitur de pluribus differentibus specie ab alijs, ibid. nu.13.

Differentia non constituitur in ratione tertij prædicabilis in ordine ad propria indiuidua, vt rationale, l.4.q.17.nu.2.

Differentia non constituitur in ratione vniuersalis per ordinem ad speciem, sed per ordinem ad indiuidua, ibid. nu.4.

Distinctio altera realis, altera rationis, l.1.q.4.n.4.

Distinctionis realis & rationis subdiuisio, ibidem.

Diuisiones antepædicamentales explicantur, l.6.q.4.

Doctrina omnis & disciplina intellectuales discursiua ex præexistenti sit cognitione, l.8.q.8.n.3.

Doctrina seu cognitio Angelica & Diuina, non fit ex præexistente cognitione, ibid.n.4.

E

Ens non est pure æquiuocum ad ens reale & rationis, l. 6. quæst. 15. nu. 1.

Ens non est pure æquiuocum ad Deum & creaturas, substantiam & accidens, ibidem.

Ens non est vniuocum, sed analogum ad Deum & creaturas, substantiam & accidens, l. 5. q. 16.

Ad eadem ens analogum analogia simul attributionis & proportionalitatis, l. 6. q. 17.

Ens dicit vnum conceptum communem suis inferioribus, non tamen omnino præcisum & abstractum ab illis, lib. 6. q. 18.

Ens respectu nullius potest esse genus, l. 6. q. 18. n. 8.

Ens adæquate diuiditur in decem prædicamenta, l. 6. q. 19.

Ens rationis licet non sit primum cognoscibile, est primum scibile, lib. 1. q. 3. nu. 5.

Ens rationis licet non sit simpliciter ens, est simpliciter scibile, l. 1. q. 5. n. 8.

Ens rationis est, quod solum habet esse obiectiue in intellectu, lib. 2. q. 1. nu. 1.

Necesse est , concedere aliqua entia rationis, ibid.n.3.

Ens rationis suo modo habet causam finalem, efficientem , formalem & materialem, ibid. n.8.

Ens rationis non consistit formaliter in denominatione extrinseca , lib.2. q.1. nu.6.

Ens rationis prius intelligitur possibile quam existens : & prius cognoscibile quam quod actu cognoscatur, l. 2. q. 1. nu.7.

Ens rationis non potest existere per existentiam realem sui fundamenti , l. 2. q.3.n.5.

Ens rationis non existit nisi per actua- lem cognitionem intellectus, ibidem nu.10.

Ens rationis- solum fundamentaliter existens sufficit , aliquid absolute & simpliciter denominare, ibidem num.12.

Ens rationis solum ad actionem intellectus potest resultare, l.2.q.4.

Ens rationis vt factum vel factibile ab intellectu humano cognoscitur à Deo l.2.q.5.n.2.

Nullum Deus conficit ens rationis , ibid. nu.5.

Angelus omnia cognoscit entia rationis & alia

aliqua tamen potest facere, alia vero non, *ibid.* n. 10.

Ens rationis in tota sua latitudine diuiditur in illud, quod habet fundamentum in re, & in illud, quod in re, fundamentum non habet, *lib.* 2. q. 6. nu. 2.

Ens rationis habens fundamentum in re immediate diuiditur in relationem & negationem, *ibid.* n. 3.

Adæquate etiam diuiditur in relationem, priuationem & negationem, *ibidem* num. 4.

G

Generis definitum non est subtractum secundum se sumptum, *l.* 4. q. 3. num. 3. Nec aggregatum ex natura & secunda intentione, *ibidem* nu. 4.

Definitum quo formale generis est secunda intentio: non tamen est definitum quod, *ibid.* n. 6. & 7.

Definitum quod est subtractum formaliter ut substat secundæ intentioni generis, *ibid.* n. 11.

Generis definitio explicatur, *lib.* 4. q. 4.

Genus non formaliter ut genus, sed ut

species prædicatur de indiuiduis genericis, l. 4 q. 6. n. 3.

Genus vnica relatione refertur ad species immediate & mediate ad indiuidua specifica, ibid. num. 8.

H

Habitus licet non detur ad simpliciter cognoscendum bene tamen ad cognoscendum scientificè, l. 1. q. 2. n. 6.

Habitus omnes speculatiui conueniunt in aliquo communi modo procedendi, non vero omnes habitus practici, l. 1. q. 2. n. 7.

Habitus ex distinctione materiali suorum actuum nullam distinctionem accipiunt, l. 1. q. 4. n. 10.

Habitus non specificantur per actus secundarios, l. 1. q. 4. n. 15.

Habitus scientificus potest ad actus probabiles secundario extendi, l. 1. q. 5. n. 5. & q. 6. n. 4.

Quid sit habitus practicus & speculatiuus, l. 1. q. 8. n. 1.

In.

Individui duplex definitio explicatur,
l. 4 q. 1.

Individuum qualiter de vno tantum prædicetur, ibid. n. 5.

Intentio tam prima quam secunda, altera formalis altera obiectiua, l. 2. quæst. 7. nu. 2.

Prima & secunda intentio obiectiua pro materiali abstrahit ab ente reali & rationis, ibid. n. 4.

Primæ intentiones obiectiuae formaliter aliquæ sunt reales, aliæ aliquid rationis, ibid. n. 5.

Omnis secunda intentio obiectiua formaliter est aliquid rationis, ibidem, num. 6.

Prima & secunda intentio rationis dicit respectum transcendentalem ad intellectum, & prædicamentalem quælibet ad suum specialem terminum, ibid. n. 7. & 8.

Primæ intentiones rationis habent fundamentum proximum & remotum à parte rei, l. 2. q. 8. n. 4.

Secundæ intentiones habent fundamentum remotum à parte rei : proximum autem fundantur in primis intentionibus rationis, ibid. n. 8.

L

Logica altera naturalis, artificialis altera, l. 1. q. 1. n. 1. & q. 2. n. 1.

Logica artificialis est hominibus necessaria, vt terminus naturalis eorum inclinationis, l. 1. q. 2. n. 2.

Inclinatio ad logicam est propria passio hominis, ibid. n. 3.

Logica naturalis est simpliciter necessaria ad omnes scientias, l. 1. quæst. 2. num. 1.

Logica etiam artificialis est simpliciter necessaria ad omnes scientias, ibidem num. 5.

Sine logica artificiali non potest haberi aliquis actus quoad substantiam scientificus, ibid. n. 9.

Logica virtualiter habita ad se ipsam formaliter acquirendam est simpliciter necessaria, ibid. n. 10.

Logica non solum vt vtens, sed etiam vt docens est necessaria ad alias scientias, ibid. n. 12.

Logica prius omnibus alijs scientijs est acquirenda, l. 1. q. 3. n. 1.

Logica diuiditur in docentem & vten-tem, l. 1. q. 4. n. 1.

Logica etiam quoad partem demonstratiuam diuiditur in docentem

&

& vtentem, ibidem num. 2.

Logica docens & vtens non distinguuntur realiter entitatiue, ibid. num. 5.

Nec distinguuntur realiter formaliter, ibid. n. 6. Distinguuntur tamen ratione ratiocinata, ibid. n. 7.

Quoties augetur logica vt docens, augetur & vt vtens, & è contra, ibid. num. 11.

Logica vt docens est simpliciter scientia, non vero vt vtens, l. 1. q. 5. n. 2. & 3.

Logica est simpliciter ars, ibid. n. 9.

Logica est vna scientia specie, l. 1. q. 6. num. 3.

Logica est simplex qualitas, l. 1. q. 7.

Logica non est habitus simul practicus & speculatiuus, l. 1. q. 8. n. 4.

Logica tam vt docens quam vt vtens est habitus speculatiuus, ibid. n. 5.

Logica simpliciter est nobilior omni habitu practico, ibid. n. 7.

M

Metaphisica explicans principia omnium scientiarum, requiritur ad conseruationem illarum; non tamen ad illarum acquisitionem, lib. 1. q. 3. n. 4.

Metaphisicæ non subalternatur proprie aliæ scientiæ, l. 8. q. 13. n. 3.

Ccc

9

Mo-

Modi per se assignantur quatuor, lib. 8.

q. 6. n. 6.

Ex illis duo priores sunt modi per se prædicandi, tertius modus per se essendi, & quartus modus per se causandi, ibidem.

N

Natura consideratur secundum se, in singularibus, & in intellectu, l. 3. q. 6. n. 3. Et quid naturæ secundum se competat, ibid.

Natura Angelica est species subijcibilis, l. 4. q. 10. n. 2. Etiam est species prædicabilis, ibid. n. 5.

Necessarium multipliciter accipitur, lib. 1. q. 1. n. 1.

Necessarium ad finem, alterum simpliciter alterum secundum, l. 1. q. 2. n. 2.

Necessarium alterum quoad specificationem, alterum quoad exercitiū, l. 8. q. 4. n. 2.

Numerus quantitativus est aliquid reale, l. 7. q. 14. n. 1. Est ens per se, ibid. n. 4. Est specialis quantitatis discretæ species, ibid. n. 8.

Unitas, quæ est principium numeri quantitativi non addit aliquid reale supra quantitatem continuam, lib. 7. q. 13. num. 2.

Nu-

Numerus non distinguitur realiter entitatie ab unitatibus, ex quibus componitur, l. 7. q. 14. n. 11.

Ultima unitas dat formam numero, ibid. num. 14.



O *Biectum* scientiæ alterum attributionis, alterum principalitatis, l. 1. q. 9. n. 2.

Conditiones obiecti attributionis cuiuslibet scientiæ, ibid. n. 3.

Obiectum logicæ diuersam formaliter abstractionem habet à materia, atque obiectum Theologiæ & Metaphisicæ, l. 2. q. 6. n. 6.

Obiectum logicæ non potest esse aliquid reale, l. 1. q. 9. n. 6. Est aliquid rationis, ibid. n. 8. Non est ens rationis in tota sua latitudine, sed secunda intentio rationis in concreto, ibid. n. 12.

Obiectum principalitatis logicæ inter obiecta materialia est argumentatio, ibid. n. 13.

Oratio non est specialis species quantitatis à numero condistincta, lib. 7. q. 15. num. 5.

Oratio distinctam habet rationem mensuræ à mensura numeri, ibid.

Post-

P

Postprædicamenta quinque enumerantur, l. 7. q. 33.

Quid & quotuplex sit oppositio, ibidem nu. 1. Maxima omnium est contradictoria, deinde priuatiua, postea contraria, & minor omnium relatiua, ibid. n. 2.

Oppositio analoga est ad quatuor prædictas oppositiones, ibid. n. 3.

Aliqua circa prædictas oppositiones, ibid. n. 4.

Postprædicamentum prioris & posterioris, l. 6. q. 34. n. 1.

Postprædicamentum simul, ibid. n. 2.

Postprædicamentum motus: illius species & proprietates, ibid. n. 3.

Postprædicamentum habitus, ibidem, num. 5.

Praxis non semper est actus rectæ rationi conformis, l. 1. q. 8. n. 2.

Praxis quid sit, explicatur, ibid.

Præcognita requiruntur tria ad assensum scientificum, l. 8. q. 2.

Quæ præcognitiones de præcognitis ad assensum scientificum requirantur, ibid, n. 5.

Prædicamentum quid sit, l. 6. q. 1. n. 1.

Sex vltima prædicamenta non sunt re-
la,

lationes secundum esse, sed solum
secundum dici, l. 7. q. 30. num. 3. Sunt
formę intrinsecę licet ab extrinseco
desumptę, ibid. n. 7.

Prædicamenta actionis & passionis, &
eorū species & proprietates, l. 7. q. 31.

Prædicamentum quando, & illius spe-
cies & proprietates, l. 7. q. 32. n. 1.

Prædicamentum ubi, & illius species &
proprietates, ibid. n. 4.

Prædicamentum situs, & illius species
& proprietates, ibid. n. 6.

Prædicamentum habitus, & illius spe-
cies & proprietates, ibid. n. 8.

Prædicatio alia identica, alia disparata, alia
alia nec identica, nec disparata, lib. 5.
q. 1. n. 1. Altera directā, altera indire-
ctā, ibid.

Medijs terminis primę intentionis con-
creta significantia formas eidem con-
uenientes adinuicem possunt prædica-
ri, ibid. n. 5.

Abstractum de concreto & concretum
de abstracto si significant formas par-
ticulares creatas, non prædicantur, l. 5.
q. 2. n. 3. Bene tamen si significant for-
mas transcendentes, ibid. n. 6. Si au-
tem significant formas diuinas, prædi-
cantur in sensu identico, non vero in
formali, ibid. n. 8.

For-

Formę substantialis vel accidentales realiter distinctę, non prædicantur adinuicem in abstracto, l. 5. q. 3. n. 3.

Forma substantialis vel accidentalis generica de specifica formaliter in abstracto prædicatur, ibid. n. 7.

Forma differentialis in abstracto de specifica etiam in abstracto formaliter prædicatur, ibid. n. 11.

Forma generica abstracto formaliter prædicatur de forma differentiali, ibidem n. 12.

Nomina concreta secundę intentionis significantia formas eidem cõuenientes adinuicem prædicantur, lib. 5. q. 4. num. 2.

Medijs nominibus secundę intentionis abstracta de abstractis non prædicantur nisi forma generica de specifica & differentiali, & differentialis de specifica, ibid. n. 3.

Concretum secundę intentionis potest prædicari de forma in abstracto ab intentione prædicari denominabilis, l. 5. q. 5. n. 1.

Secunda intentio in abstracto non potest prædicari de altera secunda intentione in concreto; de specie tamen potest prædicari specieitas, ibid. n. 3.

Secunda intentio in abstracto de prima in-

intentione in abstracto non prædicatur. l. 5. q. 6. n. 1. Nec secunda intentio in abstracto de prima intentione in concreto, ibid. n. 2.

Secunda intentio in concreto prædicatur de prima intentione ab intentione prædicati denominabili, ibid. n. 3.

Termini secundæ intentionis significantes formas vniuersales non prædicantur de primis intentionibus singularibus aut minus vniuersalibus, ibid. n. 5.

Termini secundæ intentionis significantes formas singulares non prædicantur de primis intentionibus vniuersalibus, ibid.

Præmissa sunt certiores conclusionem, lib. 8. q. 8. n. 3. propter illud axioma, *propter quod vnum quodque tale est illud magis*, ibidem n. 5.

Propositio immediata quid sit, lib. 8. q. 5. num. 2.

Propositio per se nota quid sit, ibid. n. 5.

Propositio altera per se nota secundum se, altera quoad nos, ibid. n. 8.

Propositio de omni quid sit, l. 8. q. 6. n. 2.

Propositio prædicati vniuersalis quid sit, ibid. n. 12.

Propositio, in qua prima passio prædicatur de subiecto, est per se nota secundum se, non vero quoad nos, l. 8. q. 5. n. 9.

Pro -

Proprium quatuor modis accipitur, & proprii quarto modo definitio, lib. 4. q. 16.

Proprium non constituitur in ratione quarti prædicabilis in ordine ad propria indiuidua, vt risibile in ordine ad hoc & illud risibile, l. 4. q. 17. n. 1.

Proprium nõ constituitur in ratione vniuersalis per ordinem ad speciem, sed per ordinem ad indiuidua, ibid. n. 4.

Q

Qualitas quid sit, l. 7. q. 26.

Qualitatis diuisio in quatuor species, l. 7. q. 27.

Qualitatis quatuor species, & differentiarum illarum inter se, l. 7. q. 28.

Omni licet non soli qualitati conuenit habere contrarium, & suscipere magis & minus, l. 7. q. 29. n. 1.

Proprium quarto modo qualitatis est aliquid secundum illam dici simile vel dissimile, ibid.

Quantitatis definitio, l. 7. q. 7. n. 5.

Quantitatis ratio formalis non consistit in proxima diuisibilitate, ibid. num. 8.

Nec in ratione mensuræ, ibid. nu. 10.

Nec in extensione in ordine ad locum, ibid. n. 13. Nec impenetrabilitate,

ibid.

ibid. n. 14. Sed in extensione partium
substantiæ & ipsius quantitatis in or-
dine ad se, ibid. n. 15. & q. 8. n. 10.

Quantitas realiter formaliter, & realiter
entitative distinguitur à re quanta, l. 7.
q. 9. n. 1. & 2.

Partes quantitatis nō identificantur rea-
liter cum suis continuatiuis aut termi-
natiuis, ibid. n. 8.

Quantitas vt genus in species subalter-
nas diuiditur in quātitatem continuā
& discretam, l. 7. q. 10. n. 1.

Linea superficies & corpus sunt veræ
species quantitatis continuæ inter se
essentialiter distinctæ, ibid. n. 2.

Locus non est species quantitatis conti-
nuæ essentialiter à superficie distincta:
diuersam tamen habet rationem men-
suræ ac superficies, l. 7. q. 11. n. 2. & 3.

Motus & tempus non constituunt spe-
cialem speciem, quantitatis, l. 7. q. 12.
n. 1. & 2.

Proprium est quantitatis non habere
cōtrarium, nec suscipere magis & mi-
nus, l. 7. q. 16. n. 4. & 7.

Proprium quarto modo quantitatis est
aliqua secundum illam dici æqualia
vel inæqualia, ibid. n. 9.

R

R *Egula* antepredicamentales explicantur, l. 6. q. 5.

Relatio secundum esse & relatio secundum dici non differunt, quod illa sit realis, hæc vero non, l. 7. q. 17. n. 5. Vera differentia inter illas explicatur, ibidem num. 6.

Relatio secundum dici, ac transcendentalis idem est, ibid n. 10.

Aliquæ sunt relationes reales creatæ, l. 7. q. 18. n. 3. Illæ non solum quod dicuntur, sed etiam secundum conceptum proprium relationis sunt aliquid reale, licet illud non explicant, ibidem num. 7.

Relatio realis predicamentalis exigit subiectum reale realiter existens, fundamentum reale, quod sit reale extrema realia realiter distincta, & realiter existentia, & ratio fundandi in illis multiplicetur, l. 7. q. 19. n. 3.

Relatio essentialiter diuiditur ratione fundamenti, l. 7. q. 20. n. 17.

Tria sunt in genere relationis fundamenta, scilicet unitas & numerus: actio & passio, mensura & mensurabile, ibid. n. 2.

Relatio realis predicamentalis non potest

test fundari supra aliam relationem
realem prædicamentalem, l. 7. q. 21.
nu. 3. Relatio tamen rationis supra
aliam relationem rationis potest fun-
dari, ibid. n. 6. & l. 2. q. 8. n. 11.

Relatio accidentaliter diuiditur in mu-
tuam, l. 7. q. 20. n. 17. Et mutua in rela-
tionem æquiparantiæ, & disquiparā-
tiæ, ibid.

Relatio realis prædicamentalis realiter
formaliter & etiam entitatiue distin-
guitur à suo fundamento, lib. 7. q. 22.
n. 4. & 5. Et existentia relationis rea-
liter entitatiue distinguitur ab existen-
tia sui fundamenti, ibid. n. 12.

Omnis relatio prædicamentalis termi-
natur formaliter ad aliquid relatiuū,
l. 7. q. 23. n. 2.

Relatiuum debet definiri per suum for-
maliter correlatiuum, n. 12.

Relatiua omnia etiam non mutua sunt
simul natura, ibid. n. 24.

Non dantur duo genera suprema in
prædicamento relationis, ibid. n. 26.

Vnitas formalis relationis formaliter ab
vnitate sui termini, causaliter vero ab
vnitate sui fundamenti desumitur, l. 7.
q. 24. n. 1.

Relatio à subiecto accipit suam vnitatem
vel diuersitatem numericam, ibid. n. 9.

Ha-

Habere contrarium, aut suscipere magis aut minus, non couenit relationi secundum se, sed ratione sui fundamenti, l. 7. q. 25. n. 1. & 2.

Dici ad conuertentiam est relatiuorum tam secundum esse, quam secundum dici, ibid. n. 5.

Proprium quarto modo relatiuorum secundum esse est, quod sint simul natura & cognitione, ibid. n. 6.

***Respectus ideales* ab æterno in intellectu Diuino existentes solum sunt fundamentaliter respectus rationi, l. 2. q. 5. num. 10.**

S

***Scientia* formaliter non consistit in collectione specierum, sed in habitu ad actum scientificum inclinante, l. 1.**

q. 7. n. 1.

Scientiæ actualis definitio, lib. 8. q. 12. num. 1.

Scientiæ habitualis definitio, ibid. n. 4.

Scientiæ distinctio ab alijs habitibus intellectualibus, ibid. n. 7.

Quid ad scientiam quoad substantiam & speciem scientiæ requiratur, l. 1. q. 2. nu. 4.

Ali-

Aliqua scientia potest esse simpliciter
ars, l. 1. q. 5. n. 9.

Scientiæ actus cum actu fidei humanæ,
aut opinionis circa idem obiectum si-
mul in eodem subiecto repugnat, l. 8.
q. 16. n. 3.

Scientiæ habitus & habitus opinionis
circa idem non possunt naturaliter cō-
pati in eodem subiecto, bene tamen
supernaturaliter, ibid. n. 5.

Scientiæ habitus naturaliter est compa-
tibilis cum actu opinionis: habitus ta-
men opinionis non est naturaliter cō-
patibilis cum actu scientiæ: bene
tamen supernaturaliter, ibid. n. 9.

Scientia subalternans & subalternata
explicatur, l. 8. q. 13. n. 2.

Qualiter scientia subalternata dicat, quia
& non propter quid, ibid. n. 5.

Conditiones ad perfectam rationem
scientiæ subalternatæ, ibid. n. 8.

Scientia subalternata in eo, in quo con-
tinuatur cum subalternante habet ra-
tionem & perfectionem scientiæ, l. 8.
q. 14. n. 1.

Non habens scientiam subalternantem,
si per fidem Diuinam accipiat princi-
pia subalternante, hæc in illo veram
habebit rationem scientiæ, ibid. n. 3.

Similiter si principia talis scientiæ sub-
al-

alternatæ accipiat per fidem humanā
peruenientem ad certitudinem mora-
lem, ibid. nu. 4. Non tamen si talia
principia accipiat per fidem humanā
non peruenientem ad certitudinem
moralem, ibid. n. 6.

Scientiarum diuersi certitudinis gradus,
l. 8. q. 6. n. 5. & q. 12. n. 2.

Vnitas generica scientiarum non præci-
se ex obiecto, sed vel ex fine vel ex
modo procedendi desumitur, l. 8. q. 15
num. 3.

Vnitas formalis specifica scientiarum ex
obiecto, vt suo abstractione à materia,
desumitur, l. 1. q. 6. num. 2. & l. 8. q. 15.
num. 4.

Vnitas numerica scientiarum desumitur
à subiecto, l. 8. q. 15. n. 2.

Species subijcibilis desumitur, l. 4. q. 6.

Species prædicabilis definitur, l. 4. q. 7.

Species non vt subijcibilis, sed vt prædi-
cabilis est vniuersalis, l. 4. q. 8. nu. 4.
& 5.

Prius intelligitur in specie ratio subijci-
bilis quàm prædicabilis, ibid. n. 7.

Species omnis subijcibilis est prædicabi-
lis: aliqua tamen est prædicabilis, quæ
non est proprie subijcibilis, ibidem
nu. 10.

Species in vnico indiuiduo conseruatur:
licet

licet non conseruetur genus in vnica specie, l. 4. q. 9.

Sol & Luna vere habent rationem speciei prædicabilis, l. 4. q. 10. n. 1. Et similiter Angeli, ibid. nu. 2. & sequentibus.

Substantia non constituitur per substatum alijs, l. 7. q. 1. n. 6. Nec per solam negationem, ibid. nu. 8. Sed per id quod fit, cui debetur esse per se, ibid. n. 10.

Diuisio substantiæ in primam & secundam virtualiter est duplex, altera subiecti in accidentia realia, & altera subiecti in accidentia rationis, l. 7. quæst. 2. num. 3.

Definitiones primæ & secundæ substantiæ, l. 7. q. 3.

Secundæ substantiæ in diuersa acceptione possunt dici magis & minus substantiæ, quam prima, ibid. n. 10.

In prædicamento substantiæ constituuntur directe omnes substantiæ creatæ completæ: indirecte autem & ad latus substantiæ creatæ incompletæ, l. 7. q. 4. n. 1. & 2.

Proprium est substantiæ non esse in subiecto, l. 7. q. 5. n. 8. Et non habere contrarium, ibid. nu. 13. & non suscipere magis & minus, ibid. n. 15.

Proprium est substantiæ, quod omnes sub-

substantiæ conueniant vniuoce, ibid.
num. 10.

Proprium est substantiæ, quod prima
substantia significet hoc aliquid, ibid.
num. 11.

Proprium quarto modo substantiæ est,
esse susceptium contrariorum, lib. 7.
q. 6.

Substantia corporea antecederet & in-
dependenter à quantitate actuali ha-
beret partes substantialiter entitative
distinctas, l. 7. q. 8. n. 2.

V

Vnitatis formalis quid sit, l. 7. quæst. 4.
nu. 2.

In rebus datur unitas formalis minor uni-
tate numerica, ibid. n. 6.

Unitas formalis & numerica in eodem
supposito realiter identificantur, l. 3.
q. 5. n. 1. Virtualiter tamen distinguun-
tur, & actualiter per intellectum, ibid.
nu. 3.

Unitas formalis multiplicatur realiter ad
multiplicationem unitatis numericæ,
ibid. n. 2.

In quolibet individuo reperientur uni-
tates formales virtualiter inter se di-
stin-

stinctæ, ibidem num. 5.

Non datur à parte rei vnitas formalis communis pluribus positue, aut negatiue, l. 3. q. 6. n. 6. & 10.

Vniuersale definitur, l. 3. q. 3. n. 2.

Vniuersalia dantur in rebus, lib. 3. q. 2. num. 2.

Vniuersalia qualiter sint incorruptibilia, ibid. n. 8.

Implicat dari naturam creatam realiter à singularibus separatam, l. 3. quest. 3. num. 2.

A parte rei & antecedenrer ad operationem intellectus non datur vniuersale formaliter, l. 3. q. 7. n. 2.

Diuisio vniuersalis in vniuersale ante rem in re, & post rem, ibid.

Vniuersale alterum metaphisicum, alterum vniuersale logicum, lib. 3. q. 8. nu. 3.

Vniuersale metaphisicum fit per actionem intellectus agentis, ibid. n. 5.

Vniuersale logicum non fit formaliter, nec fundamentaliter proxime, per actionem intellectus agentis, ibid. num. 7. Sed fit fundamentaliter proxime, & etiam formaliter per actionem comparatiuam intellectus, ibid. n. 11. & 13.

Vniuersale adæquate diuiditur in quinque

que prædicabilia, l. 4 q. 1. n. 4.

Vniuersale est genus inter medium
ad quinque prædicabilia, libro 4.
quæst. 2.

Vniuoca & equiuoca definiuntur & expli-
cantur, l. 6. q. 2.

F I N I S .



